


Georg-Fridericus Haüses
1696.





Eccles.
H.

JOH. HENR. HEIDEGGERI
HISTORIA
PAPATUS.

Novissimo Historiæ Lutheranismi &
Calvinismi fabro *u. d. B. u. o. r.* reposita.

*Qua Ecclesiæ Romanæ, septem Periodis distinctæ, origo &
progressus, ad nostra usque tempora, pertexitur.*

Accedit

FRANCISCI GUICCIARDINI
Patritii Florentini

HISTORIA PAPATUS,
Ex Autographo Florentino restituta.



AMSTELÆDAMI,
Apud HENRICUM WETSTENIUM.

—
c15 15 c LXXXIV.

134.5⁴ A
16/6/91
L

PIO CANDIDOQUE

LECTORI

JO. HENR. HEIDEGGERUS

*Gratiam & Pacem à Domino Jesu Christo,
Ecclesiæ Christianæ Salvatore & Capite unico,
ardenter precatur.*



Eritò equidem ille admirabilis
patientiæ athleta S. Jobus que-
sus est cap. vi i. i. **הלא צנה**
לנפש *Annon militia est vita ho-*
minis ? Militiam certè conti-
nuam Supremus Imperator tum
singulis fidelibus, tum universæ
Ecclesiæ, quam & multi, & sæ-

vi in mundo hostes circumfistunt, indixit; in qua, ut
piè & scitè Tertullianus loquitur, Agonotheta est
DEUS Pater, Epistates Jesus Christus, Xystarches
Spiritus Sanctus. Et ut de singulorum fidelium ago-
nibus nihil dicam, in propatulo, si unquam aliàs, ho-
die sanè sunt certamina & *πνευματικὰ* Ecclesiæ Evan-
gelicæ, quæ in mundo sustinet ab iis, qui soli Eccle-

P R Æ F A T I O

fiæ Catholicæ axiomate, quod non tam pretio, quàm vi auferunt, superbientes, sine fine & modo ei insultant. Hoc illis negotium, hoc otium; hic labor, hæc quies; in his vigilia, in his somnus reponitur, ut eorum omnium, qui Romani Pontificis jugum excusserunt, seque in libertatem dignam iis, qui solum Christum Regem & Dominum agnoscunt, ejusque solius præceptis & oraculis obediunt, asseruerunt, Tros Rutulûsve fuant, *etiamsi*, ita bullæ eorum loqui, seu potius paratragœdiare, imò bullare amant, *Imperiali, Regali, Ducali, Principali authoritate, fastigio præfulgeant*: nomen sub Cœlo aboleatur, funditus eradicetur; adeoque Cœlestia & terrena, spiritualia & temporalia omnia pedibus & libidini hominis unius subjiciantur, ut (sic enim Dictator Gregorius in Dictatibus suis præcipit) *unum sit terris nomen, videlicet Papæ*; reliqui volitent velut umbræ. Testis est tot jam Seculorum, novissimi in primis, quod agimus, experientia. Cui enim non dictus Hylas? Quis ignorat molimina, quis epinicia, lætósque triumphos, quos canunt illi, qui conelamatum ubique de Ecclesia Anti-Pontificia esse, insolenter etiam jactant? qui pleno gutture clamant: *Ubi est Deus eorum, ubi Rupes, in qua sperârunt?* Scilicet ob peccata & ingratitude-
nem, & quia, uti S. Cyprianus Sermone de *Lapsis* causam turbatæ olim à Decio Imperatore pacis Ecclesiæ aperuit, *traditam nobis Divinitus disciplinam pax longa cor-*

A D L E C T O R E M.

ruperat, jacentem fidem, & pæne dixerim, dormientem cœlestis censura erigere conatur. Hinc procul absistente Domino, & faciem suam ad tempus occultante, in insolentia impij ardet afflictus. Impius in altitudine nasi sui nil pensi habet. Instituta ejus cruciatum adferunt, idque omni tempore. Altè sublata sunt è conspectu ejus judicia Domini, in omnes adversarios suos efflat. Dicit in corde suo: Non nutabo, per Secula ero absque incommodo. Os ejus perjurio, dolis & usura scatet: sub lingua ejus afflictio & vanitas. Sedet in atrijs insidians, clam trucidat innocentem, oculi ejus ad inopum turbam intenti sunt. Insidiantur in occulto, quemadmodum leo in lustris insidias struit, ut corripiat adflictum, adflictum inquam corripiat, dum in rete suam pertraxerit. Conteritur, opprimitur, ac cadit viribus ejus miserorum turba: Dixit corde suo: Deus oblitus est, avertit faciem suam, ne unquam videat. Neque certè Papa Clerusque Romanus vero zelo domus Dei, sed utilitatis solius, commodorumque suorum ratione in perniciem nostram agitur, & à Ventre, qui ipsorum Deus est, suetam pristinarum deliciarum copiam efflagitante, stimulatur. Nimirum quia tot Civitatibus, provinciis, regnis, nihil amplius in istam voraginem conferentibus, metus est, ne quandoque res ad Saguntinam famem spectet: quia Papalis Regni provectior ætas tantummodò quæstui, non autem luxuriæ modum fecit: quia denique, uti ille in oratione funebri Periclis, apud Thucydidem libro II. narrata, dixit, λύπη ἔχ' ὦν ἂν τις μὴ

P R Æ F A T I O

πενεραμίδι & *ἀγαθῶν πελοκῆ*· ἀλλ' ἔτι ἐν ἐφ' αὐτῶν γενόμενῳ ἀφαι-
ρεθεῖν, *dolor non ex ablatione boni, sed ex consueti priva-*
tione existit; Hinc illæ lachrymæ: hinc dolor, ira, quæ-
 stus: hinc effrœnatus in Protestantes ille furor, omnia
 sūsque dēque verti malentium, quàm nidorem culinæ
 ex offertoriis Missarum, ignēmque Purgatorii lucu-
 lentissimum extinguī: quàm Annatas, Indulgentias,
 Pallia, Regalias, & id genus alia *τοῦς ἀλφίᾳ*, & ad
 cuticulam profusius curandam pertinentia, sibi suæ-
 que culinæ decedere. Professus id olim est ἀπηνρθειασ-
μένος famosus ille Pontificii furoris satelles, Caspar
 Scioppius, libello ad Clementem VIII. exarato, ubi,
si minùs, inquit, *charitas lex & officii ratio*: ipsa certè U-
 TILITAS, & CURIÆ ROMANÆ EMOLUMENTUM im-
 pellere Romanos ad suscipiendam majorem convertendæ (di-
 cere volebat evertendæ) Germaniæ curam meritò deberet.
 Laudavit idem authorem ἀνώνυμον, id ipsum haud ob-
 scurè significantem his verbis: *Ut agonizantibus vires*
concresecunt: ita Catholici, tot amissis redditibus ecclesiasticis,
interitum cognoscentes, pro aris & focus (plus tamen haud
 dubiè pro focus, quàm pro aris) *evigilandum sibi esse du-*
cunt. Quomodo naturæ quoque consultus Plinius *Hi-*
stor. Natur. lib. VIII. 16. aliique tradidere, Pardum de-
 crepitum & morti vicinum, mitiorem non fieri, sed in
 senecta magis etiam homines appetere: & serpentes
 mox morituri, acrius periculosiusque mordere, ac ob-
 trito capite, postremum cauda minari solent. Hæc in-
 ti-

A D L E C T O R E M.

tima, hæc verissima moliminum Pontificiorum cau-
 sa est. Jam olim, Hieronymo teste, Prætextatus gen-
 tilis, non è fœce homo, sed Romano Prætorio Præ-
 fectus, designatúsque Consul, Episcopi Romani,
Matronarum oblationibus, uti Ammianus Marcellinus
 loquitur, *ditati*, opulentia illectus, dicere solitus est:
Facite me Romanæ urbis Episcopum, & ero protinus Chri-
stianus. Quæ non rabida orexis eum stimulâset, si æta-
 te Reformationi proxima Romanæ Curix splendo-
 rem & potentiam oculis usurpare ipsi integrum fuif-
 set? Sed imminutum per doctrinam Evangelii eum
 splendorem, infractam non parùm potentiam, & ma-
 gis jam fama nonnulla residua, quàm vi stare res suas,
 reputans, omnibus collectis viribus in integrum se re-
 stituere, & pristinx amplitudinis ornamenta recipe-
 re satagit. Hinc diræ illæ non uno in Regno, non una
 in Provincia machinationes, quas modis omnibus pa-
 tres illi, qui in Domini sui commoda jurati, per
 publicam mundi calamitatem clarescunt, juvare &
 provehere non desinunt. Accedunt eorundem pu-
 blica etiam scripta, non tam atramento, quàm san-
 guine exarata, quibus id unum insatiabiliter a-
 gunt, ut prodigiosis mendaciis, tetrìs calumniis,
 insidiosis, sinuosisque, & ad aucupandos efferan-
 dósque adversus opportunos quibuscvis injuriis,
 Dominantium animos, ingeniosissimè confictis
 comparatísque narrationibus, non tantùm San-
 cto-

P R Æ F A T I O

etorum & præclarè de Christiana republica meritorum
 virorum manes pios, famamque nequiter proscissam,
 ludibrio mundi hujus objiciant: sed ipsam etiam do-
 ctrinam, Prophetarum & Apostolorum fundamento
 unicè superstructam, eeu impietatis & ἀγνωσίας τῆ θεῆς,
 turbarumque & perduellionis omnigenæ foetam ma-
 trem, capitaliter laceffitam, odio, invidiæ & execra-
 tionis omnium exponant. Quorum in censu haud sanè
 postremum locum obtinet novissima illa *Lutheranismi*
 & *Calvinismi historia*, non tam recentibus, quàm inve-
 teratis odiis composita ab eo, qui ira studioque per-
 citus, afflictis afflictionem addere, & Ægyptiaci exa-
 ctoris instar populo Dei lateres duplicare, in votis fla-
 grantissimis habuit. Ex eo enim ordine, eaque secta
 facerimorum hominum oriundus est, qui Seculorum
 aliquot veteranos, turpissimos, perniciosissimos erro-
 res incrustare palliaréque: omnia Papæ (sit venia ver-
 bo) stercora, tum per se graviter olentia, tum verò hoc
 tempore, quo doctis ab hominibus crebrò commoven-
 tur, multò magis foetentia, orationis amaricino condi-
 ta, pro aromatibus orbi Christiano venditare ita sue-
 verunt, ut nihil tam crassum, tam putidum, tam im-
 purum, insulsum, impium in illa superstitionis Ponti-
 ficæ πανωρεμία deprehendatur, quod illi gravi seriò-
 que vultu, licet oblatrante intus conscientia, non asse-
 verent. Et quamvis absurditatum suarum οφθαλμοδείκ-
 τος arguantur: citius tamen sua lusciniolæ cantio,
 quam

A D L E C T O R E M.

quàm iis contortulæ captiones & sophismata defuerint, quæ reponant: ita ut, etiam cùm iis maximè satisfiat, nunquam tamen satisfiat: & quàm σοφιστής Sophista sit, in his maximè appareat. Nôrunt quippe callidissimi omnium, secundum decantatum celeberrimi Cardinalis apophtegma, *Mendacii vim in pertendendo consistere*. Quod genus hominum perfrictorum præfractorumque scitè Julius Cæsar Scaliger trimibus ἐτερηρέμοις, remos ab uno tantùm latere habentibus comparat, utpote quæ semper in seipsas in gyrum recurrunt. Et hac quidem versipelli Sophistica duo illi, Pontificio Regno aprimè utilia consequuntur, vel certè spectant. Primò enim homines suos, istis non vanitatibus, sed fatalibus stuporibus oppressos in Papæ obsequio retinent: tantòque id facilius, quò magis adversarios suos gravissimis mendaciis apud eos infamant, probè etiam probeque ut hæreant calumniæ, caventes, ne nostrorum scripta, soporis venterum excussura, in ipsorum manus veniant; gnari utique certique, id si contingeret, fore, ut non tantùm curato superstitionis morbo ad se decepti redirent, & sese pudendis fraudibus, quibus irretiti tenentur, feliciter exsolverent: sed eorum etiam, qui fraudem ita faciunt, æruscationes omnes intervertantur; adeoque ἀεὶ ἀνομήνους illa Arx Babylonica, jam ante ad lapsum prona, penitus

Subruta succensis mox corruat ima tigillis.

* *

Tum

P R Æ F A T I O

Tum etiam apud hæreticos, quos ἀρεινικάτατοι sic vocare solent, hoc proficiunt, ut contentionum ferram istam reciprocando, in hanc eosdem curam converfos, minùs cautos attentòsque ad improbas molitiones & technas, quibus libertatem & capita nostra interim licitantur, petúntque, efficiant; haud dissimiles vel calidis gladiatoribus, ictum alia parte qui minantur, alia inferunt: vel astutis πολυπόροις, qui alibi speciem expugnationis faciunt, alibi seriò expugnant. Has similésque verè Sinonias artes quemadmodum exeruerit famosus ille *Historiæ Lutheranismi & Calvinismi* faber (à Societate illa Ignatianorum seriò jam, an per ludum exauthoratus sit, parùm nostra scire refert. jam pridem enim est, quòd histrioniam in mundo homines isti scitè exercent) in propatulo est. Etenim præcipuè id curæ habuit, ut putidissima de Luthero, Zwinglio, Calvino, Beza mendacia, à Cochleis, Bolsecis, Suriis, Santesiis, Petrasanctis, similibúque nugarum, fabularum, calumniarum hamaxariis prodita, totiesque à viris cordatis, quin ipsis etiam, quorum jugulum illi appetierunt, superstitibus adhuc solidè discussa, atque in aprico ita posita, ut pellucerent magis quàm solis radii, cùm sudum est; ex orco revocaret, & iis fidem si non faceret, at certè, quod ingenui hominis fuerat, non demeret etiam. Suà enim, & malæ, quam tuebatur, causæ interesse putavit, ut mendacia ista, sive probata, sive non improbata saltem, in medio cubarent, quæ

AD LECTOREM.

quæ ita subdolè propinata ab iis, quibus malivolentia & odio inde à prima face juventæ adversus nos imbutis suffusisque, hominum talium dicta oraculorum vice funguntur, cupidissimè haustum iri non dubitavit. Ne dicam infamiam, qua aspergere viros illos conatur ille τὸ ἅγιον καλῶς, redundare in Papatum ipsum, cùm non Euangelium sed Papatum adhuc professi criminibus illis arcessantur. Neque magis Ecclesiis nostris, si tales poenitentes gremio sinubusque suis recepissent, verti vitio posset, quàm olim versum vitio fuit Ecclesiæ, cùm S. Cyprianum ante conversionem magicis artibus deditum; & S. Augustinum Manichæismi & illiciti concubitus impietate, priusquam in Christi castra transivisset, alligatum, utrumque non tantùm in cœtum suum cooptavit, sed Episcopum etiam constituit. Scilicet *hominis Dei facta non debent aliunde numerari, nisi ex quo Deo natus est*, uti scitè Pontius in vita Cypriani dixit. Solentque quibus multum remissum est, vicissim amare multum. Tum doctrinam Ecclesiarum nostrarum ex Lutheri, Zwinglii, Calvinii, aliorum (in quorum verba non ita juravimus, ut illi solent in Romani sui Pythagoræ ἀνὴρ ἁγῶς) verbis dictisque nonnullis, maligna interpretatione depravatis, & consequentiarum tortuosarum equuleo impositis, ejusmodi fingit, ut similis nequitiae vel ipsum illum, qui ab initio mendax & latro fuit, pudere debuerit. Præterea, quantas turbas, tumultus, contentiones se-

P R Æ F A T I O

cum nostræ doctrinæ prædicatio traxerit, ita invidiose commemorat, ut præstigiis suis sophismatis perfidiæ, perduellionisque matrem non obscure eam traducat. Quasi scilicet non hic sit Divini verbi quasi genius, ut nunquam emergat quieto ac dormiente Sathana; neque nisi illo ringente, turbante, Cœlum terræ miscente, fideles persequente, opprimente; & conscientiarum libertatem ubique terribiliter oppugnante, denique periclitante libertate omni, conscientia, fortunis & vita, ad acre telum, extremam necessitatem, quæ piam honestamque reddit quamlibet expediendæ salutis rationem, compellente, emergat: vel Christus etiam ipse non sit lapis offensionis & petra scandali, positus in ruinam & resurrectionem multorum, & in signum, cui contradiceretur. Scilicet illi regnorum inversionem, Regum oppressionem meditabantur, quorum nulla unquam vox factiosa audita est, & vita semper quieta simplèxque apparuit: qui imbelles, quieti, placido ingenio, opportuni injuriæ, metuentes magis quàm metuendi: qui non cœdibus aliorum, sed martyriis continuis fidei suæ *ισχυς* confessorum adoleverunt creveruntque: qui, ceu oves mactationi destinatæ, tot horribiles Cyclopicasque lanienas subiverunt: qui legitimos Principes, & successionum jura, adversus impias infidiorum machinationes toties strenuè defensitarunt: qui denique quandoque fontica necessi-

ta-

tate adacti libertatem, jura, privilegia, fortunas omnes, conjuges, liberos, sanguinem non adversus Principes, sed adversus Principum seductores, hominésque nefarios, qui religionis prætextu & via ad dominationem iter gradúmque struxerunt; vim injustam justa vi repulerunt! Illos verò criminum talium reos agere proclivius longè fuisset, qui pridem Secularibus negotiis, homines de templo vel Schola, sese ingesserunt: qui Principum & Rerum publicarum arcana scrutati, prodiderunt exteris: qui ipsum humanæ societatis vinculum, quod in data fide, & pactorum observantia consistit, pervertere toties conati sunt: qui Clementibus, qui Catisbeis, qui Castellis, qui Ravaillacis, qui sicariis aliis ad parricidia muniverunt iter: qui Regnorum excidia machinati sunt: qui variis technis sanguinem ac vitam nostram, & vel ipsa vita chariorem libertatem, assiduis studiis, & vineis, quod ajunt, pluteis admotis, impetierunt! Jam & Atheismi foedissima labe cum aspergere sanctissimam doctrinam nostram, quæ ad Deum verum Israelis in uno Jesu Christo propitium, recto tramite, & procul facessere jussis humanarum inventionum & ratiocinationum aviis præcipitiisque, ducit; ausus est homo, furenti quàm scribenti similior, quis non extremam intemperiem profligatissimæ mentis palpat? Quis homini tam protervè crassèque mentienti in cæteris, si qua verè etiam prolocutus esset, si-

P R Æ F A T I O

dem adhibere tutò potest? Viderit autem ἄδουρον illud
 ἄμα, quò domestica de Vicariatu Romani Pontificis,
 qui plerunque & notitia rerum Divinarum, & solida
 virtute vacuus, Guicciardino δεικνύοντι teste, tum bonus cen-
 setur, cùm bonitas ejus aliorum hominum malitiam non supe-
 rat, doctrina aurigetur. An induci quis poterit, ut
 bona fide credat, verum Deum esse, qui ejusmodi in
 rebus ad salutem animæ æternam pertinentibus, vica-
 rium in mundo constituit? Annon potius vel sola ea
 doctrina, in qua totius Papatus cardo vertitur (de cæ-
 teris nihil dicam) decumanam ad quamvis impietatem
 portam aperire idonea est? Neque forte altiores us-
 piam radices Atheismus agit, quàm apud eos, qui per-
 suasione tali dementati creduntur. Ne verò, ut tale
 quid asseram, partium studio me provehi accusator
 ille clamitet, audiat domesticos testes, qui ante Re-
 formationis tempora scriptis publicis inclaruerunt.
 Alvarus Pelagius Johannis XXII. Pœnitentiarius, de
 Planctu Ecclesiæ, lib. II. art. 2. fol. 104. sic jam olim
 scripsit: *Plangit Ecclesia peccata populi, maxime C L E-
 R I C O R U M quasi majora peccata Sodomorum. Vide-
 mus enim, quòd fides & justitia terram reliquerunt. Sacra
 pagina, sacrique Canones P R O F A B U L I S habentur.*
 Franciscus Petrarcha Epistolarum sine titulo XVI.
 de Curia Papali, qualis tum Avinione erat, sic loqui-
 tur: *In Regno avaritiæ nihil damno adscribitur, modò pe-
 cunia salva sit. Futuræ ibi vitæ spes, I N A N I S quæ-*
 dam

A D L E C T O R E M.

dam FABULA, & quæ de inferis narrantur, FABULOSA omnia, & resurrectio carnis, & mundi finis, & Christus ad judicium venturus, inter nœnias habentur. Ad compendium alia pono, quæ historia Papatus hinc inde propalat. Neque forte deerunt alii, qui periti linguæ, qua author sublestæ fidei historiam suam contexuit, prement propediem opprimētque καὶ πῶδα vestigia fraudis, & inglorium fœtum isthunc penitus conterent. Mihi verò insignitè audax facinus visum est, hominis consumpto pudore omni Lutheranismi & Calvinismi probrosam narrationem molientis, & sordidissima ulcera, quibus totum Ecclesiæ, in qua versatur, corpus pridem correptum, lethalem morbum contraxit, stolidè supinèque negligentis. Occurrit haud immeritò Horatianum illud:

Mevius absentem Nevium cùm roderet; Heus tu!

Quidam ait, ignoras te? an ut ignotum dare nobis

Verba putas?

Jure ille Luthero- & Calvino-Mastix, cum Mævio sibi ac suis ignoscens, audiat, quæ in Mævium ibidem sic Poëta lusit:

Stultus & improbus hic amor est, dignusque notari,

Cùm tua pervideas oculis mala lippus inunctis,

Cur in amicorum vitiis tam cernis acutum,

Quàm aut aquila, aut serpens Epidaurius?

Sicut igitur ille Lutheranismum & Calvinismum improbo calamo perstrinxit: sic impedire non potest, quin

P R Æ F A T I O

quin & illi, quos Lutheranismi & Calvinismi nominibus & convitiis, velut stigmatibus quibusdam inurere, pipulóque differre conatus est, de censoris Mæviani sententia, in Papatus, quem per alieni nominis ruinam ædificare nequicquam ille sustinuit, vitia, non fictitia illa, sed verissima testatissimáque inquirant, adeóque *Historiam Papatus* velut *Ἱστορίαν* eidem, nec sine commentariorum quadam mantissa, reponant. Sicut porro elinguis ille Cræsi filius Atys, patris periculo perculsus, in vocem erupit: ita infacundus ego, Ecclesiæ; cujus salus imis æquè ac summis, doctis indoctisque curæ esse debet. Contigitque provido Numine, ut in conscribenda, & ex authoribus idoneis, qui copiosissimè argumentum isthoc prosecuti sunt, in usum meum privatum (non aliud planè institutum fuit) contrahenda Ecclesiæ Romanæ historia occuparer eo ipso tempore, quo adversarius ille gloriosi militis fœtus lucem aspexit. Jam enim ad sextam usque periodum historiam illam ex integris voluminibus à viris doctissimis, Platina, Onuphrio Panvinio, Baronio, Genebrardo, Mornæo imprimis Plessiaco, Bullingero, Usserio Armachano, Salmasio, Blondello, Hottin-gero, Spanhemio, Hornio, Reifero, aliisque contextis, breviatam produxeram; in qua sic Authorum subinde verbis totidem (ultro enim id profiteri, non sine gratitudinis testificatione publica, haud erubesco, in-

A D L E C T O R E M

inprimis cùm destinatio mihi non alia primùm fuerit, quàm in privum usum collecta in scriniis meis recon-
dere) inhæsi, & brevitati etiam studui, ut idonea tamen testimonia eorum, quorum authoritatem ipsi-
met adversarii jure defugere non queant, neutiquam omiserim; quædam scitu non indigna iis, quæ ab aliis edita sunt, hinc inde addiderim; & rebus gestis, quoad summam rei, pœne nihil subdûxerim. Sexta pe-
riodus Reformationis historiam complexa, nisi ab aliis luculentissimè tradita jam esset, ampliorem tra-
ctationem merebatur utique. Nunc satis habui sum-
ma rerum capita, & Pontificum, à quibus omnis in Ecclesiam corruptio solis defluxit, tergiversantium
haud secus, quàm ursus palo alligandus solet, con-
trarias artes & studia, comparatis subinde nuperi e-
tiam Cardinalis Pallavicini vel prætextibus frivolis,
vel tacitis etiam confessionibus, in medio statuere.
Septimam verò ultimamque, à fine Concilii Triden-
tini ad nostra usque tempora excurrentem periodum,
quæ præ cæteris ob Pontificum adversus Ecclesiam
insignes technas & violenta molimina (vis enim, an
dulus, quis in hoste requirat?) iisque oppositam be-
nignissimi Numinis Ecclesiam tot insidiis appetitam
clementissimè protegentis vigilantiam, aliâque cogni-
tu dignissima est, quàmque dedita opera, quod sciam,
nemo hætenus tradidit, paulò fusiùs accuratiùsque e-
differendam putavi. Ipsa periodorum Romanæ Eccle-

P R Æ F A T I O

fiæ distinctio non tam affectata quàm nativa, utpote rebus gestis insita prorsusque accommodata, lucem nonnullam historiæ, & instituto etiam nostro (nam historiam Papatus processu tractationis cum Prophetia de Babylone magna ita comparare constituimus, ut discussis falsis de Babylone interpretationibus, certissimis argumentis, & rerum ipsarum notionibus apertæ veritati daturi simus, Prophetia de Babylone magna non alium cœtum, quàm Hierarchicum Ecclesiæ Romanæ Divinitus proclamatum esse) uti planè confido, fœnerabitur. Habebunt^{ur} sic Epitomen succinctam, qui Ecclesiæ Romanæ historiam cœtera vastissimam compendiosa lectione cognoscere properant. in qua si quid liberiùs dixi, verè tamen, & postulante re ipsa, ac instituto suscepto, dixi, atque insuper ipsa nominis mei involutus obscuritate latitabo lubens; paratus de cœtero rationem dictorum expetentibus, vel provocantibus etiam promptissimè reddere. Neque tamen is ego cuiquam videri velim,

Pellem rodere qui velit caninam;

& cum maledicis maledictis convitiis^{que} certare. Nam

Indignis si maledicatur, maledictum esse dico:

Verum si dignis dicitur, benedictum est, meo quidem animo.

Longèque de sententia Ciceronis, aliud est maledicere, aliud accusare. *Maledictio nihil habet propositi præter*

A D L E C T O R E M.

contumeliam : *Accusatio* verò *crimen* desiderat , *rem* ut *definiat* , *hominem* ut *notet* , *argumento* *probet* , *teste* *confirmet*. Liquebit autem ex historia Papatus sic à me concinnata (summam enim ejus paucis constringere etiam heic juvabit) primos Ecclesiæ Romanæ Episcopos , viros sanctissimos , à quibus Papa magnitudinis suæ primordia ac jura deducit , non modò potentia civili & mundana penitus nudatos ; verùm etiam ab eadem miserè divexatos , diu obscuros , ac ferè ignotos fuisse ; neque alia re magis ipsorum nomen , quàm cruciatibus & suppliciis perferendis , quæ unâ cum iis , qui eos sequebantur , admirabili pietatis zelo sustinuerunt , innotuisse. Hac illi purpura , hoc ostro solo fulgebant. Unus illis sanguis suus , coccus ; una crux , gloria fuit. Cùm deinde discussis præteritorum malorum nebulis , post trium Seculorum decursum Constantini M. & sequentium Imperatorum benignitate , velut liquidiore Cœlo , è latibulis , cryptis ac specubus , in quibus persecutionum tempore delituerunt , evocati , liberè cultum Divinum exercerent , & palam ritus Christianos profiterentur ; factum est , ut partim vitæ morumque admiratione ; partim præceptorum , quæ Christiana religione continentur , sanctitate , nomen Christianum omnibus locis mirificè propagaretur : illa verò Ministrorum Christi beata paupertas imminueretur , religiosi Principibus , aliisque certatim omni genere beneficiorum eos pro-

P R Æ F A T I O

mereri conantibus, tum ut pietatem suam testatam facerent: tum etiam, ut glisceret dignatio Sacerdotum, atque ipsis promptior animus ad capeffandas ceremonias foret. Bono id quidem animo, nec infelici successu, quoad intra fines hæc liberalitas stetit. Postquam verò magnorum Principum munera modum excefferunt, & humana aviditas dulcissimo terrenarum rerum gustu laceffita fuit, statim filia (divitiarum) matrem (pietatem) devoravit, & ritus sacrorum inter ambigua culti, per prospera paulatim oblitterati sunt. Secundæ scilicet res sapientum sanctorumque virorum animos fatigant, & acrioribus, quàm adversæ stimulis explorant; quia miseriæ tolerantur, felicitate corrumpimur. Ubi divitiarum cupido invasit, neque disciplina, neque bonæ artes, neque religio satis pollent. Exemplo igitur Gallinæ *Æsopicae*, dum est strigosa & malè habita, singulis diebus singula parientis ova, saginata verò post, parere desinentis, qui labores, pericula, dubias atque asperas res, ipsaque martyria quondam facilè toleraverant, iis otium, divitiæ optandæ aliis, oneri miseriæque fuerunt. Quid enim miserius aut dolendum magis esse queat, quàm sacram disciplinam, sanamque religionem, quæ adhuc paupertate magistra steterat, opibus oppressam adeò foedè labascere: Sacerdotum integritatem in nequitiam, humilitatem in fastum, cœlestem gloriam in mundi pompam converti? Atqui res ipsa

loquitur, & sacerdotalis dignitatis splendor, supra fa-
 sces etiam Imperiales Regiõesque elatus; sensim id qui-
 dem, ac placidis mollibúsque principiis, ut non secus
 ac ille Europæ amator, orbem è littore in altissimum
 pelagus nihil sentientem homines callidissimi deduce-
 rent. Facilius enim dignitas crescit quàm incipit. Pe-
 cunia quoque circa paupertatem plurimam moram
 habet, dum ex illa ereptat: Ubi verò inconsulta illa
 Principum liberalitate ereptavit, tum, uti mos est ho-
 minum, parvula initia pertinaci studio persequentium,
 clericalem illam ambitionem magnis auctibus progref-
 sam cernere fuit, quæ contenta esse eo, quod obtu-
 lerat occasio, non potuit. quippe sordent prima, cùm
 majora quæque sperantur. Omnibus igitur expedi-
 tius videbatur augere regnum (verè *regnum* cum Bel-
 larmino in Recognitionum libello, *Pascere oves* sit *Re-
 gio more imperare*) quàm fuisset accipere. Hinc non so-
 lùm in spiritualibus *Universalis Episcopi* titulum (etsi
 S. Petrum, cujus nomen dicis causa, per ludibrium
 tantùm obtenditur, *συμπεροβύτηρον* potius, quàm *Αρχι-
 ποιμένα* fuisse constet) post multas contentiones, non
 Deo, non Christo, non Principe pio, sed hoc a par-
 ricida indulgente, tandem Bonifacius III. obtinuit,
 eodem ferè tempore in Occidente cristas attollens,
 quo Muhammed in Oriente magnitudinem suam eri-
 gere cœpit: verùm etiam, spiritualis potestatis religio-
 nem universam paulatim corrumpentis abolentisque,

P R Æ F A T I O

Divina & humana polluentis, contra jus & fas omne
ita usurpatæ beneficio, longiùs longiùsque progrediens, miris artibus, anfractibus, cuniculis, Gregorio VII. Hildebrando, Furia illa humani generis, efficacissimè ambiente, ac demum Bonifacio VIII. plenissimè rerum potente, factus est

Rex Anius, Rex idem hominum, Phæbique sacerdos;
in illud scilicet terrenæ quoque potentix, adeoque
παρβασιλείας culmen evectus, ex quo postea non Celerum duntaxat plebémque universam, sed Imperatores, Reges, Principes, longè infra se positos ὄφευς ἔχων
χιλιοτάλας, ἀνακυλωστάς, supercilia habens mille talentorum pondere, sursum replicata, uti Alexis apud Athenæum *Dipnos* V I. 8. loquitur, intolerabili superbia despexit depressitque. Nam ille quondam sub foliorum ictu positus, quibuscunque Principibus obsequens, Servorum Servus, nunc suæ felicitatis auctores dedignatus, triplicem illam gemmis auróque coronam, è fragmentis alienorum diadematum conflata, quam è re ipsa REGNUM nuncupatam, (uti quidem Sigebertus, & Marcellus ipse *lib. I. Sac. Cere. Sect. 2. cap. quod*, testis est) quin & MYSTERII titulo, Brocardo memorante, olim inscriptam (ne dubium sit, quo referendus sit titulus Babylonis magnæ) suo aptavit capiti, ut Regum Regem, imò Monarchomachum agnoscere liquidò queas. Ad hæc summos quosque Principes, obsequio olim tyrannis af-

fe-

A D L E C T O R E M.

fectato, cernuos, fulguritos, adorabundos ad oscula pedum admovet: hos sibi lecticarios, hos stratores admittit: requirit, ut si sella gestari cupiat, abjectis suæ dignitatis insignibus, ipsi succollent: equum conscensuro descensuróve strepam teneant: equo impositum, aliquot passus fræno ducant. Cæsarem designatum, imò creatum, coronam Imperii submissè à se petere jubet, auri massa, in signum tributi, ad pedes suos projecta. In omnibus actibus seu Ecclesiasticis, seu civilibus etiam, eminentiori gradu collocatur, & definita quidem altitudine, sic ut Imperatoris locus non altior sit, quàm ubi Pontifex tenet pedes: Cathedra etiam minùs alta, & scabellum parvum. Præterea lavandis manibus aquam Papæ præbet Cæsar, primum ferculum apponit, in officio Missæ caudam ejus trahit, in collatione mantile ei offert: ac omnibus item aliis in rebus, ultra servilem modum, fasces suos Pontificiæ dignitati submittere cogitur. Indigniora etiam his Papæ ἀλαζονεία produci possent, ex quo Cœlestia & terrena, spiritualia & temporalia omnia pedibus suis subiecta calcavit, & unicus ille mundi universi Dominus, unicus, ut ipsi appellant, VICE-DEUS, unus Imperator, unus Rex, unus verè Princeps:

——— *qui res hominúmq; Deúmque*

Æternis regit imperiis, & fulmine terret;
cui fas sit de cœterorum omnium Regum & Principum imperiis ac vita pro libidine sua statuere, audiit.

En

P R Æ F A T I O

En in quantum superciliosæ potestatis fastigium ex humili adeò in mundo sorte partim seipsum Pontifex extulerit: partim etiam cùm præpostera majorum nostrorum pietate, tanquam Lupereo Antonio, diadema omnium gentium ipsi tradente; tum etiam assentatorum suorum, quâ juris Canonici Interpretum, quâ Theologorum vocibus, ex more adulandi, nimis & falsis, evectus fuerit! Tametsi verò invictò & planè Divino Heroum superioris Seculi zelo gravem admodum potentiæ hujus malis artibus quæsitæ, & pejoribus exercitæ, cladem passus est; utcunque tamen per Tridentini Conciliabuli anathematismos obfirmatus, vires animosque denuo sumpsit. & eo tempore adversus eos, qui Majestatem ejus dedignantur, continua fraude & aperta vi horribiliter decertat, nequicquam ad pristinæ potentiæ robur omnibus viribus suis contendens. Quippe limites ei fixit irrefragabiles *Æterna Dei potentia & providentia*, quæ non patietur iniquitatis isthoc sceptrum perpetuò Sorti Sanctorum dominari. Quin destruet definito tempore Deus eos, qui terram ipsi destruxerunt, horribilemque adeò confusionem & ἀταξίαν in mundum invexerunt. *At qui fidunt Domino, ut mons Sion non movebuntur, sed permanebunt in æternum. Quemadmodum circa Jerusalem sunt montes: ita DOMINUS circa suum populum ab hoc tempore in æternum. Non enim permanebit impietatis sceptrum in sorte justorum, ne justî manus suas ad-*

AD LECTOREM.

moliantur iniquitati. Benefaciet Dominus bonis, & iis, qui sunt proba mente. Qui verò defleunt ad suas pravitates, eos ducet DOMINUS damnatos cum facinorosis; Pax verò erit super Israele. Hæc votorum meorum summa; hæc prora puppisque est libri mei, qui Papatus demonstrando lethali & Epidemio morbo, retundendoque virulento & verè Lojolitici Genii ingeniique scripto hominis, qui æstu torrentis animi raptus, exercitui viventis Dei maledixit; agnituri deinceps, & nostra tela cuspidem habere acuminatam, atque si machæram ipse habet, & nobis urbinam esse domi: destinatus, professione pietatis in Ecclesiam aut laudatus erit (quanquam hoc supra voti mei modestiam est) aut excusatus. Ita servet Te DEUS, pie & benevole Lector: servet Ecclesiam suam in mundi hujus impetuoso pelago miserè adeò jactatam, & ad exoptatum tranquillitatis portum feliciter denique perducatur! Perscriptum בארץ העבי prid. Kal. Augusti Anno Christiano M. D. C. LXXXII.

PE.

P E R I O D O R U M E C C L E S I Æ R O M A N Æ S E P T E M E L E N C H U S.

- I. **H**istoria Ecclesiæ Romanæ in doctrina & regimine purioris. Inde ab initio Ecclesiæ illius, ad tempus Constantini M. seu A. C. CCC. XIV. usque.
- II. Ejusdem doctrinam puriorem, quoad præcipua, retinentis, at in regimine dominationem affectantis. Inde à Constantino M. seu A. C. CCC. XIV. ad Phocam & Bonifacium III. seu A. C. D. CVII. usque.
- III. Ejusdem dominationem in Spiritualibus, indultu Phocæ adipiscentis, & in doctrina ritibusque degenerantis. A Bonifacio III. seu A. C. D. CVII. ad Gregorium VII. seu A. C. M. LXXIII. usque.
- IV. Ejusdem dominationem etiam in temporalibus affectantis & in doctrina ritibusque in pejus in dies vergentis A Gregorio VII. seu A. C. M. LXXIII. ad Bonifacium VIII. seu A. C. M. CC. XCIV. usque.
- V. Ejusdem dominationem in temporalibus etiam adeoque Cæsareo-Papatum adipiscentis, & eundem, profligata doctrina puriori omni, flagitiosè exercentis. A Bonifacio VIII. seu A. C. M. CC. XCIV. ad Leonem X. seu A. C. M. D. XVII. usque.
- VI. Eius-

VI. *Ejusdem per Reformationem, seu separationem fidelium, suæ in spiritualibus & temporalibus dominationis cladem gravissimam patientis. A Leone X. seu A. C. M. D. XVII. ad Concilii Tridentini finem, seu A. C. M. D. LXIII. usque.*

VII. *Ejusdem per decreta falsæ fidei, & anathematis in Tridentinis in errore obfirmatæ, & cum vera Christi Ecclesia fraude & vi continuè decertantis. A tempore finiti Concilii Tridentini, seu A. C. M. D. LXIII. ad nostra usque tempora.*

JOANNES HENRICUS HEIDEGGERUS

Anagr:

NICANDER è HOHENEGG VIR SS. JESU.

EPIGRAMMA.

P Apicolas vincit, debellat, profligat, ecce,
 Nicander, celsa stirpe locoque satus;
Vir Salvatoris JESU Sanctique Sacrique,
 Et DOMINI Servus fidus & eximius.
Nicander sine fine vire, Christi que fideles
 Defende, & JESU *Vir* famulusque mane.

F. S. B.

ECCLESIÆ ROMANÆ PERIODUS PRIMA.

feu

Historia Ecclesiæ Romanæ in Doctrina &
Regimine purioris,


Inde ab initio Ecclesiæ illius ad tempus Constantini
M. feu A. C. cccxiv. usque.

BREVIARIUM.

- I. *Origo Ecclesiæ Romanæ variè disceptata est.*
- II. *Circa eam certa ac explorata ab incertis, dubiis, suspectis & falsis distinguuntur.*
- III. *Historia ejus septem periodis divisa.*
- IV. *Ejus ab Apostolis fundatæ celebritas. Elogia eidem à S. Patribus tributa.*
- V. *Primorum Ecclesiæ Romanæ Antistitum gloria fuit humilitas.*
- VI. *Virgo Ecclesia paulatim degeneravit.*
- VII. *Apostolorum tempore nondum impune grassari hæreticis licuit.*
- VIII. *Ecclesia Romana prima præ cæteris ab hæresi immunis fuit.*
- IX. *Cypriani & Hieronymi elogia, quibus ejus sinceritatem commendant, ad ejus perpetuitatem perperam trahuntur.*

- IX. *Epistolæ Decretales primis Ecclesiæ Romanæ Episcopis nonnulla simplicitati eorum parum convenientia tribuunt.*
- X. *Earum γυναικῶν oppugnata.*
- XI. *Ecclesiæ Romanæ regimen paulatim deflexit.*
- XII. *Episcopi & Presbyteri identitas ex Hieronymo asserta. Alexandrinæ Ecclesiæ, Presbyterorum præsidem eligentis mos ad alias Ecclesias, non malo primum consilio, transiit.*
- XIII. *Id successu temporis Romæ inprimis Episcoporum ambitionem aluit. Vnde Ecclesiæ Romanæ typhus cæteris maturè displicuit.*
- XIV. *Victor Romanus Episcopus adversus Ecclesias Asiaticas sese effert.*
- XV. *Stephani jus appellationis ad Ecclesiam Romanam ambientis, & Africanas ac Orientales Ecclesias communione arcantis conatus à Cypriano & Orientalibus repressus.*

Origo Ecclesiæ Romanæ variè disceptata est.

I. cclesiæ Romanæ origo variis contententium studiis disceptata hætenus est. A S. Petro Apostolo præsentē, & annos viginti quinque ejus gubernacula tenente, fundatam esse, non defunt, qui mordicus pertendant. Adjungunt alii S. Petro Achatem fidum, S. Paulum, & ab utroque Ecclesiam fundatam, ab utroque, seu uno, seu duobus capitibus Pontificibusque, gubernatam asserunt. Quorum causam non ita pridem dedita opera doctiss. Arnaudus Sorbonista; & plurium etiam S. Patrum testimoniis fretus Baptista Casalius libro *de sacris veterum Christianorum ritibus* Romæ impresso; denique formosus ille Græco-Romanus Leo Allatius libro *de Consensu Orientalis & Occidentalis Ecclesiæ*, egerunt. Extant etiam Bullæ ipsorummet Romanorum Pontificum, in quibus imagines Apostoli utriusque, & quidem S. Pauli dextram occupantis, expressas cernere est. Non defunt tamen Viri doctissimi, quorum nonnulli, velut Bapt. Mantua-

tuanus, Michaël Cæsenas, Marfilius Patavinus, Johan. Aventinus, Carolus Molinæus, in ipsius etiam Ecclesiæ Romanæ visceribus hæserunt, qui S. Petrum Romam vidisse unquam, nedum ejus Ecclesiæ fundatorem, & viginti quinque annos integros Pontificem egisse, vel ambigant multum, vel apertè, productis etiam in medium rationum haud contemnendarum castris, inficientur.

II. Licet verò, ut ambiguæ litis hujus fata dirimamus, haud ferat instituti præsentis ratio, operæ tamen pretium facturi videmur, si paucis certa & explorata ab incertis, dubiis, suspectis & falsis distinxerimus. Illud igitur *certainum* exploratumque est, S. Paulum, gentium Apostolum, non tantum de Romanorum conversione fuisse quàm maxime sollicitum atque id egisse, ut Romam videret, Act. XIX. 21. Rom. I. 9. 10. 11. &c. quin & *secundum Evangelium suum*, ab illis, quos Romam misit, ejus ceu ministri Christi nomine prædicatum, eos primum Christo lucrifecisse. Rom. xv. 1. 25. Deo odorem cognitionis suæ per ipsum spargente *ὡς παρὰ τὸ πᾶν in omni loco*, 2 Cor. II. 14. Certum quoque exploratumque est maturè satis Romæ Evangelium prædicatum, pluresque ad illud conversos esse. Omitto equidem definire, an, quod Claudius jussit Judæos Roma faceßere, Act. xviii. 2. *tumultuantes impulsore Chresto*, uti in ejus vita Suetonius narrat, ad Christianam Religionem pertineat. Neque etiam certò liquere puto, Andronicum & Juniam, quos *ante se in Christo* fuisse Paulus Rom. xv. 1. 7. affirmat, persecutione, quam Saul movebat, dispersos statim Romam, uti nonnulli conjectant, abiisse, aut ibi prædicasse. Illud verò extra dubitationis aleam positum est, sub Nerone ingentem multitudinem Christianorum Romæ fuisse. De quo sic Tacitus A. xv. 44. 4. &c. loquitur: *Ergo abolendo rumori* (incensæ à se urbis) *Nero subdidit reos, & quesitissimis pænis affectit, quos vulgus* *Christi*

*Christianos appellabat. Auctor nominis ejus Christus, &c. Repressaque in præsens exitiabilis superstitio rursus erumpebat, non modo per Judæam, originem ejus mali, sed per urbem etiam, quò cuncta undique atrocita aut pudenda confluunt, celebranturque. Egitur primò correpti, qui fatebantur, deinde indicio eorum MVL-TITVDO INGENS, haud perinde crimine incendii, quàm odio humani generis convicti sunt. Certum non minus est, ipsam Romam tandem eum vidisse, ibi in libera custodia Regnum Dei prædicasse, & Dominum Jesum Christum concernentia cum omni libertate ἀκολούτως procul impedimento omni docuisse, Act. xxviii. 30, 31. denique Romæ intrepidum pro Christo martyrium subiisse, 2 Tim. iv. 16. 17. 18. Tum & illud æquè certum est, S. Scripturarum testimoniis, quod Petrus vel Romæ fuerit unquam, vel Pontificem ibi erecta cathedra egerit, probari vel evinci neutiquam posse. Ejus enim historiæ ne apicem quidem uspiam reperire est. Ut rei tanti momenti, à qua Ecclesiæ militantis salutem nonnulli suspendunt, si vera omnino est, nullam vel à Luca historiæ Apostolorum scriptore divino, & solertissimo, qui alia minora longè accuratè per-textere non omisit: vel ab aliis etiam scriptoribus sacris, & iis quidem locis, quæ rei gravissimæ narrationem flagitasse quodammodo videretur, mentionem factam esse, admiratio ingens incessere omnes debeat. An igitur Petrus unquam Romam viderit, inter ἀμφισβητοίμα dubia meritò reponimus. Tametsi enim, teste Eusebio *Hist. Eccles.* II. 15. primus Papias tradiderit, Petrum, Claudio imperante, Romam venisse, ibi Simonem Magum confecisse, Evangelium Marci confirmasse, & Epistolam suam priorem scripsisse; atque traditioni illi procedente tempore fidem habuerint plures pii doctique Patres: tamen illud ἀσφαλὲς certa-que fide cognosci nequit, tum quia S. Literarum monumenta altum hîc silent: tum quia Papiam fuisse homi-*

nem *σμηρὸν ἢ νῦν exiguo judicio præditum*, idem Eusebius testatur : tum quia eundem Papiam manifestè falsa Apostolicæ traditionis fūco illita venditasse constat : tum quia Papia antiquior Clemens Romanus Epistola priore ad Corinthios, à Patricio Junio Oxonij edita, utriusque Apostoli, Petri & Pauli labores ac itinera memorans, Paulum quidem *ἐπὶ τὸ πέραν τῆς ὁδοῦς ad fines Occidentis*, adeoque Romam delatum, ibique sub Nerone Martyrio sublatum scribit : at de Petro paucissimis defungens, nec locum martyrii ejus designat, nec profectiōem in Occidentem ullam, nec Romanum ejus Episcopatum, nec suam in ejus locum successionem commemorat : tum denique quia veterum de Petri Romanis laboribus aliisque narratio discors, historiæ incertitudinem planissimè prodit. Egisse autem S. Petrum, annos viginti quinque Romanum Pontificem, prudentibus *suspectum* meritò est, quia cum historia sacra Apostolorum *ἀσύστατον* esse, sic satis solidè à viris doctissimis comprobatum videtur. Denique inter apertè *falsa* numeramus, quòd S. Petrum Romæ Pontificatu in Universalem Ecclesiam militantem defunctum, atque ejusdem Pontificatus œcumenici lampadem suis in eadem Romana sede successoribus tradidisse, novelli Romanæ sedis gnathones, sine tabulis divinis, instrumentisque idoneis, quæ *παληροφoρέαν* generare valeant, ullis, imò contra disertissimam eorundem contestationem, asseverare non erubescunt.

III. De origine Ecclesiæ Romanæ pauca hæc præfati, ad institutum venimus. Multum autem juvabit cognoscere Ecclesiæ illius progressum, mutationes, in doctrina cœlesti & regimine *εὐλαχεῖναι*, sinceritatem omni laude majorem, & ab eadem discessionem conversionemque multiplicem per gradus provecta, tandem pudenda & erubescenda nomini Christiano evasis. Liquebit enim inde res, his

Ejus progressus cogniti necessarii est.

inprimis temporibus aprimè cognitu necessaria; aliud scilicet esse *florem*, aliud *Floram*; aliud *Veterem*, aliud *novam* Romam; aliud *fidelem* civitatem, aliud *adulteram*; & pro vero ante ducentos annos Theodoricum Uriam, Augustinianum Monachum affirmasse, *Ecclesiam Romanam ex aurea in argenteam; ex argentea in ferream; ex ferrea in terream; ex terrea in stercoream abiisse*; adeoque, quod scitum Scaligeri filii apophtegma fuit, juxta *πολυθρύλλητον* illud Hebræorum, *כֶּרֶם בֵּן יִין* *Acetum filius est vini*; generosissimi vini veteris pessimum hodie acetum esse. Id verò manifestius ut faceremus, visum est Ecclesiæ Romanæ historiam certis notoriisque periodis inclusam & arctatam distinguere. Atque in universum periodi distinctæ septem se nobis offerunt; quarum *Prima* historiam ejus in doctrina & regimine purioris, ab ejus initio ad Constantinum M. usque. *Secunda* doctrinam puriorem in præcipuis retinentis, at in regimine dominationem affectantis, à Constantino M. ad Bonifacium III. usque. *Tertia* dominationem in spiritualibus indultu Phocæ adipiscentis, & in doctrina ac ritibus degenerantis, à Bonifacio III. ad Gregorium VII. usque. *Quarta* dominationem etiam in temporalibus affectantis & in doctrina ritibusque in pejus indies vergentis, à Gregorio VII. ad Bonifacium VIII. usque. *Quinta* dominationem etiam in temporalibus, adeoque Cæsareo-Papatum adipiscentis, & eundem profligata doctrina puriori omni flagitiose exercentis, à Bonifacio VIII. ad Leonem X. usque. *Sexta* per Reformationem & separationem fidelium potestatis utriusque cladem gravissimam patientis, à Leone X. ad Concilii Tridentini finem usque. *Septima* denique per novella decreta fidei, & anathematis diros in errore obfirmatæ, & cum vera Christi Ecclesia fraude & vi continuè decertantis; certis rerum testimoniis documentisque *συνθροως τε ἡ ὁρθόδοξος* repræsentabit.

III. Tem-

Historia
ejus se-
ptem pe-
riodis di-
visa.

III. Tempore Apostolorum, ut à prima periodo, eaque laudatissima exordiar, Ecclesiam Romanam recens natam licet, sic S. Paulus Rom. I. 8. celebrat, ut Deo gratias agat per Jesum Christum, quòd fides Romanorum prædicetur ἐν ὅλῳ τῷ κόσμῳ *in toto mundo*. Erat scilicet Roma ipsa οἰκισμένης ὁπτιζομένη *totius mundi compendium*, caput & vertex mundi, & confluxus hominum ex toto mundo, cui etiam totus ferè orbis habitabilis parebat. Nam teste Polybio *lib. 1.* ὁππερατηγένης χεδὸν ἅπαντα τὰ καὶ πλὴν οἰκισμένῳ ἐχ' ὅλοις πενήτηκοντα καὶ τρισὶν ἔτεσιν ὑπὸ μίαν δεξιὰν ἔπεσε τῷ Ρωμαίων. *Propemodum totus orbis habitabilis intra annos non totos quinquaginta-tres victus unum imperium Romanorum.* Non poterat igitur magis latere Romanorum fides, quam civitas in monte posita latere potest. Quamprimùm igitur Christo nomen Romani multi dederunt, mox fama per orbem volitavit: Ecce Roma, caput orbis, Evangelii fidem suscepit! Domina mundi, quæ Draconi, Diabolo servivit hætenus, Christo crucifixo servit! Jam ab Hierosolymis Romam usque metropolin vanitatis, impuritatis, idololatriæ arcem ac thronum Draconis, Evangelium penetravit! Sed & cap. xv. 14. sic eandem Ecclesiam exornat: *Persuasum habeo & ipse ego de Vobis, fratres mei, quòd ipsi per vos pleni sitis bonitate, impleti omni cognitione.* Denique cap. xvi. 19. ἡ γὰρ ὑμῶν ὑπακοή εἰς πάντας ἀφίκετο. *Obedientia vestra (puta juxta τύπον διδασχῆς, typum doctrinæ, in quem eos traditos esse cap. vi. 17. dixerat) ad omnes pervenit.* Neque etiam contemnenda sunt elogia, quibus Ecclesiam Romanam fui etiam temporis, S. Ignatius mactavit. Vocat enim illam epistolâ ad eosdem datâ ἀξιοθέον, ἀξιοπρεπεῖν, ἀξιομακάριον, ἀξιόπαινον, ἀξιοπίθουτον, ἀξίαννον, καὶ σεβαστημένην τῷ ἀγάπης, χειρόνυμον, πατέρονυμον, πθύματ-φόρον Deo dignam, decentissimam, beatissimam, laudandam, dignam qua quis potiatur, castissimam, eximiam charitate, Christi

*Ejus ab
Apostolis
fundatæ
celebritas.*

*Elogia ei-
dem à S.
Patribus
tributa.*

fi & Patris nomine fruentem , plenam spiritu. Meritoque Apostolorum proximorumque temporum Ecclesia cum universa , tum Romana etiam cum virgine comparatur. Revera enim παρ' ἑνὸς καὶ αὐτοῦ καὶ ἀδιάφθορον ἔμεινεν ἡ ἐκκλησία. Virgo integra atque incorrupta permansit Ecclesia ; Uti vetustus Scriptor Hegesippus apud Eusebium lib. IV. 22. & Nicephorum lib. IV. 7. loquitur. Si qui enim erant, uti idem Hegesippus loquitur , qui sinceram salutaris predicationis regulam depravare studebant, in obscuris tenebrarum latebris delituerunt.

Primorum
Ecclesie
Romanae
Antistiti-
um glo-
ria fuit
humilitas.

V. Ipsos Ecclesiae Romanae Antistites , non statim ambitio , Ecclesiae venenum , infecit. Sacerdotum quippe gloria fuit (ita in confutatione Primatus Papae ante annos pene ducentos scripta Gregorius Heymburgensis J. U. D. & Norimbergensis Syndicus loquitur) non purpura , non divitiæ , non equus albus , non fastus , non dominatus ; sed : Ecce nos reliquimus omnia , & secuti sumus Te , Domine. Tum igitur florente Ecclesia , & nondum malo laborante (ut Hicori Pelusiotæ lib. III. Epist. verbis utar) τὰ θεῖα οὐδὲν αὐτῶν ἐχόρει χαρίσματα τῶ ἀγίῳ πνεύματι δημαγωγῶντες , καὶ τῶν περὶ ὁ-
ταν ἑκάστον κινῶντες , καὶ ἕκαστον τῶ ἐκκλησίαν ποιοῦντες. Divina gratia circa eam velut chorum agebant , Sanctio Spiritu res administrante , Antistitem unumquemque incitante , ac Ecclesiam in Cælum convertente.

Virgo Ec-
clesia pau-
latim de-
generavit.

VI. Cœterum non absurdè in Possiacena responsione retulit Carolus Lotharingus Cardinalis : de quindecim (nos addimus de sedecim) à Christo sæculis , primum verè esse aureum : reliqua , quò longius abscederent , eò esse nequiora atque deteriora. Testis ejus rei idem , qui , supra , Hegesippus est , qui præfatus , Ecclesiam Apostolorum tempore castam Virginem fuisse , sequentia subjungit : Postquam autem sacer Apostolorum chorus diverso mortis genere vitam finiit , præteriiitque illorum ætas , quibus à Christo donatum erat , ut auri-

bus divinam sapientiam coram acciperent, tum primum falsa & veteratoria impii erroris conspiratio per fraudem eorum, qui doctrinam à veritate prorsus alienam disseminare laborarunt, initium cepit. Qui deinde, nullo jam ex Apostolis reliquo, nudato, ut ajunt, capite, sincero veritatis sermone, falsam & commentitiam doctrinam ex adverso opponere ausi sunt. Sensus est, tum post Apostolorum tempora mox hæreses nefarias caput suum protulisse, & impletum esse, quod prænuñciaverat S. Paulus Act. xx. 30. futurum scilicet, ut post ἀφίξιν discessum, abitum suum & Apostolorum graves lupi, & viri perversa loquentes, ex ipsius Ecclesiæ visceribus surrecturi sint: tum etiam ipsam Ecclesiam paulatim degenerasse, nævisque ejusmodi, qualibus Ecclesia Apostolica caruit, laborare incepisse.

VI. Tametsi etiam Apostolorum etiam temporibus non defuerint, qui Evangelium prædicatum ab illis depravare satagerent, cum Apostoli jam tum, cum Evangelium prædicarunt, obtestati sint, in quibusdam esse ἀγνοίαν ignorantiam Dei, 1 Cor. xv. 35. & Spiritum Antichristi in mundo esse, 1 Joh. iv. 3. multosque jam Antichristos in mundo extitisse ib. cap. ii. 18. adeoque Diabolum gnarum utique, se mox ex regno suo, quod in gentes habebat, ejiciendum, id jam machinari omnibus viribus, ut haberet com meatum ad Antichristum aliquando in scenam producendum; nondum tamen γυμνῇ κεφαλῇ nudato capite, uti Hegesippus loquitur; adeoque impune & prostituto pudore omni hæretici grassari cœperunt, uti quidem post Apostolorum tempora, cum Apostolici Spiritus repagulum remotum esset, factum esse, hæreticorum catalogi à Veteribus consignati testantur.

Apostolorum tempore nondum impune grassari hæreticis licuit.

VII. Ab immani tamen hæreticorum talium licentia Ecclesia Romana magis, quàm cœteræ, immunis satis diu fuit. Sicut enim verbum Dei ex Sione prodiit, Evangeliumque primum in Judæa & Asia reliqua Africaque prædi-

Ecclesia Romana prima præ cæteris ab

catum est : ita in iisdem locis primum hæreses obortæ à Judæis & Græcis Philosophis cum primis defensæ Ecclesiam Dei infestare , & Evangelium prædicatum corrumpere cœperunt. Ex iis verò, quos S. Augustinus, Epiphanius, Philastrius hæreticorum catalogo inferunt, pauci primis temporibus Romani fuerunt ; Pauci Romanam Ecclesiam exercuerunt. Persecutiones creberrimæ, martyria gloriosa, fidei simplicitatem, & charitatis sinceritatem, ita sustinuerunt, ut Diabolus ostium apertum, per quod vel vi, vel fraude irrumperet, non invenerit.

Cypriani
& Hiero-
nymi elo-
gia, qui-
bus ejus
sincerita-
tem com-
mendant,
ad ejus
perpetui-
tatem per-
peram tra-
hantur.

VIII. Hanc Ecclesiæ Romanæ primævam felicitatem S. Patres prædicant & extollunt. Omnium instar S. Cyprianus & Hieronymus sunt. S. Cyprianus *Epistola ad Cornelium* inter alia eos esse Romanos ait ; ad quos perfidia non possit habere accessum. Suo tempore innuit, tales esse Romanos, ob compertam in fide constantiam & zelum veritatis, continuis ferè eorum martyriis obsignatæ, quem etiam damnatis & rejectis strenuè hæresibus, eorum cum primis, qui Romæ etiam turbare connixi fuerunt (quales Cerdon, Valentinus, Marcellus, Novatiani) demonstrarunt. Perpetuò tamen tales futuros esse, ut ad eos perfidia habere accessum non possit, non dixit ; neque, si dixisset, recipiendum ἀβασανίζω, esset. Pietas, zelus, prudentia, devotio, obstacula sunt perfidiæ, ne accessum habere possit. At iis successu temporis vel languescantibus, vel intereuntibus decumana perfidiæ janua aperiri potuit. Sed & S. Hieronymus lib. 3. *Apol. contra Rufinum*, Scito, inquit, Romanam fidem Apostolica voce laudatam ejusmodi præstigias non recipere, etiamsi angelus aliter annunciet, quàm semel prædicatum est, Pauli auctoritate munitum non posse mutari. Corrigit autem hanc Hieronymi paulò crudiolem gnomam ipse Rigaltius Not. ad Cyp. Epist. 55. asserens, non id velle Paulum, rectiorem firmioremque Romanorum fidem esse, quàm

quàm aliorum, sed hoc tantum eum dicere, *agere se gratias Deo, quòd ubique fama sit, etiam Romanos rerum Dominos, fidem Christianam suscepisse: quod sanè, inquit ille, ob dignitatem urbis, quæ totius orbis erat caput, & gentium Domina, valde ad Christianæ fidei propagationem faciebat.*

IX. Primis Ecclesiæ Romanæ Pastoribus & Episcopis, *Epistolæ Decretales primis Ecclesiæ Romanæ Episcopis nonnulla, simplicitati eorum parum convenientia, tribuunt.* Clementi cum primis, Anacleto, Evaristo, Alexandro, Sixto, Telesphoro, Hygino, Pio, Aniceto, Soteri, aliis tribuuntur epistolæ nonnullæ, vulgò *Decretales* insignitæ, & ab Isidoro Hispalensi, si Francisco Turriano Jesuitæ fides est, collectæ. Quæ quidem epistolæ, siquidem genuinæ essent, non parùm Ecclesiæ Romanæ primitivæ gloriam offuscarent. In iis enim laudati illi Episcopi Romani velut ex tripode dictantes nova quædam oracula circa ritus maximè & ceremonias Ecclesiæ, Apostolicæ simplicitati & puritati non parùm repugnantia, inducuntur. *Clemens*, verbi gratiâ, sancit, ut Sacerdotes paludamentis sacris, Episcopi infula & pastorali pedito, sandaliis & chirothecis, Archiepiscopi pallio; Pontifex, Cardinales & Legati crucis vexillo ad concionis & Missæ sacra veherentur. *Anacletus*, ne Præsul, neve Clerici barbam vel comam nutrent; nec Episcopus à paucioribus, quàm à tribus Episcopis ordinaretur; utque Clerici publicè non privatim ad Sacros Ordines asciscerentur, edicit. *Alexander*, aquam lustralem profugandis dæmonibus, hominibusque post finita sacra, aspergendis præscribit. *Sixtus*, Corporalis seu linteoli, super quo inter sacra corpus Christi ponitur, formam præcipit. *Telesphorus*, jejunium quadragesimale ante Pascha: *Hyginus*, dedicationes solennes Templorum, neve ea augerentur & diminuerentur sine Metropolitanis & Episcopis consensu, nec non compatrum in Baptismo usum. *Pius*, Paschatis non nisi Dominicæ celebrandi necessitatem: *Anicetus*, ut vertex capitis sacerdotum sphærulæ instar

raderetur : *Victor* , ut Baptismus extra necessitatem solo Paschate administraretur : *Calixtus* , ut ordines sacri in quatuor jejunii temporibus conferrentur , qui hætenus solo Decembri conferri sueverint : *Vrbanus* , ut Ecclesia prædia ac fundos à fidelibus collatos reciperet : *Fabianus* , ut singulis annis die Cœnæ Domini Chrisma , vetere combusto , renovaretur : *Stephanus* , tegumenta altarium & vestes sacerdotum : *Felix* , annua sacra pro Martyribus : *En-tychianus* , ut frugum primitiæ in altari à Sacerdotibus benedicerentur , utque per gradus ad Episcopatum ascenderetur , ordinarunt. Omittam prorsus , quæ hi simul omnes de Primatu Romani Pontificis , de forma judiciorum , & qualitate testium , de non accusandis clericis , maximè Episcopis à Laicis , de appellatione ad sedem Romanam , aliisque hujus generis decrevisse dicuntur. Quæ omnia si cum vero consentanea essent , de Ecclesiæ Romanæ veteris puritate & prærogativa fidei supra Ecclesias reliquas haud dubiè conclamatum foret. Quis enim talia Apostolicæ simplicitati congruere vel somniare ausit ?

Earum
γνωστότης
oppugnά-
ται.

X. Sed salva res est. Alia longè pietas , mens alia , castiorque longè fuit primorum illorum Ecclesiæ Romanæ Episcoporum , iis temporibus , quibus continuo ferè persecutionum incendio flagrantibus , alia omnia , quàm inania , frivola & absurda ejusmodi , ad instruendum fastum ministrorum Ecclesiæ composita , meditanda fuerunt. Et detecta jam fraus est , clariusque meridiano sole ex iis , quæ primùm Magdeburgenses Centuriatores , post adversus Turrianum David Blondellus in *Pseudo, Isidoro, & Turriano vapulantibus* , (ne de Sirmondo , Petavio , aliis Pontificiis γνωστότητα earum oppugnantibus dicam) publicam in lucem protulerunt , constat , hunc Decretalium epistolarum lumbricum demum Caroli M. ætate , obstetricante nescio quo Isidoro , cognomento Mercatore , natum ,

tum, Isidori Hispalensis larvâ tectum, vilissimas fæces pretiosissimis antiquiorum Urbis Romanæ Episcoporum titulis appositis venditasse, atque ita plus quàm octo seculorum decurrentium ordini, nefariè imposuisse, quam in rem inferius Sect. LXIV. plura.

XI. Tametsi verò de depravata primis illis temporibus Ecclesiæ Romanæ doctrina nihil constat: Ecclesiæ tamen *Ecclesiæ Romanæ regimen paulatim deflexit.* regimen ab eo, quod Christus & Apostoli instituerunt, paulatim deflexit. Verissimè quidem Florimundus Ræmondus *in fabula Joh. cap. 20.* sic primorum Pontificum humilitatem depinxit: Prioribus illis seculis, & multorum annorum fluxu Pontifices martyrii sacri laureâ contentos fuisse, quam omni diademate & sceptro potiore habebant, reliquisque ornamentis ducebant superiorem, nemo ignorat. Prima illa etate, gloria eorum erat ignominia; Majestas, humilitas; felicitas, tyrannorum ire; quies, supplicium; vita, mors ipsa. Nihilominus eum paulatim supra reliquos gradum affectârunt, qui, procedente tempore, præter intentionem & consilium eorum, malorum Iliadem post se traxit.

XII. In universum quidem S. Hieronymus *Comment. Episcopi & Presbyteri identitas ex Hieronymo asseritur.* cap. 1. ad Titum, fuse comprobât, eundem S. Paulo esse Presbyterum & Episcopum. Et antequam, inquit, Diaboli instinctu studia in religione fierent, & diceretur in populis: Ego sum Pauli, ego Apollo, ego autem Cepha, communi Presbyterorum consilio Ecclesiæ gubernabantur. Postquam verò unusquisque eos, quos baptizaverat, suos putabat esse, non Christi; in toto orbe decretum est, ut unus de Presbyteris electus superponeretur cæteris, ad quem omnis Ecclesiæ cura pertineret, ut schismatum semina tollerentur. Subjicit: Noverint Episcopi, se magis consuetudine, quàm dispositionis Dominicæ veritate Presbyteris esse superiores. Annotatum etiam est, Alexandriæ usque ad Heraclam & Dionysium Episcopos, Presbyteros ex numero suo unum, quem digniorem reputârunt, selectum in cel-

fiori gradu collocasse, futurum scilicet *πρεσβυτερον* *πρῶτον* *πρεσβυτερον*, *Presbyterorum*, seu *Presbyterii* *Præsidentem* quem morem à Marco Evangelista initium sumpsisse, idem Hieronymus epistola ad Evagrium testatur. Et quod Alexandria ab initio factum est, id alibi post initia Ecclesiarum fieri etiam cœpisse, idem asserit. Quod autem, inquit ille,

Alexandrina Ecclesia Presbyterorum præsidentem eligentis exemplum, & mos ad alias Ecclesias, non malo primum consilio, transiit.

POSTEA unus electus est, qui cæteris præponeretur, in Schismatibus remedium factum est, ne unusquisque ad se trahens, Christi Ecclesiam rumperet. Proin quicquid hic præter institutionem Christi maturè in Ecclesia accidit, sicut non malo consilio accidisse largimur ultro, ita non tam propter *ἐξουίαν* potestatem majorem, resignandam scilicet in manus Episcopi, vel propter *πρωτοκαθεδρίαν* quandam, quàm *προεδρίαν* præsidentiam, adeoque *πρεσβυτεριαν* & *τάξιν* majorem duntaxat honorem & ordinem accidisse pertendimus.

Id successu temporis Romæ inprimis Episcoporum ambitionem aluit.

XIII. Solent autem optima & saluberrima quæque hominum instituta successu temporis degenerare. Id hic etiam contigit. Honos enim ille collatus Episcopis subinde animos eorum ita mutavit, ut more humani ingenii, plusculum sibi arrogare, & se extollere supra alios inciperent. Quod Romæ inprimis, urbe scilicet Imperatoriâ & Orbis domina, evenisse constat. Sanè etiam Socrates *Hist. Eccles. lib. VII. II.* Episcopos Romanos paulatim ita degenerasse dixit, ut *πέραν τῆς ἱεροσύνης ὅτι διωαρίαν* ultra sacerdotii limites ad externum dominatum progressi sint. Qua re gentilibus aliquando offendiculo fuerunt. Nam Ammianus Marcellinus homo gentilis *lib. 27.* de Pontificibus Romanis ita scribit: *Procefferunt vehiculis insidentes circumspēcte vestiti, epulas curantes profusas, adeo ut eorum convivium Regales superaverint mensas.* Addita hac animadversione, potuisse eos esse beatos revera, si magnitudine urbis despecta, quam vitiis opponunt, ad imitationem Antistitum quorundam Provincialium viverent: quos tenuitas edendi potandique parcissime, vilitas etiam indu-

indumentorum, & supercilia humum spectantia perpetua Numini, verisque ejus cultoribus velut puros commendaret & verecundos. Sed & S. Basilii *Epist.* 10. non obscure τὸ δὲ διὰ τὸ ὁφθαλμὸν *Occidentalem illum fastum* pulsat. *Si ira Dei permanferit, inquit, Unde πῶς βοήθεια ἡμῖν ἔσται διὰ τὸν ὁφθαλμὸν* ; quale nobis auxilium ab *Ecclesiæ Romana typhus cæteris maturè displicuit.* *Occidentalium fastu & supercilio aderit?* Vatem fuisse, tristis eventus docuit. Alibi quoque fatente, & nonnihil stomachante Baronio ad A. C. cccclxxii. §. 32. de Ecclesia Romana idem S. Basilii dixit: *Odi fastum illius Ecclesiæ.*

XIV. Exempla ambitionis Episcopos Romanos mature fatis concipientis, Victor & Stephanus suppeditant. Victor enim A. C. cxv. Polycratem & Ecclesias Asiaticas ob levem circa tempus Paschatis celebrandi dissensum temerè condemnans, *ἐπιτιμῶν ἀφ' ἡραμμάτων ἀκοινωνήτων ἄεθ' ὡς πάντας τὸς ἐκείσιν ἀνακηρύττων ἀδελφούς*, datis literis universos, qui illic erant, fratres proferibit, & ab unitate Ecclesiæ prorsus alienos esse pronuntiat, uti Eusebius *Histor. Eccles. lib. V. 24.* loquitur. Addit idem parùm id placuisse Episcopis reliquis, puta etiam Occidentalibus, de cætero in re ipsa concordibus, qui scriptis ad eum literis acerbè fatis illum perstrinxerint; & Irenæum etiam Victori ad animum revocasse exempla Prædecessorum, Aniceti, Pii, Hygini, Telephori, & Xysti, qui nunquam Orientalibus ob diversitatem rituum succensuerint, nedum eos ab Ecclesiæ communione amputaverint.

XV. Stephanus quoque Papa ejus rei documenta præbuit. Is enim non tantum circa A. ccl. Basilidem Episcopum Asturiensem, & Martialem Melidensem, Hispanum utrumque immorigerum in fidem recipiens, Ecclesias Hispanicas sic fatis graviter adoritur, & jus appellationis ad Ecclesiam Romanam ambit, multum reclamante licet S. Cypriano *Epist.* 18. nec non libro *de unitate Ecclesiæ*, ubi ἀξιωματικῶς illa occurrunt: *Hoc utique erant & cæteri Apostoli,*

Victor Romanus Episcopus adversus Ecclesias Asiaticas sese effert.

Stephani jus appellationis ad Ecclesiam Romanam ambientis, & Africanas ac Orientales Ecclesias communione arcen-

tis, conatus à Cypriano & Orientalibus representatus.

stoli, quod fuit Petrus, pari consortio pradii & honoris & potestatis; sed exordium ab unitate profisciscitur, ut una Christi Ecclesia, & Catholica una monstretur. (quæ verba accuratè Salmasius de Primatu Papæ pag. 74. 75. 76. expendit) verum etiam non multò post, suborta, de baptismo eorum, qui ab hæreticis baptizati erant, quæstione, ipse quidem causæ meliori addictus, dissentientes tamen primò Africanas, mox etiam Orientales Ecclesias reliquas iis adhærentes, arroganter satis à communione sua amputat. Ad quem ita apud Cyprianum Orientales, epistola ad Cyprianum data, quæ Pamelianæ Cypriani Operum Editionis 75 est, ἐπιτετυκᾶς satis scribit: Homo animosus parit lites, & vir iracundus exaggerat peccata. Lites enim & dissensiones quantas parasti per Ecclesias totius mundi? Peccatum verò quàm magnum tibi exaggerasti, quando te à tot gregibus scidisti? Excidisti enim te ipsum. Noli te fallere, siquidem est verè ille schismaticus, qui se à communione Ecclesiastica unitatis apostatam fecerit. Dum enim putas, à te omnes abstinere posse, solum te ab omnibus abstinuisti. Ambulate vocatione, qua vocati estis, digne cum omni humilitate sensus & lenitate, cum patientia sustinentes invicem in dilectione, satis agentes servare unitatem Spiritus in conjunctione pacis. Hæc Apostoli mandata & monita salutaria, quàm diligenter Stephanus implevit, humilitatem sensus & honestatem primo loco servans? Quid enim humilius aut lenius, quàm cum tot Episcopis per totum mundum dissensisse? Pacem cum singulis vario discordiæ genere rumpentem, modò cum Orientalibus, quod nec vos latere confidimus, modò vobiscum, qui in Meridie estis, à quibus legatos Episcopos patienter satis & leniter suscepit, ut eos nec ad sermonem saltem colloqui communis admitteret? Adhuc insuper præcepit, ne quis eos in domum suam reciperet, ut venientibus non solum pax & communio, sed & tectum & hospitium negaretur. Apud talem hominem potest esse unum corpus, & unus spiritus, apud quem fortassis anima una non est; sic lubrica, mobilis & in-

certa? Et tamen non pudet Stephanum talibus adversus Ecclesiam patrociniū prestare, & propter hereticos asserendos fraternitatem scindere: insuper & Cyprianum Pseudo-Christum, Pseudapostolum, & dolosum operarium dicere? Quæ omnia in se esse conscius prævenit, ut alter; ea per mendacium objiceret, quæ ipse ex merito audiret. Hactenus illi, quorum Epistolam libenter se, exemplo Manutii, omisſurum fuisse Pamelius, nisi Morellius & Turnebus ipse, priores in lucem eam produxissent, fatetur.

ECCLESIÆ ROMANÆ PERIODUS SECUNDA.

Seu

Historia Ecclesiæ Romanæ Doctrinam puriorem , quoad præcipua , retinentis ,
at in regimine dominationem affectantis.

Inde à Constantino M. feu A. C. cccxiv. ad Phocam & Bonifacium III. feu A. C. dcvii.
usque.

BREVIARIUM.

XVI. *Constantini M. favor & liberalitas Episcoporum Ecclesiæ Rom. ambitionem auxit. Neque tamen Ecclesiæ ejus principatum is agnovit, quod ex historia Donati & Arii in Arelatensi & Nicæna Synodo damnatorum probatur.*

XVII. *Marcus Papa universalis Episcopi titulum sibi arrogat. Julius primus impetrat, ut Episcoporum in Oriente depositorum causam sibi cognoscere denuo liceat, protestantibus tamen Episcopis Orientalibus.*

XVIII. *Liberius Papa in gratiam Constantii cum Arianis contra Athanasium facit.*

XX. Da-

- XIX. *Damasi & Vrsicini pro obtinendo Papatu violenta molimina.*
- XX. *Hieronymus Ecclesie Romanæ ambitione motus, eam cum Babylone comparat.*
- XXI. *Imperatorum Valentiniani, Valentis & Gratiani edictum adversus Cleri Romani avaritiam, ab Hieronymo etiam laudatum, & à Theodosio, Arcadio confirmatum.*
- XXII. *In Concilio Constantinopolitano Episcopus Constantinopolitanus Romano exæquatur.*
- XXIII. *Siricius Papa amplificat potestatem Papalem.*
- XXIV. *Et doctrinam etiam inducta lege cælibatus Sacerdotum contaminat.*
- XXV. *Innocentii I, Zosimi, Bonifacii I, Sixti III, Leonis I, pro stabiliendo Primatu molimina.*
- XXVI. *Reclamante Ecclesia Orientali in Concilio cumprimis Chalcedonensi, quo prærogativa Romani non juri Divino, sed humano & politico accepta fertur. Inde æmulatio Romanos inter & Constantinopolitanos gliscere cæpit.*
- XXVII. *Felix III. Acacium Constantinopolitanum excommunicat: hic illius nomen è diptychis eradit. Gelasius I. primatum suum ex jure divino arcessere conatur.*
- XXVIII. *Romæ vastatio à populis septentrionalibus ambitionis affectum in Pontificibus non extinxit; teste historia Symmachi Papæ electi.*
- XXIX. *Seculum sextum promovendo Pontificio Regno, ob absentiam Imperatorum, hæreticos Romam appellantes, & barbaros Pontificibus adulantes, præ cæteris opportunum fuit.*
- XXX. *Hormisdæ Papæ pro stabiliendo Papæ in Occidente & Oriente conatus; resistentibus Johanne Patriarcha Constantinopolitano, Anastasio & Justino Impp.*
- XXXI. *Johannes P. Constantinopoli legatione fungens cum Epiphania Patr. de Primatu contendit. Redux à Theodorico in carcerem compingitur.*

XXXI. *Justiniani de sede Rom. sensus.*

XXXII. *Concilii Constantinopolitani V. historia. Defectio Episcoporum. Italorum ab Ecclesia Romana.*

XXXIII. *Johannes jejunator Constantinopolitanus Patr. Occumenici titulum sibi vendicat.*

XXXIV. *Indignantibus multum Pelagio Papa & Gregorio I. Magno, qui apud Imper. Mauritium Antichristi præcursorem insignit, quisquis titulum eum affectat.*

XXXV. *Vaticinium Gregorii M. de sequentibus temporibus.*

Constanti-
ni M. fa-
vor & li-
beralitas
Episcopo-
rum Eccle-
sia Roma-
na ambi-
tionem
auxit.

XVI.



Tque hi fuerunt Episcoporum Romanorum, sævientibus adhuc persecutionibus, pro obtinendo in reliquas Ecclesias primatu conatus, quorum in bona licet causa ambitione non segniter jam tum Satan abusus est. Qui etiam, ex quo Constantinus M. Ecclesiæ Christianæ pacem reddidit, eique favere cœpit, ambitionis hujus igniculos, ejus liberalitate incalescentes, immane quantum flatu suo accendit. Nam profusis opibus Ecclesiæ donatis, crescere Episcopis ipsis supercilium cœpit, auditaque, uti Silvestri Legenda testatur, cœlitus vox est: *Hodie venenum effusum est in Ecclesiam.* Nihilominus, cùm de Donato ab Ecclesiis Africanis damnato ageretur, Constantinus causam non Miltiadi, Romano Episcopo, judicandam obtulit, sed judices pro sua autoritate dedit Episcopos, Maternum Coloniensem, Rheticium Augustodunensem, & Marinum Arelatensem, quibus post ejusdem diplomate adjunctus etiam Miltiades Episcopus Romanus est. Cùmque eorum judicio Donatus non acquiesceret, Constantinus Arelatensem Synodum, cui ipsemet præfedit, judicem constituit, tandemque Mediolani sententiam tulit. In Arii quo-

Neque
tamen Ec-
clesia ejus
principa-
rum is a-
gnovit,
quod ex
historia
Donati &
Arii in
Arelaten-
si & Nicæna
Synodo
damna-

quoque controversia nec solus Episcopus Romanus judicem egit, nec præcipuas etiam partes habuit, Constantino & convocante & moderante Nicænam Synodum, in qua Alexandrini Episcopi ἐξουσία, exemplo Romani, confirmata est, cautumque insuper, ne Episcopus fieret præter sententiam Metropolitanæ; allaboratum quoque, ne in civitate una plures uno Episcopi essent. Sic igitur Episcopalis dignitas & potestas incrementa cepit, ut Romani tamen Episcopi supra reliquos ἐπεροχῇ & prærogativa nulla hætenus emicuerit, quin ipse potius Conciliari decreto ad curiam parium relegatus, ejusque conatus sufflaminati fuerint. De quo cum alios, tum maximè doctissimas Beveregii in Concilium Nicænum, Canonem imprimis ejus sextum, aliorumque etiam animadversiones videre est.

XVII. Nihil tamen Episcopi Romani, ut rerum in Ecclesia potirentur, reliqui fecerunt. Et Marcus quidem A. cccxxxv. Papa lectus, si genuina est, quæ ei ad Anastasium & Ægypti Episcopos adscribitur Epistola sibi *Universalis Episcopi* titulum arrogans, sic Ecclesiæ Romanæ jura detonat: *Ecclesia Romana immaculata semper mansit, & Domino providente & Beato Petro opem ferente in futurum manebit. Item: Dominus discipulorum suorum principi in suis fatus est Evangeliiis: Petre, rogavi pro te, ne deficiat fides tua.* Post eum Julius I. Episcopos in Oriente diversas ob causas loco motos, pro authoritate sua in integrum restituere conatus est. De quo ita Sozomenus *Histor. Eccles. III. 8.* Οἷα δὲ τῷ πάντων κηδεμονίας αὐτῷ παραθέσεις ὡς πῶς ἀξίαν τῆ θρόνου ἐκείνου πῶς ἰδίαν ἐκκλησίαν ἀπέδωκε. *Quoniam propter sedis dignitatem omnium cura ad ipsum spectabat, suam cuique Ecclesiam restituit.* Quin A. cccxlvi. i. suggerente Osio, in Synodo Sardicensi conditus est canon, quo Episcopi depositi, bonæ causæ sibi consci, ad Ju-

Marcus
Papa uni-
versalis
Episcopi
titulum
sibi arro-
gat.

Julius pri-
mus im-
petrat, ut
Episcopo-

rum in o-
riente de-
positorum
causam fi-
bi cogno-
scere de-
nuo liceat.

Protestan-
tibus ta-
men Epi-
scopis O-
rientali-
bus.

Liberius
Papa in
gratiam
Constantii
cum Aria-
nis contra
Athana-
sium facit.

lium Episcopum Romanum remittuntur, qui causam eo-
rum denuo cogniturus sit. Quodque Julio in particulari
casu tributum, ad omnes generaliter extendere successo-
res non dubitarunt. Sed protestati tamen adversus hæc mo-
limina Orientales Episcopi sunt, disertè asseverantes, se
καὶ οὐκ ἔχουσιν τὰς αὐτῶν legem ab eo accipere nolle, uti Socrates
Hist. Eccl. lib. II. 17. testatur.

XVIII. Julio surrogatus A. cccli i. Liberius, Constan-
tio Imperatore Ariano dominante, metu ejus subactus,
& ne Papalis dominatus detrimenti quid pateretur, in gra-
tiam Constantii Arianis adversus *ὁμοῖον* & Athanasium
subscribit, editam Sirmii confessionem approbat, lapsu-
que suo in errorem plurimos inducit. Cui meritò sic Hila-
rius occlamavit: *Hæc est perfidia Ariana! Anathema tibi à*
me dictum, Liberi, & sociis tuis! Iterum tibi anathema, &
tertio, prævaricator Liberi! De quo quidem Liberii Arianis-
mo eruditissimam Larroquani dissertationem nuper edi-
tam, cui lubet, consulat.

Damasi &
Ursicini
pro obti-
nendo Pa-
patu vio-
lenta mo-
limina.

XIX. In eligendo A. ccclxvi. successore Liberij, Dama-
si & Ursicini ambientium & contendentium studiis imma-
ne quantum certatum est. Liber Pontificalis in sede collo-
catum Damasum dicit, *quia fortior, & plurima cum eo mul-
titudine erat.* Ruffinus, author coævus *lib. II. 10.* sic ea de
re scribit: *Ex facto tanta seditio, imò verò tanta bella coorta*
sunt, alterutrum defendentibus populis, ut replerentur humano
sanguine orationum loca. Ammiano Marcellino *lib. 27.* teste
in Basilica Sicinini, ubi ritus Christiani conventiculum
erat, uno die centum triginta septem reperta cadavera
peremptorum, efferataque diu plebs ægrè postea delinita
est. Hieronymus quoque *Epist. 61.* testis est, Prætextatum
Prætorio Præfectum Consulem designatum Episcopi Ro-
mani, *Matronarum oblationibus*, uti Ammianus Marcelli-
nus loquitur, *ditati opulentia illectum dicere solitum esse:*

Facite

Facite me Romanæ Urbis Episcopum, & ero protinus Christianus.
Ita Paparum splendor maximis jam Potestatibus esse invidendus cœpit.

XX. Vixit tum Hieronymus, cui ambitio & fastus Papalis nauseam ita movit, ut non obscure in Ecclesia Romana Babylonem monstraverit. Inducit in *Epist. ad Marcellam* Paulum & Eustochium sic Marcellam compellantes: *Lege Apocalypsin Johannis, & quid de muliere purpurata, & scripta in fronte ejus blasphemia, septem montibus, a quibus multis & Babylonis cantetur exitu, contuere. Est quidem ibi Sancta Ecclesia: sunt trophea Apostolorum & Martyrum: Est Christi vera confessio; est ab Apostolis predicata fides. Sed ipsa ambitio, ipsa potentia à bono avertunt. Ipse verò Pref. in libros Didymi de Spiritu S. sic liberè os suum resolvit: Cum, inquit, in Babylone versarer, & purpurata Meretricis essem colonus, & jure Quiritum viverem, volui garrere aliquid de Spiritu Sancto, & cœptum opusculum ejusdem Urbis Pontifici dedicare. Et ecce illa olla, quæ in Jeremia post baculum cernitur, à facie aquilonis cœpit ardere, & Pharisaorum ocllamavit senatus, & nullus scribe vel fictus, sed omnis quasi indicto sibi prælio doctrinarum, adversus me imperitia factio conjuravit. Illico ego velut postliminio Hierosolymam sum reversus, & post Romuli casam, Lupercalia, diversorium Mariæ & Servatoris speluncam aspexi. Quid hic Hieronymo Babylon nisi Clerus Romanus, quem senatum Pharisæicum, factionem ignorantium, conjurationem vocat? Alibi ad *Eustoch. epist. 22. ad Nepot. 2.* Cleri Romani luxuriam & in emungendis hominibus, ambiendisque seniorum virorum & fœminarum legatis, artes turpiaque officia graviter exagitat. Huc etiam de fastu Ecclesiæ Romanæ querela S. Basilii supra memorata referenda est.*

XXI. Memorabilis est Imperatorum Valentiniani, Val-
lentiis & Gratiani lex Damaso inscripta, quam in *C. Theod. lib. 16. de Episc. & Cler.* videre est. Cum enim insatiabilis
Imperato-
rum Va-
lentiniani,
Valentiis &
jam

Gratiani
edictum
adversus
Cleri Ro-
mani avaritiam.

jam videretur Clericorum vorago, huic veluti carcinomati cauterium adhibituri prohibent: *Ne Ecclesiastici, vel qui volunt continentium se nominibus nuncupari, viduarum ac pupillorum domos adeant. Ut nihil de ejus mulieris, cui se privatim sub pretextu religionis adjunxerunt liberalitate quacunque, vel extremo judicio possint adipisci, & omne in tantum efficax sit, quod alicui horum ab his fuerit derelictum, ut nec per subjectam personam valeant aliquid, vel donatione, vel testamento percipere. Quin, ajunt, si forte post admonitionem legis nostræ aliquid his de sœminis, vel donatione, vel extremo judicio putaverint relinquendum, id fiscus usurpet. Lecta in Ecclesiis Romæ. Quam legem etiam Hieronymus Epist. cit. sic commendat, ut causam ejus magnopere vituperet. Pudet, inquit, dicere: Sacerdotes idolorum, mimi & aurigæ, & scorta hæreditates capiunt. Solis Clericis & Monachis hac lege prohibetur, non à persecutoribus, sed à Principibus Christianis. Nec de Lege conqueror, sed doleo, cur meruerimus hanc Legem. Cauterium bonum est: Sed quod mihi Vulnus, ut indigeam cauterio? Provida severaque Legis cautio: & tamen nec sic refrænatur avaritia. Per fidei commissæ legi illudimus, & quasi majora sint Imperatorum scita quàm Christi, leges timemus, Evangelia contemnimus. Cumque licentia cleri pergeret, Imperatores Valentinianus, Theodosius & Arcadius legem hanc L. 27. de Episc. & Cler. in C. Theod. sic ingeminant roborantque: Nihil de monilibus & supellectili cæterisque claræ domus insignibus sub Religionis defensione consumant viduæ: sed universa in liberos proximos transcribat, ac si quando diem obierit, nullam Ecclesiam, nullum clericum, nullum pauperem heredem scribat. Tantæ molis erat Cleri Romani avaritiam, ne perrumperet, coercere.*

Etiam ab
Hieronymo
laudatum.

Et à Theod-
osio, Ar-
cadio con-
firmatum.

In Concilio
Constanti-
nopolitano
Episcopus
Constanti-
nopolita-
nus Ro-

XXII. Damaso adhuc Pontifice A. cccLxxxI. indigente Theodosio, & moderante Nectario Episcopo Constantinopolitano, celebrata est Synodus Generalis Constantinopolitana, ne quidem interveniente Legato Damasi: Ibi Patres Synodi Nicænæ vestigia retegunt, Provincias dis-

fidiis

fidiis vitandis partiuntur, & *Can. 3.* sedis Constantinopolitanae Episcopo *πρεσβεία τῆς πρῆς μὲ τῆς Ρώμης ἐκίστασιν* *privilegia honoris post Romanum Episcopum*, eo scilicet argumento, quòd Constantinopolis sit *νέα Ρώμη* *nova Roma* decernunt; quòd fusiùs Socrates, *Hist. Eccles. V. 8.* & Sozomenus *lib. VII. 9.* narrant. Quæ quidem *πρεσβεία ἡμῶς* *privilegia honoris* non tam ad prærogativam *potestatis* (utpote quæ in Chalcedonenſi demum Synodo ei accessit) quàm *dignitatis* referenda esse, Doctiſſ. Beveregius *observat. ad Can. 3.* ostendit.

XXIII. Damasi successor Siricius & Papalem potestatem amplificare strenuè laboravit, & doctrinam polluere coepit. Is enim sub A. cccclxxxvi. in prima ad Himerium Tarraconensem Epistola decretoria. *Statuta*, inquit, *sedis Apostolicæ, vel canonum venerabilia definita*, nulli Sacerdotum Domini ignorare sit liberum. Rogat proin, ut in omnium Cœpiscoporum perferri faciat notionem, & non solum eorum, qui in sua sunt diœcesi constituti, sed etiam ad universos Carthaginenses, atque Boëticos, Lusitanicos, Gallicos, &c. Per Himerii ambitionem ad suam ipsius per totam Hispaniam sibi viam sternit. In quarta etiam ad Africanos Episcopos epistola præfractè vetat, ne quis extra conscientiam sedis Apostolicæ, hoc est, Primatis, ausit ordinare Episcopum. Neque tamen Africani Episcopi herbam statim porrigunt. Illi enim in Synodo Carthaginensi secunda vetant quidem Episcopum ordinare *inconsulto Primате*, sed *cuiuslibet Provinciæ*, non Romano: in tertia verò ulteriùs progressa *primæ sedis Episcopum, Principem Sacerdotem; & Episcopum universalem, Romanum etiam Pontificem* appellari prohibent.

XXIV. In Doctrina idem Siricius innovavit, Cœlibatus lege inter Ecclesiasticos sancita. Quam paulò ante Synodus Nicæna, Episcopis consentientibus explosit. Et primum quidem hanc legem Siricius tulisse, non tantùm

*mano
exaequa-
tur.*

*Siricius
Papa am-
plificat po-
testatem
Papalem.*

*Et doctri-
nam etiam
inducta
lege cœli-
batus sa-
cerdotum*

contami-
nat.

Glossa Juris Canonici *Dist. 84. c. 3* innuit; sed etiam Clichtovæus, Espensæus, Cassander, alii fatentur. Legem hanc in Epistola ad Himerium expressam videre est. Ubi insigni ignorantia ad eam S. Scripturæ testimonia torquet. Certè Hieronymus *Epist. 65*. Legis hujus insolentiam graviter detestatur. Et serò admodum in Occidente, in Oriente verò nunquam eam valuisse constat.

Innocentii
I. Zosimi,
Bonifacii
I. Sixti III.
Leonis I.
pro stabili-
liendo Pri-
matus mo-
limina.

XXV. Nihil deinceps, ut cupitis modò potirentur, intentatum reliquerunt Pontifices, ædilitatem quod ajunt, sine suffragiis gerentes; *Innocentius I.* qui in Epistola ad Victorium Episcopum Rhotomagensem decrevit, *ut majores causa ad sedem Apostolicam devolvantur*, per appellationem scilicet: *Zosimus*, qui ad Synodum Carthaginensem sextam Legatos misit, qui vicem ibi suam gererent, pertenderentque Episcoporum Africæ esse, concedere appellationem ad sedem Romanam: *Bonifacius I.* idem per legatos suos, Nicæni etiam Concilii autoritate prætenso, molitus: *Sixtus III.* de Primatu cum Polychronio Episcopo Hierosolymitano contendens: in primis autem *Leo I.* ob excellentem cœtera eruditionem & vigilantissimum adversus Hæreticos, Manichæos cum primis studium, dictus *Magnus*, qui Anno circiter ccccl. suum illud: *Tu es Petrus*, strenuè inculcans, *Petrus*, inquit, *petra dicitur, dum fundamentum pronuntiatur, &c.* In sua sede vivit potestas, excellit autoritas. *Fratres omnium Episcoporum noverant esse primatem. Nunquam nisi per ipsum dedis, quicquid aliis non negavit Christus.* Cumque ex decreto Concilii Constantinopolitani Episcopus Constantinopolitanus secundam sedem adeptus, in Oriente autoritatem magnam jam, Romanisque invidendam obtineret, idem *Leo M.* per Legatos suos in Synodo Chalcædonensi intercedere obrentu Nicænorum Canonum, quibus aliter cautum sit, conatur.

Reclm.

XXVI. Variè equidem moliminibus & meditamentis
hisce

hiscæ Romanorum Pontificum Ecclesia, Orientalis cum-
 primis se opposuit. In Synodo maximè Chalcedonenſi A.
 ccccli. celebrata, in qua Eutyches à 630. Episcopis da-
 mnatus, Leonis M. machinatio repressa, & de thronis seu se-
 dibus Patriarchalibus ejusmodi cūsum decretum est. Τῷ
 θεῷ ὁ ὡρεσβυτέρα Ρῶμης, ἀλλὰ τὸ βασιλεύειν τῷ πόλιν ἐκείνῳ,
 οἱ πατέρες εὐλόγως ἀποδεδώχασιν τῷ ὡρεσβεῖα. Καὶ ἴω αὐτῷ σκοπῶ
 κινούμενοι οἱ ἐκχρὸν πεντήκοντα θεοφιλέσασιν ὁπίσκοποι, τὰ ἴσα
 ὡρεσβεῖα ἀπένειμαν καὶ ὁ νέας Ρῶμης ἀγνωτάται θεῷ διόλογως
 κριναντες, τῷ βασιλείᾳ καὶ συγκλήτῳ πικηθεῖσαν πόλιν, καὶ τὴν ἴσαν
 ἀπολαύσαν ὡρεσβεῖαν τῇ ὡρεσβυτέρα βασιλίδι Ρῶμῃ καὶ ἐν τοῖς
 ἐκκλησιαστικοῖς ὡς ἐκείνῳ μεγαλύνεσθαι ἀράγμασι, διδύραν μὲν
 ἐκείνῳ ὡρεσβεῖαν. *Sedi senioris Romæ, quod Vrbs illa impera-*
ret, Patres jure privilegia tribuerunt. Et eadem consideratione mo-
ti centum quinquaginta Deo amantissimi Episcopi æqua privilegia
tribuerunt sanctissimæ sedī novæ Romæ, recte judicantes, urbem
quæ & imperio & senatu honorata sit, & equalibus privilegiis cum
seniore Romæ fruatur, etiam in rebus Ecclesiasticis non secus ac illam
extolli ac magnificari, secundam post illam existentem. Qui Canon
Romanum Episcopum, ad altiora immodicè nitentem,
manifestè in ordinem redigit. Primatum quippe Romani
Episcopi non juri divino, & successionī Apostolicæ, sed
constitutioni Patrum & causæ politicæ, prærogativæ sci-
licet Urbis adscribit: τὰ ἴσα ὡρεσβεῖα jura equalia, pote-
statis scilicet (nam dignitatis prærogativa jam ante, uti
ib. XXII. vidimus, Constantinopolitanæ Ecclesiæ concessa
fuit) sine respectu ad Romanam Ecclesiam, Constanti-
nopolitanis vindicat; Constantinopolitanum, qui Ana-
tolius tum erat, Romano, Leoni scilicet, excepta pri-
mæ sessionis prærogativa (quæ ordinis, prioritatis, po-
testatis æqualitatem non tollit) æquans, Romani jurisdi-
ctionem coerces: denique sine consensu Romani de thro-
norum jurisdictione statuit. Quam ob causam ne quicquam

Inde amulatio Romanos inter & Constantinopolitanos gliscere cepit.

acriter Leo I. se ei Canonis opposuit: & gliscere inde Romanos inter & Constantinopolitanos perpetuæ æmulationes visæ sunt; faventibus Romano etiam Alexandria & Antiochiæ Episcopis, Constantinopolitani succrescentem authoritatem haud æquo animo ferentibus.

Felix III. Acacium Constantinopolitanum excommunicat hic illius nomen è diptychis eradit.

XXVII. Et Anno quidem cccclxxxiii. Felix III. Papa Romanus in Romano Concilio Acacium Constantinopolitanum, decretæ sibi potestatis vindicem, accusante Johanne Alexandrino, damnavit & excommunicavit. Vicissim Acacius nomen Felicis è diptychis erasit. Euphemius eo restituto tum à Felice, tum à Gelasio jussus eradere nomen Acacii, in animum induxit Papam in iudicium vocare, & apud Anastasium eundem criminatus est. Unde etiam in Oriente subortum schisma est. Papæ verò cum iis, qui Acacii memoriam damnare detrectarent, ne quidem communicare amplius dignati sunt. Mox A. cccxciv. Gelasius I. in Concilio Romæ habito primatum Papæ contra Constantinopolitanorum præsumptionem ex Divino jure asserere conatus est.

Gelasius I. primatum suum ex jure divino arcessere conatur.

Romæ vastatio à populis septentrionalibus, ambitionis affectum in Pontificibus non extinxit.

XXVIII. Jam ante septentrionales populi universam Italiam devastabant, & in eam quasi perrupto aggere, exundabant. Eudoxia Maximi, à qua A. cccclv. Valentinianus III. interfectus est, conjunx Genfericum Vandalum in Italiam vocavit. Is Romam bis cepit, theatra incendit, ornamenta, thesauros abstulit. Avitus, Majoranus, Severus, Anthemius, Olybrius, Glycerius, Julius Nepos, Augustulus ad Ann. cccclxxv. rerum potiti sunt. Inde Odoacer Herulus, Theodoricus, Athalaricus, Theodatus, Vitiges, Theobaldus, Totilas, Tejas, à Narsete A. dlv. victus, Ariani omnes, Italiam annos septuaginta octo rexerunt. Intra quod tempus bis Roma capta est. Neque tamen diuturnæ & concatenatæ hæ calamitates ambitionis affectum in Romanis Episcopis extinxerunt. Gra-

faba-

fabatur illa perpetuo, obrepebat, imperitabat aliis. Eoque etiam deventum, ut Episcopatum Romanum nemo jam nisi per vim, fordes & ambitum consequeretur. In annos Pontificis inquirere, de ejus successione ante obitum pacisci, suffragia numerata pecunia redimere; verbo, jurejurando, sigillo pacta illa contra bonos mores firmare adeo religio non fuit, ut poene vim legis obtinuerit. Testis *Teste historia Symmachi Papæ electi.* *αὐξίας* est historia Symmachi A. cccxcvi i i. Papæ electi. De quo sic Sabellicus 8. *Ennead.* 2. *Col.* 455. scribit: *Fuit Symmachi creatio tumultuosa, ordinumque discordia infamis, esque non inter cives solum, sed inter ordines etiam opibus & auctoritate certatum, quum Senatus in hunc propensior esset, ignobilis multitudo in illum.* Testis etiam Romana Synodus, quæ sub ipso Symmacho nefarium ambitum refrænare nequicquam studuit. Testes barbari Reges, Odoacer, Theodoricus, alii, qui auctoritate interposita identidem motos fluctus componere necessum habuerunt. Si solam ovium Christi curam animo pio voluissent: Si aliud in eo munere lucrum non spectassent Episcopi, tam acriter de Papatu dimicaturos, quis sanus existimet?

XXIX. Seculum imprimis à Christo nato *Sextum* provehendæ machinationi Pontificum *παμβασιλείαν* quandam *sextum* in Ecclesia meditantium, opportunum supra modum fuit. Nam & Imperatores peregre, Constantinopoli ut plurimum agebant: & iidem, ut in fide Romanos retinerent, demulcendis Pontificibus, à quorum ferè nutu Christianus Romæ populus pendebat, nihil non indulgebant. Septentrionales quoque populi turmatim in Italiam influentes & in ea pedem figere, stabilemque dominationem obtinere parantes, Pontificum gratiam ad id futuram non parum proficuum, exquisitis adulationibus demerebantur. Hæretici, irriguæ herbæ instar succrescentes, modò in Africa, modò in Oriente damnati legitimè pro-

Seculum sextum promovendo Pontificio Regno, ob absentiam Imperatorum, hæreticos Romanos appellantes, & barbaros Pontificibus adulantes, præ cæteris operibus ortum fuit.

fligatique, ut juri se subducerent, seu appellationis specie, seu retractationis spe, Romam se conferebant, non ingrati Pontificibus, quod Primatum sic stabilire viderentur. Omnes denique toto orbe primæ sedis Episcopi gratiam exambiebant, eò quòd Roma Urbs princeps mundi, orbis epitome, & in gravioris momenti rebus consilii quondam fons & origo clueret. Solentque etiam aliàs consultationes frequentes pro supplicationibus haberi, consilium in merum imperium, arbitrium in judicium, seu rem judicatam successu temporis degenerare. Cumque doctrinæ labes disciplinæ corruptelam consequi soleat, mirum equidem non est, in religionem ipsam errores fonticos paulatim irrepere, Sanctorum & Martyrum invocationem & adorationem circa tempus idem radices agere; Ethnicorum pampinos Christi vineam, dum pauci admodum destringebant, & superstitioni grassanti obnitebantur, obumbrare cœpisse.

*Hormisdæ
Papa pro
stabiliendo
Papa in
Occidente
& Oriente
conatus.*

XXX. Anno DXIV. Romanam sedem Cœlius Hormisdæ occupavit. Is & in Occidente & Oriente primatum firmare haud segniter perrexit. In Occidente diversis Provinciis vicarios, Galliæ Narbonensi Avitum Viennensem, Hispaniæ cis Bœtim Johannem Tharasconensem, trans Bœtim Sallustium Hispalensem imposuit. Qui, ut supra fratres se extollerent, haud inviti munus illud acceptarunt. In Orientem ad Imperatorem Anastasium Legatos misit, qui religionis causâ obortas discordias componerent, Synodique Chalcedonenfis adversus Eutychianos decreta stabilirent. A decreto interim Synodi illius præcipuo, quo Patriarchales throni discernebantur, & nova Roma veteri coæquabatur, manifestè recedit, alia licet in causâ, protestatus, se præter Synodum Nicænam nihil agnoscere. Excepti ab Anastasio honorificè eidem impone-
re potiùs, quàm suadere visi sunt. Cùmque in Patriarcham

Resistenti-

cham Johannem incidissent, is jurisdictionem alienam involantes sic allocutus est : Scio *Augustorum esse, non Pontificis imperare. Aut si quid foret, in quo hunc, cui Divina cura sunt, jubere oporteat, me cum esse, à quo alii multò melius expectent jussa, quàm sua exequenda proponant.* Dimissi ab Anastasio, insolentia eorum offenso, minùs humaniter sunt. Ejus successor Justinus in eadem causa Constantinopoli Synodum coëgit in cujus Actis Constantinopolitanus Episcopus, in Romani contemptum, *Oecumenicus Patriarcha* perpetuò appellatur. Ad eam Synodum Hormisdas etiam legatos misit, instructos libello, quo quid subscribendum esset Episcopis Orientis, siquidem cum Romano in gratiam redire vellent, aliaque pro Romano magnifica continebantur. Quibus inter alia sic Justinus respondit : *Pro una eademque habeo utrasque Ecclesias, tam senioris quàm novæ Romæ.* Johannes verò Constantinopolitanus Hormisdam simpliciter *Fratrem & Comministrum* vocat, & suam Ecclesiam Romanæ subordinari ubique vetat. In gratiam etiam Hormisdæ Acacii & Euphemii nomina è Diptychis erasa sunt : non tamen cœterorum, qui cum iis communicassent quod malè Hormisdam habuit.

XXXI. Anno DXXV. Johannes Papa à Theodorico, Rege Ariano, Constantinopoli ad Justinum missus, pacem Arianis, à Justino loco motis, conciliaturus, non satis habuit, pari in loco cum Episcopo Constantinopolitano Epiphania federe, obtinuitque tandem, ut supra Epiphanium collocatus, altius subsellium, forte quòd Theodorici Regis nomine legatione fungeretur, occuparet. De honore eidem ab Imperatore Justino Constantinopoli amplissimè exhibito nescio quid ampullatur Liber Pontificalis, quem penes fides sit. Redux à Theodorico ambitionis illius impatiente, seu alias etiam ob causas Ravennæ in carcerem detrusus est, in quo etiam supremum diem clausit.

*Johannes
Papa Con-
stantinopoli
legatione
fungens
cum Epi-
phanio Pa-
triarcha de
Primatu
contendit.*

*Redux à
Theodoro
in carcerem
compingitur.*

*Justiniani
de sede Ro-
mana sen-
sus.*

XXXI. Johanni secundo Papæ , cui cognomentum fuit *Mercurius* , ob insignem scilicet eloquentiam , sic Anno DXXXII. Justinianus in Codice *lib. I. tit. I. de summa Trinitate* (si modò germana est epistola , quod pluribus argumentis Celeberrimus J. C. Jacobus Lectius in Præscriptionibus Theologicis negat) abblanditur : *Semper nobis fuit magnum studium unitatem vestræ Apostolicæ sedis , & statum Sanctarum DEI Ecclesiarum custodire , qui hætenus obtinet & incommotè permanet , nulla intercedente contrarietate. Ideoque omnes sacerdotes universi Orientalis tractus & subjicere & unire sedi vestræ Sanctitatis properavimus.* Justinianus scilicet , si ejus hæc verba sunt , ad se pertinere putavit , ut cui videretur , subjiceret Episcopos ; & si videretur , Papam etiam subjiceret sibi. Quod parùm sententiæ Pontificum congruit , primatum suum non arbitrio Imperatorum , sed verbis : *Tu es Petrus ; superstruentium.* Sicut autem Pontificii moderni quiritari solent , Justinianum hætenus nimium sibi arrogasse : ita boni quiritantur meritò , Justinianum Pontificiis nimium dedisse. Idem tamen *Novella 100.* Constantinopolitanum Romano secundum facit. Proin ex mente Justiniani verba , *Properavimus subjicere* , eum habere sensum videntur , non esse , quòd conquerratur Papa , cùm ei Constantinopolitanus non prælatus , sed secundo post eum loco collocatus , adeoque , quoad ordinis pærogativam , subjectus sit. *Caput* , fateor , *omnium Ecclesiarum* Ecclesiam Romanam Justinianus in eadem Epistola , sed suspecta , uti diximus , vocavit. At cùm alia in *Lege Ecclesiam Constantinopolitanam caput esse omnium Ecclesiarum aliarum* , idem definivit , tum Zeno etiam repetiit , proclive judicatu est , ibi *Occidentales* , hîc *Orientales* Ecclesias intelligi. Sanè etiam *Novella 42.* Mennam Constantinopolitanum Patriarcham *Oecumenicum Patriarcham* insignire Justinianus idem nullus dubitavit.

XXXII. ANNO DLII. Constantinopoli Synodus quinta celebrata est, invito equidem Vigilio, Romano Pontifice, cujus auctoritatem licet Baronius, & post ipsum Halloixius floccipenderint, asserere tamen adversus eodem Henricus de Noris, Augustinianus Monachus, dedita opera non dubitavit. Ipse quidem Vigilius, quod Synodum illam rejiceret, à Justiniano in exilium actus est. Ex eo tamen, cum Concilium illud, Epistola ad Eutychium Patriarcham Constantinopolitanum exarata, & non ita pridem ex M. S. Veteri, una cum Petri de Marca ad eam animadversionibus, à Stephano Baluzio edita, approbare se profiteretur, revocatus, in Sicilia, cum Romam proficisceretur, mortuus est. Inde Aquilejensis, Mediolanensis, Ravennensis, aliique tractuum eorum Episcopi sese auctoritati Ecclesiæ Romanæ, cujus propemodum conclamatae tum res erant, subtraxerunt, Synodum etiam Constantinopolitanam ejurantes. Quos Pelagius I. per Narsetem & Pelagius II. per Smaragdum Exarchum in ordinem redigere ne quicquam laborârunt.

*Concilii
Constanti-
nopolitani
V. historia.*

*Desectio
Episcopo-
rum Italo-
rum ab Ec-
clesia Ro-
mana.*

XXXIII. Neque Romæ tantum Veteris Pontifices, sed Novæ quoque eundem in modum *rebus cessere secundis*. Quinimo id Constantinopolitani Episcopi agebant, ut Romanos nova præsumptione atque superbia, uti Gregorius *Registr. lib. IV. epist. 34.* loquitur, superarent. Johannes enim, cui à Jejuniiis *νενευσ* seu *Jejunatoris* inditum cognomentum est, animadvertens scilicet, imperiale solium Constantinopoli, & Ravennæ Exarchatus sedem stabilitam, Romam à Longobardis obsessam, Romanum proin Episcopum magnas in angustias redactum; A. DLXXX. *contra Deum*, ita Gregorius idem, *lib. VI. epist. 69.* loquitur, *contra pacem Ecclesiæ, in omnium despectum & injuriam Sacerdotum, modestiæ ac mensuræ suæ terminos excedens, & illicitè in Synodo superbum ac pestiferum Oecumenici Patriarchæ sive Universalis Episcopi, sibi vocabulum usurpavit.*

*Johannes
Jejunator
Patriarcha
Constanti-
nopolita-
nus Oecu-
menici ti-
tulum sibi
vindicat.*

*Indignan-
tibus mul-
tum Pela-
gio Papa
& Grego-
rio I. Ma-
gno, qui
apud Imp.
Mauri-
tium
Antichristi
præcurso-
rem infi-
guit, quif-
quis cum
titulum
affectat.*

XXXIV. Ea res Romanorum Pontificum, uti mos est ingenii humani *contra audentiùs ire*, contentionem auxit, & ravidam stimulavit orexin. Et Pelagius quidem secundus, obsidione urbis Romæ soluta levatus, collecto animo Johannem *districtissima*, uti *loc. cit.* Gregorius loquitur, *inreparatione* admonuit, ut se à novo & temerario *superstitionis* nomine cohiberet. In Epistola ejusdem Pelagii ad Constantinopolitanæ Synodi Episcopos scripta inter alia hæc verba habentur: *Adversarius noster Diabolus, qui contra humiles sæviens, sicut Leo rugiens circuit, querens quem devoret, non jam, ut cernimus, cantos circuit; sed ita valide in quibusdam Ecclesiæ membris dentem figit, ut nulli sit dubium, quin, nisi unanimiter, favente Domino, cunctorum provida Pastorum turba concurrat, omne citius ovile dilaniet. Perpenditis, fratres charissimi, quid è vicino subsequatur, cum & Sacerdotibus erumpunt tam perversa primordia. Quia enim juxta est ille, de quo scriptum est: Ille est Rex super universos filios superbiæ, quod non sine gravi dolore dicere compellor, dum frater & Coepiscopus noster Johannes mandata Dominica, & Apostolica præcepta, regulasque Patrum despiciens, cum per elationem præcurrere conatur in nomine; puta, Antichristum. Manifestè enim ad locum 2 Thess. II. 4. alludit. Subjungit secundam rationem: quòd ex ea, quam prætendebat, humilitate, universa sibi tentet adscribere, quæ soli uni capiti coherent, nempe Christo. Alia eundem in sensum non minùs prægnantia subjicit. Neque minori ardore Johannem hunc Jejunatorem persequitur Pelagii successor Gregorius I. cognomento Magnus, qui primus se *servum servorum* appellavit. In Epistola ad Johannem illum, *Universalem* Episcopum dici, & *Solum* Episcopum dici, perinde esse asserit. Revera enim si unus est universalis Episcopus, reliquis non datur esse Episcopis, sed universalis illius Episcopi vicariis duntaxat & subdelegatis. Epistola ad Constantiam Augustam, quæ *Epist. lib. IV. ep. 34.* est:*

Per

Per omnipotentem Dominum rogo, inquit, ne pietatis vestra tempora permittatis unius hominis elatione maculari: alludens ut ibi, ita & alibi ad illum ὁσπουόμενον sese effferentem seu elatum de quo S. Paulus 2 Theff. II. 4. vaticinatur. Subjicit: In hac ejus superbia quid aliud, nisi propinqua jam esse Antichristi tempora designatur. Quia videlicet illum imitatur (Luciferum) qui spretis in Sociali gaudio Angelorum legionibus ad culmen conatus est singularitatis erumpere, dicens: super astra cæli exaltabo solium, &c. Ero similis Altissimo. Epistola ad Mauritium Imp. quæ lib. IV. Epist. 32. est, eodem sensu: Cunctis, inquit, Evangelium scientibus liquet, quòd voce Dominica Sancto, & omnium Apostolorum Petro principi Apostolo, totius Ecclesiæ cura commissa est. Cura ei totius Ecclesiæ & principatus committitur; & tamen Vniuersalis Apostolus non vocatur. Et Vir Sanctissimus, Consacerdos meus, Johannes vocari Vniuersalis Episcopus conatur. Exclamare cogor ac dicere: O tempora, O mores! Ea cuncta in Europa barbarorum juri sunt tradita. Destructæ urbes, eversa castra, depopulate provincie, nullus terrarum cultor inhabitat. Et tamen Sacerdotes, qui in pavimento & cinere flentes jacere debuerunt, vanitatis nomina sibi expetunt, & novis ac prophanis vocabulis gloriantur. Cumque Mauritius Imperator præcepisset, ne frivoli vocabuli prætextu scandalum inter Episcopos digladiantes exoriat, Epistola ad eundem data, quæ lib. VI. Epist. 30. est; Imperialis, inquit, pietas penset, quia alia sunt frivola, valde innoxia, atque alia vehementer noxia; Numquid non, cum Antichristus veniens se Deum dixerit, frivolum valde erit, sed tamen nimis perniciosum? Si quantitatem sermonis attendimus, duæ sunt syllabæ. Si verò pondus iniquitatis, universa perniciēs. Ego autem fidenter dico, quia quisquis se universalem Sacerdotem vocat, vel vocari desiderat, in elatione sua Antichristum præcurrit: quia superbiendo se cæteris præponit. Nec dispari superbia ad errorem ducitur, quia sicut perversus ille Deus videri vult super omnes ho-

mines, ita quisquis est, qui solus Sacerdos appellari appetit, super cæteros Sacerdotes se extollit.

Vaticinium Gregorii M. de sequentibus temporibus.

XXXV. Sunt hæc Gregorii Pontificis verè *Ταλανταῖα ῥήματα*. Majus tamen illud est, quòd idem Gregorius proximè futuram tempestatem, tanquam ex specula quam ante prospiciens, de sequentibus temporibus ita *lib. VIII. Ep. 36.* vaticinatur: *Qui post nos vixerint, deteriora tempora videbunt, ita ut in comparatione sui temporis felices nos æstiment dies habuisse.* Alibi *lib. IV. Epist. 38.* expressius: *Omnia quæ prædicta sunt, fiunt. Rex superbia prope est, & (quod dici nefas est) sacerdotum est preparatus exercitus.*

ECCLESIÆ ROMANÆ PERIODUS TERTIA.

Seu

Historia Ecclesiæ Romanæ Dominatio-
nem in Spiritualibus, indultu Phocæ, adipi-
scentis, & in doctrina ac ritibus de-
generantis.

Inde à Bonifacio III. seu A. C. DCVII. ad Gregorium
VII. seu A. C. MLXXIII. usque.

BREVIARIUM.

XXXVI. *Phocæ Imperatoris decretum, quo Ecclesia Romana ca-
put omnium Ecclesiarum declaratur à Bonifacio III. confirma-
tum.*

XXXVII. *Syllogismo Pontificum verbis contexto Ecclesia Romana
αὐτοκράτωρ & convincitur.*

XXXVIII. *Exceptiones elisæ. Quo sensu Ecclesia Romanæ Episco-
pi Vniuersales, Oecumenici à Patribus dicti?*

XXXIX. *Ab eo tempore verus Papatus in Ecclesiam Occiden-
tis; & simul etiam in Ecclesiam Orientis Muhammedismus in-
troducti caput.*

- XL. Honorii Bonifacio succedentis in hæresin Monothelitarum lapsus, à Gregorio prædictus.
- XLI. Pontificum sequentium studia quæ fuerint, exponitur. Agathonis Siculi superbissima effata. Theologia & bonarum literarum supinus iisdem temporibus neglectus.
- XLII. Concilium Constantinopolitanum VI. in Trullo habitum, à Constantino Pogonato solo & convocatum, & directum est. Romani in eo in ordinem redacti.
- XLIII. Leonis II. Benedicti II. Sergii I. ambitio.
- XLIV. Synodus Quini-sexta Romanæ Ecclesiæ minùs propitia, & ab eadem rejecta.
- XLV. Ecclesiæ Romanæ seculo octavo status, provehenda Paparum dominationi idoneus fuit, Imperatore, Exarchis & Longobardis æmulis, Pontificum gratiam aucupantibus. Justinianus II. cum Ecclesia Romana conciliationem frustra querit. Papæ Constantini pedes osculatur.
- XLVI. Historia certaminis de imaginibus Ecclesiam inter Romanam & Orientales, cui Philippicus Bardanes, & Johannes Patriarcha Const. imagines Patrum Concilii VI. è porticu Sophiae removentes; Constantinus verò Papa easdem, aliasque etiam Romæ in porticu Petri collocantes, ansam dederunt. Ea occasione Ecclesia Romana ab Imperatore Orientali deficit, & mox Longobardis etiam à Pipino & Carolo M. domitis, Romanæ ditionis dominium feudali nexu adipiscitur.
- XLVII. Historia Synodi Generalis septimæ Constantinopoli habitæ, qua imaginum cultus damnatus: nec non Nicænæ II. qua idem stabilitus est. Carolus M. adversus Synodum Nicenam illam Francofurti Synodum celebrat, & imaginum cultum, libris etiam editis, damnat.
- XLVIII. Carolo tamen Imperatore liberiùs se Papatus movet, benevolentia & liberalitate tum Caroli, tum Inæ Saxonum Regis, in Britannia Denarium S. Petri Pontifici pensitandum instituentis adjutus, ceremoniis etiam in Franciam introductis, & Episcopis appellatione Romanæ concessa.

- XLIX.** *Religionis prora & puppis quibus tum in rebus constitit? Novelli ritus Caroli tempore in Ecclesiam invecit. Crassa ignorantia Cleri.*
- L.** *Seculi IX. historia ex Pontificum ejusdem rebus liquet.*
- LI.** *Electio Stephani V. & Paschalis I. anomala.*
- LII.** *Eugenius II. in schismate eligitur. Valentinus osculum pedum à senatu Romano primus admittit.*
- LIII.** *Synodi Parisiensis ad Ludovicum Imp. de Nicena II. Synodo rescriptum. Eugenii II. in iconolatria tuenda obstinatio.*
- LIV.** *Gregorius IV. Ludovici filios adversus Patrem fovet, & anathema comminatus, ab Episcopis Gallie spernitur. Sergius II. Os porci, electus Papa, primus nomen mutat. Idem, & post ipsum Leo IV. sedem, neglecto Imp. consensu occupant. Johannes VIII. femina.*
- LV.** *Nicolai I. judicari se à seculari potestate, eò quòd Papa à Constantino Deus vocatus fuerit, vetantis: Lotharium excommunicantis: cum Michael Imp. Constantinopolitano ob Photium Ignatio substitutum exposulantis, & anathema eidem intentantis: Ravennatensem Ecclesiam opprimantis: Sacerdotes conjugatos persequentis insolentia.*
- LVI.** *Historia controversiæ de Prædestinatione Godeschalcum inter & Rabanum Maurum ac Erigenam Scotum agitata, ex qua declinatio orthodoxa de gratia & prædestinatione doctrina colligitur.*
- LVII.** *Hadriani II. molimina adversus Carolum Calvum, ab Hincmaro & ipso Rege fortiter repressa.*
- LVIII.** *Historia Synodi octavæ Oecumenicæ, in qua Photio ob reprehensum Basilium Imperat. parricidam deposito Ignatius substituitur, parricida partes Hadriano fovente in cujus gratiam in eadem primatus Papæ & imaginum cultus confirmatus est.*
- LIX.** *Johannes IX. tres Augustos pronuntiat. Vnde posthac titulus Imperatoris Papæ beneficium esse cepit.*

- LX. *Hadriani III. decreta , ne in creando Pontifice Imperatoris
authoritas expectetur : utque post mortem Imper. Crassi Regnum
Italicis Principibus cum titulo Imperii tribuatur.*
- LXI. *Stephani VI. Sanctio , ut leges Ecclesiæ Rom. sint irrefra-
gabiles. Stephani VII. adversus cadaver Formosi horrenda sæ-
vitia : vindicantibus mox Formosum successoribus.*
- LXII. *Baronii de infelicitate illorum temporum , & monstris sedi
Rom. ab Adelbertis Thuscis impositis querela. Successionis Papa-
rum turbatio.*
- LXIII. *Historia certaminis Sacramentarii inter Paschasium Rat-
bertum & Rabanum Maurum , ac Bertramum agitati.*
- LXIV. *Potestatem Pontificis temporalem circa ea tempora mul-
tum fictæ donationes Constantini M. Ludovici Pii & Othonis
M. promoverunt , quarum vossæ panditur. Spiritualem eorun-
dem potestatem firmarunt Epistolæ Decretales primis Pontifici-
bus eodem tempore per fraudem suppositæ.*
- LXV. *De Seculi decimi miseranda facie querela Bellarmini &
Baronii.*
- LXVI. *Romæ tum sordidissimæ meretrices , Theodora & Ma-
rozia imperitârunt. Gerberti & Genebrardi de eodem sæculo que-
rimonia.*
- LXVII. *Infelicitatis illius cause nunquid penes Imperatores Ger-
manos hæserint ?*
- LXVIII. *Seculi illius Pontifices à Gerberto*
- LXIX. *nec non Platina , Stella , Baronio , Genebrardo graphicè
depicti. Exempli nonnullorum producuntur.*
- LXX. *Cleri totius corruptio immanis.*
- LXXI. *Novas hæreses seculum isthoc nullas protulit , quia in Præ-
latos & Monachos hæretici fugerunt omnes.*
- LXXI. *Ecclesiæ circa annum millesimum status ex Wernero , Gla-
bro Radulpho representatur.*
- LXXII. *Seculum decimum ferreum à Dithmaro appellatum quo re-
velandum , vel revelatum jam esse Antichristum , passim percrebuit.*
- LXXIII.

LXXIII. *Silvestri II. Necromantia. Discipuli & successores ejus eodem, aliisque etiam criminibus infames.*

LXXIV. *Cardinalium nomen tempore Benedicti IX. in pretio esse incipiti. Cardinalis fixus Ecclesie minister. Eorum definitio verbis M. Anton. de Dominis textitur.*


LXXV. *Potestas eorum una cum Papae potestate crevit; Seculo imprimis undecimo quo prima in eligendo Papa partes iis sub Nicolao II. decretae. donec exclusa ab ea electione Imperatore & Clero reliquo, solis iis jus hoc cessit. Ita sub appellatione ecclesiastica Principes seculares facti sunt.*

LXXVI. *Ea ratione Papa Christi amulus collegium Apostolicum, ex Cardinalibus conflatum, constituit.*

LXXVII. *Cardinalium ex eo tempore prerogativae multiplices.*

LXXVII. *Galerus ruber senatus hujus Edomitici tessera. Cujus auctoramento principes hujus seculi viri ad Pontificias partes trahuntur.*

LXXVIII. *Certaminis Sacramentarii continuatio per Berengarium, ad horribilem palinodiam coactum. Libertati restitutus idem veritatem ad finem usque vitae asseruit.*

XXXVI.  N verò Gregorium, quem supra vaticinantem induximus, ex semet ipso ea prolocutum esse, an prophetasse potius, quòd esset Pontifex anni illius, putabimus? Quicquid sit, augurium vatem non fefellit. Successores enim ejus, quod in Johanne Constantinopolitano gravissimè meritò detestatus Gregorius est, ipsimet avidissimè rapuerunt, raptum defensitarunt quibus libet interdictis, & praefractè, si quid aliud. Phocas enim, alter Zimri, Domini sui, Mauritii sub ipso ferali ictu iusta Dei judicia celebrantis, cujusque centurio fuit, occisor nefarius, Tyrannus Calydonius ci-

Phoca Imperatoris decretum, quo Ecclesia Romana caput omnium Ecclesiarum declaratur, à Bonifacio III. confirmatum.

ἄνθρωπος εἰσφαγῆς & μισοβάρβαρος & ἀνθρώπος ferro obiectus, homo semibarbarus, de Cyclopyum genere, in modesta purpura centaurus petulantissimus, cui de ebrietatis Regno erat certamen (enotas, quibus Phocam Pontificii Regni architectum coætaneus ejus Theophylactus Simocatta insignivit:) rogante Papa Bonifacio (tertio, patria Romano, A. DCVII. electo Pontifice) statuit, sedem Romanæ Ecclesiæ caput esse omnium Ecclesiarum, quia Ecclesia Constantinopolitana primam se omnium Ecclesiarum scribebat, uti Beda de sex ætatibus mundi, Paulus Diaconus Rerum Romanarum lib. II. Anastasius Bibliothecarius in vita Bonifacii III. alique commemorant; vel, uti Pomponius Lætus in Hist. Rom. compendio loquitur: Urbem Romam totius salutaris vitæ caput esse sanxit, cum antea propter sedem Principis Constantinopolis haberetur. Erat nempe Phocas Cyriaco Patriarchæ infensus, tantoque magis Romani Pontificis exquisitis adulationibus appetitus, ut Constantinopolitani odio, & in favorem Romani non tantum Ecclesiam Romanam Ecclesiarum omnium caput: Sed Romanum etiam Episcopum Vniuersalem seu Oecumenicum Ecclesiarum scil. omnium Episcopum esse, dicique debere statuerit. Quod imperiale scilicet statutum Bonifacius mox in Synodo Episcoporum LXXII. sanciri iubens, simul definivit, electionem Episcopi à Clero pariter & populo fieri debere, eamque ita ratam fore, si à Principe civitatis approbata esset, & si summus Pontifex denique his verbis auctoritatem suam interposuisset: Volumus & iubemus: uti in vita ejus Platina loquitur.

Syllogismo
Pontificum
verbis
contexto
Ecclesia
Romana
ἀνθρώπος
καὶ
convincit.
299.

XXXVII. Fingamus hic ad vivos redire Gregorium, quid dicturum putamus, si successorem suum titulo superbientem Vniuersalis Episcopi, quem tantopere in Johanne Constantinopolitano damnaverat, vidisset? Saltem ἀντίχριστος Sedes Romana efficitur Syllogismo ipso- rum Pontificum verbis confuto: Qui Episcopus vniuersalis appellari vult, Antichristi præcursor est. Bonifacius tertius Vni-

versalis Episcopus appellari & vult, & ut appelletur, possit, ob-
tineturque. Bonifacius igitur tertius, si non Antichristus ipse, ut ejus
certe præcursor est.

XXXVIII. Neque hic tralatitia *κρησφύετα* moramur, *Exceptio-*
nes elisa.
 cujusmodi sunt, Phocam universalem Episcopatum Romani non in-
 stituisse, sed asseruisse: ante Phocam titulo capitis Ecclesiæ, *universalis*
Episcopi ab Imperatoribus aliisque Romanos exornatos esse. Aliter lon-
 gè Scriptores vetusti. Paulus Diaconus scriptor cœvus
 lib. IV. cap. 37. de gestis Longobard. sic: Phocas, rogantē Pa-
 pa Bonifacio, statuit, (en statutum novum, non veteris sta-
 tuti assertionem!) *Sedem Romanæ & Apostolicæ Ecclesiæ caput*
esse omnium Ecclesiarum, &c. Sic etiam posteriores, Fre-
 culphus, Regino, Anastasius, Hermannus Contractus,
 &c. qui omnes: Bonifacius rogavit, obtinuit, impetravit à
 Phoca, ut esset, vel haberetur caput omnium Ecclesiarum. Non-
 nulli etiam Phocæ autoritate factum esse caput Ecclesia-
 rum. Sigonius de Regno Italiæ lib. II. scribit, Bonifacium
 ad Phocam legationem misisse, quo decretum obtinuerit,
 ut sedes B. Petri esset prima omnium Ecclesiarum. Sanè etiam
 Justinianus (siquidem *ὑποστ.* ejus Epistola est) ante
 Phocam Ecclesiam Rom. *omnium Ecclesiarum caput* insigni-
 vit, sed eodem utique sensu, quo etiam Constantinopo-
 lin caput omnium aliarum Ecclesiarum esse dixit. Mos fuit S.
 Patribus, omnes Patriarchas Oecumenicos seu Univer-
 sales, hoc est, universalis Ecclesiæ contutores, seu Catho-
 licæ Ecclesiæ curam in sua portione, suoque districtu ge-
 rentes (quamquam ne is quidem sensus Gregorio placuit,
 apertè testato, à suis antecessoribus vocabulum id rejectum
 esse) nuncupare; quod abundè à nostris probatum. In
 ipsa Synodo Chalcedonenſi Mennas Constantinopolitanus
 Episcopus passim *Oecumenicus*; in Nicæna Tharastius Pa-
 triarcha generalis ab ipso Adriano Episcopo Romano vocan-
 tur. Observatumque jam olim etiam Benedicto Renato,

*Quo sensu
 Ecclesia
 Rom. Epi-
 scopi uni-
 versales
 Oecumeni-
 ci à Patri-
 bus dicti?*

S. Eustachii apud Parisianos Parocho, in amica Disquisitione super Doctrina Huguenottorum, Patres aliquando universalius de Ecclesia Romana locutos esse, eò quòd per Romanam Ecclesiam Occidentalem seu Latinam, Orientali seu Græcæ, contradistinctam intellexerint, & à sede præcipua ac Metropoli utrumque Imperium atque Ecclesia denominata fuerit. Ut manifestum planè sit, Phocam *capitis Ecclesiarum*, & *Universalis Episcopi* titulum, qui communis antehac fuerat, Romano ita appropriasse, ut ab ejus communione Constantinopolitanus, alique excluderentur, & Romanus in posterum rerum in Ecclesia potiretur solus. Unde perpetuum Occidentalem inter & Orientalem Ecclesiam schisma posthac incessit, malumque paulatim factum immedicabile est.

Ab eo tempore verus Papatus in Ecclesiam Occidentis, & simul etiam in Ecclesiam Orientis Muhammedismus introductus cepit.

XXXIX. Ex hoc tempore verus Papatus in Ecclesiam Romanam invehi, errores & superstitiones in ea incrementum capere, sacra omnia refigi & refingi, paulatim ex serpigine gangræna nasci. Plurimis tamen in Oriente & Occidente, Gallia cum primis, Germania & Britannia in maximi momenti rebus, in quibus summa salutis vertitur, à Romani Pontificis sententia divortio facto discedentibus. Accedit, quòd circa id ipsum tempus in Oriente exortus est Pseudopropheta Muhammed, cujus sectatores Saraceni mirabiles adeò successus habuerunt, ut tertio post excessum illius anno, Omaro dynastiam capeffente, intra sexennii spatium Ægyptum, Arabiam, Phœniciam, Palæstinam, Syriam, Mesopotamiam occupaverint. Sic duæ voragines, duo scopoli, duo carcinomata Ecclesiæ externæ corpus invaserunt corripueruntque subitò.

Honorii Bonifacio succedentis in haresin Monothelitarum

XL. Jam ante Gregorius M. *Si unus Episcopus vocaretur Universalis, corrumpitur Ecclesia universalis, si unus caderet*, prædixerat. Augurio illi fidem statim fecit specimen notorium, Honorii, quarti post Bonifacium Papæ, qui A.

DCXXV I. Bonifacio V. successit, lapsus, ex quo cernere fuit, *lapses, à Gregorio prædictus.*
 quàm lubrica res sit, à fide unius hominis pendere. In Monotheletarum scilicet hæresin præceps lapsus, errorem suum literis ad Sergium Constantinopolitanum datis, & in Synodo Sexta Universali, actione duodecima & decima tertia prolatis, omniumque Patrum judicio igni damnatis, prodidit. Anathemati proin etiam in Synodo Nicænæ secunda, actione ultima: nec non in Octava ab Adriano Papa subjicitur. Egregium scilicet Papam, Episcopum Universalem, & caput omnium Ecclesiarum: quem Wicelius dicit fuisse *bonum virum, sed malum Papam & Pastorem negligentem*, reformatorem scilicet Cleri in rebus ludicris observandis, non in Verbo Dei propagando. Licet verò ab hæreseos nota liberare eum Bellarminus conetur, à doctissimo tamen nuper Sorbonista Launoio, Epistolis ea de re editis, ejusdem reus apertè peragitur.

XLI. Sequentium Pontificum, Honorii ipsius, Zephyrini, Theodori, Martini, Eugenii, Vitaliani &c. studium fuit, non tam Ecclesiam Dei vivæ vocis præconio ædificare, & lapides vivos undique congerere: quàm *Pontificum sequentium studia quæ fuerint, exponitur.* magnifica Tempia, facella, statuas exstruere, aliisque etiam ridiculis *Agathonis Siculi superbissima effata.* ~~ωεεργίους~~ operam omnem navare; ad exterarum regiones quosdam à latere ablegare, non Evangelium promulgaturos, sed ceremonias ritusque Romanos, Cantum, Latinum officium, Horas, altaria, organa, cereos, & nugamenta similia; præ cæteris autem primatum Papæ, Phocæ suffragatione collatum obtrusuros. Agatho certè Siculus A. DCLXXV I I I. Papale solium adeptus D. 19. C. sic omnes 2. Papaliter ita pronunciat: Sic omnes Sanctiones Apostolica sedis accipiendæ sunt, tanquam ipsius Divina voce Petri firmata. Ad Constantinum etiam Pogonatum scribit idem, *Ecclesiam Apostolicam (Romanam) non*
quam

quam à Via veritatis deflexisse, sed illibatam permanuisse, nec errare potuisse, secundum ipsius Salvatoris Divinam pollicitationem, quam suorum discipulorum Principi in Sacris Evangeliiis fatus est.

Theologia
& bonarum
literarum
superius
dissertum
tem-
poribus
negligens.

Sub eodem tamen Papa tantam bonarum literarum sterilitatem, & Theologiæ universæ neglectum Ecclesiam pervagatum esse, ut ne unus quidem Romæ Theologus fuerit, & Theodorus Theologus nequicquam ex Britannia accitus fuerit; Papæ ipsius testimonio Baronius ad A. DCCLXXX. confirmat. Scilicet omnia sapientiæ cœlestis mysteria in penetrabile & adytum novi Apollinis, Universalis Episcopi immeârunt.

Concilium
Constanti-
nopolitanum
VI. in
Trullo ha-
bitum à
Constanti-
no Pogona-
to solo &
convoca-
tum & di-
rigitum est.
Romani in
eo in ordi-
nem redi-
iti.

XLII. Anno DCCLXXX. Constantinopoli in Trullo ad compescendos Monotheletas, Synodus VI. habita est, indicente non Agathone, sed Constantino Pogonato, uti Zonaras, Gratianus, Anastasius disertè testantur. Agatho ipse Cæsari vocanti *promptam obsequentiam se exhibere* testatur. In literis ad Agathonem & Episcopos Romanos, nec non Gregorium Constantinopolitanum, illos *Papas Universales*, hunc *Patriarcham Universalem* vocat. Præses seu *Præsides* non alius in omnibus Concilii actis, quàm Constantinus designatur. Neque Agatho ipse in Concilio *ὑπεροχὴν* supra alias Ecclesias venditare ausus, se per Legatos suos in parium curia sedere perspexit. Quin Episcopum Romanum ejus Synodi Patres, juxta antiquum Synodi Constantinopolitanæ decretum ita in ordinem redigunt, ut *ἰσὼν ἀπολαβεῖν τῷ προσβέλειον* pari dignitate frui & Romanum & Constantinopolitanum sciscant. Adeo nondum in Orientem *Universalis* potestatis fimbrias, ut ut concupiverint, dilatare Romanis integrum fuit.

Leonis II.
Benedicti
II. Sergii I.
ambitio.

XLIII. Agathonis Successor Leo II. à Constantino impetravit, ut qui Archiepiscopus Ravennæ impofterum eligeretur, Romam ordinandus se conferat, ea tamen lege, ne quid pro Pallio ab eo exigatur. Amplius quid ab eodem

eodem Benedictus II. obtinet, ut scilicet quem Clerus, populus & exercitus Romanus Pontificem delegerit, is è vestigio, non expectata vel Imperatoris, vel Exarchi licentia, confirmetur & consecratur. Quæ libertas quàm noxia fuerit, mox in electione Cononis aliorumque emicuit. Cononis successor Sergius I. schismate populi suborto, aliis Theodorum Archipresbyterum, aliis Paschalem Archidiaconum obtrudere molientibus, ex media populi turba raptus Papa creatur, & ilico ab omnibus, ipsis etiam rivalibus, salutatur; vel, ut Sigonius, recentiori adulatione, ait, *adoratur*. Eo sedis hujus superbia, & invadendæ ejusdem cupiditas, & ambitio jam processerat.

XLIV. Eodem Sergio Pontifice Anno dxcxi. Constantinopoli in Trullo, autoritate Justiniani Rhinotmeti à Callinico Patriarcha convocata, celebrataque adeò est Synodus, cui vulgò *πεντέκτης*, *quini-sexta* nomen inditum est, eò quòd quintæ & sextæ Synodi generalis, in quibus Canones de Disciplina, regimine, ritibus, moribus Clericorum & Monachorum decreti nulli fuerant; quoddam supplementum esset. Varios ibi Canones Ecclesiæ Romanæ disciplinæ, praxi, authoritati oppositos, seu, uti Anastasius in vita Johannis VII. loquitur, *capitula Romanæ Ecclesiæ contraria* videre est. Quamobrem etiam moderni Ecclesiæ Romanæ gnathones Synodum erraticam, & nonnulli etiam planè confictam appellare non verrecundantur; licet ab ipso Sergio, ea parte, qua Ecclesiæ Romanæ authoritatem non lædit, subscripta, aliisque etiam Pontificibus approbata constet. Auxeruntque Canones hi schisma jam ante coeptum Orientales inter & Occidentales, fatente Baronio, *eorum causa diu Græcos inter & Latinos disceptatum esse*.

*Synodus
quini-sexta
Romane
Ecclesiæ
minus propi-
tita &
ab eadem
rejecta.*

XLV. Seculi octavi status Romanorum Pontificum do-

*Ecclesiæ
mi-*

*Romana
seculo octa-
vo status
provehenda
Paparum
dominatio-
nis idoneus
fuit, Impe-
ratore, Ex-
archis &
Longobar-
dis æmulis,
Pontificum
gratiam
aucupanti-
bus.*

minationi provehendæ idoneus fuit. In Oriente remoti ad-
eò, sedebant Imperatores. Italiam barbari, Longobardi
invaserunt. Subditi Romani ab obsequio paulatim Impe-
ratoris Constantinopolitani se subduxerant, Exarchorum
imperium exuere parati. Omnes hæ partes Romanorum
Pontificum gratiam ambiverunt. Imperator & Exarchi,
ut se adversus Longobardos & subditos infideles, favore
eorum freti, munirent : Longobardi haud segniores, ut
imperium malis artibus quæsitum stabilirent. Proin A.
nccv. Johanni VII. Aripertus Longobardorum Rex, im-
mania scelera sua expiaturus, qui jam Seculi illius error
& terror fuit, Alpes Cottias in patrimonium donavit,
quas Taurino Genuam usque indeque in Gallias Blondus
& Platina extendunt. Ex adverso Justinianus II. domesti-
cis seditionibus conflictatus, imperio exutus, ac demum
restitutus, & vindictam spirans, eundem Pontificem Jo-
hannem VII. demulcere conatur, missis ad eum Actis Sy-
nodi Sextæ, ut, verbis Anastasii utor, *quæ ei visa essent,*

*Justinianus
II. cum Ec-
clesia Ro-
mana
conciliatio-
nem frustra
querit.*

stabiliret, & quæ adversa, renuendo excluderet. Sic utriusque
Ecclesiæ Orientalis & Occidentalis reconciliationem ten-
tare voluit. Coeterum Papa schisma sibi futurum condu-
cibilis ratus, Legatos re infecta remisit. Post Imperator
idem Callinicum Patriarcham, oculorum usura priva-
tum, Romam ad Constantinum Papam gratificaturus ei,
misit : Papamque ad se Constantinopolin in vitavit, seu,
ut Paulus Diaconus loquitur, *ad se venire jussit*, specie
consilii de Republica cum ipso ineundi; revera, ut ho-
noribus cumulatam sui eum beneficii faceret. Adventantis
Papæ pedes Imperatorem Regium (diadema) in capite ha-
bentem exosculatum, Paulus Diaconus idem tradit, addens,
Justinianum cuncta Ecclesiæ Romanæ privilegia inno-
vâsse, & Papam Romam onustum muneribus dimi-
sisse.

*Papa Con-
stantini pe-
des oscula-
tur.*

Historia certaminis de Imaginibus Ecclesiam inter Romanam & Orientalem, cui Philippicus Bardanes & Johannes Patriarcha Constantinopolitani imagines Patrum Concilii VI. è porticu Sophiae remouentes: Constantinus uero Papa easdem, aliasque etiam Romae in Porticu Petri collocantes, auferunt. Ea occasione Ecclesia Rom. ab Imperatore Orient. deficit, & mox Longobardis etiam à Pipino & Carolo M. domitis, Romanae dominationis feudali nexu adipsur.

XLVI. Mox certamen de Imaginibus, earumque cultu Romanam & Orientalem Ecclesiam admodum exercitam habuit. Certaminis occasio incidit in A. dccxii. quo Philippicus Bardanes Imperator, & Johannes Patriarcha Constantinopolitanus Monotheleta uterque, Concilio Oecumenico sexto, quo Monotheletis Anathema dictum est, reprobato, Synodij ejus Patrum imagines è Porticu S. Sophiae, ubi paulo ante à Justiniano collocatae fuerant, sustulerunt. Mox Constantinus Papa in aduersum nixus, Romae celebrata Synodo, easdem imagines, additis etiam praecipuorum, qui praecedentibus Conciliis intererant, Patrum imaginibus, in porticu S. Petri collocavit: definiens insuper, etiam in Templi imagines inferendas esse. Hinc quaestio de imaginibus non accessoria amplius mansit, sed principalis euasit; Papa Constantino Philippicum *in Iconomachiae haeresin lapsus* (ita Platina) imperio spoliare auso. Leo tertius Isaurus A. dccxxvii. Imperio admotus mox edictum aduersus imagines A. dccxxvi. promulgat, & Constantini successorem Gregorium II. cui *Dialogi* nomen erat, ab imaginum tutela dehortatur gravior. Ille aduersus Imperatorem aestuans, Ravennates, Venetos populumque omnem aduersus Imperatorem & Exarchum concitat. Quo facto effrenes populi in Paulum, Ravennae Exarchum, impetu facto, universam Italiam seditione, rapina, coedibus implent. Ac tandem tot tantisque sceleribus obligati Romani, si quidem vera est narratio authorum Graecorum, Zonaræ, Theophanis & Cedreni (quam nuper tamen Launojus *Epist. lib. 7.* suspectam reddere conatus est) ab obsequio & fide Leonis Orientalis Imperatoris, sublato mox etiam Exarchatu, ducentos annos in Italia obtinente, desciscunt, & solenni Sacramento se Pontificis Romani vitam statumque in perpetuum defensuros, & auctoritati ejus obtemperaturos

recipiunt. De quo ita Sigonius *de Regno Italia lib. 2.* scribit: *Ita Roma Romanusque Ducatus à Græcis ad Romanum Pontificem propter infandam eorum hæresin (Iconomachiam) impietatemque pervenit: exactis à Romanis Episcopis Italia Orientis Imperatoribus deinceps oculos Romam versus cum suspiriis & gemitibus vix contorquentibus. Unus supererat metus à Longobardis, in Italia tum latè dominantibus, quorum imperio Pipini, quem succollaturum sibi Zacharias Papa abdicato (si narrationi Trithemii & Sigonii, quam idem eodem libro Launojus in dubium etiam revocat, fides haberi potest) Childerico, ceu minùs ad destinata exequenda idoneo, Regem Francorum fecerat, & Caroli M. operâ excusso, adeoque vicina potentia remotioris auxilio subruta, Papa Romanæ ditionis dominium obligatum feudali vinculo adeptus est, quo jure, quave injuria, nihil ultra dicere attinet, rebus cerè, ut Sigonius idem *loc. cit.* loquitur, *pro Ecclesiæ salute, & sedis Apostolica auctoritate, non tam pie, quàm prospere gestis.**

*Historia
Synodi Generalis
Septima
Constantinopolitana,
quæ
Imaginum
cultus
damnatus:
nec non
Nicæna II,
quæ idem
stabilitus
est.*

XLVII. ANO DCCCLIV. sub Constantino Copronymo Constantinopoli indicta & habita est Synodus Generalis Septima, ex Episcopis trecentis triginta octo conflata, quæ, explosis aliis imaginibus *unica* definitur esse *imago ab ipso Christo instituta, nimirum panis & vinum in Eucharistia, quæ representant Christi corpus & sanguinem.* Cui Synodo post triginta tres annos A. DCCCLXXXV I I. se opposuit Synodus Nicæna Secunda *ληστική* seu *latrocinialis* vulgò dicta, annitente Irene, Leonis IV. conjuge, & Constantini Septimi tum adhuc impuberis matre, quæ Adriano I. Rom. Pontifici & imaginibus simul addicta, cum eodem Papa conspirans eò denique rem perduxit, ut imagines honorandas, venerandas, salutandas, osculandas, incensis, cereis prosequendas, publico decreto sanciretur. Cui post decreto se opposuere Constantinus ipse factus adul-

tior,

tior, à matre Irene, verissima Erynnide, & oculis & vita propterea orbatus: Constantini successores, Nicephorus, alii, & Græci in universum: nec non Carolus M. ipse scriptis quatuor adversus cultum imaginum libris, & habita Francofurti A. MCCXCIV. Synodo, ex Episcopis Francis, Germanis, Italis, Anglis pluribus conflata, qua, uti Walafridus Strabo, Author Annalium Fulden-
fium, loquitur, Pseudo-Synodus Græcorum pro adorandis imagi-
nibus habita, & falso Septima vocata ab Episcopis damnata est. De
 eadem Synodo sic Hincmarus Rhemenſis Archiepiſcopus
 libro contra Hincmarum Laudunensem edito: *Tempore*
Caroli Magni Imperatoris, jussione Apostolica sedis, Generalis Sy-
nodus in Francia, convocante præfato Imperatore, celebrata, &
secundum Scripturarum tramitem, traditionemque majorum, ipsa
Græcorum Pseudo-Synodus destructa, & penitus abdicata est. De
 cujus destructione non modicum volumen, quod in Palatio adolescen-
 tulus legi, ab eodem Imperatore Romam est per quosdam Episcopos
 missum. Paulò post: *Authoritate itaque hujus Synodi nonnihil*
repressa est imaginum veneratio. Sed tamen Hadrianus & alii Pon-
tifices in sua opinione perseverarunt, & mortuo Carolo suarum pu-
parum cultum vehementius promoverunt; adeò ut Ludovicus Ca-
roli filius, libro longè acriori insectatus sit imaginum cultum, quàm
Carolus. Cùm igitur Græci, Occidentales Franci, Ala-
 manni, Itali, Angli, à Concilii Nicæno, à Pontificiis Le-
 gatis directo, pro & universali se venditantis, & à Pontifi-
 ce ipso Hadriano confirmati definitione libere recefferint,
 neque minùs tamen pro Christianis & orthodoxis habiti
 fuerint, (quis enim Divum Carolum, quis tot Episco-
 pos hæreticos dixerit?) citra orthodoxiæ periculum à
 definitionibus Conciliorum Pontificiorum, Tridentini no-
 minatim, cùm ab iis violatam esse legem Dei credi potest,
 recedi, fusè eruditèque Celeberrimus Allixius, disserta-
 tione peculiari confecit.

Carolus
M. adver-
sus Syno-
dum Nica-
nam illam
Franco-
furti Sy-
nodum ce-
lebrat, &
Imaginum
cultum,
libris
etiam edi-
tis, da-
mnat.

*Carolo tam-
en Impe-
ratore li-
berius se
Papatus
moveret, be-
nevolentia
& libera-
litate ad-
jutus, ce-
remoniis
etiam in
Franciam
introdu-
ctis, &
Episcopis
appellatio-
ne Roman
concessa.*

XLVIII. Liberiùs nihilominus Papatus Romanus, Carolo Imperatore, lacertos movit, Pontificum obsequiis claritudinem & protegens, & provehens. Stephanus Papa jam ante Pipino retaliaturus Francorum Regibus Imperiales dignitates & titulos decreverat, eúmque populi Romani nomine *Patritium* dixerat. Carolus Filius post aliquot in Italiam expeditiones prosperè susceptas, Franciæ jam, Italiæ & Germaniæ Dominus, meruit, ut primùm *Patritius Romanus*, mox etiam à Leone tertio, auctoritate non propria, sed populi Romani, uti disertè Sigebertus Gemblacensis, Marianus Scotus, aliique testantur (quicquid etiam hic Baronius aliique sedis Romanæ gnathones pertendant, immane dogma inde eruentes, Episcopi Romani jus esse, Imperia & Regna mutare & transferre) Imperator Romanus proclamaretur, coronareturque. Ubi Leonem suo populique nomine non imperium Carolo, seu rem (nam Franciæ, Italiæ, Germaniæ jam tum dominio potitus erat) sed rei & imperii titulum duntaxat contulisse, nuper Joh. de Bussieres Jesuita *Hist. Franc. lib. 4.* fatetur. Transfegeratque jam Carolus cum Imperatoribus Orientis, ea lege, ut *Imperator* diceretur uterque; Carolus & posterius Occidentis: Orientis cæteri. Sicut autem gratia gratiam parere, & manus manum lavare solet: ita Carolus benefactis Paparum hostimentum retulit, Pipini donatione non confirmata duntaxat, sed immodicè etiam aucta: universis ferè opibus, quas Hunnis eripuit, in Ecclesiæ ærarium illatis: Episcopis vicissim pro modo liberalitatis, (uti quidem ipse Petrus de Marca *de Concordia Sacerd. & Imp. lib. VIII. 19: 2.* fatetur) de rigore antiquæ poenitentiae remittentibus: Ecclesiæ Romanæ ceremoniis plerisque in Franciæ Regnum introductis; &, quod Pontificiæ dominationis Palladium est, Episcopis Metropolitanorum vel Comprovin-

cialium iudicio non acquiescentibus appellatione ad Papæ iudicium concessa. Neque Francos duntaxat Reges propitios adeò Pontifices experti sunt ; sed Inam etiam , Regem Occidentalium Saxonum, cui tum Britannia parebat. Ejus enim indultu Britanniam universam Gregorio III. ita factam tributariam esse , ut ex singulis domibus quotannis singuli denarii (*Denarium S. Petri* insignire moris erat) S. Petro, seu Romanæ sedi pensitari debuerint , Polydorus Vergilius testatur.

XLIX. Quibus tum gradibus mediisque Romanorum Pontificum, qui legitimi Domini, Orientalis Imperatoris & Exarchorum jugum iniquis prætextibus excutere religioni non duxerunt , Francorum Reges deposuerunt , Longobardos Francorum operâ Italia exegerunt , Francorum Regum indulgentia abusi turpiter sunt ; autoritas & potestas in majus processerunt , Catalogus Testium veritatis *lib. VIII. pag. 732. &c.* Aphorismis plus quàm quinquaginta *κατὰ λεπτόν* edisserit. Præterea religionis circa ea tempora prora & puppis in propagando Papæ suprematu, imaginum & sanctorum veneratione , cantionibus , Missarum solennibus , consecrationibus , oblationibus , orationibus apud statuas , imagines , reliquias , Festorum observantia , Templorum ornatu , coelibatu Sacerdotum , votis Monachorum , aliisque oculiferiis meris constituta est. Sigillatim autem circa id tempus Missæ solitariae seu privatae , lex abstinendi à certis cibis , puta graculis , lep-

*Religionis
prora &
puppis qui-
bus tum in
rebus con-
sisteris?*

*Novelli ri-
tus in Ec-
clesiam in-
velli.*

ribus , fibris aliisque injuncta pœnitentibus , uti ex Gregorio II. Epistolis & Zacharia ad Bonifacium liquet : novæ peregrinationes institutæ ad Ecclesias noviter constructas , qualis in Galliciam ad Jacobum Majorem , hoc potissimum tempore repertum Compostellæ , Carolo M. Ecclesiam illam privilegiis dotante ; juramentum Episcoporum , quo se erga Romanam sedem obstrinxerunt , præ-

cuncte Bonifacio in formula Tomis Conciliorum inserta; apices dignitatum in Ecclesia, quales sunt Abbatum, Episcoporum, Archiepiscoporum, diribitorum Papa; ritus *ἁγιοθεωρίας* à Leone III. Divinos honores Guiberto, Verdensi Episcopo decernente; (quam primam Canonizationem se legisse Bellarminus *lib. 1. de Sanct. Beat.* fatetur) originem sumpserunt. Et hæc omnia Ecclesia Romana Ecclesiis aliis, Gallicis, Britannicis, Germanicis, Hispanicis, cum primis iis, quæ ad Christum recens conversæ sunt, obtrudere primas inter curas, nihil non in hisce indulgente Carolo, habuit. Denique ignorantia te nebris ita immerso clero, ut in ordinando Episcopo non doctrina quæpiam exquisitor, & in Sacris Literis subactum judicium, sed peritia modò cantandi orationem Dominicam, Symbolum & Psalterium, Computum recitandi requisita fuerit, *nihil mirum* (ita Mezeræus Pontificius *Hist. Gallic. Tomo I. in Carolo M.* arguit) *crassam ignorantiam occupasse plebes. Religio tota conversæ erat in superstitiones.*

Crassa ignorantia Cleri.

*Seculi noni
Historia ex
Pontificum
eiusdem
rebus
liquet.*

L. Cujusmodi seculo nono Ecclesiæ Romanæ facies fuerit, Pontificum illius seculi historia, & res iis sedentibus gestæ propalant. Fuerunt autem Pontifices ordine Stephanus V. Paschalis I. Eugenius II. Valentinus, Gregorius IV. Sergius II. Leo IV. Johannes VIII. Fœmina, Benedictus III. Nicolaus I. Hadrianus II. Stephanus VI. Formosus, Bonifacius VI. Stephanus VII. *Ἀξιωμακρότατα* nonnulla commemorare haud pigebit.

*Electio
Stephani
V. S. P.
schalis I.
anomala.*

LI. Stephanus V. *contra legem*, ita Aimonius *lib. IV. p. 103.* loquitur: *electus & ordinatus*, non expectato scilicet Imperatoris jussu; errorem mox emendaturus, *omnem populum Romanum fidelitatem cum juramento promittere Ludovico iussit.* Ejus etiam sanctio D. 69. C. *quia sancta* 28. extat, ut Pontifex convenientibus Episcopis & universo Clero eligatur, præsentem Senatu & Populo; utque sic electus ab omnibus præsentibus Legatis

gatis Imperialibus consecratur. Neque tamen ei sanctioni pondus fuit in electione successoris Paschalis I. qui infcio Imperatore Ludovico Pio Papa creatus, Cleri & populi impetum apud Cæsarem causatus est, monente Romanos Cæsare, *ne deinceps Majestatem laderent, & Majorum ut statuta in Pontifice creando servarent.*

LII. Eugenius II. A. DCCCXXIV. Papa electus est in schismate, *Eugenius II. in schismate eligitur.* cujus componendi gratia missus à Ludovico Lotharius filius, *qui, Aventini lib. IV. Annal. verba sunt, statum Reipub. quem superiorum Pontificum ambitio immodica, insatiabilis avaritia, versutiâque improba conturbârat, componit, intercepta direptâque fraude à aminibus Flantiquis possessionibus reddidit.* Superbiæ quinetiam Pontificum specimen præbuit Successor Eugenii Valentinus, *Valentinus osculum pedum à Senatu Romano primus admittit.* cujus electi & ad Lateranense Patriarchium deducti pedes *omnis Romanorum Senatus* (ita Anastasius loquitur) *osculatus est.*

LIII. Anno DCCCXXIV. Michael & Theophilus Orientis Imperatores ad Ludovicum & Lotharium Occidentis Imperatores Legatos miserunt, de imaginum controversia & Nicæna Synodo consilium expetituros, rogaturûsque, ut interventu suo Legationem ad Papam ejusdem negotii causâ destinatam favorabiliorem redderent. *Synodi Parisiensis ad Ludovicum Imp. de Nicæna II. Synodo rescriptum.* Sequenti igitur anno Ludovici jussu Parisiis Synodum celebrant Gallicani Præfules, unanimique sententia sic ad Ludovicum inde rescribunt. *Nicenam Synodum cum Sanctæ memoriæ genitor vester coram se suisque perlegi fecisset, & multis in locis, ut dignum erat, reprehendisset, & quadam capitula, quæ reprehensioni patebant, prænotasset, atque per Angilbertum Abbatem Adriano Papæ direxisset, ut ab illius judicio & autoritate corrigerentur. Ipse rursus favendo illis, qui ejus instinctu tam superstitiosa, tamque incongrua testimonia memorato operi inferuerant, per singula capitula in illorum excusationem respondere, quæ voluit, non tamen, quæ decuit, conatus est. Talia quippe quadam sunt, quæ in*

illorum objectionem opposuit, quæ, remota in Pontificali autoritate, & veritati & authoritati refragantur. Imperatores collecta à Theologis contra cultum imaginum testimonia veterum Patrum ad Romanum Pontificem Eugenium II. per Hieremiam Senonensem, & Jonem Aurelianensem Episcopum transmiserunt, addito mandato, ut patienter ac modestè cum eo de hac causa disputarent, ne nimis resistendo eum in aliquam irrevocabilem pertinaciam incidere compellerent. Papa ea de re parum sollicitus, rogantibus Imperatoribus testimonium sibi ex Divina Scriptura, quo imaginum adoratio constaret, ut proferretur, Legatos uno verbo ablegat; arrogantibus esse, qui talia sciscitarentur. Adeò pertinaciter εἰκονομαλείαν Pontifices propugnarunt, & rectiora sentientibus præfractè se opposuerunt.

Eugenii
II. in Ido-
latria
menda
obstinatio.

Gregorius
IV. Ludovici
filios
adversus
Patrem
fovet, &
anathema
commina-
tus, ab E-
piscopis
Gallia
spernitur.

Sergius II.
Os porci,
electus Pa-
pa, primus
nomen
mutat. I-
dem & post
ipsum Leo
IV. sedem,
neglecto
Imp. con-
sensu, oc-
cupant.
Johannes
VIII. fa-
mina.

LIV. Gregorium IV. A. dcccxxv i i. lectum Papam Ludovici Imp. Pii filiorum adversus Patrem pessima machinantium partes fovisse, ut Lotharium sibi devinciat, historiarum tradunt. Cùmque in Galliam venire eum, ut Ludovicum Patrem excommunicaret, fama tulisset, qui à partibus Ludovici stabant Episcopi, ausi sunt asserere, nullo modo se ejus voluntati velle succumbere, sed si excommunicaturus veniret, excommunicatus abiret, cùm aliter se habeat anti-quorum canonum autoritas. Ejus Successor Sergius II. Os porci dictus, Papa factus, foedum nomen mutavit; ejusque exemplo deinceps alii. Idem neglecto Imperatoris Lotharii consensu, sedem occupavit; & post ipsum etiam Leo IV. quo defuncto Johannes, seu potius Johanna Octava, Foemina virilem sexum mentita A. dccccliv. Papalem thronum conscendit. Quod fabulis licet hodie gnathones Pontificum, aliique deputent: Anastasius tamen Bibliothecarius coætaneus in Codice MS. Lutetiæ conservato, nec non iis Codicibus, qui ex Heidelbergensi Bibliotheca Moguntiam transmissi sunt Jesuitis, Anastasii

editoribus, crimen falsi, à Doctissimo Marquardo Frehero publicè iis impactum admittentibus (uti ex historia hujus seculi à Celeb. Böklero edita liquet) disertè affirmat. Affirmat etiam Radulphus Flaviacenſis in Polychronico, & post eum innumeri Pontificii Reformationis temporibus antiquiores, ut, si fabulis accensere pro luitu illi voluerint, saltem mendacium ex Papatu, in quo ante Reformationem plurimi testes rem liquidò affirmarunt, originem trahere ne ignorent.

LV. Anno DCCCLV I I I. Nicolaus I. Paparum superbissimus, ad potentiam augendam per fas & nefas incitatus, Papatum iniit. Extat *Dist. 96. Satis evidenter*, ejus vox decretoria: *Satis evidenter ostenditur*, à seculari potestate, nec solvi prorsus, nec ligari Pontificem, quem constat à pio Principe Constantino Deum appellatum, cum nec posse Deum ab hominibus judicari, manifestum sit. Ubi si utrobique Dei nomen idem significat, verum & æternum Deum blasphemè Papam proficitur: si diversum, manifestus paralogismus committitur. In Lotharium Gallix Regem anathema vibravit primus omnium id ausus in Reges Gallix. Epistola ad Michaelem Imperatorem Constantinopolitanum, Majestatis Papalis plena, ab Episcopatu remotum Ignatium, eique substitutum Photium, se inconsulto graviter conqueritur. Eidem excommunicationem, ni Calabritanum Siculumque patrimonium Ecclesiæ suæ debitum restituerit, comminatus. Magnanimo pectore Regibus & Tyrannis eum imperasse, eisque, ac si orbis terrarum dominus esset, autoritate sua præfuisse, Regino scribit. Sed & Ravennatensem Ecclesiam, quæ diu se primatui suo opposuit, unâ cum Johanne Archiepiscopo, qui se Majestatis Pontificiæ læsæ reum fateri debuit, sibi Sedique suæ subjicit. Quin & diris multis Sacerdotes conjugatos inceslit, ob quas eum Huldricus Augustanus Episcopus graviter re-

Nicolai I. judicari se à seculari potestate eo quod Papa à Constantino Deus vocatus fuerit, ventantis, Lotharium excommunicantis; cum Michaele Imp. Constant. ob Photium Ignatio substitutum ex postulantis & anathema eidem intendantis; Ravennatensem Ecclesiam opprimentis: Sacerdotes conjugatos persequentis insolentia.

prehendit. Denique extant ejusdem Epistolæ Decretales à Gratiano collectæ, quibus Majestatem Pontificiam mirè is statuminatum ivit.

*Historia
controver-
siæ de Præ-
destinatio-
ne Gode-
schalci un-
ius & Ra-
bani
Mauro
ac Erige-
næ Scoti
tum agi-
tate, ex
qua decli-
natio or-
thodoxæ
de gratia
& Præle-
stinatione
doctrinæ
colligitur.*

LVI. Nicolai ejusdem ætate in Gallia de Prædestinatione & Libero arbitrio vehementer agitata controversia est. Godeschalcus in Ecclesiæ Rhemensis Monasterio Monachus; non omnes ad vitam æternam, sed quosdam ad exitium prædestinatos, neque Christum pro omnibus mortuum esse, palàm docuerat. De sententia sua scriptum etiam libellum Synodo Moguntinæ jussu Ludovici Imper. A. DCCCXLVIII. exhibuit. Qua occasione sententia ea, quam antehac ipse S. Augustinus adversus Pelagianos propugnavit, à Rabano Mauro Archiepiscopo Moguntino, & Haimone Halberstadiensis, cæterisque Germaniæ Episcopis condemnari cœpit. Insuper iidem cum literis Synodalibus Godeschalcum ad Hincmarum Rhemensem Archiepiscopum miserunt. Eò cum venit, sententiam suam constanter asseruit: proin à Rhemensis Ecclesiæ & Galliæ Belgicæ Episcopis denuo damnatus, & cum se iis irreverentiùs opposuisset, virgis cæsus, cœnobii que carceri mancipatus est. Interea adversus eundem præter alios Johannes Erigena Scotus librum novendecim capitulorum scripsit, refutatus mox à Remigio Lugdunensi Archiepiscopo, Godeschalci causam adversum Erigenam, aliòsque suscipiente: Lugdunensis etiam, ut & Arelatenfis ac Viennensis Ecclesiæ Episcopis in Synodo Valentina A. DCCCLV. Canones aliquot fancientibus, quibus, quid in Godeschalco, quid item in adversariis ejus desiderent, probentve, exponunt, simulque quatuor capitula ab Hincmaro Godeschalco opposita, & librum ab Erigena Scoto scriptum condemnant. Demum Hincmarus A. DCCCLIX. libro integro hac de materia scripto Valentini Synodum oppugnat: Scriptumque suum Regi Carolo Calvo

Calvo exhibet. qui litem sopivisse videtur. Eam historiam doctissimus Usserius singulari libro *de Godeschalco* edito edisserit, & paucis etiam Forbesius *Instruct. lib. VIII. 3. 4.* nec non G. J. Vossius *de Histor. Pelag. lib. VII. pag. 4.* constringunt. Ex eo declinatio doctrinæ orthodoxæ de Gratia, Prædestinatione & morte Christi constare potest.

LVII. Nicolai successor Hadrianus II. Hincmaro Rhemenfi Archiepiscopo in mandatis dedit, ut Regem suum Carolum Calvum communione privaret, nî in Regno fratris sui Lotharii, filio ejus Ludovico cederet. Cui Conventus Rhemensis nomine acriter admodum Hincmarus respondet, inter alia objiciens: *Regna seculi hujus bellis quarri, victorius propagari, non Apostolicè, vel Episcoporum excommunicationibus obtineri: & Scripturam dicere, quia Domini est* Hadriani II. molimina adversus Carolum Calvum, ab Hincmaro Episcopo Regis fortiter repres-

Regnum, per quem Reges regnant, & cui voluerit dare illud, ministerio Angelorum & hominum, &c. Antecessores ejus ordinem Ecclesiasticum, non Rempublicam, quæ Regum cura sit, disposuisse: jugum Pontificis Francos portare non posse, & quæ ἐκκλησιαστικὰ plura in Epistola, à Bochello Decretis Ecclesiæ Gallicanæ lib. 2. pag. 3. 7. inserta occurrunt. In literis verò ad ipsum Regem ejusdem Hadriani ὑπερῶντα hæc legere est: Volumus & autoritate Apostolica jubemus Hincmarum Laudunensem Episcopum, vestra fretum potentia, ad limina Sanctorum, nostramque venire clementiam. Non parùm insolentia hæc Regem offendit, questus, Seculi umbrosum typhum in Ecclesiam sic induci; & inter alia sic Pontifici rescribens: Nobis scribere non piget, sed exigente causa necessarium est; quia Reges Francorum, ex Regio genere nati, non Episcoporum Vice-Domini, sed terræ Domini hætenus fuimus computati. Et, ut Leo ac Romana Synodus scripsit: Reges & Imperatores, quos terris Divina potentia præcipit præesse, jus distinguendorum negotiorum Episcopis sanctis, juxta Divalia constituta permiserunt, non autem Episcoporum villici extiterunt. Quis igitur hanc inversam legem in-

fernus evomuit? Quis tartarus de suis abditis & tenebricosis cuniculis eructavit?

*Historia
Synodi
Octava
Oecumeni-
ca, in qua
Photio ob
reprehen-
sum Basi-
lium Imp.
parricidam
deposito,
Ignatius
substitui-
tur.
Parricida
partes
Hadriano
fovente.
In cuius
gratiam in
eadem
Primatus
Papæ &
imaginum
cultus con-
firmatus
est.*

LVIII. Sedem Hadriano Pontifice Basilius Orientis Imperator, qui Michaelē Imperii consorte nefariē cæso summam rei ad se contraxit, à Photio Patriarcha ob id facinus à sacra Synaxeos communione repulsus, ulturus ignominiam istam, Synodum Generalem convocaturus, facile assensum Papæ, discordiam illam in potestatis suæ incrementum versuri, & non obscure Bonifacii III. Photicam parricidam laudantis exemplo, Basilio parricidæ supparasitantis, impetrat. Impetrat ab eodem Imperatore τῷ αὐμοιῶν Hadrianus, ut videlicet sibi in Synodo tali λησπικῇ A. DCCCXIX habita præsidere per Legatos, quos inter Anastasius Bibliothecarius principem locum obtinuit, integrum esset quod in nulla Synodo Oecumenica antehac factum. In ea Synodo Photio ob reprehensum Basilium parricidam deposito, restitutus est Ignatius. Libellum legatis suis tradiderat Hadrianus, à Nicolao I. ante confectum, quo quid de Primatu Papæ & adoratione imaginum tenendum in primis sit, continebatur; lege etiam præscripta, ne quisquam in Synodum eam cooptaretur, nî prius signaculo suo ad eam fidem se devinxisset, quod religiosè adeò observatum, ut quotquot dicto audientes non essent, à Synodo excluderentur. Unde dominari & pervincere, adeoque omnia pro nutu gerere, & in Oriente etiam res suas strenuè promovere, lenocinante insigni parricida, facile licuit. Sed Synodum eam, quod aperta vi omnia illic gesta, & per eam Ecclesia Constantinopolitana in Romanam potestatem redacta, & Symbolo etiam Nicæno-Constantinopolitano addita sit vox *Filióque*; vel pro legitima, vel pro Oecumenica Octava neutiquam Græci recipiunt: & contra eam Marcus Ephesus in Concilio Florentino disertè protestatus est. de quo doctissi-

doctissimus Beveregius, *Annot. in Synod. Constant. primam & secundam*, p. 170. pluscula dixit.

LIX. Hadriani II. Successor Johannes IX. intra decennium tres Imperatores, Carolum Calvum, (Ludovico Ludovici Pii filio & natu majore, & moratiore politicas ob rationes posthabito) Ludovicum Balbum, & Carolum Crassum ad se Romam invitatos Augustos pronuntiat, consecratque. *Hinc*, inquit Sigonius, *titulus Imperatoris Augusti posthac sincerum Pontificis beneficium esse, annique Imperii à consecratione Pontificia repeti coepti*. Non exiguum etiam inde ad Pontificem lucrum rediit. Carolus enim Calvus ei Ducatum Spoletanum, Aricium & Clusium civitates Beneventi; Samnium, Calabriam, aliaque donavit. Sed & Ludovicum, qui ab Adalgiso Beneventi captus, juramento multa ei, prius quàm liberatetur, promisit, juramenti religione, autoritate Dei & Sancti Petri exsolvit. Quod ante eum nemo, post eum plures tentarunt.

LX. Mortuo Johanni, & post hunc etiam Martino II. malis artibus ad fastigium hoc enixo, à *cujus tempore*, ita Sigonius *de Regno Italia lib. V. pag. 137.* loquitur, *Romana Ecclesia gravissimè laboravit; & paulatim vetus Ecclesiæ disciplina est lapsa*; successit A. DCCCLXXXIV. Hadrianus III. Is decreta duo Sedi Romanæ perquam favorabilia, uti sperabat, futura cudit. Prius, ne in creando Pontifice Imperatoris exspectaretur autoritas. Ita *ausos esse Pontifices suos contem- nere* meritò Cranzius § *Metrop. n. 4. p. 1.* queritur. Posterius, *ut moriente Rege Crasso sine filiis, Regnum Italiæ Principibus unà cum titulo Imperii traderetur*. Utrumque Sigonius *loc. cit. memorat*, & prius quidem *infra lib. VI. pag. 144.* à Johanne IX. (x) statuyente, *ne Pontifices designatos nisi in conspectu Legatorum Regionum, jus esset consecrari*; abrogatum; testatur idem, *ad vitanda*, inquit, *que in Comitibus oriebantur, cum maxima Ecclesiæ offensione, dissidia*. Posterius verò secutos Italicos

Johannes IX. tres Augustos pronuntiat. Unde posthac titulus Imperatoris Papæ beneficium esse cœpit.

Hadriani III. decreta, ne in creando Pontifice Imperatoris autoritas exspectetur utque post mortem Imp. Crassi Regnum Italiæ Principibus cum titulo Imperii tribuatur.

Reges intestinis populorum discordiis perturbasse, ac se ipsos prorsus unà cum Ecclesia perdidisse, ea tempora in Rempublicam inferentes, quibus nulla alia tetriora fuisse, vel principum nequitia, vel populorum insania in tota antiquitate reperiuntur: idem initio libri quinti commemorat.

Stephani
VI. Sanctio,
ut leges
Ecclesiæ
Rom. sint
irrefragabi-
les.

LXI. Quò Sanctitatis, doctrinæ, Virtutis in Pontificibus horum temporum minus, hoc audaciæ plus in iis extitit. Nihil iis prius, antiquius nihil, quàm stabilire Hierarchiam. Stephanus VI. Hadriani III. successor ejusmodi decretum eò pertinens, quod apud Gratianum D. 19. C. enim vero extat, sanxit: *Quicquid Ecclesia Romana statuit, quicquid ordinat, perpetuò quidem & irrefragabiliter observandum est.* Eum qui excepit Formosus, qui ante Episcopatum Romanum nunquam se affectaturum juraverat, cum à rivalis Sergii factione exagitaretur nimium, Arnulphum, Carlomanni filium in Italiam evocatum, Romanque armata manu ingressum, Imperatorem pronuntiavit, unxit, coronavit. Cumque post ejus & Bonifacii VI. mortem Sergiana factio caput exereret, eò deventum, ut Stephanus VII. A. DCCCXCVII. Papa creatus, furore nefario percitus, Formosi Pontificis cadaver ex Sepulchro refoffum, præsentè Synodo, in sede Pontificatus Romani, Sacerdotalibus indumentis exornatum, collocari, atque sic Formosum tanquam *impium, doctrinarumque Sanctarum inscium* (ita miserum cadaver compellabat) ejusque Acta condemnari, moxque exutum vestimentis, digitisque tribus, quibus benedicere moris erat, abscissis, in Tiberim jactari curaverit. Historiam horrendam Luitprandus, Ticinensis, Ecclesiæ Diaconus, qui tum vixerat, lib. 1. cap. 8. Sigonius lib. VI. alii, in primis Auxilius in Dialogo *contra intestinam Ecclesiæ Romanæ discordiam*, cujus Sigebertus lib. de Eccl. Scriptoribus, à Miræo edito, nar-

Stephani
VII. al-
terius ca-
daver For-
mosi hor-
renda sa-
vitia; vin-
dicantibus
mox For-
mosum
successeri-
bus.

rant.

rant. Baronius nefas id extenuans *ad A. dcccxcvii. 1. art. 2. ait, non fuisse errorem in fide, sed violentiam tyrannidem in facto.* Neque tamen vel horrible illud factum ex fide processisse: vel veritatis infallibilis Spiritum in ejusmodi raptoribus & latronibus habitasse, persuaderi sanus quispiam poterit. Proin etiam Stephani hujus tyrannidem detestatos Successores ejus, Romanum, Theodorum, Johannem X. Ravennatem, alios, constat; utpote qui Formoso Papalis dignitatis formam restituerunt, ordinatos ab approbârunt, quin & Acta Stephani combusserunt. Ita gravissimo totius Christianismi scandalo Romanos Pontifices, velut *ebrios, furiosos* jactatos esse, Cranzius *Saxon. lib. 2.* queritur. Et Stephanus ipse dignam piaculari scelere pœnam luens, è throno dejectus, in carcere laqueo gulam fregit.

LXII. Baronius tamen de his temporibus loquens, inhorrescit totus. *Ad A. dcccxcvii. 1. n. 4. infelicissima & luctuosissima Romanæ Ecclesiæ tempora fuisse, quibus ipsam contigit domestico bello exagitari, atque persecutione vexari, ita ut nullam unquam sive à Gentilibus, sive ab Hæreticis, sive à Schismaticis diuturniorem atque molestiorem persecutionem passa sit illa, quam pertulit ab Adelbertis Thuscis Marchionibus, queritur.* Imputat nempe mala isthæc Adelbertis Thuscis Principibus, per quos sive pecuniis, sive armis populo Cleroque Romano dominantes, *intrusi in cathedram Petri, solium Christi, sint homines monstri, vita turpissimi, usquequaque fœdissimi.* Tum, inquit, *Domina gentium* (Ecclesia Romana) *vestimentis exuta gloriæ atque lætitiæ mœrens, dolens & lugens sedit in tristitia.* Sed nec alii omnes sanctiores Pontifices dederunt, & per ambitum malâsque artes plures alii solium isthoc jam pridem invaserunt. Et labat mirè jactata illa Successio Pontificum, cum familias à monstris proseminari, nemo unquam viderit.

Baronii de infelicitate illorum temporum & monstri Sedi Rom. ab Adelbertis Thuscis impositis querela.

Successione Paparum tarbia.

Historia
certaminis
Sacramen-
tarii inter
Pascha-
sium Rat-
bertum, &
Rabanum
Maurum,
ac Bertra-
mum, agi-
tati.

LXIII. Incidit in Seculum isthoc *nonum* certamen Sa-
cramentarium, quod originem erroris de Cœna Domini,
& corporali in ea præsentia propalat. Definiverat jam ante
Synodus Generalis septima, *unicam esse imaginem à Christo*
institutam, panem & vinum in Eucharistia. Exortus verò hoc
seculo Paschasius Ratbertus, Corbejenfis in Diœcesi Am-
bianensi Monachus, libellum *de Sacramento Eucharistia*, seu
de Corpore & sanguine Domini edidit, eoque corporalem præ-
sentiam primus omnium asseruit. Novello errori statim se
opposuerunt viri doctissimi, Rabanus Maurus, Bertra-
mus, Corbejenfis quoque Monachus, vulgò Ratramnus
dictus, Scotus Erigena, alii. Et Rabani quidem Mauri,
cui *nec Italiam similem, nec Germaniam peperisse æqualem Tri-*
themius affirmat; *de instit. Cleric. lib. I. cap. 31.* lucu-
lenta de Cœna Domini confessio ejusmodi fuit: *Maluit*
Dominus Corporis & sanguinis sui Sacramenta fidelium ore percipi,
& in partem (alii pastum) eorum redigi, ut per visibile opus invi-
sibilis ostenderetur effectus. Sicut enim cibus materialis forinsecus nu-
trit corpus, & vegetat; ita etiam Verbum Dei intus animam nu-
trit & roborat. Quam ob causam ab authoribus Pontificiis,
Guillhelmo Malmesburienfi quarto, & Thoma Waldensi
sexto post Seculo in *Stellarum erraticarum* relatus numerum
est. Ratramnus verò, seu Bertramus libello *de Corpore &*
sanguine Domini scripto, & Carolo Calvo inscripto, eidem
Carolo quærenti, *an ipsum corpus, quod de Maria natum, pas-*
sum, mortuum & sepultum est, quodque ad dextram Patris consi-
deat, sit, quod ore fidelium per Sacramentorum mysterium quoti-
die in Ecclesia percipitur? respondit: *discrimen esse tantum,*
quantum est inter pignus & eam rem, pro qua pignus traditur:
quantum inter imaginem, & rem, cujus est imago; & quantum
inter speciem & veritatem. Denique eandem adversus subna-
scentem corporalis præsentia errorum tutatus est Johan-
nes Scotus Erigena tractatu de Eucharistia edito, & Anno de-

demum ML. in Synodo Vercellensi, sub Leone IX. damnato. Taceo Scriptores hujus Seculi haud minùs celebres, Walafridum Strabonem, Christianum Druthmarum, Heribaldum Altissiodorensē, alios, quibus ob impugnatum corporalis præsentiæ errorem à Paschasii asseclis per insignem Contumeliam *Stercoranistarum* nomen fœdum impositum est, eò scilicet, quòd assererent, ea quæ ore corporis assumuntur, Symbola secessui obnoxia esse.

LXIV. Potestatem verò Pontificis tum temporalem, tum Spiritualem dici nequit, quantum commenta callidissima circa hæc potissimùm tempora miseræ hominum credulitati propinata promoverint firmaverintque. Et ad *temporale* quidem imperium statuendum plurimum contulerunt, ex quæstuosissima falsorum chirographorum officina petitiæ Donationes, Constantini puta Magni, Ludovici Pii, & Ottonis M. Donationis *Constantiniane*, quam pro idoneo documento allegârunt Pontifices Leo IX. Nicolaus III. aliique & in Jus Canonicum Gratianus, Yvo, Anshelmus, Deusdedit, ipsèque etiam Gregorius XIII. retulerunt; putidissimum commentum per Johannem quemdam Diaconum, cognomento *Digitorum*, uti quidem ipsum Diploma Ottonis tertii, quod etiam num Afisii inter cimelia & Archiva Paparum asservatur, & à Marquardo Frehero editum ac notis illustratum est, testatur, nefariè suppositum, orbi persuadere sustinuit, Constantinum M. Imperatorem non solùm Romanam urbem, sed etiam omnes Italiæ, seu Occidentalium Regionum Provincias, loca & civitates, Romano Pontifici Silvestro ac ejus Successoribus perpetuo dono tradidisse. Ludovici quoque Pii prodigiosa donatio Paschali, & Sedi Romanæ A. DCCCXVII. facta, ferebatur, qua scilicet, Volaterrano, Sigonio, Baronio aliisque narrantibus, Romanus Ducatus, Ravennæ Exarchatus, & pleraque omnis Italia in

Potestatem Pontificis temporalem circa ea tempora multum fuit a donationes Constantini M. Ludovici Pii, & Ottonis M. promoverunt.

Sedis illius potestatem concesserit: Simulque Ludovicus Pontificum electioni, quam Leonis III. & Stephani V. Canones Imperatori vindicaverunt, absolute renuntiaverit. Accessit sequente Seculo non minus ampla Donatio, quam ad A. DCCCCLXI I. Baronius affert Ottonis M. nomine, qua ille Johanni XII. & Romanæ Sedi donat *civitatem Romanam cum Ducatu suo, suburbanis suis, atque viculis omnibus & territoriis ejus montanis & maritimis, littoribus & portibus, seu cunctis civitatibus, castellis, oppidis ac viculis, Thuscæ partibus, id est, Portum, Centum cellas, Cerem, Bledam, Maturianum, Sutrium, Nepem, Castellum, Gallisem, Ortum, Polimartium, Ameriam, Tudam, Perusiam cum tribus insulis suis &c. nec non Exarchatum Ravennatem, Pentapolim, territorium Sabinense, Almunum cum Insula Corsica, Ducatum Spoletinum; Patrimonium Neapolitanum, &c.* Quando nempe verecundiæ fines semel transire statutum erat, bene & naviter impudentes esse oportebat. *Multum* certè *grani palea illa Ecclesiæ attulerunt* uti vetus de Constantini *Palea* illa proverbium sonat. Omnesque curiosos Canonistas *magnum semper de hoc* (Constantini) *diplomate fecisse festum*, Paulus Langius in Chronico ad A. MCCCCIV. ait. Sed critico Donationes illæ virorum Doctorum Freheri, Goldasti, Mornæi, Voetii, Usserii, Conringii, aliorum veru confossæ, pridem *revelas* suæ notas & fraudis simplicioribus à Papæ cinniflonibus enormiter nimis factæ, indicia plurima prodiderunt. Ad *Spiritualem* verò Principatum confirmandum, veterum Romanorum Episcoporum nomine prodierunt ore & calamo plus quàm ferreo confictæ Decretales Epistolæ supra §. IX. X. memoratæ, quas ex Hispania tempore Caroli M. Riculsum, Archiepiscopum Moguntinum in Gallias primùm attulisse, Hincmarus Rhemensis in libro contra Hincmarum Laudunensem scripto, testatur. Quas quidem Epistolas unà cum Pseudo-Constantini Donatio-

Donationum
Papalium
revelas pandi-
tur.

Spiritualem
eorundem po-
testatem fir-
mârunt Epi-
scopa Decreta-
les primis
Pontificibus
eodem tempo-
re per frau-
dem supposi-
ta.

ne, atque aliis etiam Decretis Ecclesiasticis in unum volumen compactas Isidorus non Hispalensis ille, sed cognomento *Mercator*, planus post homines natos nequissimus & improbilissimus, qui posteris tamen

Ignaris scelerum tantorum, artisque Pelasgæ, feliciter sic imposuit, venditare non dubitavit. Quo in genere an quidquam unquam prodierit simile, quod plus ad causæ Pontificiæ firmamentum momenti attulerit, haud scire se Doctiss. Usserius profititur meritò.

LXV. *Decimum* Seculum ejusmodi fuit, ut eo nullum *De seculi decimo miseranda scelerum Bellarmini & Baronii.*
indoctius aut infelicius extitisse Bellarminus *de Pontif. Rom. lib. IV. 12.* fateatur. Baronius etiam *ad A.D.CCCC. §. 1.* ejus explanationem sic orditur: *En incipit annus Redemptionis nonagesimus, Indictione tertia notatus, quo & novum incipit Seculum, quod sui asperitate, & boni sterilitate ferreum, malique exundantis deformitate plumbeum, atque inopia Scriptorum appellari consuevit obscurum. In cujus limine constituti, antequam progrediamur ulterius, hic Lectorem monendo, præfari aliquid necessarium duximus, ne quid scandalii pusillus animo patiatur, si quando videre contigerit abominationem desolationis in Templo, sed magis miretur, & cognoscat in ejus custodia Divinam invigilare potentiam, cum non, ut olim, tantam abominationem secuta mox fuerit desolatio Templi, intelligatque, solidioribus illo niti hoc fundamentis, promissionibus Christi, &c.* Sed fortè non parum opinio Baronium fefellit, cum abominationem illam spiritualis Templi desolatio & ἄλωσις, captivitas Babylonica magis magisque infecuta fuerit, & nondum fera vespera venerit.

LXVI. Sic porro luridam Ecclesiæ Romanæ hoc Seculo faciem idem ad A.D.CCCXII. §. 8. Baronius depingit: *Roma tum sordidissima meretrices im-*
Quæ tum facies sanctæ Ecclesiæ Romanæ? Quàm fœdissima, cum peritârunt.
Roma dominarentur potentissima æquè ac fœdissima meretrices. (Theodora, Marozia) quarum arbitrio mutarentur Sedes, darentur Episcopi, & quod horrendum auditu & infandum est intru-

derentur in Sedem Petri earum amasii, Pseudo-Pontifices &c. Sic vendicaverat omnia sibi libido, seculari potentia freta, insaniens, astro percita dominandi. Dormiebat tunc planè alto sopore Christus in navi, cum hisce flantibus validis ventis navis ipsa fluctibus operiretur. &c. Et quod deterius erat, deerant, qui Dominum sic dormientem clamoribus excitarent, discipuli, stertentibus omnibus. Quales-nam reris delectos ab his monstris Presbyteros & Diaconos Cardinales putandum: cum nihil tam natura sit insitum, quam unumquemque sibi similem generare? &c. Platinæ, Sabellici, aliorum querelis ad compendium positis, paucis multa, sub finem hujus seculi, Epistola ad Stephanum Ecclesiæ Romanæ Diaconum scripta, Gerbertus dixit: Romanorum mores mundus perhorrescit. Et Genebrardus Chronogr. lib. IV. his coloribus seculum isthoc depingit: Infelix dicitur hoc Seculum, exhaustum hominibus ingenio & doctrina claris, si ve etiam claris Principibus & Pontificibus, in quo nihil fere dignum memoria posteritatis gestum sit. Unde ferunt, tunc repertum fuisse quoddam monstrum capite Leonino, & ceteris membris humanis, quod statum illius temporis mirifice referret. Hoc verò uno infelix, quod per annos 150. Pontifices circiter 50 à virtute majorum prorsus defecerunt, Apotactici, Apostatici ve potius, quam Apostolici.

Gerberti &
Genebrardi
de eadem e-
culo querimo-
nia.

Infelicitatis
illius cause
nunquid pe-
nes Imperato-
res Germanos
hæserint?

LXVII. Infelicitatis tantæ illius Seculi causam idem Genebrardus nequissimè fingit hæsisse penes Imperatores Germanicos, sub quibus, inquit ille, *captiva & gemens fuit Ecclesia usque ad Henricum IV. in ordinem redactum.* Dolet scilicet Papæ gnathonibus nimium, quòd eo seculo Otto I. alias Magnus, remoto Johanne XIII (aliis XII) scelerum plurium, incestus cum primis & necromantiæ convicto, surrogavit Leonem VIII. sub quo restitutum Imperatoribus est jus eligendi Pontifices, & investiendi Episcopos, Clerumque omnem: quòdque Otto III. nepos deposito, & de monte Tarpejo præcipitato Johanne Placentino, Gregorium V. ante à se electum & factione

Cre-

Crescentii deturbatum restituit, & si quæ alia illi Pontificiæ potestati minùs propitia gesserunt. De cætero *Sanctitatem Papam dimisisse & ad Imperatores hoc tempore accessisse*, Wernerus, Monachus Carthusianus *Fascic. Temp. etat. 6. art. 744.* disertè queritur.

LXVIII. Et Pontifices quidem cauteriatum isthoc seculum triginta passum est. de quibus vetus illud adagium: *Sardi venales, alius alio nequior; usurpaveris meritò.* Gerbertus Archiepiscopus Rhemenfis, qui post ad Papale culmen evectus Silvester II. cognominatus est, coram Synodo Rhemenfi adversus seculi sui Pontifices multa inclementer fatis dixit; quæ ad A. CMXC. Baronius ipse non dissimulat. Inter alia Antichristi nota sic illos aspergit: *Quid hunc, Reverendi Patres, in sublimi solio residentem, veste purpurea & auro radiantem, quid hunc, inquam, esse censetis? Nimirum si charitate destituitur, solâque scientia inflatur, & extollitur, Antichristus est in Templo Dei sedens, & se ostendens tanquam sit Deus. Si autem nec charitate fundatur, nec scientia erigitur, in Templo Dei tanquam statua, tanquam idolum est, à quo responsa petere, marmora consulere est.* In eadem Oratione sic *ἡλιτεύ.* O Lugenda Roma! quæ nostris majoribus clara Patrum lumina præbuiſti, nostris temporibus monstruosas tenebras, futuro seculo famosas offudisti! &c. *Quid sub hac tempora non vidimus? Vidimus Johannem, cognomento Octavianum, in volutabro libidinum etiam contra eum Ottonem, quem Augustum creaverat, conjurasse. Quo fugato, Leo Neophytus in Pontificem creatur. Sed Ottonem Casare Roma discedente, Octavianus Romam redit, Leonem fugat, Johannem Diaconum naso dextrisque digitis ac lingua mutilat, multâque cæde primorum in urbe debacchatus brevi moritur. Cui Benedictum Grammaticum, cognomento Diaconum Romani substituunt. Eum quoque Leo Neophytus cum suo Casare non longè post aggreditur, obsidet, capit, deponit, perpetuoque exilio in Germaniam dirigit, succedit Ottoni Casari Casar Otto.* Suc-

*Seculi illius
Pontifices à
Gerberto;*

cedit Rome in Pontificatu horrendum monstrum, Malefacius (Bonifacium sic appellat) cunctos mortales nequitia superans, etiam prioris Pontificis sanguine cruentus. Sed hic etiam fugatus & in magna Synodo damnatus est. Talibus monstris hominum ignominia plenis scientia humanarum & Divinarum rerum vacuis innumeros Sacerdotes Dei per Orbem terrarum scientia & vitæ merito conspicuos subijci decretum est?

Nec non Platinæ, Stellæ, Baronio, Gerbrardo graphicè depicti. Exempla nonnullorum introducantur.

LXIX. Quid verò multis? Platinam, Baronium, Gerbrardum, Johannem Stellam consulentibus occurrent ea ætate frequentes *fures, invasores, Magi, prodigiosi, Simoniaci, tyranni, facinorosissimi, monstra & portenta, perjuri, grassatores, ἀσπυργοί, sacrilegi in manes defunctorum, Divini humanique juxta juris violatores, scelestissimi.* Romanus, Theodorus II. Johannes IX. Christophorus, Sergius III. Formosis actis vel rescindendis, vel vindicandis insudant. Sergius etiam Marozie adulteræ suæ, ex qua Johannem XI. sustulit, artibus Papatum invadit. Johannes X. alterius Glycerii Theodoræ Marozie matris artibus Papa creatur, & harâ quàm arâ dignior, ab altero scorto Marozia cervicali in os coniecto, necatur. Johannes XI. Patre Sergio & matre Marozia natus ille est, de cujus tempore Baronius exclamavit: *Quæ tum facies Ecclesiæ Romana?* Johannes XII. puer annorum duodecim Papa eligitur, sceleratissimus omnium, in adulterio deprehensus ab adulteræ marito confossus, & à Diabolo, Luitprando teste, *verberibus percussus interiit.* Leo VIII. Laicus adhuc Papatum invadit. Bonifacius XII. Benedicto VI. vi priùs deturbato, & in carcere strangulato, Papatum rapit, bestia veriùs, quàm homo, *Malifacius* à Gerberto dictus. Johannes XV. Divina & humana omnia cognatis & affinis suis erogavit, Nepotismi studiis prælucens posteris. Silvester II. seu Mathematicus, seu Necromanta (quod posterius plerique affirmant) statuæ caput ex cer-

to siderum cursu conflatum, sibi Oraculum, ex quo facta expiscaretur, constituit. Johannes XVII. *fur, latro & proditor* Stellæ cluet. En Romæ ea ætate Archiflamines & Antistites!

LXX. Cleri igitur totius, quæ tum conditio etiam fuerit, monstris ejusmodi clavum tenentibus, divinare licet. Edgarus Rex Angliæ ad Episcopos Anglicanos habita Oratione disertissima, quæ ab Alredo Abbate Rhievallense literis consignata extat, sic ejus mores depingit: *Dicam, dicam, quod boni lugent, mali rident. Dicam dolens, si tamen dici potest, quomodo disfluant in comessationibus & ebrietatibus, in cubilibus & impudiciis, ut jam domus Clericorum putentur prostibula meretricum, conciliabulum histrionum. Ibi alea, ibi saltus & cantus; ibi usque ad medium noctis protractæ cum clamore & horrore vigilia. Sic, sic patrimonia Regum, eleemosynas Principum, imò quod magis est, illius pretiosi sanguinis pretium profligatis.* Ab eadem etiam Pontificum inertia factum est, ut passim *Monachi in Sacerdotum collegia venerint, & mox velut jure suo ubique gentium opes immodicas sibi parere inciperent.* uti Polydorus Virgilius lib. VI. *Histor. Angl.* notat. Et quid multis? *Accidit illi atati, inquit, in vita Benedicti IV. Johannes Stella, quod omnis virtus, tam in capite, quàm in membris ex hominum ignavia consumpta fuerit.*

LXXI. Sed forte hoc uno nomine haud planè infelix hoc seculum dixeris, quod novas hæreses protrusit nullas. Equidem Gabriel Prateolus in suo successionis hæreticorum catalogo notat, seculo nono & decimo *Hereticorum interregnum factum esse.* Scilicet fugerunt Hæretici, atque in Prælatos & Monachos Pontificios sese abdiderunt. *Par enim erat, ut magnus Usserius de Eccl. Success. cap. 2. loquitur, ut heretici, qui tanquam devoti milites Antichristi copias sunt antegressi, summo Imperatore cum stativis castris proxime accedente, retrahere sese, omnesque minutiores atque angustiores hæreses*

Clerici totius corruptio immanis.

Novas hæreses. seculum isthoc nullas protulit, quia in Prælatos & Monachos hæretici fugerunt omnes.

Apostasia, cui hactenus viam parârant omnia longè latèque jam occupaturæ concederent.

Ecclesia circa annum millesimum s. x. incipit circa annum Domini 1000, in quo fides Christiana valde caput deficere & declinare à pristina virilitate; uti patet in prophetia Sanctæ Hildegardis, & in multis regionibus Christianitatis. Nec sacramenta, nec Ecclesiastici ritus servabantur: Erântque auguriis & maleficiis intendentes. Et erat Sacerdos sicut populus. Neque aliter Glaber Radulphus, ejus temporis scriptor, qui lib. II. 6. queritur, circa annum millesimum plus solito friguisse charitatem, ac superabundasse iniquitatem, ut ille antiquum Leviathan fiduciam conceperit, quòd inundatio Jordanis fluvios illaberetur illius; ut videlicet baptizatorum multitudo per avaritiæ appetitum viam veritatis deserens demergeretur in interitum.

LXXI. De Ecclesiæ circa annum millesimum statu sic Wernerus in fasciculo Temporum: *Tempus effæminatum incipit circa annum Domini 1000, in quo fides Christiana valde caput deficere & declinare à pristina virilitate; uti patet in prophetia Sanctæ Hildegardis, & in multis regionibus Christianitatis. Nec sacramenta, nec Ecclesiastici ritus servabantur: Erântque auguriis & maleficiis intendentes. Et erat Sacerdos sicut populus. Neque aliter Glaber Radulphus, ejus temporis scriptor, qui lib. II. 6. queritur, circa annum millesimum plus solito friguisse charitatem, ac superabundasse iniquitatem, ut ille antiquum Leviathan fiduciam conceperit, quòd inundatio Jordanis fluvios illaberetur illius; ut videlicet baptizatorum multitudo per avaritiæ appetitum viam veritatis deserens demergeretur in interitum.*

Seculum decimum ferreum à Dithmaro appellatum. quo revelandum, vel revelatum jam esse Antichristum, passim percubuit.

LXXII. Sequens verò seculum undecimum ob malorum *excrecentiam ferreum* à Dithmaro appellari solitum, Baroni-
 us ad A. M. I. narrat; præfatus etiam, asseruisse tum nonnullos, adesse tempus, quo revelandus esset ille homo peccati, filius perditionis dictus cognomine *Antichristus*. Quæ in Galliis promulgata, & Parisiis primùm prædicata, ac per orbem vulgata, creditaque à plurimis, addit. Aventinus quoque lib. V. p. 59. fatetur, plerosque omnes bonos, apertos, justos, ingenuos, simplices, tum imperium Antichristi cæpisse, quòd ea, quæ Christus Servator noster tot annos ante nobis cantavit, eo tempore evenisse cernebant, memoriæ literarum prodidisse. Genebrardus ad A. MLXXIX. Quàm tum deploratus fuerit status Ecclesia, cernere licet apud Sigebertum, Vincentium & Antoninum. Magnæ simultates inter Imperatorem & Pontificem. Sacerdotes erant moribus depravatissimis. Berengarius lib. de Corpora & sang. Dom. Veritatem ait expertam esse non Sanctam Ecclesiam, sed Ecclesiam malignan-
 tium,

tium, concilium vanitatis, non Apostolicam, sed Sedem Sathana. Silvestri II. Necromantia.

LXXIII. Initio seculi facerrimam illam sedem tenuit Silvester II. de cujus necromantia testes Pontificii plures, Benno, Wernerus, Rollink, Martinus Polonus, Nauclerus, Platina, Matthæus Westmonasteriensis, alii dubitare non sinunt. Ei dæmon consultus, quamdiu regnatus esset, respondit, non prius moriturum, quàm in Hierusalem missam celebrasset. Quod oraculum ἐπαμφοτελέζον dæmon de Ecclesia S. Crucis Romana, cui Hierosolymæ nomen, Silvester de civitate Hierosolyma intellexit. Sed posterior deceptus à Cacodæmone suo, cùm in Ecclesia S. Crucis sacra fecisset, Orci victima piacularis subitò factus est quam tragœdiam pluribus Malmesburiensis edisserit. Discipulos eum habuisse, Theophylactum (postea factum Papam, Benedictum IX.) & Laurentium, qui dæmonibus litaverint, Benno Cardinalis affirmat. Eum exceperunt Johannes XIX. XX. Sergius IV. Benedictus VIII. IX. Johannes XXI. Silvester III. Gregorius VI. nulla re insignes, nisi quòd plerique illi factione Comitum Thusculanorum, adeoque vitio creati, & magiæ crimine, si quæ fides suis authoribus constat, infames fuerunt. Certè Benedictum IX. (quem *Sacris dæmoniorum fuisse deditum & in silvis ac montibus mulieres post se currere fecisse, quas magicis artibus ad sui amorem coegerit, ex libellis domi ejus inventis, Benno probat.*) Silvestrum III. & Gregorium VI. Henricus Imperator convocata Synodo, ceu *Simoniacos, sanguinarios, monstra* damnavit; Ingemuissè tum orbem, ob intrusos Papas, Papatum *intercedente thesauro pecuniarum emptum, & Prælatos auro potiùs quàm merito exaltatos, Glaber Radulphus lib. IV. 5. & V. 5.* & Leo Cardinalis Ostiensis scribunt.

LXXIV. Benedicti IX. quem insuper ut *ignavum, & nullius pretii* Platina & Stella; *probrosam & infamem* Volateranus; esse incipit.

Discipuli & Successores ejus eodem, aliisque etiam criminibus infames.

Cardinalium nomen tempore Benedicti IX. in pretio esse incipit.

Cardinalis
fixus Ecclesie
minister est.

ranus; *hominem nefarium* Baronius perstringunt; tempore *Cardinalium* nomen esse in pretio, Genebrardo *Chronogr. lib. IV.* fatente, occēpit. Et Cardinales quidem dicti à cardine, *παρωρύμω;* fixos & proprios Ecclesiæ suæ ministros significant. Unde vocabula *incardinandus*, *incardinatus*, *annexus cardini*. Eorum tamen appellatio neque in S. Literis, neque in antiquis Patribus, ne historicis quidem, sive Christianis, sive etiam gentilibus, qualis est Marcellinus, occurrit. Scribunt quidam à Marcello I. Cardinales constitutos esse propter Baptismum. Sed in actis ejus Cardinalium nomen non comparet. *Viginti quinque titulos in urbe, quasi diœceses, propter baptismum & pœnitentiam multorum, qui convertebantur ex Paganis & propter sepulturas Martyrum* eum constituisse Baronius ad A. CCCIX. 4. memorat, sine Cardinalium mentione ulla. Demum circa A. DLX. prima Cardinalium mentio extat, quando Johannes III. *dilectis filiis Cardinalibus Clericis* scribens, significat, se Ecclesiam illam *Titulum Cardinalem* constituere. Id verò certum, Cardinalium nomen ab initio nihil aliud significasse, quàm ordinarios atque fixos in certa Ecclesia Clericos; neque Romanæ duntaxat Ecclesiæ fuisse Cardinales suos, sed etiam Ecclesiis aliis titulatis. Unde Cardinales Ecclesiæ Constantinopolitanæ, Mediolanensis, Compostellanæ, aliarum legere est. Testimonia eam in rem plura Marcus Antonius de Dominis *de Rep. Eccl. IV. 5. 8. 19. 20. 21.* allegat, ubi etiam qui propriè Cardinales olim fuerint, definit, asserens fuisse *Clerum proprium cujuscunque Ecclesie in ea fixum, & titulatum, & ordinarium*. Et quacunque, inquit, *Ecclesia esset collegiata, illa plures etiam in se continebat Cardinales, sive etiam subdiaconos.*

Eorum definitio
verbis
M. Antonii
de Dominis
textitur.

Potestas eorum una
cum Papa
potestate crevit.

LXXV. Tales scilicet Cardinales Episcopis etiam subiecti fuerunt ad tempora usque Caroli M. quibus Papatus imperio multarum Provinciarum auctus est. Incrementa

ta enim potestas eorum una cum Pontificiæ potestatis incrementis nacta est. Acciditque sic Romæ, quod in eadem Roma aliquando accidisse apud Tacitum A. II. 33. 3. Gallus Asinius his verbis asseruit: *Auctu Imperii adoluisse etiam privatas opes idque non novum, sed vetustissimis moribus; aliam apud Fabricios, aliam apud Scipiones pecuniam, & cuncta ad Rempub. referri; qua tenui angustas civium domos; postquam eò magnificentia venerit, gliscere singulas, &c.* Non potuerunt ergo hi non attolli magnificè, cum plerumque Papæ curam gererent, eumque ope & consilio juvarent. Certè A. DCCXIX. Stephano IV. Pontifice in Synodo Romana decretum est, ne Papa nisi ex Cardinalibus legeretur. Neque tamen ea ætate tanta est facta mutatio, ut non adhuc vetus institutum, licet variè jam labefactatum, agnosceretur. Undecimo demum seculo, quo Pontificum in Imperatores odia in primis flagrare, adeoque Pontificia potestas majoribus auctibus increfcere cœpere, eorum etiam autoritas & potestas altiores radices egit. Nam & Legationibus magnificis fungi cœperunt, in quibus, quod de Cardinalibus à Johanne XVII. in Galliam missis testatur Glaber, Pontificis Romani auctoritatem assumpserunt: & Anno MXXVI. Pontifice Nicolao II. in Concilio Lateranensè de Pontificis Romani electione edita est constitutio, qua, teste Gratiano *Dist. 23. cap.*

Seculo inprimis undecimo, quo primæ in eligendo Papa partes iis sub Nicolao II. decretæ. Donec excluso ab ea electione Imperatore & Clero reliquis, solis iis jus hoc cessit.

1. *In nomine.* Cardinalibus Episcopis in eligendo Pontifice primæ partes delatæ sunt. Tandem etiam excluso à Pontificis electione tum Imperatore, tum populo Romano, ad solos Cardinales tum Episcopos, tum Presbyteros, tum Diaconos, eligendi Papæ jus devolutum est, atque sic novo quodam eorum principatu paulatim exorto, Cardinales sub appellatione Ecclesiastica seculares Principes facti sunt. Creatos enim à se sic Papa alloqui suevit: *Estote fratres nostri & principes mundi.* Pius vero secundus

Ita sub appellatione Ecclesiastica Principes seculares facti sunt.

cundus primos Cardinales à se creatos sic, uti *Sacr. Cere-
mon. Eccl. lib. I. sect. 8. cap. 3.* legere est, compellavit: *Maxi-
ma, dilectissimi filii, & excellentissima dignitate donati estis: ad
Collegium Apostolicum vocati, consiliarii nostri & conjudices orbis
terrarum eritis: inter causam & causam; inter sanguinem &
sanguinem, inter lepram & lepram discernere vos oportebit. Suc-
cessores Apostolorum circa thronum sedebitis. Vos Senatores urbis &
REGUM similes eritis veri mundi cardines, super quos militantis
ostium Ecclesiæ voluendum ac regendum est.*

Ex ratione
Papa Christi
æmulus Col-
legium Apo-
stolicum ex
Cardinalibus
constitutum
constituit.

LXXVI. Parum scilicet erat Romano Pontifici, quòd
ab hominibus pro Apostolico vel Apostolo etiam habere-
tur, nisi æmulum etiam se ostenderet Apostoli & Pontifi-
cis confessionis nostræ, Christi. Sicut igitur Apostolos
instituit Christus, iisque thronos, in quibus sessuri duo-
decim tribus Israël judicent, promisit: ita instituti hu-
jus æmulus Papa ὁ ἀντὶ τοῦ Χριστοῦ, Apostolicum etiam Colle-
gium constituit, Apostolorum loco tradito Cardinalibus,
quos Manfredus *Tractat. de Card. cap. 6.* vocat *Apostolorum
Antecessores*, quique circa thronum ejus sedentes Orbis ter-
rarum cum eo conjudices forent. Neque certè defunt,
qui ipsos Apostolos Cardinalatus munere functos perten-
dant, atque ea mirabili ratione institutionem eam Divino
jure niti asserant, quòd Cardinales Papæ vicarii Christi,
tanquam Principi assistentes, Apostolorum Christo assisten-
tium personas repræsentent. Quam in rem sic Cardina-
lis Petrus de Aliaco *Tract. de Eccl. & Card. autoritate. p. I. col.
899.* loquitur: *Apostoli Petro tanquam Papale officium gerenti
assistebant, tanquam Cardinalatus ministerium exercentes, de quo-
rum Cardinalatu spiritualiter intelligi possit illud Propheticum:
(1 Sam. II. 8.) Domini sunt cardines terræ, & posuit super eos
Orbem.*

Cardinalium
ex eo tempo-
re prærogati-
væ multipli-
ces.

LXXII. Certè Cardinalium ex eo tempore mirum in
modum prærogativæ multiplicatæ sunt hodiernum usque

in diem, quo his ferè *πλεονεξίῃμασι* gaudent, quòd scilicet, præter vestem eximiam, soli creant & coronant Pontifices, soli creantur: quòd post Papam anteposuntur omnibus; Papæ consiliarii & Senatores, totius Ecclesiæ procuratores & Commissarii sunt: quòd conjunctim cum Papa nominantur; & sine iis Papa legem generalem condere non potest; quòd veniunt in partem Majestatis Pontificiæ & cognati Regum dicuntur: Regibus æquiparantur, & Electoribus atque Regibus cedere gravantur: quòd purpurati sunt; purpura Imperatoribus olim eximiè donati à Papa: quòd Regum in aula Pontificia protectores sunt: quòd Papa invito convenire & Concilium cogere possunt, monendique Papam jus habent: quòd denique Patriarchis præferuntur. Quas aliásque eorum Prærogativas ex variis authoribus collectas Celeberr. Freinsheimius libro de S. R. I. Electorum & Rom. Eccles. Cardinalium. Præcedentia edito; *Diatriba* 4. copiosius retulit.

LXXVII. Galerum rubrum Cardinalibus Innocentius IV. A. MCCXLI I. donavit, tesseram scilicet conjurationis Pontificiæ cum Cardinalibus, ceu Senatu quodam Edomitico Romanæ Ecclesiæ adversus Cæsares, Potestates humanas, omnes denique Papalem Majestatem dedignatos. De quo sic Onuphrius Panvinus in Epitome Romanorum Pontificum: *Papa Innocentius IV. Pileum rubrum Cardinalibus dedit. Quo significare voluit, illos qui in illum ordinem legerentur, paratos esse debere pro libertate Ecclesiastica, (Papali puta licentia & libidine) si opus erit, propriam vitam morti exponere. Hinc deinceps Cardinales Ecclesiæ Rom. rubro pileo uti consuevere, qui tanta pietatis insigne factus est, ut tiara Pontificatus & Episcopatus. Non sine Numine sanè rubro vestitu amictiri cœperunt, ne ambiguum esset sanguinariis eos consiliis adversus heri sui Pontificis adversarios quoscun-*

*Galerus ruber
Senatus hujus
Edomitici
tessera. Cujus
auctoramento
principes bu-
jus seculi
viri ad Pon-
tificis partes
trahuntur.*

que innecti. Opportunumque ita Pontifici fuit quoscunque in Orbe terrarum viros doctos, peritos, spirituali Monarchiæ suæ vel profuturos, vel obfuturos, rubri galeri auctoramento suas in partes pertrahere. Neque ex una, sed variis ex gentibus familiisque nobilioribus senatum hunc conflare placuit, ut unâ cum Cardinalibus ipsas quoque diversas gentes illustresque familias sui beneficii faceret, arcana populorum per clientes hosce expiscaretur, & per instrumenta hæc dominationis latissimè regnaret. Non aliam certè instituti hujus rationem fuisse, seculorum sequentium experientia docuit.

Certaminis
sacramentarii
continuatio
per Berengari-
um, ad
horribilem
palinodiam
coactum.

LXXVIII. E diverticulo hoc in viam ut redeamus, in seculum idem *undecimum* incidit continuatio controversiæ sacramentariæ. Floruerant ea ætate Berengarius Turo-
nensis, Andegavensis Ecclesiæ Diaconus, Bertrami & Scoti Erigenæ partibus addictus. Is animadvertens serpere & in animis hominum radices agere errorem de corporali præsentia Christi in Cœna Domini, locutiones quin-
etiam S. Scripturæ & veterum improprias & sacramenta-
les ad incrustandum errorem novum detorqueri, veram sententiam ex orthodoxo sensu repetitam corruptelis invalescentibus, libris etiam de eo editis, opposuit. Thesis ab eo asserta, uti constanter historiæ tradunt, fuit, *in Cœna non ipsum corpus & sanguinem Christi, sed ejus figuram & sacramentum præsto esse*. Quæ Thesis pro erronea & hæretica primùm in Synodo Vercellensi, Pontifice Leone IX. damnata est. Neque tamen cessit errori Berengarius, sed contra audentior ivit, donec Pontifice Nicolao II. Synodo Romæ habita, strenuè licet confligens cum Alberico Diacono Cassinensi, *nullo volente absistere*, ut Leo Ostiensis *lib. III. 33.* loquitur; & post etiam A. MLXXXIX. Pontifice Gregorio VII. palinodiam canere subactus est. Palinodiæ formulam Capernaitæ Romani sub Nicolao II.

Papa

Papa ejusmodi ipsi præiverunt: Ego Berengarius indignus Diaconus Ecclesiæ S. Mauritii Andegavensis, cognoscens veram & Apostolicam fidem, anathematizo omnem hæresin præcipuè eam, de qua informatus sum, quæ astruere conatur, panem & vinum, quæ in altari ponuntur, post consecrationem solummodo sacramentum, & non verum corpus & sanguinem Domini nostri Jesu Christi esse, nec posse sensualiter, nisi in solo sacramento, manibus sacerdotum tractari, vel frangi, vel fidelium manibus atteri. Consentio autem sanctæ Romanæ Ecclesiæ, & Apostolicæ sedi, & ore & corde profiteor, de sacramento Dominicæ mensæ eam me fidem tenere, quam Dominus & venerabilis Papa Nicolaus, & hæc sancta Synodus autoritate Evangelicæ & Apostolicæ tenendum tradidit, mihi- que formavit: scilicet panem & vinum, quæ in altari ponuntur, post consecrationem non solum sacramentum, sed etiam verum corpus & sanguinem Domini nostri Jesu Christi esse: & sensualiter non solum in sacramento, sed in veritate manibus sacerdotum tractari, frangi & fidelium dentibus atteri, jurans per sanctam & homousion Trinitatem, & per hæc sacro-sancta Christi Evangelia. Crassius etiam est juramentum posterius A. MLXXIX. Hildebrando Pontifice in hæc ipsi verba præitum: Ego Berengarius corde credo, & ore confiteor, panem & vinum, quæ ponuntur in altari per mysterium sanctæ orationis, & verbo nostri Redemptoris, substantialiter converti in veram & propriam ac vivificam carnem & sanguinem Jesu Christi Domini nostri, & post consecrationem esse verum Christi corpus, quod naturale est de Virgine, & quod pro salute mundi oblatum in cruce pependit, & quod sedet ad dextram Patris; & verum sanguinem Christi, qui de latere ejus effusus est, non tantum per signum & virtutem sacramenti, sed in proprietate naturæ & veritate substantiæ, sicut in hoc Brevis continetur, & ego legi, & vos intelligitis. Sic credo, nec contra hanc fidem ulterius docebo. Sic me Deus adjuvet, & hæc sancta Dei Evangelia. Hæc quidem ille temerè jurata, præstantia tamen resipiscens neutiquam duxit. Libertati enim

Libertati re-
stitutus idem
veritatem ad
finem usque
restituta asseruit,

restitutus & voce & scripto errorem novitium superstitionemque Papæ damnavit, discipulos, quos in Gallia & Germania habuit permultos, in veritate confirmavit, & in eadem, uti etiam Baronius conjicit, ad finem usque vitæ perseveravit.



ECCLESIÆ ROMANÆ PERIODUS QUARTA.

Seu

Historia Ecclesiæ Romanæ, Dominatio-
nem etiam in temporalibus affectantis, & in do-
ctrina ritibusque in pejus in dies vergentis.

Inde à Gregorio VII. seu A. C. MLXXII. ad Bonifacium
VIII. seu A. C. MCCXCIV. usque.

BREVIARIUM.

LXXIX. *Gregorius VII. sede Pontificia rapta strenuè Papatum provehit. Sub quatuor Pontificibus Dominus Papæ cluebat. Dæmoniis artibus imbutum fuisse testes sunt Episcopi 30. Brixinæ coacti, aliique.*

LXXX. *Henrico Imp. se opponit, potentia Mathildis & Normannorum fretus. Senatus consultum Imp. & Ordinum adversus eum Wormatiæ factum, quo Papatu exuitur. Vicissim is in concilio R. Imperatorem excommunicat, S. Petro vindice compellato. Henricus Romam pergens, supplex Gregorio, & iniquas leges accipiens, anathemate solvitur. Nihilominus à Confæderatis Germanis à Gregorio inflammatis Porcemii Regno idem, Rodolpho Sueviæ & Burgundiæ Duce surrogato, exuitur; & injuriam vindicans, demum à Gregorio excommunicatur. Vicissim*

sim Brixina Gregorius ab Henricianis denuo scelerum multorum reus peractus deponitur: & mox Rodolphus prælio victus perit; atque Roma occupata Gregorius pulsus Salerni exul moritur.

LXXXI. *Dictatus Gregoriani, Papatus Hildebrandini fundamenta, recensiti.*

LXXXII. *Ejusdem Gregorii de abstinentia à cibis certis, & sacerdotum cælibatu decreta demoniaca.*

LXXXIII. *Hæresis Simoniacorum & Nicolaitarum fictitia.*

LXXXIII. *Urbani II. Hildebrandini, & Clementis III. Cæsarei Papæ contraria studia Aventini verbis memorata.*

LXXXV. *Bellum sacrum ab eodem Urbano decretum, exitu infelix.*

LXXXVI. *Ejus belli pretextus,*

LXXXVII. *nec non causa suasoria, Pontificum avaritia, dominandi libido, & Christianorum Principum oppressio, distincta.*

LXXXVIII. *Concilii Claromontani Canones, Potestatem & superstitionem Papalem amplificantes.*

LXXXIX. *Seculi XII. historia. Ejus etiam initio fama fuit, Antichristum mox revelatum iri. Bernhardi & Platinae eam in rem testimonia.*

XC. *De calamitosa circa id temporis Ecclesia Romana facie testimonia Malmesburiensis, Hildeberti, Bernhardi, Martimensis, Honorii Augustodunensis (qui Babylonem R. describit graphice) Arnoldi de Brixia.*

XCI. *Bernhardi Clarenvallensis de corruptione Hierarchiæ R. querela acerba.*

XCII. *De eadem Joh. Sarisburiensis ad Hadrianum IV. Epistola.*

XCIII. *Cleri Leodiensis ad Paschalem II. responsio, qua R. Ecclesiam Babylonem esse pertendit.*

XCIV. *Tot querelarum causa hærebat in Pontificibus. Paschalis II. Henricum IV. ad mortem usque persequitur. Callistus II.*

ab Henrico V. ius investitura extorquet. Ita Papa fit. Rex absolutus, & schisma expirat. Innocentii II. Hadriani IV. Alexandri III. Urbani III. Clementis III. Innocentii III. Antichristianus in deprimentis Imperatoribus & Regibus fastus.

XCv. Verbi Divini Majestas & legum humanarum autoritas Theologia scholastica & juris Canonici praesidiis hoc seculo infringi ceperunt.

XCvi. Juris Canonici origo & progressus.

XCvii. Eo jure Papalis Majestas munita validissime.

XCviii. Theologia scholastica juri Divino succenturiata. Quae hinc facies Ecclesiae emiserit.

XCix. Non ideo Ecclesia Christi extincta est. quin potius passim numerosi cætus sese corruptioni publicæ opposuerunt.

C. Waldensium origo & dogmata. Oppugnantur varîe.

CI. Seculi XIII. historia. Joachimi Abbatis de eo Vaticinium. Paris de Ecclesiae Anglicanae misero statu querela.

CII. Innocentius III. alter Hildebrandus in Germania & Anglia cuncta turbis miscet.

CIII. In Concilio Lateranensi Transsubstantiationem, confessionem auricularem, aliaque definit, Deum Maozim extollit; Ordines Monachorum mendicantium quatuor instituit. Dominicus & Franciscus par ignobile.

CIV. Waldensium historia continuata sub Innocentio: cruciatam militiam & Predicatores Monachos adversus eos concitante. Diversum eorundem fatum.

CV. Honorii III. Gregorii IX. Innocentii IV. adversus Fridericum II. inexpiabile odium & dira molimina. Historia certaminis fusè narrata: Post mortem Friderici Cæsares remissiores facti Pontificibus succumbunt.

CVI. Cause odii illius vera ex Aventino promuntur.

CVII. Friderici Epistola ad Othonem Bavaria de Pontificum Rom. tyrannide, Antichristianismo, gravissima.

CVIII. Eberhardi Salisburgensis Archiepiscopi Oratio adversus

Hierarchiam, R. Babylonis flamines, pathetica.

CIX. Pontificum erga Monachos mendicantes favor. Guilhelmi de S. Amore adversus eos liber.

CX. Monachorum æternum Evangelium meditantium horribilis conatus eodem libro detectus.

CXI. Et à Pontificibus segniter repressus.

CXII. Evangelium illud æternum blasphemias refertum horum & sequentium temporum nudum Papatum representare, ostenditur.

CXIII. Alexandri IV. Urbani IV. Clementis IV. Gregorii X. Nicolai III. Honorii IV. &c. historia. Rodolphus Imp. Romam ire detrectat, & Papam bolo Romandiola donata placat.

CXIV. Manardi Comitis Tirolensis oratio adversus effeminatos Antichristos & prodigiosos Eunuchos acris.

Gregorius VII.
Sede Pontifi-
cia rapta
srenue Papa-
tum proclit.

LXXIX.



Umprimis verò Papatus Gregorij VII. Hildebrandi vulgò dicti, Pontificum Regnum, depressa Majestate Imperatoria, ad ἀκμην strenuè perduxit. Erat Hildebrandus ille natione Hetruscus, Sena-

oriundus, professione Cluniacensis Monachus. Papatum A. MLXXI I I. spreta autoritate Imperatoris, contemptoque Cleri & populi suffragio, vi remotis, qui obstare improbis conatibus viderentur, rapiens, abusus eam in rem pupillari ætate Henrici III. juxta quosdam IV. Imperatoris, qui quinquennis tum sub tutela matris Agnetis educabatur. Jam ante sub quatuor Pontificibus, Pontificiis artibus assuetus, earumque callentissimus, plus quàm Papam se gessit, adeò ut eum Petrus Damiani Dominum Papæ appellaverit, eique dicere non erubuerit:

Papam rite colo, sed te prostratus adoro,

Tu facis hunc dominum, te facit ipse Deus.

Ejus adventum fuisse ex operatione Sathanæ, insignis

Sub quatuor
Pontificibus
Dominus Pa-
pa cluebat.

Damianicis
artibus in-

nis & prodigiis mendacibus, non unus Cardinalis Ben-
no prodidit, asserens scilicet eum Diabolicarum artium
studiis ab antecessoribus Benedicto IX. & Gregorio VI.
butum fuisse
telles sunt
Episcopi 30.
Brixina
Coacti, alii-
que.
peffimis magistris pejorem discipulum imbutum esse, ex mantica
ignem, quoties vellet excutere edoctum: sed affirmârunt
etiam Episcopi triginta, qui A. MLXXX. ex Italia, Gallia,
Germania Brixinæ Noricæ convenerunt. In eo conventu
Hildebrandum accusatum, *quòd per artem magicam, necro-*
manticam, & Demonum suffragio sedem Apostolicam invaserit;
condemnatumque, *ceu falsum Monachum, magnum divina-*
culum, somniorum prodigiorumque conjectorem, & Cæsarea-
narum & Pontificiarum partium scriptores, Marianus
Scotus, Aventinus, Sigonius, Trithemius, alii testan-
tur.

LXXX. Sperni proculcarique à Monacho tali Majesta-
tem Imperatoris, iniquè meritò Henricus Imp. tulit, cer-
tus collectis copiis jus Imperii, Majestatemque adversus
eum tueri. Successerâtque propositum, si præeuntem
bona fide subsecuti essent ii, quos id facere planè decue-
rat. Gregorius haud segniter Imperatori obstitens, se
Mathildis opulentissimæ foeminæ (quam non sine suspi-
cione incesti amoris eum deperiisse, ex Lamberti Schaf-
naburgensis narratione prudentibus pridem suboluit.) &
Normannorum potentia muniit. Atque insuper Saxones
duce Ottone, antehac Bavariæ Regulo, adversus Impera-
torem, Dominum suum concitavit. Cùmque A. MLXXV.
Saxones ingentem stragem passi essent, aliâ viâ adversus
Dominum suum grassandum rati, eum apud Gregorium,
ceu scelerum gravium compertum accusant; qui Legatos
Imperatoris causam acturos in vincula rapit, frigore, fa-
me, siti excruciat, per urbem circumductos Româ pel-
lit. Quo comperto, Imperator Wormatiæ Concilium co-
git, cui Episcopi omnes Galliae & Germaniae, præter Sa-

Henrico Imp.
se opponit,
potentia Ma-
thildis &
Normanno-
rum fretus.

Senatorem-
sultum Imp.
& ordinem

adversus eum
Wormitæ
factum, quo
Papatu exiit.
tur.

xones (quorum nomina Polyhistor Stumpfius *Chron. lib. IV. 40.* ex Abbatiflano Tigurinorum Cœnobio eruta re-
presentat.) interfuere, lectis ibi literis flaminum primo-
rum Populi Romani, quas Hugo Bloncus Cardinalis
Roma attulerat, factum senatusconsultum, quod ejus-
modi verbis Aventinus *Annal. Boj. lib. 5.* recitat: Hildebran-
dus, qui se Gregorium nuncupat, primus sine consensu nostro adver-
sus Imperatoris Romani, rerum domini à Deo constituti, volunta-
tem, contra auspicia Pontificatum maximum, quem pridem am-
bivit, & judicio convictus perpetuò abjuravit, invasit, Mona-
chus desertor est, novis dogmatibus sacro-sanctam philosophiam a-
dulterat, Divinas literas falso interpretando suæ causæ servire co-
git, concordiam Collegii scindit, sacra, profana, Divina, huma-
na commiscet, utrumque juxta polluit. Diabolicis, hoc est, ar-
cerbissimorum hostium spurcissimis criminationibus, iniquorum male-
dictis aurem commodat & credit. Testis, judex, accusator, ini-
micus idem est. Maritos ab uxoribus separat, scorta pudicis con-
jugibus, stupra, incestus, adulteria casto præfert connubio, po-
pulares adversus Sacerdotes, vulgus adversum Episcopos concitat. Ne-
minem ritè initiatum esse docet, nisi qui ab eo sacerdotium emendi-
caverit, atque ab ejus aurifugis mercatus fuerit. Vili plebeculæ gra-
tificari studet, vulgi imperiti auram captat, simulata religione
decipit, defraudat, circumvenit, in senatulo muliercularum de
sacratissimis mysteriis religionis pertractat, Supremi Numinis le-
gem, qua se idem quoque ligavit, solvit, utrumque & Imperium
& Pontificatum, sicut Decii & falsorum Deorum cultores facititare
consueverunt, usurpat, &c. Divinæ Majestati refragatur. Chri-
stianissimo Principi Divinitus constituto, & à Deo inaugurato resi-
stit, versutus, fallax, obscurus, callidus imperium orbis, titulo
Christi, sub ovina pelle ambit. Inde exauthorandi ejus sen-
tentiam his verbis ferunt. Hæc ob causas Sanctissimus Im-
perator, Pontifices, Senatus Populique Christianus illum Hildebran-
dum abdicandum, sibi eundem non placere, nec oves lupo com-

mittendas censent. Cui decreto non solum Germaniæ, Galliæque, sed Italiæ quoque Episcopos, conventu Ticini acto, subscripsisse jurassèque, *se nunquam Pontificem Maximum isthoc nomine recepturos*, Aventinus, qui & superiora refert, *Annal. lib. V.* testis est. Ad ipsum quoque Gregorium Synodus ea literas misit, quas apud Goldastum *Constit. Imper. lib. I.* adversus Baronium defensas videre est; ubi inter alia hæc habentur: *Quia & introitus tuus tantis periculis est initiatus, & Ecclesia Dei tam gravi tempestate per abusivam novitatum tuarum periclitatur, & vitam per conversationem tuam tam multiplici infamia de honestâsti, obedientiam, quam nullam promissimus, nec de cetero ullam servaturos esse, renuntiamus.* Et quia nemo nostrum, ut tu publice declamabas, tibi hætenus fuit Episcopus, tu quoque nulli nostrum à modo eris Apostolicus. Neque tamen Gregorius animum abjecit, quin eò potius audaciæ processit, ut A. MCLXXVI. in concilio Romano promulgatis prius Dictatibus, de quibus paulò post dicemus, Imperatorem ipsum excommunicare, Regno Germaniæ & Italiæ spoliare, Principes & populos jramento fidelitatis ei præstito liberare non erubuerit. Eo decreto Petrum vindicem sic compellat: *Audi me, Apostolorum Princeps Petre, Tu mihi, beatûsque Paulus frater tuus, optimi præter crebros testes esse potestis, me invitum ad sanctæ tuæ Ecclesiæ gubernationem esse protractum; Ob eam rem mihi persuadeo, tibi placere, ut ego populo Christiano, Tibi præcipiè à Deo commisso, præsum.* Hacigitur fiducia nixus, pro Ecclesiæ tuæ honore ex parte omnipotentis Dei Patris, & Filii & Spiritus S. jure auctoritatis tuæ, Henrico Regi, Henrici Imperatoris filio, qui adversus Ecclesiam tuam inaudita superbia insurrexit, toto Regno Germaniæ atque Italia interdico, &c. ut gentes sentiant, quòd tu es Petrus, & super tuam Petram filius Dei ædificaverit Ecclesiam suam. Contradicientibus nonnullis, ea ratione, quòd Reges anathemate feriri nequeant, respondit: *An verò*

Vicissim is in Concilio Romano Imperatorem excommunicat, S. Petro vindice compellat.

cum Deus Ecclesiam suam ter beato Petro commisit, dicens: *Pasce oves meas, ipsos Reges excepit?* Atque ita Henricus Hildebrandum exauthoravit. Hildebrandus exauthoratus Henricum potestate omni abdicavit, quod novissimum facinus detestantes Sigebertum Gemblacensem, Gothofredum Viterbiensem, aliosque videre est. Certè etiam Gallicanam Ecclesiam Hildebrandinis moliminibus adversus seculares Potestates nunquam consensisse, nuper Doctiss. Petrus de Marca *de Concord. Sacerd. & Imp. lib. VI. 33. VIII. 2 I. &c.* demonstravit. Hildebrandi partibus sese addixerunt Hugo, Alfatia Dux, ære alieno oppressus, Rodolphus Sueviae Dux, Imperatoris Sororius, imperii spe lactatus, Bertholdus Zeringia Dux, ejus gener, Welfo Dux Bavariae, Moguntinus, Metensis & Wormatiensis Episcopi; nec non Abbates aliquot, sive anathematis terrore percussi, sive Principibus illis obnoxii, qui rebellibus pridem Saxonibus auxiliares manus porrigentes Germaniam universam ferro flammæque peragrarunt; donec Henricus, remoto exercitu, pœnitentia acta, reconciliationem cum Gregorio attentaturus, Romam proficisceretur, ubi intra secundum murorum ambitum receptus, abjecto cultu Regio omni; sine calceis, sæviente hieme, jejunos usque ad vesperam, *forfices & scopas* (uti Malmesburienfis loquitur) *in manu habens*, ut se attonderi & flagellari paratum ostenderet, responsum Gregorii nequicquam operitur; & quarta demum vice redux, inaudita patientia præfractum Pontificis animum hætenus expugnat, ut Henricum in conspectum suum admitteret, atque ita cum eo pacisceretur, ut die & loco, quem ipse constitueret, in communi Germanorum conventu, in judicio se sisteret, & criminibus objectis, quæstionem exercente Gregorio, responderet, atque extremo ejus judicio staret: interea omnia Regiæ dignitatis ornamenta deponeret, ac de re-

Henricus Romanam pergens, Supplex Gregorio, & iniquas leges accipiens anathemate solvitur.

bus publicis nihil pro suo jure statueret : eos, quorum hæcenus usus erat consilio, Bambergensem Episcopum, cæterosque à sua familiaritate in perpetuum depelleret, & qui sacramento ei dixissent, ejus religione exolveret omnes. Quæ cùm se facturum per omnia sacra jurasset, anathemate à Gregorio solvitur, magno adhuc in lucro, id, quod consecutus erat, reputans. Sed fluxam fidem gerens Pontifex, missis ad confœderatos Germanos, Saxones cumprimis, Legatis, ne pacta cum Henrico attendant, monet. *Nam licet reconciliatus sit Curia Cœlesti, non tamen Regno, quo auspiciatò Romæ privatus sit, restitutum esse.* Ita cum Legatis illis juncti Fœderati Porcemii mense Martio Anni MLXXVI I. convenientes, communi consilio Rodolphum Sueviæ & Burgundiæ Ducem, Henrici Sororium, Imperatorem eligunt, ea scilicet lege, *ut omnia Pontificalia abjuret, clientelas Episcoporum abdicet, nève velut hæreditario jure filios suos successores declaret.* Cui mox etiam Imperialem coronam Papa misit, his verbis inscriptam.

Petra dedit Petro, Petrus diadema Rodolpho.

Qua quidem insigni injuria ignominiæque accensus Henricus, Italia profugus, & pœnitundine ductus servilis patientiæ, animum & amicos colligit, ac instructo exercitu Rodolphum justo prælio fustum fugatúmque insigni clade afficit. Gregorius ejus rei nuncio fauciatu non parum, denuo Henricum anathemate ferit, Rodolphum confirmat. Ex altera parte Italiæ, Galliæ, Germaniæ Episcopi A. MLXXX. Brixinæ, quæ Bojorum urbs est, habito Concilio, Gregorium iterum ambitionis, hæreseos, impietatis, Sacrilegii reum peragunt, & ceu *falsum Monachum, magum divinaculum, somniorum prodigiorúmque conjectorem, male de religione sentientem; conjuratum hostem Reipub. atque sacro-sancti Imperii, Sacrilegia, perjuria, mendacia, homicidia, incendia velut bene facta, indulgentem & collaudantem, & ad ea perpe-*

Nihilominus à Confœderatis Germanis à Gregorio inflammatis Porcemii Regno idem, Rodolpho Sueviæ & Burgundiæ Duce surrogato, & injuriam vindicari denuo à Gregorio excommunicatur.

Vicissim Brixina Gregorius ab Henricianis de novo scelorum mulorum reus peractus deponitur, & mox Rodolphus prælio victus perit, atque Româ

occupata Gre-
gorius pulsus
Salerni exul
moritur.

*tranda classicum canentem; sacerdotes conjugatos ab altari removen-
tem, scortatores verò, adulteros, incestuosos eidem admoventem;*
auctore Deo O. M. Pontificatu maximo amovendum de-
cernunt. Gregorius fusque deque habito decreto, denuo
animos Rodolpho & Saxonibus facturum, *ex revelatione
scire se*, inquit Sigebertus, asseverat, *falsum Regem*, Hen-
ricum scilicet eodem anno moriturum; vetans se haberi
pro Papa, si falleret augurium. Fretus eo Oraculo Rodol-
phus, secunda, tertia quartave vice instaurato prælio
non solum, falsus scilicet Rex superatur, sed amputata
dextra, qua fidem Henrico dederat, interit. Mox etiam
Henricus cum exercitu Romam perrexit, eam obsedit,
occupavit, in locum Gregorii Clemente constituto Pon-
tifice. *Fugit Apostolicus*, (Gregorius) & *qui omnes in peri-
culum impulerat omnes in periculo deseruit*, inquit Benno. De-
mum reverso in Germaniam Henrico, Hildebrandus Sa-
lerni VIII. Kal. Junii A. MLXXXV. exul moritur, postquam,
Gemblacense narrante, confessus est, se Diabolo suaden-
te odium & iram contra humanum genus concitasse. Hæc
Hildebrandinæ tragœdiæ catastrophæ fuit.

Dictatus Gre-
goriani, Pa-
patus Hilde-
brandini fun-
damenta, re-
cessit.

LXXXI. In Concilio Romano A. MLXXVI. habito, in
quo Henricum Gregorius exauthoravit, & sacrorum e-
tiam communione privavit, idem Gregorius Canones
edidit, quibus Hildebrandini Papatus fundamenta conti-
nentur. Eos *Dictatus Papa* novus Dictator appellavit. quo-
rum *major pars*, uti in ejus vita Onuphrius loquitur, *an-
tea parum in usu fuerat, & à nemine prædecessorum ejus unquam
attemptata*. Sunt autem decreta ejusmodi: *Quòd Romana Ec-
clesia à solo Domino sit fundata; quòd solus Pontifex Romanus ju-
re dicatur universalis; quòd ille solus possit deponere Episcopos,
vel reconciliare: quòd Legatus ejus omnibus Episcopis præsit in
Concilio, etiam inferioris gradus, & adversus eos sententiam de-
positionis possit dare: quòd absentes Papa possit deponere; quòd*

cum excommunicatis ab illo, inter cætera nec in eadem domo debemus manere: quod illi soli licet pro temporis necessitate novas leges condere, novas plebes congregare; de Canonica Abbatiam facere, & è contra divitem Episcopatum dividere, inopes unire: quod solus possit uti imperialibus insigniis: quod solius Papæ pedes omnes Principes deosculentur: quod illius solius nomen in Ecclesiis retinetur: quod unicum est nomen in mundo: quod illi liceat Imperatores deponere; quod illi liceat de sede ad sedem, necessitate cogente, Episcopos transmutare: quod de omni Ecclesia, quacunque voluerit clerum valeat ordinare: quod ab illo ordinatus alii Ecclesiæ præesse potest, sed non militare: & quod ab aliquo Episcopo non debet superiorem gradum accipere: quod nulla Synodus absque præcepto ejus debeat generalis vocari: quod nullum capitulum, nullusque liber Canonicus habeatur absque illius authoritate: quod sententia illius à nullo debeat retractari, & ipse omnium solus retractare possit: quod à nemine ipse judicari debeat: quod nullus audeat condemnare Apostolicam sedem appellantem: quod majores causa cujuscunque Ecclesiæ ad eum referri debeant: quod Romana Ecclesia nunquam erravit: nec in perpetuum, Scriptura testante, errabit: quod Rom. Pontifex, si canonice fuerit ordinatus, meritis B. Petri indubitanter efficitur Sanctus, testante Sancto Ennodio, Papiensi Episcopo, ei multis Sanctis Patribus faventibus, sicut in decretis beati Symmachi Papæ continetur: quod illius præcepto & licentia subjectis liceat accusare: quod absque Synodali conventu ei liceat Episcopos deponere & reconciliare: quod Catholicus non habeatur, qui non concordat Romanæ Ecclesiæ: quod à fidelitate iniquorum subjectos potest absolvere. Non aliud scilicet supererat, quàm ut pauca superadderet; quod Papa sit Christus, proin & Antichristus ipse.

LXXXII. Illud quoque non prætereundum, fuisse Gregorium, sicut dæmoniacarum artium studio infamem, ita dæmoniorum etiam doctrinæ, quæ abstinere à cibis, quos Deus condidit ad participationem cum gratiarum actione fidelibus, jubet, & matrimonium contra-

Ejusdem Gregorii de abstinentia à cibis certus & scriptum est libellum de decretis dæmoniacis.

here prohibet, propagatorem acerrimum. Liquet id ex duabus Synodis Romæ sexto Pontificatûs ejus anno habitis, in quarum altera editus est hic Canon: *Quia dies Sabbathi apud sanctos Patres nostros in abstinentia celebris est habitus, nos eorundem auctoritatem sequentes salubriter admonemus, ut quicumque se Christiana religionis participem esse desiderat, ab esu carnum eadem die, nisi majore festivitate interveniente, vel infirmitate impediante, abstineat.* In altera verò damnavit scriptum sancti Udalrici ad Papam Nicolaum, de nuptiis Presbyterorum, & Paphnutii de eadem re capitulum. De eo sic Sigebertus Gemblacensis in historia A. MLXXIV. Gregorius Papa, celebrata Synodo, Simoniacos anathematizavit, & uxoratos sacerdotes à Divino officio removit, & laicis Missam eorum audire interdixit, novo exemplo, & (ut multis visum est) inconsiderato præjudicio, contra sanctorum Patrum sententiam &c. Ex qua re tam grave oritur scandalum, ut nullius hæresis tempore sancta Ecclesia graviori schismate discissa sit; his pro justitia, illis contra justitiam agentibus; continentiam paucis tenentibus, aliquibus eam modò questus ac jactantiæ causâ simulantibus; multis incontinentiam perjurio aut multipliciori adulterio cumulantibus, adhuc hac opportunitate laicis insurgentibus contra sanctos Ordines, & se ab omni Ecclesiastica subjectione excutientibus. Laici sacra mysteria temerant, & de his disputant, infantes baptizant, sordido humore aurium pro sacro oleo & chrismate utentes: in extremo vite viaticum Dominicum, & usitatum Ecclesiæ obsequium sepultura à Presbyteris conjugatis, parvipendunt, decimas Presbyteris deputatas igne cremant, & (ut in uno cætera perpendas) laici corpus Domini à Presbyteris conjugatis consecratum sape pedibus conculcaverunt, & sanguinem Domini voluntariè effuderunt; & multa alia contra jus & fas gesta sunt in Ecclesia. Et hac occasione multi Pseudomagistri exsurgentes in Ecclesia profanis novitatibus plebem ab Ecclesiastica disciplina avertunt. Lambertus Schafnaburgensis addit, adversus decretum hoc protinus vehemen-

menter infremuisse totam factionem Clericorum, hominem planè hæreticum & vāsani dogmatis esse clamitantem, utpote qui oblitus Sermonis Domini, qui ait: *Non omnes capiunt hunc sermonem: qui capere potest, capiat; & Apostoli: Qui se non continet, nubat. Melius est enim nubere, quam uri*, violentâ exactione homines cogat vivere more Angelorum; & dum consuetum cursum naturæ negaret, fornicationi & immunditiæ fræna laxaret. Quas porro turbas ferale isthoc Gregorii decretum passim inter contententes renitentésque excitaverit, scribere heic nihil attinet.

LXXXIII. Controversia gemina, quæ Hildebrando huic partim cum Henrico Imperatore, secularique adeò potestate, partim cum sacerdotibus conjugatis intercessit, ansam eidem præbuit fingendi duas novitias hæreses, earumque improprio imparentes dicto suo deprimendi. Henricianos enim *Simoniacorum & hæreticorum Henricianorum*: Sacerdotes verò conjugatos *Nicolaitarum* probrosis, Simoniacorum & Nicolaitarum pessimus ipse, titulis asperfit, exosósque reddidit. Hæretici nempe Papæ jam dici meruerunt, non qui doctrinam verbo Dei repugnantem, & æternæ saluti perniciosam propugnarent pertinaciter, sed qui Papæ libidini suæ lenocinantis imperio audientes non essent.

Hæresis Simoniacorum & Nicolaitarum fictitia.

LXXXIV. Mortuo Gregorio factione Pontificia annitente, Victor III. Beneventani Principis filius successit. Is Clementem III. Gregorio ab Imperatore Henrico surrogatum, anathematis vinculo constrictum deposuit, & post biennium moribundus Ottonem de Castellione, Cardinalem Ostiensem, successorem designavit, qui post mortem ejus electus Urbani II. (*Turbanum* vocant alii, ob excitatas turbas multifarias) nomen sumpsit. Quibus studiis Urbanus ille, qui Gregorii VII. causam egit acerrimè, cum Clemente III. Casareo Papa collisus fuerit,

Urbani II. Hildebrandini, & Clementis III. Casarei Papæ contraria studia Aventini verbis memorata.

fusè Aventinus commemorat, cujus verbis continuatam tragoediam narrare juvabit. Sic ille *lib. V. Annal.* scribit: *Clemens III. urbe à Conrado pellitur, Urbanus restituitur. Mox invicem diras inferiasque dicunt. Urbanus acta Hilæbrandi tueri: Clemens rescindere pergit. Imperator quoque summa ope contra Urbanum nititur. Moveri rursus civitas Christiana, & dissensio civilis, quasi permisio terra erumpere capit; scinditurque populus Christianus; pauci reperti, qui veram pietatem injustæ potentie anteponerent; partium studia, quæ extincta erant, gliscunt, &c. Dum alteri alteros quovis modo vincere volunt; Urbanus criminando Imperatorem, plebem Christianam exagitat occultè largiendo, indulgendo, pollicitando magis incendit, ita ipse clarus, potens factus ex libidine suæ victoriae utitur, plûsque sibi ac successoribus spinarum ac potentie, quàm pietatis atque amoris comparavit; sub titulo Christi pro sua magnitudine amplitudineque laboravit. Namque, ut paucis verum absolvam, post illa tempora, quicumque concionem divinam agitavere, honestis nominibus, quasi jura Ecclesiæ libertatèque Religionis defenderent, & quò Romani Episcopi auctoritas maxima foret, bonum publicum simulantes pro sua quisque potentia certaverunt. Imperator quidem contra hæc summa ope commissus fuit: utraque pars miraculis se tutata est. Deinceps ficitia quædam miracula visionesque recenset.*

LXXXV. Inter τὰ κρείττα seu supremæ potestatis civilis jura politici belli decernendi potestatem numerare solent. Hanc quoque ad se rapere Pontifices cœperunt. Urbanus quippe Bellum, quod *Sacrum*, eò quòd ad expugnationem terræ Sanctæ, & à personis *Sacris*, Episcopis, Monachis &c. fuscipiendum esset, appellari placuit; Monachi cujusdam Petri Eremitæ, seu Franci, seu, ut alii scribunt, Hispani, Divinam visionem jactantis, suasu, in Concilio Claromontano (quod cum Synodo illa, quæ I. Reg. XXII. describitur, celebrata sub Josaphato & Achaabo, de Ramoth Gilead ex manibus Syrorum recuperanda,

Bellum Sacrum ab eodem Urbano decretum, exitu in cliv.

da, scitè Bullingerus *in Apoc. cap. 20.* comparat, eò quòd in utroque fuerint spiritus seductor, Achabi, Josaphati, aliàque similia) decrevit. Sic A. M^{CCXV}. Ducibus Gothofredo Bullionense, sive de Bullo, Lotharingiæ Principe, Eustathio & Balduino ejus fratribus, Hugone Magno, fratre Regis Francorum, Aniciensis in Auvernia Episcopo, aliisque cum exercitu ex millies sexcenties millenis militibus cruce ex lana rubra facta signatis omnibus, (unde militiæ *cruciata* nomen, non quòd *crucem* Christi prædicare, sed quòd infideles *crucifigere* destinassent) conflato, in terram sanctam adversus Saracenos properatum, & post foelicia fatis prælia A. M^{CCXIX}. ipsa urbs Hierosolyma obsessa & occupata, sed A. M^{CCXLIV}. imperante Friderico Barbarossa iterum amissa est, rebus Christianorum Orientium in deterius longè inde vergentibus.

LXXXVI. Belli hujus sacri *ἡ πόλις* à causis ejusdem *ἡ πόλις* ^{Ejus belli prætextus} suavoriis distinguere haud *ἡ πόλις* fuerit. *ἡ πόλις* fuere *damna, contumeliæ, supplicia gravissima, quæ Christiani sepulchrum Domini visitantes quotidie à Saracenis patiebantur, uti Sigonius ad A. M^{CLXXIV}. loquitur: addo, injuriæ etiam & contumeliæ, quas fideles Hierosolymis commorantes ab infidelibus perpetiebantur, quas fufè Wilhelmus Tyrius, Regni Hierosolymitani Concellarius, belli sacri scriptor, Historiæ belli sacri lib. 1. cap. 4. &c. Robertus Monachus de Christ. Principum bello contra Saracenos suscepto lib. 1. aliique edisserunt. Urbani Papæ exhortatio ad populum in Concilio Claromontano facta, & ab eodem Tyrio lib. 1. cap. 15. recitata prætextus eisdem propalat. Inter alia sic ille: Hac salutis nostræ cunabula, Domini patriam, religionis matrem, populus absque Deo, ancille filius Ægyptiæ possidet violenter: & captivitatis libera filius extremas imponit conditiones, quibus versa vice meritò servire tenebatur. Sed quid scriptum est? Ejice ancillam & filium ejus. Saracenorum enim gens impia & immundarum* *sectarum*

sectatrix traditionum, loca sancta in quibus steterunt pedes Domini, jam à multis retrò temporibus violenta premit tyrannide, subactis fidelibus, & in servitutem damnatis. Ingressi sunt canes in sancta, profanatum est sanctuarium, humiliatus est cultor Dei populus, angarias patitur indignas: genus electum servit in luto & latere: regale Sacerdotium, Principes Provinciarum, factum est sub tributo, civitas Dei. Cujus non liquefiat anima? Cujus non labescant precordia, iis ad animum recurrentibus? Quis hæc siccis oculis audire potest, fratres charissimi? Hæc certè ut vera fuerint (de quo nulli ambigimus) justam tamen bello inferendo causam præbuerunt minimè. Neque enim vel terra sancta Christiani populi peculium & proprietas ἀναφαιγά (1) fuit: vel injuriæ illatæ Christianis sive indigenis, sive advenis tanti fuerunt, ut propterea possessione terræ illius exui infideles debuerint. Inprimis cum post Christi ascensionem in Cælum Palæstina terra aliis locis sanctior ampliùs non fuerit, & affectatio ejus superstitionem potiùs, quàm veram religionem aluerit. Considerandum fuit illud, quod à Pindaro dictum est; ἔα πόλεμον, ἔα μάχας χεῖρὶς Θεῷ Mitte bellum, mitte pugnam sine Deo. Equidem ex Verbo Dei satis constat, sic Deum irasci terræ sanctæ, ut benedictionem in maledictionem converterit, & templum urbemque Hierosolymam ita everti funditus voluerit, ut reparari nunquam possit. Et quid est Ecclesia per omnes gentes dispersa, si vetus Templum, unde nova Ecclesia prodiit, requiris?

Nec non causa
suasoria,
Pontificum
avaritia, do-
minandi li-
bido & Chri-
stianorum
principum op-
pressio, di-
stinctæ.

LXXXVII. Diversæ longè fuerunt belli illius suasoriae causæ, avaritia Pontificum, dominandi libido, perfidia & oppressio Christianorum Principum. Ablegatis in Orientem per speciem pietatis Principibus proclive Papæ fuit vacua in aula dominari, cum ambitioni avaritiæque Pontificum totus se Occidens aperiret, & ad fræ-
nandam domandamque eam exhaustis ejusmodi expedi-
tioni-

tionibus Principum subjectorumque opibus, impares post-hac essent. Immensam etiam pecuniarum vim cruciata hæc militia Pontificibus conciliavit. Certè *Innocentius Papa*, ita *Matthæus Paris*, *Monachus Albanensis*, *Anglus*, *Histor. Major. pag. 200.* loquitur, *ad expeditionem terræ sanctæ, ut dixit, ad occultandam suam avaritiam, infinitam pecuniam ab ordine Cisterciensi extorquere proposuit.* Addit, à *B. Virgine* correptum ab exactiōe cessasse, timore percussū. *Pag. 707.* narrat idem, cruce signatos voti pœnitentes non modica pecuniæ summa votum redimere coactos fuisse. Non omnibus licebat ire in expeditionem. Neque tamen manentes domi carere debuerunt hac persuasione suæ salutis. Ut igitur indulgentiarum & illi participes fierent, pecuniam erogabant, exigentibus insatiabiliter Ecclesiasticis. Cognoscere id licet ex eodem *Matthæo Paris*, cujus inter alia *pag. 388.* Hæc verba sunt: *Hæc* (à *Gregorio Papa* de negotio crucis perscripta) *cum per Christianorum climata, præcipuè per Angliam Christi fidelibus innotescerent, & Prædicatione per Prelatos, maximè per fratres Prædicatores, & Minores fieret, quibus data fuit potestas cruce signandi, & votum data pecunia* (confer *pag. 346.*) *relaxandi, sese multi, quorum non erat numerus, cruce signaverunt. Sed cito in tantam nobilitatem, ne dicam, arrogantiam elevabantur Prædicatores, Minoresque, qui spontaneam paupertatem cum humilitate elegerunt, ut recipi curarent in cœnobiis & civitatibus in processione solenni, in vexillis, cereis accensis, & in dispositione vestimenti festivis indutorum, & concessum est eis veniam multorum dierum suis conferre auditoribus, signatosque hodie, cras data pecunia à crucis voto absolverunt. Parvoque tempore succedente, facta est tanta commutatio, tam multiformis pecuniæ exactio, nec sciri poterat, in quam abyssum tanta pecunia, quæ per Papales Procuratores colligebatur, est demersa, quod fidelium circa negotium crucis tepuit, imò potius charitas refrixit generalis. Unde negotium terræ sanctæ nunquam*

felix super hoc suscepit incrementum. Sed & pag. 864. exemplum prodit summæ Pontificis perfidiæ, qui crucem prædicari voluit, non ut periclitantes Christianos in Oriente juvaret, sed ut Siciliam & Apuliam invadere posset. Eodem cruce signatorum exercitu etiam contra Albigenfes, teste eodem Paris pag. 336. nec non Imperatorem ipsum Fridericum Barbarossam, Fridericum II. ejusque filium Conradum, Imperatores, aliosque etiam Christianos Principes invisos sibi, Pontifices usi sunt.

*Con. ilii Clari-
montani
Canones, Po-
testatem &
superstitionem
Papalem am-
plificantes.*

LXXXVIII. In Concilio Claromontano, quo bellum illud minimè sacrum decretum fuit, conditi, eodem Urbano annitente, sunt varii Canones, quibus Pontificia potestas & superstitio amplificata non parùm fuit. Inter alia capitula hæc etiam à Paris pag. 20. commemorantur: *Quòd Ecclesia Catholica (Romana) sit in fide casta, & ab omni seculari servitute libera; ut Episcopi vel Abbates, vel aliquis de Clero aliquam Ecclesiasticam dignitatem de manu Principum, vel quorumlibet laicorum non recipiat: Quòd nullus cujuslibet sacri ordinis carnali commercio utatur: Quòd nemo laicorum à capite jejunii, nemo Clericorum à quinquagesima usque in Pascha, carnes comedat: Quòd omni tempore primum jejunium quatuor temporum, prima hebdomada quadragesimæ fiat. Quòd qui apprehenderit Episcopum, omnino exlex fiat: Quòd qui sacri ordinis viros, vel eorum famulos apprehenderit, anathema sit: Quòd una queque Ecclesia decimas suas habeat, nec ad aliam transferantur: Quòd laicus decimas non emat, nec vendat: aliâque id genus plura.*

*Seculi XII.
historia ejus
etiam in
initio fama
fuit, Anti-
christum mox
revelatum iri.
Bernhardi &
Platina eam
in rem testi-
monia.*

LXXXIX. Seculo duodecimo ad majorem etiam gradum corruptionis Ecclesia Romana processit. Vulgarem famam fuisse, Antichristum eo tempore revelatum iri, Baronius ad A. C. MCVI. non diffitetur. Bernhardus certè, qui in ea tempora incidit, *Epist. 56. ad Gaufridum* eam in rem sic scribit. *Cùm ante hos paucos dies Norberti faciem videre, & de cælesti fistula, ore videlicet ipsius plurima haurire merue-*

rim,

rim, de Antichristo cū inquirerem, quid sentiret, durante adhuc ea, quæ nunc est generatione, revelandum illum certissimè se scire, protestatus est. At cū eandem certitudinem unde haberet, sciscitanti mihi exponere vellet, audito quod respondit, non me illud pro certo credere debere putavi. Ad summam tamen hoc asseruit, non visurum se mortem, nisi prius videat generalem in Ecclesia persecutionem. De Paschali etiam Papa, qui initio hujus seculi Romanam Ecclesiam moderatus est, commemorat idem, quòd dum in itinere positus Florentiam pervenisset, de Antichristi adventu proximè futuro, fama fuerit sparsa. In ejusdem vita scribit Platina: Florentinum Episcopum affirmare solitum, Antichristum natum esse; sed ab ipso Papa silentium ei impositum esse.

XC. Neque certè defunt plura scriptorum, qui eo ipso seculo scripserunt, testimonia, ex quibus, quæ circa id temporis facies Ecclesiæ Romanæ fuerit liquidò cognoscitur. De Romanis igitur, uti Guilhelmus Malmesburiensis *de gestis Reg. Angl. lib. 4.* loquitur, olim rerum Dominis, gentèque togata, qui nunc dicuntur hominum inertissimi, auro trutinantes justitiam, pretio venditantes communem regulam; carmen edidit Hildebertus Cenomanensis Episcopus, atque hoc disticho (quod in Lili Giraldi quinto de Poëtis Dialogo Hispani Censores ferre non potuerunt) conclusit:

De calamitosa circa id temporis Ecclesiæ Romanæ facie testimonia Malmesburiensis, Hildeberti;

Urbs felix, si vel Dominis urbs illa careret,

Vel Dominis esset turpe, carere fide.

eos scilicet Dominos innuens, quos simili disticho perstrinxit alius:

Servierant tibi, Roma, diu Domini Dominorum;

Servorum Servi nunc tibi sunt Domini.

De eadem sic Bernhardus Morlinensis, ex Cluniacensi Ordine Monachus *lib. 3. de contemptu mundi* canit:

Bernhardi Morlinensis;

Aurea tempora, castæque pectora praterierunt,

*Tempora pessima, scilicet ultima jam subierunt.
 Stant modo stantia lucra, superbia, pax sine pace,
 Fraus, Venus, otia, furtaque conscia noctis opaca,
 Schismata, praelia, vis, homicidia, traditiones,
 Ira, protervia, livor, inertia, seditiones.
 Stat simulatio, corrui actio religionis
 Heu! sua propria deputat omnia Rex Babylonis.*

*Honorii Au-
 gustodunensis;*

Neque aliter Honorius Augustodunensis Ecclesiæ Presbyter Dial. de Prædest. & lib. Arb. sui temporis Babyloniam depingit: *In tuere, inquit, Principes & Iudices: Ecce posita in eis est Bestiæ sedes. Omni tempore ad malum sunt intenti, semper negotiis iniquitatis inexplebiliter occupati, flagitia non solum faciunt, sed & alios facere instruunt: Sancta vendunt, scelera emunt: totis viribus laborant, ne soli ad tartara veniant. Verte te ad Clerum, & videbis in eis Bestiæ tentorium. Dei servitium negligunt, terrenis lucris inserviunt; sacerdotium per immunditiam pollunt, populum per simulationem seducunt, Deum per mala opera abnegant, omnes scripturas ad salutem pertinentes abdicant, omnibus modis se laqueos & ruinam populo substernunt, quem cælum ipsi cæci ad interitum præeunt. Contempnere & Monachorum conciliabula, & videbis in eis Bestiæ tabernacula. Per fictam professionem Deum irridentes, iram ejus provocant, normam regularum moribus & vita calcant, per habitum seculum fallunt, multos deceptos ipsi decepti decipiunt. Secularibus negotiis implicati sunt, in Dei servitio desides existunt, plerique illorum gulæ illecebris dediti sunt, quidam immunditiæ sordibus computrescunt. Aspice etiam habitacula Monialium, & cernes in eis Bestiæ præparatum thalamum. &c. Verte te ad plebem reliquam, & videbis in ea Bestiæ effigiem &c. Vulgus quoque indoctum Bestiæ habet idolum &c. Taceo Arnoldum de Brixia, à quo Arnoldistis nomen, qui quòd tyrannidem, luxum, superbiam, corruptionem Cleri & Pontificis palam argueret, A. MCLV. Romæ ultricibus flammis παρρησιας suam expiavit: ipso etiam Platina ejus innocentiae testimonium perhibente, &*

*Arnoldi de
 Brixia;*

pietatem extollente. Quem etiam Tigurinis, apud quos aliquandiu prædicavit, sanioris doctrinæ gustum præbuisse, Guntherus Ligurinus, facto isthoc versu:

Servat adhuc uvæ gustum gens ista paternæ;
prodidit.

XCI. Incidit in seculum isthoc infelix Bernhardus Clara-^{Bernhardi}
rævallensis Abbas, nobili familia Burgundiæ satus. Ad-^{Claravallen-}
dictus is Pontifici licet, calamitate seculi illius optimis^{sis.}
quibusque fascinum quodammodo inducente, subinde tamen Hierarchiam Romanam graphicè depingit. Libro ad Eugenium Papam & ejus satellites Episcopos & spirituales *Antichristi ministros* disertè nominat, & *Apostolica auctoritate ambitiosos, avaros, Simoniacos, concubenarios, incestuosos, & quaque istiusmodi monstra honores Ecclesiasticos obtinere*: Denique *Demonum magis quàm ovium pascua Romæ esse queritur*. Et *serm. 33. super Cantica querimoniam isthanc gravissimam inspergit*: *Væ generationi huic à fermento Phariseorum, quod est hypocrisis, si tamen hypocrisis dici debet, quæ jam latere præ abundantia non valet, & præ impudentia non querit. Serpit hodiè putida tabes per omne corpus Ecclesiæ & quò latius è desperatiùs, eoque periculosius, quò intestiniùs. Nam si insurgeret apertus hæreticus, mitteretur foras & exaresceret; si violentus inimicus, absconderet se quis forsitan ab eo, nunc verò quem ejiciet, aut à quo abscondet se? Omnes amici, & omnes inimici: Omnes necessarii, & omnes adversarii: omnes domestici, & nulli pacifici: omnes proximi, & omnes quæ sua sunt, querunt. Ministri Christi sunt, & serviunt Antichristo. Honorati incedunt de bonis Domini, qui Domino honorem non deferunt. Inde is quem quotidie vides, meretricius nitor, histrionicus habitus, Regius apparatus; inde aurum in frenis, in sellis & calcaribus. Et plus calcaria, quàm altaria fulgent, &c. Intestina & insanabilis est plaga Ecclesiæ, & ideo in pace amaritudo ejus amarissima. Et *Serm. 6 in Psal. 90. superest, inquit, ut reveletur homo peccati, filius perditionis, demonium non modò dñur-**

num, sed & meridianum: quod non solum transfiguratur in Angelum lucis, sed extollitur supra omne, quod dicitur Deus: Nimirum insidiatur crudelis, calcaneo matris Ecclesie, à qua dolet caput suum esse contritum, &c. Creditur idem Bernhardus author Sermonis in Rhemenfi Concilio coram Innocentio II. & ejus Clero A. MCXXXI. habiti, in quo sic παρρησιαζόμενος & Episcopos compellat: Fratres, aliam Synodum pronuntio vobis, ubi Dominus Deus sedebit in judiciis, & ibi omnes nos oportet representari, & ibi Deus justè judicabit orbem terrarum. Hic includitur injustitia in marsupio: sed justè judicabit Deus in illo iudicio, & ibi omnes, nos oportet representari, sive sit Papa sive Cardinalis, sive Archiepiscopus, sive Episcopus, sive dives sive pauper, sive doctus, sive indoctus, ut referat unusquisque rationem de his quæ gessit in corpore, sive bonum, sive malum. Et si reddenda est ratio de his, quæ quisque gessit in corpore suo, heu quid fiet de his, quæ quisque gessit in corpore Christi, quod est Ecclesia? Ecclesia Dei vobis commissa est, & dicimini Pastores, cum sitis raptores. Et paucos habemus, heu, Pastores, multos autem excommunicatores. Et utinam vobis sufficeret lac, sititis enim sanguinem. Idem Serm. I. in conversionem S. Pauli hujusmodi ad Deum querelam ingeminat: Amici tui, Deus & proximi, ad versus te appropinquaverunt & fleverunt, Conjurasse videtur contra Te universitas populi Christiani à minimo usque ad maximum: à planta pedis usque ad verticem non est sanitas ulla. Egressa est iniquitas à senioribus iudicibus, vicariis tuis, qui videntur regere populum tuum. Non est jam dicere: Sicut populus, sic sacerdos: quia nec sic populus ut sacerdos. Heu, heu, Domine Deus, quia ipsi sunt in persecutione tua primi, qui videntur in Ecclesia tua primatum diligere, gerere principatum. Arcem Sion occupaverunt, apprehenderunt munitiones, & universam deinceps liberè & potestativè tradunt incendio civitatem.

*Joh. Sarisburien-
sis.*

**XCII. De corruptione hujus seculi vocem populi ad Hadrianum IV. Pontificem Johannes Sarisburiensis, quem
nupe-**

nuperus Cardinalis Bona in *Notitia Scriptorum*, ceu *virum gravem*, etiam cum de nugis scribit, commendat; Policrat. seu de *Nugis Curialium lib. VI. 24.* perscripsit: Sciscitanti enim Hadriano, quid de se & Ecclesia Romana sentirent homines, respondet in hæc verba: Romana Ecclesia, quæ mater omnium Ecclesiarum est, se non tam matrem exhibet aliis, quàm novercam. Sedent in ea scribæ & Pharisei, ponentes onera importabilia in humeris hominum, quæ digito non contingunt. Dominantur in Clero, nec forma fiunt gregi, qui recto calle pergit ad vitam: pretiosam supellectilem congerunt: auro & argento onerant mensas, siti etiam ab avaritia nimis parci. Nam pauper aut nullus, aut rarus ad mittitur, quem interdum non tam Christus, quàm vana gloria introducit. Concutiunt Ecclesias; lites excitant, collidunt Clerum & populum, laboribus & miseriis afflictorum nequaquam compatiuntur, Ecclesiarum latantur spoliis, & quæstum omnem reputant pietatem. Justitiam non tam veritati, quàm pretio reddunt. Omnia namque cum pretio hodie, sed nec cras aliquid sine pretio obtinebis. Nocent sæpius, & in eo demones imitantur, quòd tunc prodesse putantur, cum nocere desistunt, exceptis paucis, qui nomen & officium pastoris implent. Sed & ipse Romanus Pontifex omnibus gravis, & ferè intolerabilis est, &c.

XCIII. Aperto verò ore Episcopi, Canonici & Clerus universus Diœcesis Leodiensis Romanam Ecclesiam Babylonem eodem jam tempore insigniunt. Extat enim in secundo Volumine Conciliorum, eorum ad Paschalem II. ejusmodi responsio: Quæ major olim fuit confusio in Babylonia, quàm hodie est in Ecclesia? In Babylonia confusio fuit lingue gentium; in Ecclesia dividuntur lingua & mentes credentium. At Petrus in Epistola sua: Salutat vos Ecclesia quæ est in Babylone collecta. Hactenus interpretabar; ideo voluisse Petrum per Babylonem signare Romam, quia tum temporis Roma confusa fuit idololatria & omni spurcitia. At nunc dolor meus mihi interpretatur, quòd Petrus Prophetico spiritu dicens Ecclesiam in Babylone collectam,

Cleri Leodiensis ad Paschalem II.

lectam, prævidit confusionem dissensionis, qua bodie scinditur Ecclesia &c. Qui sint turbines ab Africo, discimus patiendo magis, quam legendo, de terra horribili, à Romana scilicet Ecclesia, visio dura

Petri Blesensis nuntiata est mihi; inde turbo ut tempestas venit ab Africo. &c. Sed & Petrus Blesensis in Epistola ad Officialem apertè Romam *Babylonem* vocat, monétque Officialem, ut ex ea discedat.

Tot querelarum causa hærebat in Pontificibus.

Paschalis II. Henricum. IV. Imp. ad mortem usque persequitur.

XCIV. Miraris causam acerbarum adeò querelarum? Hæret illa in Pontificum maximè Romanorum tyrannide, dominandi libidine, rerum Divinarum contemptu, persecutione Imperatorum & verè fidelium, aliisque profligatæ eorundem mentis natis. Paschalis II. Hildebrandinis partibus addictus Henricum Imperatorem Romæ in Synodo denuo excommunicat, hæresin Henricianam, docentem contemnere bruta adversus Imperatores fulmina, damnat; Episcopos obedientiam fedi Romanæ jurare subigit. Henricum filium seducit; ut Patrem ad deprimenda Imperii insignia compelleret, adeoque serpentinam parenti gratiam referret. Henricum Romam venientem, de investituris omittendis interpellat; ab eodem cum Episcoporum Regalia, ut priùs promiserat, Imperatori relaxare detrectaret, captus, ut liberationem obtineret, juramenti fide denuo promittit, se Imperatorem nec de investituris interpellaturum amplius, nec excommunicaturum: at mox in Concilio Lateranensi fallens fidem privilegium hoc, seu, uti vocabant alii, *privilegium*, damnat, & laicos investituras, seu jus prodendi Flamines Episcopulosque, & sacerdotia per virgam & baculum confirmandi, sub anathemate dantis & accipientis laici prohibet; (quam in rem plura doctissimus Petrus de Marca *Concord. Sac. & Imp. lib. VIII. 20.* narrans consuli potest) in mortuum Imperatorem ita sævit, ut cadaver Leodii jam sepultum ex sepulchro extrahi jufferit, statéque

que in secreto quinquennium totum coegerit. *Gelasius II.*
 Henricum V. diris devovet & excommunicat. *Callistus II.*
 II. A. MCXXII. Henrico extorquet, ut juri investituræ
 renunciaret. Ita Papa absolutus Rex factus est, & dirum
 Schisma diuque agitatum expiravit. Quamquam alia
 etiam Schismata horrenda idem seculum exercuerunt; fre-
 quentissimis scilicet Antipapis, cum sederent Paschalis
 II. *Gelasius II. Calixtus II. Honorius II. Innocentius II.*
 Alexander III. Taceo Innocentium II. à Lothario Impe-
 ratore juramentum fidelitatis exigentem, & eundem an-
 te pedes suos prostratum, coronamque Imperii expeten-
 tem, Antichristiano fastu, in tabula pingi curantem,
 cum superba inscriptione; *Rex venit ante fores &c.* denique
 Ludovicum VII. eò quòd Gallicanæ Ecclesiæ libertates
 defenderet, anathemate obstringentem. *Eugenium III.* quem
 bellum cum Romanis gerentem sic Bernhardus pulsavit:
Habent hæc infirma & terrena Reges, Judices, Principes terræ.
Quid vos alienos fines invaditis? Tibi Sarculo opus est, non se-
piro, ut opus facias propheta, &c. Hadrianum IV. cum Hil-
 debrandi nequitia paria facientem, utpote qui tum Im-
 perium Romanum contendit esse Papale feudum, co-
 ronam & dignitatem Imperialem Papale beneficium; eò-
 que nomine Friderico Barbarossæ impotenter insultavit,
 compellens ei de equo descendenti strepam sinistram te-
 nere, uti Helmoldus *Histor. Sclav. lib. i.* scribit, eundem-
 que Majestatem tueri conatum excommunicans; tum
 Hiberniam & omnes insulas ad jus B. Petri pertinere per-
 tendit; tum denique Guilhelmum Siciliæ Regem ad pe-
 des suos prostratum, Siciliam omnem patrimonio Petri
 consecrare subegit. *Alexandrum III.* qui pulso Victore,
 palam asserente, *Alexandrum Antichristi tempora præfigurare,*
in Templo Dei sedere, ostendentem se, tanquam sit Deus, abomina-
tionem desolationis, stantem in loco sancto esse; & Papæ in Con-
cilio

cilio Alexandro prælato, aliisque etiam Antipapis superatis Papatum rapuit; Henricum II. Anglorum Regem, insimulatum quod conscius esset necis Thomæ Bequeti (qui protestatus licet, *Romam factam esse meretricem*, ab Alexandro inter Martyres relatus est) nudum virgis cædi à Religiosis iussit, dicente uno Legatorum ejus: *Domine noli minari. Nos enim nullas minas timemus, qui de tali curia sumus, quæ consuevit imperare Regibus & Imperatoribus*; in Waldenses persecutionem immanem excitavit; Cardinales in Concilio Laterani habito ad supremæ potestatis apicem evexit; Fridericum Barbarossam, cujus filius Otto à Sebastiano Venetorum Duce maritimo prælio victus, & Venetias ad Papam captivus abductus ibidem inter Patrem & Papam pacem conciliavit; Venetiis, quò postero die ipse Imperator se contulit, indignissimè habuit, collo ejus ad pedes suos provoluti compresso, additisque ex Psalte vocibus: *super aspidem & basiliscum ambulabis & conculcabis leonem ac draconem*; Cùmque honorem huncce *χαρμῆνας* se Petro, non Alexandro habere Imperator protestaretur, denuo deprimens collum Cæsaris, respondit: *Et mihi & Petro*, teste Historia Veneta, antiquissimo in primis Codice Chronico Venetiis asservato, aliisque etiam pluribus à Viris doctissimis, Gerhardo *Præfat. in part. 2. Confess. Cath. Wagenfeilio de Imp. XI. & XII. Seculi*, & Reifero *Romæ Non-Gloriose pag. 467--481. copiosissimè allegatis: Urbanum III. Anathematis fulmen in Fridericum eundem intorquentem, & majora etiam moliturum, nisi factis præpeditus esset; Clementem III. & Danos, qui sacerdotes conjugatos retinebant, excommunicantem, & Philippum Gallorum Regem (cui Messinæ Abbas Curatii Joachimus, explicans Apocalypsin, dixit, *Antichristum jam Romæ natum esse, & in sede Apostolica sublimandum*) iussa ejus detrectantem, ejusdem fulminis metu nequicquam per-*

Urbanus III.

percellentem : *Cælestinum III.* Coronam inter pedes sustentatam, prostrato ad pedes Pontificis Henrico VI. offerentem, & mox capiti ejus impositam denuo proturbantem, & *pede percutientem, ac in terram deicientem*, documentum scilicet imminentis ipsi fortunæ, siquidem exemplo Parentis Friderici Ænobarbi Pontificis frœnum admordere præsumeret; Baronio *ad A. MCXCI. n. 10.* Francisco Carriere *Chronol. Pontif.* ex Rogerio aliisque horribile scelus neutiquam dissimulantibus; sacris toti Franciæ ob divortium Philippi Regis ab Ingeberga, interdicentem, & adversus Henricum Imperatorem excommunicationis sententiam machinantem: denique *Innocentium III.* *Innocentium III.* fabrum Capituli *Venerabilem*, lib. 1. *Decret.* 6. in quo jus sibi vendicavit electum Cæsarem examinandi approbandique, si sit idoneus, rejiciendi contra, si sit indignus; imò etiam eligendi, si Electores eligere nolint; ac, si Electorum suffragia paria sint, gratificandi utri parti velit. De cujus impietate plura inferius dicenda se offerent.

XCIV. In primis autem hoc seculo ad stabilimentum sacre Monarchiæ Pontificibus grassari duobus modis placuit. Obstare suis moliminibus Verbi Divini Majestatem, & legum humanarum auctoritatem animadvertunt facile. Ad convellendum igitur & labefactandum utrumque hoc præsidium hanc sibi viam muniverunt, ut refractis juris divini & humani claustris, ad suum arbitrium libidinẽque omnia miscerent temperarẽtque: jurisque adeò Cæsareo jus Pontificium, Divino vero Theologiam Scholasticam opponerent.

XCVI. Erat ea ætate recens juris Romani seu Cæsarei reparatio, & in forum quasi postliminii jure reductio, Irnerii opera, Lotharii verò auctoritate suscepta. Id verò tanquam frœnum suis cupiditatibus injectum, ut eluderet Pontifex, callidè jus novum ex Pontificum decre-

Juris Canonici origo & progressus.

Verbi Divini Majestas & legum humanarum auctoritas Theologiae Scholasticae, & juris Canonici præsidis hoc seculo infringi cæperunt.

tis seu statutis compilatum protulit, quo scilicet ad firmandum Regnum suum commodè uteretur. Cui rei operam strenuam navavit Gratianus Monachus Bononiensis, qui ad imitationem Juris Civilis Pandectarum, ex veterum Conciliorum decretis, Patrumque scriptis composuit decretorum opus, quod Juris Canonici fundamenta, Regniq̃ue Pontificii nervos continet. Factum id est circa Annum Christi MCL. auspiciis Pontificis summi Eugenii III. qui opus ad umbilicum perductum autoritatis suæ robore firmavit, prælegique etiam in Academiis curavit. Gratianum Ducem secuti sunt alii; Gregorius quidem IX. ad imitationem Codicis Justiniani, operâ Raymundi Barcinonensis, Decretalium libros ex Pseudepigraphis Romanorum Pontificum Epistolis, A. MCCXXVII. conflavit & publicavit, quibus Eugenii decretis quasi alas circumdare voluit. Bonifacius verò A. MCCXCIV. circiter opera usus Richardi Senensis, Berengarii Widerensis Episcopi, & Wilhelmi Eberodunensis Archiepiscopi, sextum Decretalium librum, in quo suas & antecessorum proximorum constitutiones novas ex novellis constitutionibus expressit, adjecit. Qui tamen, quòd maximam partem, flagrante adversus Philippum Galliarum Regem odio cusus esset, in Gallia, teste Duareno, *Præfat. lib. de Sac. Eccl. minist. pag. 2.* receptus non fuit. Tandem A. MCCCXVII. Johannes XXII. inchoato pridem operi fastigium impositurus, Clementinas Institutiones, Extravagantesque edidit, mandans severè, ut in judiciis & scholis usurparentur. Utque adeò à pluribus & majori cum applausu jus hoc sacrum acciperetur & excoleretur, Doctores etiam Juris Canonici creati sunt Bononiæ, additis constitutionibus de promotione & ritibus in ea adhibendis. Canonistarum nomine tales posthac venerunt, quos *Papalis Monarchia Janizaros* nonnemo rectius insignivit.

XCVII. Ita jure, tanquam septo quodam, dominationem suam Pontifices muniverunt. Quo verò jure? *Eo jure Majestas Papalis munita validdissimè.* Validissimo utique omnium; utpote quod Papam tum supra omnes creaturas effert, Imperatores, Reges, Principes & mortales quosque ei subjicit: tum legibus etiam solvit, & ἀντισταθμίζων, hoc est, nullis rationibus reddendis obnoxium pronuntiat. Alibi omnia jura in scrinio pectoris ejus recondit, alibi omnis creaturæ Dominum constituit; alibi auro Pontificem summum, Imperatorem verò plumbo, alibi eundem soli, Imperatorem verò Lunæ comparat. Alibi Imperatorem facit ferram, quæ, nisi à Pontifice trahatur, navare & efficere nihil queat. Alibi nullius judicio subesse Papam, alibi à potestate seculari nulla vel ligari, vel solvi posse sciscit. Vin' textus eam in rem? Paucos prodere lubet. Dist. 19. cap. 2. Sic omnes. *Leges Romana servandæ sunt, tanquam ipsius Petri voce pronuntiate.* Ib. cap. 3. in memoriam. *Quod Ecclesia Romana jugum imponit, etiamsi tolerabile non sit, perferendum est.* Dist. 40. C. Si Papa. *Si Papa innumerabiles populos catervatim secum ducat in gehennam, culpam redarguere nemo Mortalium præsumat. Quia cunctos ipse judicaturus, à nemine judicandus est.* Dist. 22. cap. omnes. *Christus beato Petro æternæ vitæ clavigero terreni simul & cælestis imperii jura commisit.* Dist. 96. cap. 10. Si Imperator. Item cap. 12. *Imperator debet subesse Papæ, non præesse.* Extravag. comm. lib. 1. tit. 8. *Vterque ergo in potestate Ecclesiæ, spiritualis scil. gladius & materialis. Ille sacerdotis, is manu Regum & militum, sed ad sacerdotis (Papæ) nutum & patientiam. Oportet autem gladium esse sub gladio, & temporalem auctoritatem spirituali subjici potestati.* C. 6. Sollicitæ. X. de major. & obed. Duo præsumunt mundo luminaria magna, Sol atque Luna. Solis loco Papa est, Cæsar verò Luna. cap. unam sanctam. De major. & Obed. Extravagant. Com. *Ad salutem necessarium est, omnes homines Pontifici Romano subsint.* Extat denique tit. 9.

de jure jur. lib. 2. Clem. expressa jurisjurandi formula, qua ad finem Verbi vis atque Majestas obstitit. Hanc ut retundendam & obedientiam Papæ Imperatores disertè obligantur.

*Theologia
& holistica
juri Divino
succenturiata.
Que hinc
facies Ecclesiæ
emerferit.*

XCVIII. Ex altera verò parte Pontificiis conatibus Dicerent, inducta est eadem ætate *Theologia Scholastica*, qua ex humanis traditionibus & commixtione Philosophiæ religio Divina posthac comprobari cœpit; curiositate inutili veram Theologiam fœdante, uti jam olim Trithemius questus est. Parens hujus Theologiæ fuit Lanfrancus, qui A. MLXXI. Archiepiscopum Cantuariæ egit, quem in eodem munere & professione A. MXCIV. Anselmus, mox Hugo de S. Victore, & circa A. MCXXVII. Petrus Lombardus, Magister sententiarum, exceperunt. Theologiæ hujus historiam & crisin alibi fufius profecuti sumus. Desitum sic est legere libros Propheticos & Apostolicos, qui fontes Ecclesiæ limpidissimi & saluberrimi sunt, & id totum habitum ratum fuit, quod vel Magister sententiarum docuisset, vel Romana Ecclesia approbasset, aut decrevisset. Ita Ecclesia Christi alligari cœpit Ecclesiæ Papæ, & Ecclesia universalis Catholica restricta est ad Ecclesiam particularem Romanam, quæ non ampliùs verbum Dei, sed decreta Papæ & figmenta hominum professæ est. Nec libertati Evangelicæ aliquid relictum, sed paulatim subiecta omnia sunt servituti Pontificiæ, ut à Scriptura, quàm à Decretis Papæ recedere tutius longè fuerit. Et quod rei caput est, turpissimo mercatu venalia facta sunt, quæ Christus credentibus in se gratis offert: detrectantésque imperata Papæ ilico supplicii metum, vel periculum capitis subire coacti sunt.

*Non ideo
Ecclesia Christi
extincta
est; quin
potius passim
numerosi
cœtus sese
corruptioni
publicæ oppo-
suerunt.*

XCIX. Neque tamen sic Ecclesia Christi extingui, vel portæ inferorum ei prævalere potuerunt. Præterquam enim quòd in medio Papatu Deus electos suos servavit atque ex ignorantia, qua Pontifices vulgus detinen-

dum

dum censuerunt, id boni consecuti sunt, ut *πρὸς βάθος τὰ Σαταῶν* profunditates Sathanae, hoc est, praeipuas & maximè perniciosas Papatus corruptelas ignoraverint, Divina providentia ita disponente, ut sub Antichristi sacerdotibus (ita cum Hilario contra Antin. loquimur) Christi populus non occideret: quòdque praeipua religionis Tridentinae capita nondum pro fidei articulis, ne inter ipsos quidem Doctores Pontificios constanter recepta, sed inter doctos controversa, varièque disputata sunt, longèque etiam plurimi sub Pontificia tyrannide ingemuerunt propter abominaciones, quas in medio Babylonis grassari viderunt. Non defuerunt etiam in omnibus ferè terris numerosi piorum coetus, qui Antichristo procedente tempore bellum indixerunt. Cujusmodi erant, quos Papistæ à quodam Petro Waldo Lugdunensi, *Waldensium, Pauperum Lugdunensium, & Leonistarum* nominibus insigniverunt. Quam in rem Doctoris Pontificii, qui in rerum Bohemicarum Scriptoribus à Frehero editis extat, quémque esse Reinerum Inquisitorem Pontificium, XII. vel XIII. seculo inclarescentem, ex opere Ingolstadii integrè edito constat; grave firmumque testimonium habemus. *Secta* (ita ille pag. 222, 223.) *haereticorum ab olim fuerunt multa. Inter quas omnes sectas, quae sunt, vel fuerunt, non est perniciosior Ecclesiae Dei, quàm pauperum de Lugduno, tribus de causis. Prima, quia DIVTIVNIOR. Quidam dicunt, quòd duraverit à tempore Silvestri: alii dicunt, quòd à tempore Apostolorum. Secunda est, quia GENERALIOR. Ferè enim nulla terra est, in qua haec secta non serpat. Tertia, quòd omnes aliae cum immanitate blasphemiarum in Deum horrorem inducant, haec Leonistarum magnam habet speciem pietatis, eò quòd coram hominibus justè vivant, & bene omnia de Deo credant, & omnes articulos, qui in Symbolo continentur; solam Romanam Ecclesiam blasphemant & oderunt, cui multitudo facilis est ad credendum.*

*Waldensium
origo & dog-
mata. Oppu-
gnantur va-
rie.*

C. De origine Waldensium seu Albigenſium varias opi-
niones Cl. Uſſerius *de Chriſt. Eccl. Succell. cap. 8. p. 257. &c.*
Forbeſius, Legerus, alique referunt. Ad ſeculi XII.
annum MCLX. vel MCLXX. adeoque tempora Hadriani IV. vel
ſuccelloris Alexandri III. plerique revocant. Alii etiam
altiore originem pandunt. De eo quicquid ſit, hoc,
quod tractamus, ſeculo XII. nomen eorum innotuiſſe,
& Pontifici Cleroque ejus exoſum ſupra modum fuiſſe,
ſatis conſtat. Crimini illis datum, quod à praxi & doctri-
na recepta Eccleſiæ Romanæ recederent: quod Eccle-
ſiam Romanam Babylonem, & confuſionis omnis Ma-
trem appellarent; ejus tyrannidem ac ſuperſtitionem, ex
Scripturis coarguerent: S. Literas in ſermonem ver-
naculum tranſfunderent, familiaritèrque declararent.
Impacta iisdem ab adverſariis multa ſunt, Manichæiſ-
mi inprimis impietas, non tam ex vero, quàm ad in-
vidiam, uti fieri ſolet, conſlandam ſeu quod revera
talia aſſerentes ſe iis immiſcerent, hoc unum cum iis com-
mune habentes, quod Pontificis Romani communionem
averſati ſunt. Excitati mox plurimi Proceres, Epiſcopi,
Viri, Fœminæ, literati, illiterati, qui luce hac capti,
& S. Scripturæ deliciis inefcati, ſegreges conventus pri-
mò Lugduni, mox Tolofæ & in Gallia Narbonenſi, un-
de in omnem fere Europam, factis velut agminibus, diſ-
perſi ſunt, inſtituerunt. Sed oppugnari hoc jam ſeculo
iidem variè cœperunt, à Pontificibus cumprimis, puta
Alexandro III. habitis Romæ & in Gallia Synodis miſſo-
que Cardinale qui Caſtrum Vauri obſedit; Lucio III. in
Generali, quam vocant, Synodo; Clemente III. ac poſt
in primis Innocentio III. ſub quo bellum contra eos cru-
deliſſimum exarſit. Plurima eam in rem ex monumentis
indubiis apud Uſſerium *loco cit.* legere eſt.

*ſeculi XIII.
hiſtoria Joa-
chim Abbatis
de eo Vatici-
nium. Paris
de Eccleſia
Anglicana
miſero ſtatu
querela.*

CI. Ad ſeculum *Decimum tertium* pergitur. Predixe-
rat

rat autem jam ante Joachimus Abbas *Comment. in Jerem.* periculosum fore tempus inde ab anno Domini MCC. usque ad ultimos dies. *In quibus, inquit, apparebit lex libertatis. Evangelium enim Christi tunc predicabitur & Ecclesia purgabitur, ut à palea & zizanio triticum.* Quæ verò seculi hujus facies fuerit, verbis Matthæi Paris *Histor. pag. 421.* Ecclesiæ suæ Anglicanæ miseriam explanantis pandere lubet. Sic autem ille: *Temporibus illis igniculus fidei capit nimis refrigescere, ut pene in cinerem redactus vix videretur scintillare. Jam enim Simonia sine rubore perpetrata, usurarii manifestè diversis argumentis à popularibus & minoribus pecuniam impudenter extorquebant. Exspiravit charitas, libertas Ecclesiastica emarcuit, religio viluit suppeditata, & est facta filia Sion quasi meretrix effrons, non habens ruborem. Quotidie vilissima persona & illiterata bullis Romanis armata, in minas statim erumpentes, reditus à piis Patribus in victus religiosorum & sustentationem pauperum, & hospitalitatem peregrinorum collatos spretis privilegiis à sanctis nostris antecessoribus indultis, diripere non formidaverunt. Fulgurantibus enim sententiis sine dilatione raptim postulata receperunt. Quod si ad refugium appellationis vel privilegii recurrerent injuriam patientes & spoliati, statim suspendentes per aliquem Prælatum, authenticum Papæ compellente, fecerunt excommunicare. Et sic non prece, non Canonice, sed imperiosa exactione, simplices spoliârunt, juxta illud Poeticum: Armato supplicat ense potens. Vnde factum est, quod ubi solebant Nobiles & dapiles Clerici, Ecclesiarum custodes & patroni, circumjacentis patrie latitudinem sua opulentia nobilitare, transeuntes suscipere, pauperes recreare: ibidem abjectæ persone moribus vacui, versutia pleni, Procuratores & firmarii Romanorum, quicquid pretiosum in terra fuit & utile, abradentes, dominis suis in remotas terras deliciosè ex patrimonio Crucifixi viventibus, & ex alieno superbientibus transmiserunt. Erat igitur videre dolorem precordialem, genas sanctorum irrigare, querelas erumpere, suspiria multiplicare: dicentibus multis cum singultu cruentato:*

Melius esset nobis mori, quàm videre mala gentis nostræ & sanctorum. Et pag. 878. sic exclamat: *O Romana curia sterilis sollicitudo, cæca ambitio! Ecce in tuis jacturis omnes punimur. Omnes enim compatimur; universalis Ecclesia, quæ à Romana tenetur curia defendi, in multis se queritur prægravari.* In eadem Anglia Waltherus Mapez, Archidiaconus Oxoniensis, libro, cui titulus: *Diversa Poëmata de corrupto Ecclesiæ statu*, quem his versibus exorsus est:

Roma mundi caput, sed nihil caput mundum,

Quod pendet à capite, totum est immundum;

nec non altero libro, qui inscribitur, *Apocalypsis Pontificis Goliath*; aliisque etiam adversus Romanam curiam vulgaris Libris Ecclesiæ Romanæ ulcera masculè tetigit.

Innocentius

III. alter Hildebrandus in Germania & Anglia cuncta turris miscet.

CII. Initium seculi hujus Romæ occupaverat Innocentius III. furialis fax multarum turbarum; alterque velut Hildebrandus; qui Abbate Urspergeni *συγγεγραμ* narrante, multumque quiritante, de Imperio certantibus Philippo Henrici defuncti fratre, & Othone Saxonie Duce oleum addens, Principibus Germaniæ, ut Othoni obsequantur, mandat, sacramenti erga Philippum nexu Archiepiscopos solvit; & nî pareant, diras interminatur. At Philippo usque quaque victore, ita Othonem ei conciliat, ut hic illius filia ducta Othoni, paulò post trucidato, ex pacto succedat; filia verò Philippi altera nepoti suo nubat, ea spe, ut Hetruria, Spoletum, Marcha Anconitana per hoc conjugium in manum ejus venirent. Anglorum quoque Regis Johannis, quòd Cardinalem Langetonum Cantuariensi Archiepiscopatu obtrudi non pateretur, Regnum interdicto subjicit, primi occupantis arbitrio exponit, Regem exauthorat, subditos sacramento solvit, Philippum Francorum Regem executorem sententiæ facit, ei & Regnum Angliæ & remissionem peccatorum ceu laboris præmium, donat; denique cruciam

tam

tam contra Anglos undiquaque concitat; donec periculis circumventus Rex Angliæ & Hiberniæ Regna in manus Papæ resignaret, & ejus se vasallum profiteretur, magnamque ei pecuniarum vim, salvo Petri denario promitteret, quam etiam, ceu subjectionis arrham Pontificius Legātus pedibus prius calcatam accepit. Cūque Rex Papæ sic reconciliatus vindictam adversus Langetonum, aliosque qui adversus se pro Papa steterant, meditaretur, Papa ampliori pecuniæ summa à Rege accepta, suppetias eidem fert, & anathemate ferit eos, qui paulò ante sua adversus Regem imperata fecerant. Quæ fusiùs à Matthæo Paris narrata pium lectorem in stuporem facilè abripiunt. *Toti mundo, inquebant Angliæ Episcopi, propter excommunicationes suas volunt dominari ignobiles usurarii & Simoniales!*

CIII. Celebratum est Pontifice eodem A. MCCV. Romæ in Laterano Concilium, cui plus quàm mille Prælati interfuisse feruntur. *In actis ejus Concilii cap. 1. asseritur, Corpus & Sanguinem Jesu Christi, in sacramento altaris, sub speciebus panis & vini veraciter contineri transsubstantiatis pane in corpus, & vino in sanguinem, potestate Divina. Quod transsubstantiationis vocabulum in nullo prius Concilio usurpatum, primus quidam Stephanus Eduensis Episcopus Tract. de Sacr. Alt. cap. 13. adhibuit.* Concinnati quoque Canones sunt de Confessione peccatorum auriculari quotannis semel edenda, de cura tegendi ea, quæ in confessione aperiuntur. De Chrismate & Hostia includendis & asservandis; de Divorum reliquiis ex capsa non monstrandis, de fidelitate laicis à clericis non promittenda; de immunitate Ecclesiæ à tributis; de electione civilis Magistratus in sacris beneficiis irrita; de damnatis ab Ecclesia Romana morte plectendis, &c. quibus rebus Regni Pontificii nervus continetur. Scripsit idem Papa sex libros de sacramento Altaris, in quibus præ aliis omnibus Deum Maozim exaltavit. Sacerdotes conjugatos idem

*In Concilio
Lateranensi
Transsub-
stantiationem,
Confessionem
auricularem,
aliaque defini-
vit. Deum
Maozim ex-
tollit.*

Ordines Monachorum mendicantium quatuor instituit.

Dominicus & Franciscus par ignobile.

Waldensium historia continuata sub Innocentio;

igni mancipavit. Denique ordines Monachorum Mendicantium, puta Prædicatorum, Franciscanorum, Augustinianorum & Carmelitarum, totidem videlicet fulcra & sustentacula Ecclesiæ Pontificiæ, quique, uti Azorius *Institut. Moral. XIII.* 1. loquitur, *multa præter Monachorum commune jus, institutum, morem ac disciplinam solitam introduxerunt*; idem instituit. Et Prædicatorum quidem, seu potius Ismaëliitarum, utpote quorum manus contra omnes, & omnium vicissim contra ipsos gliscebant; princeps Dominicus, seu mavis Dæmonicus: Franciscanorum verò Franciscus extiterat: Pseudo-prophetarum, qui ea ætate floruerunt, par ignobile; ille Hispanus, hic Italus: hic ab Innocentio, ille à Successore Honorio comprobatus; à clientibus verò & sectatoribus Christo cœquatus, imò supra Christum evectus uterque; uti detestabiles libri Conformitatum, Bartholomæo Pisano auctore editi, & à Gregorio IX. sub pæna hæreseos obtrusi, nec non Antonini Archiepiscopi de Dominico, aliorumque de utroque, Bonaventuræ cumprimis, qui in vita Francisci à Christo sibi revelatum scripsit, quòd Franciscus sit *Angelus ascendens ab ortu solis*, de quo Apoc. VII. 2. (confer. Cl. Usserium de *Sucessf. Eccles. p.* 323. &c.) scelestæ scripta testantur.

CIV. Propagabantur interim in Gallia Waldenses seu Albigenes, qui doctrinam Pontificiæ oppositam strenuè propugnârunt, indè ab Alpibus ad Pyrenæos usque montes diffusi. Eis adhæserant etiam Proceres plerique, Raimundus Comes Tolosæ, & S. Ægidii, Regis Franciæ confobrinus, Raimundus Rogerius Biterrarum & Carcassonæ Comes, Petrus Rogerius Gabareti Regulus, Raimundus Foxensis, Regis Aragoniæ propinquus, Guasto Bearnii Princeps, Comes Bigerronum, Comes Carmanii, Raimundus de Thermis, Americus de Monstrolio, Guliel-

mus

mus de Minerbio , & innumeri alii nobilitate insignes. Quos non alio nomine, quàm quòd Ecclesiæ Romanæ corruptelas reprehenderint, vexatos Gulielmus Paradinus in Annalibus Burgundiæ testatur. Innocentius igitur A. MCCV III. duos primùm Legatos mittit, Episcopum Oxoniensem & Dominicum, qui Colloquium Carmanii cum iis ineant; addito mox Abbate Cisterciense, cum aliis duodecim ejusdem Ordinis. Ex parte Albigensum Theodorus, Canonicus ante Niverniensis, Balduinus & Bernhardus de Simorra congregiuntur. Cùmque primoribus illis colloquia non satisfacerent, neque etiam Dominici, quem Innocentius in somniis, uti dicebat, admonitus, ædem Lateranensem aliàs ruinam minitantem suffulturum, delegerat; cuique post Reinerium & Guidonem Inquisitionis officium mandaverat; concionibus non moverentur quicquam; ad asperiora consilia Papa deflectens, Raimundum Comitem, cujus præcipua erat autoritas, Sacrorum Communione, aqua & igne interdicat; & in ejus sociorumque, perinde ut in Saracenorum capita sæviendi potestatem, iisdem etiam promissis indulgentiis, concedit; denique crucem in infideles olim, prætextu saltem, assumptam, crucifigendo verè in membris suis Christo adhibet. Ubi strenuam Papæ operam Monachi Prædicatores navârunt, qui sumpto hujusmodi themate: *Quis consurget mihi adversus malignantes, aut quis stabit mecum adversus operantes iniquitatem* (Psal. xciv. 16.) conciones ad populum habitas tali Epilogo claudere consueverunt: *Ecce videtis, charissimi, quanta est malitia hæreticorum! Videtis etiam, quantum nocent in mundo! Videtis, quàm piè laborat Ecclesia eos revocare. Sed apud tales nihil ista poterunt proficere. Et ideo sancta mater Ecclesia contra eos convocat exercitum Christianorum. Quicumque igitur habet zelum fidei &c. veniat & accipiat signum crucis, adjungat se*

*Cruciatam
militiam &
Prædicatores
Monachos
adversus eos
conitante.*

militia crucifixi, &c. Fregitque primus cruciatorum certatim concurrentium impetus Raimundum, ut obsequium Pontifici sponderet. quem mox Almaricus, Pontificis Legatus, exercitûs & ipse Dux, stola collo injecta, flagris Templum intrare compellit, ditionibus ejus omnibus Simon Montfortio Comiti in Lateranensi Concilio resignatis. qui tamen paulò post Raimundo & Albigenſibus animos virésque recolligentibus, Tholofam obſidens ictu lapidis miſerè periit, & Albigenſibus victoriam ceſſit. Sed diſperſi magis Albigenſes variam fortunam experti ſunt. Author enim Trithemius, & ante ac poſt eum alii, Argentinae octoginta combuſtos fuiſſe, inque vicino agro trucidatos centum uno die. In Italia Nauclerus doctrinam hanc mirificè tum in equeſtri, tum in plebejo ordine creviſſe narrat. Bruſchius Moguntia triginta novem uſtulatos ſcribit. Nec quicquam deinceps frequentius: cineribus quippe his, tanquam diſſante Dei Spiritu, in omnes Europæ fines diſſeminatis. Horribilis cum primis Inquiſitor Generalis, Frater Conradus de Marpurg, eodem Trithemio teſte, miſeros judicio ferri candentis, ſi negaſſent hæreſin, probare conſuevit. Quos enim, inquit ille, exuſiſſet ferrum, velut hæreticos judicio ſeculari comburendos tradidit. Vnde paucis exceptis omnes, qui ſemel fuiſſent accuſati, & ad ejus Examen perducti, per eum ad incendium condemnabantur. &c. Eodem die, quo quis accuſatus, ſive juſtè, ſive injuſtè, nullius appellationis, nullius deſenſionis ſibi refugio proficiente damnatus, & crudelibus flammis injectus eſt. Non idem tamen eorum fatum fuit in Lombardia, Provincia aliisq; regnis, in quibus (ita hoſtis illorum inſenſiſſimus Rainerius ſcribit) plures auditores habebant, & in publico diſputabant, & populum vocabant ad ſtationes ſolennes in foro, & in campo, & in lectis prædicabant. Non erat qui eos impedire auderet, præpter potentiam & multitudinem fautorum ſuorum. Inquiſitioni & examina-

Dixerſum eorum fatum.

minationi frequenter interfui, & computata sunt 40 Ecclesia, quæ hæresi infecta fuerunt. Ac in sola Parochia Cammach fuerunt decem schola hæreticorum. Eam porro Albigenſium hiftoriam Celeb. Uſlerius de Succell. Eccl. cap. 9. & 10. ex monumentis certiffimis eruit.

CV. Innocentii ſucceſſores Honorius puta III. Gregorius IX. & Innocentius IV. adverſus Fridericum II. Imperatorem Sapientiſſimum fortiſſimūque, virtutum plurimum concentu pœne incomparabilem, πολυγλώττει (nam Græcæ Latinæ, Saracenicæ Linguæ callentiſſimus fuit) conceptum odium inexpiabile atrocibus cum eo certaminibus prodiderunt. Longæ ſunt ambages, injuriæ verò acerbiffimæ. Fuit is Innocentii III. poſt excommunicatum Othonem pupillus. Anno verò MCCXX. Imperium capeſſens, & in Italiam iter molitus, Conradum Episcopum Spirenfem Cancellarium cum ampliſſimo mandato præmittit. Eum Honorius diplomatum, in quibus ſe Regem Romanorum & Siciliæ ferebat, tenore, & quod à Principibus Italiæ juramentum fidelitatis, aliâque jura, *ita ut ab eo nulla appellatio fieret*, poſtularet, offenſus, facialem interpretatur, ipſique Friderico Italiam ingreſſuro nullum non negotium faceſſit. Mediolanenſes, eo inſtigante, Legato portas occludunt; aliæ urbes idem parant. Cæſar illos nihil moratus, Romam pergit, & Urbium Legatos eodem ſequi jubet. Ibi à Papa coronari petit, oblato juramento ſolito. Annuit Papa, ſed ea lege, ut in certum tempus expeditionem ſacram ſuſcipiat. Nihil enim Papæ antiquius erat, quàm ut ſudem hunc in oculis procul ab Italiæ finibus & rebus amandaret. Fridericus Sicilia luſtrata, & ſtatu Regni ejus compoſito, nec non Conrado in Italia relicto, in Germaniam revertitur, ibique bienium, non ſine Papæ tædio conſumit. Inter has moras A. MCCXXI I. Johannes Brennenſis, ſeu de Bregna, Rex Hieroſoly-

Honorii III.
Gregorii IX.
Innocentii IV.
adverſus Fridericum II.
inexpiabile
odium, &
dira molimina.

Hiſtoria certaminis ſuæ narrata.

folymitanus Romam appellit, cui Papa suadet, filiam Jolandam Friderico despondeat, & Regnum Hierosolymitanum eidem destinet, ea tamen lege, ut infidelibus illud eripiat. Accipit conditionem Fridericus, excipiens tamen biennium componendis rebus Lombardiæ. Honorio A. MCCXXVI I. Gregorius IX. succedit. quo urgente Fridericus expeditioni sacræ se accingit, sed vix tridui spatio fulcato mari, morbo pressus littus repetit. Hic Papa in eum debacchari, anathema denique vibrare. Fridericus verò rebus Siculis compositis (eorum enim gratia morbum simulasse putabatur, gnarus Papam Siciliæ inhiare) cum classe Palæstinam adit; excandescente Papa, quòd id nondum sibi reconciliatus tentaret. Proin Apuliam invadit, focias Lombardiæ urbes in Fridericum accendit, denique totam Italiam factionibus Guelforum (qui à Guelfone Baviaræ Duce ita dicti, à partibus Pontificiis stabant) & Gibellinorum (qui à villa Giblingen, in qua Fridericus Dux Sueviæ à nutrice lactatus fuerat, ita dicti, Imperatoriarum partium erant) factione jam ante Innocentio II. Pontifice cœpta, miscet. Fridericus cœptis insistens Hierosolymam capit, diadema ibi recipit, & res Christianas constituit. Gregorius & unà cum eo Templarii ac Hospitalarii cum Sultano adversus Fridericum conspirant, eumque ut ad Jordanem eum opprimat, rogant. Sultanus horrens Papæ perfidiam, ejus literas Friderico mittit, qui inducias cum eo pactus Italiam repetit, cum quo Papa, metuens poenam perfidiæ, pacem exambit, dissoluto anathemate. Pax certis legibus facta est. Fridericus pedes Papæ osculari jussus, vix summa genua amplectitur & osculatur, indignante denuo Papa, & gliscentibus odiis Fridericum in die S. Cœnæ ante Pascha iterum excommunicante; denique filium Henricum adversus Patrem nefariè instigante. Hic vero se defendere certus, Papæ hos versus misit:

*Roma diu titubans, longis erroribus acta,
Corruet, & mundi desinet esse caput.*

Post Romam cum exercitu petit, & Papam cum Cruciatorum, & Venetorum, quos sibi fœdere univit, exercitu se ei opponentem vincit, sacratumque hunc exercitum orco mactat; mox etiam Romam petens, Papæ, qui nudis pedibus capita Petri & Pauli circumgestaverat, exercitum turpiter fundit. Induciæ ita pactæ ad Concilium usque, quas iterum Papa, pecuniis in Gallia sacræ expeditionis pretextu corrogatis, abrumpere tentaverat. Qua re cognita Rex Galliæ pecuniam in Regno suo collectam Pontificio Legato extorquet, sibi que servat. Pergit Papa Friderici subditos fidelitatis sacramento solutos, aliósque etiam adversus Fridericum bullis per Albertum Beham clam emissis, & tentatis etiam ejus consilariis, concitare; Conciliûmque Romæ habendum, ad quod Episcopos sibi devotos vocavit, indicit. Erumpit hæc conjuratio, in Italia tum hærente Friderico. Cujus partes in Germania gnaviter suscipit ejus filius Conradus, quo monitore nec Episcopi, nec Abbates Germaniæ bullis parent, protestati, nullum jus esse Papæ in Germania, Episcopis non consciis & consentientibus. *Ipse suos Italos pascat*, inquiunt; *Nos à Deo constituti canes à nostris ovilibus lupos ovilla pelle tectos arcebimus.* Fridericum excommunicatum Eberhardus Episcopus Salisburgensis absolvit. Mox unâ cum Othone Baviariæ Duce Ratisbonæ Episcopi conveniunt, ubi Salisburgensis gravi & *σηλίσθηκῃ* Oratione Pontificem cum suis *Phariseos, flamines Babylonis*, ipsum denique *Antichristum* esse non perfunctoriè, sed prolatis ex Apocalypsi & S. Paulo testimoniis ostendit; simulque ut maturè ei obviam eatur, & Albertus ejus emissarius, ac incendiarius, proscribatur, monet. Episcopis contra Pontificiarum partium Romam ad Concilium properantibus, Imperator

salvum conductum promisit, si terrestri, non maritimo itinere eò tenderent. Sed Episcopi hi parant Classē viginti sex navium, quibus Imperatoris filius Conradus viginti & unius navium apparatu instructus ita occurrit, ut captis viginti navibus, & tribus submersis Prælatos hosce vicerit, & Pontificis ipsius urbes invaserit. Unde Papa mœrore animi confectus, cū adversa omnia ei acciderent, mox die XXI. Aug. A. MCCXLIV. oppetiit. Ei Celestinus IV. & huic post septemdecim dies mortuo, & anni unius & octo mensium inter-Pontificio finito, Innocentius IV. succedit. qui præterquam quòd in Anglia & in Gallia turbas gravissimas à Matthæo Paris graphicè depictas, excitavit; etiam Friderici, cui ante Papatum amicus fuerat, acerrimum sese hostem gessit. Concilio enim Lugduni indicto, & die XXVI. Jun. A. MCCXLV. inchoato Cæsarem eò evocat, non venientem gravissimè accusat, horrendis devotionibus imperio indignum pronuntiat, abdicat & sacrorum etiam communione privat. Cujus quidem Conciliabuli iniquum decretum cū ab aliis, tum nuper à Sorbonista Launojo *Epist. lib. 7.* solidè confutatum est. Sic tamen devotus Imperator eodē anno Italiam invadit, Mediolanenses graviter affligit, Papam ipsum eas in angustias redigit, ut excommunicationis eum poenituerit. Nihilominus ille pecuniis undique corrasis Henricum Thuringiæ Landgravium, per juratos Friderici hostes Moguntinum & Coloniensem, Imperatorem eligi curat, & Friderico Sicarios immittit, qui deprehensi capitis supplicio nefas luerunt. Henricus quoque vulnere ad Ulmam accepto d. VII. Feb. A. MCCXLVIII. defungitur. Ejus in locum, annitente Papa, Wilhelmus Hollandiæ Comes substituitur; sed premente Conrado, Friderici filio, cedit. Papæ Romæ iterum duos sicarios, & inter eos Petrum de Vineis, quem ante hac fidum Im-

peratori auro corrumpit, subornat, qui ab Imperatore in suum caput emissi fingeantur, velamen patrandi scele-
ris. Detecta fraude, alter medicus suspenditur. Petrus de Vineis oculis privatus circumducitur per urbes Italiæ, ut crimen ubique profiteatur, tandemque metu gravio-
ris supplicii capite columnæ, cui alligatus erat in carce-
re, alliso, se ipsum enecat. Prædictum autem Friderico fuerat, eum in castro quodam Florentino moriturum. Florentia igitur semper vitata, die XIII. Dec. A. MCCL. in arcem quandam Apuliæ, quæ Florentina dicebatur, veniens morbo corripitur & XXVI. ejusdem mensis, cum annos XXXVIII. imperasset, fato defungitur. Ægro-
tum à filio notho Manfredo, instinctu Papæ, pulvillo in os coniecto, extinctum nonnulli memorant, contra-
dicentibus tamen aliis, Collenutio inprimis in ejus Vita.

Ab ejus morte per annos fere viginti duos interregnum fuit, cum subinde alii & alii eligerentur, qui tamen in ea temporum perturbatione à Pontificibus invec-
ta, sum-
mam rei non tenebant. Perpetuis etiam simultatibus & inimicitiis defatigati Cæsares paulatim remissiores facti, Pontificibus succumbunt.
Italiam deseruerunt, & tantum non Pontificibus, tantis scilicet turbarum Æolis, succubuerunt.

CVI. Implacabilis verò adversus Fridericum Imperatorem odii à Pontificibus Romanis concepti causas his fere verbis Aventinus, *Annal. Boj. lib. VII. p. 411. pandit.* *Causa odii illius veræ ex Aventino promanant.*
*Ejus (Friderici) potentia, vires, prudentia, magnitudo ani-
mi, rerum bellicarum peritia, vicinitas (nam in Italia contra morem veterum Imperatorum habitabat, Germaniam per filium administrabat bis duntaxat ex Italia in Germaniam egressus) for- midolosa atque suspecta fuere Romano sacerdotum senatui. Quod Gregorius IX. Pont. Max. non it inficias, sed ingenuè fatetur. Vi- sum est flaminibus Romanensibus Imperium Romanum magis flore- re, quam ipsis utile foret. Placuit id contumdere, atque discor-*

dia non solum debilitare, sed in cineres quoque atque favillas redigere, & Fridericum huncce à fastigio rerum humanarum deturbare.

*Friderici
Epistolæ ad
Othonem Ba-
varia de Pon-
tificum Rom.
tyrannide,
Antichristia-
nismo, gra-
vissimæ.*

CVII. Operæ etiam pretium non nullum hic facturus videor, si tum ipsius Friderici II. tum Eberhardi etiam Salisburgensis Archiepiscopi adversus Romanam curiam orationes gravissimas, ab eodem Aventino descriptas, lectori repræsentavero, cum institutum nostrum propius attingant. Fridericus igitur Imperator ad Othonem Bavarix Ducem, reliquosque Germanix Principes literas mittit, quarum, teste Aventino *Annal. Bojor. lib. VII. p. 416. 417.* hæc sententia fuit: Pontifices Romanos auctos divitiis & dignitate à se atque cæteris Imperatoribus, æmulos esse pertinacissimos omnium Regum atque Principum, neque parem ultra ferre posse. Manibus pedibusque, noctes diesque id eos conari, ut non tam se, quam sacrosancto Romano Imperio tanquam capite oppresso, facile cæteris membris omnibus servitutem imponant: affectare eos dominationem atque Divinitatem, nempe ut ab omnibus haud aliter, imò magis quam Deus timeantur. Nam multos Antichristos inesse Romanensibus illis, nec ullos alios, quemadmodum opera ostendunt, exitio Christianæ religioni esse. Se quidem optimè sentire de Christo atque ejus religione prædicat, nihilque magis cupere, quam ut suo tempore Respub. Christiana pristinam Majestatem, simplicitatem & pacem recuperet. Quod fieri nequaquam potest, nisi spina eradicentur, hoc est, ambitio, superbia, fastus, luxus, sacerdotum Romanorum, subtractis opibus atque divitiis extirpentur radicitus. Copia rerum sapientissimos quosque corrumpere solet. In rebus Divinis non solum Episcopum Romanum, sed unumquemque sacerdotem sibi Patrem fore, modo rebus prophanis sibi commissis abstinere, proponit. Imperium Christianum, cujus ipse caput constitutus sit à Deo, non armis, non vi opprimi posse; sed luxuria, cupiditate, quæ radix omnium malorum est, enervari, adulterari, corrumpi. Quod ne fiat, se obviam iturum, se summopere pro commissio sibi

à Deo negotio, potestate enſeque Divinitus tradito contra eniſurum, ut ovili Paſtorem, populo Pontificem, mundo parentem, detracta perſona lupi, tyranni atque Domini reſtituat: ut eundem abdicata regnorum, humanarum litium cura, prophānorum negotiorum adminiſtratione, quibus illi interdictum ſit, ad amulanda pauperis Chriſti, cujus ſe vicarium jactitat, veſtigia cogat; ſe amplius non paſſurum, ut Chriſtiana plebi lupus ovina pelle teſtus diutius imponat. Opus vel maximum pietatis eſſe atque charitatis, gratiſſimum immortalī Deo, opes & aurum, irritamenta malorum ſacerdotibus auferre. Nam hæc, inquit, perniciem eſſe religionis, adeo ut homo ille, qui dicitur Papa, divitiis nimium auctus, maximo pietatis Chriſtiana detrimento, omnia ſibi licere more tyrannorum peſſimorum putet, rationem actuum nemini, quaſi ſit Deus, reddere velit: Id quod ſoli Deo convenit, uſurpet; ſe errare ullave mendacii religione adſtringi non poſſe, credi ſibi impudentiſſimè ſimulque imperioſè poſtulet. Fraudes, dolos, commenta, fucum taceri; ſibi ut vicino eum intus & in cute notum eſſe. Proinde quicunque rem Chriſtianam ſalvā eſſe velint, faveant, adſint, & cauſam Chriſti ſervatoris noſtri, omnium denique Chriſtianorum agenti, bene precentur. Poſt miſſis ad Wenceslaum Regem Bojemix legatis inter alia nunciat; jam pridem eos, qui Babylonix, hoc eſt, Romæ Templo Dei incubent, Divinitatem affectare, & aſtute id diſſimulare, ſolāſque Germanicas vires ab his timeri. Similes Auguſti hujus ſermōnes graphicos etiam Matthæus Paris Hiſt. Major. pag. 483. ad Comitē Cornubiæ Richardum, & pag. 502. 503. ad Angliæ Regem, nec non pag. 680. 681. &c. ad Proceres Angliæ deſcribit.

CVIII. Eberhardus verò Salisburgenſis Archiepiſcopus, quem Archimyiſtam Juuaniæ Aventinus inſignit, orationem ejuſmodi, eodem Aventino lib. VII. p. 420, 421. narrante in Reginoburgeniſibus Comitiis A. MCCXLI. habuit: Chriſtus Servator, Dominus & Deus noſter relicto æthereo ſolio, atque, ut ita loquar, immortalitate, mortalis pauperque effectus

Eberhardi
Salisburgenſis
Archiepiſcopi
Oratio adver-
ſus Hierar-
chiam R. Ba-
bylonios fla-
mines parthe-
ſtis.

est, ut nos immortales atque divites efficeret. Cūque devictis inferis, triumphabundus rursus in Cælum rediturus esset, pacem suam nobis dedit, pacem suam nobis reliquit, concordiam atque mutuum amorem, tanquam notam atque tesseram, qua cives sui à militibus inferi Jovis discernenterentur, assignavit. Summo opere quoque admonuit, ut falsos Christos, falsos prophetas vitaremus, qui tecti pelle ovina, nimirum Christiano nomine atque Pontificio titulo, nobis dominari atque illudere cuperent. Quos ex spinis atque operibus, nempe avaritia, luxu, contentione, odio, invidia, bellis, discordia malis, libidine dominandi, ambitione cognosci debere docuit. Quid nam apertius hisce verbis, quàm Babylonis Pharisæos atque Scribas, Cælestis Imperator indicavit? Sub Pontificis Max. titulo, pastoris pelle, lupum servissimum, nisi cæci sumus, sentimus. Romani flamines arma in omnes habent Christianos, audendo, fallendo, & bella ex bellis serendo magni facti, oves trucidant, occidunt, pacem concordiam terris depellunt, intestina bella, domesticas seditiones ab inferis eliciunt, &c. Non Pontificis more gregi consulunt, sed potius immanitate tyranni, licenter debacchantur. Justitia rarefcit, impietas, avaritia, cupiditas honorum pecunie studium crebrescit, &c. Flamines illi Babyloniæ soli regnare cupiunt, ferre parem non possunt, non desistent, donec omnia pedibus suis conculcaverint, atque in templo Dei sedcant, extollanturque supra omne id quod colitur. Fames opum, sitis honorum inexplabilis est. Qui servus servorum est, dominus dominorum, perinde ac si foret Deus, esse cupit. Sacros cætus atque concilia fratrum, imò dominorum suorum aspernatur. Timet ne eorum, quæ adversus auspicia, leges, intercessioncs indies magis atque magis gerit, rationem reddere cogatur. Ingentia loquitur, quasi verò Deus esset. Nova consilia sub pectore volutat, ut proprium sibi constituat imperium: leges commutat, suas sancit, contaminat, diripit, spoliât, fraudat, occidit perditus homo ille, quem Antichristum vocare solent, in cujus fronte nomen contumelia scriptum est: Deus sum, errare non possum. In Templo Dei sedet, longè latèque dominatur. Sed

sicut

*sicut in arcanis S. literarum, qui legit, intelligat: docti intelligent, omnes impii impie agent, neque intelligent. Imperator vana appellatio & sola umbra est: Reges decem pariter existunt, qui orbem terræ, Romanum quondam imperium, non ad regendum, sed ad consumendum partiti sunt. Decem cornua, id quod D. Aurelio Augustino incredibile visum est, Turcæ, Græci, Ægyptii, Afri, Hispani, Galli, Angli, Germani, Siculi, Itali Romanas Provincias possident, Romanosque in his excidère colonos. Cornuque parvulum sub his succrevit, quod oculos habet, & os loquens grandia, tria potissimum, Italia, Sicilia, Germaniæ regna in ordinem redegit, sibi que servire cogit insustentabili dominatione populum Christi sanctosque Dei vexat, divina humana miscet, infanda, execrabilia molitur. Quid hac prophetia apertius? &c. Liceat verò Everhardo huic jungere alterum in Anglia *ὁ γὰρ* nisi fallor, virum pietate & doctrina maximum, Robertum Roberti Lincolniensem Episcopum, qui postquam illa ipsa, qua obiit, nocte, & præcedente longam querimoniam apud circumstantes Presbyteros & Monachos de infelicissimo Ecclesiæ statu effudisset, Papam omnium malorum causam esse confirmans, eumque propterea hæreticum & Antichristum appellans, tandem in his verbis fatidicis beatam animam Deo reddidit: *Non liberabitur Ecclesia ab Ægyptiaca servitute, nisi in ore gladii cruentandi.**

Roberti Lincolniensis de Papatu vox emortalis.

CIX. Invalescebant in Ecclesia Romana magis magisque ordines Mendicantium, Franciscanorum cumprimis & Dominicanorum, quos rebus suis augendis præ cæteris conducibiles esse, facile Pontifices animadvertabant. Omnis eorum conatus huc jam tendebat, ut & superstitiones Paparum tyrannide obtrusas, & Monarchiam ejus tot jam fulminibus, arte & Marte stabilitam, masculè defenderent. Sicut igitur manus manum lavat, & gratia gratiam parit; ita nihil non Monachis indulgere Pontifices. Lutetiæ orta inter Universitatis Professores & Domi-

Pontificum erga Monachos mendicantes favor.

Dominicanos controversia, Romæ pro his contra illos decisa est, & Dominicanis *Domino Papa devotis & propter eorum multimoda obsequia*, in hoc certamine meliorem calculum reportantibus, facultas legendi licenter in Theologia data est, ut Matthæus Paris pag. 880. loquitur. Sed & Alexander IV. Papa eos, qui statum Ordinum Dominici & Francisci acribus libellis impetebant anathemate perculit. Inde flammis mancipatum est Opus Guilhelmi de S. Amore, & Magistrorum Parisiensium reliquorum, cui titulum fecerant: *Traëctatus de periculis novissimorum temporum*, quo Prædicatorum & Minorum ordines perstringentes, statum salutis eorum in dubium vocabant, simulque eos, ob adulationem, hypocrisin, otium sumptuosum, & justitiæ propriæ, posthabita justitia Christi, jactantiam, graviter pulsabant. Exemplar libri in Sorbona Parisiensi custodiri, Carolus Molinæus *Orat. de Theol. dignitate* pag. 184. testatur. Ediditque etiam Wolphgangus Wissenburgius Basileæ A. MDLV. Guilhelmi illius sermones duos, unâ cum aliis melioris commatis scriptoribus veteribus, qui de corrupto Ecclesiæ statu publicas querelas consignârunt.

CX. Perquam verò notatu dignum est, quòd Magistri illi Parisienses in Traëctatu illo memorato, de horrendis Monachorum *Æternum Evangelium* meditantium machinationibus, narrant hæc in verba: *Jam sunt anni 55. quòd aliqui laborant ad mutandum Evangelium Christi in aliud Evangelium, quod dicunt fore perfectius, melius & dignius, quod appellant Evangelium Spiritus S. quo adveniente evacuabitur, ut dicunt, Evangelium Christi; ut parati sumus ostendere in Evangelio illo maledicto. Dixerant autem paulò ante, ab adventu Domini transactos jam esse annos mcliv. & paulò post subjiciunt, Evangelium æternum Parisiis, ubi viget S. Scripturæ studium positum fuisse publicè ad exemplandum anno Domini mcliv. Addunt tria illa verba, quorum Daniel. cap. 5. fit mentio,*

Guilhelmi de
S. Amore
adversus eos
liber.

Monachorum
æternum
Evangelium
meditantium
horribilis co-
natus eodem
libro detectus.

tio, *Mane, Tekel, Phares*, jam visa esse in Ecclesia. Scripta enim sunt, inquit, in maledicto illo libro, quem appellant Evangelium aeternum, quod in Ecclesia iam propalatum est, propter quod timendum est de subversione Ecclesia. Primum verbum est, *Mane*, id est, Numeravit Deus Regnum tuum, & complevit illud, vel conclusit, ut exponit Daniel 5. Capitulo. Ibi enim numeratur Regnum Ecclesia scilicet Evangelium Christi & concluditur in 1260. annis ab incarnatione. Item ibi invenitur *Tekel*, quod est appensum in statera, & inventum est minus habens, ut exponit Daniel 5. Capitulo. Nam ibi comparatur Evangelium Christi ad Evangelium aeternum, quanto minus lucet Luna quam Sol, quanto minus valet testa, quam nucleus. Et multa tales ibi sunt scriptae comparationes quibus probatur minus valere Evangelium Christi, quam Evangelium aeternum. Item in Scriptura illa, scilicet in Evangelio aeterno invenitur *Phares*, id est, divisum est Regnum tuum à Te, ut exponit Daniel cap. 5. Nam ibi invenitur, quod Regnum Ecclesia dividetur post predictum tempus ab illis, qui tement Evangelium aeternum. Mysteriorum Evangelii hujus catalogum ampliore ex Henrico Erphordienſi *Chronicorum* cap. 93. nec non Nicolao Eymerico *Direct. Inquis. par. 2. q. 9. §. 4. Cl. Usserius de Christ. Eccl. success. cap. 9. p. 240. &c.* fusiùs repræsentat. Verbo, dogmata hujus Evangelii, seu potius Alcorani Monastici, hæc fuere: Deum Patrem sub lege regnasse, filium sub gratia, sed jam exortis quatuor mendicantium ordinibus Spiritum S. suo Regno inaugurari, ad finem usque mundi duraturo, atque eos solos salvatum iri, qui novo huic Evangelio credituri essent. Christi enim Evangelium non esse verum, perfectum & salutare, proin abolendum & rejiciendum. Parvi etiam æstimanda esse ejus Sacramenta. Aliud etiam sacerdotium sacerdotio Christi sub eo Evangelio successurum. Solos Nudipedales idoneos fore ad instruendum homines de spiritualibus & aeternis. Religionem Christi, quæ jam multos peperit vocatos ad fidem Christi, non esse veram Ecclesiam. Evangelio Christi neminem perfectum

reddi. Spiritus S. sub hoc Evangelio accepturum aliquid ab Ecclesia, sicut Christus in quantum homo, accepit à Spiritu S. Christum & Apostolos non fuisse perfectos in vita contemplantium: contemplativam verò vitam sub hoc demum Evangelio fructificaturum per ordinem Monachorum: & per eosdem Spiritum sanctum Ecclesiam recturum, sicut in V. T. eam conjugati, in Nova sub Evangelio Christi Clerici rexerint. Quis non hic cum Campiano Rat. 8. exclamet: *Tempora, Tempora, cujusmodi monstrum aluistis!*

Et à Pontificibus segmèter repressus.

CXI. Ecquid vero Monachis Evangelio Christi stragem ita inferentibus à Pontifice Romano factum putamus? Scilicet visum illis, homines sibi quàm maximè necessarios tractare quàm lenissimè, omnique ratione providere, ne illi quoquo modo odium offensamque populi incurrerent. Lubet eam in rem Matthæum Paris in historia anni MCLVI. pag. 909. 910. audire ubi sic ille: *Crebrescentibus scandalis & odiis inter Magistros Parisienses & Fratres Predicatores, electi sunt cum magna deliberatione celeberrimi magistri Lectores, videlicet Magister Guilhelmus de sancto Amore, & Magister Odo de Duaco (qui nobiliter rexerant in artibus, in Decretis & tunc in Theologia) Magister Christianus Canonicus Beluacensis (qui maximus quasi Philosophus emeritus, postquam in artibus rexe- rat, in Theologia lecturavit) Magister Nicolaus de Baro super Albam (qui rexe- rat in artibus, Legibus & Decretis, ad Legendum in Theologia preparatus.) Magister Johannes de Sicca villa Anglicus, Rhetor Universitatis, & Magister Belin Gallicus (nominatissimi Philosophi, regentes in artibus) omnes isti de nobilissimis viris procreati, præ electi sunt per magnum (quia fides patiebatur detrimentum) consilium & deliberationem, ut Romam adeant, & Dominum Papam pro tranquillitate Universitatis Parisiensis, & fidei redintegratione (maximè cum hoc malum majus generare comminetur) collectaque sunt eis ex Universitate viatica. Fratres namque quadam nova prædicabant, legebant & docebant (ut dicebatur) deliramenta, quæ de libro Joachim Abbatis (cujus scri-*

pta Gregorius Papa damnaverat) extraxerunt. Et quendam librum composuerunt, quem sic eis intitulare complacuit: Incipit *Euangelium æternum*: & quædam alia, quæ non expedit recitari. Predicatores autem contra Universitatem suos expeditos nuntios illico mittebant, ut Magistris in faciem contradicerent. Subsannavit populus eleemosynas consuetas subtrahendo, vocans eos hypocritas, Antichristi successores, Regum & Principum adulatores & falsos consiliatores, ordinariorum contemptores, & eorundem supplantatores, thalamorum Regalium subintratores, confessionum prævaricatores, qui peragrantes ignotas Provincias, peccandi audaciam subministrabant. Auditis igitur hinc inde querelis, præcepit Papa, ut novus ille liber, quem *Euangelium æternum* nominant, secreto, & si fieri posset, sine fratrum scandalo, combureretur: & alia, quæ de Joachim corruptela dicuntur emanasse. Vigilanter igitur procurante diligentia Domini Hugonis Cardinalis, & Johannis de Columna Archiepiscopi Messanenſis, qui de ordine Predicatorum erant, cautè ac tacitè procuratum est, ut tumultus ad horam conquiesceret. Utque minori cum Monachorum invidia nefarius liber supprimeretur, visum est Pontifici, ut etiam Magistrorum Parisiensium liber ille, quo horribile arcanum detectum est, damnatus combureretur tum in Curia, quæ tunc Anagninæ residebat, tum Parisiis coram multitudine copiosa, non propter hæresin (ait Guillelmus Nongiacus in gestis Regis Philippi pag. 537.) sed quia contra præfatos Religiosos seditionem & scandalum movebat.

CXII. Neque tamen sic *Euangelium illud æternum* exspirasse censendum est. Revera enim Papatus horum sequentiumque temporum, ad ejus amissum factus, *Euangelium* diversum longè ab *Euangelio Christi* complectitur. Ut non sine omine & Numine externa quædam professio *Euangelii æterni*, *Euangelio Christi* abolendo surrogandi, innotescere circa hæc tempora debuerit. Numquid enim non Monachi ad aliud, & quidem *Æternum* il-

Euangelium illud æternum blasphemis reseruum horum & sequentium temporum nudum Papatum representare, ostenditur.

lud (apud inferos scilicet *aternum* flagraturum) *Euangelium* transfulerunt, sacramenta Christi genuina vel conspurcarunt, vel aboleverunt, & spuria introduxerunt; sacerdotio Christo sublato sacerdotium aliud, cujus victima est Deus panaceus Maozim stabiliverunt; perfectione Evangelii Christi, quæ in mandato fidei & resipiscentiæ, promissisque cœlestis gloriæ consistit, abnegata, perfectionem Evangelii illius novi Monastici, quæ in supererogatione operum nec à Mose, nec à Christo præceptorum, promissionibusque præmiorum singularem, quæ aureolas vocant, consistit, substituerunt; Christi spiritu exacerbato novum spiritum Papæ seu Ecclesiæ, rerum Divinarum judicem arbitrumque unicum obtruserunt; denique vita activa, fide, poenitentia & charitate pensi non amplius habita, religionis Christianæ apicem in Monachorum contemplationibus infrugiferis collocarunt; quæ ipsissima sunt *Euangelii* illius *aterni* mysteria? Deleto igitur licet Evangelio illo Diabolico literaliter, mansit tamen eadem in Deum blasphemia ac summa, à recta fide in Christum, unicum humani generis servatorem, defectio, in Monachorum scilicet meritis de congruo & condigno, in sanctorum suffragiis, Papæ largitionibus & indulgentiis, in novis bonis operibus, scilicet oblationibus, donis, votis, solutionibus, cœnobiorum erectionibus, jejuniis, vigiliis, somniis, silentiis, horis, organis, frequentis, hymnis, cantilenis, campanis, altaribus, simulachris, purgatoriis, missis, murmurationibus, mitris, delubris, Templis, Synagogis, Sacrificiis, breviariis, bullis, lustralibus aquis, rosariis, unctionibus, cœmeteriis, cineribus, palmis, calculis precatoriis, candelis, calicibus, crucibus, cathedris, cappis, cereis, turibulis, pompis, ritibus Babylonice, Ægyptiacis cultibus, spectaculis, reliquiis, regulis, Monachis, mendicabilis,

chor-

chordis, sententiis, summis, picturis, & rebus mille id genus aliis, quas in Evangelio Christi non magis, quàm veterum Babyloniorum, Ægyptiorum, Græcorum, Romanorum profanas religiones reperias.

CXIII. Mortuo, uti supra memoravimus Friderico II. qui eum exceperunt Imperatores Conradus IV. Wilhelmus Comes Hollandiæ, Richardus, Alphonsus, ferè Pontificum, qui infirmis illis suarum rerum satagere strenuè perrexerunt, libidini succubuerunt, licet subinde adversis partibus confligeretur, & factiones contrariæ Welforum & Gibellinorum pro suis quæque partibus acriter contenderent. Nihilque Pontificibus prius & antiquius fuit, quàm Imperatores, Reges & Regna infestare, modis omnibus emungere & expilare, & in Albigenses vim crebrò parare & exercere. Qui Innocentio IV. A. MCCLIV. successit *Alexander IV.* cum Manfredi, Friderici notho bella gerit, in ejus locum Edmundum Regis Angliæ filium Regem Apuliæ & Siciliæ per annulum investit; in Gallia Simoniam exercet, cui Ludovicus Rex sanctionem pragmaticam, qua cautum erat, ne quid nummorum Rege & Regno inscio & dissentiente ex Regno eo in Romanam curiam inferatur, opponit: Flagellantium sectam confirmat. *Urbanus IV.* A. MCCLXII. Papa factus, suafu Thomæ Aquinatis festum corporis Christi instituit, idololatria multiplici contaminatum. *Clemens IV.* inclementissimus omnium Conradi IV. Imperatoris filium unicum Conradinum, Carolo Andegavensium Duci, Regis Galliæ fratri prodidit, eique etiam de captivo Conradino consulenti, cædem ejus, ut & Friderici Austriaci, inauditi utriusque, suafit hisce verbis: *Vita Conradini mors est Caroli: & mors Conradini vita Caroli.* Ita par juvenum Principum lectissimum, nemine opinante & ex improviso, carnificis manu, cum insanabili dolore totius

orbis melioris, occubuit, simulque Friderici Barbarossæ progenies, universaque adeò stirps Suevica periit, & vacuo Sicilia, Apulia, Calabria Regno, unà cum Austriaco Ducatu aliisque etiam ditionibus, pro arbitrio Pontificis dominos mutarunt. Et Sicilia quidem in Gallorum potestatem, ea scilicet lege, ut Pontifici quadraginta quotannis auri marcas Carolus pensitet, concedens, mox vespers Siculis dignam sævitia Caroli mercedem retulit. Dignissima lectu apud Goldastum in *Constit. Imp.* occurrit Conradini ad ordines Germaniæ ante fatalem casum Epistola, qua Pontifices infortunii sui fabros flebili sermone apud Ecclesiam accusat. Inclementis hujus successor Gregorius X. A. MCCLXX. Papatum sortitus, Rodolphum Habsburgicum recens electum Imperatorem Romam invitavit, ut corona ex manibus ejus accepta ratum imperium haberet. quod sapientissimus Imperator constanter detrectavit, causatus, Italiam multos Alemannorum Reges consumpsisse, & recitans identidem illud Horatii *lib. I. Epist. I.*

Rodolphus
Imperator
Romam ire
detrectat, &
Papam bolo
Romandiola
donata pla-
cat.

————— *Me vestigia terrent,*

Omnia te adversum spectantia, nulla retrorsum.

Ingeminansque sæpius: *Non ibo Romam. Rex sum, Imperator sum. Nec minus pro utilitate Reipub. me facturum confido, quam si Romæ coronatus fuisssem.* Ex quo tempore Italiam prorsus Imperatores dereliquerunt, nullis quidem ingratii Pontificum. Cessit tamen idem Rodolphus Papæ, solitum fulmen minitanti, Romandiola, quæ septuagies mille auri drachmas annuas pendebat. Bolum huncce minimè contemnendum bonus & pacificus ille Princeps in os cerberi illius conjecit, quò placatus electionem ejus ratam haberet. Impletum scilicet in Pontificibus quod de Pseudoprophetis olim Micheas pronuntiavit cap. III. 5. *Si quis non dederit aliquid in ore eorum*

קדשו
עלי

עליו מלחמה *sanctificant contra eum bellum.* Sed & Michaëlem Palæologum promittentem, novam Romam se veteri subiecturum, si Carolo Andegavenſi adverſario ſuo reſiſteret, admittere voluit his legibus, *ut in Officio Græcorum primus inter Patriarchas Papa nominetur: Ut Romam è Græcia appellare fas ſit: denique ut in omnibus rebus principem ipſe locum obtineat.* Sed mortuo mox Michaelē, & contra-nitentibus Episcopis Græciæ, negotiatio evanuit. Construxit idem Papa conclave Cardinalium, lege in Concilio Lugdunenſi lata, qua conclavis ratio in electione novi Pontificis continetur. *Nicolaus III. A. MCCLXXVI. ex Urſinorum familia Pontifex creatus, Platina teſte, munus ſenatorium, quod ante hoc Principibus & Regibus demandari conſueverat, ſolus obivit;* Caroloque Andegavenſi, Sicilia Regi, quod electioni ejus minùs faveret, & major etiam potentiôrque, quàm Romanæ Curia expediret, videretur, inſenſus, Hetruriæ vicariatum abſtulit, & Siciliam Gallis erepturus, Petrûmque Aragonum Regem adverſus eum concitans, conjurationem, quæ in Siculas tandem noctes, erupit, horribilem fovit. Contra Martinus IV. Gallus ſordido genere natus, A. MCCLXXXI. Papatus faſces rapiens, Carolum reſtituere parat, Siculis rebus ſuis conclamatis ita eum ter innvocantibus: *Agnus Dei, qui tollis peccata mundi, dona nobis pacem.* Imperatorem Conſtantinopoleos, quod Aragoniæ Regi faveret, anathemate percuſſit. Germaniæ adeo inſenſus, ut in ſtagnum eam converſam videre ſæpe optaverit. Qui hunc excepit, Honorius IV. Petrum Aragoniæ Regem, quod Sicilia Regnum ſibi à Nicolao III. collatum Gallis reſtituere abnueret, anathemate ferit. Ejus Legatus Thuſculanus Cardinalis in Germaniam ablegatus, ut per quinquennium ab omni Clero proventuum quadrantem poſcat, Wurzburgi in Conventu Episcoporum repulſam paſſus, *Antichriſti Satrapa* ab iſdem per os Tullen-

sis Episcopi Probi, cujus gravissimam contra vultures Romulæos apud Aventinum *lib. VII.* legere est orationem; vocatur meritò. Malè tamen sub successore hujus Nicolao IV. similis *παρρησία* cessit Johanni Bitterensi Franciscano, & Petro Cassiodoro Italici, qui quòd Papam Antichristum insignivissent, è monumentis extracti & combusti sunt. Excommunicatus ab eodem est Mænardus Tirolis Comes, quòd ambitioni Episcopi Tridentini resistens, ejus arces invasisset. qui publica in apologia Episcoporum scelera exagitans, *effeminatos Antichristos & prodigiosos Eunuchos* eos vocat, *peiores Turcis, Saracenis, Tartaris, & Judæis*; proin à sævo sibi iniquo Pontifice ad æquum Pastorem, pientissimùmque Patrem provocat.

*Mænardi Comitæ Tiro-
lensis oratio
adversus ef-
feminatos
Antichristos,
& prodigiosos
Eunuchos.*

CXIV. Mænardi illius Comitæ Gente & mente generosi, cujus filia Elisabetha Alberto Imperatori post nupta est; Orationem lectu dignissimam, Avent. *Annal. Bojor. lib. VII. p. 444.* his verbis recitat: *Equidem (ita me Deus amet) bellum non infero, sed propulso. Nihil unquam magis mihi cordi fuit, quàm pacem cum quovis hominum, maximè cum Episcopis conservare, nisi boni Patres, ut cæteri Mortalium, copia rerum corrupti, nobis immeritissimis ultro arma prava libidine dominandi intulissent, nòsque terris arvis spoliare conati fuissent. Arma sumpsi, castella hostibus patriæ ademi, quo mihi ac popularibus otio frui absque armis liceat. Quòd si quispiam vas atque præs fuerit, ne metuere perfidiam & lupos habeam, nève de cætero hujusmodi nobis à fastuosis illis Archisynagogis (nam Pastoribus dicere religio est) contingant, actutum omnia reddam: aliter nunquam committam, ut tam stultus videar, ut è manu manubrium mihi eripi patiar, atque memet ultrò atque meos ludibrio effeminatis Antichristis atque prodigiosis Eunuchis esse sinam. Nemo magis concordiam Christianam labefactat, non sacris literis interpretandis aut ediscendis, sed liberis dant operam, Liberum amant, divitias colligunt, Regna, gloriam, dominationem avidissimè appetunt.*

tunt. Pro hisce nobiscum sanguine ovium decertant, Christi paupertatem, comitum ejus simplicitatem non solum non amulantur, sed irrident quoque atque antiquare conantur. Si Antichristi non sunt, quid aliud obsecro sunt? Est ne illud pascere oves? amare gregem? Regna, opes, aliena appetere, pro glória, dignitate digladiari, oviculas opprimere, occidere, belligerare; Christi preceptum invertunt, donanti tunicam & pallium vi auferunt. Quis tam ferreus, ut verius dicam, tam stolidum pecus fuerit, ut superbiam, fastum, perfidiam, fraudem, flagitia, scelera, luxum, avaritiam nebulonum æquo animo ferat? Pejores Turcis, Saracenis, Tartaris, Judæis sunt, plus his omnibus Christianæ simplicitati officiunt, libertatem Christi sanguine partem exscindere conantur, dominationem arripiunt. Cum nostri servi sint, ipsi dominari contra jus gentium, adversus leges, auspicia & oracula Divina, dominos sibi servire volunt. Scitum est vulgi Proverbium, sacerdotes superstitionum præstigiis caliginem oculis offundere Mortalium, & ceremoniis carminibusque cassis veluti mandragoræ soporiferæ poculo mentem mutare, & humanis animis atque sensibus stuporem propinare. Num quid pastor aut oves tondet, aut mulget; nonne nuntius rem domini atque eorum, ob quorum utilitatem mittitur, agere debet? Proinde à servo, & nobis iniquo Pontifice, ad æquum Pastorem, pientissimúmque Patrem provoco.

ECCLESIAE ROMANAE PERIODUS QUINTA.

Seu

Historia Ecclesiae Romanae, Dominatio-
nem in temporalibus etiam, adeoque Cæsa-
reo-Papatum adipiscentis, & eandem,
profligata doctrina puriori omni, fla-
gitiosè exercentis.

Inde à Bonifacio VIII. seu A. C. MCCXCIV. ad Leonem X.
seu A. C. MDXVI. usque.

BREVIARIUM.

CXV. *Bonifacius VIII. Papalis fastigii consummator, fraude se-
dem rapuit. Gibellinis, seu fidis Imperii civibus gravem se ge-
rit.*

CXVI. *Obsolescente Jubileo Christiano, utroque habitu, Ponti-
ficali & Imperiali indutus, duosque gladios ostentans, Pontifi-
cium instituit. quod sollemnis quædam inauguratio fuit, qua se Do-
minum in orbe Christiano supremum, Pontificem & Casarem
esse, declaravit.*

CXVII. *Quid Jubileo illo spectarit, ex vita & moribus ejus col-
ligitur.*

CXVIII.

CXVIII. *Causa continuati à successoribus, & subinde ad brevius tempus restricti Jubilæi.*

CXIX. *Potestatem supremam Bonifacius exercet adversus Imper. Albertum, quem à se non conscio electum imperare non posse pertendit.*

CXX. *Nec non Philippum pulchrum Gallie Regem, quem Regno, utpote ad sedem Petri pertinente, arcere conatur, subditis fidelitatis sacramento exsolutis. Captus à Philippo & ludibrio habitus ex phrenesi moritur.*

CXXI. *Roberti Galli liber editus unà cum vaticiniis Hildegardes adversus Papam. ubi Ecclesiæ Rom. facies in visionibus graphicè depingitur.*

CXXII. *Fratricellos Papam Antichristum, Romam Babylonem appellantes, Papa persequitur.*

CXXIII. *Clemens V. Roma Avenionem migrat. Durandi Matensis de Concilio celebrando liber Clerum Romanum describit, ejusque reformandi formam præit. at reformari posse desperat.*

CXXIV. *Spem reformationis vanam fuisse, Concilii Viennensis, quo Decretalis de Potestate Papæ supra Cæsares edita, fratrum Minorum religio confirmata est, eventus docuit. Templariorum horribile excidium. quibus innocentie nonnulli testimonium perhibent.*

CXXV. *Henricus VII. Romæ Cardinalibus sacramento dicere renuens à Bernhardo Politiano venenata hostiæ subsidio necatur.*

CXXVI. *Dantis Aligerii de Ecclesiæ R. querelæ. Fridericus III. Sicilia Rex Ecclesiæ R. statu offensus, de Evangelii ipsius veritate dubitat, & ab Alphonso Villanovano in ea confirmatur.*

CXXVII. *Johannes XXII. se ipsum eligens, animas ante finem mundi Deo frui negat; & Papam Imperatori, ut Solem Lunæ præstare, aliâque superbissimè decernit.*

CXXVIII. *Cæsareo-Papatum suum tnetur adversus Ludovicum Bavarum, quem anathemati subjecit. Ludovicus verò Romam occupans, ibidem coronatur, & deposito Johanne Nicolaum V. Antipapam creat.*

- CXXIX. *Johannes paupertatem palam irridet, & Franciscanos repugnantes, ceu hereticos damnat. Certamen Franciscanos inter & Dominicanos de Christo in cruce pendente nudone, an corona Regia & toga purpurea vestito, accrimum. Alvarus Pelagius Johannis impietatem damnat.*
- CXXX. *Johannis ejusdem Bulla fere Babylonica adversus Ludovicum Bavarum.*
- CXXXI. *Et Ludovici adversus Johannem Edictum ex Aventino representantur.*
- CXXXII. *Ejundem Ludovici adversus Benedictum XII. absolutionem à diris Johannis negantem heroicum diploma. Clemens VI. absolutionem promittit, sed diris conditionibus, quibus repudiat Papa Casarem alium eligi jubet. Electus Carolus Spira in Comitibus repudiatur, & ad arma dum concurritur, Ludovicus veneno propinato moritur.*
- CXXXIII. *Clementi sese opposuerunt viri celebres plures, Occamus & Leopoldus Bambergensis Episcopus cumprimis.*
- CXXXIV. *Carolus IV. coronam ab Innocentio VI. magno cum dedecore obtinet, promittens se nunquam Italiam repetiturum. Ita Carolus Majestatem Imperii R. prodidit, & aquilam deplumavit.*
- CXXXV. *Petrarcha id Carolo exprobrat, & curiam Romanam nomine Babylonis Occidentalis graviter exagitat.*
- CXXXVI. *Plures etiam cordati ejusdem curiae impietatem liberè notant. Veluti Joh. à Rupefissa, M. Nicolaus Oremus. S. Brigida & Catharina Senensis in Revelationibus.*
- CXXXVII. *Wiclus Anglus imprimis, cujus in detegendo Antichristo, oppugnanda falsa, Magnatibus ipsis veritatis succo imbuedis, Zelus & patientia incomparabilis laudantur.*
- CXXXVIII. *Schismatis pertinacissimi à tempore Urbani VI. ad Concilium Constantiense usque historia. Contraria Urbani VI. & Clementis VII. studia.*
- CXXXIX. *Antipaparum Benedicti XII. & Gregorii XII. in eo schif-*

schismate malignitas, ex Theodorico de Nyem adumbrata. Deposito utroque in Concilio Pisano Alexander V. eligitur: renitente utroque. Alexandro Balthasar Cossa, seu Johannes XXIV. succedit, qui Sigismundum coronaturus, & Ecclesiam tranquillaturus Concilium Romanum, cui bubo praesuit, coegit.

CXL. *Sigismundus Imp. ingentibus studiis Ecclesiae pacem restituere conatus, Constantiae Concilium à Johanne convocari curat. In eo depositis tribus Antipapis eligitur Martinus V. qui reformationem Ecclesiae à Sigismundo tentatam eludit.*

CXLI. *Eugenius IV. Basileense Concilium cogit, mox verò à Patribus ejus sibi metuens illud Ferrariam, atque inde Florentiam transfert, & à Basileensibus deponitur, Amadeo Sabaudò seu Felice V. surrogato. Florentinorum cum Graecis negotiatio lubrica, à Graecis post rejecta. Eugenii & Felicis contraria studia. Carolus Galliae Delphinus Basileense Concilium turbare conatus cladem ingentem ab Helvetiis victis licet patitur.*

CXLII. *Constantinopolis à Papa ob negatum primatum turpiter deserta, à Turcis occupatur, & unà Oriens Christianus fere totus eorum jugum subit.*

CXLIII. *Nicolai V. erga literas & literatos amor insignis praedicatur. Ita in ipsa Antichristi aula nutriuntur literae, quarum post auxilio Antichristus revelatus fuit.*

CXLIV. *Ad revelationem Antichristi etiam Typographia eadem aetate inventa contulit multum.*

CXLV. *Pius II. promissam reformationem nequaquam praestat, sed Majestati Pontificiae augenda unice intentus est. Ingloria ejus adversus diversos Principes facinora.*

CXLVI. *Sixti IV. impuritas varè testata. Lupanaria instituit primus: & bella iniqua gerens cum Helvetiis foedus init, iisdemque pudenda bulla vexillum donat. Alexandri VI. impietas.*

CXLVII. *Nubes testium, quae ea aetate adversus Ecclesiam R. cen Antichristianam & Babylonicam emerfit, indigetata.*

CXLVIII. *Pontificiae adversus eosdem tyrannidis specimina in*

Hussi, Hieronimi aliorum supplicii & Bohemorum persecutione producuntur.

CXLIX. *Julii II. tyrannis & savitia. Bella ejus adversus Venetos, Maximilianum & fœderatos Gallos improbe gesta. Helvetios fraudulento fœderi innexos bullatis indulgentiis mactat. Pisano Concilio instituto ad reddendam rationem villicationis sue citatus, anathemate adversarios ferit, & Concilium Lateranum indictum iisdem opponit. De utroque Concilio illo judicia Scriptorum. Sforzia Pallavicini de Julio judicium, & ejusdem frivola excusatio.*

CL. *Testes veritatis ea atate, Waldenses, Faber Stapulensis, Bredæus, Picus Mirandulanus, Ludovicus XII, Ecclesiæ Bohemicae, Moravicae &c.*

*Bonifacius
VIII. Papalis
sætigis con-
suminator
fraude Sedem
rapuit.*

CXV.



QUI hætenus ad fastigium magnis passibus contendebat Papatus, Seculo *Decimo quarto* ineunte ad eum pervenisse videtur, Bonifacio VIII. Romanæ Ecclesiæ habenas moderante. Is Platina, Stella, Nauclero, Wernero in fasciculo Temporum, aliis referentibus, Prædecessori suo Cœlestino, homini simplici & bono (qui reformaturus Ecclesiam, non equo vel mulo, sed asino vehi voluit, & Cardinales idem facere jussit) ut Papatum resignaret, persuasit, insigni fraude usus, canali scilicet in ejus cubiculum immisso, pluribus noctibus, quasi Angelica voce, insonans: *Cœlestine, Cœlestine, cede, negotium enim supra vires est.* Cessit Cœlestinus Papatum Scelestino huic, viribus ad provehendum mysterium iniquitatis pollenti magis. De eo sic Langius Citicensis Monachus ad *A. mcccxcv.* loquitur: *Leonina mente tyrannizans magis, quàm papißans, universo orbi metum sui & terrorem incutere moliebatur.* Et Joachim Abbas, quem Spiritus Propheti-

phetici virum nuperus Cardinalis Bona appellavit, sic eum in vaticiniis suis compellavit: *Fraudulenter intrâsti, potenter regnâsti, gemens morieris!* Vulgatúmque de eo mortuo proverbium ferebatur: *Intravit ut vulpes, regnavit ut Leo, mortuus est ut canis.* Gibellinis, id est, bonis Imperii civibus, præ cæteris infensum se gessit. Cujus rei testem habemus Porchetum Spinolam, in locum Jacobi Voragine electum Genuensem Archiepiscopum, Imperatori adductum. Confirmandus is in munere suo Romam venit, quo die frontes cinere signantur. Provolvitur ad Bonifacii pedes Porchetus post alios complures, frontem cineris cruce signandus. Tum Bonifacius carmine mutato: *Memento, inquit, quòd Gibellinus es, & cum Gibellinis in cinerem reverteris.* Cineribúsque in oculos ejus sparsis, Archiepiscopatum eodem die ei abrogavit. Unde quo in pretio suas ipse ceremonias habuerit, judicari potest.

Gibellinis, seu fidis Imperii civibus gravem se gerit.

CXVI. Obsolescere jam fatali hominum superstitione *obsolescente* cœpit *Jubileum* verè *Christianum*, quod unico Christi merito afflictos conscientias confidere docet. Anno igitur *Jubileo Christi* seculari millesimo-trecentesimo, adeoque sub initium seculi hujus Decimi quarti, Bonifacius ille tempus idoneum nactus, aliud *Jubileum*, *Pontificium* scilicet, seu potius novum mercatum indulgentiarum, centesimo quoque anno áperta Romæ aurea porta celebrandum, in ejus locum substituit. *Usque ad illum Bonifacium* (ita Kranzius *Saxon. lib. VIII. 36. scribit*) *Pontificibus non venerat in mentem tam festo negotio commovere Christianismum.* Quod ipse apparatu in eo, qui tum agebatur in urbe, *Jubileo solemniter fertur ostentâsse: Prima quidem solenni die in Pontificatibus apparens populo, Apostolicam illis benedictionem impartitur. Postera autem die imperiali habitu* (idque præsentibus legatis Imperatoris) *insula nihilominus Casarea insignis, gladium ante se nudatum jussit deferri & sedens alta voce testatur: Ecce duo gladii hic.* Kranzii hæc

hæc ἐπίσκοπος est: *Vides ô Petre, successorem tuum, & tu salu-
tifer Christe tuum cerne vicarium!* (Quæ tamen verba nonnul-
li ipsi Papæ ascribunt) *Vide quò ascendit superbia servi servo-
rum!* Nempe calcata potestate humana, civili, quæ post
mortem Friderici II. fere succubuit, & Ecclesiastica omni,
jam Papa regnare ubique sine pari, & ἀντοκρατορίας cœ-
pit. Quod ipsum etiam testatur superbissima ejus Bulla,
quæ, ceu novissimum Ecclesiæ Romanæ Symbolum, in
Extravagantibus *Tit. de Major. & obed. c. unam S. Ecclesiam* le-
gitur, in qua disertè: *Vnam sanctam Ecclesiam Catholicam, &
ipsam Apostolicam urgente fide credere cogimur & tenere.* Et ilico
nos ad Romanam, uni Pontifici parituros revocat, cui in
Petri persona dictum sit, *Pasce oves meas*, ita ut, seu Græci, seu
alii in Christi ovibus non censeantur, nisi ei obsequantur.
In hoc, inquit, *ejusque potestate*, duos esse gladios, spiritualem
videlicet & temporalem, Evangelicis dictis instruimur. Nam di-
centibus Apostolis: *Ecce gladii duo hic, in Ecclesia scilicet, cum
Apostoli loquerentur, non respondit Dominus nimis esse, sed satis.*
Certe qui in potestate Petri temporalem gladium esse negat, male
verbum attendit Domini proferentis: *Converte gladium tuum in
vaginam.* Ex his verbis contra quàm omnes Patres & In-
terpretes, apertè ratiocinatus: *Uterque ergo est in potestate
Ecclesiæ, spiritualis scilicet gladius & materialis, sed is quidem pro
Ecclesia; ille verò ab Ecclesia exercendus, ille sacerdotis, is manu
Regum & militum, sed ad nutum & patientiam sacerdotis, id
est, Papæ. Oportet autem gladium esse sub gladio, & tempora-
lem auctoritatem spirituali subjici. Nam cum dicat Apostolus: Non
est potestas nisi à Deo: quæ autem sunt, à Deo ordinatæ sunt: non
autem ordinatæ essent, nisi gladius esset sub gladio, & tanquam in-
ferior reduceretur per alium ad supremam &c. Sic de Ecclesia & Ec-
clesiastica potestate verificatur vaticinium Ieremiæ: Ecce constitui
te hodie super gentes & Regna, & cætera, quæ sequuntur. Ergo
si deviat terrena potestas, judicabitur à potestate spirituali; sed si
deviat*

deviat spiritualis minor, à suo superiori: Si verò suprema deviat, à solo Deo, non ab homine poterit judicari, testante Apostolo: Spiritualis homo judicat omnia, ipse verò à nemine judicatur. Postquam sic Scripturam Papa, non secus ad Pasquillus aliquis Romanus ludibrio habuit, ex ridiculis antecedentibus impudenter ita concludit: *Porro subesse Romano Pontifici omni humanae creaturae declaramus, dicimus, definimus, & pronuntiamus omnino esse de necessitate salutis.* Clarissimè hinc liquet, Jubilæum isthoc Bonifacii solennem quandam inaugurationem fuisse, qua se Dominum in Orbe Christiano supremum, Cæsarem & Pontificem esse, veterum Augustorum Romanorum imitatione, qui Imperatores simul & Pontifices erant; magnificè Papa declaravit, eadem opera pecunias, supremi imperii nervum, undequaque in rete suum piscatorium attrahens. Dignumque memoratu est, quòd eodem die Jubilæo, quo Papa-Cæsareatum suum Bonifacius ostentavit, Monarchiam etiam Turcicam Ottomannus auspicatus fuerit: planè sicut antehac eodem tempore Bonifacius III. Universalis Episcopi axioma sibi vendicavit, quo etiam Muhammed ex orco caput intulit, & nefariæ sectæ fundamenta jecit.

Quod solennis quadam inauguratio fuit, qua se Dominum in Orbe Christiano supremum, Pontificem & Cæsarem esse declaravit.

CXVII. Quid potissimum spectârit Bonifacius iste Jubilæo instituto, si quis ambigat, ex vita & moribus ejus æstimabit facilè. Præclare enim M. Tullius, *Omnibus in rebus, inquit, quæ graviores majoresque sunt, quid quisque voluerit, cogitaverit, admiserit, non ex crimine, sed ex moribus ejus, qui arguitur, est ponderandum.* Anne ergo hic Papa, ut nomine ita re quoque fuit Bonifacius? Imò omnium hominum, quos sol vidit, pessimus fuit, & flagitiosissimus, procella Ecclesiæ, turbo & tempestas Reipub. Christianæ, Dei juxta atque hominum contemptor, idemque gurgès profundissimus & insatiabilis, aurum undiquaque conquisitum infernaliter sitiens. Hoc enim

Quid Jubilæo illo spectârit, ex vita & moribus ejus colligitur.

testimonium Sabellicus, Naucerus & Platina ei perhibent. Ex mera igitur dominandi libidine, & auri facerrima fame, quam Apostolus radicem omnium malorum vocat, ingeniosus in rem suam Bonifacius, indulgentiarum plenissimarum prætextu, novum aucupium excoGITAVIT, promulgavit, & Purgatorium, quod Papæ conflatorium est, terriculamentis dementatis hominibus obtrusit. Ausus tamen impostor hic est venerandæ antiquitatis auctoritatem prætereundum. Sic enim bullam indiCTIONIS suæ inchoat: *Antiquorum habet fida relatio, quòd accedentibus ad honorabilem Basilicam Principis Apostolorum concessæ sint magnæ remissiones & indulgentiæ peccatorum.* Sic audet ille verum antiquæ Ecclesiæ Jubilæum, nimirum gratuitam remissionem peccatorum per Christum profligare, & venerandæ nihilominus antiquitatis nomine nugas & superstitionem suam venditare. Enimverò, si per antiquos intelligit vetulos Bullistas, & Datarios, concedo, hoc relationem illorum tulisse. Sed quòd antiqui Patres, vel alii antiqui scriptores de Jubilæo Pontificio, quod *Papæ auriferum Pactolum* scite non nemo insignivit; quicquam retulerint, mendacium est *πεντάπυχ* imo centum cubitos longum.

Causa continuati à successoribus, & subinde ad brevius tempus restri-cti Jubilæi.

CXVIII. Cœterum quæ Bonifacio Jubilæi, centesimo quoque anno primitus instituendi, eadem sequentibus Papis ejusdem ad brevius temporis spatium contrahendi causa sine dubio extitit. Quid enim impulit Clementem VI. ut hanc festivitatem centesimo quoque anno secundum Bonifacium celebrandam, ad quinquagesimum reduceret? Auri sacra fames, & offertoriorum ex indulgentiis amplissimorum magna spes, qua sic elatus & dementatus fuit, ut in Bulla sua Angelis Paradisi mandaret, ut animas morientium in itinere à Purgatorio penitus absolutas in Paradisi gloriam introducant. Quid Boni-
nifa-

nifacium IX. impulit, ut ipse non expectato anno quinquagesimo ad trigesium tertium, ætate Christi sacratum, festivitatem suam contraheret? Auri sacra fames & αἰσχροκερδία. Fuit enim etiam hic Papa, authore Theodorico à Niem, vorago infatiabilis. Quid porro movit Sixtum IV. illum non solum bipedum, sed etiam quadrupedum impurissimum, ut cum triginta tres anni nimis longi viderentur, ipse quinto & vicesimo quoque anno Jubilæum celebrandum institueret? Auri sacra fames & πλεονεξία. Fuit enim tam avarus & impurus, ut ædificato lupanari publico, ex meretricio etiam quaestu plurimum ærario suo emolumentum accumulaverit. Ita Vespasianis his argenti odor bonus est ex re qualibet. Neque imposterum Malifacio cuiquam Jubilæum ad septimum quemque annum contrahendi prætextus speciosus deerit, eò quod sub lege etiam septimus quisque annus שנה שמיטה *annus remissionis* fuerit. Implentque adeo facerimi hic caupones S. Petri 2. Epist. II. 3. vaticinium, fore scilicet falsos Doctores, qui οἱ πλεονεξία πλατῶς λόγῳ per avaritiam fictis sermonibus, fideles sint negotiaturi.

CXIX. Sed ad Bonifacium redimus. Potestate utra-
que Spirituali & civili suprema se pollere, jam publice
promulgaverat. Exercere eandem necessum duxit, ut
pondus haberet Jubilæa isthæc promulgatio. Exercuit
adversus duo inprimis summa Orbis Christiani capita,
Albertum Imperatorem, & Philippum pulchrum, Gal-
liæ Regem. Defuncto igitur Rodolpho Imperatore, va-
cante Pontificia sede, & in partes scisso Imperio, pars
Principum, Ecclesiastici cum primis, Adolphum Comi-
tem Nassovium eligit, pars Albertum, Rodolphi filium.
Bonifacius ubi ad Papatum pervenit, repudiat utrum-
que, eò quod se inconsulto de electione Principes deli-

*Potestatem
supremam
Bonifacius
exercet ad-
versus Al-
bertum Im-
per. quem à
se non confici
electum impe-
perare non
posse perva-
dit.*

berare non potuerint. Inde bellum civile in Germania, tandēque prœlium, in quo Adolphus occubuit. Post cujus mortem Albertus ab omnibus Electoribus confirmatus fuit. Jubilæo peracto Romam Albertus mittit, electionem suam Pontifici probaturus. Quid verò hîc Bonifacius? *Respondet animosus* (inquit Kranzius Saxon. lib. VIII. cap. 36.) *quòd sine sua autoritate electio facta robur non haberet. Nam utriusque penes se gladii potestatem manere affirmabat.* Vitoduranus in Annalibus M S. narrat, objecisse Papam Alberto, quòd Regem Adolphum trucidaverit, indignusque adeò sit Imperio. Albertum verò ex sententia Principum suorum Bonifacio respondisse: *quòd Papam patrem habere contemnat, nec coronam, aut Imperium ab eo accipere ambiat, quippe quod sibi dare nequeat, contradicente malitia sua, quia non per ostium, sed aliunde tanquam fur & latro ingressus, in sedem ascenderit, insuper & Cælestinum Papam predecessorem suum, ficto cælesti oraculo, deceperit.*

*Nec non Philippum Pulchrum Regem Gallia, quem Regno, ut pote ad sedem Petri perti-
nente arcere conatur, subditis fidelitatis sacramento exsoluit.*

CXX. Majore etiam fastu Philippum Pulchrum Gallia Regem, calcare conatur. Tragœdiam nuper etiam Petrus de Marca *de Concordia Sacerdotii & Imperii lib. IV. 16.* ex Spondano fusiùs, nec non Joh. de Bussieres *Hist. Franc. lib. 9.* narrârunt. Sic autem res habet. Ad Philippum A. mccc. Bonifacius Episcopum Apameensem mittit, qui ad Sacrum bellum eum excitaret, anathema minatus, nisi imperata faceret. Legatus jussu denuntians, pro sua protervia, persuasionibus duriora verba interferebat. Indignatus Rex Legatum comprehensum Narbonensi Archiepiscopo custodiendum tradit, usque dum de eo certi quid statuerit. Æstuans hic Bonifacius Archidiaconum Narbonensem, gente Romanum, ad Philippum delegat, cujus verbis Regi præcipit, sine mora Legatum liberet, die etiam dicta Episcopis & Patriciis Franciæ, qua Romæ coram Concilio se fistant. Cunctante Philippo protesta-

testa-

testatur, Regnum Franciæ ad Ecclesiam Romanam pertinere; proinde Rex abstineat ejus administratione, illudque Pontifici & Ecclesiæ regendum relinquat. Mox etiam subditos fidelitatis sacramento exsolvit, & obsequium detrectantibus *indulgentias, concessiones, gratias omnes* Pontificias negat; caussatus etiam, in Archivis Romanis instrumentum certum reperiri, unde Franciam Pontificii juris esse constet. Philippus hisce exulceratus merito Episcopos Regno exire vetat. Pontifex anathemata sua acrius in Regem vibrat, eò quòd in Episcopum manum injecerit, de vacantium sedium bonis statuere, & Episcopos investire ausus fuerit. Tum verò Philippus Episcopum quidem ex carcere liberat, at Bullam Archidiaconi in Palatii Parisiensis atrio comburi jubet. Juvat hic audire literas Papæ ad Regem; quæ sic sonant: *Deum time & mandata ejus observa. Scire te volumus, quòd in spiritualibus & temporalibus nobis subes. Beneficiorum & præbendarum ad te collatio nulla spectat; & si aliquarum vacantium custodiam habeas, fructus earum successoribus reserves. Et si quæ contulisti, collationes tales irritas decernimus, & quantum de facto processerunt, revocamus. Aliud credentes Hereticos reputamus. Cui cordatè sic Philippus respondit: Sciat tua maxima fatuitas, in temporalibus nos alicui non subesse, aliquarum Ecclesiarum & præbendarum vacantem collationem ad nos pertinere jure Regio, & fructus earum vacatione durante nostros facere: Collationes à nobis hætenus factas, & impofterum faciendas fore validas, & illarum vigore possessores contra omnes viriliter nos tueri. Secus autem credentes fatuos & dementes reputamus. Conveniunt mox Lutetiæ ordines Regni cum Clero & Theologis, & multorum scelerum Papam reum agunt, inter alia etiam, quòd non adhibeat fidem Eucharistiam conficientibus: quòd animas mortales putaret: quòd esset Simoniacus, usurarius; quòd concubinas haberet duas neptes, & ex utràque filios progenuerit &c. Bonifa-*

cus Romæ Concilio habito, Regem Franciæ interdicto subjicit, Regem cum posteris ad quartam usque generationem Ecclesia excludit. Res eum exitum pudendum habuit, ut Bonifacius Philippo procurante captus à Nogareto, Narbonensi Archiepiscopo, Anagninæ per insidias, & impositus effreni equo, ad caudam versa facie, phrenesi correptus in carcere mortuus fuerit, *dans exemplum cunctis Prælatiis*, quæ verba Langii & Rolevinccii sunt, *ne alta saperent, sed forma facti gregis magis studerent amari à subditis, quàm timeri.*

Roberti Galli
liber editus
una cum Vaticanis Hildegardæ
versus Papam
ubi Ecclesia
Rom. facies
in Visionibus
graphice depingitur.

CXXI. Florebat ea ætate in Gallia Robertus Gallus, quem Posslevinus in *Appar. Tom. 2. Excellentem verbi Divini concionatorem* vocat. Ejus extat libellus Lutetiæ cum Hildegardæ Vaticanis editus, Visiones etiam quasdam ejus complexus. Cap. 5. Papam *Idolum* disertè vocat, his verbis Deum loquentem inducens: *Quis posuit Idolum hoc in sede mea, ut imperaret gregi meo?* Sed & cap. I. ac 12. sub serpentis nomine Papam ceu Antichristum describit, qui sese supra modum extollat, pios quosque opprimat, multis Pseudopphetis circumseptus, qui in contemptum Dei & Christi eum solum prædicent & extollant, Jesu contrà nomen obscurant. Demum Ecclesiam Romanam depingens inquit: *Orabam flexis genibus, erecta facie ad Cælum, juxta altare S. Jacobi Parisiis à dextris, & vidi in aère ante me corpus unius summi Pontificis albis sericis indutum, tenebatque dorsum ad Orientem, elevatis manibus ad Occidentem, sicut sacerdotes solent stare, dum agunt Missarum decreta. Non videbatur caput ejus, diligentiusque intuens, an esset omnino sine capite, vidi caput ejus aridum, macilentum, ac si esset ligneum; dixitque spiritus Domini: Statum Ecclesiæ Romanæ significat, in qua scilicet nihil sanguinis, succi vitalis nihil superest.* Mox etiam cujusmodi panem Ecclesia Romana filiis suis famelicis tribuat, sic explicat: *Iterum alio die idem operis me agente,*
fui

fui videns in spiritu. Et ecce vir ejusdem habitus circuibat, panem delicatum portans in humeris, cum vino optimo, dependebantque panis & vinum per latera ejus, ipse verò tenebat manibus lapidem oblongum durissimum dentibus rodens illum, ut famescens circa panem agere solet, nihil autem agebat. Et de lapide egrediebantur duo capita serpentum, & instruebat me Domini spiritus dicens: Lapis hic quæstiones inutiles & curiosæ sunt, in quibus famæscientes laborant, animarum substantialia relinquentes, & dixi, quid ergo capita illa dicunt. Et dixit nomen uni, vana gloria; alteri, dissipatio religionis. Aptioribus verbis temporum illorum sophistica exprimi non potuit, quæ rejecto, quod ad manum erat, Dei verbo, tota futilibus, & ad salutem hominum nihil proficientibus, sed ei officientibus magis quæstionibus immorabatur & immoriebatur. Tandem etiam futuram Reformationem Ecclesiæ Deus in visione ipsi aperuit, futura scilicet quandoque lucida per munditiam vitæ, sonora per claram vocem prædicationis veræ veritatis.

CXXII. Erant tum in Italia quoque Doctores, *Fratricellorum* nomine insignes, quos inter Gerhardus Sagarelli Parmensis, & Dulcinus Novariensis, Hermannij cujusdam discipuli, eminebant. In hos feverissimè Bonifacius animadvertit, insimulatos nescio quarum turpitudinum. Coeterum satis constat, non ullius sceleris comperitos, sed hanc ferè ob causam ferro flammâque infestatos esse, quòd *Papam Romanum Antichristum; Ecclesiam Romanam Babylonem Apocalypticam, & spirituales, qui maximè videri volebant, à Deo rejectos esse*, contenderent. Fatentibus iis ipsis, qui nescio quarum hæreseon dicam iis scribere conati sunt.

Fratricellos, Papam Antichristum, Romam Babylonem appellantes, Papa persequitur.

CXXIII. Clemens V. Gallus A. mcccv. Pontifex dissentientibus mirè Cardinalibus, Philippi Pulchri Gallorum Regis favore, postquam splendidis eum promissis

Clemens V. Roma Avinionem migravit.

lacta-

lactavit, electus, Roma sedem Pontificiam Avenionem in Galliam transfulerat. Ubi Romam per Cardinales tres Senatoria potestate, tanquam per Consules & Senatores gubernans, septuaginta integros annos (unde *captivitatis Babylonica septuaginta annorum* tempus illud commorantium Avenione Pontificum à scriptoribus venire solet) ipse & quinque ejus successores commorati sunt, nemine excipiente, Romam Petri sedem esse, illuc proin remeandum. Reformandæ Ecclesiæ; quam ipse tamen vita turpi, cujus specimina nonnulla Paulus Langius profert, graviter offendit; spem faciens, Durando Rotæ Auditori & Episcopo Mimatenfi Gallo, cui *Speculatori* vulgò nomen, ut quædam capita eò pertinentia, in Concilio proponenda, consignaret, in mandatis dederat. Extat adhuc Tractatus ille, cui Titulus, *de Concilio celebrando*, A. MDXLV. Lutetiæ impressus ἀξιωματικῶς, si quisquam alius. Initio à Cleri Romani reprehensione ducto sic loquitur: *Secuti sunt viam Balaam ex Bosor, qui mercedem iniquitatis amavit, correctionem verò habuit suæ vesaniae. Nam subjugale mutum, quod hominis voce locutum est, Propheta insipientiam probavit. Quod etiam hodie accidit, cum tam stulta & dissoluta in Ecclesia Dei à dictis personis Ecclesiasticis, quæ deberent esse lumen aliorum, & lucernæ super candelabrum posita; juxta id quod Dominus ait: sensus hebetant Iudaorum & etiam Paganorum: Et etiam illi, qui ratione Divinæ agnitionis omni modo carent, istorum detestantur insaniam, & istorum distorta & Deo contraria itinera sanius sapiendo redarguunt.* Inde quæ via in Reformatione tenenda sit, explicans, pertendit, in Concilio tali ad Legem Dei, ad Euangelium, ad Concilia instinctu Spiritus S. approbata, ad bonas etiam leges humanas recurrendum, & abusus omnes, consuetudines, dispensationes, privilegia, libertates, exemptiones illis adversantes abolendas esse. Papam ipsum se & sua facta Divi-

Durandi Mimatenfis de Concilio celebrando liber Clerum Romanum describit, ejusque reformationis formam præstat.

nis & humanis legibus conformare debere: Ecclesiam Romanam in multis à sacra primitivæ Ecclesiæ institutione, sanctorum Patrum & Conciliorum & Decretorum sententia deviantem, & primæ institutionis oblitam scripturæ subjiciendam esse: Papæ interdicens, ne causæ ex Provinciis in Curiam transferantur: Simoniam, quæ in Romana Curia perinde regnet, ac si nullum peccatum esset, pluralitatem beneficiorum, Cardinalium pensiones, titulum universalis Episcopi à Gregorio M. repudiatum, abolenda esse, renovandumque Milevitani Concilii Canonem, *ut una quæque causa in sua Provincia terminetur*: Matrimonium in Concilio eo sacerdotibus concedendum: cogendos esse Monachos ad laborem manuum: reprimendum abusum imaginum, indulgentiarum & pœnitentiarum, Monachorum licentiam humana inventa prædicantium. Identidem verò exclamat, tanquam in morbo desperato, spem omnem abjiciens: *Proh dolor* (ita par. 3. *At reformari posse des. rat.* Tit. 28. & sequ. exclamat) *quia videtur in ipsa Ecclesia verificari dictum Esai. 34. in figuram Babylonicæ civitatis, gloriose in Regnis & inclytæ in superbia Chaldeorum, de qua dicitur: Erit cubile Draconum & pascua strutionum, occurrent demonia, Onocentaurus & pilosus clamabit alter ad alterum: ibi cubabit lumia, & inverit sibi requiem ibi habuit foveam ericius, & enutrivit catulos illic congregati sunt milvi alter & alterum. Utinam non verifcetur verbum in Clero Esajæ dicentis: Populus hic labiis me honorat, cor autem eorum longè est à me.*

CXXIV. Fuisse verò spem illam de reformatione Ecclesiæ conceptam vanam, eventus docuit. Neque enim in Concilio mox Viennæ præsentè Rege Philippo, celebrato, commonefactionum ejusmodi fructus ullus fuit. Quinimo in eo edita est Decretalis illa, cui initium *Pastoralis*, in qua Clemens sese supra Imperatores longè extollit, vicarium se Regis Regum professus. Tum etiam fratrum

Spem reformationis vanam fuisse, Concilii Viennensis, quo Decretalis de Potestate Papæ supra Cæsares edita, fratrum Mi-

*norum religio
confirmata
est, eventus
docuit.*

*Templario-
rum horribile
excidium;
quibus inno-
centie non-
nulli te-
stimonium
perhibent.*

trum Minorum religio auctorata est, ridicula illa lege, cujus in Clementinis initium: *Exivi de Paradiso, dixi: Rigabo hortum plantationum*; ait ille Cælestis agricola, qui verè fores sapientie, verbum Dei à Patre in Patre manens, genitum ab aeterno &c. Talia præfatus pergit: *Hic hortus siquidem est fratrum Minorum sancta religio, quæ muris regularis Observantiae firmiter undique circumclusa, intra se solo contenta Deo, adornatur abundè novellis plantationibus filiorum.* Denique in eo Concilio damnantur hæreseos & aliorum criminum Templarii, exinde pluribus locis crudelissimè combusti, totaque Ecclesia proscripti, bonis spoliati. Innocentiæ testimonium iis perhibent Bocatius, Villanus, Antoninus, Naclerus, Aventinus, alii. Neque desunt, qui incanduisse in eos Pontificem asserant, eò quòd curiam Romanam, cui excidium Palæstinæ tribuebant meritò, detestati essent. Certè plerique tormentis nullis, ut crimina sibi impacta confiterentur, adduci potuerunt. Quin potius nonnulli ad supplicia rapti Clementem & Pulchrum, uti etiam Haraldus in *Epitome Annalium Ordinis Minorum* ex octo Tomis Lucæ Waddingi excerpta, testatur, ad Dei tribunal animosè citârunt, quos inter Jacobus Burgundio Ordinis princeps, quæ in quæstione dirissima confessus erat, ad ignis supplicium productus, cum spes veniæ ipsi, dummodo quæ in custodia fassus erat, palam confiteretur, facta esset, palinodiam cecinit, & sævissimè ac lentè ustulatus licet, Ordinis innocentiam ad finem usque vitæ constanter professus est. Quid quòd supplicii sublatos Templarios pro Martyribus cultos Naclerus *Generat.* 44. p. 244. testatur: & nuper Drexelius *lib. 2. Trib. Christi cap. 3. §. 2.* pro iis apologiam texuit?

*Henricus VII.
Roma Cardi-
nalibus sa-
cramento di-
cere reuens à*

CXXV. Eodem Pontifice A. MCCCVIII. Cæsar à Principibus Germaniæ Henricus VII. Lucelburgensis creatus est. Mox Romam contendit, coronam à Pontifice indeptu-

depturus. Cùm verò Cardinalibus (quos cum Senatoria *Bernardo*
 potestate Romæ Pontifex reliquerat) sacramentum præ- *Poliziano ve-*
 stitandum denegasset, dictitans, contra morem majorum, li- *venenata hostia*
 bertatémque Religionis Christianæ militare, ut Princeps *subsidio ue-*
 Principum, Orbisque terrarum dominus, servo servorum sa- *casur.*
 cramento dicat, Papæ odium internecinum incurrit. Per
 Robertum igitur Regem Neapolitanum insidias ei struxit,
 quibus brevi succubuit, venenata hostia à Bernardo Po-
 litiano Dominicano confessore suo, ad id subornato, cum
 Florentiam obsideret, sublatus. Deus scilicet Panaceus
 Imperatori optimo cor percussit atque deturbavit. Papa
 quidem edita Bulla ab ordine Prædicatorum infamiam ab-
 stergere conatus est. Nefarium tamen facinus unanimi
 consensu historici omnes affirmant. Et Vitoduranus no-
 ster Henrici *ὁ γὰρ* fusè in primis & *ὡς αὖτε* apud
 Celeb. Hottingerum *Hist. Eccles. Sec. XIV. p. 752. &c.* histo-
 riam edisserit.

CXXVI. Non defuerunt sanè perditis illis tempori- *Dantis A'i-*
 bus, qui propalam Romanæ Ecclesiæ corruptionem de- *gerii de E cle-*
 testarentur meritò; Dantes Aligerius, Florentinus, edi- *sia Rom. que-*
 to tractatu, cui titulus *Monarchia*, Donationem Constan- *rela.*
 tini refutavit, & usurpationes Pontificias graviter repre-
 hendit. In Poëmate de Paradiso Italica lingua conscri-
 pto, acerbè quiritatus est; Papam in lupum evasisse, oves
 Christi à vera via divertisse, propterea Evangelium deserui, Patrum
 scripta negligi, solis Decretalibus incumbi; de Nazaretho, ubi Ga-
 briel alas suas expandit, neminem cogitare, Vaticanum tantum &
 alia selectiora Romæ loca à Papa & Cardinalibus attendi. Et hæc,
 inquit, militiæ Christi, cui nomen dederat Petrus, cæmiterium
 fuerunt, cùm interim doctrinam Romæ verè sepeliverunt. Olim
 illatum Ecclesiæ gladio bellum: inferri jam fame, sublato pane illo,
 quem Deus ei alenda dederat, nempe Verbi Divini Prædicatione &c.
 Scripturam Divinam aut omnino à tergo relinqui, aut violenter
 torque-

torqueri: *Vnumquemque in suis commentis sibi plaudere: Euangelium verò taceri. In cathedra toto anno vanas quæstiones, meras fabulas personare; oviculas interim hoc vento pastas tabescere. Memorabile cum primis, quòd eodem tempore Fridericus III. Siciliæ Rex, Princeps cætera religiosus, Ecclesiæ Romanæ scandaloso regimine ita commotus fuerit, ut de Veritate Euangelij subdubitare jam cœperit, anxius scilicet: *Euangelij ne doctrina, an Ecclesiæ traditio humanum inventum esset.* Confirmatus autem in vera fide est ab Arnolddo Villanovano, ostendente ei scandala illa in ipso Dei Verbo jam pridem prædicta; & bis jam Sedi Apostolicæ *Apostasiam Diabolicam*, sub Bonifacio VIII. & Benedicto XI. denuntiata, & tertia vice mox denuntiandam iterum esse. Et dubitationes Regis, & Villanovani discussionem dubitationum lectu dignissimam Cl. Mornæus *Myst. Iniq. pag. m. 973. &c.* fusè admodum repræsentat.*

CXXVII. Clemente V. mortuo cùm Cardinalibus mirè dissidentibus duorum annorum Inter-pontificium esset, & eligendi tandem Pontificis arbitrium uni Cardinali de Ossa Cadurcensi Gallo deferretur, præter omnium expectationem conscenso throno, *Ego sum Papa*, clamavit; atque sic Jove scilicet æquo judicans, se ipsum elegit, dictus Johannes, ab alijs XXII. ab alijs XXIII. ille scilicet, qui apertè docuit & prædicavit animas defunctorum fidelium ad beatam Visionem Dei ante tempus resurrectionis non admitti, quem ejus errorem Sorbona, Gersonne in *Sermone Paschali* teste, damnavit, aliique etiam passim, in primis Thomas Wallis Anglus Dominicanus, quem Papa propterea in carcerem compegit, ceu hæresin graviter refutârunt: (quam in rem multa nuper Lauenojus *Epist. lib. I. 5. & lib. III. Epist. ult.* eruditè disseruit) quique etiam *Extravagantes* edidit, quibus Papa Imperatori, ut Sol Lunæ præfertur: eique facultas transferendi

impe-

Fridericus
III. Sicilia
Rex Ecclesiæ
Rom. statu
offensus de
Euangelij i-
psius Veritate
dubitavit, &
ab Alphonso
Villanovo in-
ter confirmatur.

Johannes
XXII. seip-
sum eligens,
animas ante
finem mundi
Deo frui ne-
git;

Et Papam
Imperatori,
ut Solem Lu-
na præferre
aliique su-
perbissimi de-
cerint.

imperia, excommunicandi Angelos, ex quadrato rotundum, ex injuriâ jus faciendi, contra jus naturale, gentium, civile, decreta, Canones, Concilia, Testamentum Vetus, Euangelia, dispensandi vindicatur.

CXXVIII. Talis verò cum fuerit, non potuit non Cæsareo-Papatum suum proferre, & inimicitias adversus Cæsarem, supremum in terris Dominum gestis exercere. Mortuo scilicet Henrico VII. scindebantur Germanorum studia, aliis Ludovicum Bavarum, Fridericum Austriacum aliis eligentibus. Uterque confirmari à Papa cum petiisset, rejectus uterque ab eodem est, Fridericus, quod sapientis Salomonis stolidus filius esset: Ludovicus, quod ea jam ausus esset, quæ nondum confirmatum Cæsarem dedeçant. Postea tamen cum Friderico, fatuo scilicet illo, adversus Ludovicum Papa conspiravit. Ludovicus contra, victo Friderico, in Italia Gibellinos contra Welfhos corroboraverat. Id verò contineri tacitis discordiis non potuit, sed in fortunas Cæsaris & Imperii erupit. Nam & publico scripto Papa Cæsarem citavit, ut intra trimestre se Avenione sisteret, factique sui rationem redderet; & ut interea Imperium deponeret, præcepit. Imperator verò adhibitis in consilium omnibus Academiis Guilhelmo cumprimis Occam, Bona Gratia Bergamenſe & Michaelē Cæſenate Franciscanorum Antistite, Marsilio Patavino, aliisque, Cæsareis adversus Papam partibus sese applicantibus; ad Generale Concilium provocavit. Quod indignè cum ferret Papa, eum excommunicavit. Non multo post Romani à Pontifice postulârunt, ut Avenione relicta Romam rediret. Quod cum facere detrectaret, Ludovicum Imperatorem accersunt, qui A. mcccxxviii. Italiam cum exercitu intrans, mox Romæ per Stephanum Columnam Cardinalem, invito Pontifice, in Laterano una cum Coniuge coronatus

Cæsareo-Papatum suum tuetur adversus Ludovicum Bavarum, quem anathematis subijcit.

Ludovicus verò Romam occupans ibidem coronatur, & de-posito Johanne Nisclaum V. Antipapam creat.

& Augustus proclamatus est. Mox de consilio Cardinalium, Cleri & Populi Romani Pontificem Johannem Romanam citavit, & coram sententiam dicere iussit; non Imperatorem ab Ecclesia, sed Ecclesiam ab Imperatore pendere asserens, uti Onuphrius scribit. Cum autem comparere nollet, Pontificatu eum privat, & imagine ejus coram combusta Nicolaum V. cui ante Petro Corbario, Minoritæ, nomen erat; Antipapam-constituit, quo proditione Pisfanorum Johanni tradito, ac in carcere mortuo, tandem Johannes etiam A. MCCCXXXV. moritur, relicta in thesauris tanta auri vi, quantam nullus ante eum Pontifex reliquerat. Naclerus millies viginti quinque millia aureorum reliquisse scribit.

*Johannes
paupertatem
palam irri-
det, &
Franciscanos
repugantes,
ceu hæreticos
damnat.*

*Certamen
Franciscanos
inter & Do-
minicanos de
Christo in
cruce pendente,
nudone,
an corona regia
& toga
purpurea ve-
stito, aceri-
mum.*

CXXIX. Erat scilicet Johannes adeò divitiarum appetens, ut paupertatem non solum à Christo ejusque Apostolis, sed à Philosophis etiam, Poëtis & Oratoribus gentilibus collaudatam, palam irriserit, & Franciscanos opinioni suæ adversantes, ceu hæreticos excommunicaverit, Fraterculos appellaverit, pluresque etiam combusserit. Gliscebátque adeò vehementer hæc de paupertate Christi contentio Franciscanos inter & Dominicanos, Johannis asseclas; affirmantibus illis, Christum nudum pependisse in cruce, neque habuisse, ubi reclinaret caput suum, spinea corona obseptum; his verò pertendentibus, Christum in cruce pependisse non nudum, nec spinea corona caput redimitum, sed ornatum in capite corona Regia & aurea, indutum vero prætexta, id est, toga purpurea, usque ad talos demissa, & limbis aureis prætextata, insuper & cinctum zona aureis bullis insigni, pedesque calceis deauratis seu bracteatis circumdatum; Talem scilicet Christum crucifixum Johannes & cum eo Dominicani etiam pingi & in Templis suspendi curarunt, testante Bullingero in *M. S. historia Joh. XXII.* sua etiam ata-

te multis in locis visas esse imagines tales Domini crucifixi, vetustate propemodum erosas. In nonnullis locis, teste Johanne Barvota Vitodurano Minorita, qui his ipsis temporibus vixit, visæ sunt imagines crucifixi, altera quidem manu ad crucem affixa, altera verò immissa in crumenam ex zona dependentem, veluti inde pecuniam in usus necessarios & pauperum prolaturâ. Quo figmento, Christum tantum non in Judam transformante, rudi populo significare voluerunt, Christum non ita, sicut à Franciscanis prædicabatur, pauperem fuisse. Et quò vana hæc Papæ, cui opulentissimo omnium, in divitiis tantum non beatitudinis apicem reponenti, adeoque argentum Euangelio, aurum Christi inopiæ præferenti (uti quidem etiam Ludovicus Imp. ipsi in Edicto objecit) Christi, cujus vicariam dignitatem sibi arrogavit, paupertas, fudes in oculis fuit; consilia flexerint, facile piis omnibus suboluit. Certè Alvarus Pelagius, Papæ illius Pœnitentiarius, Hispaniæ suæ decus, & edito de *Planctu Ecclesiæ*, magno & insigni, uti Trithemius vocat, opere, quo Ecclesiasticorum inprimis, hypocrisin graviter perfrinxit, celebris, in hanc Papæ & supparasitantium ei Dominicanorum, seu potius Dæmoniacorum impietatem acriter invectus est. Et nuper etiam Haraldus in Epitome Annalium Waddingi, Johanni huic adversus decreta præcedentium Pontificum, Nicolai III. & Clementis V. sub anathemate pro Franciscanis, quòd Cristus pauper fuerit, definientium, ejusdem opulentiam propugnanti, temeritatis notam haud obscure impexit.

Alvarus Pelagius Johannis impietatem damnat.

CXXX. Haud præter rem fuerit, tum Bullam Johannis, qua is Cæsarem Ludovicum afflavit, tum ex Ludovici etiam adversus Johannem Edicto nonnulla, præeunte Aventino, repræsentare. Sic autem Bulla illa, quam *vento plenam Aventinus, Bestialem Bullingerus* non immerito

Johannis ejusdem Bulla verè Babylica adversus Ludovicum Barbarum.

ritò appellant, nos *Babylonicam* insignire haud verecundamur; apud Aventinum *lib. VII. p. m. 468.* describitur: Postquam à decessoribus nostris res Romana, à Græcis ad Germanos translata, Carolo M. in fidem atque tutelam commissa est, summus ille honor, beneficium Pontificis Maximi esse solet. Decretum siquidem est, ut cum Germani Principes Regem jussissent, id demum ratum esset si Romanus Pontifex, Orbis Christiani Pater atque Princeps author fieret, nec ante cuiquam Comitibus Cæsareis, suffragiis Principum designato Regi, neque administrandi, neque Regij tituli usurpandi jus est, quàm primarius sacerdos, Dei O. M. Legatus, suo numine fauveat, & aspiret. Præterea summa potestas, maximum imperium, ubi orbis capite fuerit, penes Max. Pontificem, cujus beneficium illud est, existit. Itidem ubi septem suffragatores Comitibus Cæsareis discordes fuerint, neuter Rex est. Episcopus Romanus, sicut communis omnium Mortalium parens, fasces Romanos ob dissensionem destitutos, Rempub. derelictam, suo arbitrio temperat. Quemadmodum animus imperare, corpus illi, cujus beneficio vivit, servire debet: ita optimè consultum esse rebus Christianis, nemo ambigit, ubi fragilia æternis, prophana sacris, corporalia spiritualibus subdita sunt, atque obtemperant. Quod tum fiet, quando Pontifex Max. dignitatem utramque suo arbitratu moderatur. Ecclesia dominatur, ejus lege atque imperio omnis potestas redigitur. Et Imperator religionis sacramenti ei, qui terris præsidendo, vicem Cælestis Imperatoris perfunctur, addictus est. Hasce ob causas cum post fata Imperatoris Henrici septimi, duo, Fridericus atque Ludovicus Reges consalutati fuerint, ambo utpote contra auspicia creati, indigni sunt summo rerum humanarum fastigio. Respublica in medio derelicta atque dilacerata à nobis jure nostro administratur. Proinde Ludovicus maximo malo suo, non minore Ecclesiæ Romanæ detrimento, nec dum à nobis dignus, qui imperet, judicatus, sua sponte Regium nomen, rerum habenas temerè usurpavit, atque vi in Italia atque Germania occupat. &c. Nos igitur juxta munus cælitus nobis datum, Ludovico præcipimus, ut intra menses tres sese abdicet ab

Regio nomine, gubernatione, functionibus publicis, rebus gerendis penitus abstineat, à se hætenus acta rescindat, nec posthac nisi jussu & mandato nostro dignitatem resumat. Quòd si obtemperare detrectaverit, Patriarchis, Episcopis cunctis, sacerdotibus, principibus, civitatibus imperamus, ut eundem deserant, ac nobis parere cogant. Data atque publicata Avinione. A. C. 1321.

CXXXI. Neque vero Johanni Ludovicus parcat. In Edicto enim Comitiorum Reginoburgensium consensu vulgato, quod idem mox Aventinus fulissimè describit, inter alia isthæc legere est: *Johannes ille, qui se Papam XXII. nuncupat, qualis sit, oviculis Christi nostro beneficio operæ pretium est agnoscere, ne deceptæ ovilla pelle à servissimo lupo devorentur. Nempe sanguinem Christi annum sitit, discordia seditionumque mala ubique gentium inter Christianos serit. In Germania & Italia pollicitationibus auroque Principes, Sacerdotes, & cives corrumpere nititur. Non licet per hunc ANTICHRISTVM Christianis pacem à Deo datam servare. Tanta est hominis, vel potius SATHANÆ illius vacordia. Publicè pro concione scelera sua quasi benefacta prædicat. Cum Christiani, inquit, Principes inter se discordant, tum verè Romanus Papa est. Pontifex Maximus, demum regnat, demum dominatur. Seditio atque discordia Germanorum salus est Pontificum Romanorum. Ideo etiam discordiam nostram aluit, modò mihi, modò Austriaco favebat, imò se favere simulabat. Ad consecrationem ultro invitabat, sed per fallaciam utrisque verba dedit, & ad pacem pronos rursus arma sumere persuasit. Astu hæc omnia egit, ut interca dum domesticis cognatisque bellis atterimur, ille sic imperium labefactet, & adversus Sanctos Dei pugnet. Præterea nihil videt, nihil facit nisi quod lubet. SATHANÆ Spiritum sibi sumit, se similem Altissimo facit, se ADORARI, quod tamen Angelus sibi à Johanne fieri prohibuit, pedes sibi osculari, more Diocletiani atque Alexandri, crudelissimorum tyrannorum, permittit. Ludibrium naturæ abominabile, ira Dei, scordia atque ignavia nostra est, Prin-*

*Et Ludovici
adversus Jo-
hannem Edi-
ctum ex Aven-
tino represen-
tatur.*

cipem Principum servo servire servorum. Si servus servorum Dei est, cur non servit ministrando atque docendo? Cur mentitur, fallit & dominatur? Pascat bonus Pastor oviculas Christi & amet, non armis oppugnet & vi opprimat. Illius Conversatio sit in Cælis, spiritualibus deditus, corporalibus se non contaminet. Nos nostro jure, Majorum instituto, sicut jus gentium est, & sacra doceant Oracula, res nostras, nimirum terrenas agere sinat, & verbum inter nos non commutabimus. Et tandem desinat tam impudenter mentiri, nisi forsan omnes Germanos (ut Romanenses autumant) stultos, caudices, asinos, stipites & plumbeos existimat. Me hereticorum, ut ejus verbis utar, fautorem falsò vocat. Christianus sum, & IPSE HÆRESIARCHA est. Non enim discipulus est Christi, qui vitam ejus irridet, paupertatem contemnit, religionem polluit, sacra prophanat, & dogmata vilipendit, &c. Ab ipso ad totius Orbis Christiani Senatum provocamus. Et reliqua.

Ejusdem Ludovici adversus Benedictum XII. absolutionem à diris Johannis negantem, heroicum diploma.

CXXXII. Qui Johanni successit Benedictus XII. similitates cum Ludovico Imperatore hostiliter admodum continuat & absolutionem à diris Johannis cujus spem nonnullam Legatis ejus fecerat, pertinaciter negat tamen. Qua injuria incitatus Imperator A. M C C C X X X V I I I. Francofurti ad Mœnum, præsentè etiam Eduardo III. Angliæ Rege, Pontificiæ tyrannidis oppugnator acris, de communi Imperii & Episcoporum etiam plurium consilio heroicum diploma edit, in quo Papam cum suis *Phariseos, perditissimos Antichristos, in Templo Dei instar Dei sedentes*, nuncupat. Acta Johannis XXII contra Cæsarem abrogat, apertè demonstrans, Romanum Imperium non à Pontifice, sed à solo Deo, per legitimam Ordinum Imperii electionem, potestatem suam accipere, coronationem verò Pontificis neque addere, neque adimere quicquam potestati Imperatoriæ: neque etiam convenire Pontifici ullam jurisdictionem aut potestatem politicam, denique Generale Concilium anteferendum esse judicio Papæ.

pæ. Diploma Aventinus *lib. VII.* & Naucerus *fol. 886. &c.*
 recitant. Post Clemens VI. absolutionem quidem Cæsa- *Clemens VI.*
 ri, intercedente Philippo Galliarum Rege, promisit, sed *absolutionem*
 durissimis conditionibus; *si Occamum Pontifici dederet, acta* *sed diris con-*
contra Pontificem rescinderet, edicto sanciret, Imperium esse bene-
ditionibus,
ficiam Papæ, omnes errores & hæreses objectas confiteretur: Im-
quibus repu-
perium deponeret, nec nisi volente Papa resumeret, & se ipsum, *diatis Papa*
liberos, omnesque ditiones in manus Pontificis traderet. *Cæsarem a-*
liam eligi ju-
bet.
 Imperatori exposita sunt, convocatis Francofurtum Im-
 perii Proceribus, formulam reconciliationis recitari jubet:
 Displicet ea omnibus. Fit decretum, postulata iniqua ef-
 fe, ac pertinere ad Imperii oppressionem, & Pontificiam
 tyrannidem confirmandam: proin repudiandam eam ef-
 fe. Neque tamen Reges Francorum & Bohemorum re-
 conciliationis negotium deponunt, sed strenuè urgent;
 operam nihilominus ludentes apud superbissimum, per-
 tinacissimum & inclementissimum Monachum Clemen-
 tem. Consulti ab iisdem Theologi Parisienses & Bono-
 nienses. Qui rescripserunt, postulata Clementis non ini-
 qua solùm & superba, sed æquitati etiam Christianæ prorsus
 contraria esse. Rursus igitur Legatio ad Pontificem ab
 Imperatore, omnibusque Imperii statibus mittitur, mo-
 neturque Pontifex, à frivolis & in eversionem Imperii ex-
 cogitatis conditionibus desisteret. Ille verò, elusæ instar
 tigridis, efferatus A. MCCCXLVI. in Coena Domini, atroci
 oratione in Ludovicum habita, omnes Johannis
 XXII. processus innovavit, Ludovicum schismaticum
 & hæreticum declaravit, & Electoribus alium brevi Re-
 gem eligerent, nisi malint ab ipso Pontifice Regem sibi
 dari, præcipit. Electores dicto audientes Rhensii alium
 Romanorum Regem, Carolum Moraviæ Marchionem,
 & Johannis Regis Bohemiæ filium eligunt. Repudiatur
 ille Spiræ in Comitibus à Ludovico indictis, & utrinque
 Electus Car-
 lus Spira in
 Comitibus re-
 pudiat &
 ad arma con-
 curritur. Lu-

*Ludovicus veneno
propinato
moritur.*

ad arma concurritur. Inter turbas has, incendia, devastationes & strages Ludovicus veneno à vidua Alberti Austriaci, uti suspicio erat, propinato, quod agitatione corporis inter venandum cum excutere laborasset, ex equo, in quo ursum ingentem impetierat, præcipitatus v Id. Octob. A. MCCCXLVII. beatam animam Deo reddidit; Clarissimus Heros meritò summis Imperatoribus annumerandus; cum in summis discriminibus & periculis, cum Pontificum trium tyrannide assidue colluctatus annos triginta tres Princeps omni laude major, qui bellum nunquam cuiquam intulit, sed ab aliis illatum masculè depulit, regnasset; cui ad omnium virtutum magno Principe dignarum cumulum unum defuisse videtur, quòd lenius Pontifices tractavit, nimiaque submissione eorum in se superbiam magis exasperavit, ignarus scilicet, non esse cantanda carmina cordi pessimo, uti Solomon Proverb. xxv. 20. monuit. Sed tyrannide quadam temporum abreptus Princeps optimus præstare, quod fortè voluit, non potuit. Mereturque inprimis lectionem liber Doctissimi Georgii Herwarti Bavari, quo is adversus impudentissimum Bzovium pro Ludovico apologiam gravissimam texuit.

*Clementi sese
opposuerunt
viri plures ce-
lebres, Occa-
mus & Leo-
poldus Bam-
bergensis E-
piscopus cum-
primis.*

CXXXIII. Sed Ludovici causam adversus Clementis inprimis rabiem fortissimè omnium scripto egit Guilhelmus Occam, natione Anglus, Ordinis fratrum Minorum, Johannis Scoti discipulus, Ludovici *ὁ γυναικας*, Vir, ita de eo Trithemius, in *Divinis Scripturis eruditus*, & in *Philosophia Aristotelica nobiliter doctus*, ingenio subtilis & clarus eloquio. Is enim libro adversus Clementem emissio, Clementem hereseos nota inurit, ipsum Antichristum, paupertatis Christianæ osorem, hostem Reipub. conjuratum, Germanorum, gentis Christianissimæ inimicum, sectatores falsorum Pontificum & seditiosorum luporum, appellat. Leopoldus quoque Bambergen-
genfis

gensis Episcopus, & Occami Collega, in tractatu, cui titulus, *Vindex pacis Christiana*, publicè asseveravit: *Pontificem, nisi Antichristi fastum, quàm Christi & ejus comitum paupertatem amulari malit, infimi cujusque Christiani, nedum suprema potestatis servum esse, tantum abesse, ut cum maxima Reipublicæ Christianæ jactura dominari, quicquid libitum fuerit, faciliare, Deus non solum dici, sed credi postulet.* Hæc aliæque Aventinus lib. VII. *Annal.* memorat. Cæteri Theologi, & juris utriusque periti, eandem in sententiam pleraque disputârunt, & in libellos redegerunt. Quorum opera in Bibliothecis cum blattis & tineis diu colluctata perierunt. Author etiam Naucerus est, Papæ imperanti, ut Ludovicum mortuum pro hæretico omnes censerent, cùm alibi, tum Basileæ cum primis cordatos viros se opposuissent, negantes primùm, se Ludovicum pro hæretico habere velle; deinde protestantes apertè, se eum semper agnituros & habituros Imperatorem, quem Imperii Principes elegerint, sive approbatus & consecratus, sive improbatus à Pontifice fuerit.

CXXXIV. Ludovico Imperatori, post varios discordibus consiliis electos, tandem successit ille, qui Ludovico vivo oppositus erat, Carolus, quartus postea dictus. Is primo vere A. MCCCXV. ingressus Italiam cum exercitu Germanorum & Bohemorum, à Pontifice Innocentio VI. sibi per Cardinales ejus Romæ subsistentes coronam dari petivit; ac eam quidem obtinuit, sed majore dedecore, quàm superiorum Imperatorum quisquam. Imperator ex equo ad portam Romanæ urbis descendens, pedes urbem ingreditur. Id quod falsè exagitavit Senator non nemo Romanus, qui in Capitolio Orationem habens; *Ecce Rex tuus*, inquebat, *venit tibi mansuetus*, &c. Si venisset, ut digni erant nebulones isti Romani, venisset armatus stricto gladio, quem in ipsorum viscera ac

Carolus IV. coronam ab Innocentio VI. magno cum dedecore obtinet, promittens se nunquam Italiam repetiturum.

capita strinxisset. Hostiensis verò Cardinalis Avinione Romam missus hac demum conditione coronam ei promissit, si promitteret, Italiam se mox deserturum, in Germaniam vel Bohemiam suam rediturum, & Italiam nunquam deinceps repetiturum, nisi vocatum ab ipso Italiae domino Pontifice. Quam etiam conditionem iniquissimam Cæsar ille, sacrificulorum cliens (unde *Presbyterorum Cæsar der Pfaffenkeyser* vulgò nuncupari suevit) turpiter admisit, adeoque quæ verba Aventini lib. VII. *Annal.* sunt, *Libertatem Germanam, Majestatem Imperii Romani, populi victoris gentium fortunam, Christianam simplicitatem hostibus Reipub. Christianæ prodidit.* Alia etiam enormia satis Carolus admisit, Abbatibus parem Principibus in Imperio locum tribuens, Delphinatum Regi Gallia vendens; Silesiam, Lusatiam, aliâque Bohemiæ suæ addens; & Electoribus, ut filio Wenceslao faverent, Rheni vectigalia oppignerans. Atque ita Aquila deplumata est, ut cæteris avibus posthac contemptui esset. Talémque Imperatorem Romæ, omnium fere malorum architecta, & verè ἀπολύσαι dedit.

Ita Carolus
Majestatem
Imperii Rom.
prodidit, &
Aquilam de-
plumavit.

Petrarcha id
Carolo expro-
brat, & Cu-
riam Romanam nomine
Babylonis Occidentalis gra-
viter exagitat.

CXXXV. Vixit ea ætate Franciscus Petrarcha, natione Florentinus, Parmensis Archidiaconus, Seculi fui lumen. Is ignominiosa hæc Caroli coronatione motus, sic ad eum scripsit. *Nescio quid Romano Pontifici pollicitus, jurjurando interposito, quasi manu valida, seu monte invio, Romanæ urbis aditu prohiberis. Quenam ista superbia est, Principem Romanum, publicæ libertatis authorem, libertate privare, ut cujus esse debent omnia, ipse non sit suus? In alia Epistola idem sic scribit: Omnis potestas impatiens consortis erit. Cujus rei si qua antiqua non sufficerent, vereor ne recens nobis exemplum casus attulerit, neu jam Pontifex Romanus Principem Romæ esse vetuerit: quod fama loquitur. Quem nunc Diademate contentum, ac Imperii titulo Roma non solum patitur, sed jubet; &*
quem

quem dici Imperatorem sinit, imperare nullo modo permittit. Idem Petrarcha tum in Poëmatibus suis Romam Babyloniam meretricem, erroris scholam, hæreseos Templum passim vocat; tum in Epistolis suis disertissimis gravissimisque Curiam Romanam sub nomine Babylonis Occidentalis graphicè depingit. Inter multa alia *Epist. xiv.* sic scribit: *Quis, oro, non fugiat Babylonem* (Curiam Romanam Avinione tum residentem innuit) *& Vitiorum simul omnium, & laboris ac totius miseriæ domum. De qua quidem aliquid nôsse debes. Visa loquor, non audita. Ibi nulla pietas, nulla charitas, nulla fides, nulla Dei reverentia, nullus timor, nihil sancti, nihil justî, nihil æqui, nihil pensî, nihil denique humani. Amor, pudor, decor, candor inde exulant. De Veritate quidem sileo. Nam quis unquam vero locus, ubi omnia mendaciis plena sunt, ær, terra, domus, turres, vici, atria, plateæ, porticus, vestibula, aule, thalami, tectorum laquearia, murorum rimule, diversoria adium, penetralia Templorum, Judicium subsellia, Pontificum sedes? Epistola superiore nona Romanam Curiam Labyrinthi & Babylonis tertiæ nomine infamaverat: ubi non carcer horrendus (sic enim loquitur) non tenebrôsæ domus error, non fatalis urna humani generis fata permiscens, denique non imperiosus Minos, non Minotaurus vorax, non damnatæ Veneris monumenta defuerint, sed remedia, sed amor, sed charitas, sed promissorum fides, sed amica consilia, sed filia perplexum iter tacita ope signantia, sed Ariadna, sed Dædalus; una spes salutis in auro esset, auro placaretur Rex ferus, auro immane monstrum vinceretur, auro tristis janitor emolliretur, auro Cælum panderetur, auro Christus venderetur. Epistola decima sexta ore liberimo de universa Pontificis aula sic pronuntiat: In Babylone Regno avaritiæ, futuræ vitæ spes inanis quædam fabula: & quæ de inferis narrantur, fabulosa omnia: & resurrectio carnis, & mundi finis, & Christus ad judicium venturus, inter narias habentur. Similia plura ex eodem Petrar-*

cha

cha Bzovius excerpſit , & nos in loco repræſentabimus.

Plures etiam
cordati ejus-
dem Curia
impietatem
liberè notant.
Veluti Joh. à
Rupe-ſciſſa.

CXXXVI. Neque verò ea ætate viri cordati *ωάρρησια-ζήδουοι* defuere plures. Innocentius VI. Pontifex Jo-
hanem à Rupe-ſciſſa, Monachum Franciſcanum Avinione
captivum attinebat , *propter res miras* , ita Froiſſardus *vol. 3.*
cap. 24. ſcribit , *quas eventuras ille dicebat , præſerim ſuper*
Prælatos & Præſidentes in Eccleſia , ſcilicet ob immenſum luxum &
ambitionem , quibus dediti erant , &c. Probaturum autem ſe dice-
bat omnia dicta ſua per Apocalypſin , & veteres libros S. Prophe-
tarum , qui ipſi per gratiam Spiritus S. eſſent reſecti , &c. Re-
tulit is aliquando eodem teſte , Cardinali Hoſtienſi , con-
tigiſſe Eccleſiæ , quod olim pulcherrimæ aviculæ , quæ im-
plumis nata , cum volare non poſſet , de vita periclitaba-
tur. Aves alias ejus miſertas , plumis eam operuiſſe , hoc
eſt , Reges & Principes Eccleſiam effuſis in eam ſuis patri-
moniis ditâſſe , & ſupra modum exaltâſſe. Avem verò , ut
ſe auctam viderit , ſuperbire & ferocire , aliâſque roſtro
& unguibus petere cœpiſſe , hoc eſt , Eccleſiam cum Im-
peratoribus inimicitias graves fuſcepſiſſe. At aves plumas
ſuas inde repetiſſe. Ita Principes beneficia & dona ſua re-
petituros. (confer hic Apoc. xv i i. 13. 16.) Addit Froiſ-
fardus , prædictiones ejus multas eveniſſe , omnia eum per Apo-
calypſin confirmâſſe , & comprobationes veras , quibus ſe armabat ,
ſæpius ipſum , quò minùs combureretur , ſervâſſe. Scripſit idem
Franciſcanus in carcere Tractatum Propheticum , cui ti-
tulus ; Vade mecum in tribulationem in quo Antichriſtum in
Papatu regnare aſſeveravit , & Eccleſiæ reformationem
præſagiebat. Sed & Magiſter Nicolaus Oremus , Theol.
D. ille ſcilicet , qui urgente Carolo V. Galliarum Rege
Biblia ſacra in linguam Gallicam tranſtulit , coram Urba-
no V. concionem habuit in verba Eſaiæ cap. lv i. 1. Juxta
eſt ſalus mea , ut veniat , & juſtitia mea ut reveletur , in
qua

M. Nicolaus
Oremus.

qua Antichristum venisse his scilicet argumentis comprobatur: quia jam tum Imperium Romanum desolatum sit; quia Ecclesia sit pejor moribus, quàm fuerit olim Synagoga: quia Sacerdotes sint majores, quàm Principes seculi: quia fastus Prælatorum ad fastigium enixus sit; quia tyrannidis Præsidentium summa sit; quia in Ecclesia non promoveantur nisi indigni, & vilipendantur meliores; quia Politia sæcularium tribuletur, & populi passim commoveantur; quia Ecclesiæ Principes incorrigibiles sint. Et deinceps etiam objectiones diluit. Inprimis autem iis temporibus S. Brigidæ & Catharinæ Senensis revelationes celebrabantur. Et Brigida quidem, gente Scota, in Revelationibus suis A. MDCXXXVII. Colonix una cum Turrecremata, Recognitione & Consalvi Duranti observationibus editis, *maturo Theologorum judicio* (ita Cardinalis Bona ipse in *Notitia Scriptorum* nuper scripsit) *approbatis*; Christum sibi visum *lib. I. cap. 41.* inducit, qui Pontificem Clementem VI. vocat *animarum interfectorem, Ovium Jesu Christi dispersorem & laceratorem, abominabiliorum Judæis, inimiciorem Juda, injustiorem Pilato, pejorem Lucifero, sedem ejus demergendam esse, sicut lapidem ponderosum: Assessores suos arsfuros in igne sulphureo & inextinguibili.* Sacerdotes etiam reprehendit, quod eorum culpa doctrina Christi neglecta, & ferme abolita, & Divina sapientia in pravam & vanam conversa sit. Alicubi etiam vidisse se ait Virginem, dicentem ad filium, *Romam esse feracem agrum.* Respondisse Christum: *Est, sed zizania.* *lib. V. cap. 41.* Christus ita de Gregorio XI. Papa judicat: *Gregorius Papa est similis Paralytico, qui non movet manus ad operandum, nec pedes ad ambulandum. Tenet eum quasi impeditum immoderatus amor sanguinis sui, & frigus tepiditatis ad me.* Catharina quoque Senensis, cujus Legendam Raimundus conscripsit, audita Perusinarum adversus Pontificem rebellione: *Non incipiat, in-*

S. Brig

Catharinæ
Senensis.

quit, *fletum vestrum tam citò, quia nimis habebitis flere. Istud enim quod modò videtis, est lac & mel respectu subsequendum, &c. Hoc modò faciunt laici, & citò videbitis, quòd deteriora facient Clerici. Facient enim scandalum universale toti Ecclesiæ Dei, quod tanquam pestis hæretica ipsam scindet & conturbabit. Non enim propriè hæresis, sed quasi hæresis, & quedam divisio Ecclesiæ, totiusque Christianitatis. Id Raimundus interpretabatur de Schismate quod Gregorii abutum consecutum est. Addit idem Raimundus: Ego curiosus factus ad investigandum de futuris post illam conquassationem, interrogavi eam (Catharinam) ex quo manifeste innotuerat, futura sibi Divinitus revelari, &c. His tribulationibus & angustiis modo imperceptibili hominibus, purgabit Deus Ecclesiam suam sanctam, & suscitabit Spiritum electorum suorum. Sequeturque post hæc tanta Reformatio Ecclesiæ Dei, & renovatio Sanctorum Pastorum, quòd ex solo cogitatu exultat spiritus meus in Domino. Et sicut alias pluries dixi, Sponsa, quæ nunc est, tota deformis & pannosa, erit pulcherima monilibus pretiosis ornata, cunctique fideles gaudebunt, tam sanctis Pastoribus decorati. Quæ Prædictio ad Ecclesiæ reformationem referenda omnino est.*

Wiclefus Angelus inprimis, cujus in detegendo Antichristo, oppugnanda falsa doctrina, Magnatibus ipsi Veritatis succumbentibus, zelus & patientia incomparabilis laudantur.

CXXXVII. Circa eadem tempora, Anno nimirum MCCCXLX. caput extulit Johannes Wiclefus, Oxonii natus, Philosophus & Theologus insignis, qui præ cæteris Ecclesiæ Romanæ ulcera mascule detexit. Non satis habuit ille, ex Scripturis, historiarum serie, validis rationibus, propriisque actibus luci manifestæ dare, Papam esse Heresiarcham, Antichristum in Scripturis designatum, abominationem desolationis in abstracto, astu Sathana introductam, apostema Ecclesiæ; sed ipsius etiam doctrinæ penetralia ingressus, vanitatem, superstitionem, idololatriam coarguit; cultum à Creatore ad creaturas, ad Mortales, Sanctos, reliquias, imagines derivatum reprehendit; Redemptoris Sacrificium in ineptum Missæ spectaculum conversum; mortis

mortis & Passionis Christi beneficium in dispensationes, peregrinationes, indulgentias, puri, vel potius impurissimi hominis beneficia, an veneficia commutatum; populum à Christi merito ad propria merita; à solido crucis Christi præsidio ad cassam operum arundinem; à Deo universi Creatore ad hostiolam panis revocatum gravissimè questus est. Testantur id multifaria ejus scripta, à Johanne Barlæo *Cent. 6.* memorata plusquàm ducenta, inter quæ ejus Commentationes *de veritate Scripturæ, de Christo & Antichristo & ejus membris, de Papa Romano, de nequitiiis ejusdem, de Officio Pastoralis, de Ministrorum Conjugio, de non saginandis sacerdotibus, de seductione simplicium, de impedimenti Evangelizantium, de amplexando Evangelio, de falsatoribus Divinæ Legis, de otio in mendicitate, de ultima etate Ecclesiæ; in Daniele & Apocalypsin, de fide Eucharistiæ, &c.* demonstrationibus ejusmodi plenæ sunt. Et compendium doctrinæ ejus tum Thomas Walsinghamus Pontificius apud Bzovium ad A. MCCC LXXVII. tum Catalogus testium veritatis, aliique etiam texuere. Ut verò susceptum Dei opus promoveret feliciter, etiam S. Biblia in linguam vernaculam transtulit. In Prælectionibus & Concionibus ordinariis Oxonii habitis frontem æneam contra effrontem meretricem, & pectus adamantinum contra totius Cleri impetum indutus, in ipsum Regis Eduardi aurem intonat, magnorumque etiam virorum, qui sive literis, sive armis florebant, animos commovet & percellit, atque id denique labore & zelo suo efficit, ut veritas à Magnatibus etiam, ipsoque Rege in Parlamento decernente, ne Episcopi Romam amplius adirent; de quo videndus Paulus Waldensis *Epist. ad Mart. V.* avidè ex ore ejus audiatur, suscipiatur, multosque annos feliciter personet; adeò quidem ut lumen Evangelii ejus opera reviviscens, nullus exinde ventus, turbo nullus extinguere potuerit.

Et temporibus quidem illis tenebrosissimis turbulentissimisque, inter tot fulmina Romæ in maximorum etiam Principum capita vibrata, doctrinam Romæ usque quaque repugnantem Wiclefus proferre & eò usque propagare non potuisset, nisi ejus Spiritus cœlitus lucem, robur, fiduciam accepisset, Deusque per eum imbecillem & abjectissimum, si mundum spectes, homuncionem egisset, imperiique Sathanæ ac Antichristi ruinam moliri jam jam incepisset. Nihilominus eandem, quam Sancti omnes asolent, sortem expertus etiam est, stantibus contra eum urbis, prædonica gente, Monachorum imprimis mendicantium, cum tota congregatione Chore, in perniciem ejus jurata. Ejectus enim in exilium sub Richardo II. & aliquandiu in Bohemia oberravit, ubi magnam Waldensium doctrinæ fœneratus est lucem, & Johanni etiam Husso juveni adhuc veritatis semina instillavit. Ab exilio revocatus, & Eduardo Rege ei ob pietatem favente, A. MCCC LXXXVII. ultimo Decembris in patria piè obdormivit, honestèque sepultus, sed post A. MCDXXIV. Martini V. vāsana rabie correpti, jussu, à Prælati Angliæ exhumatus & combustus est.

*Schismatis
pertinacissimi
à tempore Ur-
bani VI. ad
Concilium
Constantiense
usque historia.*

CXXXVIII. Inde ab Urbano V. ad Concilium usque Constantiense, adeoque annos plus quadraginta in Ecclesia Romana Schisma maximum & pertinacissimum omnium, seu, uti Author Fasciculi temporum describit, *omnium schismatum, quæ antea fuerant, pessimum ac subtilissimum, adeoque perplexum, ut etiam doctissimi & conscientiosi viri non valerent discutere, cui esset adhaerendum; & continuatum cum gravi scandalo totius cleri, & grandi jactura animarum propter hæreses & alia devia, quæ tunc pullulârunt; grassatum est.* Mortuo scilicet Gregorio X.I. in diversa studia Itali & Galli abrepti sunt. Quòd illi Papam qui Romam, hi, qui Avinionem insideret, optârunt. Illi Bartholomæum Archie-

chiepiscopum Barrensem Neapolitanum, qui Urbani VI. nomen induit, eligunt. Hi quiritantes, in suffragiis vim sibi illatam, Cardinalem Genuensem, qui nomen Clementis VII. sibi imposuit, Pontificem creant; Urbanus Romæ, Clemens Avinione fedit. Urbano Italia, Germania, Pannonia: Clementi verò Gallia, Hispania, Britannia, Polonia, Suecia, Dania, Borussia, Bohemia, Frisia, Lombardia adhæserunt. Asserebant *Obedientiales* (sic enim se nuncupabant) Clementis, suum esse verum Papam; Urbanum Apostaticum & Antipapam. Neque minori fervore Urbaniani in Clementis sequaces invehebantur, asserentes, eos damnatos esse. Naucerus affirmat multas tum hac de re disputationes esse exortas, quis inter illos verus Christi vicarius sit? Nihil tamen certi definitum fuisse. Definiri verò poterat, NEUTRUM. Bullas etiam Pontifices hi duo terrificas ad diversas mundi partes transmiserunt, & libellos famosos sparserunt, quibus se mutuo damnabant, excommunicabant, & se invicem, scapham scilicet scapham appellantes, *Antichristos, Schismaticos, Hereticos, Fures, Proditores, Latrones, Tyrannos, Iniquos, Filios Belial, Zizania satores*, & si quid aliud fœdum dictu, insigniebant. Cœdes & contumelias utrinque illatas exposuit accuratè libris de Schismate editis Theodoricus à Niem, author auritus & oculatus testis, utpote qui in Curia & apud Urbanum annos circiter triginta vixit. Memoratu digniora, & fœditatem Schismatis inprimis arguentia post alios Doctiss. Mornæus *Myster Iniq.* p. 1085. &c. excerptis.

*Contraria
Urbani VI.
& Clementis
VII studia.*

CXXXIX. Omisso Bonifacio IX. qui Paulo Langio in Chronico suo teste, erat pecunia avidus, ad quam colligendam plures Legatos per diversas mundi partes ad negotiandum cum indulgentiis misit: fuit maximus Simoniacus, & Simonia cultores multis dignitatibus sublimavit: tanti animi consiliūque, ut pri-

*Antipapam
Benedicti
XIII. &
Gregorii XII
in eo schisma-
te malignitas
ex Theodorico
de Nyem ad-
umbrata.*

mus Romani Populi vim omnem transtulerit in Pontificem , suo nutu in urbe disponens , & ordinans sigula ; & Annatas quoque , Genebrardo commemorante , Sacerdotiis imposuit , (de quo fusè Petrus de Marca de Concord. Sacerdot. & Imp. lib. VI. IO. II. &c. agit) seculi Decimi quinti τὰ νοεώπεια perstringenda veniunt. Post ejus initium A. MCCCVI. Schisma pridem cœptum altiores jam radices egit , Ecclesiâque Romanam mirum in modum exercitam habuit. Innocentio VII. Romæ defuncto , & Petro de Luna , seu Benedicto XIII. Avinione pro Papa se gerente , Romæ successit Gregorius XII. Angelus Corrarius , Venetus Patriarcha Constantinopolitanus. De hoc Schismate librum integrum idem , qui supra , Theodoricus de Nyem scripsit. Ubi non Gregorium , sed *Errorium* vocat. Quàm maligni in hoc Schismate Pontifices illi fuerint , sic ille inter alia lib. 3. describit : *Si quis* , inquit , *fraudes , machinationes , Errorii & Petri per singula describere vellet , vix charta & atramentum huic sufficerent. Veruntamen clarum est , quòd cauteriatae habent suas conscientias , dicentes , se esse simplices , cum sint astutia Diabolica repleti. Et pro opere pietatis dixerunt & dicunt , se utique voluisse & velle unionem facere , quòd tamen in eorum cordibus non habebant , nec habent. Quid igitur erit in tam lamentabili Schismate finaliter ? De his duobus Senioribus Babylonis , Petro & Errorio , major progressa est iniquitas & passim progreditur in universam terram , quàm unquam ante nostra tempora ab aliquibus de Papatu contenditibus emanavit. Et proh dolor ! hæc adeò manifesta sunt & notoria , quòd nulla possunt tergiversatione celari. Vnde ipsa fides Catholica obnubilatur. Omnis religio naufragium patitur , bella & alia calamitates multa pullulant , Dei timor & hominum verecundia & virtutes à plerisque regnantibus & præsidentibus populis atque aliis inferioribus omnis status propterea in longum abierunt , in eorum loca successerunt vitia , justitia corruit in plateis , & in effectû. In universali Ecclesia , & in ejus membris*

bris à capite usque ad plantam pedis non est sanitas. Et Cardinales quidem Dei & Spiritus S. nutu tacti, ut Gerson loquitur, A. MCCCIX. Concilio Pisis indicto, funestum ad eò Schisma, depositis Benedicto & Gregorio, ceu criminis hæreseos, schismatis, perjurii scelerumque plurimorum reis; uti quidem Coriolanus & Bailius ex Blondo & Antonino referunt; electoque Petro Philargo Cretenfi, qui nomen Alexandri V. assumpsit, abolere nequicquam conati sunt. Benedictus enim eorum conatus suaviter irrisit: Gregorius verò vocatus ad Concilium, respondit, non Cardinalium, sed suum esse Concilium convocare. Quin propter pervicacem utriusque ambitionem, qui ante mutuo insens, jam simul conspirabant ad tuendam, quam possidebant dignitatem, atque ut in communi causa colludebant, uti Cabassutius in *Notitia Conciliorum* loquitur. Alexandro electo Gregorius Ariminum, Benedictus in Cataloniam aufugit. Uterque novos Cardinales creat, & verus Pontifex uterque haberi contendit. Factaque sic Ecclesia Romana Triceps est. Mortuo quin etiam sequente anno Alexandro V. veneno uti putatur, à Balthassare Cossa ei propinato, ipse Balthasar Cossa Neapolitanus, Johannes XXIV. post dictus, surrogatus est. Is statim Legatos ad Principes Germaniæ misit, rogavitque, ut Sigismundum Hungariæ Regem Imperatori Ruperto defuncto sufficerent. Quod cum ex voto successisset, Romæ Imperatorem coronaturus, & Ecclesiam tranquillaturus Concilium indicit, in cuius prima sessione teste, apud Bailium, Nicolao Clemangis, Bajacenfi Archidiacono, post missam de Spiritu S. celebratam, bubo, feralis omen, apparuit, supra Templi trabem sedens, horrida voce, oculis in Papam coniectis, ipsum monstrifico ore salutavit, nec nisi fustibus interemptus abigi potuit. Unde falsè admodum Concilio huic Romano ab Antipapis objectum, Spiritum S. in specie bubonis

Deposito utraque in Concilio Pisano Alexander V. eligitur. re-nitente utroque.

Alexandro Balthassar Cossa, seu Johannes XXIV. succedit, qui Sigismundum coronaturus & Ecclesiam tranquillaturus Concilium Romanum, cui bubo præfuit, cœgit.

ei præfedisſe. Certè illud Concilium nulla fruge dimiſſum eſt.

*Sigismundus
Imperator in-
gentibus ſtri-
dis Eccleſiæ
pacem reſti-
tuere conatus,
Conſtantia
Concilium à
Johanne con-
vocari curat.*

CXL. Cœterùm rebus ita deploratis Imperator Sigifmundus, ut Eccleſiam miſerè laceratam & inexhauſta quadam vitiorum ac morborum colluvie inundatam fanaret & recolligeret, tantos pro Romana Eccleſia ſuſcepit perſtulitque labores, quantos ante ipſum pro Eccleſiæ ſalute pauciſſimi Regum vel Imperatorum ſubiſſe leguntur. Etenim quò cœteri Reges in publicum Concilium (qua unica ratione Schiſma tolli, & deploratis ferè Eccleſiæ malis medicina adhiberi poſſe videbatur) coirent, non ſine graviffimis laboribus, ſumptibus & periculis, Regna fere omnia totius Orbis Chriſtiani peragravit, Galliam & Hiſpaniam adivit, in Angliam navigavit, Regibus nationum iſtarum perſuaſit, ut & ipſi in Concilium univerſale conſenſerint. Sed & in Italiam proſectus Johanni Papæ Mantuæ perſuaſit, ut Conſtantiam ad Concilium veniret. Ita cœptum menſe Octobre A. MCCCXIV. Concilium Conſtantiènſe, ſeu potiùs, ut feſtivè Lutherus inſignivit, *Obſtantiènſe* (eò quòd in eo inter alia definitum eſt, licet Chriſtus poſt cœnam inſtituerit, & ſuis diſcipulis adminiſtraverit ſub utraque ſpecie Panis & Vini vènerabile Sacramentum, *hoc tamen non obſtante*, poſtea à conficientibus ſub utràque & à laicis ſub una ſpecie panis accipiatur) ad quod ſexaginta millia hominum confluerunt. Gerebatur ibi res quinque nationum, Italicæ, Gallicæ, Germanicæ, Hiſpanicæ & Anglicæ ſuffragiis. Sigismundus Imperator in ejus prima Miſſa, ut Diaconus, Euangelium cantavit. Conventu aperto, & data liberè loquendi poſteſtate, plus quam quadraginta crimina, eaque graviffima Johanni objecta & probata ſunt, inter quæ etiam illud, quòd Alexandrum deceſſorem conducto Marſilio Parmenſi Medico, veneni ope ſuſtuliffet. Egit tamen cum

Friderico Austriaco, ut se ex Concilio subducere velit. Quod cùm fecisset ille, Papa abducto, Helvetii, inprimis Tigurini, suasu Concilii, Papam & Fridericum persequuntur & opimis ob id feudis ab Imperatore donantur. Retractus ex fuga Papa, & Manhemii in carcerem compactus, coactus est, Concilio dictante, Papatu se abdicare, ceu *hereticus, negata animarum immortalitatis reus, atheus, Simoniacus, mendax hypocrita, homicida, veneficus, aleator, adulter, Sodomita, incarnatus denique Diabolus*, quæ & similia Johannis scelera ex Cosmodromico Gobelini Personæ nuper etiam Odoricus Rainaldus in Annalium Baronii continuatione, aliisque repetiit. Mox Synodi Præsides decretum edunt, quo declarant, *Concilium Generale Legitimè congregatum habere potestatem immediatè à Christo, atque eidem Papam subiectum esse*. Supererant duo Papæ, Gregorius & Benedictus, qui & ipsi citati, cùm comparere detrectarent, Pontificia dignitate exuti sunt. Ita Gregorius animi mœrore confectus mox obiit: Benedictus cùm se præfractiùs gereret, etiam Ecclesiæ communionem motus est. Inde perventum in Concilio ad negotium Reformationis, cuius capita à P. de Aliaco digesta Sigismundus proponi mandat, sigillatim de causis, propter quas Pontifex corripitur & deponi possit; quas ante novi Pontificis electionem definiri petit. Urgentibus nonnullis, à Minoritis Reformationis initium sumendum, Sigismundus idem meritò respondit: *Imò verò à Majoritis*. Percussis ea voce Majoritis, ne, Pontifice nullo Imperator id exsequeretur, annitentibus iisdem, die Martini A. mcccxcvii. eligitur *In eo depositis tribus Antipapis eligitur Martinus V. qui reformationem Ecclesiæ à Sigismundo tentatam eludit.* nationum omnium & Cardinalium consensu Otho Columna Romanus, Cardinalis Divi Gregorii, qui quòd in festo Martini Papa creatus esset, Martinus V. dici voluit. Cujus electi pedes magna lætitiâ primus Sigismundus osculatus est. Primùm atque is consecutus est imperium,

nulla ampliùs reformationis facta mentio est. Imperatore verò eam strenuè urgente, Papa respondit, in aliud tempus opportunius remedium isthoc differendum esse. Rem enim esse magni momenti, periculosa alex plenam, maturi consilii indigam, ne, vi pace composita, novæ in Clero turbæ exoriantur. Ex Hieronymi quippe sententia, unamquamque provinciam suos habere mores, suosque sensus, qui è medio tolli sine gravi rerum perturbatione nequeant. Et quia decreta sint Concilia consequentibus temporibus celebranda, iccirco reformationem temporibus illis reservandam, finemque Constantiensi Concilio per quatuor jam annos extracto imponendum esse. Ita scilicet egregius Veterator Imperatori & reliquis Principibus illussit, relictaque die XXII April. MCCCCXVIII. Constantiâ, & imposito Concilio sine in Italiam ad Voluptates se contulit & Romæ Jubilæum celebravit.

*Eugenius IV.
Basileense
Concilium co-
git: mox verò
à Patribus
ejus sibi me-
tuens illud
Ferrariam,
atque inde
Florentiam
transfert, &
à Basileensi-
bus deponitur,
Amades Sa-
baudo, seu
Felice V. sur-
rogato.*

CXLI. Qui Martino successit Eugenius IV. initio statim Pontificatus sui ratam habuit sententiam Martini defuncti, cujus in eo concilia steterant, ut novum Concilium Basileæ coiret. Coactum illud reformandæ Ecclesiæ gratia, indicente Eugenio A. MCCCCXXXI. usque ad A. MCCCCXLVI. duravit. Cæterum cùm audiret Eugenius, disputari palam, Papam subesse Concilio debere, & potiozem esse Concilii quàm Papæ auctoritatem, abrupendi Concilii & Ferrariam transferendi consilium, eo prætextu, quòd Græci locum eum sibi delegissent; cepit, Sigismundo Imperatore & Præsidibus Concilii multum refragantibus. Cùmque cœptis suis Papa ἀνυπακούων insisteret, & Ferrariæ Concilium suum Papale, Johanne Palæologo Imperatore Constantinopolitano eò invitato, & irreverenter excepto, inchoaret, & mox etiam lue Epidemia ibi serpente Florentiam illud transferret, Concilium Basileense bullam A. MCCCCXXXVI. edit, qua ab Of-
ficio

ficio Pastoralis Eugenius suspenditur ob lupinam tyrannidem, simulque sancitur, Ecclesiam in capite & membris reformandam esse, & Papam ipsum Concilio subiacere.

Quod nisi est, inquit, *quis unquam Romano Pontifici quanquam improbiſſimo contradiceret?* Cujus Concilii authoritatem Stanislaus Felix in *Notis ad Pallavicini Historiam Concilii Tridentini*, strenuè tuetur; licet Basileam Basiliſcum peperisse Antoninus Florentinus dictitaverit. Sed & Concilium Florentinum ab Eugenio *ἐξ ἐναντίας* celebratum, ceu illegitimum, adeoque *Conciliabulum* damnat, denique Eugenio, eò quòd, ut *Seſſ. 26.* loquuntur Patres, nulla exhortatione ad emendationem morum, & abusuum correctionem trahi potuerit, electioni Pastorum proborum non præbuerit assensum, Beneficia Simoniacè contulerit, Concilio non adfuerit, bonos expulerit, pro gravi pecunia dignitates contulerit, Synodalia piorum Pontificum decreta revocârît &c. mox *Seſſ. 34.* ceu contumacè exautorato novum Pontificem, Amadeum Ducem Sabaudia, Felicis V. nomine insignem creant. Documenta ejus rei multifaria *ἀξιωματικόν* à Goldasto in Constitutiones Imperiales relata legere est. Interim Florentia cum Palæolo-

Florentinorum cum Græcis negotiatio lubrica à Græcis post rejecta.

go reliquisque Græcis, auxilia adversus Turcas, unione & communione fidei promissa, paciscentibus, transigitur, convenitûrque sequentes in Articulos: *Purgatorium esse, Papam Ecclesie caput esse, Spiritum S. à Patre & Filio procedere, S. Eucharistiam in azymo & fermento indifferenter confici.* Hæc omnia Imperator Græcus à suis comprobari curat; repugnante acriter Michaelis Episcopo Ephesino, & articulos de Papa inprimis & Purgatorio strenuè oppugnante. Domum reversi Græci *συνοπικιστὴς* odium incurrerunt omnium, articulos, quibus illi consenserant, apertè damnantium. Extat Epistola Ecclesie Constantinopolitane ad Bohemos, die 18 Jan. A. MCCCCI. missa, & Catalogo

Testium Veritatis Græco-Latinè inserta; in qua inter alia sic scribunt: *Hortamur vos nobiscum ad concordiam; non autem secundum illam Florentinam unionem simulatam, à certo veròque consilio abalienatam, qua diremptio à veritate jure appellanda est. Quam ob causam illam quoque minimè admisimus, imo prorsus repudiavimus: sed secundum immutabile Veritatis decretum, in quo solo verè ac tutò uniri possumus.* Isidorus tamen Ruthenorum, & Bessarion Nicææ Episcopi, Pontificias partes amplexi, Cardinalium Romanorum in chorum cooptati sunt. Decretum mox Eugenius edit, tantum abesse, ut Concilio ulli ipse subiaceat, *ut tunc maximè mereatur, cum Concilii decreta contemnit.* Quin & thesin hanc, *Concilium esse supra Papam, ceu hereticam* damnat; dimissioque Florentiæ Conciliabulo Romam A. MCCCXXXIX. revertitur. Inde in Felicem tonat, & hic Basilea non minore ardore in Eugenium; convitia statuiæ Nabuchodonosoris, idoli, Beelzebubis, Luciferi adversus se invicem jactante strenuè. Concilium verò Basileense comparentibus Bohemis, post quinquaginta dierum disputationem, communionem sub utraque specie, ceu liberam, scilicet jure Divino, non necessariam, permittit: Annatas & alias rapinas abolet; Hussitis negantibus, se ullam doctrinam Scripturis sacris non comprehensam admissuros, per Cardinalem Cusanium respondet: *Scripturas non ad esse, sed ad bene esse Ecclesiæ facere. Tantò dignius Verbum Dei tradi, quanto ab omni Scriptura remotius. Explicandam Scripturam esse juxta currentem Ecclesiæ ritum, qua sententiam mutante Dei etiam judicium mutetur.* Tandem Eugenius ad dissipandum Basileense Concilium Carolus Franciæ Delphinum armavit. Qui cum gentium quadam perditissima colluvie, Alfatix vicos & civitates nonnullas dolo, proditione & blandimentis ingressus, Alfatiam omnem, vini atque frumenti feracissimam miserè vastavit, ac ædes civium, casas pauperum orphanorum & vidua-

Eugenii &
Felicis con-
traria studia.

Carolus Gal-
lia Delphinus
Basileense
Concilium
turbare cona-
tus cladem
ingentem ab
Helvetiis vi-
sis licet,
passitur.

viduarum, ipsâque sacratissima Dei Tempia igni nefariè succendit. Cumque crudelitate extrema in Alfatia perpetrata, tandem cum armatis triginta millibus Basileam adortus esset, à quatuor millibus Helvetiorum ita exceptus est, ut victor licet vix tertiam exercitus sui partem, eamque mutilam & fractam, amisso etiam belli Duce Arminio, in Galliam reduxerit; Concilio Basileensi interim perseverante. Retulitque hic Princeps dignam planè militia Pontificia mercedem. Perierunt enim in ea pugna, incensore Papa, ultra quatuordecim millia virorum fortium. Hæ scilicet Papales virtutes, hæ indulgentiæ fuerunt! Concilii ipsius Basileensis infelicem exitum his verbis Rollinxius in fasciculo deplorat: *Concilium Basileense, in quo multa bona fuerunt instituta pro reformatione in capite & membris, habuit principium gloriosum, sed finem humilem ac tribulatione plenum propter Schisma. Mirabilis rerum eventus. Prevaleuit Concilium Constantiense contra tres Papas, eos deijciendo, & quartum instituendo, cum tot haberet adversitates, & à nullo confirmatum fuisset. Illud autem tanta auctoritate collectum & firmatum, nec unum potuit vel in modico reducere ad normam propositi sui, imò è contra processus ejus fuit impeditus ab uno. Ibi debile principium & finis gloriosus. Hic è contra præcisè fuit. Et Matthias Ugolinus in Synodico suo: Quid, inquit, tenendum tunc fuerit, cum eodem tempore Concilia duo congregata, & ad invicem discrepantia reperirentur, videlicet Basileense & Florentinum, solvat Christus Jesus, Magister & Doctor infalibilis Veritatis, pro sinceritate fidei Ecclesie inviolabilis & sponsæ suæ.*

CXLII. Tandem Eugenius, postquam Divina & humana omnia perturbavit, A. MCCCXLVI. satis concessit, & ἡσυχία nactus Nicolaum V. (alii VI. vocant) qui Thomas Sarzanus antea dictus est. Friderici III. Imperatoris intercessione cessit ei Felix V. dignitate Cardinalis con-

Constantinopolis à Papa ob negotium ordinatum inter eos deserta à Turcis occupatur, &

unà Oriens
Christianus
fuit totus eo-
rum jugum
subit.

tentus, abolendi Schismatis perniciosi gratia. Obsessa à Turcis Constantinopoli, Constantinus Palæologus apud Nicolaum Papam supplicas nequicquam implorat eò quòd Græci Papæ primatum constanter abnuerent. *Græci*, inquit Nauclerus, *ad Latinorum opes frustra confugiant*, à Pontifice Nicolao V. *lacrymis ac fletibus auxilia petentes*. Sic deserto malignè Imperatore, urbs Constantinopolis die **xxix Maji A. mcccc l i i i**. à Muhammede capta, Turcicum jugum, unà cum Imperio Orientali universo subiit: Constantino ipso in fuga graviter vulnerato, cujus mox caput resectum, Muhammedi suave spectaculum offertur. Tanta Romanensium perfidia fuit, qui Imperium universum Orientale Christianum Turcis horrendum in modum subjugatum, quàm Pontificia dominatione solutum maluerunt. Pereuntes tot Christianos, qui servare cùm potuissent, & ob Christi Salvatoris amorem debuissent, non servârunt tamen, eos perdidisse censentur meritò. Ita malorum & calamitatum omnium fundus & architecta Roma fuit.

Nicolai V. er-
ga literas &
litteratos amor
insignis pra-
dicatur.

CXLIII. Coeterum Nicolai liberalitatem, & erga literas literatosque benevolentiam incomparabilem, vehementer Scriptores prædicant. Omnium instar Nauclerus, *Generat. 49.* Sic illum commendat: *Laudatur Nicolai liberalitas, qua erga omnes usus est, maximè verò literatos. Quos & beneficiis, & officiis mirificè juvit, eos præmiis ad componendum, & ad vertendos Græcos authores in Latinum ita perpulit, ut litteræ Græcæ & Latina, qua sexcentis jam annis in situ & tenebris jacuerant, denuò splendorem aliquem adeptæ sint.* Certè negari nequit, Pontificis hujus opera literas & Musas in Europa quodammodò reformatas & renatas esse, proximæque adeò etiam Religionis ipsius reformationi quodammodo præluxisse. Ex Oriente inprimis Turcarum, qui Constantinopoli diu imminentes eam tandem ceperunt, &

bonis

bonis etiam literis exilium indixerunt, metu Romam se contulerunt Viri undiquaque doctissimi, Emanuel Chrysoloras, Byzantinus seu Constantinopolitanus, qui Græcæ Grammaticæ Erotemata scripsit; Theodorus Gaza Thessalonicensis, Græcè & Latinè doctissimus; Georgius Trapezuntius, Chalcondylas Atheniensis; Joh. Lascaris, Demetrius, aliique, qui immenso Dei beneficio artium igniculos in Græcia per Turcarum barbariem tantum non extinctos, in Latium aliàsque regiones transduxerunt. Nicolao certè Georgius ille Trapezuntius, Demetrius, & ex Europæis, Georgius Valla, Nicolaus Perottus aliique viri celebres in deliciis unicè fuerunt. Meritòque Pontifici huic acceptum referimus quicquid splendoris Latinæ & Græcæ literæ in Italia primum; postea etiam in Germania acceperunt. Sicut autem olim Moses in aula Ægyptiaca educatus est, qui postea filios Israël ex Ægypto eduxit: ita in ipsa quoque Antichristi aula bonas literas promotas, earumque deinceps auxilio Antichristum Orbi revelatum, & in multorum cordibus confossum esse, mirum certè non est.

*Ita in ipsa
Antichristi
aula nutrim-
tur literæ
quarum post
auxilio reve-
latus Anti-
christus est.*

CXLIV. Neque parum ad bonarum literarum incrementa, & consequentem veræ etiam religionis, & oppositæ eidem Antichristianæ tyrannidis, quam Romana hætenus Hierarchia in Ecclesia exercuit, cognitionem divinum chalcotypiæ aut typographiæ, quam impressuram ferè appellant, inventum ac beneficium nunquam satis laudatum contulit. Anno scilicet mccccxl. Johannes Gutenbergius Argentinenfis aurifex, Moguntii primum magnis artem eam sumptibus protulit. Eandem postea Johannes Mentel ibidem auxit, & Sixtus Reosingerus Argentinenfis Neapolin in Italiam transduxit. De inventore tamen artis controversiam Moguntinis alii movent, quos inter Hadrianus Junius Bataviæ suæ cap. 17. ejus inventio-

*Ad revelatio-
nem Anti-
christi etiam
Typographia
eandem ætate
inventum con-
tulit multum.*

nem

nem civi cuiquam Harlemensi acceptum retulit. Quam controversiam pluribus Doctiss. Mollincrodus discussit. Sed de inventore quicquid sit (nam etiam cum Pomponius Lætus utrisque laudem præreptam voluit, scribens ad Augustinum Maphæum, imprimendi facultatem multis seculis intermissam, paulò ante revocatam esse: tum Jovius *hisor. lib. 14.* in regione Sinarum libros ante multos annos impressos extare ait, tum denique Alphonsus Mendoza *lib. III. 16.* in Regno Chinæ artem typographicam quingentis annis ante, quàm ad Germanos veniret, in usu fuisse scribit) nobilissimum isthoc inventum libros, quibus Romanæ Ecclesiæ pudenda detecta sunt, aperuit, & longè latèque invitis adversariis omnibus dispersit, & adhuc dum per omnes Orbis angulos spargit. Sibylla etiam Erythræa de Antichristo vaticinans, prædixit, fore ut per linum tandem perdatur. Sic enim carmen habet. Ἀλινὸν ἐκ τῆς κειρὸς, ὅτι λίγὸν αὐτὴν ὀλεῖται. *Miserum inde tempus, quia linum illud perdet.* Charta scilicet, in qua libri excuduntur, ex lineo panno conficitur.

Pius II. promissam reformationem nequaquam præstat, sed Majestati Pontificiæ augenda unice intentus est.

CXLV. Nicolao V. in sede Pontificia Callistus III. huic verò Æneas Sylvius Piccolominæus Genuensis, Vir cœtera doctissimus, & in Concilio Basileensi paulo ante celeberrimus, qui Pii II. nomen sibi imposuit, successit. Exspectârunt ab ejus eruditione, aureisq; promissis Viri boni Ecclesiæ pacem & tranquillitatem: sed fefellit eos spes concepta plurimum, documentumque impietas Pii dedit, quàm deplorata sit Ecclesiæ salus. Papa enim creatus Augustini Exemplum præferens *Bullam retractationis* scripsit, qua ea, quæ in Basileensi Concilio adversus Eugenium gessit, revocavit; rectius factururus, si ejusdem S. Augustini exemplo Confessionum libro edito peccatum juventutis, quod Epistola ad Patrem data (quæ decima quinta est,) confessus Patri est, magis etiam ipsi Deo con-

con-

confessus esset deinceps. Majestatem Pontificiam ne utquam minuere, sed augere in immensum conatus nihil intentatum inausumque reliquit, palam præ se ferens, se neque Reges, neque Duces, neque populos ullos formidare; quin adversari sibi ausos aperta vi ad Obedientiam Apostolicam reducturum; Bulla insuper de non appellando à Papa ad Concilium edita. Palam igitur se Regi Galliarum Pontificiam tyrannidem & rapinam in Regno suo coercere non nihil paranti; Regi Apuliæ, Sigismundo Archiduci Austriæ; quod Nicolaum Cusanum à Pio designatum, ut ditionis suæ homines excoriaret, rejecisset, opposuit; Germaniam horribilibus bellis intestinis intricavit; Dietherum Comitem ab Isenburg, electum Archiepiscopum Moguntinum, pallium Episcopale viginti millibus sexcentis quinquaginta aureis Rhenensibus redimere tardantem, eò quod authoritate Concilii Basileensis Annatæ damnatæ abolitæque essent; ita cum Adolpho Nassovienfi æmulo ejus commisit, ut præcipuis Germaniæ Principibus in partes concedentibus, horribilibus bellorum civilium incendiis univèrsa fere Germania conflagraverit.

*In gloria ejus
adversus di-
versos Princi-
pes facinora.*

CXLVI. Jam visi Pontifices erant ad eum tyrannidis & impietatis gradum pervenisse, cui nihil amplius addi posset. Et tamen sequentes Pontifices rationem invenerunt, qua & fastigium & pinnulas ipsas huic ædificio imponerent. Inter eos post Paulum II. Montium pietatis, seu potius impietatis (de quibus Dorothei Asciani liber singularis extat) authorem Sixtus IV. A. MCCCCLXXI. Papa creatus, cujus quidem subactum in omni genere literarum judicium laudatur, excusso pudore omni, iis libidinibus impurissimum se mancipavit, ut eas prodere pudor Scriptores prohibuerit. Aliquid tamen dicere Wesselus Groningensis, vulgò *Lux Mundi* dictus in Tractatu de Indulgentiis Papalibus; nec non Cornelius Agrippa in

*Sixti IV. im-
punitas variè
testatur.*

*Lupanaris
instituit pri-
mus.*

declamatione ad Lovanienses, sustinuerunt. Idem Agrippa de Incertitud. & Vanitate scient. cap. 64. Lenoniam à Sixto institutam sic describit: Recentioribus temporibus Sixtus Pontifex Max. nobile lupanar instituit, &c. Roma sortita in singulas septimanas Julium pendunt Pontifici. Qui census annuus nonnunquam viginti mille ducatos excedit (sunt qui quadraginta mille post numeraverint) Adeoque Ecclesia Procerum id munus est, ut unà cum Ecclesiarum proventibus etiam lenociniorum mercedem numerent. Sic enim illos supputantes aliquando audiui. Habet (inquierentes) ille duo beneficia, unum Curatum aureorum viginti; alterum, prioratum ducatorum quadraginta, & tres putanas in bordello. Quis verò ad nefandam fœditatem hanc non obstupescat? Impurissimum tamen & obscœnissimum

*Et bella ini-
qua gerens
cum Helvetiis
fœdus init,
iisdemque
pudenda bullâ
vexillum do-
nat.*

Antichristi Regnum hoc in facinore apertè cernitur. Taceo iniqua bella ab ipso adversus Nicolaum, Vitellium, Florentinos, Regem Siciliæ Venetos gesta. Bello quidem adversus Venetos suscepto Helvetios fœdere sibi junxit, quibus dono misit vexillum rubrum, Bulla singulari ad eos destinata commendatum, sub cujus finem ita scribit. Nos vexillum ipsum benediximus, ut sub eo militantes benedictionem Omnipotentis Dei semper vobiscum habeatis. Eapropter (quod haic Sedi sanctæ ac vobis faustum ac felix sit) læto & magno animo vexillum hoc, quod præfata sedes vobis donat, accipientes, contra ejusdem Sedis inimicos, Virtutem vestram ostendite. Ite animis lætis contra hostes Ecclesiæ, & illam ab oppressoribus LIBERTATIS ECCLESIASTICÆ, ac facientibus contra illam, solita illa vestra magnanimitate, defendite. Inferat præpotens exercitus vester vexillum, Altissimi nomine invocato contra dicta Sedis inimicos. Et quemadmodum columna nubis in deserto populum Dei præcedebat & dirigebat in viam salutis & victoriæ, ita quicumque sub ea pro ipsa Ecclesia Romana pugnaverint, à Domino nostro Jesu Christo benedicti sint, & plenariam habeant peccatorum suorum omnium remissionem & indulgentiam, quam ex tunc, & per

Et per presentes concedimus. Maledictus sit quicumque contra vos pro Ecclesia Romana predicta pugnantes, pugnabit, aut facere contra presumpserit. Vobiscum autem sit benedictio Domini perpetua, cum laude & gloria Omnipotentis Dei, ejusque Beata Maria Virginis, in secula seculorum. Ex qua Bulla cernere est Antichristi artes nefarias, & dolos, quibus gentibus fortissimis & simplicissimis imposuit. Neque major religio vel pietas fuit Alexandri VI. A. MCCCCXCII. ex intervallo succedentis. Cui, ita Guicciardinus loquitur, *non sinceritas, non verecundia, non veritas, non fides, non religio ulla aderat.* Quoque Pontifice Romam, gentium illud asylum, *carnificinam* factam esse, venalibus in ea cunctis sacris; Paulus Langius Monachus in Citizenensi Chronico ex Volaterrano commemorat. Mores ejus turpissimos, avaritiam insatiabilem, ambitionem sine modo, crudelitatem plusquam ferinam, spurios, quos plures habebat, per fas & nefas ad summa provehendi cupidinem foedam, passim Scriptores memorant. Ditiones temporales ad ipsum nullo jure pertinentes, in utraque scilicet India noviter detectas, Bullam inter Reges Hispaniae & Lusitaniae distribuit, haud equidem exemplo Christi, qui legitimam haereditatem partiri gravatus est, sed potius Sathanæ, qui Christo se adoraturo in celfo monte mundi Regna ostentavit & promisit, licet eorum vola vel vestigium ad eum jure nullo pertinuerit. Cum Lucretia filia notha, quam primum Ludovico Sforciae, mox Aloisio Aragoni, Alphonsi Regis filio, & denique hoc interfecto Alphonso Estensi, Ferrariae Duci elocavit, furtivam incestamque consuetudinem & ipse & filius Caesar Borgias habuisse creduntur. Certè Jacobus Sannazarius Poëta celebris & eximius, Lucretiae huic Epitaphium ejusmodi cecinit:

Hic jacet in tumultu Lucretia nomine, sed re

Thais, Alexandri filia, sponsa, nurus.

Habuitque exitum impietate sua dignum. Testibus enim Panvinio, Guicciardino, Bembo, Jovio, ex quibus etiam Staroulscius & Carriere repetunt, poculo venenato, quo Cardinales nonnullos letho dare paraverat, per errorem ipsi propinato, perfidia in caput detestabile authoris recedente, periit.

Nubes testium, quæ ea ætate adversus Ecclesiam Romanam, seu Antichristianam & Babylonicam emersit, indigitata.

CXLVII. Ecclesiâ Romanâ hoc in primis Seculo in capite & membris, doctrina & moribus corruptissimâ, non defuit *véφω μαγνὴν* *nubes testium* veritatis, qui & Veritati cœlesti locuples testimonium perhiberent, & corruptionem Ecclesiæ extremam propalam infectarentur. Urbani & Clementis Antipapæ temporibus Universitates Parisiensis, Oxoniensis & Pragensis Papam cum suis tyrannidem in Ecclesia exercere, & Papam errare posse sæpiûsque errâsse apertè contendebant. *Joh. Andreas* Romam à latronibus fundatam, in pristinum statum rediisse asseruit. Dialogus editus *Petri & Pauli* totam curiam Romanam erroneam, & in statu damnationis esse docuit. *Vincentius* Ecclesiastes Venetus, *Matthæus Parisiensis* in Bohemia, *Joh. Purvæcis* in Anglia, *Waldenses* & *Lollardi* passim Papam Antichristum esse affirmârunt. *Theodoricus à Nyem* Gregorium & Benedictum Pontifices Seniores *Babylonis* insignivit. *Johannis XXIV.* cum primis tempore *Nicolaus Clemangis* Archidiaconus Bajocensis, Papam Antichristum, Ecclesiam Romanam Babylonem, meretricem magnam esse, à qua non affectu duntaxat, sed pedibus etiam exeundum sit: *Petrus de Aliaco*, *Zabarella* Cardinalis, & cum iis utrumque concilium *Constantiense* & *Basileense*, Papam Concilio subesse: *Johannes Gerson*, Concellarius Parisiensis, Papam errare deponi, ab Ecclesia auferri posse: Indulgentias & traditiones Ecclesiæ inutiles esse: ruinam Ecclesiæ imminere: *Theodoricus Urias*, Monachus Germanus, Ecclesiam Romanam ex aurea argenteam, ex argentea ferream, ex ferrea

ferrea terream factam esse, neque aliud superesse, quam ut in stercus abiret: *Theodoricus*, Episcopus Croatiae, Ecclesiam Romanam ruituram, ac tum Ecclesiam florem pristinum recuperaturam: *Johannes Hussus*, & *Hieronymus Pragensis*, & cum iis *Bohemi* ac *Wiclefistæ* innumeri ipsaque Hussitis consentiens Regina Bohemiae *Sophia*, nec non militiæ Hussiticæ dux fortissimus *Zisca*, Ecclesiam Romanam Antichristianam, Babyloniam meretricem esse, tyrannide, Idololatria, magia scatere, &c. assa voce clamarent. Eugenio IV. Pontifice in Concilio Basileensi, *Pet. de Aliaco* Cardinalis Cameracensis, *Joh. Segoviensis* Theologus Hispanus. *Ludovicus* Cardinalis Arelatensis, Cardinalis *Julianus Aeneas Sylvius*, aliique innumeri, Papæ Potestatem & *Uapexlu* strenuè oppugnârunt, & Ecclesiæ Romanæ reformationem gravissimè urserunt; quam in rem etiam *Pet. de Aliaco* libellus aureolus extat. Extra Concilium *Alanus Carterius*, Carolo VII. Regi Galliae à Secretis adversus Romanam Ecclesiam librum composuit: ipse *Carolus VII.* Ecclesiæ Gallicanæ Concilium celebravit Biturigibus, ubi sub titulo Pragmaticæ Sanctionis Concilii Basileensis acta confirmavit, adeoque beneficiorum Regni collationes, & ad Romanam Curiam appellationes severè prohibuit: aliique etiam, inprimis *Thomas Rhedonensis* Carmelita, *Manfredus Vercellensis*, *Guilhelmus Taylour*, *Wilhelmus Withe* Veritati adversus Romanam Ecclesiam luculentum testimonium perhibuerunt, Pio II. Pontifice *Sigismundus* Dux Austriae, auctore Gregorio Heimburgense J. V. D. à Papa ad Concilium, & à Concilio ad Christum ipsum provocans, impiis Pii, dicentis; *provocationem ad Concilium novam haresin, & inspirationem Diabolicam esse*, diris devotus est: *Heimburgensis* ipse, Noribergensis Syndicus celebris, scripto adversus Primatum Papæ libro, Synago-

gam Romanam Babylonem & meretricem vocavit, Pontificis Potestatem meram tyrannidem & usurpationem esse pertendit: denique Babylone ea exire omnes pios iussit: *Bohemi* publicâ adversus Papam apologia Veritatem asseruerunt. *Universitates* pleræque Germaniæ, Galliæ, Angliæ, Bohemiæ Constantiensis & Basileensis Concilii decretis adversus Papam cussis adhæserunt: denique *Antonius Rozellus* Juris Professor Patavii, vulgato de Monarchia libro, omnem Papæ potestatem temporalem oppugnavit. Paulo II. Pontifice *Rodericus Zanches* Zamarensis Episcopus, Papæ Referendarius, Romanæ Ecclesiæ extremam superstitionem deploravit: *Stephannus Bruliser* Sorbonista Franciscanus libris editis, Papæ & Concilio competere potestatem novos fidei articulos cudendi negavit, & operum etiam merita refutavit. Sixto IV. Pontifice *Ludovicus XI.* Galliarum Rex pro Pragmatica sanctione tres constitutiones edidit: *Johannes de Wesalia* Wormatiensis Concionator Papæ tyrannidem notavit palam: *Wesselus* Groningensis libris editis Papatus abusibus contradixit. *Gochius Pupperus* Mechliniensis Presbyter articulum de justificatione orthodoxè verèque tradidit. Denique Alexandro VI. Pontifice impurissimo, *Mancinellus* pro concione Papæ scelera exagitavit: *Guicciardinus* Ecclesiæ Romanæ Vexillarius Pontificum scelera detexit: *Baptista Mantuanus* Carmelita, & cum eo *Jacobus Janazarius* poematis suis in abominationes Romanas inveciti sunt. *Hieronymus Savanarola*, à Pico Mirandulano, Marfilio Ficino, Guicciardino, Flaminio, aliisque publicis scriptis defensus, Ecclesiæ Romanæ traditiones evertit, doctrinam sanam de Justificatione egregiè illustravit, indulgentias rejecit, denique Antichristum Romanum digito veluti commonstravit. Horum omnium testimonia consignatissima Catalogus Testium Veritatis, Wolphii

Lectioes Memorabiles , Pleſſæus , Martyrologia , Bohemicum inprimis , aliæque exhibent. Tantis verò doctõ-
ribus & teſtibus veritatis cum abundaverit circa ea tem-
pora Eccleſia Dei , non potuit non titubare Roma , &
Chriſti Regnum paulatim emergere , tenebræſque Anti-
chriſti depellere.

CXLVIII. Denſiſſimam illam teſtium Veritatis nu-
bem Romanenſis Factio equidem diſcutere magno niſu ,
ferro flammaque adverſus eos ſæviendo , ſuſtinuit. Quid
enim fortiſſimis heroïbus & Calliniciſ Chriſti *Johanni*
Huſſo & *Hieronymo Pragenſi* , contra fas obſtrictæ multis mo-
dis fidei , abituros ſcilicet fide qua veniſſent , adeoque
dato comœatu ejusmodi , qualem ægrotus Leo promit-
tebat beſtiis ad ſe viſendum accedentibus ; Conſtantia
contigerit , lippis certè & tonſoribus notum eſt. Neque
contenti ea ſtrage Pontificii , conſilia de tota Bohemia
abolenda mox agitârunt. Cùm enim Proceres ejus præ-
cipui ſcriptis Conſtantiam literis graves ob iniquiſſima de
Huſſo & Hieronymo ſumpta ſupplicia querelas moviſ-
ſent ; Martinus V. A. MCCCXX. excommunicatione ad-
verſus eos Florentiæ publicata clauſicum inſuper canens ,
Cæſarem , Reges , Principes , Marchiones , Comites &c.
ad arma contra eos invitat , & per vulnera Chriſti , ejus-
que ſalutem orat , ut junctis viribus eos penitus extir-
pent ; ſceleſtiſſimo cuique , dum unum Bohemum occi-
derit , plenaria peccatorum omnium remiſſione promiſ-
ſa. Quo incentivo inflammatus Sigismundus , totius Ger-
maniæ , vicinorûque Regnorum viribus ſuccinctus , An-
tichriſtiani furoris ſatellitem ſe gerit , valido cum exer-
citu Bohemiam ingreſſus , eamque bellis decimum ter-
tium in annum continuatis fatigans. Quæ bella Huſſiti-
ca plus admirationis , quàm fidei apud poſteros habitura
Æneas Sylvius dixit ; eò quòd ſemper Huſſitarum ,
quàm

*Pontificia ad-
verſus eorūdem
tyrannidis
ſpecimina in
Huſſi , Hie-
ronymi alio-
rum ſuppliciis
& Bohemo-
rum perfec-
tione produ-
cuntur.*

quàm Pontificiorum arma prosperiora fuerunt. Non paucos tamen intrepidum pro Veritate martyrium passos Martyrologium Bohemicum Capp. 10. 11. &c. inducit. Taceo *Oldocastelum*, pluresque alios in Anglia, *Thomam Rhedunensem* Carmelitam, *Manfredum Vercellensem*, *Guilhelmum Taylour*, *Witthe*, *Hieronimum Savanarolam* Florentinum, aliosque strenuos pro Veritate cœlesti athletas, Pontificum furore horribiliter cruciatos extinctosque. Adeo Romanenses.

Jam pridem verum non didicere pati.

Julii II. tyrannis & scélitis.

CXLIX. Seculi *Decimi Sexti*, quod renascentis in eo Evangelii & concussi non leviter Regni Pontificii gloria inclytum fuit; initio Ecclesiæ Romanæ habenas moderatus est Julius II. quem ante Papatum omnes, Guiciardino teste, *morosissimum, intolerabilem, truculentum & quietis impatientem, quique in eximios quosque viros immanes jam inimicitias exercuisset, noverant.* Tyrannidis, quam statim Papa factus exercuit, specimina Onuphrius, Guiciardinus idem, alii narrant. Statum certè utrumque Politicum & Ecclesiasticum miserè perturbavit: neque quisquam antehac Pontificum ita turpiter ulli Imperatori illulit, sicut hic Maximilianum nefariis suis artibus circumscripsit. Cùm enim ad bellum Venetum gravissimum eum impulisset, ac is Venetos, Pontificiæ Sedi rebelles, captis eorum urbibus præstantissimis, & effuso immenso cruore, ingentes ad angustias redeigisset: Julius absterfo omni pudore, contra fidem datam, coram Imperii Ordinibus Augustæ congregatis non tantùm Venetos pacem petentes in gratiam recepit, sed & percussio cum ipsis fœdere, exercitum suum adversus Imperatoris confœderatos, Ferrariensem & Ludovicum XII. Regem Francorum, iniquissimus & perfidissimus bellator eduxit, cum ea voce, quæ ipsum non S. Petri, sed perditissimi & sceleratissimi latro-

Bella adversus Venetos, Maximilianum & sederosatos Gallos improbe gesta.

latronis successorem esse monstravit. Cum exercitu enim Roma egressus, Petri clavem furibundus in Tiberim iactavit, adeoque, ubi ingeniosè Bibliander conclusit, omne, quòd à S. Petro se habere finxit jus, Tiberino flumini resignavit; additis hisce verbis: *Quia clavis S. Petri amplius nil juvat*, (evaginato gladio) *valeat gladius S. Pauli*. Sed Deus iustus scelerum vindex nequitiam multam non sivit. Commissio enim apud Ravennam ipso die Paschatis cruento prælio, ingentem stragem à Gallis passus, victoriam quamvis cruentam iisdem concessit. Ita ἀλλοπερόσαλλος denuo opera Matthæi Langi, Episcopi Salisburgensis, Imperatoris Maximiliani amicitiam ambiens impetransque, Helvetios Matthæi Schyneri, Episcopi Valesiani, & fraudulentæ fœderi innoxos post ἀνθρωπιάς ἐνεκα Cardinalis creati, hominis versutissimi, icto cum iis fœdere, sibi adjungens. Venetisque indulgentiis auxiliantibus, mox Mediolanum obsidet, &, pulsus inde Gallis occupat. Helvetiis ob rem præclare scilicet gestam, bullatas indulgentias, titulos amplos, pileum, gladium, aliâque privilegia contulit, quin & signis militaribus eisdem exornavit; atque sic exemplo patrum sui Sixti IV. egregiè illis illudit. Bellum hoc, auspice Julio, contra Regem Francorum inceptum, per multa post prælia cruentissima & calamitates gravissimas extractum, vix tandem compositum & finitum est. Retulitque Orbis Christianus Patri suo Beatissimo acceptum, quòd sub ejus, ceu verissimi ὡς ἀπώλειαι, filii perditionis auspiciis, gladio, inedia, aliisque belli incommodis plus quam ducentena hominum millia interierunt. Visum tandem Patribus nonnullis sincerioribus Papam ad rationem reddendam villicationis suæ adigere, instituto Pisani, Imperatore & Rege Francorum consentientibus Concilio. Sed effecit Julius artibus suis, ut non sine tumultu & vulneribus, & re infecta, Concilium dissolveretur. Concilii illius Pisani posterioris acta

*Helvetios
fraudentes
fœderi innoxos
bullatis in-
dulgentiis
mauitat.*

*Pisano Con-
cilio instituto
ad reddendam
rationem
villicationis
sue citatis,
anathemam
te ad-
versarios ge-*

rit, & Con-
cilium Late-
rani in. l. t. um
iisdem oppo-
nit.

una cum actis Pisani prioris, apologia Philippi Decii Jurisconsulti Itali munita, ex Bibliotheca Regia Lutetiæ ante annos plus sexaginta publicam in lucem prodierunt. Alterius etiam Concilii ejusdem apologiæ Bailius in *summa Conciliorum* meminit; cujus cap. 6. Cardinales protestantur, *se nunquam dignitatem Pontificiam affectasse, sed Aristocraticam moderationem voluisse restituere, qua Christus primatum Sedis Apostolicæ temperaverit.* Cùmque Concilium illud aliò translatum esset, Julius ad solitas Pontificibus artes conversus, Regem Francorum unà cum Patribus illis diris devovit, & dignitatibus exuere conatus est. Et ne causæ suæ diffidere videretur, ipsemet Romæ Concilium indixit, in Laterano, eo videlicet locò, in quo nihil metuendum ipsi erat, & in quo vota omnia in potestate sua habuit. *Julio* (ita ipsemet Onuphrius scribit) *mens non fuit quicquam boni in illo Concilio agere, sed tantum Concilio, & Cardinalibus sibi adversantibus adversari.* Neque verò Lateranense isthoc Concilium Generalis Concilii nomen mereri, etiam Stanislaus Felix adversus Pallavicinum solidè comprobat. Et *cætum quendam non in Spiritu Dei congregatum illud fuisse*, Gallia, teste Launojo, affirmavit. Fertur porro sæpe Imperator Maximilianus ingeminasse verba hæc: *Deus aterne, nisi vigilares, quàm malè esset mundo? Quem regimus nos, ego miser venator, & ebriosus ille ac sceleratus Julius!* Quin & ipse novissimus Concilii Tridentini scriptor & Cardinalis Pallavicinus lib. I. cap. I. n. 5. 6. non diffitetur, *fuisse Julium feroci animo atque iracundo: indulsisse illum militiæ studiis, supra quàm opus fuit, & supra quàm tanti capitis sanctitatem deceret.* Stolidè tamen sic illum excusat. *Næ, si tam ferox non fuisset, nunquam Ecclesia recuperasset majorem potiorémque suæ ditionis partem.* Ferocem ergo temporalium & mundi gratia esse Christi huncce Vicarium oportet!

Sforzia Pal-
lavicini de
Julio judi-
cium, &
ejusdem fri-
vola excusa-
tio.

Testes Verita-
tis ætate,

CL. Non defuerunt etiam Julii hujus ætate Veritatis pro-

promachi plures, qui Romanæ Ecclesiæ ulcera tangerent. *Waldenses*,
 Et in Gallia quidem non tantum Waldenses, Romanæ Cu- *Faber Stapu-*
 riæ adversarii, qui à trecentis jam annis in montibus Nar- *lensis, Budaus,*
 bonensis Galliæ, Provinciæ & Allobrogum sub Alpinis Val- *Picus Miran-*
 libus aliisque locis in eadem fide, puritate & simplicitate *dulanus, Lu-*
 pergebant: Regi Ludovico suam à Romana Ecclesia di- *dovi us XII.*
 scissionem & innocentiam comprobavere, eique fidem &
 vitam eorum edocto memorabilem hancce vocem: *Ecclesia Behe-*
mica, Mora-
vica, &c.
illi me
cæterisque subditis meis meliores sunt; extorserunt. Sed Faber quo-
 que *Stapulensis* Theologiam ad limpidos fontes revocavit,
 nequicquam à Sorbona eo nomine vexatus. *Guilhelmus* etiam
Budaus, Vir doctissimus, pragmaticam Sanctionem strenuè
 laudavit, & Ecclesiam factam esse meretricem, provincia-
 tim merentem asseruit; quin & tota Ecclesia Gallicana *plen-*
itudinem potestatis Pontificiæ plenitudinem tempestatis appella-
 re non dubitavit. Ne dicam *Ludovicum XII.* Regem mone-
 tæ jussu suo cusæ hæc verba inscribi curasse: *Perdam Baby-*
lonis nomen, cui proin magno Authori Roma Babylon fuit.
 Sed & *Johannes Picus Mirandulanus* apertè contra Transsub-
 stantiationem & cultum imaginum disputavit. Erfordiæ
 verò *Sebastianus Brand* Pontificias merces vehementer explo-
 sit, & Reformationem Ecclesiæ instare prædixit. Denique
 Ecclesiæ *Bohemica, Moravica & Silesia*, Confessionem in
 præcipuis nostræ conformem, & Apologiam Uladislaw
 Hungariæ Regi obtulerunt.

ECCLESIAE ROMANAE PERIODUS SEXTA.

Seu

Historia Ecclesiae Romanae per Reformationem, seu separationem fidelium, suae in Spiritualibus & temporalibus potestatis cladem gravissimam patientis.

Inde à Leone X. seu A. C. M. D. XVII. ad Concilii Tridentini finem, seu A. C. M. D. LXIII.

BREVIARIUM.

- CLI.** *Leonis X. Papatus. De eo vaticinium Abbatis Johannis. Lateranense Concilium sub eo continuatum Pisenum extinguit. Honores Divini in eodem Concilio ipsi tribut. Principum dissidia fovet, & primò Caesarearum, mox conversa fortuna, Gallicanarum partium fit. Caroli V. electioni obsistit; & denuo mutata fortuna Caesareis partibus se adjungit. Opera Sedunensis Cardinalis Helvetios nefariè dividit.*
- CLII.** *Mercator & Cananeus ingens fuit. Ejus avaritia ex Paulo Langio describitur. Falsis prae-textibus indulgentiarum commercium exercet.*
- CLIII.** *Omen ruituri mox Papatus, Zwinglii & Lutheri heroicis ausibus impletur.*

CLIV. Leo-

- CLIV. *Leonis Atheismus & impietas probata ex disputatione de immortalitate animæ ab eo decisa ; Pico Mirandulano.*
- CLV. *Cardinale Pallavicino ;*
- CLVI. *Ecclesiæ Romanæ Reformationis indige corruptio ; asserta ex Paulo Langio.*
- CLVII. *Authore libri, cui nomen Onus Ecclesiæ ; nec non Authore libelli de decimis non præstandis, & Appellatione Vniuersitatis Parisiensis.*
- CLVIII. *Adriano imprimis VI. Pontifice, ejusque instructione per Cheregatum Ordinibus Germaniæ exhibita.*
- CLIX. *Adrianus idem à Pallavicini & Masenii cavillationibus à Lannojo vindicatus.*
- CLIX. *Responsum Ordinum ad Cheregati propositionem : eorundemque gravamina centum : Novem Cantonum Helvetiæ tentata reformatio.*
- CLX. *Reformatio Adriani & Romanensium tentata qualis fuerit ?*
- CLXI. *Qualis etiam Ordinum Imperii & Cantonum Helvetiæ ?*
- CLXII. *Zwinglii & Lutheri Reformatio primitus tentata manca fuit , at contranitentium studio evasit perfectior : & Pontificis dominationem passim coercuit.*
- CLXIII. *Clementis VII. Papatus. Schisma ipsum inter & Urbanum VI. Ejus ingenium ex Jovio depictum. Centum gravamina Ordinum expendit , & Campegium ad Comitæ Norimbergensia mittit. Eo rejecto Ordines ad Concilium liberum provocant : Pontificii tamen in Comitibus peculiaribus , & post etiam Carolus ipse executionem decreti Wormatiensis urgent. Clementis pessima erga Casarem fides.*
- CLXIV. *Vnde bello in Italia flagrante Roma capta , direpta, & ipse Clemens in Castro Angeli captivus retentus : Carolo improbante factum sui militis. Liberatus Papa , fœdere cum Casare inito , eum Bononiæ coronat. Principes Pontificii fœdere inito adversus Evangelicos conjurant. De Concilio contentio Casarem*

inter & Papam. Vi decernere Cæsar instituit: at mox Augusta cum Protestantibus de pace ad tempus usque Concilii transigit. Papæ defectio à Cæsare ad Gallum (cujus filio Henrico I I. neptim Catharinam Mediceam, quartam Francorum Furiam post dictam, despondet:) & mors subsequuta. De eo Suavis, Pallavicini, & Jovii testimonia.

CLXV. *Pauli I I I. Papatus. De eo testimonia libri Italici, Onuphrii. Simonia ejus à Pallavicino nequiter defensa.*

CLXVI. *Qualemse erga Cæsarem Paulus hic gesserit?*

CLXVII. *Concilii celebrandi studium testatur. Consilium ejus jussu à Cardinalibus & Episcopis conscriptum de reformanda Curia Romana.*

CLXVIII. *Ejus precipua capita. In nervum tamen, dissidentibus in ejus examine Cardinalibus, non erumpit.*

CLIX. *Iesuitæ exorti & à Paulo confirmati labantem causam Ecclesiæ Romanæ sustinent. De novello Ordine eo judicium Sorbonæ.*

CLXX. *Successu temporis ordo ille degenerat, teste in peculiari scripto Iulio Clemente Scoto.*

CLXXI. *Capucinatorum ordo ab eodem Paulo confirmatus. Iesuitæ & Capucini junctis viribus Romanam Ecclesiam ruentem sustinent.*

CLXXII. *Concilium Tridentum indicitur.*

CLXXIII. *Reformatio in eo Concilio suscepta qualis fuerit?*

CLXXIV. *A Reformatione seria abhorruisse Pontifices, ex Pallavicino probatur.*

CLXXV. *Cornelii Mussi Bitontini, & Caranzæ orationes in Concilio habite, ex quibus Ecclesiæ R. corruptio asseritur.*

CLXXVI. *Iulii I I I. Papatus. Ejus spurci mores, & prima purpura Innocentio, non sine gravi suspitione donata; aliæque impietatis ejus argumenta.*

CLXXVII. *Sardanapalus talis Concilium Tridenti restaurat, protestante contra illud Gallo. Prorogatio ejus ad biennium usque decreta, decennium integrum durat.*

CLXXVIII. *Con-*

- CLXXVIII. *Conversis in Germania rerum vicibus, Passa-
vii & mox Augusta libertas religionis sancitur, frustra rim-
gente Pontifice, aliisque vi extortam caussantibus.*
- CLXXIX. *Anglia ad Papatum relapsa ingens gaudium Papæ,
sed non diuturnum affert.*
- CLXXX. *Marcelli II. Papatus. Salutem Pontificum is pro
conclamata habet.*
- CLXXXI. *Ei Paulus IV. succedit. Deo Oraculum male præ-
sagiens impletur. Draconicus ejus adversus Casares Carolum &
Ferdinandum animus.*
- CLXXXII. *Studium reformandæ Curie Romanæ simulans,
palam Concilium detestatur.*
- CLXXXIII. *Iuxta oraculum Draconem & Leonem se gerit,
edita Bulla de puniendis Hereticis, etiam Regia & Imperiali
dignitate fulgentibus: instituto tribunali Inquisitionis: & con-
scripto Indice librorum prohibitorum; adeoque more Turcico Pa-
patum promovens.*
- CLXXXIV. *Pii IV. Papatus.*
- CLXXXV. *Concilium Tridentinum postliminio revocans,
ad finem perducit.*
- CLXXXVI. *Ferdinandi Imperatoris de Concilio querela;
& Gallorum adversus illud protestatio.*
- CLXXXVII. *Anathematismi Concilii quales?*
- CLXXXVIII. *Recipitur Concilium & promulgatur à Ponti-
ficiis non omnibus.*
- CLXXXIX. *A protestantibus verò omnibus, seu Conci-
liabulum profanorum hominum, damnatur.*

Leonis X.
Papatus.

CL I.



Ulio Johannes Medices, patria Florentinus, dictus Leo X. opera juniorum Cardinalium, uti Augustinus Oldoinus *Notis ad Pontificium Necrologium*, memorat, successit. Qui eruditorum amans, de cœtero

De eo vaticinium Abbatis Johannis. Lateranense Concilium sub eo continuatum, Pisanum extinguit.

Honores Divini in eodem Concilio ipsi tributi.

voluptarius carnem nutrit, & genialiter vixit. Vaticanum de eo venturo Abbas quidam Johannes ejusmodi prodidit: *Veniet Leo sub pelle Agni, & devorabit oves.* Continuatum sub eo Concilium Lateranense à Julio institutum, facile Pisanum extinxit. In Concilio eo Anthonius Puccius Sessione nona Orationem habens, verba illa Psal. LXXII.

II. *Omnes Reges terræ adorabunt eum, & servient ei*, Pontifici tribuere non dubitavit, subjiiciens: *Omnes Reges terræ sciunt, quam potestas Tibi data sit in Cælo & in terra.* Alludens aperte ad ea, quæ de se Christus dixerat. Eadem vena Archiepiscopus Stephanus Sessione X. *Omnis*, inquit ad Papam, *potestas tibi data est. Qui omne dicit, nihil excipit.* Sessione VI. Papa Leo venit nomine *Leonis de tribu Juda, radicis Davidis, Salvatoris & Liberatoris Israelis.* Eodem pertinent de Pontifice phrasæ Concilio huic familiares, cujusmodi sunt Sess. I. *Respectus vestre Divina Majestatis.* Sess. III. *Princeps totius Mundi.* Sess. IV. *Princeps est & Rex.* Sess. IX. *Papa Princeps est Apostolorum &c.* Passim etiam *Sponsi Ecclesiæ* nomine venit. Per initia quidem Papatus sui simulavit Leo, se laboraturum, ut dissidentes Principes componeret, & bella atrocissima sopiret. Sed Julii insistens vestigiis, sublæstæ fidei homo, illa nefariè potius fovit. Cæsaris enim primum, Venetorum & Sforciadum partibus favens, opera Sedunensis Cardinalis, furie infernalis, Helvetios contra Gallos Mediolano imminentes in Italiam induxit. Ita, præsidente Leone die VI. Junii A. M. D. XIII. pugna-

Principum dissidia fovet:

Et primò Cæsarearum,

pugnatum est ab Helvetiis ad Novariam, cœsâque sunt Gallorum multa millia. Biennio post iterum memorabili pugna ad Marignanum in agro Mediolanensi, cum Gallis Helvetii conflixere, ubi Gallorum supra duodecim, Helvetiorum supra sex millia letho data sunt. Captus est autem Dux Sforcia, & Mediolanum ipsum in potestatem Francisci I. pervenit. Leo versipellis & fortunam partium max conversâ speculatus, ubi fortunam Gallis favere animadvertit, fœ- fortuna Gal-dere Cæsareo violato, cum Francisco Gallorum Rege a- licarum par-micitiam connectit, eique Imperii Constantinopolitani coronam, quam nunquam habuit, confert. Comperta ea re Maximilianus dixisse fertur, *jam vere se affirmare posse, quod Paparum nullus sibi fidem servaverit.* Maximiliano defuncto magis etiam ad Galli partes adversus fortunas Caroli V. deflexit. Scriptis enim ad Electores literis pertendit, Caroli V. ele-Carolo ad honorem Imperii aspirare non licere, eò quòd ctioni obfistit; Reges Neapolitani Pontificis Romani clientes sint, & fide data jam olim cum Pontificibus pepigerint, se Romanum Imperium nunquam appetituros. Cùmque Cæsar crearetur nihilominus Carolus, multa adversus illum machinari, utriusque Siciliæ Regno eum exuere, & Italico Regno subverso, protectionem Civitatum Italiæ inter Sedem Pontificiam, Gallumque dividere conatus est. Cùm verò ma- Et denuo mu-chinatio parùm succederet, iterum Protheus insignis, *astu-* tata fortuna *tam vapido servans sub pectore vulpem,* probèque doctus obli- Cæsareis par-quare sinus in ventum; à Gallo ad Cæsarem deficit, fœdus- tibus se ad- *jungit.* que cum eo pangit has ferè in leges, ut Parma & Placentia, Sedi Romanæ restituerentur, Franciscus Sforcia in Ducatum Mediolanensem reduceretur, Galli ex Italia pellerentur, Sedesque adeò Romana, omni Gallorum metu liberata, in tuto collocaretur. Hic conversus denuo ad Hel- Opera Sedu-vetios, opera Cardinalis Sedunensis, veri Sinonis, tandem ensis Helve-per insignem fraudem à Tigurinis suppetias sex millium tios nefarie *dividit.*

impetravit, in speciem ad defendendam ditionem Pontificiam, revera autem ad pellendos ex Italia Gallos. Quibus sese opposuerunt ii Helvetii, qui signa Gallicana secuti tandem Mediolanum perdididerunt; & Cæsari Pontificique cesserunt. Certè artibus hisce perfidis totam Helvetiam Leo conturbavit, & concordiam antehac factam maximam in discordiam permutavit, quam boni omnes uni Pontifici Leoni, ejusque proxenetæ Cardinali Sedunenfi, patriæ proditori, acceptam meritò referunt.

*Mercator &
Cananeus in-
gus fuit.*

*Ejus avaritia
ex Paulo
Langio de-
scribitur.*

CLII. Fuit porro Leo hic כנעני *Cananeus* (Zach. XIV. v. ult.) seu Mercator grandis ac nefandus, & profusus supra modum in distribuendis per orbem Christianum indulgentiis, hoc est, instruendis rationibus, quibus ex hominum stultitia immensam sibi pecuniam, voluptatibus bellisque sustinendis, & charitatibus suis locupletandis, compararet. Patrio more (ita Langius οὐργον & Monachus Chron. Citiz. A. M. D. X I I I. scribit) *Leo auri sitientissimus est, nimirum cum Romanorum avaritiæ Florentinorum accesserit cupiditas, aurique sacra fames creverit in immensum, crescitque usque modò amor nummi, quantum ipsa pecunia crescit; sevirorque ignibus Etnæ ardet amor habendi, quemadmodum & Naso inquit: Creverunt & opes & opum furiosa libido; quò magis sunt potæ, plus sitiuntur aquæ.* Numerant certè historiæ immensum auri & argenti pondus, quod indulgentiarum propolæ undique corraferunt. Sed & octo Cardinalium ordinationibus Cardinales duos & quadraginta creavit, ex quibus, insignem per Simoniam thesaurum pretiosissimum collegit. Quinta ordinatione Cardinales triginta & unum creavit, atque inter eos opulentissimos & principes Viros, quibus Papatum non tantum ditavit mirum in modum, sed etiam ceu columnis quibusdam suffultum roboravit. Memorat idem, qui supra Langius, ex quinta illa triginta Cardinalium ordinatione Leonem quingenta millia Ducatorum

torum in patrimonium Divi Petri intulisse ; facta tamen iisdem spe restitutionis. Cúmque aliunde Cardinalibus ita *Falsis prætextibus indulgentiarum commercium exercet.* emunctis satisfacere non potuisset , indulgentiarum turpissimam illam fraudem ausum , huc illuc æruscatores misisse , qui belli Turcici & structuræ Vaticanæ prætextu pecunias , ex quibus Cardinalibus satisfaceret , corraderent. Neque verò ex thesauris , insignem per imposturam ita comportatis , vel Vaticanam structuram , vel Turcicum bellum , uti ignathones ejus , & ipse quoque prætenderant ; promovit ; (nam & satis pecuniarum ad structuram ejusmodi perficiendam Julius reliquerat ; & lapides interdiu Romæ ad Vaticanum construendum cæsos , noctu Florentiam ad palatium Mediceum fabricandum asportatos esse , historiæ produnt : & ad bellum Turcicum a prime quidem necessarium contulit omnino nihil ;) sed Valerius Anshelmo , Paulo , Langio , Guicciardino , aliisque *diversis* testibus , tum Cardinalibus illis retribuit : tum Sororem Magdalenam , agnatos & Amicos ditavit , & alios simul ad utriusque ordinis principatum , aliorum cum injuria , evexit. Julianum enim ex Sorore Nepotem , Mutinensem ; & Laurentianum Urbini Duces creavit ; isti Sorore Caroli Sabaudi , huic Bononiæ Ducissa , uxoribus conciliatis.

CLIII. Pessimum verò omen interpretati multi sunt , *O non ruitur mox Papatus,* quod Leone Cardinales quintum ordinante , fulmen Templum ipsum , in quo ordinatio fiebat , feriit , non sine pavore omnium & trepidatione maxima , stupentium etiam , cùm fulminis ictu pueruli Jesu imaginem ex gremio matris excussam , & claves ex manibus Petri dejectas cernerent. Indicium scilicet , fore , ut propediem Papatus convellatur , Sedesque illa ad ruinam gravem impellatur. Neque falsum isthoc omen fuit. Mox enim Quirinalis illius prædonis emissarii Tezelius Monachus in Germania , & Samson Franciscanus Mediolanensis in Helvetia Sacerima illa *Zwinglii & Lutheri hereticis ausibus impletur.* indul-

indulgentiarum, seu tesserarum non modò venialium, sed etiam venalium, impunitatem scelerum, & solutionem Sacrarum legum (veluti si quis sanctissimæ etiam Christi Matri vitium obtulisset) impia & sordida benignitate largientium, nundinatione effecerunt, ut patientia nimium jam læsa, ducibus magnanimis & *καχεροτομημένοις* *ὑπὸ τῷ* *Ἱεῷ*, in Germania quidem Marthino Luthero, in Helvetia verò Huldrico Zwinglio, ipsius Capitolini Jovis jugulum strenuè invaderetur; sana ac verè Divina de vera peccatorum remissione & justificatione peccatoris per Christi solius obedientiam & fidem in eum, doctrina Papalibus indulgentiis quæstuosissimis opposita restitueretur, & Pontifici ipsi coronæ, Monachisque ventres auferrentur. Quæ duo fecisse Lutheri peccata, Principi cuidam de eo sciscitanti, festivè Erasmus respondit. Frustrâque hic Leo ad solitas Pontificibus artes conversus, Lutherum, omnesque ei adhærentes anathemate percussit. Non tantum enim anathema ceu brutum quoddam fulmen, non tam in homines, quàm in Christum ipsum, utpote cujus honori vindicando & amplificando merito unicè piorum studia velificabantur, jactatum sperni; sed etiam Sedes Romana, ceu *γῆσι* *Βαβυλὼν* & Sodoma, ac super ea sedens, ceu Antichristus verissimus certissimis indiciis demonstrari, totis viribus oppugnari, & vicissim damnari; Romana denique superstitio, idololatria & impietas in apertam ubique Scenam produci, convinci, & pro eo atque merebatur, exagitari coepit. Durabitque sacrum illud bellum, quo per Spiritum oris Christi perditus ille & perdens terram paulatim aboletur & consumitur, donec Christus *τῇ* *ἐν Φαυρίᾳ τῇ παρυσίας* eum penitus abolebit, conficiet, & orco, unde caput suum extulit, totum adjudicabit.

Leonis A-
theismus &
impietas pro-

CLIV. Qualis fuerit Leo ille, sub quo, & quo occasionem præbente, Ecclesiæ diu Babylone captivæ Divina libe-

libe-

liberatio & *παλιγγενεσία* feliciter processit, abundè ex iis, *bata ex dis-*
 quæ diximus, constat. Constabit tamen luculentius etiam, *putatione de*
 si de ejus summi scilicet Pontificis & Vicarii Christi impie- *immortalita-*
 tate & Atheismo, nonnihil attexuerimus. Ille scilicet *te anima ab*
eo desisa;
 ἡμῶν Φ. C. Johannis XXIV. animam in corporis domi-
 cilio sic insinuatam statuentis, ut extra illum carcerem non
 duret; jussit aliquando (uti *Recusat. Synod. Trid. par. 2. caus. 8.*
pag. 266. comprobatum videre est) personatos Philosophos
 duos, ceu moriones ex adverso ad mensam assistere; quos
 animi gratia de immortalitate animæ disputantes audiret;
 alterum qui affirmaret, & qui impugnaret, alterum. Cúm-
 que finita disputatione judicium in arbitrium Pontificis hi
 rejicerent: ille sic definita sententia controversiam diremit:
Et si tu, inquit ad affirmantem, pulchras & bonas rationes ha-
beas; tamen ego sententiam hujus, negantis, probo, ceu firmio-
rem, & que faciat bonum vultum. Eidem Leoni cùm aliquan-
 do Bembus, vir excellenter doctus, & post Cardinalis
 delectus, locum quendam è sacris Bibliis in sermone pri-
 vato retulisset, molestius id ferens Papa, *quid, inquit,*
mibi narras istam de Christo fabulam? Et ne ab hæreticis hæc
 conficta clamitent *οἱ ἐξ ἐναντίας*, ejus rei *ἀντίπρω* & *ἀντί-*
χορῶν testem damus, qui & scire debebat: & causam, cur
 mentiretur, non habebat; Johannis Pici, Mirandulani *Pico Miran-*
 Comitis nepotem ex fratre minimè degenerem, qui in illo *dulano.*
 Pisani & Lateranensis Concilii conflictu, quæstionem
 tractans, *utrum Concilia vel Pontifices errare possint*, inter alia
 de Leone hoc loquens: *Meminimus, inquit, Pontificem cre-*
ditum & adoratum, qui nullum Deum credens, omne infidelita-
tis (ἀθεότης) culmen excederet: pessimæque ejus opera in coë-
mendo Pontificatu, in omnigenis sceleribus exercendis, id ipsum
testabatur: sed & pessima quoque dicta confirmabant. Námque fas-
 sum eum affirmabatur domesticis quibusdam, nullum se Deum ali-
 quando, etiam dum Pontificiam Sedem teneret, credidisse quæ ejus

verba libro *de fide & ordine credendi*, theorem. 4. pag. 259. 260. legere est.

Cardinale
Pallavicino.

CLV. Quid verò multis? Ipse Sforcia Pallavicinus *Histor. Concil. Trid. lib. I. cap. 2.* modernos parasitos, atque inter illos Lojolitam Ottonem, qui sicut alios, ita Leonem etiam hunc nitrum & lomentum facere non erubuit, suo testimonio confundit. *Opponit*, ita ille *num. 2.* scribit, *Suavis, magis Leonem in literis profanis versatum, quàm in sacris & ad religionem pertinentibus. Haud quidem illi repugno? Leo ingenio capacissimo, ac singulariter studiis addictus à Deo, vix pueritiam egressus, cum se in supremo Senatu Ecclesia collocatum cerneret, suo planè officio defuit, neglecta in literarum studio parte non solum nobiliore, sed suæ magis congrua dignitati. Gravior apparuit deformitas, quando trigesimo septimo ætatis anno Præses ac Magister religionis constitutus, non continenti solum studio profanarum literarum curiositati se totum impendit, sed in Regiam ipsius Religionis majori cura eos accersivit, quibus essent perspectæ Græcorum fabulæ, Poëtarumque deliciæ, quàm Ecclesiæ historia, ac Patrum doctrina, &c. Non aequè Theologorum ac Poëtarum consuetudine est delectatus, nec juxta sacram eruditionem promovit ac profanam. Mox num. 4. & 5: Suavi objectanti, Leoni haud magna cura pietatem fuisse, largitur; in Leone, cum Pontifex electus est, tantam curam pietatis non eluxisse, quantam celsitudo illa penè Divina postulabat. Nam, inquit, ut ea præteream, quæ sub famæ suspicione magis, quàm affirmatione delitescunt; constat, venationes, facetias, pompas adeò frequentes, fuisse in Leone vitia partim Seculi, partim potentia, partim etiam ingenii: non tamen exiguo in eo inter mortales fastigio, cui nil par esse potest, nisi summa perfectio. Post num. 6. ait, Leonem in Sede Romana collocatum passum esse se dementari ab ea specie, quæ magnificum cum bono confundit, plausumque multitudinis cum Reipublica emolumento.*

Ecclesia Ro-
mana Refor-

CLVI. Fuisse ea tempestate Ecclesiam Romanam corruptam

ruptam supra modum, adeoque Reformationis indigam, pariter *dictio* seu domestici testes diffitentur nulli. Idem, qui supra, Monachus Paulus Langius in Chronico Citizenfi, quod A. M. D. X X. se scripsisse profitetur; ad A. M. D. X I I I. de Ecclesiæ Romanæ statu ejusmodi querelam textit:

*mationis in-
diga corruptio
asserta ex
Paulo Lan-
gio.*

*Amore equidem auri & nunc Romæ cuncta venalia sunt; auro mediante Simonia toleratur; præbendarum pluralitas in infinitum conceditur; beneficia dignitatēve cujusvis qualitatis & Cardinalibus & Protonotariis, atque amicis Papæ reservantur; expectati-
væ gratiæ sine numero conceduntur; annatæ sive medi fructus absque ulla dilatione temporis exiguntur. Quin imò ipsa Annatæ, in quas tempore Callisti Papæ tertii, ad quatuor Principes consense-
runt annos, non modo adhuc durant, sed & in dies magis crescunt, duriusque premunt & opprimunt. Et nisi iidem Principes remedium adhibere procurent; omne as & aurum pedetentim hoc malo è Ger-
mania corrasum & haustum Romam velut in Sacculum pertusum, & inexplebilem voraginem portabitur. Dimembrationes Monaste-
riorum, & Ecclesiarum permutationes injustissime admittuntur; Ecclesiarum quoque regimina non magis merenti, sed magis affe-
renti committuntur; electiones Prælatorum passim rejiciuntur, & Romanis tribuuntur; pro palliorum Archiepiscopalium redemptione ingens pecunia in damnum Ecclesiarum contra Sanctionem Leonis
Papæ, ejus nominis Secundi, imò contra Sacri Basileensis Concilii decretum, pro uso pallii, aliorumque officiorum confirmatione & impetratione, nihil persolvendum statuentis, exigitur & extorque-
tur. Quam quidem exactionem præter Simoniam alia complura in-
commoda sequuntur. Nam nostra atate Archipræsules pecuniam, quam pro pallio seu etiam confirmatione obtinenda Romam mittere coguntur immediatè, quatenus ipsi indemnes maneant, & thesau-
ros suos non minuant; æquivalentem, imò multò ampliorem sub nomine subsidii extorquent pecuniam; quemadmodum nuper in Ar-
chiepiscopatu Magdeburgensi contigisse haud absque querela paupe-
rum (proh dolor) audivimus. Per prædicta igitur & similia, qua*

ex Romana Curia manant gravamina, per orbem Christianum ruina, destructiones & arumna oriuntur. Nec mirum, cum ipsa Germania suprema & principalis, quondamque potentissima, Moguntinensis Archiepiscopalis Ecclesia, ob eas res causasque maximis & permultis onerata sit debitis, & vehementer exhausta. Proinde non immerito cum supra memorata gravamina sub Leone X. in Gallia plus solito grassari inciperent; Universitas Parisiensis pro conservatione & bono Ecclesiarum totius Regni contra eundem Papam ad Concilium appellavit Generale, &c. Post indulgentiarum historiam pertexens, ita quidem laudat Lutheri Simoniam illam aggressi Zelum, ut tamen subjiciat: *Quæ de Martini Lutheri doctrina disserui, non sicut discipulus illius assertive, sed potius admirativè posui, utpote nullius adhuc juratus in verba Magistri. Sed cum sim & ego more suspensus multorum, quousque per Oecumenicum, Vniversale & Generale Concilium, quid in tam ardua re tenendum sit, decretum fuerit. Claudique suam narrationem his verbis: Quæ utinam vera non essent, utinam mendaces in hac parte essemus omnes, ut vitii eliminatis Romæ Sanctitas ipsa & morum integritas, justitia & veritas, ad salutem totius orbis & fidei robur inveniretur, destruereturque ceu falsum & injuriosum illud vulgatissimum etiam laicorum dictærum, quo dicunt, Romæ propiores Christianos esse deteriores, & Curiam Romanam non querere ovem sine lana.*

Authore libri, cui nomen Onus Ecclesia;

CLVII. Author libri decantati, cui nomen *Onus Ecclesiæ*, circa initium Reformationis scripti, & Coloniae denuò A. M. D. C. XXXI. impressi, qui Episcopus Suffraganeus Salisburgensis putatur; Pontificius certè, utpote qui adversus Lutherum contendit passim; Ecclesiæ Romanæ circa eadem tempora statum graphicè depingit. Sectione V. sic scribit: *Ecclesiastica modò sublimitas multifariam est lacerata. Hoc in Apocalypsi ostenditur in Sigilli Sexti apertione, id est, moderni temporis nostri, quando Sol, qui est spiritualis Potentatus, factus est niger, quia non Serenum Cælum,*
sed

sed tetrum infernum aperit. Propterea perversus Pontifex nuncupatur Angelus Abyssî. Sect. VIII. Heu, inquit, sicut olim in imperio Romano, sic hodie in Curia Romana est vorago divitiarum turpissima. Crevit avaritia, periit Lex à Sacerdote, ac visio de Propheta, & consilium à Senioribus. Claves Ecclesiæ sunt in abusu, & servitute ambitionis & Simonie. Vitia enim ferme Curialium celari negarique vix possunt. Roma quasi gurgès flagitiorum. Sect. XV. Ecce Roma nunc est vorago & Mammona inferni, ubi Diabolus totius avaritiæ Capitanus residet, vendens patrimonium Christi, quod sua passione promeruit, qui nobis præcipit, ut gratis demus, quod gratis accepimus. Id modo versum est in proverbium: Curia Romana non petit ovem sine lana: Dantes exaudit, non dantibus ostia claudit. Mox etiam Sigismundi Imperatoris contradispensationum exorbitantiam in Constantiensi Concilio dictum repetit: Legere scilicet nos, Christum Petro potestatem duntaxat relaxandi peccata, non admittendi dedisse. Addit autem ipse: Quot & quantæ exorbitantiæ cum concessione & publicatione Apostolicarum indulgentiarum committantur, explicare potest nemo. Ipse verò impudentissimum illum indulgentiarum mercatum Sect. XXIX. XXX. XXXIX. XLI. XLV. feriis vocibus exagitat, & ad extremum sic concludit: Adparet, nostram matrem Ecclesiam unâ cum filiis suis Christianis circa normam & modum Pœnitentiarum & veniarum non mediocriter esse perplexam atque dilaceratam, & absque Divina ope semetipsam ex illis arummis resolvere impotentem, vehementerque lamentantem de indulgentiarum quæstoribus &c. Addi potest duplex documentum, Germanicum unum, alterum Gallicum. Germanicum prompsit Vir insignis, qui à Principibus, quos Leo ad decimas in usum belli sacri erogandas sollicitavit, consultus, librum scripsit de decimis non præstandis; in quo Ecclesiæ Romanæ miseram faciem ad vivum depingit. Copia ejus apud Wolphium Lect. Mem. Cent. 16. p. 230. 231. extat. Gal-

Nec non Authore libelli de decimis non præstandis,

§ Appella-
tione Univer-
sitatis Pari-
sienſis.

licum verò eſt appellatio ſolemnis Uniuerſitatis Pariſienſis die xvi. Marti A. M. D. xvi. congregatæ, in qua Reformatio Conſtantiensis & Baſileenſis urgetur ſtrenuè, & remedia aduerſus Simoniam Romanæ Curia proponuntur. Ejus Doctiff. Mornæus *Myſt. Iniq.* p. 1391. &c. meminit.

Adriano in-
primis VI.

Pontifice,
ejuſque In-
ſtructione per
Cheregatum
Ordinibus
Germania ex-
hibita.

CLVIII. Quid verò multis? Ipſemet, qui Leoni A. M. D. xxi. ex profuſa ob exactos Medioloſa totaque Italia Galloſlætitiâ defuncto, ſucceſſit, Hadrianus VI. Ultrajectinus, formator olim principalis iuventutis Caroli V. miſſo A. M. D. xxi. ad Comitia Norimbergienſia Franciſco Cheregato, Epifcopo Aprutino, in mandatis dedit, palam Germaniæ Principibus hæc in verba profiteretur: *Dices: Nos ingenuè fateri, quòd Deus hanc perſecutionem Eccleſiæ ſuæ (perſecutionem ſcilicet Eccleſiæ ejusdem tentatam ex Dei verbo renovationem interpretatur) inferre permittit propter peccata hominum, maxime Sacerdotum & Eccleſiæ Prælatorum. Certum enim eſt, non eſſe abbreviatam manum Domini, ut ſalvare nequeat: ſed peccata dividere inter nos & ipſum, & abſcondere faciem ſuam à nobis, ut non exaudiat. Clamant Scripturæ, peccata populi derivari à peccatis Sacerdotum: proptereaque, ait Chryſoſtomus, Salvator noſter curaturus infirmam Civitatem Hieruſalem, ingreſſus eſt prius Templum, ut peccata Sacerdotum primò caſtigaret, inſtar boni medici, qui morbum à radice curat. Scimus, in hac ſancta Sede aliquot jam ab annis multa abominanda fuiſſe, abuſus in Spiritualibus, exceſſus in mandatis, & omnia denique in perverſum mutata. Nec mirum ſi ægritudo à capite in membra, à Summis Pontificibus in alios inferiores Prælatos deſcenderit. Omnes nos (Prælati Eccleſiaſtici) declinavimus unusquiſque in vias ſuas: nec fuit jam diu qui faceret bonum: non fuit uſque ad unum. Quamobrem neceſſum eſt, ut omnes demus gloriam Deo, & humiliemus animas noſtras ei: videátque unusquiſque noſtrum, unde ceciderit: & ſe potiùs quilibet iudicet, quàm in Deo virga ſervo-*

furoris sui judicari velit. Qua in re, quod ad nos attinet, polliceberis, nos omnem operam adhibitueros, ut primum Curia hæc (unde forte omne hoc malum processit) reformetur: ut sicut inde corruptio in omnes inferiores emanavit, ita etiam ab eadem sanitas reformatio omnium emanet: ad quod procurandum nos tantò arctius obligatos reputemus, quanto univèrsùm mundum hujusmodi reformationem avidius desiderare videmus &c. Nemo tamen mirari debet, si non statim omnia errata & abusus omnes per nos emendatos viderit. Impeteratus nimirum morbus est, nec simplex, sed varius & multiplex: pedetentim in ejus cura procedendum est, & prius gravioribus magisque periculosis occurrendum: ne omnia pariter reformare volentes, omnia perturbemus. Omnes subita mutationes, inquit Aristoteles in Rep. perniciose sunt. Qui nimis emungit, elicit sanguinem. Hactenus ille in Instructione, cujus exemplar non tantùm Wolphius in Lectionibus Memorabilibus Cent. 16. pag. m. 195. Sed etiam Ottuinus Gratius in Fasciculo rerum expetendarum Coloniae A. M. D. XXXV. impresso; & post ipsum etiam Pallavicinus Hist. Concil. Trid. lib. II. 7. (ne instructionis illius γνωστότητι quicquam dubitetur) vulgârunt. Acclamamus meritò: Bene, Pater sancte; bene vidisti, quod res est; ut in corporibus (quod Plinius lib. IV. Epist. 23. scitè observavit) Sic in Hierarchia, & alio quovis imperio, gravissimum esse morbum, qui à capite diffunditur.

CLIX. Displicuit quidem Batava illa Simplicitas, (nam Ultrajectinus Adrianus erat) non parùm cùm aliis, tum nuper etiam Pallavicino, emunctiorum scilicet narium homini, & novissimæ Politices Hierarchicæ architecto vaferrimo. Etiam si Pontifex, (inquit inter alia ib. num. I I.) ea in animo haberet sensa, liberioris tamen, quàm par erat, sinceritatis fuisse visum est, ea conventui patefacere, & vel ab ipso, vel ab ejus Nuntio proponi scripto. Satis noverat, in eo cætu complures adesse fidei Romanæ adversarios, qui libenter accepturi essent

*Adrianus
idem à Pal-
lavicino*

Confessionem eam dimidiatam, qua Romanos Pontifices accusabat &c. Paulo post: Aberravit nonnihil Adrianus ab officio Prudentiæ perfectæ in exquirendo à singulis, ad quos scripserat, consilio. Satis erat, si Nuntius per se audita singulorum consilia Pontifici significaret, nulla illi injecta palam necessitate, ea per se ipsum excipiendi. Displicuit etiam validè alteri Jesuitæ Germano Masenio, qui in Anima historiarum hujus temporis inter alia sic de Adriano scribit: Hac simplicitate, qua Germanis se aperiebat, & diffidentia, qua minùs se credebatur Italis, reconditi magis animi sensusque hominibus displicuit. Vindicavit tamen Adrianum à Jesuitarum horum perversa Politica Sorbonista Launojus, qui Epist. IV. 7. cujus inscriptio ita habet: Adrianus defenditur adversus Pallavicinum & alios Aulae Sectatores, qui Adrianum ad regendam Sedem Apostolicam minùs idoneum fuisse, calumniantur; inter alia sic loquitur: In Episcopalis officii non bene gesti suspicionem venit apud eos, qui seculari potiùs, quàm religiosa prudentia regendam esse Ecclesiam, præ se ferunt. Cur verò Magistri illi Curiales, qui temporis serviendum esse putant, sic Adriano detrahant, in causa fuisse tria, idem asserit: Primum, inquit, Adrianus vivere instituit, ut docuerat. Lovaniensis Theologus docuerat, Clerico de bonis Ecclesiæ nihil præter victum & vestitum sumendum esse. Romanus verò Pontifex de bonis Ecclesiæ nihil præter victum & vestitum sibi sumpsit, ut cæteris exemplum præberet, forma gregis factus. Deinde secutus est eam de Apostolicis dispensationibus doctrinam, quam Theologus Lovaniensis tradiderat in Scholis, ut questionem hanc solveret: Utrum omnis Apostolica dispensatio super pluralitate beneficiorum hominem faciat tutum & securum in foro conscientiæ? Tertium, idque omnium maximum & gravissimum fuit, quòd sanctissimus Pontifex Romanæ Curie vitia & abusus emendare statuit. Addit verò, vix posse excusari Cardinalem Pallavicinum, qui probitatis antiquæ & moris prisci Pontificem contumeliosè profecutus sit, ut Curie blandiretur.

& Masenii
cavillationibus

à Launojo
vindicatus.

CLIX. Responsum Pontificio Legato à Cæsare & Ordinibus Imperii perhibitum idem Wolfius mox etiam recitat. In eo inter alia promittunt, se abusus & gravamina, specialesque articulos reformandos scripto Pontifici exhibituros esse. Absque qua Reformatione, veram pacem & concordiam inter Seculares & Ecclesiasticos Ordines farciri posse pernegant. Mox igitur A. M. D. XXIII. ab omnibus tum Evangelicis tum Pontificiis Imperii Ordinibus in Norimbergensibus Comitibus Centum Nationis Germanicæ Gravamina, quæ omnia tamen tribus capitibus comprehendebantur, nempe *quod Romana Curia gravissima servitute populum premat: Germaniam facultatibus expoliet: & Magistratus Secularis jurisdictionem sibi vindicet*, Legato eidem Adriani exhibita sunt, cum obtestatione gravissima, det operam Pontifex, ut quantocijùs serioque illa emendantur. Sed mox ac rediit Romam Legatus, Adrianus mortalitatem explevit, simulque tentatæ Reformationis conatus evanuerunt. Paulò post etiam Anno scilicet M. D. XXV. uti domestici Annales produnt, novem Cantorum Helvetiæ & Valesiorum Legati Lucernæ ausi Reformationis condere articulos, temporum suorum calamitatem Sacerdotum iniquitati disertè imputant, nundinationes fœdas prohibent, & Curtisanis, quos Romanos nebulones vocant, pessulum obdunt.

*Responsum
Ordinum ad
Cheregani pro-
positionem.*

*eorundemque
gravamina
centum.*

*Novem Can-
tonum Hel-
vetiæ tentatæ
Reformationis.*

CLX. Neque tamen Reformatio, quam Adrianus, & cæteri etiam Curia Romanæ antesignani moliebantur, perfecta fuit. Neglecta enim, imò repudiata doctrinæ & Sacramentorum correctione, crassissimos tantum morum defectus, & damnatam ubique Simoniam notoriam emendare statuerunt. Nimirum ut Medea capiti consulendum putavit jactura discerptorum sparforumque fratris membrorum: sic istis consultum videbatur, jactam facere ludicrorum aliquot, aut inanum impedimentorum, ut

*Reformatio
Adriani &
Romanen-
sum tentata
qualis fuerit.*

salvo capite Capitolióque naufragii discrimen ultimum evitarent. Nam, uti Sallustius *ad Cæs. orat. 2.* loquitur, in navigationibus etiam *si quid adversi coortum est, de illis potissimum jactura fit, quæ pretii minimi sunt.*

Qualis etiam
Ordinum
Imperii &
Cantonum
Helvetia.

CLXI. Sed & Ordines Imperii, ac Cantones Helvetiæ novem ea cum primis sub ferulam vocabant, quibus ipsi se gravari senserant; adeóque de verbi Dei honore & Christi gloria parùm solliciti, temporalibus duntaxat commodis suis velificabantur. Quo quidem indicio demonstrarunt, se à semetipsis loqui, & Dei Spiritu instructos nondum esse. Hunc enim indagandæ & cognoscendæ veritatis canonem Christus ipse ostendit Joh. VII. 18. *Qui à se ipso loquitur, gloriam propriam querit. Qui autem querit gloriam ejus, qui misit me, is verax est, & injustitia in eo non est.*

Zwinglii &
Lutheri Re-
formatio pri-
mitus tentata
manca fuit,

CLXII. Ipsi quin etiam Reformatores Ecclesiæ, Zwinglius in Helvetia, & Lutherus in Germania, initio qualicunque nundinationum & libidinum inhibitione fuissent contenti, nisi eos ad majora audenda singularis adversariorum intemperies & obstinatio, providente Ecclesiæ salutis quasi per contraria Numine, irritasset. Zwinglius equidem in causa indulgentiarum faventem Hugonem Episcopum Constantiensem habebat. Sed is ad alia æquè necessaria procedere noluit. Lutherum quoque, Cajetano minùs consentientem Leo Papa anathemate ferire, quàm postulatibus ejus primis concedere quicquam maluit. Dissensio illa & exacerbatio nostrorum studia exacuit, ut de reformatione in dies perfectiore cogitarent, quod Vergerio Pauli III. Legato palam Lutherus, apud Suavem *Hist. Concil. Trid. lib. I. ad A. M. D. XXXV.* confessus est. Atque ita adversariis usu venit, quod pertinacibus solet, & propugnatoribus suorum vitiorum, juxta fabulam non illepidam de claudio, qui uno nummo redimere se potuisset, postea renitens, pluribus in eo vitiis conspectis, plures num-

at contrari-
rentium stu-
dio evasit
perfectior:

nummos persolvere coactus fuit. Ita Pontifices Romani uno & altero nummo forsan expedire se potuissent, cùm postea totam ferè crumenam amiserint. Universo enim Ecclesiæ corpore diligenter inspecto & considerato, nihil fani in illo deprehensum fuit. Doctrina Ecclesiæ multis hæresibus infecta, Sacramenta magicis ritibus profanata, disciplina in Paganismum vel gentilem licentiam conversa erat. Universalis ergo corruptio panaceam seu medicinam universalem requirebat. Quæ Dei gratiâ stupendâ passim *& Pontificis dominatio- nem passim coercuit.* ita feliciter processit, ut in Helvetia, Germania, Gallia, Anglia, Bohemia, Suecia, Dania; Belgio, Polonia innumera hominum multitudo puro, sincero & ardente Euangelii præconio, folius Spiritus Divini potentiâ compuncta, Romani Pontificis communionem ejuraverit, & veritati Cœlesti Sacramento promptissimè dixerit.

CLXIII. Adriano non sine veneni propinati suspi- *Clementis VII. Papatu.* cione extincto, Julius Medices, Papæ Leonis cognatus, dictus Clemens VII. successit. De ejus natalibus & Simonia Suavis nonnulla recenset, quæ Pallavicinus segnitè refellit. Schisma certè ipsum inter & creatum Antipa- *Schisma ipsum inter & Urbanum VI. Ejus ingenium ex Jovio depictum.* pam Urbanum VI. gliscebatur. Quem posteriorem unicum & verum Ecclesiæ caput Richardus VI. Angliæ Rex agnovit. Clementem verò nullis prope literis tinctum, sacræque doctrinæ ignarum, artibus mechanicis delectatum, ingenio fuisse adeò *dimisso hærentique*, ut opificum arcana, subtilitatesque operum *nimia & prope turpi solertia* scrutaretur; *Histor. lib. xxxii.* testis est. Reformatione Adriani, quam tacitè damnaverat, dissimulata; distinctisque centum Germanorum Gravaminibus, quorum alia Curiam Romanam; plura verò Episcopos, Officiales, Curatos & alios Germaniæ Sacerdotes spectabant; prioribus eò quòd *Centum gravamina Ordinum expedit,* authoritati Pontificis derogent, & hæresim sapiant; neglectis, posterioribus utcunque satisfactorius, Cardinalem Campesium

gium ad Comititia Norimbergenſia ablegat, cum Ordinibus de Reformatione cleri per Germaniam deliberaturum.

Et rejecto Ordines ad Concilium liberum provocant:

Cum verò Reformationem oblatam non veram, ſed perſonatam eſſe, utpote quæ non alios, quàm minutos & tennes è Clero tangeret, & crederetur cum magno Secularis poteſtatis præjudicio, Curia Romanæ & magnorum Præſulum dominio vires potiùs ſubminiſtratura, atque ad majores rapinas majorémque tyrannidem aditum pateſcitur; Ordines intelligerent, ea rejecta, Concilium liberum in Germaniæ loco idoneo celebrari expetunt. Qui ta-

Pontificii tamen in Comitibus peculiari-bus & poſt etiam Carolus ipſe executionem decreti Wormatienſis urgent.

men Pontificiarum partium erant, Ferdinandus, Archiepiſcopus Salisburgenſis, Duces Baviaræ, Tridentinus & Ratisbonenſis Epifcopi, novémque etiam Epifcoporum Legati, die ſexto Julii A. M. D. X X I V. Norimbergæ unà cum Campegio convenientes Wormatienſe edictum, quo Lutherus damnatus erat, urgent, Miſſæ abrogationem, aliâque ſeverè prohibent, & poſt etiam canones Eccleſiaſticos à Campegio reformandæ Eccleſiæ conſectos, ſanciunt. Carolus quoque Cæſar audito Comitiorum Norimbergenſium, ſe abſente, celebratorum edicto, Ordinibus indignatus, perinde ac ſi ad imminutionem poteſtatis ſuæ tenderet, in Comitibus Spirenſibus ſub finem Junii A. M. D. X X V I. habitis, Wormatienſis decreti executionem, quo ad ſcilicet cum Pontifice de Concilio egerit, literis plus ſatis imperioſis injungit. Cui tamen ſe parere poſſe Ordines reliqui negant. Interea Cæſarem inter & Gallos ſuborta ſunt bella, in quibus Clemens ſuſpectam habens Cæſaris Gallum captivum attinentis potentiam, tam non fidus in Carolum fuit memoria beneficiorum ante Pontificatum ab eodem acceptorum, ut ſœdera ſœderibus adverſus ipſum accumulaverit, & perfidiam perfidiæ ſubinde junxerit. Quæ omnia ſigillatim hoc loco commemorare nimis longum, & quia apud Authores, Johannem Ferranum in vi-

Clementis peſſima erga Cæſarem ſides.

ta Francisci I. Jovium, Tiliū, alios passim obvīa, super-
vacaneum fuerit. Id quidem constat, Clementem, quo-
ties in fœderis societatem à Carolo receptus fuit, toties ex
socio hostem evasisse. Extant duæ Epistolæ A. M. D. XXVII.
Oeniponte editæ, Clementis una ad Carolum; altera Ca-
roli ad Clementem, quâ is acriter Papæ adversus Cæsarem
& Imperium iniquitatem, gladii politici usurpationem tem-
merariam, collusionem cum Gallo, perfidiam, fraudu-
lentam & callidam machinationem, perjuria perstringit.

CLXIV. Ob perfidiam illam Clementis in Italia etiam bellum gravissimum exarsit, in quo Ducibus Bor-
bonio & Friendspergio Roma capta, magnâque atroci-
tate in Romanos sævitum, & Clemens ipse nec quicquam
adversus Hispanos & Germanos, ceu *hereticos, Lutheranos*
& *Marrhanos* fulminans, in Adriani mole obsessus, atque
inde in castrum Angeli captivus abductus, ibidemque
propemodum fame dira confectus, ac vix tandem, ut con-
tumeliosæ servituti se eriperet, ad æquas condiciones fœ-
deris adaectus est. Excusavit quidem se Pontifici Cæsar, *Carolo im-*
contestatus, injussu suo illud omne à feroci & indomito *probante sa-*
milite attentatum. Neque tamen minùs justo Dei injurias *lum sui mi-*
sibi illatas ulciscantis judicio id omne acceptum tulit; re-
ctius etiam & pro dignitate Imperatoris, quod cordati e-
jus consilarii suaserant, factururus, si Romam ipse, dejecto
Pseudo-Cæsare Pontifice, occupâset, & se non nomine
solo, sed reapse Romanum Imperatorem esse patefecisset.
Sed hæsit altè nimis in latere ejus lethalis, nullôque di-
ctamno sanabilis superstitio, quæ ceu *ἡ ἐλπίς παρ' αὐτὸν* illum,
quò minùs facerrimam imposturam Papæ animo comple-
cteretur, occæcavit. Neque aliud etiam in fatis erat, &
Scripturas impleri oportuit. Ita novo fœdere Cæsar & Pa-
pa coaluere, cujus præcipua lex erat, ut sociatis auxiliis
Lutherani omnes excidantur. Et Bononiam progressus
E e Cæsar,

*Unde bello in
Italia fla-
grante Roma
capta, di-
repta, &
ipse Clemens
in castris An-
geli captivus
relictus;*

*Carolo im-
probante sa-
lum sui mi-
litis.*

*Liberatus
Papa, fœde-
re cum Cæsare
inito cum Bo-*

nonia corona-
nat.

Cæsar, ibi die, xx i v. Febr. A. m. d. xxx. à Pontifice, tanto apparatu luxúque, quanto ante eum Cæsarum nemo, coronam accepit. Paulo ante etiam quàm coronatio hæc contingeret, die nimirum xx i i i. Decembr. A.

Principes
Pontifici scā-
dere initio
adversus
Evangelicos
conjurant.

m. d. xx i x. Papa, Cæsar, Rex Ferdinandus, Gallus, Anglus, Principes Itali, Mediolanensis, Montferratensis, Mantuanus, urbes quoque Genua, Sena, Luca, aliaque arctissimum fœdus percusserunt, cujus palmaria conditio erat, *συμφερίῃ θεῶν* tueri Majestatem Pontificiam, & ad Sedis Romanæ obedientiam hæreticos & inobedientes quosvis modis quibuslibet compellere. Bononiæ etiam

De Concilio
contatio Cæ-
sarem inter &
Papam.

Cæsarem inter & Clementem de Concilio generali indicendo disceptatum; illo Concilium suadente & probante, hoc improbante & averfante vehementissimè. Conflictum rationum Suavis Polanus *Hist. Concil. Trid. lib. I.* ad A. m. d.

Vi decernere
Cæsar insti-
tuit:

xx i x. prodidit. Cessitque tandem Carolus Papæ desideriis; certus posthac cum inobedientibus non tam rationum ponderibus, & suasionis illecebra, quàm authoritatis imperiique sui viribus decernere. Eo certè animo A. m. d. xxx. Augustam ad Comitata venit, ubi Confessione à Protestantibus exhibita, & partium conciliatione frustra tentata, sententiam nihil ominus mutat, & decreto de religione cuso, etiam Concilium, invito & ringente post Pontifice, intra annum auspicandum promittit; moxque etiam de Pace cum Protestantibus ad Concilii tempus usque ineunda consilia agit. Licet verò Papa sinuatis hic velis non alienum se à Concilio, dummodo in Italia illud celebretur, simulaverit; ejus tamen Cardinales Concilii necessitatem refutant palam, & executionem diplomatis Leonis urgent. Cæsar Concilium in Germania habendum pertendit, simulque Confessionis Augustanæ sectatoribus ad Concilium illud usque libertatem religionis indulget. Qua indulgentia, aliisque etiam causis irritatus Papa deserto ite-

at mox Au-
gusti cum
Protestanti-
bis de pace
ad tempus
usque Concilii
transigit.

Papa desectio
à Cæsare ad
Gallum (ca-

rum

rum Cæsare, foedus cum Galliæ Rege Francisco pangit *ius filio Hen-*
 Masiliæ, ubi Rex ad pedes Papæ prostratus eum adora- *rico II. neptim*
 vit; atque illud matrimonio proneptis suæ Catharinæ Me- *Catharinam*
 diceæ cum filio Regis Henrico (cui Papa numeraris cen- *Mediceam,*
 tum millibus aureorum, tres etiam gemmas nobilissimas, *quartam*
 Genuam, Mediolanum, & Neapolin, pixidem scilicet *Francorum*
 Pandaræ in manu habens, dotis vicem promisit) firmat. *furiam post*
 Catharina illa est, quæ *quarta Francorum furia* dicta, trium *dictam de-*
 Regum, Francisci II. Caroli IX. & Henrici III. ma- *sponder)*
 ter, mirè post Galliam artibus & furore in filiis regnans
 turbavit. Celebratæ sunt nuptiæ tanto cum splendore &
 luxu dies triginta tres integros, ut hominum memoria nu-
 ptiæ Regum majori agitata nullæ sint. Rediitque ex nu-
 ptiis illis Franciscus à Pontifice in tyrannum & Maxen-
 tium quendam ita efferatus, ut fideles Regni sui dirissimis
 suppliciis afficere cœperit. Tandem Clemens, ceu Epi- *& mors sub-*
 phanes & Herodes alter viscerum. quæsitissimis dolori- *secuta.*
 bus diu excruciatuſ, die xxv. Sept. A. M. D. XXXIV.
 miserè expiravit; non sine gaudio communi aulicorum
 etiam. *Etſi enim,* verba Suavis ad A. M. D. XXXIV. re- *De eo Suavis,*
 fero, quibusdam dotibus, naturali gravitate, parsimonia exem-
 plari ac dissimulatione insigni multorum in se admirationem concit-
 ârat: ob avaritiam tamen, austeritatem & crudelitatem, quas
 semper exercuit, sed in morbo plus solito manifestavit, multo plu-
 ribus erat odiosus. Certè mortem ejus tanto exceptam esse
 gaudio, quanto erat electio. Pallavicinus etiam *Hist. Con-* *Pallavicini,*
cil. Trid. III. 16. 8. fatetur; addens, caruisse ipsum doti-
 bus, quæ animos conciliant; beneficentia & humanitate
 eum caruisse, creditumque caput Pontificatus, cujus re-
 vera solum dextera extiterit. Neminem planè oderat, ita de
 eo etiam Jovius *Hist. lib. 32.* scribit, quum neminem adama- *& Jovius te-*
 ret, præterquam ab occultiore causa conciliatos. His certè unis adèò *stimonia.*
 favit intemperanter, ut ad summos honores, aut ad summum au-

thoritatis locum, stabileſque divitias nullo proveberet pudore; multorum verò conſtanter obliſceretur, qui ab optimis literarum ſtudiis, veterique obſequio commendationem & præmia meruiſſent. Hos quidem blandè appellabat, ut imagine gratiæ detineret, ſed occultè oderat tanquam creditores.

Pauli III.
Papæ.

De eo teſſimo-
ni libri Iſta-
lici,

CLXV. Clemente fati clementia humanis rebus exempto P. Petrus Loſſius Romanus, ex Furneſiorum familia, qui Pauli III. nomen ſibi vendicavit, ſucceſſit. De vita & moribus, parricidiis inprimis, proditionibus, ſacrilegiis, veneficiis, inceſtibus & ſtupris ejus nefandis, peculiæ liber Italicè ſcriptus, qui Ochini nomen præfert, ſed ab alio, cui Paulus ille propius innotuit, ſcriptus putatur, à Thuano, Sleidano aliisque allegatus, talia prodidit, ut inanire eum, qui alium Antichriſtum tum expectavit, oportuerit. Alibi recitata, & ab Adverſario cætera protervo ſatis in *C. T. veritate inextincta*, ipſoque etiam præcentore ejus Pallavicino *Lib. III. 17: 5.* leviter, nullisque rationibus ſolidis diſcuſſa, repetere heic non libet. Id quidem certum & à Panvinio etiam memoratum, illum quatuordecim Cardinalium electionibus ſeptuaginta & unum in Purpuratorum Senatū adoptaſſe, atque ea ratione immenſam auri vim corrogâſſe. Pecunias pleraſque tum ad luxum & voluptates, quibus deditum eum ſupra modum fuiſſe facinora ejus loquuntur: tum ad Petrum Aloyſium Parmæ & Placentiæ Ducem à ſe creatum, nothum ſuum, Sodomæ ſpurciſſimo crimine infamem; & ex eodem notho, nec non Conſtantia itidem filia notha, progenitos nepotes Alexandrum Farneſium, & Guidonem Aſcanium Sfortiam, (quorum illum quatuordecim, hunc ſedecim annos natum Cardinales creavit;) exornandos impendit. Quam Pauli Simoniam ita Pallavicinus loco citato extenuat, ut aſſerat, eum, *qui ob hanc humanæ conditionis labem Pontifices vituperat, ineſſe Divinum quidpiam in*

Simoniam ejus à
Pallavicino
requiſite de-
ſenſa.

Ponti-

Pontificatu fateri. Bellè scilicet, ceu ἀπορον & absurdum, in *Pontificatu Divinum quidpiam non inesse*, inferens; & Simoniam labem esse ne quidem vituperandam in Pontifice, statuens.

CLXVI. Dissidia in religione mota latius serpere cum *Qualem se erga Cæsarem Paulus hic gesserit.* cerneret Paulus, antecessore suo astutior, studium amicitiae Cæsareæ singulare præ se tulit, quò facilius ipsum cum aliis Principibus ad arma in Protestantes capienda, sanguinis Germanici sitientissimus concitare posset; Et importuna quidem flagitatione ita concitavit denique, ut bellum dirissimum in Germania exarserit, in quo duo Principes præpotentes Evangelici acie inferiores in Cæsaris potestatem captivi concesserunt. Veruntamen ea rerum conversio facta est, ut dimissis Principibus captivis, ac religionis libertate Germanis concessa, Papalis amicitiae fructus spe multò minores Cæsar fenserit, malueritque se, post impenſa Papæ servitia, Germanorum Principum amicitiam Pontificio fœderi præposuisse. Nam etsi minores in ipsum Pauli tardioresque quàm aliorum Pontificum machinationes fuerunt: tamen factus tandem à Cæsare alienior, quòd is Parmam atque Placentiam post filium Aloysium conjuratione sublatum reposcenti, negasset, eas se civitates in ditionis ac dignitatis Imperialis præjudicium alienare posse; vindictam agitans de transitu ad Gallicas partes consilia suscepit; perfecturus etiam, nisi prævertente morte ad plures abiisset.

CLXVII. Concilii Generalis convocandi, & reſormandæ Ecclesiæ statim atque electus Papa est, studium *Concilii celebrandi studium restituitur.* e-nixum præ se tulit. Delectis igitur sive tribus, uti Suavis habet, sive pluribus, uti Pallavicinus narrat Purpuratis, de reformanda Ecclesia consultationem injungit: diplomate etiam exhibito, quo rerum capita tractanda exponebantur. Decretum tamen mox, ne vulgaretur diploma il-

Concilium
ejus jussu à
Cardinalibus
& Episcopis
conscriptum
de reformati-
onibus Curia Ro-
mana.

lud, quippe quod (verba Pallavicini lib. III. 17:3. refero) dum reformari mores jubebat, fatebatur in iis deformationem inesse, adeoque obrectationes hæreticorum apud vulgus confirmasset. Missis dein huc illuc Legatis, Petro Paulo Vergerio cum primis in Germaniam, consilium suum de Concilio celebrando aperit. Quod, à Protestantibus graves ob causas rejectum licet, ille prosequitur, diplomate edito, quo Mantuam Concilii locum designavit. Cum vero id Ducis Mantuæ, uti quidem Papa tricabatur, culpa non succederet, suspitionis, quasi minùs vel Concilio vel Reformationi faveret, amoliendæ causa, diploma aliud de emendanda Curia Romana vulgavit, consiliique de ea maturè capiendi negotium quatuor Cardinalibus, puta Contareno, Theatino, Sadoletto & Reginaldo, nec non quinque Præfulibus dedit. Extat adhuc delegatorum illorum Cardinalium & Præfulum Consilium, sub hoc titulo: *Consilium delectorum Cardinalium & Præfulum aliorum de emendanda Ecclesia jussu Papæ Pauli III. conscriptum & exhibitum* A. M. D. XXXVIIII. In consilio eo Romanæ Curia morbi & ulcera olidissima ingenuè deteguntur.

Ejus præcipua capita.

CLXVIII. Et initio quidem Cardinales laudato Paulo, ejusque instituto, ab eodem sibi in mandatis datum narrant, ut nullius aut commodi Papæ, aut cujuscumque alterius habitatio-
ne ipsi significarent abusus illos, gravissimos videlicet morbos, quibus jam pridem Ecclesia Dei laboret, ac præsertim hæc Romana Curia, quibus effectum prope sit, ut paulatim ac sensim ingravescen-
tibus pestiferis his morbis magnam hanc, quam videant, ruinam traxerit, Addunt, αἰτιολογούντες hæc: Et quoniam Sanctitas tua, Spiritu Dei erudita, qui, ut inquit Augustinus, loquitur in cordibus nullo verborum strepitu, probè noverat, principium horum malorum inde fuisse, quod nonnulli Pontifices tui Prædecessores prurientes auribus, ut inquit Apostolus Paulus, coacer-
verunt sibi Magistros ad desideria sua, non ut ab eis discerent, quod

quod facere deberent, sed ut eorum studio & calliditate inveniretur ratio, qua liceret id quod liberet: inde effectum est, præterquam quòd Principatum omnem sequitur adulatio, ut umbra corpus: difficilissimæque semper fuit aditus veritatis ad aures Principum, quòd confestim prodirent Doctores, qui docerent, Pontificem esse Dominum beneficiorum omnium; ac idèd cum Dominus jure vendat id quod suum est, necessario sequi, in Pontificem non posse cadere Simoniam, ita quòd voluntas Pontificis, qualiscunque ea fuerit, sit regula qua ejus operationes & actiones dirigantur: ex quo procul dubio effici, ut quicquid libeat, liceat. Ex hoc fonte, Sancte Pater, tanquam ex equo Trojano irrupere in Ecclesiam Dei tot abusus, & tam gravissimi morbi, quibus nunc conspiciamus eam ad desperationem ferè salutis laborare, vel manasse harum rerum famam ad infideles usque; credat Sanctitas vestra scientibus, qui ob hanc præcipuè causam Christianam religionem derident adèd, ut per nos, per nos, inquit, blasphemetur nomen Christi inter gentes. Tu verò Sanctissime Pater, vidisti, inde incipiendam esse medicationem, unde primum ortus est morbus. Antea verò quàm abusus perstringerent, monent Pontificem, ne putet sibi dispensare licere in legibus, nisi urgenti de causa & necessaria: neque licere Pontifici & Vicario Christi in usu potestatis clavium lucrum aliquod sibi comparare. Post abusus plures, eosque gravissimos, in primis circa ordinationem Clericorum, collationem beneficiorum Ecclesiasticorum, maximè Curatorum, expectativas, reservationes beneficiorum, absentiam Clericorum ab Ecclesiis suis, exemptiones à jurisdictione Ordinarii, multitudinem Ordinum Religiosorum, institutionem publicam in Gymnasiis, Gratias & dispensationes, aliosque similes ad incudem revocant. Demum ad ipsum Romanum Episcopum & Romanam Ecclesiam in specie accedentes, inter alia scribunt: In hac urbe meretrices ut matronæ incedunt per urbem, seu mula vehuntur, quas affectantur de media die nobiles familiares Cardinalium, Clericique. Nulla in urbe vidimus hanc corruptionem, præterquam in hac
omnium

*In nervum
tamen, dis-
sidentibus in
ejus examine
Cardinalibus,
non erumpit.*

omnium exemplari. Habitant etiam insignes aedes. Consilium isthoc scriptum ad Cardinalium Senatum Pontifex retulit, ubi de eo dimicatio gravis inter Cardinalem Scombergium, Capuanum Archiepiscopum, & Johannem Petrum Carassam, Cardinalem Theatinum suborta est; illo pertendente, temporum conditionem nullam ejus generis emendationem pati, & Lutheranos inde jactantiæ occasionem sumpturos, habituros scilicet Pontificios reos confitentes: hoc verò necessitatem reformationis ejusmodi irrefragabilem demonstrante. Cum ita sententiis Cardinales variarent, Papa in aliud tempus consilium rejecit, & de toto negotio illo sacrum silentium suis injunxit. Emanavit nihilominus scriptum per Cardinalem Capuanum, qui ejus exemplar in Germaniam misit, conscio, uti rebantur multi, Pontifice, ut colligerent inde Germani reformationem Ecclesiæ sibi curæ cordique esse.

*Jesuitæ exor-
ti à Paulo
confirmari la-
bantem cau-
sam Ecclesiæ
Romanæ sus-
stinent.*

CLXIX. Liqueat autem ex his Pauli III. & superiùs etiam memoratis Adriani consiliis, aliorumque etiam, Rivii cum primis; qui circa hæc tempora de abusibus Ecclesiasticis scripsit; confessione, Papistas magis ingenuos se ante Concilium Tridentinum præstitisse, neque vel morbos Ecclesiæ Romanæ planè dissimulasse, vel Pontificis *impeccantiam*, detur venia Tertulliani verbo, mordicus propugnasse. Sicut autem accidere crebrò videmus ut aciem inclinatam jam & labantem supervenientes integri restituant, & vi majore in hostem obvertantur: ita sub eodem Paulo Jesuitæ natales suos inauspicatos nacti, tempore scilicet novus & collectitius miles, paulatim verò factus usu veteranus, & ferè triarius, aliique etiam, nihil fracti pugnarum priorum eventu, cunctatione conditionibusque omnibus animosè excussis, & quæ molliores illi dederant, receptis, pugnam fortiter redintegrarunt, perfrectè negantes, Papam in fide, imò etiam, quod nuper addide-

runt,

runt, in factò unquam errâsse, vel errare potuisse. Sicut igitur ante annos circiter quadringentos, cùm Pontificia Sedes à Waldensibus impeti graviter cœpisset, Papatum ruentem à Monachis Dominicanis recens exortis suffultum esse, supra observavimus: ita hoc tempore à Jesuitis ceu *Catholicæ fidei Principibus* (ita eos, appellat in Philippica Sylvanus Jesuita, mulos mulus) caput infelix orco proferentibus, Papatus idem gravissimè concussus, sustineri potissimum cœpit. Eorum institutum primus Paulus I I I. edita V. Cal. Octob. A. M. D. X L. Bulla, quam Polyhistor Hospinianus *Historiæ Jesuitarum* pag. 250. 251. inseruit, & laudavit & approbavit, commemorans, *dilectos filios, Ignatium de Loyola, Petrum Fabrum, Jacobum Laynez, Franciscum Xavier &c. Spiritu S. ut piè credatur, afflatos, jamdudum è diversis mundi regionibus discedentes in unum convenisse, & Socios effectos, abdicatis hujus Seculi illecebris, vitam suam perpetuo Domini nostri Jesu Christi, atque suo & aliorum Successorum suorum Romanorum Pontificum servitio dedicasse, &c.* Subjecta formula Regulæ Societatis, cujus initium est: *Quicumque in Societate nostra, quam Jesu (Loyolæ scribere debuerant) nomine insigniri cupimus, vult sub crucis vexillo (e-gregium scilicet crucis vexillum, sub quo militantes mundi hujus potentia suffulti, carnis desideriis toti indulgent!) Deo militare, & soli Domino atque Romano Pontifici ejus in terris Vicario servire &c.* declarat Paulus, se præmissa omnia Apostolica autoritate ex certa scientia approbare, confirmare & benedicere: ac perpetua firmitatis munimine roborare; non obstantibus Generalis Concilii (Lateranensis scilicet, quo novorum Ordinum institutio prohibita est) & felicitis recordationis Gregorii Papæ X. Prædecessoris sui, ac quibusvis aliis constitutionibus & ordinationibus Apostolicis, ceterisque contrariis quibuscunque. Ubi non sine Numine Papæ exciderunt verba, se non obstantibus quibusvis constitutionibus & ordinationibus Apostolicis Jesui-

*D: novello
ordine eo ju-
diciū Sor-
bona.*

tarum Ordinem laudare & approbare. Obstabant sanè *Ordinationes Apostolica* impiis moliminibus. Sed *non obstantibus* iis, adeoque neglectis, posthabitis, rejectis nefas Papa tentavit, dum nova munimenta ad manum succederent, quibus Sedes Pontificia insisteret. Nam peculiare esse huic Societati *tueri Apostolicam Sedem, Romanique Pontificis auctoritatem*, ex Bulla Canonizationis Ignatii, Mutius Vitellius comprobat. Talis omnino cum fuerit novella illa & Atlantica Societas, non immerito paulò post A. M. D. LIV. Sorbona à suprema Galliæ Curia de ea iudicium suum promovere iussà, illud satis *ἐκλήθυκὸν* promisit, & sub finem omnia in pauca contrahens sic declaravit: *His omnibus atque aliis diligenter exploratis & examinatis & perpensis, hæc Societas videtur in negotio fidei periculosa, pacis Ecclesiastica perturbativa, Monastica religionis eversiva, & magis ad destructionem quàm adificationem.*

*Sucessu tem-
poris ordo ille
degenerat,*

C L X X. Atque talis cum fuerit in prima sui origine, auctoritatem facerimæ professionis præferens licet Societas; multò magis etiam successu temporis, uti solent mali eis *πλεῖον πονηρίαν ἀσείειν* ad maiorem in dies impietatem proficere (2 Tim. II. 16.) in pejus ita degeneravit, ut malorum omnium sentina quædam hodie dici mereatur. Cujus rei testes domestici complures cordatque in medium afferri possent, quorum non paucos recentiores Celeb. Hottin-gerus *Hist. Eccles. Tom. v. pag. 495. &c.* indigitat. Omnium instar esse potest Scriptor nuperus, paucis licet inter nostros notus, ex media Italia, gravissimus, Julius Clemens Placentinus, ex illustri Scotorum familia, qui scripto, & opera Francisci Solanguis Nobilis Cremenſis Parisiis (ita frons libri habet, cum Venetiis potiùs impressus sit) vulgato *de Potestate Pontificia in Societatem Jesu* libro, Societatis hujus morbos procedente tempore contractos fusè & eruditissimè detexit. Et parte quidem libri ejus lectu dignissimi

*teste in pecu-
liari scripto
Julio Clemens
de Scoto.*

gniffimi tertia pag. 108-149. proponit multa, in quibus Religiosi Societatis Jesu derogarint Constitutionibus ab Ignatio conscriptis, aliisque Legibus in Congregationibus Generalibus editis. Parte quarta pag. 149-195. exponit illa, in quibus Societatis Jesu Religiosi à primævo Majorum suorum Spiritu, à Constitutionum Regularumque observantia, & à religiosa perfectione defecerint. Parte quinta pag. 195-235. ex ipsis Jesuitarum libris recenset causas, propter quas deficere potuerit primigenius Spiritus in Societatis Jesu Religiosis. Parte sexta pag. 235-364. declarat illa, in quibus Religio Societatis Jesu presenti Reformatione indigere possit. Parte septima pag. 364-382. damna ab hac Societate à primævo Spiritu deficiente imminencia prosequitur.

CLXXI. Eodem Paulo Pontifice, uti etiam Masenio in *Anima historiarum* observatum; Capucinatorum quoque Capucinatorum ordo ab eodem Paulo confirmatus. Secta caput infelix extulit; incerto licet authore, quem alii *Bernhardinum Ochinum*: alii *Gotfridum Varagium* Buscanum, Pedemontanum, qui etiam Ordinis Generalis electus, at post Evangelicam veritatem amplexus Taurini perit. Dec. A. M. D. LVII. ob constantem ejus professionem vivus combustus est; alii *Matthæum Bascium* Umbrum fuisse conjecant. Uti Jesuitæ doctrinæ profunditatem & prudentiam singularem: ita Capucini innocuam simplicitatem præ se tulerunt. Temperata igitur Jesuitarum serpentina prudentia, & Capucinatorum simplicitate columbina egregiè suffulciri Papatum, & simpliciorum credulitati imponi posse, Paulus forte credidit. Sed detracta utrisque larva pridem est, & illorum perfidia, doli, sævitia; horum hypocrisis apertam in lucem prolata est.

CLXXII. Cum non procederet Concilium Mantuæ Jesuitæ & Capucini junctis viribus Romanam Ecclesiam ruentem sustinent. indictum, Pontifex Novembri A. M. D. XXXVII. novo diplomate illud Vincentiam indicit, & propinquam hiemem causatus, ad Calendas usque Majas A. M. D. XXXVIII.

tempus ejus extrahit. Cùmque ne sic quidem negotium procederet, tandem Tridentum, vicinum Germaniæ oppidum deligitur. Eò cùm vocasset Paulus Bulla indictionis ad Idus Augusti A. M. D. XLII. Pontificii consilium probârunt: at improbârunt Protestantes, qui liberum Concilium, nec à Papa convocatum, nec in Urbe Papæ obnoxia celebrandum constanter flagitârunt. Neque tamen, intercedentibus variis, ejus initium ante diem XIIII. Dec. A. M. D. XLV. quo prima Sessio successit, factum est. Et decem quidem primis Sessionibus sub Paulo III. habitis decreta fidei est Reformationis, variâque contra Evangelicos anathemata cusa, alibi ad partes vocata, historiamque Sessionum, Pontificis & Curiae Romanæ *παρρησια* propalantem discussam, heic repetere nihil attinet.

*Reformatio
in eo Concilio
suscepta qua-
libet fuerit.*

CLXXIII. Reformatio certè in capite & membris Ecclesiæ ab universo orbe Christiano desiderata, & ab Adriano Pontifice etiam promissa fuerat. Fidei verò reformatio sincera tantùm abest ut successerit ulla, ut deformatio ejus major, & errorum deterimorum solennis confirmatio Ecclesiam Pontificiam inestaverit magis. Morum verò Reformatio vel nulla omnino, vel ludicra tota fuit. Omnium pæne malorum radicem in Papa & Curia Romana, & utriusque tyrannide, ambitione, avaritia, luxu fixam non attingere, nedum tollere ausi Patres sunt. Et si qua salutaria decreta Pontificem & Curiam obliquè ferientia cudi visa sunt, iis nervos succidit omnes tum secutum *Sess. XXV. 21. decretum, ut in omnibus de morum Reformatione & Ecclesiastica disciplina decretis salva semper Sedis Apostolicæ auctoritas & sit & esse intelligatur*: tum jus interpretandi & declarandi singula Concilii decreta. quod Synodo indulgente sibi Papa reservavit. quæ duo efficere posse, ut omnia Papæ & Curiae noxia decreta in nihilum recidant, & sensim sine sensu in antiquum cuncta statum redigantur;

Pon-

Pontifici Concilium confirmare, eò quòd Sedi Pontificiæ nonnulla ejus decreta præjudicare viderentur, cunctanti, Cardinalis Amulius, & Episcopus Vestanus suggesterunt.

CLXXIV. Unum addo, in Congregatione die XVIII. & XXI. Jan. A. M. D. XLVI. habita quæsitum anxieque disceptatum esse, à decisione dogmatum fidei, an à reformatione morum & abusuum capiendum sit initium? Prius Pontificii, Cæsarei posterius pertenderant. Et Pontificiorum quidem rationes Pallavicinus *Hist. C. T. lib. VI. 7: 2. 3.* fusè edisserit. Operæ autem pretium puto, nonnulla ejusdem Pallavicini verbis attexere, ex quibus liquere possit, quis circa reformationem abusuum & morum Pontifici *ὑποὺς ἐν ᾧ* fuerit, quàmque vehementer illi animus à seria reformatione abhorruerit. *Haud* A Reformatione
seria
abhorruisset
Pontifices, *ipsis deerant,* inquit *num. 2. validissima duplicis generis rationes: alie ad populi captum, alie minus in speciem apertæ &c. Accedebat, hanc adèò efflagitatam emendationem tendere potissimum in ritus ac Romanæ Curie tribunalia: nec prudentis esse consilii, à Principe Regiam suam subdi correctioni subditorum. Cunctorum quidem sententiam explorandam; paucorum consilium petendum. Caterùm illius esse familiæ suæ leges ferre, ne gens sibi subjecta illius gesta accusare consuescat, quem venerari debet; ac longè minùs eum dirigere, à quo est regenda. Esse homines plerunque acerbos chirurgos in alienis membris; parùm ab his intelligi, minùsque ipsis dolere vulneris acerbitem. Episcopos, alios rerum imperitia, alios imprudenti religionis studio, alios etiam privata rei commodo, desiderio gratificandi Principi, in cujus ditione nati sunt, ira atque invidia in supremum Principem, meditari severissimas Aula Romanæ leges, quæ non tam corruptelas purgarent, quàm imminuerent ejusdem potentiam, Majestatem, ad eum confluentium frequentiam, & quicquid habet præstantissimi succi, quæ quasi vitis mystica in Christianarum Ecclesiarum palmitibus vim & unitatem su-*

ex Pallavicino probatur

stentat ac fovet. Quid porro agendum, ubi Tridenti ea statuerentur? Num ignavè cedendum, ac plus detrimenti inferendum Petri solio, per Concilium à se adversus hæresin coactum, quàm ipsa met hæresis intulisset? An repugnandum, abrogandaque fides illi conventui, cujus in hæresin arma, nonnisi publica veneratio futura erant? Nonne Duci cum suo exercitu decertandum, ubi cum hoste congregiendum erat? turbaque Basileenses iterum excitandæ, eò certè in præsentia periculosiores, quò materia promptior erat ad incendium concipiendum huiusmodi favillarum injectu? Nec hic discrimen hæsurum. Etenim veritos forsitan Episcopos, ne decreta de Romana Curia in irritum caderent, tentaturos priùs judicariam sibi potestatem stabilire, Basileensem planè cætum imitantes, conaturosque statuere Concilii supra Pontificem excellentiam: quibus haud liceret Pontifici consentiri, dignitate & conscientia reluctantes, quippe doctrinis perquam perniciosis, quæ non modo Pontificalem Sedem dejicerent sed universam Hierarchia ordinem perverterent, ac sub specioso libertatis colore, pacisfeci Regis Ecclesiam in perennis discordiæ campum converterent &c. Ad tam gravia arcenda pericula par esse, ut primo loco Synodus in doctrinis examinandis distineretur; interim verò ab ipso Pontifice pro dignitate ac prudentia leges esse sanciendas Aula Romanae opportunas. Paulò inferiùs num. 8. fatetur idem, invaluisse ad eam usque diem (apud Patres ipsos Concilii) persuasionem, ab hominibus Romanae Aulae addictis nihil aequè formidari ac leges, quibus ipsi reformarentur. Fidem & dogmata speciosa quadam esse vocabula, & fucum simulati studii religionis tuende. Sequenti capite 8. num. 4. Pallavicinus ipse animi sui notionem implicatam hætenus his verbis explicat: Existimo, cuicumque hominum, cui livoris tabes rationem non infecerit, satis esse, si repetat animo, ambitionis artem non esse, sedulo tueri supremam potestatem in Romano Pontifice divinitus constitutam, & Ecclesiæ incolumitati necessariam. Quòd si liceat huiusmodi solertiam vituperare, quoniam ea est dominantæ jucunda; vituperandus etiam erit, quicumque cibo vitam sustentat, quia ci-
baria

baria gustatui voluptatem asserant. Hæc scilicet mysteria Pontificiæ iniquitatis, Pontificem, ceu alterum in terris Numen *δυνάμειον*, omni iustissimæ etiam censuræ hominum subducentis, & reformationem in capite, quam necessariam ipsemet Adrianus confessus fuerat, tanto ardore oppugnantis; adeoque verbo dicam, Romam *ἀνεξέπλητον* insanabilem manifestè propalant. Si potestas suprema Divinitus in Pontifice omnino constituta esset, regulis tamen verbi Divini subjectus ejus usus & abusus Concilii examen neutiquam effugisset.

CLXXV. Non defuerunt equidem in Concilio etiam Theologi nonnulli *παρρησιαζόντες*, qui Romanæ Ecclesiæ ulcera & intestinos morbos masculè detegerent. Inter alios, Paulo Pontifice Cornelius Mussus, Episcopus Bitontinus, initio Concilii fassus est: *nulla esse turpitudinum monstra, sordium colluviem & pestem, quibus non fœdati essent populus & Sacerdos &c. Utinam, inquit, non à religione ad superstitionem, à fide ad infidelitatem, à Christo ad Antichristum, quin à Deo ad Epicurum vel Pythagoram, velut prorsus inanimè declinassent dicentes in corde impio & ore impudico, Non est Deus. Nec jam diu fuit pastor, qui requireret, quia omnes quæ sua sunt, querebant, quæ Jesu Christi, ne unus quidem.* Bartholomæus quoque Caranza Oratione eodem in Concilio habita, sic Patres conscriptos allocutus: *Peregre abeunte Rege, juxta Parabolam Evangelicam, eos reliquit Vicarios suos; Episcopos domus suæ, Speculatores, Vigiles, Doctores, Custodes Civitatis suæ, Duces militia, Gubernatores Regni, Pastores gregis, Patronos familiæ, Sponsos Ecclesiæ. Vestri muneris erat vigilasse super custodia hujus Civitatis. Vestrum erat juxta præscriptas à Christo leges Regnum hoc gubernasse. Vestrum erat facere, ut juxta illas irreprehensibiliter viveret fidelis populus. Ad vos pertinebat Servasse hanc Christi Sponsam Sanctam, impollutam, eisdemque ornatam ornamentis, quibus reliquit illam Christus. Fingite nunc, redire Christum, (redibit autem*

*Cornelii Mus-
si Bitontini,*

*& Caranza
Orationes in
Concilio ha-
bitæ, ex qui-
bus Ecclesiæ
Romana cor-
ruptio asseri-
tur.*

autem citò) & requirere Sponsam suam, qualem reliquit vobis; quam, obsecro, illi restituetis? Num hanc ad hunc angulum orbis (Tridentum) contractam? Num hanc profana pompa, & adparatu Seculari superbientem? Num hanc, quæ Palatiorum magnificentia cum Principibus etiam decertat? Num omnium deliciarum corporali-um copia affluentem? Hæcine est illa Civitas Sancta, mundi spiritu sejuncta? Hæcine est illa Dei Civitas Divinis gubernata legibus? Ipsissima. Heu quantum ab illa mutata? Hæcine est illa Civitas nova? Nunc universa in ea cum Ethnicis & barbaricis civitatibus video communia & antiqua. Antiqua in ea regnat avaritia, vetus dominatur ambitio, ad delicias & divitias adspirant & suspirant in ea cives universi. Heu, heu, quis hæc cogitare audeat? Hæcine est civitas illa perfecti decoris, & gaudium orbis universi? Hæcine est illa tota pulchra & decora? Num quid est, quò minus illam possimus dicere totam deformem? Vbi sunt ornamenta tua, quibus parabaris Sponso tuo tradenda? Vbi sunt monilia tua, quibus ornabaris Christi Sponsa? Vbi fides illa, quæ etiam mortuos suscitavit? Vbi charitas, ubi contemptus vitæ & rerum presentium? Vbi ardor ille mortis & rerum celestium? Vbi sitis illa videndi Regnum Dei? Vbi amor paupertatis? Nunc omnes, ut olim dixit Jeremias, student avaritiæ, à minimo usque ad maximum, à Propheta usque ad Sacerdotem, cuncti faciunt dolum. Vbi olim regnabat castitas & innocentia, nunc regnat ambitio, luxuria, dominandi cupiditas & vanitas. Heu, heu, quis eam siccis contemplantur oculis, quis hæc consideret sine lachrymis? O cives Jerusalem, ó cives hujus Regiæ & Sanctæ civitatis, quis hæc intelligens non commoveatur; quis, si Christianus est, hæc audiens non perborrescat? Quis non miserebitur matris suæ? Ego cum Jeremia precabor: ó utinam caput meum aqua, & oculus meus fons lachrymæ, & plorabo interfectos filia populi mei. Plura ejusdem argumenti subjicit verbis planè patheticis, clauditque hunc in modum: Aperuit Dominus os asinæ, ut moneret Prophetam Bileamum. Potuit Dominus os aperire hujus peccatoris, ut commoneret

vos. Mementote eorum, quæ dixi vobis. Testis eorum ero, quæ vobis hodie significavi, cum pariter veniemus ante Dominum, quando inutilis erit conatus, & sera omnis pœnitentia. Extant hæc inter Orationes Concilii Tridentini à Jansenio primum editas, & nuper etiam à Labbeo recognitas: Tacentibus hominibus, & hîscere non ausis, quis non asinæ Bileami à Deo apertum os intelligit?

CLXVI. Paulo IV. Idus Nov. A. M. D. XLIX. de *Julii III. Papatus.*
 functo successit Julius III. Aretinus, antea Joh. Maria de Monte dictus, Cardinalis, & Pauli III. in Concilio Legatus princeps. Post longam Cardinalium in Conclavi disceptationem, cum, teste in Musæo Historico Johanne Imperiali, *ἡμολόγητος* Papa jam electus esset Reginaldus Polus, eamque electionem promulgare nocte appetente inauspicatum duxissent iidem; nocte transacta & mutatis rationibus aureis Julius Papa subito emerfit. Vaticinium de eo futuro Papa, teste Rota Ægidii Minoritæ, ejusmodi circumferebatur: *Tertius Mons Sion vertetur in opprobrium, caro prævalebit, non erit quies.* Nempe Cardinalis de Monte Julius ante dictus est, qui Papa etiam per licita & illicita foedatus, luxui & saginæ mancipatus, in Venerem ac libidinem projectus omnem est. *Novem montes* (ita declaratio vaticinii habet) *ac terni faciunt insigne domus de Monte, & multorum fuit sententia, Julium non omnia sua facta cum dignitate consensisse, retulisseque ad prudentiam & experientiam, quæ plenissime in Cardinalatu primum apud ipsum obtinuerunt locum.* Impura se vita contaminasse, veneri ac ventri dedisse, *Ejus spurci mores* quasque Cardinalis nonnisi furtim voluptates sequebatur, Pontificem, etsi sexagesimum quintum annum implisset, ultro complexum esse; abdicata rerum maximarum cura hilaritati & genio, convivissque assiduus, etiam in villa agitatis, indulgisse; levibus & inanibus verbis suam aliquando Majestatem minuisse, in vita ejus Onuphrius &

Et prima tur-
pura Innocen-
tius, non sine
gravi suspi-
cione, donata;

Papirius Massonus, & post utrumque Thuanus *Annal. lib. XV.* memorant. Soluti ad omnem licentiam animi hominem fuisse, hoc etiam argumento Thuanus *lib. VI. p. m. 181.* probat, quod statim adepta dignitate galerum suum juveni cuidam, cui Innocentio nomen, (quem seu Bononia, uti Suavis, seu Placentia, uti Pallavicinus memorat, in deliciis habuit, at nefario amore inflammatus periit. de quo videnda Epistola Erasmi apud Celeberrimum Hottingerum *Histor. Eccl. Tom. V. pag. 571. &c.* sub qua etiam impurissimi Johannis Casæ Archiepiscopi Beneventani de laude *αὐτοεργίας* liber impune lucem salutavit) quique, quod in familia Simia curam gereret, *Simia* etiam post adeptam dignitatem nomen retinuit, cognomine etiam suo (nam *il Cardinal de Monte* dictus est) atque insignibus attributis donavit; & querentibus Cardinalibus, quod indignum hominem ad tantum fastigium evexisset, respondit: *Et vos quid tandem in me meritorum comperistis, quem christiana Reip. principem constitueretis?* Addit Sleidanus, *Roma famam fuisse, & libellis quoque perscriptum, à Jove Ganymedem foveri, licet deformem. Sed nec ipsum Pontificem hoc ad reliquos Cardinales dissimulare, & per jocum ferri aliquando commemorare, quàm sit lascivus.* Talia cum de eo etiam Suavis narraverit, adeo in dubium non revocavit Pallavicinus, ut *lib. XI. 7: 4.* historiam Innocentii hujus seu *primam Purpuram*, seu *principia Pontificatus decolorantem* pluribus cum circumstantiis, ad favorem licet Julii detortis, tradiderit: & *lib. XIII. 10: 8.* palam confessus sit, *prorum eum fuisse ad laxamenta: suum sanguinem deamavisse, variis purpuris inter consanguineos distributis: præ ceteris unum extra consanguinitatem amavisse evexissetque, nec antea, nec postea dignum, qui fuerit Innocentius de Monte: estimatione tenui, nec majore benevolentia mortuum esse: quandam ipsius libertatem ac familiaritatem, qua ipsi privatam gerenti personam amorem inter aequales concilia-*
verant,

verant, in excelsò postea Principis gradu venerationem minuisse: ipsius vitia majora quidem quoad speciem fuisse quàm virtutes, sed non fortasse quoad pondus. Hæc de Julio mollissimè dicta quid sibi velint, perspicaciores intelligunt facilè. Neque hic præterire possum levitatis (*libertatem* vocat Pallavicinus) ejus specimen, quod in vita ejus MS. Bullingerus de ipso scriptum circumferri, his verbis prodidit: *Cum aliquando exutis vestibus, diploide & caligis tantum indutus, in aula, quod ferveret tempestas, obambulare, venerunt Cardinales duo, collocuturi cum ipso. Quos ipse ad exuendas vestes suas, & deambulandum secum urgebat, mox autem nudos interrogabat: Quid si in Campo Floræ, aut per plateas nudi sic deambularem, quid oro populum existimatis de nobis judicaturum? Responderunt: Judicarent, nos esse nebulones, & conjicerent in nos rudera atque lapides. Excepit Pontifex: Ergo quod non habemur pro nebulonibus, id acceptum ferre debemus nostris vestibus. Quantum igitur, ó fratres, debemus illis nostris vestibus?*

alidque impietatis ejus argumenta.

CLXXVII. Talis Sardanapalus reformationem Ecclesiæ se meditari, restaurato, Cæsare urgente, & jussu Sardanapalus talis Concilium Tridentinum restaurat. mento, quod Cardinalibus recens electus fecerat, ita potestulante; Tridentino Concilio, quod eo Cardinale adhuc Bononiæ elanguerat, ipsomet validissimè repugnante, ne unquam Tridentum revocaretur; simulavit. Extat Bulla indictionis, in qua inter alia se Concilium, Calendis Maji A. M. D. L. I. resumendum, moderaturum profitetur, auctoritatèque suam supra modum effert. Cùmque Cæsar, cui talia displicuerunt, metuenti scilicet, ne Protestantes conditionibus ejusmodi offensi, ad Concilium venire gravarentur, Bullam mitigari expetiisset, Oratorque Cæsaris verborum comitatem & blanditias, quibus Protestantes ad Concilium pellici, pellecti demum facilius instrui possint; suafisset: respondit Papa; *Nolle se dimicare cum hoste, tanquam cum felle caveæ incluso. Quod Christus docuit,*

semper prædicandum & inculcandum esse, nempe Majestatem Divinam vicarium suum caput Ecclesiæ, & lucernam mundi constituisse; æque eam veritatem doceri oportere tempestivè & interpestivè. Ita Sessio XI. Concilii, quæ sub Julio prima fuit, Calendis Maji A. M. D. LI. successit. Interea bello Parmensi Gallum inter & Pontificem æstuante, Galliæ Episcopis, ne Concilium frequentarent, à Rege Henrico II. junctum fuerat. Rege ipso contra Concilium protestante. Processere nihilominus sub Julio Sessiones aliquot, & decreta de Sacramento Eucharistiæ & extremæ unctionis causa sunt, talia, qualia à cœtu illo expectari poterant. Sed & Electoris Saxonix Mauritiæ Legati in Concilio appulerunt, postulantes à Cæsare, ut sibi æquè ac Theologis Saxonis, aliisque Protestantibus, ad Concilium venire paratis, eadem fide, qua in Concilio Basileensi Bohemis factum, caveatur idonee, antea acta retractentur, Papa Concilio se submittat, Episcopis juramentum remittatur, & suffragari ipsis quoque Protestantibus liceat. Conditiones haud iniquas cum detestarentur Pontificii, aliæque intercederent, Concilium prorogari ad biennium usque placuit. Sed prorogatum mansit integros annos decem, ad xviii. Jan. A. M. D. lxi. usque.

*protestante
contra illud
Gallico.*

*Prorogatio
ejus ad biennium usque
decreta, decem
annorum integrum durat.
Conversis in
Germania re-
sum visibus,*

CLXXVIII. In Germania interim, in qua Carolus extinguendæ veritati intentus, hætenus victricia arma circumtulit, mirè conversa rerum facies est. Fatigata enim nimium Principum Protestantium patientia, Mauritius Saxonix Elector, cui etiam Albertus Brandenburgicus & Duces Megalopolitani suppetias tulere. A. M. D. lxi. in Cæsarem, cui etiam Gallus graviter imminerebat, movens, Augustam capit, & superatis Alpium Rhæticarum jugis, captæque Ehrenberga arce, tantum Carolo metum incutit, ut noctu, accensis funalibus, unâ cum fratre Ferdinando Oenipontem relinqueret, & se Villacum versus in Carniolam reciperet. In diplomate, quo causæ illati Cæsari belli

belli exponebantur, religio adversariorum artibus, & contra fidem datam, convulsa in dies: per dissidium religionis extractum strata ad dominationem iniquam via: Hassiæ Landgravii captivitas violenta: Germanicæ libertatis oppressio tyrannica: Monarchiæ universalis machinatio, allegabantur. Rebus Protestantium sic satis prospere fluentibus die xx. Jul. A. M. D. LII. Passavii, Ferdinandi Regis cui sapienter visum præcipitem publicæ calamitatis, obvia cuncta obtrituræ rotam, salutarî Pacificationis edicto quasi sufflaminandam esse; intervëntu, Pax Religiosa toti orbi Christiano saluberrima sancita, & A. M. D. LV. Augustæ, frequentissimis & augustissimis Comitibus, firmata est. Quæ quidem Pax Religiosa non ideo rata minùs & valida censi debet, quòd, uti oïes Pacis Jesuitæ, aliique vociferari solent, vi & metu extorta sit, atque insuper Pontificis consensu destituta, imò à Paulo IV. apertè rejecta, & damnata sit. Etsi enim, cum pax primum Passavii sanciretur, conflictus aliqui & velitationes, & occupatio castri Ehrenbergæ, Augustæ & Oeniponti antecesserint; nondum tamen totis viribus aut castris pugnatum erat, ut altera pars vicisse, altera victa esse dici potuerit. Atque adeo rebus utrinque integris in Pacificationem illam consensum ultro; eademque sequentium item Imperatorum consensu firmata est. Imò si vel maximè pars alterutra succubuisse, & ad indignas durasque conditiones adacta fuisset, indignitas tamen rerum sponsonis vinculum non levat. Neque etiam consensus Pontificis requirebatur, cum Imperator nec ita puer fuerit, ut promiserit, quæ promittere sibi non licere nòsse debuerit: vel ita servus, ut mitræ mancipato diademate, necesse habuerit à Dictatoris illius Ecclesiastici nutu supercilioque per omnia pendere. Resolvitur enim vis Principatus, cuncta vocando ad Papam: nec quisquam Princeps est alio imperante.

*Passavii &
max etiam*

Augusta libertas religionis sancitur. Frustrâ ringente Pontifice, aliisque vi extortam causantibus.

*Anglia ad
Papatum re-
lapsa*

CLXXIX. Majorem Julius voluptatem ex turbis Anglicanis, quæ Eduardi VI. Religiosissimi & indubitatae ac summæ spei Principis mortem, quam is præmaturam A. M. D. LIII. Julii die VI. oppetiit, consecutæ sunt, cepit. Nam & Johannam Suffolciam declaratam hæredem Regni, virtutis & eruditionis incomparabile speculum, ac orthodoxiæ etiam additissimam, capite plexam : & Mariam sævire igni & ferro in eos, qui Evangelium amplexi fuerant, ac matrimonio insuper cum Philippo Hispanorum Rege coaluisse, lætus, si quid aliud, inaudiit. Miserat autem in Angliam Cardinalem Reginaldum Polum, qui Rege Philippo atque Maria præsentē Anglos ad obedientiam Papæ hortatus, morigeris absolutionem promissit. Ordines Angliæ conditiones ejus impias amplexi mox Evangelium ejurârunt. Ingens inde Romæ lætitia, accensī ignes, institutæ ad Templā supplicationes, indulgentiæ largissimæ tributæ sunt. Eoque insaniæ Julius pervenit, ut in perpetuam rei memoriam excudi curaverit monetam, cujus altera pars ejus imaginem tricorniferam ostentavit, altera inscriptionem ejusmodi habuit : *Gens & Regnum, quod non servierit tibi, peribit.* Sibi stolidè vendicans, quod Christo Esaias. Sed diuturnum & stabile gaudium neutiquam fuit. Nam & sterile fuit Mariæ matrimonium cum Philippo : & Maria à spe bona omni deserta, & ex mœnore die xvi. Nov. M. D. lvi. mortua (comitante eam Cardinale Polo post sedecim horas) locum cessit forori Elisabethæ, quæ Pontifici servire dedignata, Christoque soli sacramento dicens, blasphemam Julii inscriptionem damnavit.

ingens gaudium Papæ

sed non diuturnum, affert.

*Marcelli II.
Papatus.*

CLXXX. Julio A. M. D. lv. x. Cal. Martii defuncto Marcellus Cervinus Thuscus, antehac in Concilio Tridentino Legatus Pontificius, successit, noménque suum retinens, Marcellus II. dictus est. Scenicus licet diecularum

rum aliquot Papa (dies enim x x i. duntaxat & aliquot horas vixit) putatur tamen reformationem quampiam Romanæ Curiae molitus. Quam non processuram fuisse, utpote viribus ejus superiorem, meritò Pallavicinus auguratur. Et forte hæc ipsa causa est, quòd difficilem esse salutem Pontificum Romanorum, Marcellus ingeminavit. Testis quippe in ejus vita est Onuphrius, Marcellum jam Pontificem pro mensa subito conticescentem, sibi recitari jussisse verba Pontificis Adriani sequentia: *Romano Pontifice nemo est miserabilior; conditione ejus nulla inferior. Totius enim vita ejus latitiae & felicitas est amaritudo. Cathedra Romani Pontificis est spinosa, iter undique consertum aculeis, pondus tantæ molis, ut robustissimos premat & confringat humeros. Quibus verbis recitatis, manu mensam percutientem eum dixisse: Non video, quomodo qui locum hunc altissimum tenent, possint salutem Pontificum is pro conclamata habet.* Tales scilicet, quorum conclamata æterna salus est, Christus suos in Ecclesia adversus Sathanam & mundum militante vicarios esse voluit, jussit!

CLXXXI. De Paulo IV. Mediolanensi, ante dicto Johanne Petro Caraffa, Marcelli successore, sic Johannis Abbatis oraculum præfagiverat: *Intrabit velut Draco, sedebit velut alter Leo, immitis in populo.* Qualem is se gesserit adversus supremos mundi Principes, Pontificios etiam, historiæ commemorant. Cardinalis adhuc, malevolentia suffusus in Carolum V. Cæsarem, Paulo III. occupandi Regni Neapolitani suasor extiterat. Papa verò creatus, nactus majorem nocendi occasionem, conditum adversus Cæsarem odium promere, ejusque partibus addictos, incredibili rabie persequi cœpit. Vix enim conscensa sede, magnos etiam ordinis Ecclesiastici viros, quos Cæsari favore suspicabatur, in carceres conjicit: quorundam bona publicat: ministros ac nuntios Cæsareos, quotquot potest, intercipit: proscriptos è Regno Neapolitano, in odium

Ei Paulus IV. succedit. De eo oraculum malè præfagiens impletur. Draconicus ejus adversus Cæsares Carolum &

odium Caroli receptos, officiis publicis præficit: inducias inter Cæsarem & Gallum in Belgio pactas nefariè turbat: denique ne quid ad malevolentiam reliqui faciat, Philippo filio, cui Pater, Imperio abdicato, Regnorum omnium administrationem commiserat, Siciliae Neapolisque Regna beneficiario titulo Ecclesiae Romanæ obnoxia, conferre renuit. Unde tam horrida tamque funesta bella exorta fue-
 re, ut potentissimorum Regum viribus inter se hostiliter commissis, Italia Galliaque bello Pontificio implicita, sanguine suorum maduerit. Imperio ad fratrem Caroli Ferdinandum translato, cum hic pro sua erga Sedem Pontificiam observantia Paulum Pontificem de Imperii administratione suscepta certio-
 rem reddere statuisset, cum significatione voluntatis, de diademate Imperiali prima quaque occasione, petendo recipiendoque: Paulus idem tam improba malevolentia, elataque protervia, observantiae Cæsareæ respondit, ut se Petri, magistratum tanquam ordinationem Divinam, debito honore cultuque profecuti, suffragatorem, vel hominem ad mutua benevolentiae ac humanitatis officia propensum, hac quidem in re minimè demonstrârit. Ut enim Neronis potius quàm Petri se successorem ostenderet, quemadmodum olim Tiridatem Parthorum Regem, (ut Taciti verbis *Annal. XV. 29.* id exprimam) oportuit apud effigiem Cæsaris, insigne Regium ponere, nec nisi manu Neronis resumere: sic à Ferdinando novus iste Nero impudentissimè postulare ausus fuit, *mitteret*, (verba Thuani *Histor. lib. XXI.* refero) *procuratorem*, per quem, prius acta pœnitentia, cessione fratris, ab Electoribus approbata renuntiaret: rem omnem Pontificis arbitrio permetteret, qui inaugurationem, quamvis ritè non factam plena potestate confirmet. Carolum enim apud nullum, nisi se Pontificem, Cæsaream dignitatem ejerare; nec Ferdinandum eam citra suum Vicarii Christi consensum, cui claves cœlestis ac terreni (grandia loquitur Sullatu-

riens

*Ferdinandum
animas.*

riens ille. Nam ut de cœlesti imperio nihil dicam , ubi *terreni imperii* claves Christus Pontifici tribuit ?) *imperii credita sint, accipere potuisse.* Cùmque tres menses Romæ Legatum Cæsareum Hulmannum detinuisse, ne quidem in conspectum ipsum admittere dignatus, ineptissimis interim de Papæ potestate, Ferdinandique persona (quem , teste etiam nuper Masenio , *inconsulta Sede Romana in Comitibus colloquisque multa de Religione tractasse, Pacem Papa iniquissimam Germanis Passavii indulgisse, utriusque speciei usum Austriis permittere, Filium Maximilianum pæne in consortio & familiaritate hereticorum educasse, inexpiabili crimini dabat*) per Cardinales examinatis: postquam etiam Philippi Hispaniarum Regis, causam Ferdinandi patrui per Oratores obnixè commendantis preces esset aspernatus; tandem ipsum re infecta dimisit, quòd diceret, ampliùs ea de re deliberandum esse. Quæ deliberatio non aliud quàm deliberata elusio fuit, qua confirmationem Imperatoris splendidissimis ejus titulis efficere conatus, eousque protelavit, donec ipse è vita excederet.

CLXXXII. Talem se Paulus erga Principes sum-^{studium re-} mos gessit. ut *Draconis & Leonis* fidem vaticinio abundè fe-^{formanda} cerit. Neque Ecclesiæ mitiùs consuluit. Cardinalis qui-^{Curia Roma-} dem adhuc nomine Joh. Petri Cardinalis Theatini, inter ^{na simulans,} alios etiam faber fuit illius de reformanda Ecclesia Consilii, quod Paulo III. perhibitum suprà memoravimus. Tum equidem libero ore profitebatur *Papas ad sua desideria coacervare sibi Magistros auribus prurientes, per Cardinales & Episcopos Christi nomen inter gentes blasphemari, clavium potestate emungi pecunias, improbos ordinari, Simoniacas nundinationes exerceri, ambitione & avaritia æstuarè Prælatos, in Monasteriis horrenda flagitia committi & si quid aliud.* An verò Pontifici creato Romanæ Curix & Ecclesiæ universæ emendatio curæ seriò fuit? Non liquebat equidem. Et si enim curam

ejus rei nonnullam simulasset, instituta mense Januario A. M. D. LVI. Congregatione ex viginti quatuor Cardinalibus & quadraginta quinque Præfulibus constante; atque in ea argumentum de Simonia ventilari curasset; non tamen tantum res in nervum erupit nunquam, sed etiam negotium referri ad Concilium generale, cujus solius mentio bilem ei in nares concivit, prohibuit. Profitebatur palam, nunquam se probasse, quod Concilium indictum sit Tridentum, apud Cardinalem Bellajum affirmans, uti *Sua-vis lib. V. ad A. M. D. LVI.* loquitur; *magna fuisse vacordia, sexaginta Episcopos, neque eos maximi nominis, & quadraginta doctores, non omnes de meliore nota, ad montes ablegasse, sicuti jam his factum esset: simul credere, Ecclesia doctrinam & disciplinam ab his rectius ad rationis normam designari posse, quam ab ipso Christi Vicario, cui adminiculantur tum Collegium omnium Cardinalium, tum Præsules ac Doctores, quotquot sunt Romæ, eruditione cæteris per Europam superiores, & numero plures, quam qui omni opera ac studio Tridentum adduci poterant. Quæ à Suavi ita dicta, à Pallavicino revocata in dubium non reperio. Et vera eum scripsisse, res ipsa loquitur, cum superstitè Paulo Concilium Generale restauratum nunquam fuerit.*

Juxta oraculum Draconum & Leonum se gerit, edita Bulla de puniendis hæreticis,

CLXXXIII. Maluit nimirum Paulus, ceu *Draco & Leo* in oraculo designatus, cum iis, qui Romanæ Sedi morem gerere dedignarentur, vi quam jure decernere. Testis est ejus Bulla *de hæreticorum, schismaticorum & fautorum eorundem pænis*, Romæ x. Cal. Martii A. M. D. LVIII. edita, & Septimi Decretalium *lib. V. tit. III. cap. 9.* inserta. In ea præfatus, posse etiam Romanum Pontificem, qui Dei & Domini nostri Jesu Christi vices gerit in terris, & super gentes & Regna plenitudinem obtinet potestatis, omnesque judicat, à nemine in hoc Seculo judicandus, si deprehendatur à fide devius, redargui, mox omnes & singulas excommunicationis, suspensionis & interdicti ac privationis, & quasvis alias sententias, censuras & pænas, à quibusvis

busvis Romanis Pontificibus Prædecessoribus suis, aut pro tali habitis, etiam per eorum literas extravagantes, seu sacris Concilis ab Ecclesia Dei receptis, vel Sanctorum Patrum decretis & statutis, aut sacris canonibus & constitutionibus Apostolicis contra hæreticos aut Schismaticos quomodolibet latis aut promulgatas, Apostolica autoritate se approbare & innovare, ac perpetuò observari velle scribit, adversus omnes scilicet hæreseos convictos, cujuscunque, inquit, status, gradus, ordinis, conditionis & præminentie existant, etiam si Episcopali, Patriarchali, Primatiali, aut majori dignitate Ecclesiastica, seu Cardinalatus honore, & Apostolica Sedis ubivis locorum, tam perpetuæ, quàm temporalis Legationis munere; vel mundana, etiam Comitatu, Baronali, Marchionali, Ducali, Regali & Imperiali autoritate seu excellentia præfulgeant. Eorum quemlibet sententias, censuras & pœnas prædictas incurrere volumus atque decernimus. Omnes illos porro, adeoque etiam Reges & Imperatores hæreticos vel schismaticos, ultra censuras & pœnas prædictas, declarat dignitatibus omnibus, etiam Regnis & Imperiis, in totum & perpetuum privatos, & ad illa de cætero inhabiles & incapaces. Quinimò, addit, Seculares (puta etiam Reges & Imperatores) relinquuntur arbitrio potestatis animadversione debita puniendi, nisi apparentibus in eis veræ pœnitentie indicibus, & pœnitentie condignæ fructibus, ex ipsius Sedis benignitate & clementia, in aliquo Monasterio, aut alio Regulari loco, ad peragendam perpetuam in pane doloris & aqua mæstitiæ pœnitentiam retrudendi, omni humanitatis solatio destituti. Regna, Ducatus, feuda, dominia & bona hujusmodi publicentur, & publicata sint efficianturque juris & proprietatis eorum, qui illa primo occupaverint, si in sinceritate fidei & unitate Sanctæ Romanæ Ecclesiæ, ac sub nostra & Successorum Pontificum Romanorum canonicè intrantium obedientia fuerint. Quid quæso Draconica & Leonina hac Bulla horrendum magis: quid ad convellenda inani quovis prætextu læsi Pontificis, imperia, & ima summis miscenda idoneum

etiam Regis
& Imperiali
dignitate
fulgentibus.

*instituto tri-
bunali Inqui-
sitionis,*

magis? Testis insuper violentiæ Papalis est bos ille Phala-
ridis, Tribunal Inquisitionis, verè Draconicum, ab eo-
dem Romæ erectum cujus etiam erigendi pridem Cardin-
alis adhuc author Paulo III. extiterat. Moribundus
etiam *Sanctæ Inquisitionis officium, quod sanctissimum appellabat,*
& quo uno niti affirmabat Apostolica Sedis authoritatem, Car-
dinalibus commendavit, inquit in vita ejus Onuphrius. Æ-
terna laude dignum isthoc Pauli opus, cui Italia servatam
fidei integritatem acceptam referre debeat, etiam Palla-
vicinus *Hist. Concil. Trid. lib. XIV. 9: 5.* scribit. Idem tur-
bas ob eam rem mortem Pauli comitatas & consecutas, in-
censum à populo furente Inquisitionis carcerem, destru-
cta Caraffarum insignia, aliâque ejusmodi, quæ parcius
Suavis Polanus & Thuanus recensent, copiosissimè per-
stringit. ut satis vel ex iis colliquescat, quàm impatiente
rigidòque cervice homines Romani immane isthoc jugum,
& sanguinariam quandam per Syllogismos ex aquæ, ignis
& laquei terminis confectos, disputandi rationem, torto-
ribusque carnificibusque magis, quàm Doctõribus Ponti-
ficibusque convenientem, tulerint. Testis quoque est In-
dex librorum Prohibitorum, jussu ejus Romæ ab Inqui-
sitoribus compositus, & A. M. D. LIX. typis impressus, de
quo pluscula alibi dicta hic non repetimus. Saltem inde
constat, Paulo id unum curæ cordique fuisse, ut omne
veritatis lumen animis hominum excuteret, eosque ad bru-
tam & sedentariam assentiendi oraculis suis, Papali Ma-
jestati amplificandæ unicè intentis, (nam *amplitudinem*
omnem sacrosanctæ suæ potestatis habuisse eum pro mensura sapien-
ter eam exercendi, etiam Pallavicinus *loc. cit.* fatetur) ne-
cessitatem compelleret. Ne eadem ratione Pontifices Pa-
patum stabilivisse, qua Turcæ Muhammedismum stabili-
verunt, dubitari ullatenus possit.

*ad eoque more
Turcico Pa-
patum pro-
mouent.*

*Pii IV. Pa-
patus.*

CLXXXIV. Paulo publica lætitia omnium defun-
cto

cto, Johannes Angelus de Medicis, Mediolanensis, Pii IV. nomen sibi arrogans, successit. Fuisse eum *ingenio vivacem, mente sagacem, verbis & scommatibus acutum, cibi vinique avidum, in voluptates pronum, oculis invidum, ad audiendum impatientem & difficilem, dominandi cupidum, vafrum, timidum, cujuslibet rei simulatorem & dissimulatorem, pecunie cupidum, amicitias non ex re, sed ex commodo aestimantem*, Onuphrius Panvinus non dissimulavit. Confirmationem electionis Ferdinando Imperatori à prædecessore Paulo I V. superbissimè, uti suprà diximus, negatam, ipse quidem ultro obtulit. Sed eam Cæsar animo excelso respuit, non modò, quia, uti Seneca *de Benefic. lib. II. 1.* loquitur, *ingratum est beneficium, quod diu inter manus dantis hæsit: quod quis agrè dimittere visus est, & sic tanquam sibi præriperet*: verum etiam, quòd eo facilè se carere posse putaret, exemplo Henrici Aucupis & Rodolphi Habsburgici, imo inde ab Augusto Augustorum omnium usque ad Carolum M. quos solus ille, per quem Reges regnant, & potentes iusta decernunt, consecravit. Conatus tamen idem Pius est Florentinorum Principem creare Regem: creassètque nisi intercessisset Maximilianus, his non incongruè verbis usus: *Non habet Italia Regem nisi Cæsarem.*

Ferdinandi Confirmationem frustra offert.

CLXXXV. Concilium Tridentinum denuo Pius aperuit, non quòd veræ Reformationis studio & amore flagraret, sed tum quia metuebat, nè in Gallia Nationale Concilium coiret: tum quia querelam publicam percrebescere audivit, quòd ob Concilium interruptum religio passim mutetur, & Scoti libertatem religionis, fancito cum Anglis adversus Reginam suam foedere, sibi vindicaverint: tum denique quia suspectam habuit Maximiliani Regis Bohemiæ cum Protestantibus amicitiam, eoque progressam, ut Papa quiritaretur, *habere se filium hæreticorum fautorem.* Novo autem exemplo quinque Lega-

Concilium Tridentinum postliminio revocans, ad finem perducit.

tos Concilio præfecit, & Italis ut magna frequentia Concilium viferent, quamvis haud alii quàm Hispani adfuturi crederentur, mandavit. Muniturus se ea ratione, ne Pontificia potestas, cui ab omnibus Transalpinis insidias strui, ipsemet fassus est, ullum in periculum adduci posset. Sed & dicis gratia Evangelicos invitavit. Quorum plerique ejus literas aperire dignati non sunt, invitationem utpote ab illegitima potestate profectam respuerunt omnes. Sessiones eo Pontifice habitæ sunt novem, & in iis decreta de sacrificio Missæ, Ordine, matrimonio, aliaque etiam reformationem morum concernentia edita sunt. De quibus in loco dicto plura non repetimus.

*Ferdinandi
Imperatoris
de Concilio
querela;*

CLXXXVI. Durante adhuc Concilio Ferdinandus ad Pium Papam literas dedit, quibus graviter questus est, quòd Concilium non eo modo ac ordine procedat, quo pii vellent, & afflictus rei Christianæ status exposceret: quòd segniter negotia tractentur: quòd Patres contentionibus & dissidiis distrabantur: quòd Concilio salva & integra non sit libertas. aliæque ejusmodi. Misit etiam ad Concilium volumen postulatorum, cujusmodi erant, ut Pontifex seipsum & Curiam Romanam reformari benignè patiatur; ut numerus Cardinalium reducatur: ut provideatur, ne fiant amplius dispensationes scandalosæ: ut revocentur exemptiones passim contra communia jura concessæ: ut tollatur prorsus beneficiorum pluralitas: ut Episcopi omnino ad residentiam cogantur: ut communio sub utraque specie decernatur, in usu carnis & jejuniis de pristino rigore aliquid remittatur, conjugium Sacerdotum Nationibus quibusdam indulgeatur. Estant tum literæ, tum Articuli apud Goldastum, secunda Constitutionum Imperialium parte. At Legatos Tridenti scripto co Ferdinandus vehementer esse commotos, eò quòd profectum sit ab eorum arte, qui omnem impendebant operam ad elevandam Synodi ac Præsidentum dignitatem, splendorémque Pontificatus minuendum, ac proinde ne quidem Conventui tra-

den-

dendum, sed tantisper suspendendum, dum ipsi per officia Nuntii Ferdinandum ab eo officio dimoverent, judicasse; Pallavicinus *Hist. Concil. Trid. lib. XVII. 1: 6.* commemorat. Similes articulos à Gallix Rege ad Concilium missos idem Goldastus parte tertia narrat, addita ejusdem adversus Concilium Protestatione solenni, in qua inter alia sic Galli loquuntur: *Eramus nos Galli esurientes & famelici, petentes à Beatissimo Papa; veluti Patre communi, Panem, non equidem naturalem, cujus non indiget Gallia, Regio feracissima, sed illum Divinum Angelorum Super substantialem, cujus in toto ferè orbe Christiano tanta primum fuit caritas; deinde nunc etiam inopia, ut vix unquam post Christum natum major. Ille verò non quidem Panem, quem petebamus, dedit, sed scorpionem, cujus cauda unico ictu simul duos potentissimos Reges, Ecclesiam Gallicanam, & Theologorum Parisiensem doctrinam feriret.* Post alia adversus Papam Pium ἐναντιὰς dicta, sic iidem Patres etiam Concilii alloquuntur: *Quid vobis judicandum proponitur, aut à vobis judicatum publicatur, quod non prius Roma missum, & Pio quarto placuerit? Concludunt: Pii quarti imperium detrectamus, quæcunque sint ejus judicia & sententiæ, rejicimus, respiciamus & contemnimus.* Rursumque sic Patres Concilii alloquuntur: *Cum nihil à vobis, sed omnia magis Roma quàm Tridenti agantur, & quæ hic publicantur, magis Pii quarti placita, quàm Concilii Tridentini decreta jure existimentur; denuntiamus & protestamur, quæcunque in hoc conventu, hoc est, solius Pii quarti nutu & voluntate decernuntur & publicantur, ea neque Regem Christianissimum probaturum, neque Ecclesiam Gallicam pro decreto Concilii Oecumenici habituram.* Bruta porro hæc fulmina non fuisse, rebus ipsis & experiundo innotuit, quando Gallia, obnitente Clero licet, & cum exceptione quadam in publicis etiam Comitibus Concilii confirmationem urgente, ad agnoscendam ejus auctoritatem adduci hactenus non potuit. Cujus rei causas apud Thuanum, & post

*& Gallorum
adversus il-
lud protest-
atio.*

illum:

illum etiam Petrum de Marco *de Concord. Sacerd. & Imperii lib. II. 17.* aliosquē legere est.

Anathema-
tismi Concilii
quales ?

CLXXXVII. Finem habuit Concilium die III. Dec. A. M. D. LXIII. quo Patres anathema dixerunt *cunctis hæreticis*, indiscretè, non disertè his vel illis planè quod in Concilio etiam Archiepiscopus Hydruntinus monuit, contra consuetudinem veterum Conciliorum, in quibus anathema dici suevit non hæreticis in genere, sed definitè iis, qui doctrinam Concilii decretis repugnantem pertinaciter foverent, ejusque authores vel sectarii etiam extitissent. Sed vellicaverat aurem Patribus Cardinalis Lotharingus, caussatus scilicet, *hæreticorum capita esse Reginam Angliæ, Reginam Navarræ, Principem Condemum, Electorem Palatinum, Saxonie, &c.* Hos nominandos, *siquidem hæreticos nominatum exprimere placeat.* Atque id turbis occasionem præbaturum. Agnoscimus certè Divinam Providentiam, qua refrenati homines illi nominatim nobis anathema dicere non sustinuerunt. Quamquam verendum non erat, ne excommunicati ipsi à Deo excommunicare alios, & prostrati jam verbi Divini gladio, dejicere eos, qui postraverunt, possent.

Recipitur
Concilium &
promulgatur
à Pontificiis
non omnibus.

CLXXXVIII. Sollicitè equidem Pallavicinus *Hist. Concil. Trid. lib. XXIV. cap. II. 2. &c.* requirit eos, qui Concilii auctoritatem agnoscences, solenniter illud receperunt, & in ditionibus suis promulgari curarunt. Nominat autem laudatque eo nomine Venetos, Philippum Hispaniæ Regem, Provincias Austriacæ familiæ hæreditarias, Poloniam, ubi in Comitibus Commendoni opera exceptum illud narrat. Potuisset Cantones quosdam Helvetios adjungere, si instrumentum fœderis Pium inter & illos initi, hunc ferè in finem *ut Sanctiones piæ Sacrosancti Oecumenici Concilii Tridentini ad effectum* (NB) *tandem producantur*, ei innotuisset. Saltem plures, ne Pontificios quidem, nominare potuit.

Certè

Certè nec Ferdinandus Imperator, nec vel Gallia, vel Germania, vel Hungaria, vel Bohemia, vel Lusitania, vel Hibernia, qua Pontificiarum partium sunt, Concilium eadem ratione, qua in Hispania, Polonia & Venetiis factum narravit, promulgantes à Pallavicino, induci potuerunt.

CLXXIX. Protestantes verò in Anglia, Scotia, *A Protestan-*
Gallia, Germania, Suecia, Dania, Norwegia, Pannonia, *tibus verò*
Helvetia, & procedente tempore etiam in Belgio, & quot *omnibus con-*
quot uspiam terrarum hæserunt, vel hærent etiamnum, il- *Conciliaba-*
lud ceu *Conciliabulum profanorum hominum, Christianismi &*
lam profano-
rum homi-
num damna-
tar.
Principum Christianorum inane ludibrium, rationibus induc-
tissimis repudiârunt, condemnârunt, atque eo velut se-
pimento quodam & intergerino pariete à Papatu Roma-
nenſi sese discreverunt, separaruntque in æternum. Nimi-
rum sapere Dei gratia pridem cœpit Christianus orbis, pa-
teta factæ sunt nebulonum fraudes, aperti doli, detracta per-
sona. Contemnuntur Papæ tonitrua è pelvi. Bullæ ipsæ Pa-
pales pro bullis habenter, brutæque illa fulgetra & luteæ
bullæ tam ludi nobis sunt, quàm Vulcanus, suam illam te-
rens incudem, *Brontesque steropesque & nudus membra Pyracmon.*
Nihil præter Euangelium admittitur. Et quoniam vox
Cœlestis de Christo, *Ipsam audite*, præcipit, nihil jam mor-
rantur auctoritatem Papæ, & Sanctulorum ejus, Domini-
ci, Francisci, similiûmque nihil deliramenta Monacho-
rum, nihil apparitiones mortuorum. Ipsum, ipsummet
Christum solum illis audire volupe est. Atque eò denique
apud illos ferè promotum est, ut unâ cum Romani idoli
dominatione & religione mendax & fucosa superstitio
sublata è medio, atque extincta radicitus ex animis eorum
ploret.

ECCLESIAE ROMANAE PERIODUS SEPTIMA.

Seu

Historia Ecclesiae Romanae, per decreta
falsae fidei & Anathematismos Tridentinos in
errore obfirmatae, & cum separata à se vera
Christi Ecclesia, fraude & vi continuò
decertantis.

*Inde à fine Concilii Tridentini, seu A. C. M. D. LXIII.
ad nostra usque tempora.*

BREVIARIUM.

- CXC. Ecclesia Romana post Concilium Tridentinum in errore
obfirmata, impudentior & truculentior evasit. Illustratur id si-
militudine meretricis exoletae, in obscenitate deprehensa.
- CXCI. Pius V. de salute desperat. Concilii Trid. executioni in-
tentus, adversus fideles sevit, & apud Maximilianum Religio-
nis libertatem Protestantibus impertientem protestatur.
- CXCII. Angliam, Scotiam frustra turbare conatur. Galliam
per Guisios efficacius tentat.
- CXCIII. Ejusdem artibus Belgii Hispanici tragœdia excitata.
Cujus causae & progressus narrantur.
- CXCIV. Carolo Hispaniae Infanti, & Isabelle matri favor
erga Evangelicos exitium affert.

CXCV. Gre-

- CXCV. Gregorii XIII. Papatus. Ejus initia laniena Parisiensis horribilis fœdat.
- CXCVI. Frustra à Gallis nonnullis excusata; à Thuano, Maximiliano, Imp. Turca, ipso denique Rege Carolo IX. pœnitente damnata.
- CXCVII. A Gregorio verò Papa, & modernis etiam Jesuitis, Strada & Baptista Gallo, laudata.
- CXCVIII. Gregorius idem Calendarium corrigit, seminaria instituit, Jesuitas fovet, Hiberniam Elisabethæ subtrahere conatur, Belgas oppugnat. Oraculi de ipso eventus.
- CXCIX. Sixti V. crudelitas. Ejusdem contra Henricum Navarrum & Henricum Condæum fulmina bruta. Ab iisdem spreta meritò.
- CC. Monitorium ejusdem adversus Henricum III. diploma. Rex Venetorum consilio, asperè ei respondet. & mox à Clemente interficitur.
- CCI. Parricidium Clementis à Papa nefariè laudatum. Scripta eidem Anti-Sixti, & Fulminantis titulo opposita.
- CCII. Sixtina vulgatæ versionis recognitio, à Clemente VIII. rejecta.
- CCIII. Sixtus Hispanis infensor, Henrici IV. & Elisabethæ Anglæ gratiam ambit. Unde ei mors ab Hispanis acceleratur.
- CCIV. Gregorius XIV. Henricum IV. persequitur, dirisque devovet. Monitoria ejus in Gallia spreta; sanctitumque, ne aurum vel argentum ex Gallia Romam ullum deinceps inferatur.
- CCV. Henricus Pontificum odiis succumbens religionem Evangelicam ejurat, & Carnuti coronatur. Ejus jugulum à Castello, Jesuitis conscis, frustra appetitum. Jesuita ex Gallis proscripti, post decennium, in Pontificis & Mariæ Medicæ gratiam, in eas postliminio admissi sunt. Henricus Pontifici reconciliatus, à Ravallaco, Jesuitarum pïllo, denique perimitur.
- CCVI. Fœdus sacrum; Clemente Pontifice coryphæo; Pontificios inter Principes adversus Protestantes initum. Congregatio gemina

de propaganda fide, & sacri fœderis erigitur. Executio fœderis à Stiria, Carinthia, Carniola initium capit.

CVII. Intestina Romanam Ecclesiam dissidia exercent, ob quaestiones à Jesuitis motas, de Papa. Confessione & gratia auxiliis ac libero arbitrio. cuius postrema inter Jesuitas & Dominicanos diu agitata historia textitur.

CCVIII. Sacerdotes ex Romano Seminario egressi & Jesuita in Anglia secretam Hierarchiam constituunt. Occulta inter alumnos seminarii & Jesuitas dissidia.

CCIX. Conspirationes & molimina varia adversus Elisabetham Reginam Anglia, & Jacobum VI. presente Numine discussa.

CCX. Clementis de fide tuto à supremis Principibus violanda, doctrina perfida.

CCXI. Conspirationis pulveraria adversus Parlamentum Anglicanum historia narratur.

CCXII. Ejus atrocitas exaggerata.

CCXIII. Ecclesiam Romanam per Jesuitas conspirationis ejus participem fuisse, probatur.

CCXIV. Jesuitarum hæresis singularis prima de jure occidendi Reges & Principes Romano Pontifici non obsequentes.

CCXV. Eorundem hæresis singularis secunda de equivocationum & reservationum mentalium jure.

CCXVI. Ecclesia Romana hoc tempore duos insignes Atlantes habuit, Baronium & Bellarminum Cardinales. Baronii Annales cujusmodi sint? Pontificiorum de iisdem judicium minus favorable.

CCXVII. Bellarminus à Pontificiis quo in pretio habitus? In controversiarum Tomis ab eo editis laudem nonnulla merentur: plura verò reprehensione gravi digna sunt. Inconstans passim doctrina nostrapatrocinator. Erga Reges & Principes insensum animum prodidit.

CCXVIII. Deserta ejus Methodo ad novas artes confugerunt Methodistæ novi. puta Veronistæ, Barth. Nibussius, Walenburgii, Richelius, Valerianus Magnus, Masenius, Marcellius, Bossuet Condomensis Episcopus. Novi illi Methodistæ causæ Pontificiæ proditores meritò habentur.

CCXIX. Lea

- CCXIX. *Leo XI. sex dierum scenicus Papa. Paulus V. miris factionibus electus. Arcana Conclavis Leonis XI. & Pauli V. à Card. Perrono prodita: Paulus Divinis titulis se ornari patitur.*
- CCXX. *Historia dissidii Paulum inter & Venetos, ob interdictum de bonis soli & immobilibus Ecclesiasticis non acquirendis, aliâque, suborti, fusius narrata. Sicarii in caput F. Pauli Servita, ob Venetorum causam strenuè assertam, subornati.*
- CCXXI. *Claudii Espencae Parisiensis Theologi verbis Ecclesie Romanae facies depingitur.*
- CCXXII. *Paulus V. Ecclesiae non reformator, sed deformator.*
- CCXXIII. *Controversias de auxiliis gratiae & conceptione Mariae definire non est ausus. Motus in Hispania ob posteriorem excitati. Gregorii XV. & Alexandri VII. de eadem definitiones.*
- CCXXIV. *Nova tempestas adversus Ecclesiam à Iesuitis per Ferdinandum Archiducem Austriae, excitata. Occasio ejus fuit favor Rodolphi II. erga Ecclesias Bohemicas.*
- CCXXV. *Rodolphus acie victus moritur. Matthias successor improles Bohemis Ferdinandum successorem obtrudit. Ordines Regni turbatores Pacis consiliarios Pontificios & Iesuitas compefcunt, & Fridericum Palatinum Regem eligunt. Inde bello victa Bohemia Ferdinando succumbit.*
- CCXXVI. *Nova Methodus, qua ex Bohemia religionem veram Iesuita profligarunt.*
- CCXXVII. *Anceps inde Ecclesiae Evangelicae status maximè. Sciopius classicum belli sacri canit. Paulus Papa ex decimis Italiae, aliarumque regionum bellum sustentat.*
- CCXXVIII. *Palatinatus & universae Germaniae calamitas. Ferdinandus à Protestantibus bona ecclesiastica repetit. Conclamatis rebus DEVS velut è machina succurrens, Gustavum Adolphum submittit, qui Henoticis domitis Ecclesiam feliciter adjuvat.*
- CCXXIX. *Laniena in Valle Telina adversus Evangelicos patrata historia terribilis. A clero & Pontifice illa defenditur & probatur.*

- CCXXX. Gregorii XV. Papatus, Formam eligendi Papa præscribit, & Jesuitas quatuor, aliosque in Divorum numerum refert.
- CCXXXI. Ferdinandum collatione pecuniarum & copiarum adjuvat; Ludovicum XII. adversus Evangelicos etiam Genevenses accendit, & Venetis ob concessum Græcis Templum, irascitur.
- CCXXXII. In Hispania secta Illuminatorum emergens, spe veniæ facta, opprimitur.
- CCXXXIII. Gregorio defuncto Roma factionibus turbatur. Eligitur tandem Barbarinus, seu Urbanus VIII. qui Nepotes impudenter promovet.
- CCXXXIV. Canonizationis Lojole, Xaverii, aliorum bullas conficit. Eorum miracula falsò laudat. Vera Jesuitarum miracula ex Deza & Sciopio depicta.
- CCXXXV. Jesuitæ expuncto Germano, & intruso Lojola temerantes fastos, repressi. Jesuitissarum secta ab Urbano abolita.
- CCXXXVI. Valle Telina exigere Gallos idem satagit.
- CCXXXVII. Occasione dissidii illius adversus Regem Galliae & Richelium libellis seditiosis vulgatis, in jugulum Regis denuo culter acuitur. Libelli ii à Clero Gallicano damnati. Ob censuram Stampesii dissidium clerum inter & Parlamentum oritur, & à Rege ipso finitur.
- CCXXXVIII. Santarelli de potestate Pontificis liber Regum potestati iniquissimus. Sorbonæ adversus eundem censura acris. In Jesuitas Claromontanos de eodem instituta inquisitio, malam eorum conscientiam profert.
- CCXXXIX. Cotonus tædio inquisitionis illius moritur. Ejusdem quæstiones curiosæ demoni Hadriana Fraxinæ propositæ.
- CCXL. Urbanus Bullam Cænæ Domini renovat. Ejus origo & mutationes variæ. Reges & Ecclesias Galliae in ea excommunicari, adversus P. de Marca asseritur.
- CCXLI. Rupella à Ludovico XII. Evangelicis erepta. Urbani lætitia inde concepta à Ios. Hallo objurgatur.

- CCXLII. Pontificum & Iesuitarum in Æthiopia seu Habessinia Sedi suæ subjicienda conatus, Urbani tempore infelicem exitum sortiuntur.
- CCXLIII. Similis catastrophe fuit moliminum in subjuganda Romanæ Ecclesiæ Iaponia. Persecutio immanis Iaponum adversus Christianos à Iesuitis conversos. Eius causa fuit Hispanorum & Iesuitarum consilium de Iaponibus legitimo Regi subducendis. Simile Pontificiorum fatum in Sina.
- CCXLIV. Urbanus Casaris & Hispani in Germania potentiam suspectans, adversus eos Gallum inflammat. Iesuita Hispanus edito libro Papæ potestatem infringit. Hispanorum adversus Urbanum consilia.
- CCXLV. Dissidii Iansenitas & Molinistas instar in Belgio & Gallia erumpentis historia fusè narrata.
- CCXLVI. Propositiones quinque Iansenii ab Innocentio damnatæ.
- CCXLVII. Galliæ Episcoporum in recipienda Innocentii adversus Iansenitas Bulla divortium.
- CCXLVIII. Iansenitarum adversus Innocentii Bullam exceptio, ab Alexandro VII. editâ Bullâ, eliditur. Formula conficitur adversus Iansenium, in cujus verba Pontifex clerum suum adigit.
- CCXLIX. Non tam Iansenium, quàm Augustinum à Pontificibus damnatum esse, Iansenitæ confirmant. Controversia tota denique in questionem de infallibilitate Papæ exiit.
- CCL. Tertia Iesuitarum singularis hæresis, ex pluribus conflata, de Gratia & arbitrio.
- CCLI. Laniena Euangelicorum in Hibernia, Urbano Pontifice, patrata historia horribilis compendiosè narrata.
- CCLII. In Pontificis gratiam tot in Hibernia casæ victimæ sunt.
- CCLIII. Urbanus pacis prætextu belli in Germania continuationem promovet.
- CCLIV. Urbano succedit Innocentius X.
- CCLV. Admittit is elogium blasphemis refertum ab Italo-Græco cūsum, quo Pamphilus Filio Dei præfertur.

- CCLVI. *Papatum eo tempore non Innocentius, sed ejus glos Olympia Maldachina administrat. Historia ejus ex Abbate Gualdo contracta.*
- CCLVII. *Innocentio quæ causa Iansenitarum damnandorum fuerint?*
- CCLVIII. *Ejusdem & Nuntii ejus, Fabii Chisii, Bullæ & Protestationes adversus pacem Germaniæ, insolentissimæ.*
- CCLIX. *Ernesti de Eusebiis de Pace Protestantibus non danda, liber, Fabii Chisii jussu vulgatus. Responsum ad eum Caramuelis, Dorchei, Conringii. Innocentii adversus Pacem Bulla ab eodem Coringio, Blondello, Hoornbekio discutitur.*
- CCLX. *Innocentii mors. Historia Conclavis Alexandri VII. auctore Italo edita, & contracta exhibetur.*
- CCLXI. *Ejus occasione quæstiones de electione Pape motæ.*
- CCLXII. *In electione Pontificis quid potissimum Cardinales, quid Seculares spectent, inquiritur.*
- CCLXIII. *Alexandri encomium ab auctore Conclavis ejus contextum. Ejus Philomathia, & gradus consanguinitatis, quo Mahumetem Imp. Turcicum attigit.*
- CCLXIV. *Papatus ejus initia Pedemontana laniena sædantur. Continuatio persecutionis Waldensium sub Philippo II. Carolo, Philiberto, Emmanuele Pax à Carolo Emmanuele iisdem datur. Violata variè, à Gastaldo inprimis, qui migrationem ex Pedemontio iis indixit.*
- CCLXV. *Horribilis eorundem laniena ex Morlando repetita. Ejus vera causa inquiritur.*
- CCLXVI. *Vindicta de persecutoribus non sine præsentè Numine sumpta.*
- CCLXVII. *Imago quædam pacis iis ab Angliæ, Galliæ, Belgii, Helvetiæ Legatis conciliata, iterum mox iterumque violatur.*
- CCLXVIII. *Alexandri Bulla, qua Pacis Catholicorum Principum faciendæ prætextu, eosdem adversus Protestantes, Sueciæ cumprimis Regem accendere conatur, una cum glossa quadam Ordinaria representatur.*
- CCLXIX. *Ex Suecia prædam Alexander reportat, Christinam Reginam, cujus ad Papatum transcuntis historia narratur.*

CCLXX. *Ejus*

- CCLXX. *Ejusdem Alex. Nepotismus, Pallavicini consiliis adjutus describitur.*
- CCLXXI. *De Pontificum Nepotismo querela Alvari Pelagii, ejusdem arcana detegentis,*
- CCLXXII. *Francisci Rothomagensis. Conciliorum adversus eundem Canones.*
- CCLXXIII. *Canonizatio Thomæ Villanovani, in gratiam Hispan.*
- CCLXXIV. *& Francisci Salesii, in gratiam Gallorum. Blasphemie de hujus ἀναμαρτία & perfectione voces Caroli Augusti Salesii.*
- CCLXXV. *Ejusdem erga Ecclesiam Romanam merita, & consilia erga Reformatos sanguinaria.*
- CCLXXVI. *Jesuitarum hæresis singularis quarta de infallibilitate Papæ in questionibus facti, Lutetia in collegio Claromontano prodita.*
- CCLXXVII. *A sanioribus Gallie Theologis eadem libello ad Episcopos misso graviter obnuntiatur.*
- CCLXXVIII. *Eadem hæresis in Sorbonam penetrans, ibidem defendenda suscipitur; intercedente Suprema Curia Parisiensi, à qua Sorbona circa auctoritatem Papæ declaratio flagitatur.*
- CCLXXIX. *Summa declarationis Sorbonæ.*
- CCLXXX. *Diffidium Jesuitas inter & Sorbonam ac Curiam Parisiensem novum occasione tum controversiæ Curatos inter & Monachos de munere predicandi:*
- CCLXXXI. *Vbi Sorbona Vernantii de potestate Papæ propositiones varias obelo configit.*
- CCLXXXII. *Tum novitiæ Theologiæ Moralis Jesuitarum, ceu quinta eorundem hæreseos.*
- CCLXXXIII. *Cujus præcipuæ hypotheses, veluti de probabilitate, methodo dirigendæ intentionis, arte mutandi definitiones virtutum, & vitiorum, cogitationibus bonis, & attritione perstringuntur.*
- CCLXXXIV. *Guimenii opusculum eam in rem editum à Sorbona ad incudem revocatur.*
- CCLXXXV. *Alexander Theologiæ illi succenset, at mox favere incipit.*
- CCLXXXVI. *Sorbonam apud Regem ob geminam censuram idem graviter accusat.*

- CCLXXXVII.** Breve Pontificium eam in rem oblatum Suprema Curia censura subjicitur.
- CCLXXXVIII.** Ejus consilium infallibilitati Papæ oppositum gravissimum.
- CCLXXXIX.** Index librorum prohibitorum Alexandri jussu vulgatus, Pontificum Bullas, Pontificiosque libros expurgans, servitutem Papatus propalat.
- CCXC.** Eiusdem censura acerba Missalis Romani Gallicè editi, zelum pro latinitate arguit.
- CCXCI.** Pallavicini & Julii Clementis Scoti de Ecclesia Pontificia in pejus degenerante contentio.
- CCXCII.** Post Concilium Tridentinum Ecclesiam Pontificiam in melius mutatam non esse, idem Julius Clemens fusè efficaciterque demonstrat.
- CCXCIII.** Episcopi Germaniæ nonnulli Marti litant.
- CCXCIV.** Verbi Divini & veterum canonum adversus Episcopos milites sententia. Gregorii VII. & Bonifacii VIII. contrarii dictatus. Ximenii & Philippi Belluacensis historia.
- CCXCV.** Ecclesiasticorum militantium impietas verbis Erasmi & Wicelii depicta.
- CCXCVI.** Controversia de Attritionis efficacia Jansenitas & Jesuitas inter fervet.
- CCXCVII.** Jesuitarum de eadem attritione hæresis singularis sexta. Alexandri Bulla, qua hæresin illam reprehendi impie vetat.
- CCXCVIII.** Alexandri mors. Ei Julius Rospigliosus, Clementis IX. nomine insignis, succedit. cujus res gestæ strictim narrantur.
- CCXCIX.** Eum mox Æmilius Altierius, seu Clemens X. excipit.
- CCC.** Hungaricas is Ecclesias per satellites suos evertere laborat.
- CCCI.** Evangelica in Hungaria religionis fata sub Regibus Ludovico; Johanne de Zapolya & Ferdinando I. obiter narrantur. Pacificatio Viennensis à Rodolpho inita, & ab Imp. Matthia, Ferdinando II. & III. nec non Leopoldo confirmata.

- CCCII. *Liberum religionis exercitium ab Hungaria Regibus pactum, Georgius Barzon, Varadiensis Episcopus, libello A. 1671. edito oppugnat.*
- CCCIII. *Triples ejusdem argumentum ad partes vocatum.*
- CCCIV. *Cleri Pontificii machinationes à Bots-Kajo, Bethlenio, Rackozio repressæ. Denno Ecclesia Hungarica à terrestribus Dominis persecutionem patiuntur.*
- CCCV. *Civitates mox etiam Regia & libera, everfis earum Templis, vexatis expulsisque Pastoribus, invaduntur.*
- CCCVI. *Tribunal Posoniense rebellionis prætextu Evangelicos Magnates plures evertit.*
- CCCVII. *Pastoribus quoque eodem prætextu evertendis alia quoque tribunalia Tyrnaviæ & Posonii constituta; libelli præscripti, quibus mortis periculum eluctaturi subscribentes, ministerii abdicationem, exilium spontaneum, vel apostasiam promitterent.*
- CCCVIII. *Citatio ad tribunal illud prima Pastorum Augustanae Confessionis, qui comparentes male persecutionis impetum sustinent.*
- CCCIX. *Citatio secunda universalis omnium per Hungariam Evangelicorum Ministrorum cui alii obedire prohibentur, alii parent, gravibus rationibus induciti.*
- CCCX. *Numerus comparentium utriusque confessionis. Actionis totius series exponitur. Accusationis capita. Accusatorum Iudiciumque strophæ. Perduellionis culpa accusati liberantur prægnantibus argumentis.*
- CCCXI. *Accusati innocentes damnantur, & in libera custodia, paucis exceptis, detinentur, variis artibus ad subscriptionem libellorum pellecti. Subscribentibus Augustanis fratribus non paucis, reliqui in carceres varios distribuuntur. Reformati, duobus exceptis, omnes, subscriptionem constanter abnuentes, in vincula iidem rapti, atque inde producti, diversaque in Hungaria munimenta relegati sunt.*
- CCCXII. *Vexatio horrenda fratrum Berenschinum, Comarinum, Eberhardinum, & Leopoldopolin asportatorum.*

- CCCXIII. *Violentia in cogendis iis ad cultum Panacei Numinis adhibita.*
- CCCXIV. *Astutia Kellionis, testificationem humanitatis suæ in levibus nonnullis captivis præstita, ab iisdem extorquentis.*
- CCCXV. *Damnatio nova Pastorum, & raptatio crudelissima ad triremes.*
- CCCXVI. *Tentationes eorundem, ut militiæ nomen dent, fortiter excussæ. Venditio eorum ad triremes, vexatio horrenda in iis, & ex iisdem Divina liberatio.*
- CCCXVII. *Historia reliquorum Pastorum viginti, in carccribus Sarwar, Kapurwar Tergesti & Buccaris inauditis modis vexatorum quorum pars Buccari persecutioni succumbit, pars ad extremum usque eandem sustinet, & vicina jam morti liberatur.*
- CCCXVIII. *Examen Extractus Judicialis Tyrnavia editi, quo author demonstrare conatur Pastores non ob religionem, sed ob rebellionem horrendam adeò tempestatem subivisse.*
- CCCXIX. *Concluditur historia persecutionis Hungarica.*
- CCCXX. *Veritas in Papatu hoc tempore erumpens, atque mox sopita iterum, circa cultum B. Virginis Mariæ.*
- CCCXXI. *Nec non venerationem imaginum,*
- CCCXXII. *Clementi X. succedit Innocentius XI. cujus studium reformandi nonnulla, leviora licet, commendatur.*
- CCCXXIII. *Indulgentias idem complures abolet.*
- CCCXXIV. *Cleri Pontificii Jesuitarum imprimis, adversus Regem Angliæ, religionem statumque universum Angliæ terribilis conspiratio.*
- CCCXXV. *Detecta per Titum Oatem, & supplicii reorum magis patefacta.*
- CCCXXVI. *Clerus in Angliæ magnis ausibus excidens, ad Ecclesias Gallicanas pervertendas sese convertit.*
- CCCXXVII. *Edicti Nannetensis, quo Ecclesiarum Gallicarum Ref. libertas nititur, historia narrata.*
- CCCXXVIII. *Modernis persecutionibus violari illud varie ostenditur.*
- CCCXXIX. *Nominatim in articulis concernentibus libertatem conscientia;*

- CCCXXX. *Ægrorum & afflictorum consolationem ;*
 CCCXXXI. *Liberorum educationem.*
 CCCXXXII. *Religionis exercitium publicum.*
 CCCXXXIII. *Variis modis labefactatum.*
 CCCXXXIV. *Vexationes & pericula Pastorum in Ecclesiis ad-
huc superstitibus.*
 CCCXXXV. *Scholarum & Academiarum restrictio vel suppressio.*
 CCCXXXVI. *Exercitii disciplina Ecclesiastica infractio multiplex.*
 CCCXXXVII. *Camerarum Edicti usus.*
 CCCXXXVIII. *& violenta suppressio.*
 CCCXXXIX. *Parium cum Pontificiis Prærogativarum abrogatio.*
 CCCXL. *Persecutio Ecclesiæ ejusdem ingravescens , & pressorum
oppressorumque innocentia , patientiæque laudabilis.*
 CCCXLI. *Non parum persecutionem eam exasperavit controver-
sia cum Pontifice circa jus Regaliæ , cujus origo exponitur.*
 CCCXLII. *Recentissima circa illud dissidii historia.*
 CCCXLIII. *Congregatio Cleri Gallicani ius Regaliæ Regi vin-
dicat , & literis ad Pontificem exaratis sententiam suam tuetur.*
 CCCXLIV. *Mox etiam Pontificiam potestatem definitionibus
quatuor Regio Edicto graviter sancitis , restringit.*
 CCCXLIV. *Romani Pontificis ad Cleri Gallicani literas super
jure Regaliæ , acris responsio. Epicrisis circa eandem authoris.*
 CCCXLV. *Congregationis Cleri Gallicani ejusdem pro revocan-
dis ad Papatum Evangelicis studia , & literæ circulares ad Episco-
pos , quibus negotium extinguendi schismatis commendatur , &
dissidium cum Pontifice excusatur.*
 CCCXLVI. *De literis illis circularibus judicium authoris.*
 CCCXLVII. *Ejusdem Congregationis literæ ad fratres secessio-
nis Calvinianæ monitoriæ.*
 CCCXLVIII. *Fucus earundem detectus.*
 CCCXLIX. *Finis operi imponitur.*
 CCCL. *Prosphectis ad Romam , & Ecclesiæ triumphantis mili-
tantisque ardentia vota.*

Ecclesia Romana post Concilium Tridentinum in errore obfirmata, impudentior & truculentior evasit.

CXC.



Ost Tridentinum Concilium Papatus reliquus factus est longè deterior quàm antehac, ante Reformationem imprimis, cùm vera Ecclesia ei adhuc captivæ instar commixta ejus corruptioni, erroribus tyrannidi alacriter obstrepuit. Separatis ab ea non volentibus duntaxat, sed per anathematismos etiam Tridentinos coactis fidelibus, reliqui decretis insanis Consilii dementati, querelas veteres justissimas in Romanæ Ecclesiæ laudes convertere, & perpetuam ei *ἀναμαρτυρίαν* tribuere cœperunt, perfricta fronte negantes, Papam in fide, addunt hodie Lojolitæ, etiam in facto, unquam errasse, vel errare potuisse. quod Paradoxum Tridentinum demum Concilium peperit. In errore igitur suo obfirmati, impudentiores & adversus eos, qui discessionem ab iis fecerunt, & Papæ tyrannidem ac idololatriam reprehenderunt, truculentiores longè evaserunt. Sic scilicet fieri par erat. Ut enim non illas modò mulieres, quæ primum virginitatis naufragium fecerunt: sed & quæ longo usu consuetudinem ac habitum induere, peccati tamen sui pudet, adeò ut (verbis Martialis utar) *abscondant spurcas & monumenta lupas*; at verò deprehensæ bene gnavitèrque fiunt impudentes, & *olenti in fornice stando* palàm profitentur impudicitiam, quin eam tantùm non jactant, iram atque animos à crimine fumant; ita Romana illa mulier à paucis in flagitiis & obscœnitate deprehensa, pudoris adhuc aliquid retinuit. Ex quo verò cum amasius suis nefando complexu constrictam atque irretitam universus propalam orbis conspexit, tum verò nil mirum est frontem ei perisse, & vel de inferis extitisse, qui consumpta ignominia audaciam pro muro habentes, omnem turpitudinis infamiam impudentiæ

illustratur id similitudine meretricis exoleta in obscœnitate deprehensa.

tiæ magnitudine & perseverantia, quin & sævitia adversus accusatores, discuterent. Idque procedens Papatus Romani historia manifestum faciet.

CXC I. Qui igitur Pium I V. excepit Pius V. Infuber, ^{Pius V. de} sive Lombardus, Michael Gislerius ante dictus, officii In- ^{sive de spe-}quisitionis hætenus Commissarius, opilionis, ut scribunt, filius, apud Carolum Stengelium, Abbatem Anhusanum ^{rat.} 2. *Optic. Pralat.* 3. p. 153. referente etiam Cornelio à Lapide *in Ecclesiastic.* 32. l. & *Apo.* 3. l. statim atque Papa creatus est, fassus est, *se Religiosum adhuc bene sperasse de salute sua: Cardinalem factum cepisse timere: Papam creatum pæne de ea desperare;* Concilii Tridentini executionem, ceu præcipuum ^{Concilii Tri-} actionum suarum scopum is sibi propositum habuit. Ex de- ^{executionis}cretis Concilii ejus Catechismum confici curavit, qui ^{intentus,} *Catechismi Romani* nomine venit. Quoscunque Euangelicis vel ^{adversus fide-} minimùm favere suspicatus est, ad dira supplicia inexora- ^{des sedit,} bilis rapuit. Inde scilicet, Thuano *Histor lib. XXXIX.* aliisque testibus, Nicolaum Francum ad furcam, Julium verò Zoanetum, Petrum Carnefecam, & Antonium Palearium, quòd Inquisitionem nominaverint *sicam in literatos districtam*, ad ignem damnavit. Maximiliano II. Im- ^{& apud}peratori, cùm is in Imperii Comitibus Augustanis liberta- ^{Maximilia-}tem Religionis Protestantibus concessurus esset, per Nun- ^{num Religio-}tium suum fatis pro imperio significavit: *se id nullo modo* ^{nis libertatem} *permisurum. Nec ullius Principis Secularis esse, ejusmodi sibi po-* ^{Protestanti-} *testatem & auctoritatem arrogare.* Improbam non minùs quàm ^{bis imper-} superba denuntiatio; quæ apud Imperatorem tamen sa- ^{cientem pro-} pientissimum parùm valuit.

CXC II. Quas verò non Impius ille in Hispania, Bel- ^{Angliam,} gio cum primis Hispanico, Gallia, Anglia, Scotia, reli- ^{Scotiam fru-} gionis sanioris exturbandæ & profligandæ penitus, tur- ^{strâ turbare} bas dedit? Historiæ ejus rei testes locupletes passim pro- ^{constat.} stant. Et in Angliam quidem misit Nicolaum Marianum,

Anglum, ut Elisabethæ Reginae pro stabilienda religione Euangelica conatus infringeret. Quin & ipsam Reginam, ceu hæreticam, Bulla edita diris devovere, potestate in Regnum omni, quantum in se fuit, exuere, subditos à juramento fidelitatis & obedientia omni liberare non dubitavit. Bullam, quam Johannes Feltonus Londini incredibili audacia foribus Episcopi affixit; ad partes Humfredus de Rom. Curiae praxi pag. 81. & dedita opera Bullingerus vocârunt. In Scotia, eodem Papa & Lothareno instigantibus, à Regina Maria & Bothuelio Rex è medio sublatus est. Neque tamen in Anglia & Scotia res ex voto & sententia Papæ fluxerunt, Angliâ magis magisque in vero Dei cultu stabilitâ: Scotiæ quin etiam Solio imposito Rege Jacobo, qui Pontificiam religionem & authoritatem omnem sustulit: In Gallia verò ex voto fluxerunt magis, ubi post decretum Caroli I X. *ut scilicet Nobilibus in arcibus & sedibus suis populòque in Templis suburbanis, sacra liberè peragere integrum sit*; Pius furoris sui satellites nactus Guisios, cœdibus horribilibus cuncta implevit; & Regem ipsum ad asperiora incitatum, contra Ludovicum Condæum, Principem optimum, pecunia copiisque adjuvit, etiam distrahendi facultates Ecclesiasticas eum in finem copia eadem facta.

Galliam per
Guisios effi-
caciùs tentat.

Ejusdem ar-
tibus Belgi
Hispanici
tragœdia ex-
citata, cujus
causæ & pro-
gressus nar-
rantur.

CXCIII. Impii etiam hujus artibus & consiliis inter Regem Hispaniæ Philippum II. & subditos Belgas tragœdia funestissima suscitata est. Ejus causa fuit foedus sacrum, Pio incentore, Bajonæ Philippum inter Hispaniæ & Carolum I X. Galliæ Reges, *Ligæ sanctæ* titulo initum, de religione Pontificia juxta Tridentini Concilii decreta, per omnes ditiones suas asserenda. Hinc statim in Belgio leges promulgatæ sunt rigida: *ut Edicta Caroli V. contra recepta religionis Pontificiæ hostes stricte observentur; Quasitores fidei admittantur, & si necessitas postulaverit, brachio Seculari juven-*

juventur ; denique *Concilium Tridentinum cuncti religiose observant*. Quo edicto perculsi Belgæ, simul quòd novorum Episcoporum Pontifici addictissimorum jugum sibi imponi, aliaque dira contra fas legum publicarum adversus se jam pridem supplices facti Gubernatrici Margarithæ Parmensi rigorem deprecantur, & in Hispaniam ad Regem Legatos idem tentaturos destinant. Sed adeò nihil subditorum preces & lachrymæ profecerunt, ut ipsi quoque Legati, qui venerant obsequium memoraturi, si nullo novo onere tentarentur ; Regionumque ministrorum tyrannidem deprecaturi, vel delusi turpiter, vel crudeliter & contra jus gentium occisi fuerint, utut evocante & jubente ipso Rege ad eam legationem à suis protrusi essent. Missusque mox cum ingentibus militum copiis in Belgium Ferdinandus Toletanus Albæ Dux, *lutum illud sanguine maceratum* (quo nomine olim Tiberium venisse Suetonius in ejus vita *cap. 57.* author est) accepto etiam à Pio Pontifice galero & gladio Pontificiis precibus sacratio ; *Concilium sanguinis* instituit, Comites clarissimos, Egmontium & Hornanum capite plexit, denique Proceres Belgas ad Duodecim virile illud Concilium vocavit, ut Regii Procuratoris accusationibus satisfacerent. Albanus ille, hominis monstrum, sine fronte jactabat, octodecim (alii duplo majorem numerum notant) millia Belgarum, & sexcentos se carnifici tantum contrucidandos dedisse. Sicut autem fieri amat, ut *qui nimis emungit, sanguinem eliciat*. Prov. XX. 33. ita fortissimi in Belgio libertatis vindices luculento, & in omnia Secula victuro exemplo demonstrârunt, gravissimos esse morsus irritatæ necessitatis : & ut leni ac miti imperio habitos fidelissimos permanere ; sic crudelitatem atque terrorem infirma esse charitatis vincula. Nam justa tantum ira ac desperatione ad fortitudinem erecti, (uti ferè solet plus impetûs, major constantia penes miseros esse)

cæteroquin omnibus modis inferiores, pro patria & libertate præter jus fasque oppressa, tam strenuè feliciterque pugnârunt, ut potentissimus hostis post quingentorum sexaginta quatuor millionum (hanc summam ipsemet moriturus filio apud Meteranum *lib. XI X. pag. 878.* confessus est) impensam, tot ingentium exercituum, &, quod caput est, tot nobilissimarum Provinciarum jacturam, demum in ipsum Holandiæ meditullium, pacem ultro delatum venerit. Et qui à Carolo Comite Barlamontio, in sermone ad Gubernatricem, Gallica voce, *Gheusli*, seu mendici vocati sunt, opulentissimi, & potentissimi Regis vires ita attriverunt, ut piam justamque causam præsentissimo Numine defensam fuisse, cordato nemini amplius obscurum esse possit.

Carolo Hispania Infanti, & Isabella matri favor erga Evangelicos exitum affert.

CXCV. Illud verò crudelitatis numeros omnes implet, quòd eodem Impio suasore, Carolus Infans Hispaniæ, viginti duorum annorum jubenis, Belgis favere, creditus, in vincula à patre raptus, & propinato haustoque incautè veneno extinctus est: quòdque etiam Regina ipsa Isabella, Philippi conjux, quòd pacis studiosior & amantior, quam in rem Papæ fuerit, visa; etiam secretiora consilia sanguinaria adversus Evangelicos Bajonæ Philippum inter & Galliæ Regem conclusa communicasset, eidem fato succubuit. Ob quæ facinora, quasi gloriosa, Pontifex ille Philippo Regi auream rosam & gladium dono misit. Certè, Jesuita licet, Famianus Strada *de Bello Belg. Dec. I. lib. VII. p. m. 377. & 380.* vim utrique illatam esse, non dissimulat. Et favorem erga Belgas Carolo perniciem attulisse, his *ib. p. 377.* verbis testatur: *Hinc Caroli patrociniū studiumque in eos, quos patri offensos ejectosque sciret: in Belgas præcipuè, quorum Legatos Marchionem Bergensem atque Montinium sollicitè complexus clam evocare ad se, tuerique eorum causam videbatur ardentius, quàm par erat; pollicitus iis, iterum sese in*

Bel-

Belgium ad componendos Provinciarum motus. Imò religionis gratia sublatum esse à Rege filium unicum, idem Rex testatus est, quando, referente eodem Strada, pag. 381. misso ad Archiepiscopum Rostanum, Pontificium Nuntium, Concilii Castellani Præsides, eundem edocuit, *rei illius causam non esse aliam, quam quod Religionis populorumque conservationem sanguini suo præhabere voluerit; coactumque propterea se filium unicum sibi, ea ratione propemodum sacrificare, ne quibus affluebat à Deo beneficiis, nimis quàm ingratis responderet.* Exemplum isthoc est exercitæ Bullæ Pauli I V. de pœnis hæreticorum, eorumque qui iis favere creduntur; etiam si, inquit ille, *Imperiali vel Regali dignitate & excellentia præfulgerent.*

CXC V. Gregorii XIII. Bononiensis, qui antehac Hugonis Bon-Compagni nomine venit, juris humani consultissimi, at Divini ignarissimi, in Papatum succedentis initia ferales Eoæ illæ Parisienses S. Bartholomæi nomine non tam celebres, quàm ad omnem posteritatis memoriam infames, fœdârunt. Nam eo Bartholomæi die A. M. D. LXXI I. (cujus anni die X I I I. May Gregorius Papatum adiit) & paucis aliquot sequentibus Catharina Medicea, Regis matre, germana Jezabele; & Duce Guisio incensoribus, neque infcio ipso Rege, tantum Christiani Evangelici sanguinis, ab iis, qui Christianissimi perhiberi volunt, effusum est, ut passim ejus rivuli vicorum alveos inundarent. Quin imò tandiu in viros fortissimos, in Regni Proceres, in florem utriusque sexus innocentissimum pulcherrimumque, in multitudinem promiscuam, ab Orci emissariis sævitum est, quoad publica & nobilissima flumina repleta cadaveribus, & atrata sanguine conspecta sunt; ita ut accolis etiam longissimè disitis usus aquæ ad potum, aliásque res necessarias, nec non esus piscium humana carne faginatorum, magna cum execratione crudelitatis &

*Gregorii
XIII. Pa-
patus.*

*Ejus initia
laniena Pa-
rensis herri-
bilis sædat.*

inauditæ carnificinæ, aliquantisper exosus & inutilis fuerit. Summa paucis illis diebus cœsorum, quod Rex ipse in Responsione ad Legatum Pontificis, teste in vita Gregorii XIII. Cicarella, fassus est, ad septuaginta millia, vel, ut alii colligebant, ad plus quàm centum millia Christianorum excurrit. Auxitque infamiam facinoris, quòd Rex crudelitatis notam, quam ne Thetys quidem universis undis suis abluerit, perjurii macula cumulavit. Gnarus enim ille, dejerare & pejerare fuetus, neminem celerius opprimi, quàm qui nihil timet; & frequentissimum initium calamitatis esse securitatem; nimis credulos & bonæ fidei Protestantes, qui ab omni fraude & insidiis securi potius quàm tuti, in Regia fide, recenti fide cum Regibus Principibusque vicinis inita, ad servandam pacem adstricta acquiescebant, nuptiarum Regiarum Henrici scilicet Navarri & Margarethæ Valesiæ, Caroli Regis Galliæ Sororis, evocatos illico, perfidiæ suæ crudelissimæ castibus implicuit.

*Frustra à
Gallis non-
nullis excusa-
ta;*

CVCVI. Hanc furoris inauditi lanienam, cùm ad æternam Gallici nominis & Pontificiæ religionis infamiam pertinere judicarent meritò viri dignitate & doctrina præstantes, Scombergius, Morvillerius, Thuanus pater, Monlucius, Bibracius, Cujacius, alii, passim in Polonia, Germania, Gallia, alibique, ut Regni Regisque bono, famæ & honori confulerent, officiosis mendaciis, scelus patratum aut simulatè laudare, aut astutè imminuere, vel exquisitissimis ex falsa narratione detortis ratiunculis ingeniosè diluere necesse habuerunt: quod intra se tamen omnibus diris & imprecationibus flagellabant. Thuanus certè Parlamenti Parisiensis Præses, illos Statii Papinii, ex *Theb. lib. II.* versus, in causa impare licet, huc accommodavit:

à Thuanò,

Excidat illa dies ævo, nec postera credant

Sæcula

Secula : nos certè taceamus & obruta multa

Nocte tegi propria patiamur crimina gentis.

Sed & optimum Imperatorem Maximilianum piaculare *Maximilia-*
 isthoc facinus improbasse non parum, ex literis ejus die *no,*
 xxii. Febr. A. M. D. lxxiv. Viennâ ad Lazarum
 Schwendium exaratis, liquet. Ipsum Turcarum Impe- *Imp. Turca,*
 ratorem, & natura & instituto crudelissimum, in stupo-
 rem acroasi isthac raptum, non desunt qui scribant. Deni- *ipso denique*
 que Rex Carolus I X. qui corruptus exoticis consiliis, ini- *Rege Carolo*
 tiò lanienam illam & probârat & imperârât, & se imperâs- *I X. pœniten-*
 se etiam, prætextu fictitiæ conjurationis Amirallii Cha- *te dimittit.*
 stilonii adversus adolescentem Guisium, aliósque, apud
 exteros professus est (quid enim etiam Legatus ejus in
 Helvetiorum Concilio eam in rem affirmaverit, ex Pris-
 bachii Responsione ad orationem ejusdem A. M. D. lxxiii.
 Rupellæ typis impressa liquet) perfecto demum scelere
 magnitudinem ejus intelligens, fauciata conscientiæ fu-
 riis agitated, tempore noctis, haud secus quàm Nero in-
 terfecta matre (verbis Taciti *Annal. XIV. 10. uti liceat*)
modò per silentium defixus, sæpius pavore exurgens & mentis inops,
lucem operiens tanquam exitium allaturam; somni etiam & con-
 scientiæ damna qualitercunque reparaturus, Symphonia-
 cos pueros adhibens, &, paulò ante mortem, etiam Or-
 landum Lassum Musicum celebrem Norico evocans; de-
 testatus est crudelis consilii auctores, ac pœnitentiæ suæ
 certis testimoniis editis, à cœdibus perpetuo deinceps ab-
 horrens, Christianorum sanguini parcere decrevit, stu-
 duitque, uti de eo fusè Thuanus sub finem *lib. LVII.* com-
 memorat.

CXCVII. Quid verò hic Sanctissimus ille Gregorius à *Gregorio*
 Papa? Is scilicet, eodem Thuano *lib. LIII.* narrante, & *vero Papa.*
 Strada etiam *Dec. I. lib. 7. pag. 441.* confirmante; tragœ-
 dia feliciter peractæ factus à Rege certior, statim cum

Cardinalibus ad B. Marci concessit. DEO O. M. pro tanto beneficio Sedi Romanæ collato gratias solenni ritu egit: Jubilæum toti orbi Christiano lætam adeò ob causam publicavit: in Hadriani mole, publicæ lætitiæ signum festa tormentorum disposure dedit: totam rei bene gestæ historiam artifice penicillo parietibus illevit! Cardinali quoque Lotharingo, tam optatum afferenti Euangelium, mille aureorum euangelia numeravit; denique Roma in Galliam misit Gabium Urfinum Cardinalem, laudaturum Regem ob egregium facinus, aurêsq; ei vellicaturum, ut Concilii Tridentini promulgatione illud obsignaret. Atque ille quidem recens tum flagitium, affectuum vehementia præpeditus, veris pretiis æstimari non potuit.

✠ modernis
etiam Je-
suis,

Strada,

✠ Baptista
Gallo, lan-
data,

Tantoque mirandum magis est, hodièque reperiri Theologiam, & quod plus est, Jesu Societatem professos, qui non verentur immanitatis tantæ faninus & lanienam plus quàm Diocletianam non excusare duntaxat, uti Stradam fecisse constat: sed summis etiam laudibus efferre. uti quidem Andræas Eudæmon Johannes, verè Cretenensis Jesuita, in *Anticat. Consut. cap. 3.* facere non erubuit. Alius quin etiam Jesuita sub fictitio Johannis Baptistæ Galli nomine latitans, *Not. in histor. Thuani cap. 6.* detestabilem illam Vitellii à Suetonio in ejus vita *cap. 10.* memoratam vocem, *graveolentiam scilicet hostilium cadaverum quibusvis odoribus & pigmentis esse sibi fragrantiorē*, exultabundus huc trahere non erubuit. Qua re abundè testantur, semel factam lanienam sibi satis non esse: ac dirissimum quodque scelus se probaturos facilè, dum specie pietatis admissum fuerit.

Gregorius
idem Calen-
darium cor-
rigit,

CXCVIII. Idem etiam Gregorius mutandorum temporum potestatem sibi, novamque adeò jurisdictionem arrogans; Calendarium novum opera Liliorum confecit, atque ea ratione non tantum Imperatori & Principibus Calendarii emendationem indignè præripuit, cum tamen olim,

olim, Suetonio in *Julio cap. 40.* referente, nonnisi *Cæsar conversus ad ordinandum Reip. statum, fastos correxit, jam pridem vitio Pontificum per intercalandi licentiam turbatos: sed etiam callido isthoc consilio Protestantes, Germanos inprimis, quos ejus jussa pridem aspectare desuevisse non ignoraverat, irretire, civilémque eorum cum Pontificiis Societatem & commercia turbare conatus est. quod passim etiam ex voto ejus successisse, historiæ testantur. Neque minus* *seminaria instituit,* subdolum ejus consilium fuit, passim Collegia seu semina-
ria instituentis, in quibus scilicet educarentur formarenturque novi ex Germania, Anglia, Græcia, &c. conductitii non tam haruspices, quorum apud Romanos olim famosa Collegia seu semina-
ria celebrata sunt, quam Cyclopes, Euangelicorum carnem mox laceraturi devoraturique, seu mavis, gigantei Atlantes, Coelum Pontificium humeris suis passim, ne penitus corrueret, sustentaturi pacémque publicam turbaturi. Quo etiam animo Jesuitas *Jesuitas fovit,* propensissimè fovit, pro quibus Romæ Collegium splendidissimum erexit dotavitque. Eodem quinetiam animo *Hiberniam* Hiberniam Elisabethæ subtrahere; Belgas, oppugnantibus eos omnium peccatorum remissione promissa, debellare nequicquam molitus est. Denique ita se gessit; ut fidem impleverit oraculi, quod famosus ille Ægidius Franciscanus his in illum verbis enuntiavit: *Ex cavernis Draco vel ipso eventus.* *ex exhibit, citò abibit, dura cervicis gustabit pessima.* Cujus vaticinii ejusmodi statim declaratio adjungitur: *Quare Draconis nomen Gregorio XIII. convenire dicatur, explicatione non eget. Citò eum prænuntiat discessurum, non quòd in adfecta ætate non discesserit, sed quia inopinanter. In vitus gravia sustinuit, cum multifariam & ubivis gentium Ecclesia ipso Pontifice vexationes habuerit. Citò exiit, quia unanimiter primo die Conclavis eligitur.*

CXCIX. Paria etiam cum Gregorio Successor ejus *Sixti V. causa delicta.*
Sixtus

Sixtus V. fecit. Licet enim is Cardinalis adhuc ob injuriarum patientiam *Asini Anconitani* nomine venerit; Papa tamen factus, deposito mimo, *lachrymas cruentas fundere, & sanguinem pro sudore toto corpore emitte* aliquando, Thuano *lib. XXXII.* teste, visus; (naturâ ipsâ crudelem ejus animum quodammodo prodente; nam & sævitiae ejus exempla plura apud Cicarellam & Thuanum reperire est) summos Reges Principesque vel dissentientes à Romana Sede, vel ejus commodis non strenuè satis velificatos, anathemate diro ferire, & ab obedientia juramento iis obstricta obnoxios absolvere, neutiquam reveritus est. Extat ejus Bulla seu *Declaratio contra Henricum Borbonium assertum Regem Navarra, & Henricum item Borbonium, prætensum Principem Condensem, Hereticos, eorumque Posteris & Successores: ac liberatio Subditorum, ab omni fidelitatis & obsequii debito.* Romæ & Coloniae A. M. D. LXXXV. edita. In ea feralem adversus eos sententiam multa de autoritate sua, cunctas terrenorum Regum potestates supereminente, & in firma petra consistente, præfatus, his verbis stringit: *Itaque in præcelso hoc Solio, & in plenitudine potestatis, quam ipse Rex Regum & Dominus dominantium, licet nobis indignis tribuit, constituti, auctoritate Dei Omnipotentis, ac beatorum Petri & Pauli Apostolorum ejus, & nostro (en suam potestatem à potestate Divina & Apostolica blasphemè distinguentem!) ac de Venerabilium fratrum nostrorum Sanctæ Romanæ Ecclesiæ Cardinalium consilio, pronuntiamus & declaramus, Henricum quondam Regem, & Henricum Condensem supra dictos fuisse, & esse hereticos, in hæreses relapsos, & impænitentes, hereticorum quoque Duces, fautores & defensores manifestos, publicos & notorios, sicque læsæ Majestatis Divina reos, & Orthodoxæ fidei Christianæ hostes; ac proinde eos damnabiliter incurrisse in sententias, censuras & pœnas sacris canonibus & constitutionibus Apostolicis, legibus generalibus & particularibus contentas, ac hæreticis relapsis & impæ-*

Ejusdem contra Henricum Navarrum & Henricum Condensem fulmina bruta.

impænitentibus debitas, & specialiter eos fuisse, & esse ipso jure privatos, Henricum quondam Regem videlicet prætenso Navarra Regno, illiusque parte, quam adhuc obtinuit, nec non Bearni: alterum verò Henricum, Condensi, & utrumque, eorumque posteros omnibus, & quibuscunque aliis Principatibus, Ducatibus, Dominiis, Civitatibus & locis; feudisque & bonis etiam amphyteuticis, & successionibus, nec non dignitatibus, honoribus, muneribus & officiis, etiam Regiis, ac jurisdictionibus & juribus, quæ de facto detinent, & ad quæ jus quomodolibet habuerunt, seu prætendunt, eosdemque propterea se illis reddidisse indignos, ac fuisse & esse inhabiles & incapaces ad illa retinenda, & alia hujusmodi in posterum obtinenda. Ac pariter eos ipse jure privatos & incapaces ac inhabiles ad succedendum in quibuscunque Ducatibus, Principatibus, Dominiis & Regnis, ac specialiter in Regno Francia, ac Regno ipsi annexis dominiis, jurisdictionibus & locis, &c. Pronuntiata pluribus sententia Henricum Regem Francorum Christianissimum per viscera misericordie Jesu Christi hortatur, rogat, ac etiam monet, ut memor præstantissima fidei, & Religionis Regum Majorum suorum, memor etiam juramenti, quod in ejus coronatione de exterminandis hæreticis, sollemniter præstitit, autoritate, potestate, atque animi magnitudine verè Regia, ad executionem tam iusta sententia sua incumbat &c. Ab Henrico tamen utroque Navarro & Condensi, validè id omne spretum est, seu fulgur è pelvi. Quinimò Navarrus Programmæ ad Marforii ac Pasquilli statuas, & aliis celebrioribus Romæ locis affixo de injusta damnatione questus, & ad Concilium liberum provocans, se Papam promendaci, hæretico, sectario & Antichristo habere declarat, donec, quæ sibi impeggerat, probâisset. Addens etiam: Si Decessores mei Reges, hujusmodi nebulones, qualis hic Sixtus, coercere poterant, idem se facturum. Accessit Programmati illi Declaratio, authore, uti putatur, Francisco Perroto, qua Sixtum mentitum esse confirmatur, collectis etiam ex Pe-

*ab iisdem
spretæ me-
rito.*

trarcha, Aligerio, Bocatio, locis, quibus Curia Romanæ mores ac libidines amarulentè carpuntur. Postea in eandem Bullam scripserunt tum Franciscus Hottomannus joculari stilo, libro *Brutum fulmen* titulum faciens; tum Theophilus Banosius: tum grandi libro Petrus Bellojus, ob id molesto carcere diu vexatus.

*Monitorium
ejusdem ad-
versus Hen-
ricum III.
diploma.*

CC. Neque tamen sic fatis Sixtus bullavit. Nam & Henrico III. Galliarum Regi infensus, quò Ducem & Cardinalem Guisios, occupans scilicet facinus, quod ipsos adversus Regem meditari constabat, interfici jussisset, Cardinalem Borbonium & Episcopum Lugdunensem captivos attineret, monitorio diplomate ei diras intentavit. Ni fecerit jussa sua, declarat Sixtus, *eum ab Ecclesiæ communionione exclusum, anathematis fulmine feriendum, in omnes censuras Ecclesiasticas, ac præsertim in eas, quæ in Bulla Cæne Domini leguntur, incurrisse.* Præterea Regem ipsum citat, ut intra L X. dies vel ipse, vel per procuratores, cum idoneo mandato Romam veniat, ac se judicio sistat, rationem redditurus, cur Cardinalem Guisianum interfecerit, & nunc Cardinalem Borbonium, & Archiepiscopum Lugdunensem detineat. Horum autem L X. dierum viginti pro prima, totidem pro secunda, reliqui pro tertia admonitione Canonica sint assignati. His additum, ut numero illorum nec Rex ipse à quoquam, nisi à summo Pontifice, ne quidem in casu conscientia, hora seu periculo mortis excepto; & ne tunc quidem, nisi præstita cautione se paritutum Ecclesiæ in iis, quæ essent illi injuncta, absque hoc esset, non posset absolvi, nec in pleno jubileo, nec in sacra crucis militia. Decretum illud I X. Kal. Junii A. M. D. LXXXIX. publicatum, & ad valvas Basilicæ B. Petri & Johannis Lateranensis affixum, & in Gallia etiam in civitate Meldorum, & Autrici Carnutum solenniter promulgatum fuit. Adversus Edictum isthoc Senatus Venetus, magnus

magnus Etruriæ Dux, & Dux Mantuæ, Henrico Regi animosum consilium suppeditant, rati, cum Sixto agendum asperè, *quia ita agreste sit ejus ingenium, ut nullo cultu & obsequio ad amicitiam inflecti, tantum vi ac convitiis ad officium cogi possit.* Refert hæc similiâque Bucanus *Histor. lib. XCV.* Rex Venetorum consilio, asperè ei respondet. Rex igitur respondit Pontifici, flocci se facere excommunicationem ejus, neque eum se excommunicandi in Francia jus ullum habere, ob causam præsertim politicam, non ecclesiasticam. Porro in Mœnium ac Legistas arma Rex sumit, fœdere cum Navarro inito, eoque legato copiis suis cum summa potestate præfecto. Ac hic demum in eum Papa fulminat, ac subditos obsequii sacramento solvit. quem & Sorbonistæ Regno excidisse, à Parisiensibus rebellibus consulti respondent, eisque in eum arma ferre permittunt. Tandem Lutetiam obsidentem Regem ad Clodovæi fanum, crudeli sicarius cucullo tectus Jacobus Clements venenato cultro ancipite, imum in ventrem intra ilia adacto, interemit. Ita Henricus, ultimus Valesiorum sanguis, qui Monachorum ordines præcipua semper veneratione coluit, postremò à Monacho interfectus est, justo utique Dei judicio, ulciscantis hac etiam ratione Parisiensem Lanienam, cujus Henricus Protestantes irreconciliabili odio ad ultimum usque vitæ spiritum profecutus, eodemque subdolè pace potius quàm bello labefactaturus deinceps, cum parùm procedere vim animadverteret, præcipuus, in gratiam Lotharingorum, auctor suasorque extiterat.

CC I. Quid verò etiam hic Sixtus ille, cruentas aliàs lachrymas fundere, & sanguinem sudare compertus? In Pontifice, Thuani ejusdem *Histor. lib. XCVI.* verba referam, *summè insolens, & pastorali moderatione indignum visum, quod de Clemente & Rege præconium ejus paulò post à fœderatis Lutetiæ publicatum est. Siquidem postquam de Regis morte Romæ ab-*

Parri idium Clementis à Papa infarie laudatum.

latum est, ille in Consistorio III. Eid. Sept. habito præmeditatam orationem habuit, qua factum Clementis operi assumptæ à Domino carnis, & resurrectionis ejusdem mysterio ab Habacuco vate prædicato, propter magnitudinem & rei admirationem, comparat, tum virtutem hominis, animi robur & ferventem erga Deum amorem supra Eleazarum & Juditham multis verbis extollit, ex eoque colligit, hoc nisi certa Divinæ providentiæ ordinatione ac auxilio confici non potuisse; neque verò ipsum crediturum fuisse, nisi fidem ad obsequium Christi flexisset, qui ratione omnem fidem superante Parisiensem civitatem liberasset, & gravissima Regis peccata punivisset, eumque tam infausta morte e medio sustulisset. Se verò id antea animo providisse, ac Fousa, Lenuncurio, Gaudio Cardinalibus, & Pisano Marchioni ipsius oratoris sæpius prædixisse, fore, ut quemadmodum esset familiæ suæ ultimus, ita aliquem insuetum & dedecorosum vitæ exitum habiturus esset. Itaque indignum iis officiis, quæ Imperatoribus ac Regibus exhiberi solent, quippe S. Scripturæ autoritate prohiberi, ne quis pro eo, qui in peccato ad mortem, hoc est, in Spiritum S. commissio, quale Regis peccatum fuit, moritur, preces faciat. En peccatum Henrici, Guisios scilicet perduelles suos punientis, armis cum Navarro junctis pacem Galliæ parantis, at de cætero Ecclesiæ Romanæ addictissimi, Protestantibus infensissimi, à Pontifice peccati ad mortem & in Spiritum Sanctum stigmatæ inustum! In Spiritum S. scilicet peccat, quisquis Papæ impetrata, qualiacunque non promptissimè exequitur, & amicos ejus qualescunque illos lædit. Et dicta hæc etiam scripto comprehensa & publicata sunt. Cui scripto infami oppositus est liber, *Anti-Sixti* titulo, Latine; nec non Gallica Declamatio, *Fulminantis* nomine, acerbior illa quidem, ita prosequitur Thuanus, sed tali oratione prorsus digna; quibus & Regis causa multis rationibus defenditur, & multa impia & absurda in illa Sixti oratione notantur; ad extremum superbo seni petulantia sua exprobratur, qui censuræ iniquissimæ fulmine in

Scripta eidem
Anti-Sixti,
& Fulmi-
nantis titulo
a. postea.

imme-

immerentem vibrato, funestissimam tragædiam in Gallia excitasset; & nunc jacenti summa impietate insultaret, & ipse lepus mortuo leoni barbam velleret.

CCII. Recognoverat idem Sixtus vel ejus potius jussu, alii, ad Typographiam Vaticanam deputati, S. Bibliorum versionem Latinam vulgatam. Ita enim in Tridentino Concilio decretum fuerat, sanciente etiam, *Seff. I V.* ut ita recognita in publicis lectionibus, disputationibus prædicationibus & expositionibus pro authentica habeatur, ita ut nemo illam rejicere *quovis prætextu* audeat. Ita foetum in utero Tridentinis baptizare placuit. Neglexerunt tamen hæcenus Pontifices decreto Tridentino facere fatis. Primo Sixto huic res curæ fuit. Is recognitam Versionem edita, eique præfixa Bulla declaravit, Vulgatam sacræ tam Novi quàm Veteris Testamenti paginæ Latinæ editionem, quæ pro authentica à Concilio Tridentino recepta est, sine ulla dubitatione ac controversia recipiendam, esse hanc ipsam, quam nunc, prout optimè fieri potuit, emendatam, & in Vaticana Typographia impressam, in universa Rep. Christiana, atque in omnibus orbis Christiani Ecclesiis legendam, evulget. Eam priùs quidem universali sanctæ Ecclesiæ ac S. Patrum consensione; deinde verò Generalis Concilii Decreto; nunc demum Apostolica sibi à Domino tradita autoritate comprobata, pro vera, legitima, authentica & indubitata in omnibus publicis privatisque disputationibus, lectionibus, prædicationibus, & explanationibus recipiendam & tenendam esse. Eandem tamen editionem Sixtinam mox à Clemente VIII. interpolavit, expunctis sententiis & vocibus, nec non restitutis passim lectionibus, à Sixtina discrepantibus, contrariis, contradicentibus, uti ad oculum Thomas Jamesius in bello Papali demonstravit. Neque etiam Bailius in Summa Conciliorum dissimulat, Cle-

Sixtina vulgatæ versionis recognita.

à Clemente VIII. rejecta.

mentem Bibliorum Sixti vulgatam editionem in multis emendatam, in pluribus emendatiorem edi curasse, mutatis, additis aut detractis aliquot verbis, aliis transpositis, nonnullis etiam apertam contrarietatem aut contradictionem habentibus. Quod nutantis infallibilitatis Pontificiæ spiritusque vertiginis, quo Pontifices illi se correptos prodiderunt, notorium specimen prætereundum non fuit.

Sixtus Hispanis infensor;

CCIII. Aliquid monstri idem Sixtus alebat adversus Hispanos, ut eos Italia, Regno inprimis Neapolitano, ubi crescens eorum potentia suspicionem nonnullam ipsi

Henrici IV. & Elisabethæ Angliæ gratiam ambit.

moverat, si qua pote, pelleret. Atque ambivisse ipsum eum in finem favorem tum Henrici I V. Regis Galliæ, tum Elisabethæ Angliæ Reginæ, utriusque excommunicati licet, non desunt idonei testes, qui affirmant. Narrat id ipsum fusiùs Eduinus Santis *de statu Relig. in Occidente cap. 29.* Quodque utriusque & Henrici & Elisabethæ virtutem *hypomonachæ* se mirari & suspicere præcipuè testaretur passim, Hispanicæ factionis, ac Jesuitarum inprimis acerrimum odium incurrit. à quibus etiam *Navarristæ* nomen ipsi impositum est. Proin etiam decretas adversus Henricum fulminationes non solum revocare, sed etiam contra hostes ejus torfurum fuisse, nî mors prævenisset, Henricus ipse in Declaratione A. M. D. XCI. publicata, apud Thuanum *Hist. lib. CI.* testatus est. Quinimò Hispanorum odio acceleratam ipsi mortem, his verbis Bartholomæus Morisotus Divionensis I C. *vita Henrici M. cap. 17.* testatur. *Cum Hispani, inquit ille, sensissent ejus (Sixti) consilia desertionem factionis molientis: ne hosti accederet, collum ejus tenui mantili implicitum per Monachum Franciscanum, aut nefarium Monachali veste de nocte compressum fuisse, continuato in mortem somno. Postero die Sixtum domesticos demone strangulatum totâ Româ vulgavisse. Et ut fidem rumori facerent, librum de ejus vita scriptum fuisse, typisque mandatum, ubi scelera omnia, quibus Alexander VI.* asper-

Unde ei mors ab Hispanis accelerata.

asperfus est, *author & invenit & exaggeravit*. Justa scilicet *analogia* fuit, ut qui Clementem Franciscanum Henrici III. parricidam ad tertium usque Cœlum extulerat, à Franciscano altero die VII. Aug. M. D. X C. cœsus idem, ad generum Cereris descenderet. Reliquerat autem in thesauris, Onuphrio teste, decem milliones, quos ad Regnum quodpiam ad Romanæ Sedis obedientiam reducendum erogari jussit, Successoribus juramento ad id adactis. Neque tamen venales adeò Regni totius animas Mercatores illi reperire potuerunt.

CCIV. Galliæ Regno Evangelii luce orbando infusum tum inprimis est, cum Henricus Navarrus, legitimus hæres, Regni illius habenas capeffens veritatis susceptorum patrociniū visus est. Tum enim Gregorius XIV. non tantum Pontificiorum in Gallia partes misso exercitu, cui Nepotem suum Herculem Sfondratum *Ecclesiæ Generalis* titulo præfecit; consumptis, quas Sixtus in ærario reliquerat, propriisque etiam, uti *Carriere Chronol. Pap. pag. 83.* testatur; pecuniis, bello adjuvit: sed etiam cum armis nihil se proficere posse, victore semper Rege, expertus esset, solemnina insaniens ad diras se convertit: monitoriisque Româ missis denuò Henricum maledictis onerat, & adversus ipsum subditos, obsequii religione solutos, instigat; misso etiam in Galliam Marcellino Landriano, cum mandatis acerbitatis plenis, qui cum Ecclesiasticis, qui à Regis partibus stabant, nisi eum protinus relinquerent, horrendi carminis lege ageret, Nobilisque, ut eum quamprimum defererent, & se cum Catholicis Unioni foederatis jungerent, moneret. In Gallia contra Senatus consultum factum est, audito & postulante cognitore Regio, & pro eo perorante Antonio Seguierio, quo Monitoria Romæ facta declarantur *nulla, abusiva, seditiosa, damnanda, impietatum & imposturarum plena, sanctis decretis, juribus,*

Gregorius XIV. Henricum IV. persequitur,

dirisque de-vo vet,

Monitoria ejus in Gallia spreta;

*Sancitūque
ne aurum vel
argentum ex
Gallia Ro-
mam dīnceps
ullum infera-
tur.*

juribus, immunitatibus, libertatibus Ecclesiæ Gallicanæ contraria; decerniturque simul, ut exempla eorum sigillo Marfillii Landriani firmata, & à Sextilio Lampineto subsignata à carnifice publicè lacerentur, & ante Palatii, in quo jus dicitur, portam igni consumantur: interdicitur sub perduellionis pœna, ne quis Episcopus, curio, vicarius, aliūve è sacro ordine ea publicet, aliis item, cujuscunque conditionis sint, ne iis pareant, aut habeant, ac penes se retineant. Prohibitūque sub iisdem pœnis, ne quis deinceps aurum argentūve Romam mittat, aut per mensarios numerari curet ad obtinenda mandata; & si quæ impetrata fuerint, ne iudices eorum rationem habeant. Edictum quin etiam, ut Landrianus se pro oratore Pontificis gerens, mandatorum illorum lator comprehendatur, & in jure sistatur, ex vinculis causam dicturus. Eodemque Senatus consulto Georgius Pontifex ipse, publica pacis, Unionis Ecclesiæ Catholicæ, Apostolicæ, Romanæ, Regis, Regnique hostis, conjurationis Hispanæ particeps, rebellium fautor, immanis, detestandi & inhumani parricidii per proditionem contra Hericum I I I. Christianissimum & verè Catholicum Regem patrati reus, declaratur. Sed & Præfules ipsi Galli, qui in Regis comitatu erant, nominatim etiam Carolus Borbonius & Philippus Lenuncurius Cardinales, Reginaldus Belnensis Archiepiscopus Bituricensis, &c. ad omnes Regni Ordines Pontificios decretum miserunt, in quo inter alia queruntur, Gregorium Papam malè de Regni statu instructum, mandata quadam monitoria, suspensiones, interdictiones, excommunicationes misisse non solum contra Præsules, sed etiam Principes, Nobiles & Franciæ populos, qui rebellium partes sequi noluerunt. Adjunguntque, post maturam consultationem, ex autoritate S. Scripturæ, sanctorum decretorum, Conciliorum generalium, Canoniarum constitutionum, perpensis Sanctorum Patrum exemplis, juribus & libertatibus Ecclesiæ Galli-

Gallicanæ, interdictiones *tam in forma quàm in materia nullas, injustas, & hostium Franciæ suggestione factas* declarant. Fusiùs hæc apud Thuanum *Hist. lib. c1. legere est.*

CCV. Neque curam eam pervertendi universum Galliæ Regnum, sequentes etiam Pontifices deposuerunt; Clemens VIII. in primis, cujus consilia in eo maximè steterunt, ut exauthorato Henrico Rege Pontificiis bona fide addictus aliquis Galliæ imponeretur. Igitur conjuratos Galliæ pecuniis juvit, Regemque ipsum tertium excommunicat, publicata per Galliam Bulla. à qua Parlamentum provocans Majestatis reos, quotquot ei obsequerentur, declarat. Tandem Rex tutius regnandi cupidine victus, simulque Pontificis & Hispanorum molimina elusus, à Nobilitate persuasus abnegata religione vera Pontificiam amplexus, die xv. Jul. A. M. D. xciii. nudis pedibus cum candela S. Dionysii Templum ingressus, ab Archiepiscopo Biturienti absolutionem impetrat. Neque tamen vel sic acquievit Clemens indignatus non parùm, quòd conatus suos in irritum cadere animadvertisset, & se inconsulto absolutionem Rex impetrasset. Nihilominus die xv. Febr. A. M. D. xciv. Henricus Carnuti Rex coronatur, & à Parlamentis talis agnoscitur proclamaturque, etiamsi Pontifex in Ecclesiam eum recipere gravaretur. Quòd tamen à Pontifice nondum absolutus esset, Johannes Castellus, in Schola Jesuitica literis imbutus, vitiis monstrosis supra ætatem, (nam novendecim tantum annos egerat malitiâ Senex recoctus,) obrutus, conscientiæ terroribus in salutis desperationem incidens, audito non semel à Sodalibus Jesu ita dictis, *non impune duntaxat Regem interfici posse, sed plurimum etiam id ad religionis causam conducere*, interficiendi Regis consilium cepit. Sed aberrante, qui in gulam dirigebatur, ictu, culter in maxillam inferiorem incubuit, & dente tantum rupto, neque

Henricus
Pontificum
odius succum-
bens,

religionem
Evangelium
ejuras,

& Carnuti
coronatur.

Ejus jugulum
à Castello, Je-
suis confectis,
frustra appe-
titum.

Jesuita ex
Galliis pro-
scripti,

ultra penetrans, obtorpuit. In nervum raptus ficarius, scelus confessus, in Jesuitarum Scola ejus patrandi licentiam, spe etiam facta poenæ æternæ damnationis, quam ob alia horribilia delicta commeruerit, aliquatenus levandæ; se didicisse affirmavit. Ita simul de reo sumptum supplicium; simul cum juxta illud Thucydidis lib. 3. οἱ ἄγροντες παρὰ νομᾶσι μᾶλλον ἢ ἐπομδῶν, *authores plus peccant quàm actores*; adversus Jesuitas Senatus consultum factum est, ut Scholæ Claromontatæ Sacerdotes ac discipuli, & alii omnes, qui Societati illi nomen dedissent, tanquam *juventutis corruptores, publicæ tranquillitatis perturbatores, Regis Regnique hostes*, intra triduum à die denuntiationis Lutetia, aliisque urbibus, in quibus ludos aperuerunt, faceffant, & quindecim diebus post Regno prorsus excedant; nî paruerint, in eos tanquam Majestatis læsæ reos animadvertatur; bona eorum tam mobilia, quàm foli ad opera pia destinantur, eaque arbitrio curiæ distribuuntur. Ad extremum interdictum cunctis Regni subditis, ne ad scholas societatis illius extra Regnum pueros literarum discendarum causa mittant, poena perduellionis in eos, qui contra fecerint, sancita. Atque Senatus consultum isthoc aureis literis pyramidi ruinis paternæ Castelli domus superstructæ, futuro infamiæ illorum monumento perenni, inscriptum est. Ex Gallia profugi in Polonia & Borussia plebem Evangelicis Proceribus subditam in Dominorum perniciem, promissa impunitate, concitant. Tandem exacto decennio intercedente pro iis Clemente Papa, importunèque etiam instante Laurentio Majo, ejusdem Societatis primipilo, per jocum subinde Regi exprobrante, *segniorem eum esse mulieribus, quæ per novem menses uterum gestant*; (cui facetè Rex respondit, *Reges diutius quàm fœminas parturire*) in Mariæ Medicæ Henrici Conjugis gratiam, restituti in Regnum, multum resistente Parlamento licet

post decennium, in Pontificis & Mariæ Medicæ gratiam, in eas post liminio admisi sunt.

(cujus contra restitutionem illam orationem apud Cel. Hospinianum *Histor. Jes. p. 96. 97. &c.* legere est) postliminio redierunt; pertexturi scilicet, quam nefariè cœperant, parricidii telam. Interim Clemens Papa, poenitentia re-
 tenti diutius Regis doctus, & gravioris mali metu concitus, Regem, cujus procuratores missi genubus Papæ ad-
 voluti, errores ejus vice ejurârunt, obedientiamque promiserunt; cantato Psalmo **L I.** ad cujus singulos versiculos Papa virgula quasi vindicta, qua ut olim servi apud Romanos manumittebantur, sic hodie peccatis nexi absol-
 vuntur; leviter supplices cernuósque procuratores Regios feriit; ex folio surgens, apertoque capite solennibus orationibus recitatis, & denuo in folio, recepta tiara confidens, & judicis ritu sententiam alta voce pronuntians, autoritate omnipotentis Dei B. B. Apostolorum Petri & Pauli, suâque à vinculo excommunicationis, hæreseó-
 que culpa absolvit. Neque sic tamen in tuto collocata est Regia salus; machinantibus ejus interitum continuè hostibus ejus, donec magno cum exercitu stans in procinctu, ut Germanos foederatos juvaret, Die **IV. Maii, A. M. D. C. X.** à Ravaillaco Engolismensi horribili parricida, ictu gemino sub quintam costam illato, in curru sedens interfectus nefariè est. A supremæ autoritatis judicibus, de causa suscepti parricidii interrogatus sicarius, cum in reorum fellula federet, non per ambages & ænigmata, sed liquido & disertè respondit: ideo se, quod fecisset, fecisse, quia Rex Protestantibus Germaniæ Principibus in causa Clivenfi opem ferre paratus, Pontifici maximo rem faceret ingratam; ac proinde dignus esset, qui periret. Deum enim se in terris Romanum Pontificem agnoscere; cujus voluntati qui sese quovis pacto opponeret, eum se habere *ἀντοχαρανγίον* & exitio devotum. Ipsissima feralis illius prodigii verba sunt: *Papa est Deus, & Deus est Papa.* Quod

*Henricus
Pontifici re-
conciliatus,*

*à Ravaillaco,
Jesuitarum
pullo, peri-
mitur.*

illum, cætera rerum omnium maximè ignarum in Jesuitarum Schola, ceu Catilinarum seminario, didicisse, dubitatum à nemine est. Tametsi enim obfirmatus animo ad dirissimæ mortis patientiam, & perfecti sceleris recordatione lætissimus, criminis commissi complices nullos prodidit: suasoribus tamen consciisque Jesuitis patratum esse nefas, manifestis indiciis Anti-Cottonus, seu Author refutationis literarum Cottoni Jesuitæ ad Reginam viduam, demonstravit. Saltem per Jesuitarum hypothesen ad committendum parricidium inductum fuisse, neutiquam ambiget, qui Marianæ de Institutione Regis librum, quo assa voce pronuntiat, *licere Regem suum tyrannum* (tyrannus autem ei est, quisquis clitellarium Papæ mancipium non est) *occidere*: vel Apologiam Francisci de Verona pro Johanne Castello, aliosque volverit.

Fœdus sacrum, Clemente Pontifice Coryphæo, Pontificios inter Principes adversus Protestantem initum.

CCVI. Clemente & Pontifice & coryphæo, contentibus Jesuitis, *Fœdus Sanctum* inter Monarchas & Principes Pontificios ad extirpandos Evangelicos, callidoque consilio coaluisse, Author speculi Consiliorum Hispanicorum prodidit. Nomen fœderi dederant Principes Pontificii omnes, excepto M. Duce Hertruriæ, & Henrico Gallix Rege, de quo Clemens crebrò dictitavit, *artificiosum eum nimis esse, neutrique parti addictum*. Constitutum præterea Romæ fuit, annuente etiam Cæsare, ut in omnibus civitatibus Imperii alerentur Jesuitæ, arma adversus Evangelicos occultè fabricata, juventuti dispertituri, & Hildebrandinam Bonifacianamque doctrinam, fatalem Ecclesiæ, funestam Principibus, etiam senibus instillaturi. Sed & geminus Senatus erectus, quorum alteri *Congregationi de propaganda fide*; alteri *Congregationi sacri fœderis* impositum nomen est. Singulis novem Cardinales, totidemque Consiliarii, frequente cœtu coituri, & consilia opprimendorum Protestantium, bellique auspicandi faci-

Congregatio gemina de propaganda fide, & sacri fœderis erigitur.

cri inituri , præfecti sunt. Decretum simul , ut eodem tempore Geneva & Argentoratum infestis armis impetantur , ad faciendum de consilio & viribus Protestantium periculum. Et anno quidem seculi hujus primo Cæsar Cardinalis Dietrichsteinio Romam missio , foederis illius executionem promisit , simulque in Styria jam initium factum renuntiavit. Extat liber , authore Johanne Regio A.M.D.C. IV. Francofurti ad Mœnum impressus , quo sævissimæ & immanis persecutionis à Carolo & Ferdinando Archiducibus Austriæ , Jesuitis obstetricantibus , in Styria , Carinthia & Carniola , excitatæ , oppressæque in iis locis per vim injustam Ecclesiæ , historia tragice pertexitur. Paucis eandem historiam Thuanus *Histor. lib. cxxiv.* retulit. Viennæ in Austria libri etiam Evangelicorum exusti sunt. In Ducatum quoque Bergenfem eadem vis penetravit.

Executio foederis à Styria , Carinthia , Carniola initium capit.

CCVII. Sed & intestina dissidia eodem tempore Romanam Ecclesiam exercitam habuerunt. Jesuitici enim sodales fiducia seu doctrinæ , seu , qua plurimum ubique pollebant , authoritatis , quæstiones aliquot proposuerunt , quæ magnæ animorum commotioni non solum Romæ , sed quacunque Romanæ religionis patebat ditio , præbuerunt. Inter alia ab iis assertum , *Clementem VIII. tunc Romæ sedentem , credere legitimum B. Petri successorem , non esse ex articulis fidei.* Id verò , nisi Philippicus Orator intervenisset , periculum non mediocre toti societati importaverat. Addebant , *Confessionem , quæ inter Sacramenta Ecclesiæ habetur , per epistolam & præcursores peragi posse.* Sed duæ illæ quæstiones jugulum Pontificis petere , & culinæ nidorem pertentare visæ , statim in herba magno consensu suffocatae sunt. Tertia verò , de gratia Dei cum libero arbitrio in nobis ad salutem cooperante , pertinaciùs doctorum ingenia exercuit. In partes autem venerunt Jesuitæ & Prædicatores , primò Salmanticæ & Vallisoleti , tum Romæ ,

Intestina Romanam Ecclesiam dissidia exercent , ob quæstiones à Jesuitis motas ,

de Papa ,

Confessione ,

Et gratia auxilii ac libero arbitrio.

Cujus posivema inter Jesuitas & Do-

*minicanos diu
agitata hysto-
ria. texiunt.*

demum in Belgio, aliisque Europæ Provinciis. Et Jesuitæ quidem in publicis disputationibus Salmanticæ habitis gratiæ Divinæ prædeterminationem, ceu inimicam prorsus libero hominis arbitrio, hostiliter exagitaverant. Doctrinæ eorum ceu *novæ & prius inaudita*, Dominicus Bannes, primarius tum Salmanticæ professor, generosè se opposuit, ita prædeterminationem gratiæ vindicans, ut simul modum ostenderet, quo illa cum hominis libero arbitrio in gratiam reduci valeat. Jacto hac ratione in medium contentionis pomo, non acquiescere Patres societatis, sed contra audentius ire. Et Ludovicus Molina quidem Lojolæ sodalis libro edito Bannes doctrinam maximo studio oppugnavit. Molinæ paulò post succollavit Antonius de Padiglia, Vallisoleti Theologiæ Professor, publicis conclusionibus Molinæ doctrinam, ceu probabilem defendens. At Bannes ejusque affectu rem primò ad Senatum Regium, mox evocato ex Hispania Romam Francisco Suarezio, Dominicanorum sententiæ fibulam imposituro; ad Clementem VIII. deferunt, cujus jussu primò in Comitio Cardinalium, deinde coram ipsomet hac de re ab utriusque familiæ Theologis disputatum est. Vix tandem post plura hinc inde publicata scripta, ex Concilii Tridentini verbis; in quo tamen quæstio minimè agitata fuerat, interpretatione adjecta, à Pontifice controversia ita composita est, ut eam non motam ab initio optasse ostenderet, & in ea decidenda nihil existimationi eorum, qui eam moverant, detractum vellet. Clemente è vivis sublato, controversia sub Paulo V. recruduit, qui tandem decrevit, ut utriusque sententiæ authores suam sententiam, citra ullam tamen adversæ partis censuram, defenderent, donec aliquid ea de re ab ipso vel ejus successoribus statueretur. Cæterum nec ipse, nec Successorum ejus quisquam ausus est decretoriam sententiam ferre,

re, metu prævalidarum partium, quarum alterutra, Jesuitarum imprimis factio, Pontificiam authoritatem lædere posset. Creverunt sic in immensum dissidia, & animorum efferbuit exulceratio; manifesto schismate, in re gravissimi momenti, in qua gratiæ & gloriæ Divinæ cardo vertitur, quando etiam factiosis nominibus (Jesuitæ enim Præscientistarum, Dominicani Prædeterminantium nomine venerunt) discreti sunt, & hodièque discernuntur. Salmanticensis Academia omnes jurisdictioni suæ subiectos, in Augustini & Thomæ verba, ringentibus Jesuitis licet, conceptis verbis adigere solet. Utramque sententiam nequaquam conciliare conatus est Franciscus de Arriba, in opere conciliatorio Gratiæ & liberi arbitrii. Verum ejus conciliatio, teste Camerario Scotista, *tam improbabilis fuit, ut præter ipsum, patronum nullum, hostes omnes invenerit.*

CCVIII. Ex seminario Anglorum, quod Guilhelmi Alani Angli suafu, à Gregorio XIII. Romæ constitutum supra diximus, Jesuitarum cura sensim in Anglia novi Sacerdotes Angli, in eo seminario ad artes omnes explicandas ficti factique ac cum iis etiam Jesuitæ proreperunt, qui non solum in confirmandis Pontificiorum in Anglia reliquiis sedulitatem maximam adhibuerunt, sed etiam, quod Archiepiscoporum & Episcoporum nomina, dignitates & bona in eo Regno Elisabethæ auspiciis penes Protestantibus esse dolerent, secretam Hierarchiam ordine subsidiario constituerunt, in eoque Principatum tanquam à Pontifice delegati, sibi sumpserunt. Hierarchiam illam Alanus, ob zelum reducendi in Angliam Papatus, in Collegium Cardinalium à Sixto V. cooptatus; eoque mortuo Franciscus Toletus ex eodem sodalizio in Cardinalium Collegium allectus, rexerunt. Occulta tamen dissidia & æmulationes Jesuitas inter & seminarii alumnos, Sacerdotes,

Sacerdotes ex Romano Seminario egressi, & Jesuitæ in Anglia secretam Hierarchiam constituunt.

Occulta inter alumnos seminarii & Jesuitas dissidia.

tes, quorum utrique imperium in Hierarchia illa affectarant, gliscebant, quæ post mortem Toleti in nervum etiam eruperunt, Sacerdotibus Anglicanis à Vestono, Roberto Parsono, Blacwello, apud Pontificem ceu schismaticis accusatis, gravibusque probris oneratis. Acerbissima hæc Sacerdotum Jesuitarum & Anglorum digladiatio cum quadriennio integro durasset, editis acribus adversus invicem, Jesuiticæ cum primis societatis institutum, libellis, ægrè tandem à Clemente VIII. composita est, diplomate ad Georgium Blacwellum Archipresbyterum, qui turbis his inprimis occasionem dederat 111. Non. Oct. A. M. D. C. I. missio, quo inter alia ei injunctum est, ut nulla negotia ad administrationem suam pertinentia cum Provinciali Societatis Jesuiticæ, aut cum viris religiosis ejusdem sodalitiis per literas, aut coram communicet, sed de iis omnibus ad Pontificem & Sedem Romanam, aut Protectorem referat. Agnovisse Clementem infructuosos in eo Regno conatus, nimirumque pertinaciam ad rei Pontificiæ perniciem vergentem Thuanus *Histor. lib. c. xxxv. l.* ubi dissidii illius narratio prolixa extat, testatur.

*Conspiratio-
nes & moli-
mina varia
adversus Eli-
sabetham re-
ginam An-
glia,*

CCIX. Contra Regnum idem Angliæ, cujus ceu *horti deliciarum pro Papis, & putei inexhausti* (uti quondam venustè Angliam Innocentius IV. nominavit) jactura, insanabilem Pontificibus dolorem attulit; Elisabetham cumprimis Heroinam, sacrum illud superis caput, concatenatæ ferè conjurationes, architectis ut plurimum Jesuitis, tentatæ, sed præsentissimo Numine discussæ sunt. Prostant Acta publica Garnetti Jesuitæ, in quibus manifestæ veritati datur, à primo Jesuitarum in Angliam ingressu quadriennium integrum nunquam effluxisse, quin conjurationes, turbas, seditiones, parricidia in perniciem Regni Jesuitæ machinati sint. Ita enim A. M. D. LXXXV. 111. supplicium sumptum est de Guilhelmo Parrio, qui consiliis

& suavoribus Jesuitis Lugdunensibus, aliisque Reginam Elisabetham è medio tollere pluribus vicibus tentans, Mariæ Scotorum Reginae ad Regnum Angliæ viam sternere conatus est. A. M. D. LXXXVIIII. ingens Hispanorum classis centum quinquaginta octo navibus bellicis constans, quamque benedictione sua Sixtus V. dignatus est, & *invicta* insuper classis nomine insignivit; in Angliam transfretatura, sed *πῶς μυχῶν* horribiliter dissipata & perdita, prænuntios præviosque Jesuitas habuit. A. M. D. XCII. Patanius Cullen, instigante Jesuita Holte, peccatorum remissionem & Eucharistiam impertiente, facinorosisque dignitatem & meritum extollente, furiali face armatus ejusdem Reginae vitæ insidias struxit. Eodem Holte aliisque Jesuitis suavoribus A. M. D. XCIV. William & Jarke in Reginae caput conspirarunt. A. M. D. XCVII. Richardus Walpot Jesuita Hispanus Eduardum Squire subornavit, qui Reginae sella Regia veneno inuncta, eandem interimeret. A. M. D. C. I. Henricus Garnettus, Jesuitarum in Anglia Provincialis, Robertus item Tesmondus, Catesby, alique Thomam Winterum in Hispaniam ablegarunt, cum literis ad Grenwellum Jesuitam, mandatisque, ut Regi Hispaniæ author sit exercitum transmittendi in Angliam, conjuncturum se cum reliquiis in Anglia Pontificiis, & Reginam Protestantisque omnes *παραπάλαι* oppugnaturum. Clementer auditus Winterus, & promissis lactatus, plenus bonæ spei ad Cleones suos in Angliam rediit. Juvitque conjurationem Clemens Papa, missis duobus in Angliam Brevibus, quibus jubebantur omnes Pontificii operam dare, quantum in ipsis esset, ut post Elisabethæ obitum *Rex eligeretur, omni sanguinis propinquitate spreta, ad Religionem Catholicam bene affectus*. Duo in eandem sententiam Brevia lutea ab eodem Clemente, sub extrema vitæ Elisabethæ tempora, Garnetto transmissa sunt, quo-

Et Jacobum
VI. præfente
Numine di-
scussa.

rum alterum Archipresbytero & reliquo Clero Anglicano erat inscriptum : alterum Principibus & Nobilibus Angliæ Catholicis , ut communi omnium opera negotium procurarent , si qua forte perduci ad exitum posset. Post obitum Reginæ statim atque Successor ejus Jacobus V I. Scotiæ Rex Regnum intravit , quæsitissimis insidiis appeti cœpit. Nondum coronatum Watsonus & Clercus , Sacerdotes seculares A. M. D. C. I I I. machinatione clandestina tollere de vivis aggressi sunt. Qui capti & tortura interrogati constanter affirmârunt , se , cum sua consilia Jefuitis communicassent , petiissentque dignarentur venire in partes præclari adeo facinoris , hoc responsum tulisse : *Non posse Jefuitas sese illis adjungere , ut qui suam ipsi parilem telam orsi , memorabilem in omne ævum technam pararent , tempore opportuno exitum habituram ; pergerent modò illi in hoc suo instituto , & rem agerent strenuè. ad pulverariam , de qua mox dicturi sumus , conspirationem , digitum intendentes.* Paulò ante exlevis Zelotarum Anglorum petitiones per Christophorum Wrigthum ad Regem Hispaniarum delatæ sunt , obsecrantes , ut copias suas in Angliam ad Milfordum portum submitteret , ubi Angli Pontificii eas præstolaturi , & è Belgio Spinola cohortes suas conjuncturus sit. Quibus tamen precibus Hispaniæ Rex vacivas aures amplius non substrinxit , eò quòd in Angliam Legatum cum novo Rege de pace tractaturum jam misisset.

Clementis ad
fidei tuò a su-
premis Prin-
cipibus vio-
landa doctri-
na perfidie.

C C X. Ante verò quàm conjurationum hanc seriem prosequar ulterius , omittere non possum Clementis adversus Elisabetham molimina , quæ perfidiâ homine quolibet , nedum Pontifice Christi vices professio indignissimâ , cumulavit. Scribit enim non nostratum quispiam , sed Cardinalis Ossatus ad D. de Ville Roy *Epist.* 87. Pontificem hunc urfisse Regem Galliæ Henricum I V. ut in Angliæ occupatione se Hispano jungeret , regerentique inter alia

Cardinali, Regem Anglorum Reginae juramento teneri, respondisse, *iuramentum fuisse prestitum haeretica, sed alio juramento illum Deo & Papa teneri. Addidisse dein, Reges & alios Principes supremos sibi omnia permittere, quae ad emolumentum suum redundarent: & eò usque rem processisse, ut id eis non imputaretur aut vitio verteretur, allegato insuper dicto Francisci Mariae, Ducis Urbini, ab unoquoque quidem nobilem virum, vel etiam magnatem, qui supremus non esset, culpari, & infamem haberi, qui fidem non servaret: sed posse Principes supremos fœdera sancire, & ab iisdem resilire sine famae periculo, mentiri, prodere, & alia similia perpetrare. Cui non hic in mentem veniat illud Poëtæ:*

*Accipe nunc Danaum insidias, & crimine ab uno
Disce omnes.*

CCXI. Anni demum M. D. C. V. mense Novembri patefacta est conjuratio cum immanitate & furore cerbereo conjunctissima, quam è re *pulverariam* vocant. Scelus humanam fidem omnem supergressum, utpote cujusmodi post homines natos nemo unquam vel fando audivit; vel animo agitavit, vel quisquam cacodæmon hætenus molitus est. Cum enim furiae nonnulli, zeli infernalis fervore fiderati, deprehenderent, spem illam de igne cœlitus deducendo decollasse: nec ipsos præteriret, ejusmodi petitionem jam olim, dum Christus in terris agitaret, repulsam tulisse; statuerunt alium ignem, ab archipyrobola Sathana subdole impetrare, &

*Conspiratio-
nis pulvera-
rie adversus
Parlamentum
Anglicanum
historia nar-
ratur.*

Flectere cum nequeant Superos, Archeronta movere.

Planè ex indubitatae fidei actis publicè editis intelligitur, Catisbejum, dramatis hujus primum auctorem, statim ut de Rege Jacobo armis pellendo, & auxiliis Hispanicis spes est amissa (altero autem tertiove mense ab ejus adventu ea spes decollavit) nulla interjecta mora à vi aperta ad dolos & Sinonias artes sese contulisse. Non igitur

hunc vel illum aut singulos carpandos, sed universos simul & eodem tempore conspiratione amplectendos censuit. Sic enim rationes subduxit, Regem solum multis modis tolli posse, sed nihil agi superstiti Principe & Eboraci Duce. Rursus iis sublatis parum profici stante Senatu tam vigili, tam ad omneis casus intento. Et ut Senatus aut præcipui ex eo tolli possent, superare Magnates Regni, tot prudentes viros, tot præpotentes Comites, eidem religioni addictos, quibus obsisti vix posset, & qui auctoritate sua, opibus & clientelis pares essent, si casus ferat, ipsi per se rebus suis instaurandis. Non igitur per spiramenta, sed uno ictu cunctos absorbendos, & simul ac semel tam laudabili conatu, ut ad exitum perducì possit, defungi oportere. Diu recoctum consilium ita se exequi posse Catisbejus speravit, si intra Parlamentariæ domus, in qua coactis Comitibus Rex, unâ cum familia mascula, secretioris consilii Episcopis, Proceribus, nobilitate Anglicana, primariis Magistratibus, & inferiore loco ex Provinciis, civitatibus, oppidis, municipiis, pagis denique delegati, sapientissimi consultissimique viri, conventuri erant; parietes, cuniculo acto, equus Trojanus, non bellicosus Græcis, ut olim, refertus, sed infernali pulvere nitrato tormentario, cadis unâ cum ferramentis & ingentibus faxis, incluso, oppletus introduceretur, eoque succenso ille totius Angliæ flos illibatus ejusdem ruinæ ruderibus involutus, uno impetu, diffaretur, & in aera impulsus membratim frustillatimque (ô crudelitatem!) discerperetur. Consilium ferinæ crudelitatis mox ille Thomæ Percio Comitatus Northumbriæ gentili verbis ad persuadendum efficacibus, aperuit, ejusdemque exequendi rationes pari artificio proposuit. Nec abnuìt Percius, qui statim ædes loco vicinas & ad cuniculum agendum peropportunas conduxit. Indicta anno superiori

Co-

Comitia in Februarium sequentem A. M. D. C. V. rejecta fuerant. Medio tempore Thomas Bates, Catisbeii famulus, homo manu promptus, & cui multum herus tribuebat, ex suspicione in facti conscientiam ascitus, cum initio rei atrocitate permoveri videretur, ad Jesuitam Tesmundum, qui & Grenwellus vocabatur, remissus, & ab eodem persuasus, ac rei merito demonstrato ad executionem mirum in modum confirmatus est. Postea Robertus Keies, & post eum Ambrosius Rookwodus, & Johannes Grauntius consilii participes facti sunt. Decembre A. M. D. C. I. V. opus subterraneum inchoatum est, Christophoro Wrigthio, & paulò post Roberto Wintero, Thomæ fratre, in societatem assumpto. Sæpe intermisso, sæpe repetito opere, tandem cuniculus ad Curiaë murum perductus fuerat; ubi nova se difficultas, ob muri duritiem, & trium ulnarum crassitiem, se offerebat, paucis diebus ad Comitia restantibus. Jam pertinacia operariorum medium murum pene pertuderat, & non deficientibus animis solum tempus defuturum videbatur, cum Comitia in Octobrem mensem dilata sunt. Tum desperatio in gaudium vertit, cum certa rei exequendæ fiducia. Dum verò murum alacriter pertundere pergunt, observatum, strepitum ex altera muri parte audiri eò missus Guido Fauxius, ut causam inquireret, renuntiat, cellam ibi subterraneam esse, inde removeri carbones, defuncto eo, qui cellam in eos usus conduxerat. Igitur conjurati hanc cellam commodiorem rati, opera Percii, ut alteras ædes locant, & in illam omnes opes, omnes spes suas conjiciunt. ob loci opportunitatem inprimis, utpote qui throno Regali ferè subjectus erat. Pulvis nitratus per otium in cellam eam ex ædibus Catisbeii, è regione Curiaë, ubi summo studio antea congestus fuerat, doliis triginta sex magna lapidum & lignorum strue contextis, convectus est. Denique jam parata

erant omnia, & scena ultimum actum expectabat, cum iusto Dei iudicio, quidam ex iis, dum alteri salutem adferri cupit, sibi ac sociis suis exitium accersivit. Decem ad Comitia dies supererant, dum Saturni die sub vesperam literæ incerto auctore, incognito latore, ad Montaquilium regulum tanquam ab amico deferuntur, quibus monitus is est, ut primo Comitiorum die à conventu biduum se abstineret; magnum enim & inopinum malum congregationi imminere, terribilem ictum sensuræ, nec percutientem visuræ. Quid faceret Montaquilius, diu incertus; pensitato Regis periculo, nihil contemnendum, & quicquid erat, secretos Regis consiliarios minimè celandum iudicavit. Factum igitur ab eo indicium Roberto Cœcilio, Sarisburii Comiti, & ab hoc Carolo Howardo, maris præfecto, Worcestriensi & Northamptoniensi Comitibus, atque demum Regi ipsi (cujus in obscurè dictis animadvertendis perspicax ingenium, & in ambiguis extricandis felicem conjecturam sæpius se expertos consilarii aiebant) ex venatione reduci, qui lectis literis ad Montaquilium exaratis, & expensis verbis illis: *Terribilem conventus iste ictum sentiet, neque videbit percutientem*, subodoratus primus est, subitum à pulveris tormentarii ictu exitium his verbis designari. Perlustratis die Lunæ, quæ proximè Comitia antecedeat, sub vesperam à magno Camerario & Montaquilio Curia & vicinis locis, in cella subterranea lignorum, fascium, carbonum strues deprehensa est. Rogatoque Wineardo, Regiarum ædium custode, in quem usum illa essent comportata, à Percio conductas ædes cum cella, & acervum illuc congestum didicere. Præterea astantem in cellæ angulo Fauxium cum efferato desperati ac perdit nebulois vultu conspici, Percii domesticum, & illarum ædium per Percii absentiam custodem esse, ex ipsomet intelligunt. Quibus perceptis indiciis iterum con-

cubia nocte peruestigatione facta, denuo Fauxius vestitus & occreatus ante ædes offensus captusque & amotis in cella lignis ac carbonibus triginta sex diversæ magnitudinis dolia pulvere nitrato repleta; denique vestibus Fauxii excussis fomenta & tres funes canabei, quibus lenta flamma alitur, inventa sunt. Interrogatus Fauxius, in flagitio deprehensus, re desperata, quam negare non poterat, crimen ultrò confessus est, & interrita facie insuper addidit, bene quæstitoribus evenisse, quòd se ante ædes, jam cella egressum, in qua erant parata omnia, offendissent. Nam si intus eum nacti essent, non commissurum, quin se cum illis immisso igne contumulasset. Patefactis insidiis, conjurati huc illuc diversi abeuntes, Holbechi ad Stephani Littetonii ædes in Stafordix finibus conveniunt: quò etiam aliunde complices, detectæ rei ignari, veniunt. Cùmque magnum in loco ibi condito exercitum se aggregaturum factionis Duces confiderent, re ex animi sententia perfecta, novam prorsus Angliæ faciem inducturum, & semel rectè placita sacra aboliturum, non nisi centum in armis comparuerunt, qui à Regiis cum valida manu superveniente, cincti cùm evadere non possent, & pulvere sulphureo, qui ad siccandum prope ignem positus erat, scintilla eò delapsa inflammato, obsessorum facies, latera, brachia, manus tam subito amburente, ut tractandis armis plerique inhabiles redditi, animos cum viribus amiserint: Catisbejus & Percius glande plumbea transfossi, utrique Wrigthii interfecti, Thomas Winterus, Grauntius, Digbejus, Rookwodus, Bates; & alio profugi latitantesque Treshamus, Robertus Winterus & Littetonius capti, & rei feriem, sicuti eam ex actis à viris doctissimis, Aug. Thuano *Histor. lib. c x x x v.* & Isaaco Casaubono, cujus Londini in aula apud Regem agentis Epistola ad Jesuitam Frontonem Ducem exarata (ad quam

quam non Fronto ipse, sed Eudæmon seu mavis Cacodæmon Johannes, novum è Creta prodigium, præter copiosa convitia regerere nihil potuit) inter Epistolas à Celeb. & amicissimo Grævio auctius editas pag. 704---798. extat, repetita paulo accuratiùs & præter instituti rationem prolixius, quia id res tanti momenti postulare visa est, narravimus, confessi, meritis supplicis horribile scelus expiârunt.

Ejus atrocitas exaggerata.

CCXII. Dubitari certè nequit, fuisse conjurationem isthanc omnium, quæ nostri & prisca ævi temporibus memorantur, consilio, audacia & immanitate maximè admirandam. Nam fando ubique acceptum, & fama ad posteros transmissum est, multos Principes fraude cæsos, & Respublicas insidiis petitas fuisse. At nulla ætas, nulla tellus tale conspirationis monstrum unquam aluit, in qua Rex cum Regina, parentes cum omni sobole, Regni totius Ordines, totum denique Regnum, & in eo innocentes innumeri uni exitio uno momento destinabantur. Ut populus Romanus unam cervicem haberet, Caligulæ votum fuisse, narrant historiæ: sed votum duntaxat prætereaque nihil. Hi verò Zelotæ non voverunt illi quidem fortasse, ut universa Britania cervicem unam haberet, uno ictu præcidendam: sed, quod longè majus est, subtilissimam rationem, novi Sisyphi, novi Autolyçi reppererunt, quâ id ipsum ferè in Anglia effectum darent, quod Romæ Caligula voluit, nec potuit. Si enim istarum insidiarum magna moles, sed improspera ad votum successisset, quid futurum erat aliud, nisi magnæ Britannia caput una veluti cervice nixum amputâsse, & reliqui corporis trunco vitam eripuisse? Et Caligulæ quidem votum, ut erat temeritate subitanea conceptum: ita fortasse, si ejus exequendi potestas ipsi esset ex inopinato facta, pœnitentia fuisset emendatum, pro eo ac animum

num revocata magnitudo facinoris metum, prolationes, diversa interdum consilia solet afferre: & omnia inconsulti impetus cœpta, initiis valida, spatio languescere consueverunt. Isti verò non repente, neque temerè, sed destinato consilio parricidium hoc susceperunt: semel susceptum jugi meditatione concoxerunt, & ad consummationem illius cupiditate summa anhelantes, integrum ferme triennium in tanta immanitate obfirmati, duraverunt. Tum autem quæ comparatio Imperatoris Pagani & mente capti, cum optimi Regis subditis: cum hominibus, qui se Christianos, qui Catholicos dici haberique vellent: denique cum salutaris doctrinæ Christi præconibus, quales Jesuitæ haberi volunt?

CCXIII. Nam quòd hæc nihil ad Papatus, nihil ad *Ecclesiam Romanam per Jesuitas* Ecclesiæ Romanæ historiam attinere, regerent forsitan *conspirationis ejus participationem fuisse, probatur.* illi, qui tanti criminis infamiam ab ea abstersam cuperent, hoc uno efficacissimè refelluntur, quòd teterimæ huic conjurationi immixtos fuisse professos Sodalitii Jesu Patres, Pontificiæ dominationis instrumenta & satellites, Pontificumque ipsorum mancipia *υδρόσπορα*, nunquam eo nomine à Paulo V. qui eo tempore rerum potiebatur, vel reprehensos, vel admonitos, nedum damnatos, certo certius est. Quamvis enim hoc hominum genus, potentibus infidum, solita, sed non solida fide, ferreæque adeò fronte, quenquam è suæ Societatis Patribus conspirationi huic intervenisse, negat: si tamen, prout prosperum ac felix scelus virtus vocatur, res bene cessisset, Ignatiana hæc verèque ignea Societas, igneum isthoc ac nefarium scelus, quod ipsa præcipuè machinata est, non sibi modò vendicaret, sed summoperè insuper deprædicaret. Nunc verò vulpeculam istam imitatur, quæ ad sublimem uvam, quam de vite dependentem conspicata erat, subfiliit iterum atque iterum, omnes vires corporis adhibens,

si forte attingere posset : & tandem cùm defatigata inani labore discedere cogeretur, ipsa sese quasi consolata : *At enim acerba nunc etiam*, inquit, *ura sunt*, & *ista cumprimis austera*; nec si in via reperiatur, videretur tollenda esse. Scilicet homines noluisse videri voluit, quod assequi nequiverunt. Enimverò conjurationis pulverariæ negotio Jesuitas minimum quatuor, Henricum Garnetum Provinciale, Hollum, qui & Oldcorni nomine venerat; Oswaldum Tesmondum sive Greenwellium, & Johannem Gerhardum implicitos fuisse, è publicatis actis, inconcussæ fidei monimento, Epistolisque Garneti propria manu exaratis, ex quibus τὰ κρυώτατα tum Episcopus Eliensis in Tortura Torti, tum Casaubonus in Epistola laudata, descripserunt vulgaruntque, planissimè constat. Qui etiam partim debitas meditati & aliquo usque producti parricidii, cujus flagitium Sathanicæ æquivocationis novo artificio non ita occultare potuerunt, quin judicum sagacium industria apertam denique in lucem prodiret, pœnas luerunt, à fociis postea perridiculè vanissimèque Cœlis inserti: partim matura sibi fuga consuluerunt, Romam & aliò ad suos delati, minimè recipiendi, si quid Papæ & Jesuitis reliquis pudoris inesset. Neque etiam intra quatuor illos prodicionis consilia stetisse, verisimile est, cùm pauci celandæ rei quàm agendæ aptiores esse soleant. Constatque præterea prius quàm rebus, post acceptam ab Hispano repulsam, deploratis, in novi Angliæ Regis caput conspirari cœpissent, adeoque devoluti in extrema consilia essent, ita conscientiam eorum à Jesuitis instructam : *Regem deponere, Regna concedere, penes supremum Ecclesiæ judicem esse. Atqui hæreticos omnes ipso jure extra communionem positos diris fidelium proscriptionibus separari, & quotannis à Pontifice in Cæna Domini excommunicari. idque locum habere non solum in hæreticis professis, sed etiam occultis, quippe qui cùm ipso*

jure

*jure excommunicati censeantur, in pœnas à professis ipso facto promeritas incidant. Ex eo sequi, Reges aut alios Principes Christianos, si in hæresin incidant, deponi posse, & subditos eorum dominio protinus liberari. nec jus illud recuperari posse, etiamsi Ecclesia reconcilientur. Nec solum ad Principes hac labe infectos panam extendi, sed etiam ad eorum filios, qui à Regni successione ob vitium paternum pelluntur. Hæresin quippe lepram & morbum hereditarium esse. Atque ut disertius res exprimatur, Regnum amittere, qui religionem Romanam deserit, diris illum deo vereri, abdicari, proscribi, nec unquam ipsum aut illius posteros in Regnum restitui, quoad animam à solo Pontifice posse absolvi. quibus verbis conscientiae instructionem à Theologis impertitam Thuanus *Histor. lib. cxxv.* describit. Ac his rationibus cum se tutos conjurati existimassent, demum conjurationis munimenta quæsiuerunt, atque inprimis secretum, quod confessionis fide & Sacramenti sumptione obsignarunt. conceptumque inter eòs juramentum, quo per S. Trinitatem & Sacramentum mox sumendum fidem obligarunt, se nunquam consilium directè vel indirectè, verbo aut circumstantiis sibi communicandum declaraturos, nec ab illius executione destitutos, nisi à fociis facta potestate. Neque ante Catisbejus doli totius architectus, quàm ita à Theologis ad facinus, utpote non licitum duntaxat & laudabile, verùm meritorium etiam, auctoratus esset, consilium pulverariæ conspirationis vel animo agitavit ipse, vel fociis aperuit, vel Garneto, ad quem in rebus dubiis ceu oraculum se contulit, consiliis suis, uti propter longum rerum tractandarum usum, prudentiæ & solertiæ laude inter Anglos Pontificios erat clarissimus, etiam extra confessionis sigillum, universum negotium moderaturo, institutum suum prodidit.*

CCXIV. Labet hoc loco Jesuitarum seu potius Ignatiorum, quos ab igne jaciendo seu ciendo ita dictos non ineptè
Jesuitarum
hæresis singu-
laris prima
 non

*de jure occi-
dendi Reges
& Principes
Romani Pon-
tifici non obse-
quentes.*

nonnemo censuit; desperatam hæresin novissimam duplicem, qua veterem Hildebrandinam & Bonifacianam adversus sceptrum Regum & Principum doctrinam, ceu novis fulcris, sustentare firmius conati sunt; cujusque etiam Ecclesia Romana, Pontifices inprimis, qui nunquam alterutram aperte improbasse, nedum damnasse vel proscripsisse comperti sunt; reos se fecerunt, paucis perstringere. Prior est, *Regem vel Principem quemvis in hæresin prolapsus, etiam ante exploratam voluntatem & auctoritatem Romani Pontificis, dummodo subditi Comititia habere prohibiti, Jesuitarum vel Theologorum similium consilio ad id usi fuerint; occidere, non fas duntaxat, sed pium etiam, laudabile & meritorium esse.* Hanc hæresin gravissimam Regum & Principum jugulum nefarie appetentem; Divinæ Providentiæ, per quam Reges regnant, inimicam, verbo Divino, quod potestatibus, legitime scilicet electis, vel jus exercendæ potestatis honesto titulo obtinentibus, etiam iniquis obsecundare, & Unctos Domini non attingere jubet, contrariam; Ecclesiæ, cujus interest plurimum Nutritios amari, eorumque auctoritatem sacrosanctam & ἄσφαλτον inviolabilem haberi, fatalem; denique religioni Christianæ apud infideles, si qua alia est, probrosissimam, non in sinu duntaxat Sino-nes illi foveant, sed publicis etiam scriptis, ne latere eos, quos libido incessit Unctos Domini attrectare, ullo modo queat, propalare non erubuerunt. Ex multis pauca de Draconica illa, non atramento sed sanguine, scripta Jesuitarum lege, testimonia proferam. Johannes Mariana, Jesuita Toletanus tractatum de Institutione Principum (occidendorum scilicet) scripsit, cujus imprimendi facultas à Stephano Hojeda, visitatore Societatis data est. Libro ejus primo hanc quæstionem certo consilio tractat: *An liceat Regem legitimum, puta Henricum III. Regem Galliarum Christianissimum, postquam à paucis seditiosis, sed doctis (nam*

his

his arbitrium ille, ut de capite Principis sui statuant, permittit) cæperit tyrannus appellari, occidere? Concludit ad extremum, licere: & infandam illam Sathanæ progeniem, Jacobum Clementem, ob patratum parricidium magnificis verbis in Cælum extollit. Ejus libri cap. 6. hæc inter alia extant: *A populis sive subditis volentibus Rex principatu spoliari potest. Et ab omni memoria in magna laude fuerunt, quicunque tyrannos opprimere aggressi sunt.* Abdicandi verò Principis rationem ejusmodi ille ostendit: *Expedita, inquit, & maximè tuta via est, si publici conventus facultas detur, ut communi consensu statuatur, quid fixum ratumque esse debeat. Et si monitis Princeps non obediat, consilia explicanda, arma expedienda, pecunia in belli sumptus subditis imperanda, Princeps etiam privata authoritate ferro perimendus. Si verò publici Conventus facultas sublata erit, tum etiam, qui votis publicis favens Regem sive Principem perimere tentarit, haudquaquam eum iniquè fecisse existimabo. Ac nisi publica vox adsit, quæ Regem pro tyranno habeat, adhibendi sunt in consilium viri eruditi & graves.* Subjicit: *Præclare, præclare cum rebus humanis ageretur, si multi homines forti pectore invenirentur, pro libertate Patriæ vitæ contemptores & salutis. Et dolet, quod plerosque incolumitatis cupiditas retineat, magnis sæpè conatibus adversa.* Mox cap. 7. temperamentum quoddam suadet: *In Regibus, inquit, ferro aut veneno, nihil interest enim, interficiendis, hoc utendum temperamento, si non ipse, qui perimitur, venenum haurire cogitur, quo concepto pereat: sed exterius ab alio adhibeatur, nihil adjuvante eo, qui perimendus est: nimirum cum veneni tanta vis est, ut eo sella aut veste delibuta, vim interficiendi habeat.* Concluditque parricidiorum ille doctor: *In vitam Regis aut Principis (quem viri eruditi & graves, hoc est, Jesuitæ, non-Regem, non-Principem judicaverint) grassari quacunque arte concessum, tantum ne cogatur sciens aut imprudens sibi ipsi mortem conscire.* Hæc igitur erga Reges & Principes Clementiæ Jesuiticæ ara

est, quòd ἀνάγκη necesseitas iis non imponitur, sed carnificis munus aliis delegatur: benignior scilicet ara illa Meroensium Sacerdotum, qui Diodoro Siculo *Biblioth. hist. lib. 3.* memorante, tanta polluerunt autoritate, ut quancumque ipsis in mentem venit, missò ad Æthiopum Regem nuntio, vita seipsum abdicare juberent. Oraculis enim Deum id edici, nec fas esse ulli mortalium eorum jussa contemnere. quomodo etiam nostri illi Pontifices Manliani suis in Principes imperiis, veteri Ecclesiæ prorsus ignotis, jussum Divinum obtendunt. Libri etiam parricidales, eadè Marianæ decreta complexi, post tentatam à Castello cædem Henrici I V. à Jesuita Johanne Guignardo propria manu scripti, Lutetiæ in Collegio Claromontano reperti sunt, ex quibus nonnulla Thuanus *Histor. lib. cxi.* plura verò Acta Parlamenti Parisiensis in *Memor. Liga Tom. v l. p. 256.* excerpterunt. Doluit nebuloni illi imprimis, quòd Sanbartholomæano tumultu vena basilica sanguis non sit missus. quod si factum esset, inquebat ille, ex febris in phrenesin res minimè recidisset. Nominavit etiam Academia Parisiensis in auribus Illustrissimi Senatus Petrum Barrerium, à Jesuitis ad parricidia auctoratum: Guilhelmmum Parrium à Benedicto Palmio Jesuita persuasum, licere impunè Reges occidere à Pontifice diris devotos: Hannibalem Cadretum Jesuitam, qui factum Cælum mereri Parrio dixerit. Extat præterea liber Jesuitarum, de abdicatione Henrici III. Regis Galliæ, Lugduni apud Johannem Pillehot, Ligæ Gallicanæ Bibliopolam A. M. D. XC I. editus, in quo Henricus III. ceu impius & impurus tyrannus accusatur, additurque præclare actum iri, si is cum sui similibus Regibus & Principibus, ab uno vel pluribus vassallis aut subditis, non expectata speciali excommunicatione Papæ, interficeretur. idque opus & gloriosum & meritorium omnino futurum. *Non desinemus etiam,*

inquiunt, *auxilia & media querere, quibus Rex iste, cum omnibus ei adhaerentibus opprimi & interfici possit.* Eadem Apologia pro Castello & Jesuitis edita, qua Castelli propositum ceu heroicum planè & justum in tertium usque Cœlum extollitur, ipseque Castellus inter Martyres numeratur: Martæ Neapolitani libri quibus ille *κρείας δόξας* supra narratas rigidè tuetur: Ribadeneira, Henrici III. dirissimam eodem probans, & parricidam tartareum sic memorans, ut propiùs multò absit à laudante quàm à detestante: denique Harnetus & complices cerbereo furore *δυσπολάξιμτοι*, eorumque ex eodem Sodalitio hyperaspistæ strenui, Eudæmon Johannes Cretensis, in Garneti Apologia; Bellarminus in suo diri ominis Torto, alii, qui novos Cœlites, Garnetum & Oldcornum non secus ac *διόγανεις* Heroas laudârunt defenderuntque mordicus, pædagogicis suis Syllogismis sceptrâ Regum ac Principum impunè lacessentes; aurigantur. Demum etiam Jesuitarum pro tempore, quo scilicet adhuc salem illorum lingere ei datum fuit; pullus, vix nominandus Alastor Scioppius in Classico belli sacri Fr. Jacobi Martenisi, Vicarii Generalis Inquisitionis Papiæ, jussu vulgato, *cap. 3. p. 22.* quod mussitant plures, apertè professus ipse, rationibus etiam comprobare instituit, hæreticos Principes jure à subditis contrucidari; producto etiam exemplo Zambri, Regis Isrælitici, qui ab Amri obfessus seipsum cum domo Regia succenderat, ad oram libri hæc allinere non dubitavit: *Quid ad hoc exemplum pulveraria illa Anglorum conjuratio?* Quam probationem non minùs *ἀπεροδιόνυσον*, quàm canis in balneo est, tantum abesse à ratione, quantum distat Roma Londino, ab Idolatra Christianus, factum à jure, tyrannus à Rege, denique Scioppius à viro bono; Optimus & doctissimus Berneggerus in Aureola Tuba Pacis *pag. 115. 116. &c.* verè demonstrat. Neque verò obstat, quòd

quòd Claudius Aquaviva, Societatis Generalis, edita sanctione prohibuit, ne quis deinceps publicè vel privatim doceat, *licitum esse cuicunque persona, quocunque prætèxtu tyrannidis Reges aut Principes occidere.* Ad minuendam scilicet invidiam prohibuit *docere, non sentire vel facere; & cuilibet persona*, scilicet à Jesuitis non submissæ, vel à Papa non approbatæ. uti in Jesuita vapulante *cap. 12. Cl. Rivetus* solidè demonstrat.

*Eorundem
hæresis singu-
laris secunda
de equivoca-
tionum & re-
servationum
mentalium
jure.*

CC XV. Posterior Ignatianorum novella, nisi mavis, recocta & ab inferis revocata hæresis est: *Fas esse sive in iudicio, sive in casu confessionis, etiam in iuramento ipso, ejusmodi uti equivocationibus & mentalibus reservationibus, quibus ad veritatem occultandam aliud pectore clausum teneatur, aliud ore verbisque promatur.* Eum scilicet in finem induci hæresin placuit, ut parricidia aliæque etiam scelera sua coram iudice pernegare, saltem involvere, & ne ad liquidum perducantur unquam, efficere possint. Tametsi verò hæresin illam in publicum parùm ingenuè & pœne inviti proferunt, atque adeò inter Societatis suæ arcana abscondere; tamen in scriptis non planè dissimularunt, & factis apertè probaverunt. Scripta & Scriptores è pluribus nomino; Toletum *lib. IV. Instructionis Sacerdotalis cap. 21. Gregorium de Valentia Tomo III. Disput. 5. quest. 13. pag. 1350. &c.* ubi *prudentem defensionem* vocat; Edmundum Campianum *in Epistolis ad Generalem Societatis*; Navarrum *in Enchiridio*; Andream Eudæmon. Johannem *in Anticotoni refutatione, & Apologia Garneti, ad actionem proditoriam Eduardi Coqui, à Claudio Aquaviva, Societatis Præposito, comprobata, qua æquivocationis doctrinam ex Scripturis, Patribus, Scholasticis, Thomistis, defendere & explicare conatur; Personium Anglum, qui Romæ vixit & mortuus est, in disputationibus ejus argumenti à Mortono confutatis; Thomam Sanchez Oper. Moral. lib. III. 6. 15. Authorem Theo-*

logiæ Moralis Jesuitarum *Tract. 1. Exam. 3. cap. 4. & cap. 7.* ubi ex Sanchez & Lessio exempla practica profert; Becanum *Manualis libro V.* alibique. Toletus addit limitationem: *Si judex contra justitiam petat responsum aut juramentum. Est autem contra justitiam, cum de religione aut sociis interrogantur: tum quia hæreticus non est judex competens, tum quia est in præjudicium religionis.* Sed Becanus longius crimen removet, injuriam sibi, sociisque fieri, questus. Docere quippe ipsos, sincerè, candidè & seclusa omni æquivocatione respondendum esse. Unum tantum, de quo disputetur, casum esse: *Anne reus, quando in judicio interrogatur de crimine perpetrato, possit negare, vel æquivocè respondere?* Sic autem ille distinguit, teneri respondere & fateri veritatem, si judex juridicè, seu servato ordine juris interroget; secus autem non. Ratio, inquit, prioris est, quia quisque tenetur obedire superiori legitime præcipienti; quod fit, cum secundum ordinem juris reos interrogat. Ratio posterioris, quia judex non habet jus interrogandi nisi secundum ordinem juris. Juris autem ordo non servatur, cum interrogat de occulto crimine, de quo neque fama est contra reum, neque judicii competentia, neque plena probatio. Et in tali casu non mentitur, si neget à se patratum crimen; si videlicet crimen adhuc sit occultum. Cæterum Becanus hic more suo partim tergiversatur, partim etiam æquivocatione, ubi à Societate sua ejus crimen amoliri tentat, ludit. Distinguunt enim Jesuitæ inter causas seculi sive forenses, & religiosas. In illis si quis juridicè interrogetur, cum æquivocatione distinguendum esse negant. In his autem iis uti fas esse. Ipse verò respondet de causa Seculi & crimine perpetrato; quo nomine non censet sua illa clandestina sacra. Illud etiam juridicè, sive Ordo juris ab aliis ad forensia speciatim applicatur. Sed & in altero illo genere reus perfidiæ perjurique tenetur. Neque enim vel judex hæreticus ipsi est judex: vel judicium ejus *judicium competens.* Juris quoque ordo

suspenditur ipsi ex æstimatione accusati seu rei, sit ne crimen publicum an privatum, judicium competens vel non competens, probatio plena, vel non plena. Sed & facta Jesuitarum, doctrinæ eorum interpres locupletior, ex historiis Anglorum & Belgarum, inprimis ex Negotiatione Jesuitica in Belgio edita, manifestiora sunt, quàm imber cùm pluit. Vel unius Garneti historia in Actis ejus vulgata, & à Doctis. Casaubono in Epistola supra laudata, nec non Thuanò *Histor. lib. cx xxv.* luculentius repetita, ejus rei fidem plenissimam faciet. Hujusmodi verò æquivocationum notitiam & usum prioribus Ecclesiæ Doctõribus atque Magistris non contigisse, adeoque suæ ætatis novissimum *ὀψιμα*, & veluti munus quoddam esse, Societatis ejusdem Theologus percelebris, Gabriel Vasquez *Tom. IV. quæst. 93. art. 5. dub. 13.* apertissimè fatetur, & gloriatur. *Negari, inquit, non potest, hujus (per æquivocationes) respondendi modi non meminisse antiquos Doctores, & ita credidisse, si negaretur factum tam coram judice quàm coram alio, esse mendacium. Et revera ita esset, si mens respondentis non esset cum illa, quam diximus, restrictione ad interrogationem respondere. Id colligitur ex Thoma, qui etiam in Reo; cum injustè interrogatur, alium modum non invenit, quàm non respondere. Colligitur etiam ex Augustino, qui loquens etiam de judice iniquè interrogante, non meminit hujus restrictionis & modi loquendi, ut excusaret responsum, sed tamen nec negavit. Scilicet S. Augustino, Thomæ aliisque vetustioribus Doctõribus mirabile isthoc donum linguarum non contigit; nec tam felicibus esse iis licuit, ut novæ ac serpentinæ istius linguæ usus iis innotesceret; agnoscerentque adeò duplici lingua, more serpentum, loqui fas piumque esse.*

Ecclesia Romana hoc tempore duos
infignes At-

CCXVI. Habuit hac ætatate Romana Ecclesia duos Atlanticos fere Pontificiæ potestatis religionisque hyperaspistas כנכצרי העזים Propugnacula Maolim, seu arcium;

Dag.

Dan. xi. 39. Jesuitam & Cardinalem eruditionis & indu-
 striæ laude cœtera non defraudandum utrumque, Cæsa-
 rem Baronium, Sora, Campania Urbe oriundum; & Ro-
 bertum Bellarminum, patria Politianum, Marcelli II.
 Papæ Sororis, Cynthia Cervinæ, filium; quorum ille se-
 culi hujus septimo, hic vicesimo primo anno defunctus
 est. Scriptis illi in vulgus editis pluribus, giganteisque vo-
 luminibus ad scopum eundem, stabiliendam quæ inde à
 Reformatione nimium labefactata & pluribus in locis pe-
 nitus collapsa est; Romani Pontificis potentiam, supra
 Mortalium omnium, imò ipsius Dei Omnipotentis po-
 tentiam sese efferentem, atque inde manantem religionem
 Pontificiam universam, diversa omnino via grassati sunt.
 Illi Annales Ecclesiæ condere, huic controversias Pontifi-
 cias tractare, curæ cordique fuit. Ac ut de Baronio, qui
 sub auspiciis & ductu Philippi Nerii, Congregationis O-
 ratorii fundatoris, Annalium illum partum suum plus-
 quam elephantinum (nam cum elephanti spacio decem
 annorum partus suos edant; ille ter decem annorum spa-
 cio suum edidit) enixus est, priore loco dicam; res ipsa
 manifeste arguit, quando ad scribendum Annales seu hi-
 storiam Ecclesiæ animum appulit; non cum id negotii si-
 bi credidisse dari, ut faciem veteris Ecclesiæ, qualem in-
 veniebat quâ in Scripturis, quâ in Patrum & historiarum
 antiquissimis monumentis, penicillo suo bona fide expri-
 meret: sed potius ut talem ei *σοφία* quidam *κακωσύβητος*
 faciem fingeret, qualem Ecclesiæ Romanæ susceptum se-
 mel patrocinium postulabat. Cum enim omnes hodiernæ
 de religione controversiæ ad duo capita, doctrinam scili-
 cet de dogmatibus ritibusque, & Pontificis Romani po-
 testate & Monarchia revocentur commodè, in utroque
 eam rationem Baronius tenuit, ut omiſſa quæſtionē de vo-
 luntate Domini, & vera antiquitate, omnia sine exceptio-

*lantes habuit,
 Baronium &
 Bellarminum
 Cardinales.*

*Baronis An-
 nales cujus-
 modi sunt?*

ne defenderet, quæ Romæ probari sciebat. In quo etſi ſubtilem artem ſeu *ἡγεῖται* quandam vaſerimam adhibet, plerunque tamen implicatam animi fui notionem ita pro-
dit, ut quifquis rudis & cœcus non eſt, conſilium ejus ſubodoretur facilè. De Scripturæ uſu populo erepto, lin-
gua ignota, traditionum etiam recentiorum autoritate, Tranſubſtantiatione, Miſſa, concomitantia, Sanctorum,
imaginum invocatione, cultu reliquiarum, purgatorio, indulgentiis, ſimilibusque ſequiorum ſeculorum inven-
tis, Proteſtantes inter & Pontificios controverſis, aſſeren-
dis Gibeonitica fraude ita ubique laborat, ut canæ & ve-
nerandæ antiquitatis colore ea invita licet imbuere anni-
tatur unice. Romani Pontificis verò Monarchiam, & il-
lud infinitum imperium, ita aſſidue omnibus viribus *ἐν-
καίρας ἀναιρας* propugnat, ut meritò Doctiſs. Pithoeus
prioribus inſpectis tomis judicaverit, non titulo *Annalium
Eccleſiaſticarum*, ſed potius *de poteſtate Papæ* inſigniri debuif-
ſe. Hinc ſcilicet eſt, quòd omnia ac ſingula, quæ in Ec-
cleſia acciderunt, Pontificis autoritate geſta eſſe conten-
dit: probatiſſimos quoſque authores, ſicubi Sedi Roma-
næ adverſum quidpiam ſcripſerunt, non ſine ſtomacho
rejecit: Pontificum Romanorum facta quantumvis enor-
mia, fruculenta, tyrannica excuſat, tuetur, laudat;
Hildebrandum, illum generis humani furiam, Regum
& Principum poteſtati, libertati, cervici denique inſidias
quaſtitulimas ſtruentem, & Sathanicæ illius de *ἐξουία ὑπε-
ρ᾽ ἑαυτὴν* Pontificis, doctrinæ elementa brevibus quaſi apho-
riſmis, qui Dictatum nomine veniunt, complexum,
amplis mirisque elogiis exornat, & perfectiſſimi Papæ
ideam abſolvere pronuntiat: Bennonem, aliòſque contra-
dicentes, auritos licet & oculatos teſtes, obelo ſuo con-
fixos exagitat damnatque: Concilia non indicta autori-
tate Pontificum Pſeudo-Synodos; Imperatores, Reges;
Prin-

Principes, Papæ sputa lingere dedignatos, hæreticos, schismaticos, tyrannos appellat; novissima quæque exempla promeritos, clamat: eosdem res Ecclesiasticas attingentes maledictis incessit; ausus etiam (ad A. DCCC LV.) Reges veteres Francorum eam ob causam cum *latronibus in Sylvis* comparare: fideles eorundem consiliarios, jura Regia adversus Romanam Curiam defensitantes teterrimæ hæreseos Politicorum crimine arcessit: denique non aliud fere omnibus sine discrimine, quàm cœcam obedientiam, & humile servitium Vicario Christi in hisce terris exhibendum suadet, commendat; & exhibere abnuenteis, Campano supercilio suo, (Campanus quippe fuit) ubique detestatur damnatque. Scilicet venalitium erat Romani Pontificis mancipium, purpuræ mercede conductitium; ad Papatum aspirans & remis atque quadrigis contendens ipse. de quo sic meritò Grotius cecinit:

Annales docti nimium servile Baroni

*Qui legis, & Romæ quale probatur opus,
Credere ne propera: multo vigilata labore.*

Pagina; sed nutu sub dominantis erat.

Auctoramentum non est leve, purpura: pridem

Pontifices verum non didicere pati. &c.

Accedit ad hanc *Ἀθήσιον τῆς ἑνυσσεῦς* seu *dispositionem scriptoris*, quam in Scriptoribus imprimis spectandam Dionysius Halicarnassæus monet; modus etiam, quo singula hæc Baronius, *δελθὼν τῇ ὑποθέσει*, prosecutus est; præposterus passim & perversus. Quò pertinent visiones, miracula, & putidissimæ fabulæ, quas ex recentioribus scriptoribus, Zonara, Vincentio, Nicephoro, Metaphraste, Antonino, Cypomanno, Surio, similibusque fabularum anilium hamaxariis, eorundemque adeò fide ita collegit, ut ipsum inter & illos, aliosque etiam aurearum Legendarum confarcinatores, veluti Jacobum de Voragine, Pe-

trum de Natalibus &c. non aliud discrimen appareat, quàm quòd illi sine arte, rusticè & pingui Minerva fabulati sunt; ipse verò majorem colorum apparatus, quippe nec ingenio, nec arte rudis, adhibuit: horrenda convitia, quæ passim vibravit in Protestantes, quos etiam ad A. D C C C. unâ cum Sergio Manichæo, hæreseon horrendarum patre, Diabolum Catechistam habere criminatur; & ad A. M. C. X V I I I. unâ cum Basilio Bongomiliorum auctore, Alexii Imp. jussu cremato, vivicomburio destinat: judiciorum temeritas. Veluti cùm sive adversa sive læta, quæ Principibus, populis, privatis contigerunt, vel observantiæ insigni erga Papam, Ecclesiamve Romanam: vel contumeliæ injuriæve, quam illi fecisse visi sunt; accepta refert: parachronismi manifesti, crassique ex ignorantia Linguarum Græcæ & Hebraicæ (quarum ignarissimus tantum non *ἀνίστοις* χεροι & impransus paratus ad opus isthoc accessit) admisi passim errores: corruptum erroneumque & inconstans de authoribus veris falsisque judicium: consignatissimæ notæ contemptus nefarii Regum & Principum, odiique adversus plures concepti inexpiables. quorum omnium exempla irrefragabilia Viri doctissimi, Casaubonus in Prolegumenis Exercitationibus præmissis, & Exercitationibus ipsis, Mornæus in Mysterio Iniquitatis, Otto in Examine Annalium, Blondellus, Pavius, Carolus, aliique deprompserunt. Ne dicam, segniter, Opus tot malæ fidei compunctum notis, probari etiam Pontificiis emunctiorum narium, Gallis inprimis. Certè Cardinalis & ipse Perronius in *Posth. in Baronius*; sic eum perstringit: *Bonus homo* (Baronius) *multis in locis historia sua deceptus fuit, magni in eo parachronismi, in infinitis locis fallitur, minimè est exactus, ne in ipso quidem stylo. Nonnisi laboriosum est opus, &c. In voce Roma sic de eodem censet: Nimis magna temporalis potestas Papam exosum reddit Principibus*

Pontificiorum
de iisdem ju-
diciis minus
favorabile.

Chri-

*Christianis. Neque prudenter fecit Baronius, quando tantopere illam defendere conatus est. Doctissimus Launojus Sorbonicus de eodem ejusmodi in Epistolis fert judicium: Nemo nescit, tum sedis Romane opportunitatum assertorem esse cupidissimum, & ubicunque & quomodocunque erogare, quae illius amplitudini, commodis, honori inserviunt. Alibi: Baronius nullam praetermittit occasionem amplificandae dignitatis Romani Pontificis. Neque etiam propitium de eo judicium Godavii Episcopi in Praefatione historiae Ecclesiasticae extat. Denique edito undecimo tomo Annalium, quo Hispanorum in Siciliam juribus derogare visus est, tantam eorundem offensam invidiamque incurrit, ut non tantum vacante post Clementis VIII. mortem Sede, quam consensurum se Baronius, & cum eo alii sperabant; infestis Hispanorum Avilae inprimis & Ascanii Columnae Cardinalium artibus studiisque à Papatu exclusus fuerit: sed etiam eò res processerit, ut Antverpiae, ubi Annales eodem ferè tempore recudebantur, undecimi tomi editio, Philippi jussu, prohibita, & Romae excusa exemplaria in terris Hispanorum distrahi vetita; duoque insuper librarii, quod contra edictum ea habuissent, ad triremes damnati fuerint. pluribus rem gestam narrante Thuano *Histor. lib. cxxxv.* ubi etiam Baronii iracundum & thraconicum ad literas ProRegis Siciliae responsum ejusmodi narratur: *Melius est, mihi mori, quam ut evacuetur gloria mea. Deus meam laudem ne tacueris, quamiam os peccatoris, & os dolosi apertum est super me, quippe cum hac accusatio, non tam in me & meos Annales directæ sit, quam adversus ipsum Pontificem, & Sanctae Sedis Majestatem, qui eos vidit, & cunctis Cardinalibus examinandos praeiit. Petrus vidit, Petrus approbavit: Huic petrae, atque adeo rupi infixus minimè ve-reor, ne loco moveri aut concuti possim.**

CCXVII. Non minus famosus in Ecclesia Romana *Bellarminus à Pontificis quo in praesentibus habitu?*
est alter, Robertus Bellarminus, Cardinalis & Archiepi-

scopus Capuanus, magnus scilicet Apollo, & gregis Pontificii vitula, qua disputaturi cum Protestantibus arare solent, usitatissima. quem apud Alegambium in Bibliotheca scriptorum Societatis Jesu, Cardinalis de Sourdus *Syndus, malleum hæreticorum, verticem Theologorum hujus Seculi* vocat; & apud eundem alter Cardinalis Visinus quoad castitatem etiam in florenti ævo cum *Josepho*; quoad paupertatem inter divitias cum *Davide*, quoad liberalitatem in egestate cum *Tobia*; quoad solitudinem interiorem inter occupationes aulae, cum *Gregorio*; quoad humilem de se opinionem in conferta multitudine virtutum excellentissimarum cum *Paulo*; quoad liberam vocem erga dominantes cum *Johanne Baptista* liberaliter satis comparat. In quatuor, quos edidit, controversiarum tomis, mole sine nervis, sic procedit, ut primò Ecclesiæ Romanæ doctrinam, probationibus ex Scriptura S. Conciliis, Decretis Pontificum, Patribus & ratione, petitis, asserere conetur; deinde objectiones hæreticorum, quos vocat, solvere aggrediatur. Præfatione tomi primi ad lectorem ait, *se omnes fidei controversias complecti, ut unum doctrinæ corpus integrum & perfectum, suisque numeris absolutum existat.* Quomodo sperat, se *hæreticos homines*, ut eodem tomo perorat, *ad lumen fidei revocare, vel saltem impetum eorum & furorem frangere posse.* Quòd igitur ex Scripturis, principio nobiscum concommuni, disputare instituit: quòd non perinde malignus atque Jesuitæ alii, Valentia inprimis, Vasquez, Becanus, Maldonatus &c. meliore ut plurimum fide adversariorum suorum argumenta allegavit, & amantior, quàm illi, veritatis, sicubi erravit, prudens sciensque errare non videtur: quòd, secus ac novi Methodistæ aperto Marte, non per cuniculos, & tergiversando nobiscum egit: quòd adversus falsa errantium & verorum hæreticorum dogmata rectè & ex veritate nonnulla dixit: quòd infamem illum

Mo-

In controversiarum Tomis ab eo editis laudem nonnulla meretur:

Molinismo-Pelagianismum perosus, de prædestinatione orthodoxè satis differuit: quòd in iis, quæ præter veritatem, constabiliendis Ecclesiæ Romanæ dogmatis, attulit, capita illa doctrinæ, in quibus à vero aberrant, dissident aut instabiles sunt Pontificii, in unum compegit atque concinnavit, multasque multorum sententias summa Pontificum, Academiarumque Pontificiarum approbatione munitas comportavit, & sententia sua conclusit, ut ad liquidum perducì possit, qua in re partes contententes conveniant discrepentque; amplam certè laudem ille meretur: Sicut autem naucleris tria solent esse periculosa; si in scopulum alliserint, si in dorsum arenarium inciderint, si velificentur malè: sic Bellarminus etiam vastissimam illam navigationem suam tribus incommodis illis obnoxiam reddidit. Etenim *scopulus*, seu rupes & petra firmissima est S. Scriptura, ad quam quicumque allidunt, ut cum Poëta loquar, *infringunt dentem solido*. Unus idemque scopulus nobis est pharus ad salutem: iis verò, qui veritatem in mendacio detinent, certissimus ad mortem Caphareus. Ad hunc verò scopulum quàm sæpe, quàm graviter, crassè, oscitanterque Bellarminus alliserit, adeoque Romanam illam naviculam Petri, uti appellare solent, tabulato disjecto, corruptoque, non scapham ulla ex parte integram esse, ostenderit, tum res ipsa loquitur, tum viri doctissimi liquidò demonstrarunt. *Dorsum verò arenarium*, in quod ejus navis incidit, innumera sunt testimonia à disputatore eo adducta; puta Patrum testimonia falsò, mutilè, perverse citata: nostrorum dicta & scripta subinde iniquiore fide, quàm unquam scriptum, dictum, cogitatumve fuerit, proposita: hominum mente desipientium, animo in nos causamque nostram infensissimorum prolata non fecus testimonia, quàm si folia Sibyllina, & Divina quadam vi *divinippen*ta essent; quorum tamen pleraque forte

*plura verò
reprehensione
gravi digna
sunt.*

non tam iudicio certo, quàm aliena fide, Collegarum scilicet & alumnorum, quorum alii hoc, alii aliud testimonium ex varia lectione, quâsi hastas amentatas commilitoni (uti in Collegiis Papatus solent) subministrârunt, posuit. Denique & *velificatio* ipsa minùs prospera fuit. Navigii enim Christi pes, velum & signum non aliud, quàm Sacra Scriptura est. At ille opus suum *scientiam prope infinitam non modo variarum disciplinarum & linguarum, sed etiam totius antiquitatis, omnium historiarum & temporum* requirere præfatus, de fide, de scientia illa revelata & infusa Spiritus S. & Scripturæ sacræ, verbum nullum facit. malo utique augurio sese prodens, quod Scripturas passim in subsidium adhibens licet, sensum tamen earum *γνώσκειν* à Deo Spiritu S. & Scriptura ipsa demonstrare pensi non habiturus sit. Plenis Scripturæ solius velis ad Cœlum, thronum gloriæ usque rectâ provehimur, si Deum audimus. sin alia & alios, circumducamur necessum est per sinuosas ambages, donec ad Scripturas recurramus, aut in ambagibus illis subfidentes miserimè pereamus. Alicubi etiam inconstantia suæ, non ingrata licet nobis documenta dedit. veluti cùm pro erroribus Papatus acerrimè contendens, alibi pia, sana, orthodoxa, & priorbus è diametro repugnantia protulit. Huc pertinent ejus effata, quæ utroque pollice probamus: (lib. 6. de gratia) *voluntatem hominis esse liberam, ut velit quicquam salutare, absque auxilio Dei* (lib. 5. de justif. cap. 17. § 1---3.) *Propter incertitudinem propriae justitiæ, & periculum inanis gloriæ tutissimum esse, nostram fiduciam collocare in merito & fiducia Dei: Non absurdum esse, si quis dicat nobis imputari Christi justitiæ & merita cùm nobis donentur & applicentur, perinde ac si nos ipsi satisfecissemus:* (lib. 3. de Poen. cap. 4.) *A Spiritu S. esse lumen fidei, quo is intus & in domicilio cordis nobis dicit; Ita est, nihil hæsites;* quibus verbis Spiritus S. testimonium internum, quod alibi impiè exagitat, asse-

*Inconstantiam
passim doctrinae
nostrae patet
ostenditur.*

asserit: (lib. 1. de verbo Dei cap. 11.) *Scripturis sacris nihil esse notius, nihil certius, ut stultissimus sit, qui fidem illis habendam negat.* quas etiam esse notissimas, certissimas, verissimas, iisdem, quibus & nos uti solemus, argumentis statim comprobatur, conclusionem cedro dignam ejusmodi inferens: *Quare S. Scriptura regula est credendi certissima & tutissima:* (lib. 4. de Pontif. R. cap. 2. fs. ad Secundum; & lib. 2. cap. 3.) *Papam posse in hæresin incidere, deficere à fide, judicari ab Ecclesia; ejus Sedem aliò transferri posse sine violatione juris Divini:* (lib. 2. de R. Pont. cap. 2.) *Forte non esse de jure Divino, Romanum Pontificem Petro succedere, quia de ea successione ne què quidem in S. Scriptura extet;* mox contendens tamen, in successione illa totam religionem & summam rei Christianæ verti, licet ea non sit de fide, nec in Scripturis testimonium consignatum habeat: (lib. 1. de R. Pont. cap. 12. fs. 5. & 48.) *Claves non soli Petro datas esse; potestatem Petri cum ceteris Apostolis communicatam esse; æqualem fuisse Petrum & Paulum; æquum huius & illius jus in Episcopatu R. fuisse; Pauli majora fuisse quam Petri merita.* Ex quibus similibusque gnomis Bellarminum Confessorem fidei Reformatæ, & sibi ipsi discordem facere in proclivi foret. Inprimis autem erga Reges & Principes potestatesque summas ceu alter Mariana, animum infensissimum prodidit, astruens passim imperium Papæ rectum, directum & absolutum in vitas, negotia & dominia Imperatorum & Regum, quos clientes facit Papæ, obstrictos ad præstandum illi homagium, & ab ejus voluntate nutūque ita suspensos, ut exui imperio possint, quoties illi libet. In libro piaculari, quem titulo *Matthæi Torti* adversus M. Britanniarum Regis Jacobi Apologiam pro juramento fidelitatis, cui titulum ille fecerat, *Triplici nodo triplex cuneus;* edidit, sic Clementem Henrici III. parricidam laudat: *Vltus est Deus Christum suum, dum per alium sacratum virum, alioqui militiæ imperitum & iner-*

Erga Reges & Principes infensum animum prodidit.

mem, Regem eundem non sine manifesto Divina providentia miraculo interfecit. Ausus etiam postea est cum Jacobo Rege palam & aperta fronte congregari, & tum triplicem ejus cuneum, tum præfationem Monitoriam, quæ interim à Rege prodierat, multa argumentorum mole oppugnare. non veritus eum Juliano similem appellare; ipse torquendis Scripturis, quò ambitioni serviret, tam Juliano apud B. Cyrillum similis, quàm Rex Jacobus erat dissimilis. De potestate etiam Pontificis in temporalibus, pro insidiatoribus Principum, adversus Barclajum librum scripsit, quem non solum hujus filius nænia foricina confosliorem reddidit; sed Suprema etiam Lutetiæ Curia, ceu seditiosum scriptum, severo interdicto subjecit. Ut non sine omine Cardinalis hic Bellarmini nomen indeptus videatur, cum ferali illa doctrina nonnisi *Bella, arma, minas* spiraverit. Denique ita Papatum ruentem Bellarminus sustinere conatus est, ita quiescentibus ejus tantisper fatis, sustinuit, ut scriptis tamen suis Sedi Romanæ & Pontifici justissimam etiam invidiam conflaverit, & comperto, Romam esse ἀθεράπυτον incurabilem, quippe in errore obstinatum, adagio Callistrati apud Aristophanem, quòδ πρωκτὸς λατρεῖ πειγνῇ, *podex lotionem vincat*, fidem fecerit.

*Deserta ejus
methodo ad
novas artes
confugerunt
Methodistæ
novi.*

CCXVIII. Neque tamen Bellarmini isthæc Methodus, qua ille causam cum causa, rationes cum rationibus (infelici successu licet) contendit, ita astutioribus in Papatu ipso, qui nasum Rhinocerotis habent, satisfecit, quin nova & compendiaria magis via nobiscum transigendum, intrâque arctiores gyros constringendos nos judicaverint. Exorti hinc sunt in Ecclesia Romana ad nostra usque tempora *Methodistæ* novi, vasfrique non parum, nova scilicet dogmata sua novæ methodi fuco incrustaturi, qui deserta candidiore Bellarmini Methodo, expeditiorem suo judicio, artificiosiore, saltem ad faciendam simplici-

cioribus fraudem opportuniorem se struere posse sperarunt. Alii scilicet, præfultoribus Gonterio, Perronio, Francisco Veronio, (quanquam etiam his Renatum Benedictum Andegavum, Theologum Parisiensem, editis ^{puta Veroni-} *sta*, A. M. D. L X V. in universum organum Biblicum stromatis, prælusisse, Doctiss. Calixtus *de Arte nova* pag. 125. 126. *&c.* comprobat) placuit Protestantes eò adigere, ut omnia dogmata sua, tum affirmativa, uti vocant, tum negativa, puris putis Scripturæ verbis, nullo consequentiarum usu vel auxilio concessò, comprobent; non ignaris licet, sua, quæ adversus nos tuentur, dogmata nec puris putis Scripturæ verbis, nec consequentiarum fidiculis ullis, nedum nexu stringente & necessario probari unquam potuisse, vel etiam posse. Hanc Methodum etiam Fratres Walenburgii, & Missionarii deinceps plures suam fecerunt. Sed aliam tamen etiam breviorē, Bartholdus Nihufius, ^{Barth. Nihufius,} insignis Vertumnus, ab eodem Calixto graphicè depictus, *Arte Nova* conficta; & iidem qui supra Walenburgii in ^{Walenburgii,} *Methodo Augustiniana* seu *Defensiva* chorago artis, uti putatur, Anthonio Fabro J. C. Sebusiano, Fabriani Codicis sui initio; protulerunt, comprehensam *via iuris & lege præscriptionis*. Ecclesiam Romanam sciscunt illi in possessione esse veritatis, utpote cui longa temporis ferie ita præscripserit, ut probandi onus ei non incumbat amplius, sed devolvi meritò possit in humeros Protestantium, qui possesores antiquiores veritatis, in possessione sua turbare laborent; Ecclesiæ Romanæ non relicto alio, quàm excipiendi onere. Exceptionem autem efficacem esse, quòd ita majores crididerint, atque plurium Seculorum flexu fluxuque ita docuerint; quòd si qui negare animum induxerint, iis probandi onus similiter incumbere pertendunt. Sic nempe *novi* illi homines calculum subducunt, facilius esse placita semel defendere, quàm ritè probare: affir-

mantefque rem poffeffam imperare poffe, negantes fervi-
liter inftitui, doceri cupere debere: illos iudicis partibus
fufceptis hos hærefeos, fchifmatis, facrilegii promptius
accufare iis infidias quæftiones neceffe poffe: denique
ad apologiam & demonftrationem doctriinæ fuæ, utpote
defendi, demonftrari nesciæ, adigi hac ratione fe nun-
quam poffe. Idem Walenburgii poft Cornelium Janfe-
nium aliam etiam novam rationem adhibuerunt convin-
cendi, feu potiùs feducendi nostros, controverfia iis de
vocatione, feu *missione Ministrorum* fuorum mota; obtenden-
tes fcilicet, ex miffione, vocatione de ipfa prædicatione
& doctriina iudicium ferendum effe. Sed & Armandus Ri-
chelius Cardinalis novam hic fingularemque viam prævit,
jubens in *Richeliana Methodo* pofthuma, miffio examine do-
ctriinæ, utpote arduo & molefto nimis, de Ecclefia difpu-
tationem omnem fufcipere, eamque inquirere non ex S.
Scripturis, fed potiùs ex notis magis obviis, & ferefen-
fus fimpliciorum ferientibus. cujufmodi inprimis fint haud
interrupta Pontificum fueceffio, Ecclefia splendor, ma-
gnificentia, duratio. Tum præcipiebat ille controverfia-
rum momenta librare, follicitéque aftruere, quòd capita,
de quibus difceptatum hætenus eft, fundamentum fidei
non contingant, adeoque falvo in iis diffenfu Romana &
Evangelica Ecclefia conciliari facili negotio queant. Inde
non Pontificiorum duntaxat, quibus ipfemet Petrus de
Marca, Archiepifcopus Parifienfis, exaratis de Sacramen-
to Euchariftiæ diatribis, patrocinari vifus eft, fed noftra-
tum, etiam, Milleterii inprimis & Grotii, Cardinalis
hujus confiliis callidis obftetricantium, aliorumque fcri-
pta *Magna* exorta funt. Neque aliò Walenburgiorum,
in omnes partes fe convertentium, & unum ex alio do-
lum confuentium, libri de Unitate & Schifmate Ecclefia,
& nuper etiam Auguftini Gibbonis de Burgo, Hiberni,

de *Luthero-Calvinismo*, *Schismatico quidem*, sed *reconciliabili*, libelli, quibus momentum controversiarum minuere & elevare insigni fraude, à Viris Celeberrimis, Crocio & Coccejo in aprico collocata, conati sunt, spectant. Subit famosissimus ille Capucinorum, Valerianus Magnus, Mediolanensis, qui edito de *Catholicorum & A catholicorum Regula credendi* iudicio, ad unam cæteras omnes & plurimas & gravissimas quæstionem revocavit: *Quæ scilicet sit certior credendi regula, quis verus & infallibilis iudex, Spiritus S. ne ex S. Scriptura singulos fideles cum invocantes seorsim instruens; an neglectis Scripturis Romana Ecclesia, à Spiritu S. in Conciliis Oecumenicis infallibiliter edocta, extra periculum erroris posita, totque regeneratis fulgens?* Illud affirmantes *Biblistarum* nomine, quasi probroso, insignis scilicet non Karræus sed Phariseus, traducit. In æstu disputationis eò se abripi passus homo est, ut sua vineta graviter coedens, quod res est, scriberet, *Primum & infallibilitatem Romani Pontificis ex Scripturis probari non posse, sed sola traditione constare.* quod Majestati Pontificiæ violatæ nefas interpretati Jesuitæ λεγομενοι, effecerunt, ut Valerianus in vincula raptus, ex iisdem causam dicere coactus fuerit. Ne verò novos hosce Methodistas recentissimis artibus suis Scripturæ Sacræ forum declinare, quod strenuè tamen faciunt, viderentur, diversam etiam Methodum ex eadem Ignatianorum Societate Jacobus Masenius secutus, scriptum, quod tum Alexandro VII. tum Protestantibus totius Europæ Principibus dedicavit, cuique titulum ejusmodi fecit: *Meditata Concordia Protestantium cum Catholicis in una Fide, & ex S. Scriptura desumpta*; edidit; in quo Confessionem fidei Pontificiæ, ex Tridentinorum sententia *claris & explicatis*, uti ipse loquitur, sed revera à sensu germano in peregrinum & perversissimum detortis, & obtorto collo raptis, Scripturæ verbis contexere conatus est; parùm animo suo repu-

putans, Scripturam non tam in literis, quàm in sensu genuino, ex Scripturarum ipsarum penetralibus deprompto, consistere; neque hic ullius vel hominis, vel cœtus humani, hunc vel illum sensum ad conscientiam cuiuslibet hominis cum certa *διωσὶ πνεύματος*, non manifestantis, auctoritatem in censum numerumque pervenire. Proin virilis animi fidem nemini bono fecit. Demum Henricus

Marcellius,

Marcellius, Sylvæ-Ducensis, Lojolæ itidem Sodalis *Considerationes Pacificas, & Canones Benigna Reconciliationis* protulit, in quibus suppositis iis, quæ neutiquam ἀνεξαγωγή sunt, Veronii, Nihusii & Walenburgiorum artibus junctis ea reconciliationis media etiam Sapientissimis Germaniæ Principibus obtrudere ausus est, quæ acceptantes stultissimos reddere apta nata sunt. Denique non ita pridem Illustris in Gallia Præsul, Jacobus Benignus Bossuet, Condomiensis in Aquitanica secunda Episcopus, in nupera *Expositione Doctrinæ Catholicæ*, Richelianiæ Methodo insistens, tum ex propriis Confessionibus palam facere instituit, nos in fundamento fidei, & singularibus etiam doctrinæ capitibus ad Romanæ Ecclesiæ sensum propiùs accedere; tum labem multiplicem ab Ecclesia sua abstergere conatus, ejusmodi Ecclesiæ Romanæ faciem pinxit, ut in amorem ejus credulos facilè abreptum iri, planè confideret. Scilicet ibi est

Bossuet Condomensis Episcopus.

Pergula pictorum, veri nil, omnia ficta.

Novi illi Methodistæ causa Pontificia proditores merito habentur.

Et pudere eum similésque pristini erroris eò magis liquet, quò plus lenocinii ad eum tegendum adhibent, victósque se ratione eò certius produnt, quò artificiosius pugnam hanc declinantes, *ad infirmitatem carnis versi*, uti graviter S. Cyprianus *lib. ad Demetrium* id in paganis reprehendit, *cum terrenæ carnis imbecillitate contendunt*. Ecquid verò novi illi Methodistæ, Cadmæi fratres; fraudum architecti, qui fidei salvificæ luminibus orbat, angulos ubique quæ-

quærunť, in quibus se alióſque lucifugas ne doctrina & opera eorum ad lucem cœleſtis veritatis penetrans argui poſſint ; abſcondant, noſtris illam conſiliorum & laborum, moliminúmque deſperationem perplexitatémque cernentibus, & plus ſatis intelligentibus, animi eſſe putant? An non identidem animo noſtro obverſari credunt Chriſti Salvatoris noſtri cedro dignam ſententiam, Methodiſtas illos οὐκ ἴδμεν τῶ ἀνὴρ τῶν ἐν τῷ αἵματι τῶν ἐν τῷ αἵματι inquiſitores huius ſeculi tenebrarúmque filios, fortiſſimè ferientem: Hoc illud Dei iudicium eſť, quòd lux venit in mundum, & homines magis tenebras, quàm lucem amârunt. Mala enim fuerunt illorum opera. Omnis enim qui mala facit, lucem odit, & non venit ad lucem, ne arguantur opera ejus. Qui autem veritatem facit, venit ad lucem, ut manifeſta fiant opera ejus, quod in Deo facta ſint. Joh. I I I. 19. 20. 21.

CCXIX. E diverticulo iſthoc, in quod nova illa mo-
 limina Methodiſtarum, Papæ mangonum, à Bellarmini &
 aliorum integriori fide de religione decernentium, veſti-
 giis deviorum, nos induxerunt, in tramitem rectum hiſto-
 riæ ut redeamus, poſt Clementem VII I. & Leonem XI.
 ex Medicea Florentinorum domo oriundum, ſcenicum
 etiam viginti ſex dierum Papam, (qui arcui ſuo trium-
 phali à Florentinis ſuis inſcribi paſſus eſť iſthæc verba: *Di-*
gnus eſť Leo in virtute Agni accipere librum, & ſolvere ſeptem
ſignacula ejus) Cardinalium Collegio per factiones mirè ſciſ-
 ſo, cùm Dominicus Thuſcus Regienſis Cardinalis Hiſpa-
 norum ſtudiis & quadraginta quatuor ſuffragiis è cella ſua
 in S. Sixti Sacellum ad adorationem jam elevatus & à plu-
 ribus adoratus, Barónii verò clamoribus & ſtudiis obtur-
 batus deturbatúſque eſſet, & Baronium denuo plures con-
 fuſo clamore fruſtra depopoſciſſent; Camillus Borgeſius,
 qui Pauli V. nomen aſſumpſit, à Gallica factione, cui Al-
 dobrandini & Montaltani arbitrium detulerant, Papa ele-
 ctus eſť. Non ſine juſto Dei iudicio evenit, ut arcana
 S f utriuf-

Leo XI. vi-
 ginti ſex
 dierum ſceni-
 cus Papa.

Paulus V. mi-
 nis factioni-
 bus Papa ele-
 ctus.
 Arcana Con-
 clavis Leonis

XI. & Pauli
V. à Card.
Perrono pro-
dita.

utriusque Conclavis, tum in quo Leo XI. tum in quo Paulus V. electus est, per Cardinalem inprimis Perronum, qui ejus historiam Die x i. Mart. & xxv i i. April. A. M. d. c. v. & v i i i. ac x i x. Maii A. M. d. c. v i. literis consignavit; (quas ejus ut & Cardinalis Jousé literas sub finem primæ partis *Legationum & negotiationum ejus* videre est) in vulgus etiam emanarint. Inde enim penitus liquere omnibus cœpit, non Sancti Spiritus, sed carnis consilia in electione Pontificum dominari. de quo inferius plura. Paulo jam Pontifice Conspiratio Anglicana pulveraria, & Henrici IV. parricidium, quæ supra fufius, connexa scilicet seriè rerum, exposuimus, acciderunt. Passus verò idem est in librorum Romæ, Bononiæ & Neapoli impreforum inscriptionibus, se salutari *Vice-Deum, Christianæ Reip. Monarcham invictissimum, & Pontificia Omnipotentia Conservatorem acerrimum*; quin etiam sibi applicari dicta Scripturæ, veluti Jerem. xxv i i. 8. *Gens & Regnum, quod non servierit illi, in gladio, & in fame, & in peste visitabo super gentem illam, dicit Dominus: & Dan. vii i. 14. Dedit ei Dominus potestatem & Regnum, & omnes populi ei servient. Potestas ejus potestas æterna, & Regnum ejus quod non corrumpetur: (quortum ille locus Regem Babylonis spectans non malè forte quadravit; at hoc de Christo sonans nonnisi blasphemè detorqueri potuit) denique Esaj. xl ix. 23. Et erunt Reges nutriti tui, & Reginae nutrices tue. Proni in terram incurvabunt se tibi, & pulverem tuum lingent.*

Historia dissi-
dit Paulum
inter & vene-
tos ob interdi-
ctum de bonis
soli & immo-
bilibus Eccle-
siasticis non
acquirendis,
aliisque subor-
ti, fufius
narratis.

CCXX. Statim initio Papatus sui Paulus Venetis li-
tem gravissimam intentavit, eò quòd Respublica, dum
Sedes vacaret, legem scivisset, qua Ecclesiasticis interdi-
cebatur, ne quid soli & immobilium bonorum possent ac-
quirere. Legem eam, utpote Concilio & Canonibus li-
bertatiquè adeò Ecclesiasticæ adversantem abrogari Papa
petiit. Renuerunt Veneti, ostendentes per Oratorem mul-
tis

tis verbis, nihil lege sua contra libertatem Ecclesiasticam decretum esse. nam legem ad subditos solutæ conditionis directam esse, de quorum bonis sibi, neminem in temporalibus præter Deum superiorem agnoscentibus, secundum jura ac leges statuere liceat. Nihil Ecclesiasticis illa lege imperari aut injungi, non illis auferri rei donatæ, aut in favorem eorum quomodocunque alienatæ pretium, sed possessionem rerum soli, ne tractu temporis subditi, qui onera ordinaria & extraordinaria imperii sustinent, bonis illis omnino spolientur, & impares tandem ad ea sustinenda, imperium infirmum & omni ope destitutum deserant. Id ipsum alios Reges Principesque in suis ditionibus semper statuisse; nominatim Cæsares Valentinianum, Valentem & Gratianum edita, & ab Hieronymo laudata Constitutione; Carolum M. in Saxonia, Francorum Reges, Eduardum III. in Anglia, Carolum V. in Belgio, &c. Præcesserat Clemente VIII. Pontifice, jurisdictio ab iisdem exercita in Ecclesiasticos; Brixianum Monachum Augustinianum, qui undecennem virginem stuprâsse & occidisse convictus fuerat: Scipionem Saracenum hominem impudica vita infamem, & Brandolinum Valdemarinum, scelorum plurium compertum: nec non interdictum, ne quis sive religioni sive sacris addictus, sive Scholas, sive Collegium, Sacras ædes, Xenodochia; cœnobia in suæ jurisdictionis territorio, inconsulto & non consentiente Senatu, ædificaret. Quæ dissimulata à Clemente, Paulus cum concoquere non posset, ad tria tandem capita suas adversus Venetos querimonias contraxit, videlicet de lege, quæ novas Templorum & ædium structuras spectabat: de lege altera, qua bonorum immobilium acquisitio vetebatur: denique de jurisdictione in Ecclesiasticos. Pro legibus igitur patriis, juribus, libertate publica pugnabant Veneti. Contra Pontifex jurisdictionem Ecclesiasticam

convelli, & suam auctoritatem infringi clamitabat. Cúmque pro juribus suis Veneti strenuè contenderent, Pontifex ad diras conversus, diploma ad Præsules Venetæ ditionis misit, quo memoratas leges abrogavit, & nisi intra viginti quatuor dies à Republica abrogarentur, & captivi traderentur, jam nunc Principem & Senatum, qui nunc est, & deinceps erit, & totam Venetam ditionem interdicto seu anathemate subiciebat. Veneti Duce novo Leonhardo Donato (qui excommunicationem Papæ *brutum fulmen aëra feriens* vocavit) contra audentius ire, Patriarchæ Aquilejensi diploma in ditione sua promulgare volenti, exilium præsens interminari; contraria ad suos Præsules mandata mittere, & ubique sacrum solenne templis apertis peragi, coetusque Ecclesiasticos celebrari more solito jubere. Ita pauci Episcopi diplomati detulerunt, & sacra more solito peracta sunt. Jesuitæ & novorum Ordinum ferè cuncti devoti Venetias reliquerunt; Donato Duce Jesuitis valedicante his verbis: *Ite, nihil auferte, nunquam redite.* Jamque à verborum & dirarum jactatione res ad bellum inclinare visa est, Venetis triremes instruuntibus, & novas copias conscribentibus. Pontificis interim diploma & censuram ad continendos in officio subditos censuræ subjicere placuit. Ubi Johannis Gersonis Cancellarii Parisiensis de clavium Ecclesiæ usû & abusû sententiâ pro fundamento substratâ, multa ad causam suam tuendam Veneti superstruxerunt. Ante omnia Antonius Quirinus Senator populare scriptum à Supremo Decem virorum Consilio, postquam à sex Theologis, totidémque Jurisconsultis approbatum fuit, subscriptum, plenum cætera vehementis affectus, evulgavit, quo & legum controversarum promulgationem novam defendit, & nihil nisi ex necessitate, & honestè justèque à Senatu ea in re factum contendit. Aliud eodem tempore contra Pauli inter-

terdictum, scriptum evulgatum est, testimoniis Petri Antonii Ribetti, Archidiaconi Vicarii Generalis, F. Pauli Veneti, Reipublicæ Theologi, ex Servitarum Ordine, F. Bernhardi Jordoni, Michæelis Angeli Bonicelli, F. M. Antonii Capelli Franciscanorum, F. Camilli Augustiniani, F. Fulgentii itidem Servitæ firmatum, quod novendecim propositionibus absolvitur, quo & exemplis & rationibus ac testibus recentibus ex jure Canonico petitis convincitur, Ecclesiasticos in ditione Veneta non teneri observare interdictum, & Principem posse ac debere citra peccatum ejus observationem prohibere. Sed in primis punctum omne tulit F. Paulus Servita, in hac causa nominatissimus, & Reip. Theologus. qui judicium suum summa moderatione & prudentia, *Considerationum* nomine seorsim subjecit, quo originem primam & seriem rei repetiit, & quid utrinque aut præcipitanter, aut officiosè actum gestumque sit, explicavit; leges, quæ impugnabantur à Pontifice, tanquam æquissimas, à legitima potestate latus defendit, jurisdictionem Principum in subditos, atque adeò sacrum ordinem ex Dei verbo per Beatissimos Petrum & Paulum sancitam asseruit, Patrûmque testimoniis confirmavit; exemptiones clericorum beneficio Principum concessas probavit; libertatem Ecclesiasticam amplius discussit, ac demum totam disputationem Leonis Pape hac sententia, *manere Petri privilegium, ubicunque ex ipsius fertur aequitate judicium, nec nimiam esse severitatem vel remissionem, ubi nihil erit ligatum vel solutum, nisi quod B. Petrus solverit vel ligaverit*; conclusit. Sed & alio Authore anonymo, credito tamen eodem F. Paulo, prodiit liber, qui octo capitibus eandem causam masculè egit. Duo quinetiam Gersonis opuscula, cum præfatione ejusdem, uti putabatur, Pauli publicæ luci data sunt. Tum igitur Bellarminus, omisiss Considerationibus, quibus F. Paulus no-

men suum præscriperat, in authorem anonymum & opuscula stylum stringere cœpit, graviter ante omnia cum Venetis expostulans, quòd contra Synodi Tridentinæ ab iis receptæ decretum, in ditionibus suis libros de rebus sacris sine authoris nomine typis mandari patiantur. Neque alio potentiore, quàm Concilii Tridentini, telo pugnatum, quippe quò cunctæ constitutiones & decreta Pontificia, quibus suprema illa potestas asseritur, rata & firma habeantur. Bellarminus autem non contentus octo propositiones anonymi refutasse, horrendis etiam ad servanda Pontificum interdicta exemplis cunctos hortatus est; veluti Boleslai Poloniæ Regis, qui à Gregorio VII. devotus suorum contemptum, rebelliones & dissensiones in Regno passus, & ad extremum extra se positus, vecors per silvas ferino more cum canibus errans, cùm repentino casu expirasset, ab ipsis devoratus sit; deinde Ludovici Bavari Cæsaris, qui Johannis XXI. & Benedicti XI. sprete censuris, tandem, lapsante equo, subita morte, non facta poenitentia, nec à peccatis per confessionem expiatus, correptus fuerit. Bellarmino respondit Johannes Marsilius Neapolitanus, ex Ordine Seraphico, & eidem errores innumeros ob oculos posuit, exempla quoque ele-
vavit, ostendens scilicet, Boleslaum non ob Pontificias censuras, sed ob sceleratam vitam miserè periisse; & Ludovicum Cæsarem non morte subita, verùm veneno ab inimicis propinato vitam finivisse; aliis etiam duobus exemplis in contrarium adductis, Johannis XII. & Bonifacii VIII. quorum anathemata sprete nihil noxæ attulerint; ad extremum summum Pontificem nudum à donariis & privilegiis Principum, jure Pontificatus nullam habere laicam potestatem, neque supremam, neque mediam, neque infimam, neque actum, neque habitum, idque ex Navarri etiam sententia à Bernhardo descripta, conclusit.

Scri-

Scripserat idem Bellarminus adversus Opuscula Gersonis, cujus ceu hominis pii licet & docti, per tempora tamen scissuræ in Scholis Galliæ, ubi Pontificia dignitas in arctum cogebatur, educati, & erroneas in æstu illo opiniones imbibentis, auctoritatem elevare inprimis conatus est. Neque tamen sic factus finis scribendi est. Nam mox F. Paulus, author præfationis, Gersonis Opusculis præmissæ, creditus, jam renudato animo, nomen suum professus, tum præfationis illius, tum Gersonis etiam defensionem, prolixa & accurata apologia suscepit, & Concilium cum primis supra Papam eminentiam, ex mente Gersonis, solide demonstravit. Sed & ejusdem F. Pauli considerationes, quas intactas Bellarminus siverat, peculiari libro ad partes vocavit Joh. Antonius Bovius Novariensis Carmelitanus. contra quem longo & æquè accurato scripto F. Fulgentius Brixianus Servita, disputavit. Exceperunt deinceps duorum Cardinalium, Ascanii Columnæ & Cæsaris Baronii vota, quibus Censuras Pontificis non solum illi laudabant, sed etiam Pontificem, ut earum executioni strenuè insisteret, pleno affectu cohortabantur. Et Baronius quidem nulla præmissa salutatione, utpote agens cum devotis, ita diserebat, Petri ministerium duplex fuisse, pascere & occidere, juxta illud: *Pasce oves meas. Macta & manduca.* Hoc ultimum jam Papæ incumbere, excommunicare videlicet & mactare. Neque dissimulabat, se superabundaturum gaudio, si videre id sibi contingerit. Utrique voto illi Joh. Marsilius respondit. Post obstinatum in amplissimo orbis theatro super re maxime seria certamen, plerique promiscua cœde gregatim & catervatim concurrere cœperunt. Citatus interim ad Inquisitionis tribunal Johannes Marsilius cum se defenderet, non solum Ecclesiæ communionem, sed omni etiam bonorum tam mobilium quam immobilium possessione, & sacerdotiorum fru-

fructibus privatus est. Sententiam ut legit, pro nulla & invalida se habere declaravit. Citatus etiam F. Paulus, per literas ad Cardinales Inquisitores datas comparuit, causamque dixit. Demum Fulgentius longo scripto non ad Inquisitores, sed ad Archiepiscopos, Episcopos & Ordines Religiosos directo, protestatus, præcipue fiscales minas de privatione bonorum, quæ nulla possideat, risit. Rebus exacerbatis nimium Pontifex pecuniis tum aliundè, tum ex creatione novorum Cardinalium collectis exercitum instrui jussit, imperatore dicto Ranutio Parmensium Duce, eique etiam Philippus Hispaniæ Rex, literis artificiosè scriptis, suppetias obtulit. A Rege contra Galliæ Henrico I V. missus Venetias Cardinalis Jousa componere flagrans dissidium mira solertia tentavit. Intercessit tamen reconciliationi nonnihil severa Jesuitarum ex universa Venetorum ditione proscription, ob facinora, quæ fuisse Thuanus *Histor. lib. cxxxvii*. commemorat, inter quæ propius Venetos tangebant isthæc; *quod arcana imperii & familiarum per confessiones eos rimari, persuasum haberent: quodque pueros in Scholis, adolescentes in Rep. sensim ab obsequio Superiorum alienarent.* Decretum igitur in Decem virorum confessu, ut si re ad concordiam inclinante aliquid pro tranquillitate publica remittere cogerentur, in Jesuitarum proscriptione constantiam servarent, & illorum restitutionem omnino à pacis negotio separarent. Probationes de aliis criminibus contra eos confectæ, ut haberet Senatus, quo se de negata restitutione Pontifici excusaret, si eos, quos belli jam accensi auctores, & porro novarum dissensionum incentores semper futuros timebat, intra viscera habere cogerentur. Visis actis & probationibus mense Junio A. M. D. C. vii. decretum tandem conditum, quo Jesuitæ exilio perpetuo mulctantur, addito, ne posthac possint restitui, nisi ex universi Collegii sententia, & acta primùm

ac probationes in Decemvirorum confessu coram Ducen-
tis triginta recitentur, exclusis iis, qui Pontificiis parti-
bus favere in occulto putantur. Interdictum simul est omne
cum iis commercium, & poenæ graves statuta in quos-
cunque, qui à quoquam ex illo fodalitio literas accepisse
comperti fuerint. Tametsi verò tum pacis proxeneta Car-
dinalis Jousa extremis viribus annixus fuerit, ut legem
hanc refrigeret Senatus: & Pontifex ipse non refixa hac le-
ge à consiliis pacis se alienissimum ostenderit; perstitit ta-
men Venetis adamante fixa semel lata adversus Jesuitas
sententia: & Pontifici tandem Cardinalis Perronus effi-
cacissimis rationibus persuasit, ut Jesuitarum posthabita
restitutione oblatas cæteras pacis condiciones amplecte-
retur. Ita Jesuitis exulare & plorare iussis, pax Venetos
& Pontificem inter, parario Regis Galliarum nomine Car-
dinale Jousa, coaluit his ferè conditionibus; *ut Venetis li-
bertas integra constaret circa ea, quæ in controversiam Papa voca-
vit: traderentur sine protestatione captivi: XI. Kal. Maii Venetiis
coram Principe & xxv. primariis Senatoribus Jousa, adducto se-
cum Fraxineo, clausis valvis, voce præconis interdictum Papa re-
vocaret, & Senatum universosque subditos & ordines, qui in cen-
suram incurrerant, absolveret.* Ita Pontifex litem gravem adeò
contestatus Venetis, cum pupillæ oculorum suorum, Je-
suitarum ignominia & damno præsentissimo, foro cessit,
causaque cecidit, & documentum insuper posteris suis re-
liquit, bruta jam haberi ab ipsis etiam Pontificiis Potesta-
tibus supremis Pontificum fulmina, neque magis quàm
inanis fundæ sonum eos, in quos vibrantur, territare.
Dissidio jam composito à conjuratis, Rodolpho Pomo,
Michæele Vito Sacerdote, & Alexandro Parrasio, Jesui-
tis, Posssevino inprimis, colludentibus; in caput F. Pau-
li Servitæ, cujus potissimum consiliis cordatis & pruden-
tissimis, Venetorum res, difficilimis hisce temporibus

*Sicaris in ca-
put F. Pauli
Servitæ, ob
Venatorum
causam stren-
nuè assertam,
subornati.*

steterant triumpharantque; sicarii subornati sunt Johannes Paulli Florentinus & Paschalis Bitontius, qui eum ad Monasterium suum pergentem invadentes, tribus gravissimis ictibus in facie & collo ferierunt, acinace uno in vulnere relicto. Neque tamen vulnera lethalia fuerunt; & patrocinium Servitæ Senatus non conjuratis duntaxat & percussoribus, qui effugerant, exilio perpetuo multatis, & præmio quater mille ducatorum ei, qui illos, ubicunque nactus fuerit, occiderit, promisso; sed vitæ etiam ejus securitate in posterum asserta, strenuè suscepit. Paulo prolixius dissidii illius historiam ex Thuano, aliisque etiam repetendam duxi, ut authoritatis & potestatis Pontificiæ decrementum, & apud ipsos etiam Pontificios status præsentissima imminutio magis inde colliquefceret. Nam ex eo quidem tempore Pontifices, serò sapientes licet, diris adversus Reges & Principes abstinerunt, audientésque adeò fuerunt dicto Nicolai Pontani, Venetorum Ducis, Donati prædecessoris, *uti scilicet Pontifices censuris seu anathematibus debere instar gladii vagina inclusi, non temerè distringendi, ne discerent homines ejusmodi telum contemnere.* qui etiam Gregorio XIII. obnuntiare non dubitavit, *verendum esse, ne Veneti, qui Græci olim fuissent, à Papa irritati, è Latio in Græciam migrarent.*

Pauli Espen-
cæi Parisiensis
Theologi ver-
bis Ecclesiæ
Romanae fa-
cies depingi-
tur.

CCXXI. Familiarem maximèque charum Paulo fuisset Claudium Espencæum, Theologum Parisiensem, non desunt, qui commemorent. Et tamen ille jam A. M. D. LXXI. in vivis esse desuit. Sive igitur Paulus juvenis adhuc cum Espencæo amicitiam coluit, sive cum defuncti scriptis minime equidem contemnendis familiaritatem contraxit, eaque in deliciis habuit, non parùm ejus judicio Espencæi scripta exornari commendarique liquet. Juvabit igitur ex doctissimo ejus in Epistolæ ad Titum caput primum commentario nonnulla huc sevocare, ex quibus, quæ facies

Ecclesiæ Romanæ ejus temporibus fuerit, perspicui facilius queat. Ubi de αἰχρονεῖα Ecclesiasticorum (*Oper. pag. m. 478. &c.*) agit, sic ille turpem cleri Romani quæstum traducit: *Ammon αἰχρονεῖα est clarissima, quod tam multa positivo tantum jure præcepta vel prohibita, consueque ligant homines, donec pecunia sibi harum constitutionum gratiam impetrent? Ita ut Regina rerum pecunia divitiis licitum faciat, quod pauperibus illicitum est, quia divitias, hoc est, spinas non habent. Hæc enim ita demum procedunt, si gratis ea quis facere intendat. Quod si dolosi spes refulserit nummi, jam quod prius erat interdictum, liberè fit ac impune. Tam diversa est in his relaxandis divitis atque pauperis conditio. Vix enim quicquam prohibetur, quàm ut ne quis gratis contra veniat, & quod vetatur, numerata statim pecunia dispensatur, quasi nullum sit peccatum majus, quàm nummis carere, &c. Turpius, quod Patrum canonibus impositam manifestis & scandalosis peccatis disciplinam, in pecuniariam redemptionem dispensationis titulo toties iidem commutant, & quasi contra quàm illi, ovium hircinam & pecuniam, quàm pœnitentiam & salutem malint, Ecclesiastici rigoris in inferendis pœnitentiis & satisfactionibus immunitatem pecunia venditant. Quid quod liberos vulgò conceptos & ex damnato coitu, incestisque hymenais, contra Dei, Ecclesiæ, legumque statuta editos, ejusdem pecuniæ vi legitimant, ad omnium statuum & dignitatum capacitatem idoneos reddunt, illegitimos ad parum cum legitimis successionem habiles interim reddunt & admittunt? Et ut, quod quidam ajunt,*

A bove majori discit arare minor.

Minores non tantum Episcopi, sed etiam Archidiaconi, eorumque male officiosi, officiales & Vicarii, plerunque dum dioeceses & parroecias obequitant, non tam facinorosos & criminum reos pœnis & correctionibus à vitiis deterrent, quàm pecunia præsentis & numerata, titulo procurationis, ne dicam, fictitiæ jurisdictionis emungunt, & exugunt tam clericos quàm laicos. Turpissimum, quod & hos cum concubinis, pellicibus & meretriculis cohabitare, liberòs-

que procreare sinunt, accepto ab eis certo censu. habeat, (ajunt) si velit. Allegat deinceps *Taxam Camerae* seu *Cancellariae Apostolicae*, librum palam & publicè *Lutetiae* impressum & venalem; à quo, inquit, plus scelerum discas licet, quàm in omnibus omnium vitiorum *Summistis* & *Summariis*; & plurimis quidem licentia, omnibus autem absolutio empturientibus proposita. Mirum, addit, hoc tempore, hoc schismate non suppressum tot tamque fœdorum, tamque horrendorum scelerum velut indicem adeò infamem, ut non putem in *Germania*, *Helvetia*, & ubicunque à *Romana Sede* defectum est, opus prostare majore scandalo. Et adeò tamen non supprimitur ab *Ecclesia Romana* favitoribus, ut tantorum facinorum licentia ac immunitates in facultatibus *Legatorum* illinc huc venientium, bona ex parte innoventur atque confirmantur, adversus (si Deo placet) quacunque fatalia restituendi, ac etiam quoscunque spurios, *Mamsêres*, *Bastardos*, ex illicito quocunque coitu, &c. cum his, qui se per adulterium polluerint, ut concubere possint, perjuros, *simoniacos*, falsarios item, raptores, usurarios, schismaticos, hereticos, sed ad cor reversos, non absolventi tantum, sed & ad ordines, honores, dignitates & beneficia quacunque, quotcunque, qualiacunque, dispensandi, homicidas quoque, sed casuales, seu involuntarios. nam nec voluntarios exceptit *Taxa*, *presbytericidas*, *parricidas*, *matricidas*, *fratricidas*, *sororicidas*, *uxoricidas*, *infanticidas*, *veneficos*, *incantatrices*, *concubenarios*, *adulteros*, *incestuosos*, cum affinibus aut consanguineis, denique contra naturam, cum brutis &c. Habeat jam *Roma pudorem*, & tam nullius frontis criminum omne genus catalogum constituere desinat. Deinceps acri sermone perstringit *Annatos*, expectativos gratiæ, reservationes in pectore, & infinita id genus, primùm quidem *Ecclesiæ* tam diu inaudita, nec à redivivis *Petro* & *Paulo* intelligenda, &c. Narrato insuper *Adriani VI.* proposito, *Pauli III.* de reformanda *Ecclesia* consilio, quod maculas, inquit, ostendens tantum, non auferens, quemadmodum elusum sit, patefacit; Concilii

ter Tridentum indicti narrata historia, queritur, adeò Papam Patribus curiæ reformandæ potestatem non fecisse, ut etiam quæcunque de reformatione morum & disciplina ecclesiastica inferioribus præscripsit, in his semper salvam S. A. auctoritatem & esse & intelligi *Seff. ult. can. 21.* declararit. ut non minùs gratè quàm piè Pius idem magnam gratiam Patribus Tridentinis publica oratione Romæ in frequentissimo Cardinalium Confessu habuerit, quòd in ecclesiastica emendatione tantam auctoritatis illius rationem habuerint, tantæque in eum moderatione sint usi, ut si is se ipse suâque reformare voluisset, longè in se severior futurus fuisset. Monet autem graviter Pontificem, saltem deinceps reformandæ ecclesiæ serium studium suscipiat. *Certè videt, inquit, propter aliquot ejus præcessorum sua, non quæ Jesu Christi sunt, querentium ἀγορευμάτων & avaritiam (ut ex scriptoribus ei licet Sedi addictissimis, probare possumus) in quem statum adducta sit S. S. A. & tota Christi Ecclesia, quàm multa non multis abhinc annis ab ea facta sit discessio, metuendum, ne major fiat, nî aliquando tandem remedium adhibeat, si tantis, quibus obruitur Ecclesia, malis medendis allata mora fuerit, hoc futura damnosior, quòd longior. Et tam diuturnorum motuum non alia causa, quàm quòd tot annis nihil immutatur, nihil emendatur, & omnis reformandi spes inde abrupta, species ablata, quòd reliquum Ecclesiæ corpus reformatum velint, qui (NB) tam multis annorum centenariis urbem, in qua merum atque mixtum habent imperium, deformatissimam adhuc reliquerunt. Quid enim vel excusare vel excogitare verum aut verisimile possunt, quibus non vel Rex vel Cæsar, non populus, non clerus, non generalis Synodus, non tota denique Ecclesia dicere potest, Cur ita facis? quid, inquam, prætexere possunt, quod eis sibi suisque reformandis moram vel remoram tandiu fecerit? Et (NB) tamen sub sole major malorum omnium licentia, clamor, impunitas, ne dicam infamia & impudentia? Talis sanè ac tanta, ut nemo credat, nisi qui viderit, neget nemo,*

nisi qui non viderit. Subjungit, posse se inde ab Hieronymo querimoniam & quidem perpetuam, texere. Satis tamen habet produxisse testimonia ætatis proximæ, S. Bernhardi scilicet, Baptistæ Montuani, Volaterrani, Adriani VI. Cardinalium Pauli I I I. & eorum ipsorum, qui Concilium Tridentinum inchoarunt. Negátque, Pontificem Pium V. Galliam etiam deformem nimis reformare, nutantem continere posse, *nisi juxta nomen suum sua primùm piet ac repurget, juxta cognomen & generosissimum genus suum, suis primùm, quod est in proverbio, medeatur, & taxas illas doggoæædías nomine multis meritò maledictis multorum taxatas, reliquámque Camera Cancellariæque Apostolica nihil minus quàm Apostolicam, quàm Paulinam aut Petreiam negotiationem nundinationemque, quasi quoddam Angiæ stabulum tandem vel repurget.* Idem præfatione gravissima ad Cardinalem Carolum Lotharingum, Operibus, quæ superstes adhuc edidit, præfixa, non tam orat, quàm tonat in Pontifices, Cardinales, Episcopos, misso prædicandi ex Dei verbo munere proprio, alia omnia agentes. *Quales quæso, inquit, in istis, quibuscum mihi negotium est, Christi vices, quàm imaginaria discipulorum ejus hereditas aut successio, in eas modo res quas illi non possidebant, ne somniabant quidem, involare, in latifundia, aulas, castra, satrapias, palatia: quas verò res sic iidem curârunt, ut prope solas curâsse videantur, doctrinam, orationem, sacra mysteria, in ea istos non succedere, aut quasi non successerint, eas nunquam ne per somnium quidem procurare?* Talis scilicet successio est, à Pontificibus tantopere jactata! Claudit verò: *Eant ergò, & Christi vicarios & Apostolicos se jactent, qui suas nunquam diœceses invisunt, neque Cathedras inscendunt, ac nec inscendere quidem possunt, immanissimi Ecclesiarum hodie magis incubatores, quàm ovilium excubitores.* Hæc ex Espencæo Doctore Pontificio percelebri, quem Bellarminus Tom. I. Indic. I. in *Auctoribus Romanæ Ecclesiæ* refert; quique in Epitaphio Parisius in marmore, in

æde sacra Cosmæ ac Domiani, insculpto, vocatur *Theologorum hujus Seculi princeps*, & à Rege Christianissimo Francisco I. *Melodunum*, Henrico II. *Bonomiam*, Francisco II. *Aureliam*, *Carolo I X. Possiacum Religionis componenda ordinandaque nomine*, inter primos augustissimi Gallia Regni Proceres, partim Legatus, partim orator de re Christiana sanctissimè doctissimèque disceptasse dicitur; quique etiam Paulo V. familiaris & charissimus fuisse fertur, occasione isthac, extra locum repræsentanda potius, quàm omnino negligenda duxi.

CCXXII. An verò Espencæi hujus piis salutaribusque consiliis morem gessisse Paulum constat? Nihil certè minùs. Ecclesiam enim adeò non reformavit, ut deformare etiam perrexerit. Inter altiores scilicet ejus curas erat, Parricidas Regum defendere: potestatis suæ malis artibus hætenus quæsitæ peristromata dilatare: dies festos jubilæos agitare: Cardinalem Carolum Boromæum, Archiepiscopum Mediolanensem, de quo magna Carolus Torriellus Italus, crepabat; in Sanctulorum; & Ignatium Lojolam, famosum Solipforum regulum non in Sanctorum quidem, at Beatorum tamen (ut noverint ita Ignatiani, suum Ignatium licet minimè *Sanctum*, *Beatum* tamen, in terra scilicet, at non in Cœlo, in quod nemo non sanctus intrare potest, habendum fuisse) numerum referre: in Exquilini montis area Pacis columnam magnis sumptibus erigere: & si quæ alia ejusmodi sunt, oculiferia proferre.

Paulus V. Ecclesiam non reformator, sed deformator.

CCXXIII. Quàm se in componenda de gratiæ auxiliis & libero arbitrio controversia, Jesuitas inter & Dominicanos acerbissimè agitata, Palæmonem segnem idem Paulus gesserit, supra diximus. Neque viriliorem animum gessit in componenda vel decidenda de Conceptione B. Virginis Mariæ, maculatane peccato, an immaculata fuerit, controversia, quæ antehac graviter Sathanicis etiam Bernæ A. M. D. IX. Wigando Wirtio Dominicano secundas post.

Controversia de auxiliis gratiæ & conceptione Mariæ definitur non est ausus.

*Motus in His-
pania ob poste-
riorem exci-
tati.*

post Diabolum partes in scena tractante, artibus interve-
nientibus; at Paulo Pontifice, inde ab A. M. D. C. XIV. ad
A. M. D. C. XXI. usque gravissimè Ecclesiam Romanam exer-
citam habuit, quando motus impetuosissimi à conflictan-
tibus Dominicanis & Franciscanis denuo suscitati, univer-
sam inprimis Hispaniam non concusserunt duntaxat, sed
in anceps etiam, discrimen conjecerunt. Historiam fusè
descripsit Lucas Waddingus, Hibernas Minorita, Anto-
nii à Trejo, Episcopi Carthaginensis & Minoritarum Ge-
neralis, hac ipsa in causa Romam missi Theologus. Res
eò processit, *ut tota ferè, verba ejus refero, arserit in dis-
sidii incendium Hispania.* An verò medicam malo huic manum
Paulus adhibuit? Miseratus scilicet sortem Hispaniæ Die
VI. Julii A. M. D. C. XVI, Apostolicum edictum strinxit, &
emissa die XII. Septembr. A. M. D. C. XVII. Bulla Sixti IV.
Concilii Tridentini, & Pii V. sanctiones, constitutiones
que innovavit, omisssaque sententia decisiva quæstionis
dubiæ, id unum prohibuit, ne in cœtibus publicis assera-
tur, B. Mariam virginem in peccato originali fuisse con-
ceptam. Post multas deinceps Legationes à Rege Philip-
po Romam expeditas, definitionem quæstionis instantis-
simè flagitantes, nihil effici potuit; mansitque Paulus ad-
mortem usque ita in negotio eo suspensus, ut quamvis
Waddingo teste, interior ejus sensus in Dominicanorum
partes flexerit, certi tamen quidpiam, alterutrius partis
metu, pronuntiare non sustinuerit. Cùmque eo mortuo
non quievisset, sed magis etiam in Hispania æstuassent
turbæ, Gregorius XV. die XXIV. Maii A. M. D. C. XXII. edi-
ta bulla decretum Pauli ampliavit hætenus, *ne quisquam
etiam in scriptis & sermonibus privatis audeat asserere, quod B. Vir-
go in peccato concepta sit, exceptis, quibus à Sede Apostolica fuerit
hoc specialiter indultum. Ita tamen, ne novo hoc decreto opinioni
illorum, qui maculatam conceptionem asserunt, præjudicium infe-*

Gregorii XV.

ratur. Literis simul ad Philippum IV. exaratis, rationem nondum decisæ quæstionis hanc Papa reddidit: *quòd nondum æterna Sapientia Ecclesiæ tanti mysterii penetrabilia patefecerit.* Sic igitur conceptionis maculatæ assertores, hæcenus loquaciores cicadis, ad *ἐχέμυθίαν* redacti, & in ranas Seriphias commutati sunt. Mox tamen XXI. Julii Gregorius etiam Dominicanis os subliturus, nova constitutione per formam indulti, non aliis quàm Dominicanis permisit, *ut inter se duntaxat, & non inter alios & cum aliis, & in privatis colloquiis possint differere, & tractare de materia conceptionis B. Virginis.* quod in priore decreto omnibus affirmativæ sententiæ tutoribus erat interdictum. Imitatus hic planè est Gregorius ingenium illius meretricis, quæ dum amasiorum suorum uni arrisit oculis, alterius manum apprehendit pressitque utrique ut satisfaceret. Demum Alexander VII. Cardinalis Pallavicini studiis, uti putatur, concitus, veteres Pontificum ea de re constitutiones innovatas, gravioribus pœnis constitutis arctiùs adstrinxit. Extat ejus Bulla D. VIII. Dec. A. M. D. C. LXI. vulgata, in qua ita asserit, B. Virginem *præveniente Spiritus S. gratia à peccato originali præservatam*; ut simul in gratiam Dominicanorum vetet, ne quisquam tenenti opinionem, quòd B. Virgo cum peccato originali concepta sit, hæreseos crimen impingat, *cùm*, inquit Bulla, *ab Ecclesia Romana & ab Apostolica Sede nondum fuerit hoc decisum, prout nos nunc minimè decidere volumus aut intendimus.* Ita controversiam per quinque ferè Seculorum decursum acriter adeò, multasque per tristes tragœdias agitatam, nondum Alexander decidere voluit vel intendit. Cùmque Sixti, Pii, Pauli, Gregorii, Alexandri hi supremos se fidei in Ecclesia militante iudices haberi voluerint: vel lumine Spiritus S. caruerunt; vel Spiritu soporis percussi; vel, quod verius est, gravi metu devincti fuerunt, ne scilicet sive Dominicani, quorum in

*& Alexandri VII. de eadem definitio-
nes.*

Hispania maximè ob demandatum iis officium inquisitionis potentia ingens est; sive Franciscani, iisque hac quidem in causa conjunctissimi, Jesuitæ, Regibus & Principibus universis, Pontificique etiam ipsi non tam venerabiles quàm formidabiles, decisione qualicunque offensi Pontificiæ posthac asserendæ & suffulciendæ Monarchiæ deessent, partésque, quas strenui adeò hætenus egerunt, defererent. Hanc scilicet ob causam Aufonius Præful hic Ecclesiæ suæ tamdiu dormivit, & Gregorii seu Vigilantii ipsi Dormitantes, Alexandri Theritas egerunt. Effeceruntque, hac sive socordia, sive astutia, ut immaculatæ conceptionis assertores Jesuitæ longius progressi, sequenti quarto post Bullam Alexandri V I I. editam die, puta d. X I I. Dec. A. M. D. C. L X I. Parisiis in Collegio Claramontano hanc thesin pro assertionem Catholica venditaverint: *Quid non potuit Dei mater electa? Non tantum plures circumstantias incarnationis probabiliter meruit, verum etiam maternitatis executionem.* Quam novitiam hæresin meritò alii statim traduxerunt.

Novæ tempestas adversus Ecclesiam à Jesuitis per Ferdinandum Archiducem Austria, excitata.

CCXXIV. Eodem Paulo Pontifice, consiliis de propaganda fide novis Romæ cufis, turbarum Æolis Jesuitis, Germaniam universam gravissima tempestas corripuit, & pertinaci bello triginta annorum tantum non consumpsit. Jesuitæ scilicet, in generis humani perniciem nati, in gratiam heri sui Pontificis, iterum post Carolum V. contra Ecclesias Reformatas bello experiri decreverunt, tentaturi alia via, an pridem cupitis potiri queant. Nacti autem furori suo idoneum instrumentum sunt Ferdinandum, Austriacæ Archiducem, inde Regem Bohemiæ, & post Imperatorem etiam, quem solitis artibus suis, & religionis calumnia consiliis suis innectere voluerunt. Initium facere à Bohemia placuit. In ea regnante & imperante Rodolpho I I. A. M. D. C. I X. Evangelici seu Ordines sub Utraque,

Occasio ejus fuit favor Rodolpho I I. erga Ecclesias Bohemicas.

reclamantibus licet Papa, factione Hispanica, & Consiliariis nonnullis, Jesuitismo infectis, ob fidem, quam Hungaris & Austriacis ad Matthiam fratrem desciscitentibus, eidem Rodolpho illibatam servaverant, plenam religionis libertatem, Majestaticis ab Imperatore eodem literis confirmatam, & ad easdem observandas successoribus etiam in Regno obstrictis, adepti sunt. Creati quoque, eodem Rodolpho consentiente, sunt Libertatis Religiosæ tutores & conservatores, composita rite sacra, denique inter Ordines *sub Utraque* & *sub Vna specie*, hoc est, Evangelicos longè plures, & Pontificios paucos, de mutua pace amicè solenniterque transactum fuit. nequicquam resistentibus tribus Jesuitarum pullis, Popel de Lobkowitz, Regni Cancellario, Guilhelmo Slawata de Chlum, & Jaroslao de Matinitz Smeczansky, adversus quos si turbare quandoquæ animum inducerent, protestatio Ordinum sub Utraque edita, tabulis Regni, Rodolpho concedente, illata, inter privilegia asservata fuit, ea lege, ut unà cum cæteris Regni privilegiis à Rodolphi successoribus juramento solenni confirmentur. Atque tanta mox Evangelicæ religionis amor & confessio incrementa habuerunt, ut vix centesimus diversarum partium inveniretur amplius. Meditabatur idem Imperator & Rex Bohemiæ Rodolphus superstes adhuc *Ordinem pacis*, pro conscientiarum libertate aureæ torquis insigni condecorandum; ad cujus societatem Reges & Principes Evangelicos & Pontificios etiam invitare constituerat. Cùmque improles fratris Matthiæ similiter improlis, nec non Ferdinandi Archiducis cleri Pontificii à nutu pendentis utriusque, adeoque libertatem eam post mortem suam concussuri, ingenium suspectū haberet; Ferdinandi fratrem Leopoldum, Episcopum licet Passavii, at civilis animi fidem facientem, bonisque consiliis obtemperaturum, adoptare simul jam destinaverat.

*Rodolphus
acie victus
moritur.*

*Matthias su-
cessor impro-
les Bohemis
Ferdinandum
successorem
obtrudit.*

*Ordines Re-
gni turbatores
Pacis consi-
liarios Ponti-
ficis & Jesui-
tas compe-
sunt,*

CCXXV. Cæterum ipsa hæc halcyonia sequentium motuum quin & horrendæ deinceps tempestatibus præfaga fuerunt. Concurrentibus enim A. M. D. C. XI. infestis Rodolphi & Matthiæ signis, hujus exercitus acie superior tantum Rodolpho mœtorem attulit, ut è vivis statim excesserit. Ita Matthias fasces capeffens, de successore sollicitus & ipse A. M. D. C. XVI. patruelem suum Ferdinandum Ordinibus paucis tempore messis collectis, & tantum non invitis obtrusit. cui in Moraviam secedenti Jesuitæ Olo-mutii arcum triumphalem erexerunt, illique inter alia ornamenta Insignia Austriaca unâ cum alligato catenæ hinc Bohemico Leone, inde Moravica Aquila, appinxerunt. Sequenti etiam anno Molzheimii Alsatia prodiit ex recens fundata Jesuitarum Academia libellus, in cujus dedicatione Sodales Leopoldum, Academiae fundatorem, ad igneum adversus Euangelicos Zelum concitârunt exemplo Fratris Ferdinandi, qui, inquit, *utut hæreticis in Bohemia sub coronationis horam pro more juramentum præstiterit, prius tamen in Sacrario Ecclesiæ deposuerit, nihil se unquam hæreticis in Ecclesiâ fraudem concessurum.* Rebusque & experiundo constitit, Ferdinandum Euangelicis ore, Papæ verò corde jurâsse. Statim enim initio Regni ejus homines nefarii, consultores pessimi, id unum operam dederunt, ut literas Majestatis convellerent, libertatisque adeò in religione concessionibus illas, si non data fide sanctas, certè ingenti subditorum pretio redemptas, cuniculis subruerent, denique injurias injuriis cumulando patientiam Ordinum fatigarent. qui tandem inconsulto impetu abrepti, vi tamen protestationis jam A. M. D. C. IX. adversus turbatores pacis editæ, Smeczanium & Slawatam supra dictos, unâ cum Philippo Fabricio, technarum omnium conscio, è fenestris arcibus præcipites dederunt, & mox d. XXI. Maii, A. M. D. C. XVIII. Jesuitas, ceu malorum omnium Archite-ctos,

ctos, Regno proscrisperunt. Id verò, vigore licet literarum Majestatis attentatum, Cæsar Ferdinandi & Henoticorum, seu Ligistarum instinctu, injuriam læsæ Majestatis interpretatus armis vindicare statim statuit. Neque segniores Ordines defensionem parant, Moravis statim & Silesiis, quòd religionem communem peti cernerent, in Bohemorum partes concedentibus. Interim Matthias fato & Fredericum Palatinum Regem eligunt. functus, & spreto Ferdinando, in ejus locum Fridericus Elector Palatinus Rex Bohemiæ electus est. Atque tum demum

mansit alta mente repositum

Judicium Paridis, spreteque injuria formæ.

Mox enim Bohemi à Ferdinando & Henoticis, Duce Maximiliano Bavaro, victi, Praga Metropolis capta, Rex novus pulsus, denique panico terrore perculsi omnes sunt. Fidem victor continuandæ libertatis Bohemis, Moravis & Silesiis, ut facilius universos subjugum mitteret, sanctè promisit, sed mox penitus idem destituit. Statim enim atrocissima infecuta persecutió Evangelicæ religioni pannelthriam attulit.

CCXXVI. Juvabit autem novæ & horrendæ Bohemorum persecutionis *μυθολογία* novam cognoscere. Neque enim eodem, quo in Anglia, Gallia, Belgio, modo rem aggredi placuit, experientia scilicet edoctis, *fortiores illas Jesuita profici-garunt.* purgationes, sanguinis innocentis effusiones Cainiticas, vivicomburia Hussitica & Hieronymiana, præcipitationes in fodinas Cutenbergenfes; *ad hæreseon morbos pellendos hæte-nus adhibitas, parùm profuisse. Tentandum esse jam, utrum com-moda diæta* (sic loquebantur contemptim, cùm Ecclesiis pastores, uxoribus maritos, parentes liberis, bona singulis eriperent, & miseram vitam postea superpondii loco, nullo juris processu, sed per impios cruentosque milites spoliatis, longoque & tetro carcere maceratis vel adime-

rent, vel in exilium, quod *Diætā* vocabant, expellerent) curari possint. Hereticos itaque non mortibus afficiendos (quibus illi tanquam martyriis exultarent) sed aliis viis fatigandos, & ad obedientiam reducendos esse. Proinde & odiosum illud ac durum nomen inquisitionis, in mollius Reformationis commutandum esse. Hoc decretum in secreto sacroque Consilio Romæ A. M. D. C. XVII. inter medios belli apparatus, initum conclusumque esse, certis indiciis post innotuit, & eventu ipso comprobatum est. Hispanus certè non nemo, clarum per flagitia nomen adeptus, Martinus de Huerda, palam gloriari auditus est, cum nuntium de victis Bohemis Vienne advolâisset, authorem se Cæsari fuisse, ut promiscuis adversus hæreticos cœdibus faviret, & internecione universos deleret; at respondisse Cæsarem: *Datam jam esse per Bavaria Ducem Bohemis fidem: neque tamen defuturos modos, quibus hæresis & rebellandi libido gentis esset a retundatur.* Primò igitur omnium imbelles Anabaptistas, nullis in mundo præfidiis innixos proscripserunt: inde Evangelicos variis artibus aggressi, sensim eos tum nimis exactionibus, tum oppressionibus, promissis, minis, etiam tormentis, carcere, partim ad apostasiam, partim ad fugam & exilia compulerunt: talique, si Diis placet, *diætā*, universam Bohemiam, Moraviam & Austriam postliminio Romano Pontifici subjecerunt. non tam Diocletiani, Maxentii, Philippi Hispani, Caroli I X. leoninas meras, quàm Juliani apostatæ vulpinas cum leoninis mixtas artes imitati. Historiam vir doctissimus & integerimus, testis *αὐτόπλος*, historiæ persecutionum Bohemicarum author, cap. 45. 46. &c. narravit. qui meritò cap. 107. his verbis hostibus, diceta sua Bohemiam reformantibus, insultavit: *Egregiam verò laudem & spolia ampla retulistis, ô animarum lenones! Gregem Epicuræorum effecistis, qui ollas sectantes, ob cucumeres & pepones, & porrum, & capas, Egypti mancipia fieri sustinuerunt.*

Quin

Quin atheisimi semine conseruistis corda hominum, plerisque jam nihil credentibus; & ne quid conscientiam opio vestro sopitam remorderet, omnem Dei cultum sublatum, cupientibus. Si mitius loquamur: ecquid lucri, ut homines vos mentiri adigatis? An enim omnes illos, quos novum vestrum Catholicismum profiteri coegistis, vestrates esse confiditis? Removete, quaeso, ab altera parte aurum & illecebras, ab altera gladios, eculeos & alia crudelitatis instrumenta, conscientiarumque libertatem restituite: quàm seridè vestra sint amplexi, mox videbitis. Si igitur pseudoamicus est, qui alterius fortunam sequitur, non animum; Vos cur tam stolidi estis, ut vobis tantopere de iis, qui assentandi solum gratia, aut coacti vestra victoria fortunam sequuntur gratulamini. Fastus Babylonicus stimulat vos, ut quacunq; ratione allecti vel adacti, ad adorandam auream vestram statuam populi, & nationes, & lingua vestrum sonum tibiae, citharae, sambucæ, nablii, & omnium instrumentorum Musicorum audiant; Vos autem vino scortationis inebriati, securius, & in majori spectantium ac plaudentium numero, iucundius consuetas choreas ducere possetis. Sed bene est, quòd advertare scimus tempus, quo vocem Citharædorum & Musicorum, in te, o Babylon, cessare faciet Dominus.

CCXXVII. Nunquam majori in discrimine positæ Anceps inde Ecclesia Evangelica status maximè. erant res Evangelicorum, quàm post illam cladem Bohemorum. Jesuitæ enim jam quasi parta de universa Germania, imò omnibus Evangelicis, victoria insolenter triumphârunt, ac nil nisi cædes Protestantium, hæreticorum excidia spirârunt. Aususque est eorum alimonia, Scioppius classis bellicæ sacri canis. servitio, cultu, omnibus externis infectus & conductus flagitiosissimus Grammaticus, Gaspar Schoppius, (sive ut se Italice appellari maluit, Scioppius) vibex & macula suæ gentis, ex Palatinatu quippe Superiore Neogora oriundus, ob scelera Altorfi patrata ad apostasiam prolapsus, furiosus Alastor, & *vivorum cerberus* meritò à Theodosio Berenico, (quod sibi nomen integerimum pectus, Mathias

thias Berneggerus, qui Classicum belli edita tuba pacis doctissimè dīcūssit; induerat) dictus, sacri belli classicum canere, Protestantium omnium ferale excidium promittere, ipsisque adeo Regibus & Principibus Evangelicis (*Classis pag. 4. & 56.*) restim patibulūque minari, ipse furcifer potius à restione collare, & si quid pejus, promeritus, quamcunque etiam sibi ex sanguinarii dogmatis diritate asserta, & portentosis mendaciis, vel opimam Episcopopen, vel purpureum etiam galerum receperit. quā spē adeò miser defraudatus est, ut extrema senectū scriptis Patavio, ubi præ Jesuitarum, proditorem post irritam prodicionem flagrantissimo & internecino odio prosequentium, metu delitescere, Leidam exaratis literis, ad Evangelicos reditum obtulerit, rejectus apostata contemptūque ob vanitatem meritò. Sed & Pontifex ipse Paulus, invalescente Ferdinandum inter & Fredericum bello, universo per Italiam clero bis sex decimas, unas in monasteria, collegia, Ecclesias, &c. alteras in personarum ecclesiasticarum redditus; in belli imminentis sumptus imperavit; atque eodem Italiæ exemplo reliquum etiam clērum in aliis regionibus ad largiendum impulit, ad sacerimūque ita bellum, classico veluti cantato, conclamavit.

Paulus Papa
ex decimis
Italia, alia
rūmque re-
gionum bel-
lum sustentat.

Palatinatus
Cō unaversa
Germania ca-
lamitas.

CCXXVIII. Ex Bohemia translātum bellum est in Palatinatum, qui brevi totus, deserto ignavia, an fide mala dicam, amicorum communem causam destituentium in felice exitu; Friderico, in Cæsaris potestatem redactus, colla jugo Pontificis subdere iussus est. Excepit passiva gentium populorūque defectio, & pauci exilium pati, quā veritatem semel agnitam abnegare maluerunt. Reformatis in ordinem redactis persecutio ad Lutheranos etiam, seu otiosos calamitatum præteritarum spectatores, seu Cæsareanorum etiam moliminum incautos, & seductos à cerebrosis & implacabilibus, in Schola crucis non edo-

edoctis, publicique commodi moratoribus Theologis nonnullis, satellites, penetravit. In eo scilicet Cæsareanorum consilia steterant, ut Germania universa ad domus Austriacæ, Pontificis verò inprimis Romani obsequium reduceretur. Hinc ingens illud & pertinax tricennale bellum intestinum Germanicum, in quo plus sanguinis fusum, quàm aquas Danubius, Rhenus & Albis volvit: hinc miserrima florentissimarum Provinciarum vastitas. Intra unum certè Magdeburgum Tillius triginta hominum millia & amplius obtruncata in Albim conjecit, ipsamque urbem vultuosissimam & amplissimam funditus evertit. Hoc primum trophæum fuit, quo reliquæ civitates, præsertim Norimberga, Augusta, Ulma, Ratisbona, aliæque admonebantur, quid in secreto de propaganda fide consilio conclusum sit. Accessit ad depopulationes promiscuas, in quibus pari sorte amici & inimici premebantur, edictum Cæsareum, die VI. Martii A. M. D. C. XXIV. promulgatum, altioris planè indaginis, quo Protestantibus, ut bona Ecclesiastica dignitatésque inde à Pacificatione Passaviensi, annorum septuaginta quinque intervallo medio occupatas, clero Pontificio restituant, severè injectum. Denique ita fortuna Pontificiis lenocinante, sic omnia gerebantur, ut Protestantium omnium jugulum peti nemini amplius ambiguum esset. Rebus ita inclinatis conclamatisque, suscitavit Deus ab Aquilone felicissimum fortissimūque libertatis Germanicæ Vindicem, Gustavum Adolphum, Suecorum Regem, qui, ceu fulmen quoddam ab ultimo Septentrione, admirabili celeritate universam victoriis suis Germaniam peragravit, ac omnia Jesuitarum & homicidarum Papalium consilia, tot annorum conatus machinationesque repente disjecit & irrita reddidit. Duabus victoriis, ad Lipsiam una, altera ad Lutzenam, ita Henoticorum ferocia domita est, ut non modò Protestantium partes su-

Ferdinandus à Protestantibus bona ecclesiastica repperit.

Conclamatis rebus Deus velut à machina succurrens, Gustavum Adolphum submisit.

qui Henoticis dominis Ecclesiam feliciter adjuvat.

periores evaderent, sed ipsi etiam Papistæ de summa rerum periclitarentur. Immensi operis utique esset, omnes recensere victorias, quas invictum Dei robur ex eo tempore Evangelicis indulsit. Quem verò funestissimum isthoc bellum exitum habuerit, in loco, quantum instituti ratio exiget, exponere haud superfedebimus.

*Laniena in
Vall: Telina
adversus E-
vangelicos pa-
trata, historia
terribilis.*

CCXXIX. Non dissimulanda hic videtur terribilis laniena Volturenensis, in valle Telina, Canis seu Grisonibus obnoxia, à Pontificiis adversus Evangelicos d. 1 x. x. & c. Julii A. M. D. C. XX. infandum in modum patrata. Litigaverat diu Provincia, quos penes Vallis jus & dominum stet. Lite ad Rhætos delata, dederunt illi Recuperatores, quos causa & religio Evangelicis æquiores fecit. In Recuperatorio judicio Pontificii, cædis ac turbarum convicti, carcere, exilio, tormentis, securi pro merito multati sunt. Ancipiti motu, plures mortis metu in proxima Mediolanensis ditionis oppida profugerunt, ibique cum exulibus sæpe congressi, odio religionis, desperatione, inopiâque ad audaciam accensi, in partes traxerunt Papanos, Vallis incolas, tandemque vi atque armis agendum, & sacrorum novitatem inusitato etiam modo abolendam statuerunt. Suafor authórque consilii erat Jacobus Robustellus, equestris nobilitatis homo; complices præcipui Antonius Paravicinus, Sondriensis Archipresbyter, Johannes Guizardus, Johannes & Franciscus Venosta, qui sicarios plerosque veneficiis, homicidiis, furtis, perjuriis infames, ex ditione Mediolanensi, Veneta, Tridentina conduxerunt. Cum tali manu Robustellus, qui super insitam naturæ ferociam, damnationis memoria, & instauratæ religionis odio abripi se passus est, Vallem Telinam subitus irrupit, & cuncta ferro, sanguine, igni miscuit. Puscianum Castellum opportunè situm, simul transitus Alpium milite insedit, atque inde expedita ma-

nu Tiranum processit, ibique Euangelicos plerosque inermes oppressit; cæteros ad mutandam religionem pavore coëgit; Urbis Præfectum, Rhæticiæ gentis & Provinciæ procuratorem inclementer ad laqueum damnavit. Post Carolus & Azo Bestæ seu bestię centuriones, diversos Provinciæ aditus invadunt. Carolus Tilio oppido improviso impetu occupato in Templo Euangelicos interceptos inopinanter horribiliter trucidavit. Quidam in campanile profugi fumo flammæque suffocati sunt. Sanctitas Templi inviolatos non servavit; nec misericordiæ locus ullus, quamvis supplices palmas tenderent. Inde Antonius Paravicinus Morbergum, Bertennum, Caspanum, Mantellum, Tropanum, & proxima quæque loca partibus adjunxit. Lætus his cladibus Robustellus, tota Valle potititus, ad Sondrium, urbem primariam, vi vel terrore subigendam ducit. Advenientem Pontificii prompti excipiunt: Euangelici ceu alterum Busiridem pertimescunt meritò. Statim igitur iis promiscuè mortem diram acerbamque inflixit; implacabili ferocia eorum bona diripuit, ædes diruit aut incendit, parentes occidit, liberos conjuges seu ejecit, seu cladi implicuit, matres ab extremo complexu liberorum avulsas immaniter trucidavit. Sub adventum ejus nonnulli, ut barbaram crudelitatem effugerent, in montes sese abdiderant. Obscuritas latebrarum paucos texit: cæteri flebiles inopésque cœsi sunt. Ita Robustellus in exigua adeò Provincia quingentorum (inter quos ne Pontificiis quidem, qui à diræ immanitatis scelere abhorrentes in ejus societatem non venerunt, pepercit) strage edita, Vallis Telinæ præfectus receptus, advocatis tandem Mediolano Iberi cohortibus patriam insuper turpissimè prodidit, & vindicum justissimorum hac quidem in terra manus effugit. Si rabiem sævitiæque latronum spectes, præteritorum temporum omnium cru-

delitatem laniena hæc plusquam tartarea longo post se intervallo reliquit. Multi pulvere tormentario ori intruso accensoque perierunt miserè: infantes ex matrum uberibus pendentes transfixi: corpora defunctorum ex sepulchris extracta, canibus & feris lanianda exposita sunt. denique nullum crudelitatis efferatæ genus Cyclopes hi, Hispanicis & Jesuiticis follibus inflati, intentatum insectumque reliquerunt. In cæsorum censu fuerunt Bartholomæus Marlianus, Joh. Baptista Mallerii, Antuerpianus, Belga, (cujus caput amputatum, venter apertus & viscera extracta sunt) Petrus Danzius, Fraciscus Carolinus, Antonius Bassus, verbi Divini præcones; Bartholomæus ac Nicolaus Paravicini, juris utriusque Doctores; Andreas Enderlinus, Rhætorum omnium nomine Tili, & Johannes à Capaulis Tirani Præfecti. taceo plures præcipuæ nobilitatis & dignitatis viros, qui per Christi & Evangelii causam parricidarum immanissimorum piaculares victimæ facti sunt. Celebratæque inprimis est foeminarum, quas ad necem latrones depoposcerunt, mira constantia. ac inter eas Annæ de Liba, quæ Antonelli Crotti de Schio, Vicentini, ob religionem apud Volturenos exulis, uxor, in monte comprehensa, filiolarum bimestrem in ulnis gestans, religionem mutare jussa, intrepidè id abnuvit, & filiolarum lactandæ gremium aperiens, pectorèque denudato sic latrones allocuta est: *Agite, corpus vobis sisto, quod occidere potestis; animam occidere non potestis. hanc in manus tuas, Christe Sospitator, commendo.* Nec mora: Filiam in sinu affixam habens, sclopeto occisa, & quatuor in partes dissecta fuit. Peracto inauditæ atrocitatis scelere non tantum literis ad Episcopum Curientem exaratis de læto successu magnopere gloriati, illud una *santa resolutione, & una honorata intrapresa*, hoc est, *sanctam resolutionem & honorificum facinus* insignire non erubuerunt: sed etiam *Rationes & motiva son-*

A clero &
Pontifice illa
defenditur.
& probatur.

Gliis

filii sui contra hæreticos initi vulgare ausi, putidissimis mendacijs & calumnijs turpitudinem detestabilis maleficij obvelare conati sunt. Quin & Romam missus Pater Ignatius Capucinus, tum lætum Pontifici Paulo ob excisos ferro flammæque hæreticos nuntium laturus, tum Curiensi Episcopo Volturenæ Pontificia autoritate & opera conciliaturus. Non probari sibi violentiam, tum Paulus simulasse dicitur. Sed paulò post Jacobo-Paribello, Paravicino, Archiepiscopo Sondriensi, Sacrificulo Casponensi non tam violentiam exprobravit, quàm violentiam se inficio & inconsulto susceptam. minimè eam dissuasurus, dum in conscientiam sceleris admissus esset. Responderunt Cyclopes, non tam se conscientiam Pontificis reformatasse, quàm metu anxios, ne per Cardinales Gallis & Venetis addictos secretum vulgaretur, seorsim negotium agitasse. Sed & Horatius Taurellus, Volturenus, Jesuita, ad Leopoldum Archiducem Austriæ missus, sacram istam carnificinam utilitatis publicæ, religionisque velo tegere conatus est. Ne non Circæis Romæ veneficijs excantatos, non tam sub ferarum figura humanam mentem, quàm sub humana specie tetras pestiferasque belluas tegentes, ad audendum inexpiabile scelus prorupisse, Ecclesiæ Romanæ hyperaspistæ caussari possint.

CCXXX. Paulo V. die x. Octobr. A. M. D. C. XXI. *Gregorii XV. mortuo, & anno ejus emortuali ejusmodi eteosticho: Mor-* *Papatus.*
zVV est VICE DeVs, signato; Alexander Lodovisius, Cardinalis & Archiepiscopus Bononiensis, qui Gregorii XV. nomen sumpsit, per viam adorationis, uti loquuntur, Papa electus est. Adhæsit ei scœmina quinquagenaria, versipellis, & negotiorum peritissima, cujus consilijs virilibus universum ferè Papatum, effœminatus ipse administravit. Statim atque electus est, constitutionem *de forma eligendi Papam* edidit, qua, ut tacitis deinceps suffragiis *Formam eligendi Papæ prescribit,*

Papa eligatur, ne innotescere Principibus, cui electores suffragium præbuerint, possit, sanxit. Arte tum Chrysopoëtica, tum Theopoëtica usus, ad quæstuosissimum τῦ ἐνδεάζεν (liceat Herodiani voce uti) *Deificandi* artificium se convertens, per auream *ἁγιοποίησης* seu *canonizationis* (voce nova & barbara rem novam barbaram & impiam designare libuit) scalam in Cælum Pontificium intulit non unum, sed plures æternitatis candidatos, hætenus quidem *Beatos*, sed non *Sanctos*; at nunc demum Gregorii opera seu factos seu declaratos *Sanctos*, puta Jesuitas quatuor, Ignatium Loyolam, societatis patrem, Franciscum Xaverium (Indorum Apostolum illum, cujus mendacia & nugas Indis venditatas ex historia Christi Persicè edita primus Ludovicus de Dieu produxit, ejusque post indicio foedus lapsus Brochmannus *Antopol. p. 2432. &c.* deduxit) Aloisium Gonzagam, & Stanislaum Coskam; nec non Theresiam Hispanicam, Carmelitarum discalceatorum matrem; Philippum Nerium, Congregationis Oratorii authorem; Isidorum Agricolam, Hispanum itidem; Ambrosium Sfondonium, Senensem, & Jacobum Saloniomum, Venum. Prodiit mox è prælo Ribadeneiræ Jesuitæ *Flos Sanctorum*, ex Hispanica in Latinam Linguam traductus, in quo non tantum Sancti fixi, sed etiam Extravagantes, ac inter eos etiam novitia isthæc Numina novis Legendis honorantur. Parum etiam abfuit, quin Garnettus etiam straminea quadam impostura si non ad *Sanctitatem*, at certè ad *Beatitudinem* ascenderet. eam scilicet commeritus, quòd in gratiam Romani Molochi non tantum filios & filias, sed Regem & Patriam per ignem sulphureum transmittere conatus est. Et Thasii quidem olim Deum Agesilaum cum facerent, non insipidè homo nasutus retulit, si Deos faciendi potestatem habeant Thasii, prius seipsos Deos facerent, quàm alios Deificarent. Idem Gregorio, idem alijs

Es Jesuitas
quatuor

aliisque in
Divorum nu-
merum refert,

Numinum novorum architectis, qui nobis Ethnicæ & Judaicæ Apotheoseos editionem, auctiorem fortasse aliquo modo, sed neutiquam emaculatiorem vel emendatiorem, dederunt, meritò regefferis.

CCXXXI. Sed forte non plane apotheosi omni ca- Ferdinandum collatione pecuniarum & copiarum adjuvat;
ruit Gregorius, belligeri in Mavortis, siderati Numinis locum suffectus. Nam bella certè ciendi & alendi haud planè indoctum fuisse, historia prodit. Testis est Carolus Carafa *Comment. de Germ. restaur. pag. 95. 96.* Gregorium hunc non tantum Ferdinando Cæsari ob exactum Regno Bohæmiæ Fridericum Optimum impensè gratulatum esse; sed eidem etiam in subsidium exercitus, & pecunias, & legiones duas, unam equitum, peditum alteram, Petro Aldobrandino Duce, summisisse, & Bibliothecæ etiam Heidelbergensis nobilissimæ, à Bavaris spoliata, splendidissimum munus ceu sacri illius belli manubias à Bavaro oblatas, & in Vaticani delubro paulo post ab Urbano VIII. magno sumptu ornatūque suspensas, dono accepisse. Galliæ etiam Regem Ludovicum XIII. ad bellum Protestantibus inferendum accendere conatus est tum epistola privata ad eum scripta, qua hortatus eum est ad imitationem decessorum suorum, *qui Pontificum cohortationes non secus ac Dei iussa venerati sint*: quàmque his verbis clausit: *Sequere, carissime fili, orbis decus, cælestia iussa, effunde iram tuam in gentes, quæ Dominum non noverunt, ut æternæ misericordiæ thesauros compares Majestati tuæ*; (Epistolam integram Gramondus *Histor. Gall. lib. IX.* narrat) tum vulgata per totam Galliam adversus Euangelicos bulla, qua ad excidium eorum fideles suos impulit: tum denique misso Monacho Hispano Franciscanæ sectæ, Dominico Jesu-Maria, quem Imperator cum spoliis ac manubiis proelii Pragensis Romam miserat, cujusque precibus victoriam illam acceptam tulerat. qui ceu ΔΙΟΝΕΤΗΣ, Divus quidam

etiam Gene-
venſes accen-
dit,

et Venetis ob
conceſſum
Græcis Tem-
plum, irasci-
tur.

In Hispania
ſecta Illumi-
natorum e-
mergens,

Cœlo delapſus à Rege & populo exceptus, non deſtitit conſcientiam ejus onerare mandato extremæ fidelium interneccionis. Hinc ardens in Gallia perſecutio, & partim vi, partim deditiōe recuperatæ urbes nonnullæ, quas ſecuritatis gratia Euangelicis Henricus I V. conceſſerat. Adverſus Genevenſes idem Gregorius hoſtilia agitabat, miſſo ad Regem Galliæ nuntio, veniam impetraturo, ut Sabaudo eos armata manu invadere integrum eſſet. Sed refulſam à Rege tulit. Indignatus idem Papa eſt Venetis, quòd conductis à ſe militibus Græcis Templum, & in eo religionis exercitium permiſſent: eo nomine per Cardinales Molnium & Ludoiſium graviter cum Veneto Legato expoſtulans. Cùmque Legatus reſpondiſſet, neceſſitate adaçtos eſſe Venetos ad conducendum è Græcia militem, quem è ſua ditione conſcribi Papa vetuerit, Cardinales ſubjecerunt, ſi adverſus infideles milite Romano uti vellent, integrum id fore. Quibus falſè idem Legatus regeſſit, omnes infideles eſſe, qui Reipublicæ Venetæ ob injuſtas cauſas adverſarentur. Permitti Romæ, ut ſeno & avena templa opleantur. præſtare utique, ut ea Chriſtianis ad cultum aperiuntur.

CCXXXII. Eodem Gregorio Pontifice, circa A. M. D. C. XXIII. Sevilix in Hispania ingens hominum multitudo à Papatu defecit. Et Deficientes ſibi nomen *Illuminatorum* impoſuerunt. Incertum erat, an Euangelicorum in caſtra tranſiverint, an errōnea & fanatica dogmata ſectati fuerint. Prius tamen multis creditum eſt. Conſtatque non tum demum Illuminatos cœpiſſe, ſed ſuperiore jam ſeculo, in Hispania inprimis, caput protuliſſe. Nam & Innichum, ſeu Ignatium Lojolam jam ante A. M. D. X L. ex Hispania profugiſſe, ne ab Inquiſitione, tanquam de *Illuminatorum* hæreſi ſuſpectus comprehenderetur, Melchior Canus peculiari de Societate Jeſu ſcripto, teſtatus eſt. Sed hoc inprimis tempore plurimi non ex vulgi duntaxat

fœ-

fœce homines, sed illustribus etiam & splendidis profapiis oriundi sese partibus illorum adjunxerant. Jamque numerus illorum ad decem millia hominum excreverat. Et quo graviori ab Inquisitoribus crudelitate in eos sævitum est, hoc magis crebescere illi & radices agere cœperunt. Quamobrem persecutione supersedere, & spe veniæ ad *spe venia facta, opprimitur.* gremium ecclesiæ aberrantes invitare, proposito tamen graviorum etiam suppliciorum metu, si qui animum adversus oblatam gratiam obfirmaturi essent, coacti sunt. Blanda isthac vi, & graviore metu seducti, paulatim alii Pontificia postliminio sacra amplexi sunt: alii verò exera in loca concesserunt.

CCXXIII. Sede Pontificia obitu Gregorii vacante, & ingressis jam conclave Cardinalibus, ingentes Romæ turbæ subortæ sunt. Plures per plateas trucidati, suffocati aquis, strangulati, naribus auribusque truncati. Raptus, spolia, stupra grassabantur impune. Pars Cardinalium in Messinum, pars in Borromæum inclinabat; æquis utrinque suffragiis. Relicto utroque Galli, Veneti, Sabaudi Maphæum Barbarinum, Florentinum, quod Hispanorum partibus minùs addictus videretur, præferunt. Fervente negotio & Barbarinus ipse, & cum eo viginti quatuor Cardinales, plurésque etiam Episcopi, Abates, Equites, Secretiori Conclavi inclusi, lethaliter decumbere cœperunt. Et decem jam Cardinales, aliique morte subita abrepti, Conclavis veneno infecti suspicionem præbuerunt. Tandem Barbarinus, prævio omine examinis apum, Musæum ejus involantium, Papa proclamatur. qui nomen Urbani VIII. assumpsit; celebris tum ob functiones varias, quas hætenus obivit, tum ob florens ingenium, artificium poëticum, & eruditionem multiplicem, quam in Scholis Jesuiticis sub Horatio Thursellino & Francisco Bonæo plurimum auxit. Certè linguæ

Gregorio defuncto Romæ factionibus turbatur.

Eligitur tandem Barbarinus, seu Urbanus VIII.

qui Nepotes
impudenter
promovet.

Græcæ, sine pari Pontifice ullo, adeò peritus fuit, ut *Apis Attica* nuncupatus fuerit. Statim electus Papa tres fratres ad altiora evehens, natu maximum Carolum Ecclesiæ Romanæ Generalem; secundum Thaddæum arcis S. Angeli præfectum; tertium Antonium Satellitum seu apparitorum suorum ducem creavit. Neque id fatis ei fuit. Etiam Franciscum Barbarinum è Fratre Nepotem, adolescentem adhuc in Cardinalium numerum cooptavit, cui pædagogum Ascanium Filomarinum præficere necessum habuit. Adeò animus privatis studiis corruptus diu latere non potuit.

Canonizatio-
nis Lojola,
Xaverii, alio-
rum bullas
conficit.

Eorum mira-
cula sub
laudat.

CCXXXIV. In Divorum numerum Gregorius, uti supra diximus, Ignatium Lojola, Xaverium, aliosque retulerat. Cæterum quas sive morte præventus, sive alias ob causas canonizationis tabulas non confecerat, Urbanus conficere primas inter curas habuit. Extat apud Cherubinum Bullar. Rom. tom. 4. pag. 11. Urbani hujus Canonizatio S. Ignatii Lojola, nec non pag. 15. Francisci Xaverii. In Bulla Canonizationis Ignatii præfatur Urbanus, *cum veterem religionem, omnemque perfectioris vitæ professionem Lutherus, monstrum teterrimum, aliæque detestabiles pestes blasphemis eorum linguis in Septentrionis partibus corrumpere, ac Sedis Apostolicæ auctoritati detrahere conarentur, excitasse Deum Spiritum Ignatii Lojola, qui ex medio honorum cursu, & à seculari ac terrena militia admirabili quadam ratione vocatus, ita se Divino imperio regendum & formandum tradiderit, ut demum nova Societas Jesu, quæ inter alia pietatis & charitatis opera gentilibus convertendis, hæreticis ad fidei veritatem revocandis, & Romani Pontificis potestati tuenda ex instituto se totum impenderit, religione fundata, vitam admirabili sanctitate traductam sanctissimo pariter conclusisset exitu, ac plurimis sit miraculis illustratus. Post Clementis VIII. & Pauli V. laudatis studiis, decretum prædecessoris, ut inter Sanctos omnino transcribatur, Ecclesiæ &* al-

altaria in ejus honorem ædificentur , & festum ejusdem die xxxi. Julii celebretur ; commemorans, ex processibus & actibus Cardinalium pluscula de Lojolæ ortu , vita, sanctitate & miraculis repetit. Simili ferè methodo Xaverii, cujus inprimis miracula fusè prædicantur, canonizatio concepta est. Meritò tamen in dubium alii, Pontificii etiam , miracula utriusque tantopere ab Urbano celebrata vocârunt. Quin & Petrus Deza in oratione sua *de Ignatii Beatificatione pag. 52.* hoc solum iis miraculum tribuit, quòd fecus quàm cæteri Ordines religiosi , non tantùm mendicent , orent , blandiantur , palpentur , sed etiam felicissimè emendicent , exorent , eblandiantur & expalpentur. *Cùm Patres Jesuitæ*, verba Dezæ, à Sciopio etiam apostata in Infamia Famiani *pag. 159. &c.* citata, referam, *commoda sua querunt, idem sibi proponunt consilium cum eo, quod Pharaoni Joseph suggessit, ut copiam frumenti in suis horreis coaceruaret. Hoc MIRABILE est, & digitus Dei est hic, quòd hoc tempore adeò perverso & avaro, sicut alii Religiosi experiuntur pauca emendicando, Jesuitæ nôrint & possint abundè, quicquid illis necessarium est, extorquere. Non enim fit sine miraculo, quòd cùm homines sint adeò parci & tenaces, non tamen possunt in animum inducere, ut Jesuitis aliquid denegent, aut aliquam petitionem eorum rejiciant. Quod MIRACVLVM (Jesuiticum) conferri potest cum eo, quod Deus operatus est cum Egyptiis in favorem populi sui, cùm Judæis mutuò dederunt, quicquid petierunt, quod TOTVM Deus voluit ipsos auferre. Idem omnino fit Jesuitarum respectu, ut totum auferant, quicquid petunt. quod argumento est, eos Deo curæ esse, & ab eo tenerimo affectu eos diligere: quando, qui adeò sunt avari, tamen libenter & cum animi lætitia Patribus istis subministrant, quicquid ipsis necessarium est.* Ad-

Vera Jesuitarum miracula ex Deza

Sciopio depicta.

tim: Hoc scilicet est, quod Ignatio & Sociis ejus Christus fuerat pollicitus: Romæ vobis ero propitius. Tanti enim miraculi gratiam Apostolis ut impertiretur, animum inducere non potuit. Signa eos, inquit, sequentur; In nomine meo dæmonia ejicient, linguis loquentur novis, serpentes tollent, & si mortiferum quid biberint, non eis nocebit. Super ægros manus imponent, & bene habebunt. Horum quidem signorum nullum à propitio Jesu Ignatio & sociis ejus contigisse, vel ex vita Ignatii à filio ac discipulo ejus Ribadeneira diligenter conscripta apparet lib. 5. cap. 13. ubi Ignatium ejusmodi miraculis minimè illustratum fuisse agnoscit. Sed nec Franciscum Xaverium India, si superis placet, Apostolum, linguis novis loquendi gratia donatum fuisse, ex ipsa ejus confessione, vel dicam, querela constat. quæ talis legitur lib. 3. Indic. Epist. 5. Si nos lingua m calleremus Japonicam, non dubito, quin plurimi fierent Christiani. Faxit Deus, ut eam brevi addiscamus, tum demum aliquam rei Christianæ navabimus operam. Nam nunc quidem inter eos tantquam mutæ statuæ versamur. Tantum absuit, ut se idoneum à Christo propitio Novi Testamenti ministrum factum, & dono linguarum ea causa affectum Pauli exemplo gloriari posset: Gratias ago Deo, qui omnium verborum lingua loquor I Cor. XIV. 18, Jesuitæ nihilominus domi linguarum sibi non omnino expertes videntur, cum lingua duplici more serpentum loqui soleant, quando suis amphiboliis sive aquivocationibus & mentalibus reservationibus utuntur, &c. Et paulò inferiùs: Apostoli Patres eorum censebantur, quos per Evangelium Christo genuissent. quo nomine ne multarentur, cavebant filiis suis esse oneri, victuique & indutui necessaria quæquam poscere non audebant, &c. Tanto Apostolis stetit nomen Patris. Quidni ergo magni Thaumaturgi, & plusquam Apostolicorum miraculorum patratores Jesuitæ audiant, qui cum Regifico domiciliorum luxu, & insanis molium substructionibus orbem universum graviter à se offendi nequaquam ignorent, infirmos tamen paterna caritate suscipere, & offendicula eis de vita auferre

nihil pensi habeant, auditoribus, civitatibus, populis & Regnis graves sint & onerosi, ac velut ignis, nunquam dicant, sufficit; & à filiis thesaurizari sibi postulent; nec tamen ea causa minus Patrum nomen facile tutentur, & præ omnibus Religiosis xal' ἐξοχλῶ Patres appellari soleant? Taceo miracula illa Florentina, quibus Ignatii sanctitatem comprobare conati sunt, ab Alphonso de Vargas Relat. de Stratag. Jes. cap. 3. cum præscriptione versus

Nunc immensa cavi spirant mendacia folles;
memorata, dignissimæque lectu.

CCXXXV. Ignatii festum anniversarium die xxxi. <sup>Jesuita expun-
cto Ger-</sup> Julii celebrari idem Urbanus jusserat. Eò igitur impuden-<sup>mano, & in-
truso Lojola,</sup> tiæ Ignatiani mox provecti sunt, ut ex fastis & Calenda-^{temerantes} rio ipso Romano, eraso nomine S. Germani, qui eum si-^{fastos, repres-} bi diem hætenus vendicaverat, Ignatium suum substitue-^{se.} rint. Ea res in Gallia, quæ Germanum præcipuè colit, turbis occasionem præbuit. Et Condeus quidem Princeps, Jesuitarum facinori patrocinator finxit, sibi Romæ Jesuitarum festum eo die institutum præsentia sua cohonestanti, Ignatium vivum apparuisse. Displicuit nihilominus temeratorum fastorum nefas plerisque in Gallia, Germanum suum tanta contumelia affici quiritantibus. Lis ad Pontificem delata ridiculè ita decisa est, ut eodem die simul Germanus & Ignatius celebretur: quòd si simul stare nolle viderentur, expectaret Ignatius, ceu recentior, annum bissextilem, & diem, qui tum intercalatur, sibi eximium haberet. Laudi etiam ^{Jesuitissarum.} meritò datum eidem Pontifici, quòd edita Id. Jan. A. M. S. & ab Ur-^{bano abolita.} n. c. xxx. Bulla, in contemptum, uti putabatur, Jesuitarum, abolevit sectam Jesuitissarum, seu mulierum Jesuitici ordinis ac nominis, qui in Italia & Belgio caput exrens jam radices agere cœperat. In nonnullis Italia, ita Bulla loquitur, & Ultramontanis partibus certa mulieres, Jesuitissarum nomine assumpto, citra ullam Sedis Apostolicæ approbationem,

ab aliquot annis in unum convenire solita, vita religiosa prætextu, peculiarem & distinctum à cæteris habitum usurpârunt, ædificia in Collegiorum formam redegerunt, domos probationum erexerunt, in eisque Superiorem, ac prætensæ Congregationis suæ Generalem, indito Præpositæ titulo, & attributis facultatibus bene visis constituerunt, in illiusque manibus paupertatis, castitatis & obedientiæ vota ad instar solennium emittere, clausuraque legibus non adstrictæ pro libitu divagari, ac specie salutis animarum promovenda, aliâque permulta sexus & ingenii imbecillitati, & modestiæ muliebri, ac virginali præsertim pudori minimè convenientia, & quæ viri sacrarum literarum scientia, rerum usu, vitæque innocentia spectatissimi, difficile admodum, & non nisi magna circumspèctione adhibita aggrediuntur, attentare & exercere consueverunt. Sectam igitur illam, ceu arrogantem, contumacem, sanæ doctrinæ adversam, zizanium denique in agro Dominico pullulantem, ac proinde radicitus extirpandam, de consilio Cardinalium ac hæreticæ pravitatis, Inquisitorum, se penitus suppressisse, redegis se in nihilum, æternæ abolitioni subjecisse, ac à corpore sanctissimæ ecclesiæ amputasse, sub excommunicationis pœna, declarat. An verò penitus orcum subiverit novella illa mulierum religio, Jesuitæ saltem non ignorant.

Valle Telina

exigere Gallos

idem satagit.

CCXXXVI. Fervebat ob Vallem Telinam ab Hispano occupatam gravissima contentio Principum. Galliarum Rex, unâ cum Sabaudo ad recuperandam eam in Italiam expeditionem parabat. Ei Papa Urbanus obstitit, & per Barbarinum Legatum belli molem in Reformatos Galliæ avertere molitus est. Cùm non succederet intercessio, eodem Barbarino in Hispaniam legato, Clero, qui Hispano in Italia paret, imponi tributum petiit, suamque adversus Gallum tota Italia pellendum operam, ipso Galliæ Legato coram, obtulit. Arce proin S. Angeli, aliisque Romæ locis munitis, ad occupandam vallem Telinam se accingit, & Bullam etiam edidit, qua omnibus Basili-

cam

cam S. Petri, & Ecclesiam B. Mariæ trans Tiberim devotè visitantibus, & ibi Deum pro suæ Ecclesiæ exaltatione ab hostium conatibus in Italia cum primis, *que*, inquit, *illibata religionis studio jure optimo gloriatur*, defensione, hæresium extirpatione, Principum Christianorum vera pace ac imminentium in Europa necessitatum aversione oraverint, plenariam peccatorum indulgentiam elargitur. Neque segniter Papæ moliminibus Pallus restitit.

CCXXXVII. Durante eo dissidio A. M. D. C. XXV. *Occasione dissidii illius adversus Regem Gallia & Richelium libelli duo, sub his titulis: Admonitio ad Regem; & Myseria Politica. Summa librorum est, Regem in Gallia hæreticis, extra Galliam Catholicis bellum movere. Batavis enim Ordinibus contra Regem Catholicum eum opitulari: Palatinum in feuda sua restituere tentare: Reipublicæ Venetorum & Duci Sabaudia contra Genuenses & Valtelinis opem ferre. Impia hæc esse bella, juri Divino & naturali contraria, quocunque colore obumbrentur: Castigandos proin virga ferrea Reges Gallia, non secus ac olim Josaphatus castigatus est. Senatum Venetum & Sabaudum hypocritas esse, & procul fide catholica rei duntaxat suæ studere per ambitionem, quæ una ipsis loco religionis sit. Debere Philippum mutuas vices Ludovico, & si tuebitur adversus ipsum subditos rebelles, par pari relaturum. Richelium authorem esse matrimonii Anglicani, fæderis cum Batavis innovati, Valtelinæ in excidium Catholica fidei occupatæ. Tum quæstionculæ proponuntur & solvuntur. quas inter hæc etiam: Vtrum ipso facto Rex Gallia excommunicatus sit introductione hæreseos in Provincias externas, ubi Catholica religio una viguit ab antiquo? Vtrum pessimi consultores eadem censura teneantur? Vtrum fas sit subdito in tyrannum servire? Num expediat posita in extremis Gallorum Republica, eligi virum probitate & autoritate illustrem, qui religionis Protectorem se ferat? Solvuntur quæstiones in hanc sententiam: Regem Gallia ipso facto excommu-*
ni-

nicatum esse, quia Deo bellum movet, dum movet Catholicis; si perseveraverit, ipsius portionem infernum fore. Deinceps tum Pontificem Summum graviter hortatur, ut gladio ceu in membrum putidum utatur: tum Pontificios etiam Principes adversus eundem concitat. proposito etiam exemplo Henrici I V. non aliam ob causam, à Deo cœde multati, quàm quòd Principibus hæreticis, Brandenburgico & Neoburgico opitulari constituit. Concludit: *eandem esse gentis Austriacæ & Dei causam. qui Austriacæ genti obstitit, Deo ipsi obistere.* Constat jam, denuo cultros & gladios in jugulum Ludovici mox adigendos, acui. Clerus proin Gallicanus in Comitibus libellos ad incudem revocatos damnavit, simulque Stampesio Carnatensium Episcopo censuræ in Anonymum stringendæ negotium dedit. Compositus is Gallicè, & Clero exhibuit. Summam censuræ ejus capitulum Grammondus *Hystor. Gallie lib. xv.* recitat. Probantane verò in Comitibus Episcoporum, an improbatam Stampesii censura fuerit, gravis altercatio suborta est. Diversa scilicet Episcoporum, quorum Regi alii, alii Pontifici favebant, studia emicuerant. Atque id satis constat, indice eodem Grammondo, Censuram vehementer Pontifici displicuisse, eò quòd Regum & Principum Majestati quàm Pontificiæ addictior videretur. Qui proin etiam Clero Gallicano, perinde ac si eam improbasset, solennes gratias egit. *Hinc patet, ita Grammondus ὁμολογεῖν, quanto fervore Roma iurisdictionem in Reges suam tueatur, si quam habet.* Certè summus Pontifex Reges docet suo exemplo, uti jura ipsi

Ob censuram sua tueri in quoscunque debeant. Parlamentum contra censuræ Stampesii favens graviter in Episcopos pronuntiavit, & approbationem Censuræ inficientes urbe absistere jubet; multum refragante Clero, eò quòd Parlamento nihil adversus se autoritatis competat. Unde Curia ausum vocat irritum, intolerabilem, contra Dei cultum, autoritatem Regis.

Libelli ii à clero Gallicano damnati.

Ob censuram Stampesii dissidium clericum inter & Parlamentum oritur,

gis, & jura Ecclesie. Vicissim Curia Episcoporum Responsionem injuria & calumnia manifestam, in eversionem legum Regni fundamentalium factam, lacerandam & cremandam declarat.

Demum Rex summo jure litem ad se traxit, & quæ Anonymus adversus illum congefferat, in Regem Hispaniæ, Et à Rege ipse
finitur.

cui cum veteribus Mauris amicitias, nupera cum Muhammedanis fœdera, Lutheranorum Principum & Cosacorum auxilia; Christianis Principibus amicis & affinis adempta vano Religionis colore Regna & Principatus; fœdera cum Persis, Indis, Catecutis, aut Muhammedanis aut paganis, &c. objecit, masculè retorfit.

CCXXXVIII. Prodiit eodem anno in publicum Santarelli è Societate Jesu Presbyteri de summi Pontificis potestate liber, quo variis capitibus plura contra Regum authoritatem & jura continebantur. Titulus libro erat:

*Santarelli de
potestate Pon-
tificis liber
Regum pote-
stati iniquis-
simus.*

Tractatus de hæresi, schismate, apostasia, sollicitatione Summi Pontificis; & de potestate Summi Pontificis in delictis his puniendis. Roma apud heredem Bartholomei Lanoti M. D. C. XXV. Superiorum permissu. Cum & sollicitatione & permissu Pontificis liber hic editus sit, ejusdem interiora de sua & Regum potestate sensa eo contineri, dubium non est. Vin verò xueias dēgas, & decreta illius libri? Ejusmodi scilicet sunt: Papa habet in Principes potestatem directivam; ergo & correctivam. Summus ergo Pontifex potest hereticos Principes punire etiam pænis temporalibus; proin non solum eos excommunicare, sed & Regno privare, eorumque subditos ab obedientia liberare. Papa deponit Imperatorem propter ipsius iniquitates, & dat Principibus curatores, quando ad regendos subditos inutiles fuerint. idque etiam sine Concilio, quia Papa & Christi unum est tribunal. Papa potest deponere Reges non solum propter hæresin, aut schisma, aut aliud crimen tolerabile in populo, sed etiam propter insufficientiam; vel si non defendat ecclesiam. Potest etiam Reges negligentes, vel ob dictas causas pæna mortis ad aliorum correctionem & exemplum punire. Ea puniendi Reges morte etiam temporali potestas continetur in

munere pascendi oves Petro commissio. Pertinet enim ad pastores punire oves suas ea pœna, qua ratio indicat, illas esse puniendas. Si igitur propter bonum commune aliquando prudentia & recta ratio exigat, ut pœnis temporalibus Principes inobedientes afficiantur, potest summus Ecclesiæ pastor eas pœnas iis imponere. Nec enim Principes sunt extra ovile Ecclesiæ. Ausus insuper est verba Apostoli 2 Cor. x. 8. Deus nobis dedit potestatem ad ædificationem non ad destructionem; deleta vocula non contrarium in sensum torquere. Has scilicet ferientes sententias adversus Principes liber ille loquitur. Vix prodiit liber, cum in Gallia Collegium Sorbonæ acri censura authorem perstringit, & supremæ Curix decreto carnificis manu liber comburitur. Dicta quin etiam die, Collegii Claromontani Rector, præcipuique ex societate Jesu in Collegio eo Theologi, ad iudicium citati, respondere ad interrogata Senatus, & iudicii sui de Santarelli dogmatibus copiam facere coguntur. Omnium nomine P. Cotonus interrogantibus respondit, & metu gravi, ne denuo solum vertere Societas cogeretur, tum Santarelli doctrinam verbis saltem improbat; tum fassus etiam est, doctrinam eam Romæ à Generali Societatis suæ, cæterisque fociis probari. quod negare, cum Generalis Jesuitarum, Mutii Vitellesci approbationem præscriptam liber habuerit, integrum non fuit. Sed quare, subjecit Cotonus, imputabitur nobis error Transalpini, cui nemo nostrum subscripsit in Gallia? Interroganti Senatui, anne Summo Pontifici jus sit in Reges, adeo ut excommunicare, & ab eorum obsequio liberare subditos possit? idem Cotonus in hæc verba respondit: Absit verba invidia! Excommunicari Christianissimum Regem? Absit omen. Quis credat primogenitum Ecclesiæ futurum aliquando matris hostem, quam protexit semper & protegit? Quis excommunicandum, qui continuo pugnat heresi in Regno suo extirpanda? Quæsitus, an diversam ergo à Generali Societatis sententiam Galli

Sorbonæ adversus eundem censuræ acris.

In Jesuitas Claromontanos de eodem instituta inquisitio, malam eorum conscientiam profert.

Jesuitæ teneant, respondit: *Qui Romæ degit Præpositus noster Generalis vix est ut improbare possit, quod Roma probat. Interrogante Senatu: Quid si essetis Romæ?* respondit Cotonus idem: *Mutaretur nobis cum Cælo animus, sentiremus ut Romæ.* Anquiriti, ut sine ambagibus & subterfugio omni suam de Romanæ Sedis in Reges potestatem sententiam proferant, exigui temporis ad deliberandum moram cum petiissent, triduo elapso præcipui è Societate ad Regem missi palam Santarelli doctrinam abdicarunt, exhibito instrumento publico in hæc verba concepto: *Nos subsignati declaramus, Santarellum perperam de Regibus & eorum auctoritate scripsisse, quam diffitemur doctrinam, agnoscimus & profiteamur, Regum immediatam esse à Deo potestatem, independensque ipsis ius esse in subditos, cui sententia ut veræ nostro omnium sanguine subscribitur, si opus, non secus ac censuris, si quæ à Clero Gallicano aut Sorbona in ejusmodi libros edentur. Promittimus insuper futuram nobis posthac unam & eandem super ea questione cum Sorbona, clero, & Regni Gallici Academiis sententiam Actum Lutetiam xvi. Martii M. D. C. xxvi.* Suscripserunt primore loco Cotonus, & quindecim alii, omnium nomine. Et hic quidem Jesuitis fuit *ἡμῶν ἐν γὰρ* Lutetiæ, aliter longè, uti Cotonus ipse falsus est, arbitraturis, si Romæ vixissent. Neque enim eadem confessoribus illis conscientia Lutetiæ & Romæ fuit. Quanquam beneficio novi linguarum doni, quod iis obtigisse supra Scioppius dixerat, byssina verba sua interpretari pro lubitu, juxta ea etiam, quæ s. ccxiv. diximus, in proclivi erat. Hæc tamen fide ipsius Grammondi, Tholosani Parlamenti Præsidis, Pontificiisque adeò partibus addictissimi, relata, Jesuitarum versutiæ, diversis fidibus eandem fidem ludentium, certissimam fidem faciunt.

CCXXXIX. Cæterum Cotonus tædio interrogatoriae illius actionis, qua cum præcipuis ex societate ex-

*Cotonus tædio
inquisitionis
illius moritur.*

*Ejusdem
quæstiones cu-
riosæ demoni
Hadriane
Fraxinea
propositæ.*

tra ordinem pulsatus fuerat, statim morbo correptus, facti legem implevit. Atque hic ille Cotonus est, qui Henrici I. V. apud quem nunquam non flagranti in gratia erat, conscientia admotus, digna scilicet Theologo curiositate, non Dodonæam quercum, sed atrum Ditis tripodem excutiens, ex puellæ Pythonissæ, Hadrianæ Fraxinæ, Gerbiniaco pago in Ambianis natæ, impuro, quo misera corripiebatur, spiritu scissitari ausus est multa, quæ aliunde cognoscere spes non erat. Inter alias has etiam dæmoni quæstiones movebat: *quid se spiritus scire velit circa Regem? quid de tempore, quo Calvinî hæresis extinguetur? quid circa Geneva plagiarium? quid circa Geneva conservationem? qua ratione converti Rex Angliæ, Regina & Regnum maximè & facile queant? Turcus, qua supplantari ratione, qua converti infideles? quid circa bellum Regis cum Hispanis & hæreticis? an lingua sint à Deo? quis evidentissimus Scripturæ locus ad probandum purgatorium & invocationem Sanctorum? quomodo animalia in arca Noæ capi potuerint? qui filii Dei filias hominum dilexerint? pedibusne inceserit Serpens ante Adæ lapsum? qui sint septem spiritus ante thronum Dei? quomodo insula animalia acceperint, & eò homines post Adamum pervenerint? ubi paradysus terrestris? quota pars conciderit Angelorum? aliàsque plures, quas ordine Thuanus *Hist. lib. cxxxii l.* recenset. Quærendorum horum aliorumque indicem, manu propria & Latina lingua exaratum, in libro exorcismorum, ab amico commodato accepto, cum per incuriam Cotonus reliquisset, atque is per multorum manus volitasset, tandem Ronius Marchio manu agnita, Regi ipsi exhibuit. qui re in occulto minimè probata, Romio, ut autographum retineret, neque alii daret, enixè imperaverat. Evulgatum tamen post Rex indoluit, quod provideret futurum ut apud bonos prudentesque multum Cotonî, cujus ipse opera & industria, ut sibi videbatur, in multis rebus usus esset, existimationi ex ea occasione detraheretur.*

CCXL. Edidit Urbanus duobus post annis Kal. April. M. D. C. XXVI. repetitam Bullam Cœnæ Domini, totidem verbis, quibus etiam Paulus V. sexto Id. April. A. M. D. C. X. eandem vulgavit. Titulus bullæ est: *Excommunicatio & anathematizatio hæreticorum cujuscunque sectæ, eisque faventium, auxilium aut consilium quoquo modo præstantium, ac schismaticorum, vel libertatem ecclesiasticam perturbantium, aut his, quæ in ista Bulla die Cœnæ Domini legi solita continentur, contravenientium.* Conflata est ex diversorum Pontificum constitutionibus & bullis die Cœnæ Domini recitari & progressu temporis mutari, augeri solitis. quas Cherubinus Bullar. tom. 3. pag. 248. nota bullæ Pauli V. præfixa indiget. Consuetudinem antiquam Julius II. bulla tali Kal. Martii A. M. D. XI. edita allegat. *Consueverunt, inquit, Romani Pontifices prædecessores nostri, ad retinendam puritatem religionis Christianæ, & ipsius unitatem, quæ in conjunctione membrorum ad unum caput, Christum videlicet, ejusque Vicarium, principaliter consistit, & sanctam fidelium societatem ab offensione servandam, arma justitiæ per ministerium Apostolatus in præsentī celebritate exercere. Tum ex parte Omnipotentis Dei, Patris, Filii & Spiritus S. auctoritate Beatorum, Petri & Pauli, ac sua, anathemati subjicit omnes hæreticos, Gazaros, Patarenos, Pauperes de Lugduno, Arnaldistas, Speronistas, Passagenos, Viclefistas seu Vssitas, Fratricellos de opinione nuncupatos, & quoscunque alios hæreticos, &c.* Primus Paulus III. Bulla Cœnæ Id. April. A. M. D. XXXVI. edita, post Fratricellos nominavit *impiam & abominabilem Marthini Lutheri hæresin, per Leonem P. P. X. superioribus annis damnatam, sequentes, ipsique Martino, quò minùs puniri possit, quomodo libet faventes.* Gregorius XIII. simili bulla, septem articulis auctiore, prid. Non. April. A. M. D. LXXXII. edita, omissis aliis exprimit *Vssitas, Viclevitas, Lutheranos, Zwinglianos, Calvinistas, Vgonottos, Anabaptistas, Trinitarios ac omnes & singulos hæreticos &c.* Ne-

Urbanus Bullam Cœnæ Domini renovat.

Ejus origo & mutationes variæ.

que aliter Paulus V. & Urbanus VIII. Excommunicantur eadem bulla omnes ab ordinationibus seu mandatis Romanorum Pontificum ad universale futurum Concilium appellantes; nec non appellantes à gravamine, seu futura executione literarum Apostolicarum, etiam in forma Brevis, ad Curias Seculares; impediētes executionem literarum Apostolicarum, vel aliarum expeditionum, & alias causas à iudicibus ecclesiasticis advocantes, seu cursum earum impediētes, aut se in illis ut iudices interponentes; etiam si Imperiali, Regali, Ducali &c. dignitate præfulgeant: iudices Seculares trahentes personas Ecclesiasticas ad sua tribunalia; nec non qui statuta, ordinationes, constitutiones pragmaticas, seu quavis alia decreta in genere, vel in specie, ex quavis causa, & quovis quesito colore ac etiam prætextu cuiusvis consuetudinis aut privilegii, vel quomodo libet fecerint, & publicaverint, vel factis & ordinatis usi fuerint. unde libertas ecclesiastica tollitur, seu in aliquo leditur vel deprimitur, aut quovis modo restringitur, &c. Quibus, aliisque etiam sequentibus Reges ipsos & Ecclesias Galliæ, libertates ejusmodi sibi vindicantes, stringi, & diro anathemati quotannis à Pontifice subjici, adeo manifestum est, ut non aliam ob causam Bullam illam in Gallia prohibitam rejectamque & Capucinos Archangelum Puteanum, nec non Alphonsum prætextu Bullæ ejus se coram Magistratu Seculari sistere renuentes, & patrocinantes iisdem Brulartum Curatorem Provincialam & Benedictum Angelum à Senatu supremo graviter increpitos, declarationem eorum laceratam, & decretum ipsum in cœnobio Capucinorum vocatis universis fratribus recitatum, Thuanus *Histor. lib. c. XXI II.* testetur. Tametsi verò Petrus de Marca *de Concordia Sacerdot. & Imper. lib. I. II. IO.* omem lapidem moveat, ut anathema isthoc à capite Regum Franciæ amoliatur, prætexens, Reges suos in iis, quajure Regio agunt, perstringi non posse; in cæteris Bullam esse tantum comminationem & protestationem; Bullam illam non esse receptam

Reges & Ecclesias Galliæ in ea excommunicari, adversus P. de Marca assertur.

in Gallia; Reges Gallia ex privilegio, non comprehendendi excommunicatione generali; consuetudines privilegiarias meritis Regum innixas, per Bullam non censeferi revocatas; eximia quaedam jura in rebus ecclesiasticis esse penes Reges Franciæ &c. efficere tamen fanè non poterit, quin, si quisquam alius, Rex Galliæ in Bulla ex Pontificis Romani intentione perstringi intelligatur. quo jure, Divino, an Papali, non disputo. Difertè enim prætextus Marcæ diluuntur §.24. ubi Bulla quibuscunque contrariis derogans, negat obstare privilegia, indulgentias, indulta, & literas Apostolicas generales, vel speciales, aliquibus cujuscunque ordinis, status, conditionis & præeminentiæ fuerint, etiamsi Pontificali, Imperiali, Regali seu quavis ecclesiastica & mundana dignitate præfulgeant, etiam per viam contractus aut remunerationis &c. concessa.

CCXLL Sub finem Octobris A. M. D. C. XXV I I I. Ruppella, Galliæ emporium & propugnaculum fortissimum, Euangelicorum asylum, ultra annum à Rege Ludovico XIII. administrante Armando Plesseo Richelio Cardinale, obsessa, fufis Anglorum auxiliariis copiis, à fociis etiam malignè destituta, tantæque jam fame pressa, ut pane carnisque deficientibus, cute, corio, radicibus, cadaverum carnibus obsessi vescerentur, & mater filiam, soror fratris digitos derosos esturiam dapem absumeret, denique fame invalescente sola quindecim hominum millia extinguerentur; sese Regis arbitrio dedere coacta, victoris jugum subivit; magnoque, cui hætenus in mundo quidem, innitebantur, præsidio Euangelicos, precaria deinceps libertate fruantes, destituit. In Templo D. Margarethæ, Rege & Richelio præsentibus, S. Ambrosii & Augustini hymno decantato, Sufrenius Jesuita concionem habuit, explicans textum Davidis: *Persequar inimicos meos & comprehendam illos, & non revertar, donec deficient.* Incredibilem lætitiâ ea victoria attulit Urbano Pontifici, qui gra-

Ruppella à Ludovico XIII. Euangelicis crepta.

Urbanus leti-
tia inde con-
cepta à fos-
Halla objur-
gatur.

tulatus Regi inter alia scripsit: *Vox exultationis & salutis in tabernaculis. Videat peccator & irascatur, & Synagoga Sathana contabescat.* Cui insolenti triumpho & ἑταῖροι περὶ αἰῶνας crimini Josephus Hallus, Episcopus Exoniensis Anglus, publico scripto respondit, sic inter alia Urbanum graviter affatus: *Audi, Pontifex Urbane, quod brevi pro tremendo Christi tribunali exaudies pallidus. Pastorem Christiani gregis parum decent ha sanguinea litera! tunc ad arma tristis praeo conclames? tunc, ut Christianos Principes, nimio quàm plenos cruoris, ad profligationem suorum clademque horrendam acriter instiges? ideòne tibi credita claves, ut ferratas belli portas, eburneasque Ditis inferni aperires? Euge Petri umbra, numquid hi tibi Malchi videntur, quibus dum aures praecidere voluisti, levi errore in guttura incidisti? aut numquid de quadrupedibus hisce in Gallia stabulantibus, dictum tibi pridem cœlitus, occide & manduca? Similem ejusdem Urbani gratulationem Bredâ occupatâ Isabellæ & Spinolæ factam paulò ante A. M. D. C. XXV. apud Johannem Jonstonum *Rer. Britan. lib. 2 I. p. 663.* legere est. Neque tamen vel sic Pontifex Regem ad excidium omnium in Regno Evangelicorum inflammans, destinata apud ipsum perfecit. Sic enim DEUS cor Regis flexit, ut eos edicti Nannetenensis beneficio frui ulterius permiserit.*

Pontificum &
Jesuitarum
in Æthiopia
seu Habessin-
ia Sedi suæ
subjicienda
conatus,

CCXLII. Non eadem Pontifici in Habessinorum, seu Æthiopum Christianorum, quæ in Galliæ Regno, fortuna risit. Jam pridem Regnum illud, olim florentissimum, at superiore Seculo Adelsensium bellis, post etiam Gallanorum vi atque feritate ita debilitatum, ut vix hodie Habessiniam in ipsa Habessinia invenias, Sedi Romanæ subicere Pontifices tentaverant. Et sub finem quidem Concilii Florentini, A. M. cccc. xxxix. Rex Habessiniae Zera-Jacobus ad Eugenium IV. legationem miserat, nulla re memorabili gesta, quanquam de ea nescio quid Romani gloriantur. Superiore iterum Seculo Franciscus Al-

varezius, Lusitanicæ legationis in Æthiopia Sacerdos, literas à Rege Æthiopum Davide Clementi VII. A. M. D. XXXIII. obtulit, simulque reverentiam & obedientiam Regis nomine ei obtulit. In spem sic erectus Papa est, fore ut damna, quæ jam in Occidente passus est, brevi Oriens & Meridies refarcirent. Mansit species quædam amicitix diu. Nam & Paulus III. Johannis Bermudis Romanam missi, ut auxilia pro Davide aliquoties victo peteret, ordinationem à Metropolitano Marco adeoque schismatico Præsule factam, confirmare non dubitavit. Spes sic affulsit, Regnum ecclesiæ Romanæ subjici posse, annitentibus imprimis Ignatio Lojala, & Nonio Berreto, cui à Julio III. Patriarchalis in Æthiopia dignitas conferebatur, quamvis eodem titulo jam ante à Pontifice Bermudes ornatus fuerit. adjuncto eidem Andrea Oviedo Episcopo, qui rem tum colloquiis sacris, tum asperis etiam remediis tantarum frustra. Initio hujus Seculi nova tentata missione P. Petrus Pays Jesuita eò rem provexit, ut Zedengelus Rex scriptis ad Clementem VIII. & Philippum III. Hispaniæ atque Lusitaniæ Regem, amicitiam suam obtulerit, nec non milites, opifices & Patres è Societate Jesu, qui subjectos suos erudirent, petierit. quam ob causam à suis nova hæc molimina iniquo animo ferentibus occisus est. Ei post Jacobum succedaneus Rex Susneus, Romanis favens, colloquiis cum Jesuitis publicè institutis, eousque processit, ut edicto in Romanorum favorem condito, post turbas graves tum in Regno, tum ab Alexandrinis motas, publicè Alexandrini Patriarchæ excusso iugo, Romanam religionem amplexus, declaraverit, se Papæ Romano, Petri successori, utpote qui nec in fide, nec in moribus errare possit, obedire velle; subditos, ut idem facerent, adhortatus. Rebus ita ex voto fluentibus, Urbano Pontifice, & nominante Philippo IV. ex Jesuita-

rum ordine creatus est Æthiopiæ Patriarcha, Alphonsus Mendez, natione Lusitanus, Vir celebris, qui fuetis ceremoniis Ulyssiponæ consecratus, mense Majo A. M. D. C. XX. I. V. Goam Indiæ appulit, ac inde in Habessiniam ad Regem penetravit. qui mox in genua procumbens in verba Summi Pontificis Urbani hoc modo juravit: *Nos Sultan-Saghedus*, (Susnei hoc nomen) *Rex Regum Æthiopiæ, credimus & confitemur, quòd S. Petrus, Princeps Apostolorum à Christo Domino nostro caput totius Ecclesiæ Christianæ constitutus fuerit: & quòd Principatus atque potestas in totum mundum ipsi data fuerit, dum illi dixit: Tu es Petrus, & super hanc Petram ædificabo ecclesiam meam: & dabo tibi claves Cælorum; & alia vice, cum illi dixit: Pasce oves meas. Similiter credimus, Papam Romanum legitime electum, verum successorem S. Petri Apostoli in regimine esse: eumque eandem potestatem, dignitatem & primum totius ecclesiæ Christianæ tenere. Igitur S. Petri Successori Urbano VII. hujus nominis per Dei gratiam Papæ & Domino nostro, & successoribus ejus in administratione Ecclesiæ promittimus, offerimus & juramus veram obedientiam, & humiliter personam atque imperium nostrum pedibus ejus subjicimus. Sic Deus nos juvet, & sancta hæc Evangelia. Idem post Regem Basilides, futurus successor, fratres Reges, Pro-Reges atque Proceres omnes, nec non Clerici & Monachi præsentés jurarunt. Pronuntiatum simul est anathema in omnes juramenti hujus futuros immemores, & secuta sunt edicta, ne quis impostero Missam diceret, aut ullo officio ecclesiastico fungeretur, sine licentia Patriarchæ; utque omnes sacra Romana sequerentur; nec quisquam rebellibus (Romano Pontifici obsequium negantibus) receptum daret; qui secus faxit, supplicio afficeretur. Post ædificata in Debson Sedes Patriarchalis, & diversis in Regni locis pro Jesuitis, quos secum Patriarcha adduxerat, Residentiæ extructæ sunt; introductum quin etiam computum Romanum, baptizati ordinatique denuo, qui jam ante bapti-*

gati & ordinati Alexandrino ritu erant; institutum seminarium sexaginta puerorum Habessinorum & Lusitanorum, comœdiæ agitatae Europæo more, in quibus etiam producti Diaboli Habesinos graviter terruerunt. Jámque etiam Romanus ille Patriarcha excommunicare leves ob causas; sepulti, qui Alexandrinam religionem tenebant, in locis Romano ritu dedicatis, refodi & foras projici; malefici infcio Rege in carceres compingi; & nonnulli etiam, ministro sævitiae Ras-Seelaxo, occidi cœperunt.

Unde turbis in Regno atrocibus subortis, & Rege ab iis, qui Romanis infensi erant, impetito, Rex ipse tandem, suspicatus, quod res erat, peregrino se imperio subjici, à Patriarcha & Jesuitis alienior redditus, primùm invito Patriarcha veteres ceremonias indulgit, tum religionem Alexandrinam restituere, Romanam abolere certus, prospera cum rebellibus pugna (dolens tantum sanguinis jam ob Romana sacra profusum) Alexandrinorum persuasione, Reginae & filii precibus inductus, frequente Procerum Concilio de restituenda religione Alexandrina decretum condidit; atque illud nequicquam Patriarcha ringente, minante, & rebus deploratis ad preces supplices converso, temperamentumque suadente, promulgari, magno cum populi, cleri inprimis, applausu curavit. Mox templa Romanis adempta, & post mortem Susnei, victo Ras-Seelaxo, Romanorum partium duce; Jesuitæ bonis armisque quæ inter bombardas plures habebant, exuti, Fremonam ablegati, tandemque una cum Patriarcha, mense Majo A. M. D. C. XXXIV. toto Regno, frustra ab Indis aliisque auxilia sollicitantes, expulsi sunt. Et qui residui erant in Regno, Episcopus puta Apollinaris Almegdas, & Patres nonnulli, Hyacinthus Franciscus, Ludovicus Cordeyra, alii, variis casibus jactati, plerique etiam suspendio sublati; & ipsi Jesuitarum fautores Habessini

Urbani tempore infelicem exitum sortuntur.

occisi sunt. Accepto rei prorsus improvise nuntio Papa percussus, ratusque, odio mero adversus Jesuitas & nationem Lusitanicam, mutationem contigisse, aliam quercum excutere properus, sex Capucinos Gallos, quos mitiores & devotiores facilius receptum iri confidebat, in Habessiniam legavit; ex quibus duo à Castris occisi; duo in Habessinia lapidati; duo metuentes sibi domum reversi sunt. Demum tres alii Capucini spe melioris fortunæ secuti, cum in Suoquenam venissent, petente Negusco (hoc Regibus Habessinibus nomen) à Bassa Suaquenæ Turcico capite plexi sunt; tandemque etiam ultimus Jesuitarum, Bernhardus Nogueyra suspendio vitam finivit. Hunc exitum habuit Pontificia in Habessinia Romanæ Sedi & dominationi subjuganda præpostera contentio & negotiatio omnis, cujus feriem ex Balthasaris Tellezii & Gregorii Habessini scriptis dictisque Nobilissimus & Celeberr. Jobus Ludolfus, Linguae & rerum Habessinarum ad stuporem usque doctus, Fautor noster Summus, in Historia Æthiopica, quam amplo etiam commentario locupletatam anxie eruditus orbis expectat, magno judicio parique fide collegit.

Similis catastrophen fuit moliminum in subjuganda Romana Ecclesia Japonia.

CCXLIII. Neque dissimilem circa eadem ferè tempora catastrophem Pontificia in Japonia etiam, & paulò ante in Sina non tam Christiana salutari fide imbuenda, quàm Pontificis libidini subigenda, machinatio omnis fortita est. In nullum quidem vel Orientis vel Occidentis Regnum Christiana religio feliciore successu introducta, in nullo crudeliori denique persecutione profligata est. A. M. D. XLII. primi ex Europa Lusitani in Japoniam delati sunt. Franciscus Xaverius cum duobus sociis Cosmo Turriano, & Johanne Fernando, opitulante Angero Japonio, Linguae Lusitanicæ non ignaro, & discendæ religionis Christianæ desiderio ardente, quique jam tum baptizatus Rauli à Sancta fide nomen habuit; Evangelium (purum,

an interpolatum heic non disputo) primi in eo Regno prædicarunt. Statim Rex edicta promulgavit, testatus, placere sibi Christianam religionem, & in ditiones suas induci cupere. Quatuor jam civitates, Congoxima, Firan-dum, Amongucium & Bungum Christianam fidem amplexæ erant. Post Xaverii A. M. D. LII. in indiam reversi discessum successerunt ex eadem Societate plures, qui progressu temporis magnam Japoniæ partem ad Christiana sacra traduxerunt, passim templa & Collegia extruxerunt. Conversi etiam sunt tres Reges, Bungi, Arrymæ & Omuræ, qui A. M. D. LXXXI. procurante Alexandro Walignano, Jesuitarum Visitatore generali, Romam missis legatis, ubique magnificè exceptis, & splendidis muneribus mactatis, Gregorio XIII. obedientiam promiserunt. Scilicet Jesuitæ legatione isthac, ex magnificentia Ecclesiæ Romanæ religioni, quæ splendori & magnificentiæ externæ plurimum debet, Pontifici inprimis apud Japones authoritatem fidemque se conciliaturos, eximium ordini suo decus & famam inde comparaturos, denique ingens inde lucrum reportaturos sperarunt? Maximam enim partem munerum, quæ tum Pontifex, tum Hispaniæ Rex per Legatos Japoniæ Regibus illis transmiserunt, Jesuitas sibi vindicasse, Varenius *de Relig. Japon. cap. 6.* testatur. Id quoque à Papa Gregorio & Rege Hispaniæ iidem impetrarunt; ut sine ipsorum consensu nemini vel Lusitano, vel alii etiam Christiano in Japonia sedem domiciliūque figere liceret. Neque Gregorius aliis quàm Jesuitis potestatem in Japonia prædicandi concessit. Sed extendit eandem mox Clemens VIII. ad Ordines mendicantes, siquidem ita necessitas postulaverit; ita tamen, ne fas sit nisi per Lusitaniam, atque inde Indiam & civitatem Goam, Japoniam, Chinam & finitima Regna intrare. Demum Paulus V. etiam per aliam viam, quàm per Lusitaniam in

*Persecutio
immanis Ja-
ponum ad-
versus Chri-
stianos à Je-
suitis conver-
sos.*

Japonicas, aliásque proximè adjacentes insulas aditum concessit. Itaque frequente Religiosorum Jesuitarum cumprimis, cæteris palmam facilè præripientium, in Japoniam accursu Christiana ibidem fides incrementa indies majora cepit. Et jucunda quidem fuit protasis; grata epistasis; sed miserabilis & ingratissima catastrophæ. Vix enim profundiores radices religio Christiana egerat, cum radicitus extirparetur, & innumerorum Christianorum sævissimè profuso sanguine suffocaretur. Exardescens enim adversus Christianos omnes primùm A. M. D. C. XXII. persecutio, aliquot annos continuata est apud eundem Varenium, Rejero Gysberto Belga ad A. M. D. C. XXIX. usque, at Caronio etiam ultra ejus historiam lugubrem planè producente. Et primo quidem capite plecti & cruci affigi cœperunt. Cùmque hilariter animo supplicia isthæc à Christianis tolerari persecutores cernerent, ad truculentiora & sæviora in dies progressi, alios palis alligatos lento exiguoque igne cremârunt; alios cratibus impositos assârunt; teneras virgines & uxores toto corpore nudas per compita tractas, impurorumque libidine palam corruptas, demum prægrandibus ligneis cupis plenis serpentibus imposuerunt, serpentibus in pudendas partes irrepentibus incredibili eorum dolore, donec veneni vis vel cruciatus intolerabiles mortem attulerunt; alios ferventibus aquis ad necem usque ustulârunt; alios suspenderunt pedibus fursum elevatis, & patibulo alligatis, capite ita deorsum pendulo, ut umbilico tenus in foveam quandam corpus immitteretur; quorum etiam ne sanguine suffocarentur, cutem capitis decussatim disciderunt, quò per scissuras sanguis exstillando exitum inveniret; alios (quod novissimum & deinceps usitatissimum Christianorum supplicium fuit) dissecto tantùm ventre ita suspenderunt, ut post ineffabilem cruciatum nono demum vel decimo etiam die,

die , ad extremum usque cum ratione verba facientes , spiritum Deo redderent. Quibus suppliciorum horrendorum generibus multa Christianorum tum advenarum , tum Japonum ad Christum converforum , millia , non multos intra annos , miserè extincta sunt ; hanc , si à Bonziorum Sacerdotum adversus Christianos æmulatione perpetua discefferis ; præcipuè , uti putatur , ob causam , quòd Hispani ferociùs insolentiùsque se gerentes dominationem affectare , & Jesuitæ concionibus tribunitiis subditos ad seditionem & rebellionem adversus Superiores minùs sibi addictos concitare , Regnùmque amplissimum alienæ libidini subjecturi visi sunt. quod posterius etiam ex Almeida epistola Varenius probat. Nam quòd de Belgarum mala fide Jesuitæ mussitare ausi sunt , Jesuitico more id fecerunt , neque fide digno testimonio ullo id comprobârunt. Neque tamen Urbanus Papa de re Christiana apud Japones in integrum restituenda prorsus spem abjecit. Is quippe Bulla die XXI I. Febr. A. M. D. C. XXXI I I. edita , ultra superiorum Pontificum decreta , missionem ad Japonicas & aliarum Indiarum Orientalium Regionem , ad Religiosos cujuscunque demum ordinis extendit , & impediētes missionem excommunicationis latæ sententiæ vinculo innodavit. Sed frustra ille Romæ decreta cudit , & adversus imparentes fulmina conflavit , dum interea Saguntus periit , & funditus pessum ivit. Ita enim persecutio ingravescens indies deinceps quoque arsit , ut jam A. M. D. C. XL. sanguinis Christiani in universa Japonia ne reliquæ quidem ullæ repertæ sint ; & Belgæ commerciorum duntaxat gratia , nullâque stabili sede gaudentes , insulam eam non sine periculo , rigidisque adeò legibus & interdiktis constricti , frequentent , argumenta gravissimi judicii Divini adversus tum impiam cœcamque gentem , tum eorum etiam consilia , qui specioso religionis , forte

*Ejus causa
fuit Hispano-
rum & Jesui-
tarum consi-
lium de Japo-
nibus legiti-
mo Regi sub-
ducendis.*

non

Simile Pontificiorum factum in Sina.

non bona etiam ubique fide, saltem prævia vocatione legitima nulla, tradita, obtentu suis duntaxat commodis inhiantes, non tam oves, quàm ovium lanam quæfiverunt. Nec in Sina feliciorum res Jesuitarum successum habuere, ubi in aula Pekingensi, apud Imperatorem Vanlieum potentes, sua temeritate, & improvida Profelythismi, seu potius Pharisæismi propagatione, horribilem A. M. D. C. XV. persecutionem Christianis suis conciverunt. Bonzii enim videntes, lucrum suum à nova religione imminui, & ad peregrinos Sacerdotes transire, sacra quin etiam sua universa vilescere, non ante quieverunt, quàm eos, tanquam *priscae religionis eversores, & Astrologia Sinensis destructores*, in Nankingensi Metropoli in carceres conjicerent. quos inter etiam fuit P. Alvaro Semedo, qui totam hanc tragœdiam descripsit.

Urbanus Cæsaris est Hispani in Germania potentiam suspectans, adversus eos Gallum inflammat.

CCXLIV. Mirè deinceps Deus Ecclesiæ Romanæ labium confudit, excitatis in ea dissidiis, & tantum non dextris ejus in se invicem armatis. Et primò quidem potentia Hispani & Cæsaris, prosperis in Germania successibus increfcens, ita jam Pontifici Urbano suspecta esse cœpit, ut Regi Galliæ non obscurè favens, eundem admonerit, *ne statum Germania proculcari sinat*. Qua admonitione sponte currentem Gallum, adversus Cæsarem & Hispanos excitavit magis. Duravitque Urbani adversus Hispanos malivolentia, etiam post inclinatam eorundem per stupendos Suecorum Regis, Gustavi Adolphi, Herois incomparabilis, qui nixus præpotenti Dei manu, exiguis primùm copiis, auxiliis pene nullis, Germaniam jugo Austriaco-Hispanico, orbem universum metu liberavit, progressus, fortunam. Tum enim infensum erga Hispanos animum prodens, Legato Hispanico in pleno Cardinalium confessu dicere in os non dubitavit: *Hispanum suam tyrannide & regnandi libidine effecisse, ut boni Catholici debeant exul-*

exultare in victoriis hæreticorum. In Hispania contra Jesuita quidam Duci Olivario à secretis confessionibus, abdicato genio Jesuitico, librum edidit *de potestate Pontificis*, quo eum Romæ suæ affixurus, palam docuit: *Omnem potestatem, quam capitis ecclesiæ titulo in Christianum orbem sibi Papa vendicet, meram usurpationem, intrusionem, violentiam esse: non existente Papa in alio (& forte etiam in isto) nulla est prerogativa supra alios Episcopos, nisi quantum ad dignitatem accidentalem, non ad superioritatem jurisdictionis: Non habet in sua quaque diœcesi, minorem quoad hoc jurisdictionem episcopi, quam habeat Papa in suo Episcopatu S. Johannis Lateranensis. Papa non est supra Concilium, sed contra: Proinde excommunicatio Bullæ in Cœna Domini adversus eum, qui à Papa appellaverit ad Concilium, est injusta, invalida, intoleranda.* Hispanis ita à Pontifice dissidentibus, in eo consilia stetisse ferebantur, ut à Pontificibus auferrent collationem beneficiorum Ecclesiasticorum in illo Regno, ac erecta ibidem, quam vocant, dataria, eos argento, quod inde hætenus perceperant, multarent.

Jesuita Hispanus edidit librum Papa potestatem infringit.

Hispanorum adversus Urbanum consilia.

CCXLV. Graves etiam paulò post intestini motus Papatum concusserunt, occasione quæstionum de œconomia gratiæ Divinæ, Molinistas inter & Jansenium, ejusque asseclas, quorum utrique Papam Romanum agnoscebant, vehementer agitata. Cornelius Jansenius, Episcopus Iprensis in Flandria, Vir doctissimus, & S. Augustini cum primis scriptis, quæ in universum omnia decies, seorsim verò libros de Gratia & Libero arbitrio, tricies, Liberto Fromondo teste, legit, innutritus, librum scripserat, titulo: *Augustinus; seu Doctrina S. Augustini de humane naturæ sanitate, agritudine, medicina adversus Pelagianos & Massilienses; tribus tomis comprehensa.* Prodiit liber, verè demorsos sapiens unguis, biennio post mortem Authoris, A. M. D. C. XL. procurantibus Fromondo, Caleno, & Reginaldo Lamæo executoribus testamenti ejus. In universum

Dissidii Jansenistas inter & Molinistas in Belgio & Gallia erumpentis historia jusc narrata.

eo damnatur Theologia Scholastica, quòd in ea Epicuræa, Platonica & Pelagiana dogmata contineantur. Acri inprimis censura perstringitur. Molino-Suarezii, Fonsecæ, Lessii &c. de Scientia media opinio periculosissima omnium, utpote quæ hominem *ἀνελξαίον*, adeoque Deum facit. Præterea ex Augustini sententia asseritur, *gratiam Dei operari irresistibiliter; esse eam particularem, etiam ex intentione Dei antecedente; nullam esse sufficientem, nisi quæ actu secundo beatitudinem consummat; Christum pro solis electis mortuum esse.* Qua in doctrina ita Reformatis suffragari visus est, ut nomen ejus, *Cornelius Jansenius*, nonnulli invidiam auctori conflaturi, per anagramma reddiderint: *Calvini sensus in ore.* Primùm atque lucem liber aspexit, in Belgio & Gallia, apud Sorbonam inprimis, ingentem applausum meruit, habuitque. Lætati doctissimi quique sunt, Augustini doctrinam, per Helenam illam Jesuitarum, aliorumque Theologiam Scholasticam sepultam reviviscere. Sed quò magis lætabantur illi, hoc infestiores se doctrinæ ei tristioresque gerebant illi, qui fodales suos, Molinam, Suarezium &c. eo opere aperto Marte oppugnari, & Pelagianismi etiam nota aspergi, dolebant non parùm. Unde statim Augustinus ille Jansenii non tantùm à privatis scriptoribus, Jesuitis, Dionysio Petavio, Isaco Hoberto, Antonio Richardo, Francisco Annato, Petro de S. Joseph, Philippo de Sancta Trinitate, Ripaldo, Brifacerio, aliis oppugnatus acerimè est; sed etiam, connitentibus iisdem, favore inprimis Francisci Barbarini Cardinalis usis, ab Urbano Pontifice, Bulla prid. Non. Mart. A. M. D. C. XL I. edita, damnatus proscriptusque est, hoc videlicet prætextu, quòd in eo propositiones nonnullæ Michaëlis Baii, à Pio V. A. M. D. LXV I I. damnatæ & prohibitæ, contineantur; quòdque sic contra edictum Gregorii XIII. controversiæ de auxiliis gratiæ refuseitentur. cautum-

túmque simul, sub gravissimis censuris ecclesiasticis & pœnis secularibus, ne quis imposterum de materia auxiliorum Divinorum, sine expressa & speciali licentia tractaret, *donec aliud in hac materia à sede Apostolica fuerit ordinatum.* Prohibiti quinetiam eadem bulla sunt omnes libri, qui vel pro Janzenio, vel contra eum de hac materia scripti essent, vel imposterum scribentur. Cúmque censuræ huic Papali Belgæ se non submisissent, neque ejus publicationem admittere se velle, prius quàm Regis Hispaniæ autoritas & consensus accesserit, delarassent; Urbanus denuo Bullam suam A. M. D. C. XLIV, repetiit confirmavitque, perpetuúmque contradicentibus silentium imposuit. Neque tamen sic ad *ἐχθροῦ* sese redigi Janzenitæ passi sunt. Enimverò Janseium defenderunt strenuè iidem, qui supra, Fromondus, ejus in cathedra Lovanienti successor, Cario Parisiensis Theologus, Sorbonistæ plerique, nec non Archiepiscopus Mechliniensis, Belgii Primas, unâ cum reliquis Episcopis & Generalibus Provinciæ, qui Bullam Papalem per dolum sub-& obreptionis extortam pertenderunt. qui proin æquè ac ipse Belgii Gubernator, Franciscus de Mello, induci non potuerunt, ut, quod à Papa severè jussi erant, bullam ejus executioni mandarent. Sed & Innocentius X. Urbani successor, cùm bullam Urbani eludi putaret, sedecim Breviâ misit, nempe ad Marchionem Castri Rodrigi, Gubernatorem Belgii. Archiepiscopos Mechliniensem & Cameracensem, Episcopos Belgii septem, Universitatis Sorbonæ Theologos, Magistrum Guilhelmum ab Angelis S. T. D. Lovaniensem, Leopoldum Guilhelmum, Archiducem Austriæ, & Episcopum Argentinensem, quibus confirmata Urbani Bulla, injunctum ferò, ut illam tandem promulgarent & exequerentur. Et alicubi quidem, puta Antuerpiæ, Duaci Namurci, aliisque locis nonnullis promulgari, adeoque Jansenii affectæ

nonnihil premi cœperunt, interdictis adeò severis, ut imposterum ad animarum curam nemo admitteretur, quin post solennem fidei Concilii Tridentini confessionem, solenni formula præscripta, Jansenii Augustinum damnasset prius. Verum cum reputassent illi, easdem artes revocari, quibus quondam Ariani apud Imperatorem Constantinum usi fuerunt, Appellationem ediderunt ad Pontificem Romanum, titulo *Planctus veritatis Augustiniana in Belgio patientis*; rogantes, ut priusquam adversus Jansenium subscribere cogantur, de fide suscipiatur disceptatio, nec tum demum de re cognoscatur, cum persona judicata & damnata jam fuerit. Annexi sunt Planctui huic tres libelli, quorum primus *fidem*, secundus *justitiam*, tertius *charitatem* commendat. Sed surdo fabulam narrârunt, Jesuitis apud Innocentium impetrantibus facilè, ne aures Jansenistis arrigeret. Cum igitur Bullæ & edicta Papalia acrioribus odiis hætenus partes inter se accendissent; & alii quidem Jansenio falsa dogmata affingi; alii, sententiam ejus hæreseos damnari non potuisse, quòd nec scripturis, nec Conciliis adversetur; alii denique non tam Jansenii, quàm Augustini causam hic agi, & Jansenio damnato Augustinum ipsum damnari, palam editis in publicum libris asseruissent; denique Jacobus Archiepiscopus Mechliniensis, Belgii Primas; Antonius Triest, Episcopus Gandavensis, & Vicarii Generales Sedis Episcopalis Iprensis rationes, ob quas Bullam Pontificis promulgare non possent, luci publicæ exposuissent; induci se Innocentius à Jesuitis, & Episcopis nonnullis Galliæ, Jesuitarum instinctu in partes venientibus, (quanquam *ἑνῆδεκα* hoc *πᾶσι* Innocentii fuit) passus est, ut Propositiones quinque ex Jansenii Augustino, uti putabatur, excerptæ, Romæ præsentibus & auscultantibus Cardinalibus nonnullis Johanne de Lugo, Caraffa, Spada, &c. à Theologis tredecim, quos

inter Sforza Pallavicinus Jesuita primum locum obtinebat, ventilarentur. Jussi autem sunt Theologi illi vota seu suffragia sua scripto consignata (quæ ab Episcopo Montispefuli Roma in Galliam allata, totidem verbis Montaltius post finem Epistolarum Provincialium edidit) Pontifici offerre. Ex quibus scripto & voce Theologorum oblatis, Innocentius palam in hac ipsa causa professus, *se non esse Theologum*; (testatur enim Theologus Pontificius Ludovicus de S. Amour, Romam ab Episcopis Galliæ ad orandam Jansenitarum causam missus, editi Diurnalis par. 3. cap. 12. rogatum Innocentium, ut ipse cognosceret, ne quidem scripta sibi oblata legere voluisse, & respondisse insuper: *Non est mea professio; Præterquam quod senex sum. Ego nunquam studui Theologiæ.* Dixisse alii ajunt: Io non sono Theologo: *Ego non sum Theologus*) post indictas, uti Bulla prid. Kal. Jun. A. M. D. C. LIII. ab ipso edita habet, *ad Divinum implorandum auxilium, multorum Christianorum preces, tum publice tum privatim; & easdem postmodum ferventiùs iteratas; quin & sollicitè implorata S. Spiritus assistentia; ad Declarationem & definitionem procedens, Propositionum quinque, pro lubitu hostium Jansenii formatarum, damnationem conflavit.*

CCXLVI. Operæ pretium fuerit, ex ipsa illa Innocentii Bulla fulminante quinque propositiones illas famosas, & obnuntiatas iisdem Innocentii diras repræsentari. Sic autem bulla Capitolini hujus Jovis sonat & tonat: *Primam Propositionum: Aliqua Dei præcepta hominibus justè volentibus & conantibus, secundum præsentem, quas habent vires, sunt impossibilia: deest quoque illis gratia, qua possibilia fiant: temerariam, impiam, blasphemam, anathemate damnatam, & hæreticam declaramus, & uti talem, damnamus. Secundam: Interiõri gratiæ in statu naturæ lapsæ nunquam resistitur; hæreticam declaramus, & uti talem, damna-*

Propositiones quinque Jansenii ab Innocentio damnata.

mus. Tertiam: Ad merendum & demerendum in statu Naturæ lapsæ non requiritur in homine libertas à necessitate, sed sufficit libertas à coactione; hæreticam declaramus, & uti talem, damnamus. Quartam: Semipelagiani admittebant prævenientis gratiæ interioris necessitatem ad singulos actus, etiam ad initium fidei; & in hoc erant hæretici, quòd vellent eam gratiam talem esse, cui posset humana voluntas resistere vel obtemperare; falsam & hæreticam declaramus, & uti talem damnamus. Quintam: Semipelagianum est, dicere Christum pro omnibus omnino hominibus mortuum esse, aut sanguinem fudisse; falsam, temerariam, scandalosam, & intellectam eo sensu, ut Christus pro salute duntaxat prædestinatorum mortuus sit; impiam, blasphemam, contumeliosam, divinæ pietati derogantem & hæreticam declaramus, & uti talem damnamus. Neve de prædictis propositionibus aliter quisquam sentiat, doceat, prædicet, quàm in declaratione & definitione illa continetur, sub censuris & pœnis contra hæreticos & eorum fautores in jure expressis, mandans, insuper omnibus Patriarchis, Archiepiscopis, Episcopis, aliisque locorum ordinariis, nec non hæreticæ pravitatis Inquisitoribus præcipit, ut contradictores & rebelles quoscunque per censuras & pœnas prædictas, cateraque juris & facti remedia opportuna, invocato etiam ad hoc (si opus fuerit) auxilio brachii Secularis, omninò coerceant & compescant. Denique protestatur Papa, non intendere se per hanc declarationem & definitionem super prædictis quinque propositionibus factam, approbare ullatenus alias opiniones, quæ continentur in prædicto libro Cornelii Jansenii.

Gallia Episcoporum in recipienda Innocentii adversus Jansenistas Bulla dissentientium.

CCXLVII. Quamprimum Bulla illa *κατανομή* in Galliam missa est, Ecclesiæ Gallicanæ Episcopi Lutetiæ congregati plures prompti eam acceptarunt, probaruntque. Scripsit enim eorum nomine Petrus de Marca, nominatus tum Archiepiscopus Tholosanus, ad Innocen-

tium Epistolam eucharisticam, qua inter alia eum cum Innocentio I. contendens; *sicut*, inquit, *ille Pelagianam hæresin damnavit olim ad Episcoporum Africa relationem: sic ad Gallorum Episcoporum consultationem hæresin ex adverso Pelagiana oppositam, Innocentius X. sua autoritate proscripsit.* Bellè scilicet! Pelagianæ hæresi ex adverso opposita fuit doctrina S. Augustini, S. Scripturæ autoritate firmata. S. Augustini igitur doctrinam Scripturæ autoritate firmatam, ceu hæreticam Innocentius damnavit, proscripsitque. Digna planè proscriptio Innocentio, professo, se Theologum non esse. Qui doctrinam Pelagio ex adverso oppositam damnavit, Pelagianus certè fuerit oportet; Addit Marca, vetustæ ætatis Ecclesiam Catholicam, *sola Cathedra Petri autoritate & communione sultam*, Pelagianæ hæresis damnationi absque cunctatione subscripsisse. *Ea nos quoque*, inquit, *sententia ac fide imbuti, Romanæ Ecclesiæ præsentem, quæ in Summo Pontifice Innocentio X. viget, auctoritatem debita observantia colentes, Constitutionem Divini Numinis instinctu à Beatitudine vestra conditam, nobisque traditam ab Ill. Athenarum Archiepiscopo, Nuntio Apostolico, & promulgandam curabimus in Ecclesiis ac Diocesibus nostris, atque illius executionem apud fideles populos urgebimus.* Maeste animo Viri! Non Divina ulla, non Prophetica, non Apostolica autoritas ad subscribendum Bullæ vos subegit. Exolevit enim illa apud Romanos novissimis hisce temporibus penitus. Eique succedanea autoritas Pontificia Innocentii, non Theologi, nedum Prophetæ, Apostoli, ita oculos vobis præstrinxit, ut ei ex queru sua oracula fundenti, etiam cum nulla ratione illa roboravit, fidem cæco assensu habueritis! Et tamen Epistolæ huic præter Marcam, Virum cætera doctissimum, subscripserunt Julius, Cardinalis Mazarinus, Archiepiscopi quinque, & Episcopi viginti quatuor, suo quisque nomine; ita claudentes Epistolam assentationibus plenam:

Porro nos Innocentio X. cuius ore Petrus locutus est, ut Leoni I. acclamavit quarta Synodus, hanc Divinam lauream gratulati, sacros inter Ecclesia factos, quod olim de Synodis Oecumenicis fieri solitum, Constitutionem istam ab eo editam lubentes ex animo reponemus. Neque tamen in universum omnes Galliæ Episcopi subscripserunt. Inter subscriptos enim non comparent Archiepiscopus Senonensis, qui jam ante scripto, & Luthetiæ Regio prælo exscripto Augustino suo per se ipsum docente Catholicos, & vincente Pelagianos, Janfenii partibus se adjunxerat: non Episcopus Ambianensis, alique.

*Janfenitarum
adversus In-
nocentis Bul-
lam exceptio,* CCXLVIII. Non idem Belgis animus, non eadem erga Bullam Pontificis devotio testata. Testis est Franciscus Annatus, Jesuita, qui post Bullam Innocentii vulgatam, questus est, *percussum esse errorem Janfenii nupera Sedis Apostolica constitutione, sed non extinctum: Janfenianos dissimulare malle vulnera, quàm sanari: & utut commutata sententia facile possint innocentem reddere censuram, eligere incolumes videri potius quàm fieri.* Cùm animadvertissent illi, nihil protestationibus adversus bullam se proficere, aliam viam ingressi, damnatas propositiones negârunt vel inveniri in Augustino Janfenii vel damnatas esse in sensu à Janfenio intento; accepturi etiam bullam, sed cum exceptione illibatæ auctoritatis S. Augustini & Thomæ, cùm ipsimet à Pontifice in privato colloquio audiverint, non esse sibi animum damnare ullo modo doctrinam S. Augustini, vel controversiam de gratia per se ipsam efficaci Jesuitas inter & Thomistas agitatam attingere. Quod ipsum etiam testantem Jesuitam Annatum, induxerant. Sed fefellit illos opinio & spes concepta omnis. Statim enim post mortem Innocentii Alexander VII. Successor edita xvi. Kal. Nov. A. M. D. C. LVI. bulla, non tantum Innocentii anathemata repetiit, confirmavitque; sed insuper etiam contra *nonnullos iniquitatis filios, ad quamcunque dubitationem auferendam,* de-

*ab Alexandro
VII. editâ
Bullâ, elidi-
tur.*

declarávit & definívit, *quinque illas propositiones ex libro Cornelii Jansenii Episcopi Iprensis, cui titulus est, Augustinus, excerptas, ac in sensu ab eodem Cornelio Jansenio intento damnatas fuisse.* Ita ostensurus digitum suum minimum grossiorem esse dorso patris & prædecessoris sui, rigorem Innocentii plurimum auxit. Cúmque ne sic quidem moti fluctus componi se fivissent, & in Gallia maximè Jansenii partes crevissent, idem Alexander nova bulla xv. Kal. Mart. A. M. D. c. lXIV. vulgata, præfatus, *Cornelii Jansenii hæresin, in Galliis præsertim serpentem, ab Innocentio X. fere oppressam, ad instar colubri tortuosi, cujus caput attritum est, in varios gyros & cavillationum deflexus euntem, altero assumptionis anno extinguere se conatum esse; queritur, nondum plenè consequi se potuisse, ut omnes errantes in viam salutis redirent; licet Archiepiscopi & Episcopi Gallia operam & industriam ad executionem constitutionum egregio studio contulerint, & Rex Christianissimus singulari pietate auxiliarem dextram strenuo ac constantissimo animo porrexerit.* Deinceps, rogatu, uti Bulla præfert, Christianissimi Regis, certam formulam, cui Ecclesiastici omnes subscriberent, præit, his verbis ab ipso conceptam: *Ego N. Constitutioni Apostolicae Innocentii X. die XXXI. Maii M. D. C. LIII. & constitutioni Alexandri VII. datæ XVI. Octobr. M. D. C. LVI. Summorum Pontificum me subicio, & quinque propositiones ex Cornelii Jansenii libro, cui nomen Augustinus, excerptas, & in sensu ab eodem Authore intento, prout illas per dictas Constitutiones Sedes Apostolica damnavit, sincero animo rejicio ac damno, & ita juro. Sic me Deus adjuvet & sancta Dei Evangelia.*

Formula conficitur adversus Jansenium, in cuius verba Pontifex cle- rum suum adigit.

CCXLIX. Tantæ scilicet molis erat, bullatis & plumbeis illis declarationibus & definitionibus, rejicere, damnare, proscribere, non Cornelium Jansenium utique, sed S. Augustinum, celeberrimum Hipponæ Præfulem, Pelagianorum illum malleum fulménque, ad cuius tamen doctrinam, ceu normam, omnem illam de gratiæ auxiliis

Non tam Jansenium, quàm Augustinum à Pontificibus damnatum esse, Jansenista confr-

disputationem, jam ante Clemens VIII. parùm certè hic Jesuitis propitius, adstrinxit; rationibus adductus pluribus, quas ejus verbis P. Giboeuf libro *de libertate*; & Archiepiscopus Senonensis, Octavius de Bellegarde, *Augustin. doc. pag. 4. 5.* recensent. Nunc verò prout Romæ ob-
 tinent *annuæ & menstruæ de Deo fides, fides potiùs temporum, quàm Evangeliorum*, ut B. Hilarii *lib. 2. ad Const.* verbis utar, ab Innocentio in Augustini potissimum caput coctas esse hæce diras, abundè Jansenii asseclæ demonstrârunt. Sane famosus ille Jesuita Annatus Jansenitas, cùm profiterentur, paratos se demonstrare, *quinque Propositiones ad sensum Jansenii, easdem esse ad sensum etiam Augustini*, libello, qui inscribitur, *Jansenianorum cavilli, cap. 3.* falsè ridet, asseritque, *deferendam potiùs Augustini sententiam, quàm sententiam Summi Pontificis*, cùm id, quod definitum est, auctoritatem petat *non tam à S. Augustini consensu, quàm à presidio speciali Spiritus S. Christi vicario, in Scripturis S. promisso.* hoc est, à Pythagorico *αὐτὸς ἔφα.* Sed & Ludovicus de Marche, itidem Jesuita, in *Apologia* pro Innocentii constitutione, parte posteriore, totus est in elevanda auctoritate S. Augustini, dum varios ejus errores recenset, eum in Ecclesia esse *irrefragabilis auctoritatis* pernegat, denique pertendit, non omnem Augustini *de gratia Dei* doctrinam ab Ecclesia Catholica admissam & approbatam esse. Denique in universa hac disputatione Jesuitarum hic Achilles fuit, *omni exceptione majorem esse Romani Pontificis è cathedra loquentis auctoritatem fallere & falli nesciam, non modò in Concilio Generali, verùm etiam extra illud. Christum non Augustino, non Conciliis, sed Petro ejusque Successoribus denuntiâsse: Oravi pro te, ne deficeret fides tua. Tu es Petrus, & super hanc petram edificabo Ecclesiam meam. Pasce oves meas &c.* Atque ita tota illa Jansenistas seu Augustinianos (hoc potiùs nomine se insigniunt illi) inter & Jesuitas controversia tandem in infallibilem Papæ etiam

Controversia
 tota denique
 in quæstionem
 de infallibilitate
 Papæ
 exit.

extra Universale Concilium, sive in fide sive in facto quidpiam decernentis, auctoritatem resolvebatur. Atque in eo impudentiæ numeros omnes Alexander implevit, quòd definire ausus est, Jansenium eum sensum *intendisse*, in quo Innocentius Propositiones illas damnavit: & Innocentium *intendisse* propositiones eas damnare non alio in sensu, quàm qui Jansenii fuit. Ita καρδιωγιώτης uterque, & Innocentius Jansenii asserentis, & Alexander Innocentii assertionem damnantis, intentionem, seu interiorē animi sensum compertum habuit; atque adeò τὰ τῆ ἀνθρώπου, *ea quæ in homine sunt*, intentionem proin hominis animo abstrusam, non tantum τὸ πνεῦμα τῆ ἀνθρώπου τὸ ἐν αὐτῷ, *Spiritus hominis, qui in ipso est*, (uti quidem S. Paulus I Cor. I I. I I. asserit) sed etiam Spiritus Papæ, qui extra hominem est, novit. Neque tantum Papa, quod olim ipsi gnathones vendicârunt, omne jus Divinum; sed jam etiam omne dictum, factum, cogitatum humanum in scrinio pectoris sui clausum habet.

C C L. Tertia igitur hæc, supra illas scilicet, quas Tridentinum Concilium stabilivit, post duas supra memoratas de licentiâ parricidali & æquivocationibus, Jesuitarum novella, seu mavis, recocta, & ex orco revocata Pelagianorum & Semipelagianorum veterum hæresis, ex pluribus æquè hæreticis assertionibus conflata, quam illi approbante & definiente Pontifice Romano, adeoque Ecclesia Romana omni, qua Pontifici paret, Jesuitarum fraudibus miserè circumscriptâ adversus S. Augustinum, sanioresque antehac in Ecclesia Romana Theologos, Thomistas imprimis, perruptis pudoris, Divinæ veritatis, canæ antiquitatis repagulis omnibus, audacter & impunè sustinent, ὅτι πλείον προκοπῶντες ἀσεβείας, *majorem ad impietatem proficientes* in dies, dum sermo, doctrina eorum, ὡς γὰρ ἔγραφα νομίζω ἔχει, *gangrana instar serpit* 2 Tim. I I. 17.

Tertia Jesuitarum singularis hæresis, ex pluribus conflata, de Gratia & arbitrio.

Laniena Evangelicorum in Hibernia, Urbano Pontifice, patrata historia horribilis compendiosè narrata.

CCLI. Ad Urbanum, ut revertamur, eo adhuc Pontifice inde à d. XXI I I. Octobr. A. M. D. C. XL I. Hiberni Pontificæ horribili laniena in Protestantes tota infula sævierunt. Paucorum mensium intervallo plusquam ducenta hominum millia, & in sola Ultonia, quarta & minùs culta Hiberniæ parte, centum quinquaginta quatuor millia sex intra menses rabies illa absumpsit, ut nihil tormentorum & mortium reperiri potuerit, quòd non furiales illæ bestiae commiserint, solo religionis odio, & quòd Papæ gratum se officium internecione Protestantium præstituros, vitamque æternam absque purgatorii flammis consecuturos, Monachorum sanguinolentorum persuasione inducti crederent. rudibus omnis & fidei & humanitatis facilè ad omne nefas propulsis. Ipsi certè Monachi & Sacerdotes accuratum catalogum laniensæ, Phelimo Oneal, Ecclesiæ Catholicæ archistratego, patrata, authenticamque adeò publicorum actorum consignationem ediderunt. Ibi videbis innumerabilem miserorum Christianorum multitudinem, postquam omnibus ad cutim usque exuti & spoliati fuissent bonis, trucidatam; plerosque ferro, multos suspendio, submersione, vivicomburio, in Templis, ædibus, aliisque locis; plurimos spirantes adhuc terra defossos: aliquos à canibus dilaniatos ac discerptos, lapidibus obrutos: alios ferventibus ahenis mersos, nonnullos carbonibus tostos, intestina per posticum extracta, dissectos ventres, evoluta viscera, confracta funibus intortis crania, dorsum, brachia, crura, femora comminuta vel abscissa: alios toto corpore cruentatos, cum nil nisi vulnus essent, in suo sanguine & frigore enectos: suspensos capillitio: impuberes secus parentum immolata cadavera, fletu, fame, inopia extinctos, multis ex innocuo illo sexu jam intermortua matrum ubera, morsu potius quàm lactendo, appetentibus. Nulla in Tigribus illis, non

Hircanis, sed Hibernis, erga miserimos commiseratio; sed immissi porci, canes, aliâque Canibalibus Hibernis mitiôra animalia, tandem deglutientes, quod restabat, carniû, finem tantis miseriis imposuerunt. Ita occisi, ita sepulti sunt. Multi ita ruptis omnibus artubus, ut loco sese movere non possent, cû herbarum circumcirca pastu, bruto cibo vitam in triduum miserimè traxissent, ab Hibernis spectatum & insultatum venientibus, cû mortem beneficii loco precarentur, nec impetrârunt omnes, in locum herbidum alium, ut diutiùs inter acerrima tormenta precarium spiritum traherent, ac oculos immanium belluarum gratissimò spectaculo, aures horrendis clamoribus fatiarent, delati sunt. Mancipia in Dominos omni telorum & contumeliarum genere sævierunt. Misellæ mulieres, dependentibus de cervice aut cingulo liberis, &, ad maiorem ignominiam, canibus simul ac felibus appensis, laqueo suffocatae sunt. Multi, puteis subtus glaciem actis, submersi: alii mucronibus in mare & flumina protrusi; ac si qui ad littus aut ripam enatarent, eliso cerebro, aut contis affixi, denuo aquis immerfi sunt. Ædium, castellorum, templorum ruinæ, cæcorum insepultis cadaveribus stipatae; cû paucos terra tegeret, multi sub stillicidiis, in fossis; hinc inde & plateis putrescerent. Innoxia ætas, dissectis carnibus, unco, velut in macello agnina, suspensi sunt. Miser nonnemo nudo corpore, asseri impositus, ab Hibernis ad singulos haustus, singulis vulneribus, sed non penitus in mortem adactis, ita passim diffusus, ut continuum vulnus videretur. Quem deinde in fimetum projectum, dolor, fames & injuria aëris extinxit, prohibitis omnibus, ne miseras tantas ullo modo levare ausint. Alius adacto per posteriora palo, ut altiùs infingeretur, velut per ludibrium circumscarificatus, donec inter atroces convulsiones, plaudentibus hostibus, animam Redempto-

ri suo, sancta victima redderet. Pueri, parentum Catholicorum charitatem æmulati, denso agmine in agros egredi, ubi in cœsum Protestantem (quales passim totis sparsi sunt campis) inciderunt, ejus pudenda virgis lorisque tantum flagellârunt, donec ruptis nervis, & carne dispersa, membrum à reliquo corpore dissolveretur, quod ipsi arreptum, festo clamore, parentibus gratissimum munus obtulerunt. Si scœmina cœsa, prono in terram ventre jacuisset, eam in dorsum resupinatam, omnibus membris, iis maximè, quæ natura occulta esse voluit, taxârunt. Conclusi arctissima intra ædes & templa custodia, illis repente succensis, lamentabiliter conflagrârunt. In ipso templo pater filiusque in partes secti, eorûmque segmina matris extremum faucis capiti impacta sunt. Nobiles virgines totam noctem capillitio de arbore suspensæ, cum orta luce aliquid in illis vitæ residuum deprehenderetur, protinus obtruncatæ sunt. Tres orphani, quorum parentes à latronibus illis cœsi erant, cum nudi, & frigore pœne enecti, in fornacem se abdidissent, ignibus immixtis, immisericorditer combusti sunt. Uxor gravida cum liberis vitæ consultura, cum terror foetum ante tempus excussisset, illo à latronum canibus devorato, ipsa cum cæteris obtruncata fuit. Multæ nobiles dissectæ, foetus utero excussæ, & ipsæ visceribus apertis, horrendum suspensæ. Infantes hastis præfixi rebellium, præda ea gloriantium. Duæ filiæ toto corpore nudæ, metu mortis, decrepitum parentem lacertis suis in paludem trahere adactæ, ubi & ipsæ submersæ perierunt. Uxor jugulare maritum, filius matrem coacti: ipsos, velut ultimam victimam, latrones mactârunt. Equorum caudis alii alligati, tractati, excarnificati, fame enecti, mille tormentis excruciiati sunt. Quibus corpus hebetius & obesum, eviscerati sunt, ut ex eorum pinguedine lychni efficerentur. Vir pius, & zelo Dei fla-

flagrans, terra, solo capite prominente, defossus, atque ita relictus, donec corvi & vultures oculos vivo eruerent, feræ bestię reliquum abligurent. Plurimi spirantes subtus terram defossi, quos inter unus cratibus & faxis depressus, cū diu lamentabiliter frustra inclamaret, nec uxor pedibus capta eum eruere posset, faciem ægrè nudavit, & ut finem immensis doloribus imponeret, strophio spiratum ei interclusit. Multorum plantæ ad lentum ignem tostæ: alii securibus dissecti, funibus sursum deorsum per aquas raptati, nonnulli femineces relictī, vel ferro clausi, donec membris putrescentibus, animam exhalarent: & infinita tormina ad pecuniam prodendam, quam, omnibus jam ante spoliati, nullam habebant, excogitata. Ossa & cadavera dudum in Domino defunctorum, tumulis eruta, projecta vilissimis locis, per fimeta, aggeres, fruticeta, campos sparsa & dissecta sunt. Hæc omnia, pluraque etiam, uti certis documentis ab ipsis etiam hostibus infandorum facinorum authoribus, supeditatis, constat, à Catholicis videlicet patrata, tam profecto dira sunt, ut ab Orci emissariis, extremæ nequitie dæmonibus, diriora patrari non potuisse, ambiguum neutiquam habeatur.

CCLII. In Romani scilicet Molochi honorem gratiamque immolata hæ victimæ, adeò non ingratum ei nigræ dorem attulerunt, ut delectatus etiam magnopere iis visus fuerit. assuetus pridem sanguineis & ignitis ex rationalium hominum corporibus, hostiis. *In Pontificis gratiam tot in Hibernia caesa victimæ sunt.* Constatque etiam, Urbanum eadem occasione in turbido piscaturum, per Nuntium suum Rinuccinum variis artibus Regnum ipsum Hiberniæ, à Protestantium sanguine sic pressè purgatum defœcatumque affectasse, usum prætextu juris in totum orbem, & omnia Regna hujus mundi, ipsismet ringentibus Papistis, & artes illas in detrimentum coronæ vergentes detestantibus. prout hæc aliâque prolixè in *vindictis Catholicorum Hiberniæ* exposita legere est.

*Urbanus pa-
cis prætextu
belli in Ger-
mania conti-
nuationem
promovet.*

CCLIII. Arsit interea adhuc intestino bello Germania, tot jam exteris etiam in ea infesta arma sua circumferentibus, ut farciendæ denique inter Christianos pacis spes ferè nulla affulserit. Atque hic Urbanus Legatis in Hispaniam, Galliam, Germaniam missis, urbanis equidem laetisque verbis pacem suasit, animo interea, ne degenerasse à genio Paparum putes, nil nisi bella volutans. Cæsari enim ad continuandum illud ducenta millia coronatorum præsentanea numeravit, & post unius anni decursum, siquidem ita necessitas postulaverit, denuo centum millia se soluturum recepit. Institit præterea vehementer, ne Pontificii de pace transacturi quidquam de religione & bonis ecclesiæ paciscantur. quæ pacis remora haud postrema fuit. Cùm igitur Deputati Francofurti d. XXII. Aug. A. M. D. C. LIII. de bonis Ecclesiæ Protestantibus tradendis nonnihil statuissent, consiliùmque suum Cæsari probandum obtulissent, statim ille Breve Apostolicum d. XVII. Octobr. exaratum, ad Episcopum Augustanum misit, in hæc verba consignatum: *Urbanus P. P. VII I. Propositam Francofurti de ecclesiasticis bonis hæreticorum potestati committendis sententiam ex Fraternitatis tuæ literis, tum etiam ex supplici libello ad nos transmissso, non sine ingenti molestia audivimus. Nempe facile est conicere, quanam inde animarum perniciēs, & sacri cultus imminutio expectanda esset. Et tamen Imperator electus pietate pollet, eam erga ecclesiasticos gerit propensionem, ut minimè verendum arbitremur, ne improbum illud consilium constanter simul & religiosè rejiciat. Nos quidem, ut Pontificii muneris partes impleamus, cuncta, quæ è re fore significasti, officia accuratè adhibuimus, Deumque precamur, ut optatus exitus gravissimo negotio nequaquam desit.*

Urbano succedit Innocentius X.

CCLIV. Sequentis anni M. D. C. XLIV. d. XXIX. Jul. Urbanus, capularis ferè octoginta annorum senex, implevit mortalitatis suæ legem. De novo Pontifice creando

cer-

certatum miris studiis, factionibus Hispanica, Gallicana, Romana, Barbarina diu collisis. Sex jam hebdomadæ in Conclavi exactæ erant, cùm Johannis Baptistæ Pamphili ne mentio quidem creandi Pontificis ulla incidisset. Obstabant ingenium ejus à literarum, sacrarum inprimis studiis alienum, nonnisi causis dicendis assuetum, quodque mancipium eum esse libidinis alienæ, Olympiæ Maldachini glotis, constaret omnibus. Alii alia causabantur. Tandem inter Hispanicorum Gallicorum Cardinalium, æquis viribus certantium, acerima studia, Olympiæ inprimis artibus effectum est, ut præter opinionem Pamphilius, Romanus natione, Neapoli Nuntius, qui post Innocentii X. nomen sumpsit, Papa proclamaretur. quem mox Cardinalis Medicæus, corona capiti ejus imposita, sic affatus est: *Scias, te esse Patrem Principum & Regum, Rectorem orbis.*

CCLV. Statim atque Papatum aggressus est Innocentius, admisit is elogium insolentissimum omnium, quod in honorem ejus Cardinalis adhuc, sed jam jam creandi Pontificis, à nescio quo Italo-Græco, Joh. Baptista Calumsyrito, concinnatum, & à Melchiore Inchofer, fama notissimo, qui orbi Christiano epistolam B. Virginis nomine ad Messanenenses scriptam obtrudere ante ausus fuerat, Pontifici recens creato oblatum, sic sonat: *Eminentissime & Reverendissime D. Cardinalis Pamphili. 1. PHILIVS Dei (superlativus amor Patris, quia Φιλας, ideo Philus dictus) ex æterna ejus charitate, qua se Deo Patri obtulit, in amantissimum Intercessorem ac Mediatorem Dei ac hominum, ab instanti conceptionis in utero B. Mariæ Virginis, factus fuit Sacerdos in æternum, secundum ordinem Melchisedeci, ac primus Pontifex Optimus Maximus. 2. Sed Filius fuit Philus, non PAMPHILIVS. 3. Fuit intercessor Dei & hominum. 4. Non fuit universalis Mediator Angelorum & hominum, seu Pamphilius. 5. Si ex nominis analo-*

*Admittitis
elogium blas-
phemis refer-
tum, ab Ita-
lo-Græco cu-
sum, quo
Pamphilius
Filio Dei præ-
fertur.*

gico aternoque anagrammate presagire licet, *mysterium aliquod in tempore*: Tu ab aeterno predestinatus es, esse Pamphilus in terris, ac dici Pamphilus, amulus filii Dei in Cælis. 6. Pamphilus ergo eris. Univerſalis nimirum reconciliator Angelorum & hominum, in terris hostiliter pugnantium Regum & populorum. 7. Quod præstabis nonnisi electus in Pontificem Optimum Maximum. 8. In cuius faustissimum augurium Euangelus ego, felixque Nuntius ter Sanctos pedes Eminentia vestra ex nunc deosculor. 9. Quod etiam Græcè scripsi decem abhinc annis in Græca nostra Academia Basilianna in Columba vestra stemmata, τὰ τῆ εἰρῆνης σύμβολα. Rex pacificus eris & clementissimus. Blasphema illa themata, apud inferos quandoque, cum in terra iis impunè fuerit, arsuræ, vel à quoquam cusa, vel à Pontifice Summo pronis auribus, lætòque animo excepta esse, ut crederem, induci nunquam potuissim, nisi fide dignis testibus ita constare, Ampliff. & Celeberrimus Conringius Conclav. Alex. VII. pag. 55. &c. asseverasset.

Papatum eo tempore non Innocentius, sed ejus gl'os Olympiæ Maldachinae ad-ministravit.

CCLVI. Toto ferè tempore, quo Innocentius Pontificiam Sedem occupavit (occupavit autem ultra decennium integrum) non tam Innocentium, quàm foeminiam glotem ejus, Donnā, seu Dominā Olympiam Maldachinā, Fratris ejus defuncti uxorem, Papatum rexisse, constans fama erat, ab iis etiam, qui Romæ exquisitam omnium notitiam habuerant, tradita. Credideramúsque, Ήγεμὸς ψεύδου, calidis mendaciis Innocentii innocentiam à Marphoreis aut Pasquinis aspergi onerarique, nisi Abbas Gualdus testis, uti quidem de se profitetur, αὐτόπης & αὐτήκοος, scripto Romæ de vita & rebus gestis Donnae Olympiæ Maldachinæ, libello (qui mortuo ipso inter Manuscripta ejus repertus, publicique juris in Italia factus est) plenam amplioremque etiam ejus rei fidem fecisset. Narrat autem Gualdus ille, (liceat multa paucis constringere) ut Olympia illa à teneris unguiculis imperiosa, dominationem

Historia ejus ex Abbate Gualdo con-tracta.

nem ubique affectaverit: ut nupserit Innocentii fratri Pamphilio, eumque anno conjugii circiter decimo, averſata, tota in amorem affinis Baptiſtæ Pamphili (poſt Innocentii) rapta, ejuſdemque in conclavi alibique, lateri indidua comes hæſerit, gravi ſuſpicionem inceſtorum amorum apud omnes: ut ſe totum ejus conſiliis ſelectendum, regendum affinis commiſerit: ut ex Hiſpania ad Olympiam ſcripſerit, abſente & inconfulta ea minùs proſperè, quæ ibi gerebat, negotia, ſibi ceu navi ſine remo, ſuccedere: ut Olympia affini Cardinali recens creato ſe ſolertiùs applicuerit, eumque iis dotibus, quæ Pontificem ornant, ſimulandi & diſſimulandi artificio cumprimis, quod januam ad Papatum eſſe crebrò ei inculcaverat, imbuere conata ſit: ut profecerit Cardinalis in artificio ſimulandi & diſſimulandi omnia, excepto amore erga Olympiam, quem ut tegetet, induci nunquam potuerit: ut inſinuaverit affinem Cardinalibus Hiſpanis æquè ac Gallis, mira verſutia: ut poſt mortem Urbani in commendando Affine vigilantia & induſtria incredibili uſa, id denique artibus ſuis conſecuta ſit, ut nequicquam repugnante Cardinale Antonio Barbarino, præter omnium expectationem ad Papatum evectus fuerit: ut poſt electionem Affiniſ ad Olympiam concurrerint frequentes, quotquot fortunis ſuis conſultum cupiverunt: ut Antonio Barbarini, quicum privatæ ei ſimilitudines interceſſerant, exitium mox acceleraverit: ut domicilium in Vaticano, proximè Pontificis conclave appetiverit, at diſſuadente Panzirolo, Pontificis ædes proprias incolens, ſingularum dierum approximante veſpera ad illum inviſerit, & ad ſeram uſque noctem cum eo ſubinde moram traxerit: ut filium Camillum Pamphili, rerum omnium ignariſſimum, ad Cardinalis Patroni dignitatem provexerit, & eundem infirmitatis conſcientia dignitate ea ſe abdicantem, unâ cum nova nupta de Roſ-

sano, devotum Pontificiis diris, ne dominationi suæ intercederet, aliásque ob causas, Roma relegaverit: ut negotia Pontificia cuncta ad se tráxerit, supplices Pontifici subductos sola audiverit, reis pœnas supra meritum irrogaverit, munera & dignitates pro libitu distribuerit, atque iis aliisque modis inexhaustam pecuniarum voraginem brevi tempore coegerit: ut leges novas fixerit, veteres Pontificum præcedentium refixerit: ut Nepotem Mالدachinum omnium stolidissimum, animo & corpore deformem, adolescentem adhuc Cardinalitia purpura, invito Pontifice, donaverit: ut procurante Cardinale Panzirolo, Camillus Astalli, juvenili ætate Nepos ab Innocentio Pamphili nomine adoptatus, & indignus licet, cum admiratione omnium ab eodem Cardinalis Patroni titulo & præcipua dignitate auctus, fortunæ Olympiæ imminutionem nonnullam attulerit, Pontifice altiùs ad animum, uti videbatur, revocante sequiora de sua cum Olympia familiaritate, & ejusdem plusquam virili dominatione, iudicia tum Italarum, tum exterorum, à quibus nummus aureus recens cusus, una parte Olympiam corona Papali redimitam, & claves Petri manu prensantem; altera verò Pontificem cum implexa, mulieri more coma, & manu colum tractantem repræsentabat; (taceo tum ludum Scenicum, quem in contumeliam ejus rei in Innocentii & Olympiæ nuptias, Londini Cromwello coram lusum ipsimet Itali finxerant: tum Imperatoris Ferdinandi acre dictèrium, quo Innocentii Nuntium Melzi contra Pacem cum Sueco initam murmurantem, excepit, his ferè verbis: *Papa verò non desunt otium & delicia, cui Olympia caput demulcet, ut suaviter dormire possit*) ut delinificis verbis Olympiæ suæ persuaserit, quo interdium saltem, ob sinistras omnium interpretationes, domi se contineret, & ab aditu Vaticanæ sibi temperaret, concessa interim licentia noctu,

quoties luberet, Pontificem adeundi, & quidlibet cum eo transigendi: ut mox Pontificis Nepos Camillus Romam cum conjuge revocatus in gratiam cum patruo redierit: ut post mortem Panziroli, Olympia pristinae libertati restituta, interdiu iterum adeundi Pontificem facultatem nacta, ingravescente jam senectâ & attrita valetudine Papæ, licentiùs quàm unquam aliàs, imperitans, summam rerum ad se denuo contraxerit, & colligendis undique pecuniis vigilantissimè sordidissimèque incubuerit: ut prohibuerit Pontificem, ne pacem Gallum inter & Hispanum, cui universa Europæ pax innitebatur, ullo modo promoveret, certus scilicet, futurum, ut belli denique pertœsi ultro pacem ipsi ferirent; neve ullis Principum negotiis, ex quibus pecuniæ redigi non possent, se immisceret, metu scilicet, ne offensus quispiam quietam proficuamque dominationem suam turbaret: ut, Pontifice ad mortem propinquante, contracta cum Barbarinis, quos Pontificis hætenus odio flagrantés, & ab eodem seu Olympia potius, ad incitas ferè redactos, eidem reconciliavit, & in pristinas possessiones restituit, affinitate, munimenta quasiverit, quibus post mortem Pontificis adversus hostium insidias tutò insisteret: ut Barbarinis ita reconciliatis, Astallium seu Pamphilium adoptivum, Cardinalem Patrum, omni dignitate, fortunis omnibus provolutum, ad perniciem extremam præcipitaverit; non aliam ob causam, quàm quòd secreta Olympiæ & Barbarinorum de Regno Neapolitano Pontifici subjiciendo, ejusque ditone inter se distribuenda, Hispanis prodidisse, indice Azzolino, purpuram indicio tali promerito, compertus fuisset: ut Pontificis valetudine conclamata, Olympia in aulam accita, ægrotanti indivulsa adstiterit, & circa lectum obductis velis abstrusa, legatorum propositiones audiverit, & & prorumpens subinde ad easdem responderit, pro Pon-

tifice cuncta gesserit, foedissimum quæstum intra decem
 dierum intervallum media auri millione corrofa, exercue-
 rit: ut die VII. Jan. A. M. D. C. LV. Pontifici oculos clauferit
 & relictos trium ferè millionum thesauros expilaverit: ut
 post in Cardinalium conclavi, instituta etiam factione vo-
 lante, ex Innocentii ferè creaturis conflata, extremis vi-
 ribus, ut Papa sibi & Pamphiliis propitius prodiret, ne-
 quicquam laboraverit: ut denique ab Alexandro VII. Ro-
 ma Orvietum relegata, ibique rationem administrationis
 & pecuniarum immensarum nefariè coactarum reddere
 iussa, pestilentia interim Italiam universam corripiente,
 epidemia lue extincta, hæredesque ejus Alexandro pla-
 cando millionem auri ejusdem Nepotibus erogare com-
 pulsi fuerint, eaque ratione, juxta Cardinalis Sforzæ
 παρρησίαν, pars facultatum per simoniam inauditam ab O-
 lympia collectarum à *latrone ad latronem* transiverit. Hæc
 non è Protestantis cujuscpiam, sed Itali, Romani, Abba-
 tis, testis oculati, auriti fide relata, si vera sunt (falsa au-
 tem esse, nemo, quantum sciam, contra Gualdum asse-
 rere, nedum probare sustinuit; præter famam passivam,
 veritatem historiæ inter alios etiam confirmante Francisco
 Carriere, Minorita Monacho, qui in Chronologia Pon-
 tificum narrat, populum Romanum, cum Innocentium
 audivisset per novendium agonizantem, cum acerbissimis
 mortis doloribus conflictari, Divino judicio mortem adeò
 diram ei infligi judicasse, eò quòd in administratione Pa-
 patus nimium Olympiæ indulserit, & indulgentia ea de-
 teriorem foeminam eam reddiderit) habuit seu passa po-
 tiùs hoc etiam Seculo est Roma redivivas Maroziam,
 Theodoram, Mathildem, Vannociam, Juliam Farne-
 siam, & quicquid olim Dominarum & Meretricum Prin-
 cipalium, Romæ fuit. Et Innocentium tamen hunc *υποτα-
 κωσατορ* Sixtus Guardinus Ferrariensis amplissimis elo-

elogiis efferre, *Innocentium Magnum, Oraculum Seculi, Miraculum totius mundi, Mortalium portentum, coram Deo, coram mundo Innocentem*, referente Banckio *Roma Triumph.* pag. 298. insignire non dubitavit.

CCLVII. Quàm se gravem & iniquum Innocentius Jansenitis præbuerit, supra narravimus; causasque obiter etiam indigitavimus. Favor scilicet erga Jesuitas, qui immediate à facerrima Sede illa pendent, ei obedientiam cœcam vovent, ejus Metaphysicam & transcendentalem illam potestatem, quo jure, quâve injuria, acerimè & quibuscvis interdictis, propugnant: odium verò insitum Pontificum erga Episcopos meliores doctioresque, qui auctoritatem, quam sibi à Christo collatam putant, studiosissimè asserunt, quales in Gallia & Belgio non pauci à Jansenii qui & ipsemet Episcopus celebris fuerat, partibus steterant, Innocentio ad damnandas Jansenii Propositiones faces subdiderant. Accessit opportuna occasio, qua in definiendis etiam fidei articulis infallibilitatem suam, etiam extra Concilium à Gallis Episcopis, aliisque etiam aliàs oppugnatam, stabiliri posse speravit. Quod eventus maximè probavit, quando successor ejus occasione Jansenitici hujus certaminis in Gallia infallibilitatem suam definiri, & ab ipso Rege Christianissimo agnosci petiit. Hæ similisque causæ, quas inter rerum Divinarum ignorantia & contemptus supinus, fatalisque Romanæ Ecclesiæ, justo Dei judicio, spiritu vertiginis perculsæ, & in pejus in dies proficientis malignitas, haud postremum locum obtinent, apud Nœcentium hunc effecerunt, ut Cœlum ipsum stultitia sua petere, Gratiæ Divinæ giganteo conatu bellum indicere, & Pelagianam hæresin, à tot prædecessoribus suis damnatam, in arce reponere verecundatus non fuerit.

CCLVIII. Neque Gratiā Divinā impugnare satis

*Innocentio
qua causa
Jansenitarum
damnando-
rum fuerint?*

*Ejusdem &
Nuntii ejus,*

*Fabii Chisii,
Bulle & Pro-
testationes
adversus Pa-
cem Germa-
nia, inso-
lentissima.*

tis habuit. Etiam humanam in terris gratiam & pacem, præclarum illud Dei immortalis munus, turbare, impugnare modis omnibus annis est, dolens non parùm, quòd Jesuitarum suorum, in perniciem Germaniæ à tot annis instar telæ Arachnes subtiliter contexta consilia, infelicem successum haberent. Testis est insana & ferocissima ejus adversus Pacem Westphalicam, Monasterio-Osnabrugensem, tandiu Europæ totius votis ardentissimis desideratam, difficilique, adeò negotio inter Principes diversos, Pacificorum prudentiùmque virorum opera d. VI. Aug. & XXIV. Octobr. A. M. D. C. XLVI I I. conclusam, Protestatio. Et primò quidem Pontificis nomine Fabius Chisius, Episcopus Neritonensis, & eo tempore Apostolicus in Germania Nuntius, post Papa, Alexandri VII. nomine famosus, geminam Protestationem, utramque Monasterii Westphalorum, & alteram quidem d. XIV. alteram XXVI. Octobr. A. M. D. C. XLVI I I. insolentissimis amarulentissimisque verbis editam obtulit, professus inter alia, sese *omnem etiam pulvisculum de pedibus excutere, qui commune quidquam habere possit vel cum minimo præjudicio S. Sedis; & promptum se exhibere pro illa Sede ad vitam & sanguinem profundendum.* Sicut nempe Apostoli prædicaturi pulverem pedum excutere adversus eos, qui Christo obedire detrectarent, & in testimonium de Christo etiam sanguinem fundere jussi sunt: ita pro Papa suo idem factitandum Fabius censuit; quasi tantundem esset Papæ Regnum & Regnum Dei, Christum & Papam prædicare. quales tamen Fabios prædicatores & Martyres omnis prisca Apostolica & verè Catholica Ecclesia ignoravit. Supervenit d. XXVI. Nov. ejusdem Anni ex ipsa Tarpeja arce in Pacem Fulmen planè horrendum, ac quale ab orbe condito nusquam terrarum auditum fuerat; Bulla scilicet ipsius Innocentii feralis & infausta, cui titulus est: *Sanctissimi Domini N. D. Innocentii Divina Providen-*

tia Papæ X. *Declaratio Nullitatis Articulorum nuperæ pacis Germaniæ: Religioni Catholicæ, Sedi Apostolicæ, Ecclesiis, aliisque Locis piis ac personis, & juribus Ecclesiasticis quomodolibet præjudicialium.* Ibi Principibus Pontificiis, pacem juxta concessione eorum, quæ nullo vel Divino, vel humano jure legitimo inhiberi poterant, redimentibus, crimini datum, quòd Pace ea inter alia bona ecclesiastica, aliæque ab hæreticis occupata, illis, eorûmque Successoribus in perpetuum addicuntur; Hæreticis Augustanæ, uti vocant, confessionis liberum sua hæreseos exercitium in plerisque locis permittitur, & locorum pro ædificandis ad hunc effectum templis assignatio permittitur; ipsique cum Catholicis ad publica munia & officia, ac ad nonnullos Archiepiscopatus, aliâsque dignitates & beneficia ecclesiastica, præcûmque primariarum Ferdinando in Imperatorem electo à Sede Apostolica concessarum participationem admittuntur: Annata, jura Pallii, confirmationes, Menses Papales, & hujusmodi jura ac Reservationes, in bonis ecclesiasticis dictæ Confessionis Augustanæ excluduntur; Confirmationes electionum, seu postulationum prætensorum Archiepiscoporum, aut Prælatorum ejusdem Confessionis, potestati Seculari attribuntur; plures Archiepiscopatus, Episcopatus, monasteria, ballivæ, commendæ, canonicatus, & alia beneficia, & bona ecclesiastica, Principibus hæreticis, eorûmque heredibus, etiam sub lata denominatione ecclesiastica, in feudum perpetuum sub dignitatis Secularis titulo conceduntur; contra Pacem hujusmodi, ullûmve ejus articulum, nulla jura Canonica vel civilia, communia, specialia, Conciliorum decreta, religiosorum ordinum regulas, iuramenta aut Concordata cum Romanis Pontificibus, ullâve alia statuta, sive ecclesiastica, sive politica, decreta, dispensationes, absolutiones, aut alias exceptiones, audiri vel admitti debere; disponitur; Numerus septem Electorum Imperii, olim Apostolica auctoritate præfixitus, sine nostro & Sedis præfatæ beneplacito augetur, & Electoratus octavus in favorem Caroli Ludovici, Comitis Palatini, hæretici instituitur; aliæque multa, quæ pudet referre, orthodoxæ religioni, Se-

*diſque præfata ac Romana, & inferioribus eccleſiis, cateriſque præmiſſis ſummopere præjudicialia & damnoſa decernuntur. Quibus omnibus cum pupillam oculi ſui feriri, & ventrem, cujus quæſitiſſimus in Romana curia ſenſus eſt, tangi Papa exiſtimâſſet, is de Apoſtolice poteſtatis plenitudine, decreta illa & ſimilia etiam ipſo jure nulla, invalida, irrita, injuſta, damnata, reprobata, inania, viribus & effectu vana omnino fuiſſe, eſſe, & in perpetuo fore; neminemque ad illorum, & cujuſlibet eorum, etiamſi juramento vallata ſint, obſervantiam teneri: neque ex illis cuiquam aliquod ius, vel actionem, aut titulum coloratum, vel cauſam præſcribendi, etiamſi longiſſimi & immemorabilis temporis poſſeſſio, etiam citra ullam interpellationem aut interruptionem, ſubſequatur, acquiſitum fuiſſe, nec eſſe, minusve ullo tempore acquiri, & competere poſſe: neque illa ullum ſtatum facere vel feciſſe: atque perinde, ac ſi non emanâſſent, pro non extantibus & non factis perpetuò haberi debere, decernit ac declarat. Neque ſibi læſa Majeſtas Pontificia ſatisfacere ullo modo valens, ſubjicit: Et nihilominus ad abundantioreſ cautelam, articulos præfatos, aliâque præjudicialia, motu, ſcientia & deliberatione, & poteſtatis plenitudine penitus damnamus, reprobamus, nullamus, caſſamus, annullamus, viribûſque & effectu vacuumus; & contra illa, deſque eorum nullitate coram Deo proteſtamur. Piget reliqua Bullæ illius plumbeæ, nil niſi plumbeas iras, ob Pacem ſcilicet culinæ Pontificiæ commodis præhabitam, ſpirantis, proſequi. Tantus dolor fuit ſubductorum ventri pinguium aliquot patrimoniorum: adeò altè aqualiculo ſua-
viſſimæ faginæ impreſſa memoria hærebat!*

*Erneſti de Euſebius de Pace
Proteſtanti-
bus non dan-
da, liber, Fa-
bii Cbiſii juſ-
ſu vulgatus.*

CCLIX. Ante quàm Pax conſecta fuit, in ipſo ſcilicet deliberationum æſtu, Fabii ejusdem inſtinctu, exaratum Monafterii prodiit judicium Theologicum perſonati cujuſdam Erneſti de Euſebiiſ, quo probare is aggreſſus eſt, Pacem, qualem Proteſtantes deſiderant, ſecundùm ſe illicitam eſſe; eò quòd pax ejusmodi *heretiſmum directè, tum*

*indirecte cooperetur: Creatori & vera Religioni injuriam inferat: causa sit perditionis animarum: usurpatio sit potestatis non competentis: repugnet officio & juramento Caesaris, Statutumque Catholicorum, maxime Episcoporum: frustratoria, ipsoque bello periculosior sit: sit magis inordinata mendacio: Ecclesiae Dei, Summorum Pontificum, S. Patrum, & veterum Doctorum suffragio destituitur & damnetur: quæ sigillatim demonstrare conatur. Successit mox Judicii illius Theologici vehiculum, & Instrumenti Pacis Ponderatio. Responderunt ad Judicium illud ex Pontificiis, Abbas Caramuel, Vir doctissimus, qui arcanis consultationibus multis magno bono in lucem productis, præterea opinione variæ doctrinæ & autoritate cum primis fidem sibi idoneam fecit: ex Augustanis verò tum Doctis. Joh. Georgius Darchæus; tum solidissime inprimis Celeb Conringius, qui sub nomine Irenæi Eubuli, Theologi Austriaci *pro Pace perpetua Protestantibus danda* Consultationem Catholicam edidit. quam per hypotheses irrefragabiles, & conclusiones inde deductas, solutis etiam Ernesti argumentis, adornatam, dignissimam, quæ truci & sævo Eusebii tenebrionis judicio opponeretur, esse J. C. famigeratissimus Jacobus Lampadius, præfatione præfixa judicavit. Sed & pace jam rata firmaque, & non attentis Romanis sive fulgurationibus, sive tonitribus, sive fulminibus in publicas perpetuasque Imperii leges recepta, refractariam illam Innocentii bullam idem Doctissimus Conringius ad partes ita vocavit, ut apertæ veritati dederit, Declarationem Innocentii non necessariam, inutilem, publicè privatimque noxiam ac perniciosam, denique ab omni æquitate & justitia alienam esse: In Batavis quoque duo rei indignitate moti, alter David Blondellus, omnis antiquitatis promus condus, ficto tamen Amandi Flaviani nomine; alter Vir Clarissimus, Johannes Hoornbekius, perdoctis scriptis Romanæ Bullæ im-*

*R sponsam
alem Caramuelis,*

Dorchæi, Conringii.

*Innocentii adversus Pacem
Bulla ab eodem Conringio,*

Blondello,

*Hoornbekio
discutitur.*

pietatem, quòd doloſo cineri ſuppoſitam illam Papalem prunam non carere judicàſſent meritò, confodere non dubitârunt.

*Innocentii
mors Hiſtoria
Conclavis A-
lexandri VII.
auctore Italo
edita, & con-
tracta exhi-
betur.*

CCLX. Innocentio d. VI. Jan. A. M. D. C. LV. acerba morte, uti ſupra diximus, defuncto, Cardinales undecimo à morte ejus die in Conclave ſexaginta & novem cellis (vacabant tamen quatuor ob abſentiam Sandovallii, Cueva & Mazarini, & mortem Carafæ) diſtinctum ſe contulerunt. In Cardinalem Sacchettum plurium Gallicæ factioni addictorum, coryphæo eorum Barbarino, vota inclinabant. Medicæi, Hiſpanicæ factionis principes, & cum iis Hiſpani ei ſummopere reſiſtere. Duabus his acceſſit tertia factio (*Squadron volante*) volans (ſcilicet, quam *factionem Spiritus S.* blaſphemè appellare auſi ſunt,) ex Pamphili ſeu Innocentii creaturis, Olympia annitente; & Cardinale Imperiali ejuſdem duce, collecta, præ ſe ferens, quòd Papam non vel Hiſpanum, vel Gallum, ſed digniſſimum eligere conſtitutum habeant. Conſtat tamen, *volantes* illos Olympiæ deſideriis velificari unicè voluiſſe. Cùmque Cardinales Innocentio ſanguine conjuncti nulli extiterint (Aſtallius enim adoptione exciderat) æquum viſum, ut in factione tali habeat nomen aliquod factio Pamphilia, ne ab Innocentio lecti Cardinales velut mercenarii milites huc atque illuc divagari, & alienis ſignis nomen dare neceſſum haberent. Has veras *Factionis volantis* cauſas ſcripta ab Italis vulgata prodiderunt. Et junxerat ſe primùm volans hæc factio Barbarino, Gallicæ antefignano. Sed Sacchetti, cui Galli ſtudebant, promovendi poſt plures, quibus in eligendo eo lapidem omnem fruſtra moverant, hebdomadas, ſpes omnis mox evanuit, Medicæis, qui jam ante illum excluſerant, vindictam metuentibus. Conſpirârunt tamen vota ad Pontificem Coronæ Gallicæ & Mazarino gratiſſimum eligendum. Placuit ſta-

statim Rapacciolus, Barbarinorum rebus insuper addictissimus. Restiterunt Medicæi, & cum iis Hispani, eò quòd dignissimus Papatu licet, occulto favore nimium in Galli partes inclinaret. Rejecto sic Rapacciolo proponitur Card. Florenzola, Ordinis Dominicani Monachus. Neque ille Medicæis displicuerat. Sed obstitit Olympiæ acris tergiversatio, quæ propter similitudines privatas invicem exercitas, ante Cardinalium in Conclave ingressum Pamphilios omnes seriis precibus, ne in electionem ejus, futuri sibi inimicissimi, consentirent, obtestata fuerat. Neque cum ex Conclavi ei significaretur, electum Florenzolam esse, si acquiesceret illa, & universæ Pamphiliorum domui benevolam affectum spondere; Trivultio Cardinale etiam, qui ob morbum extra conclave degerat, pro eo multum intercedente, flecti ullo modo, induciq; ut quiesceret, potuit. Proponuntur igitur alii, Cecchinus, Franciottus, Bragadinus, & tandem, annitente Sacchetto; Fabius Chisius, patria Senensis, agminis *volitantis* quasi-ocellus, is ipse, quem nuper adversus Pacem Westphalicam Pontificis nomine supra protestatum diximus. Quia tamen ad ejus, utpote ab Hispana factione propositus, electionem Galli venturi languidiùs credebantur, Sacchetti opera nuntius perniciosissime in Galliam ablegatus est cum ejusdem ad Mazarinum literis efficacissimis, quibus ejus virtutem, dotes & erga coronam Gallicam incredibilem affectum graphicè is depinxit. Interea, dum responsum ex Gallia expectatur, tempus inutiliter & intermutuas fraudes, cum alii aliis gnauiter imponerent, consumptum extractumque est. Eoque res devenit, ut multi non tam tœdio, quàm scandalo offenderentur, haud obsecrè innuentes, non sic gloriam Dei, nec ecclesiæ anxie electionem Pontificis desiderantis, quæri. Responderunt, qui protela illa consultò nexuerant, nondum illuxisse diem,

quo Deus populo suo de rectore prospicere decrevit. Il-
luxit tamen mox candidus ille dies, quando ex Gallia al-
latæ literæ, placere Chisium, & ob Sacchetti intercessio-
nem, unice illum à Rege expeti, significarunt. Sic Me-
dicæos inter & Barbarinum, Hispanos, Gallos & medios,
inde à die XXVIII. Martii cùm transactum esset, tandem
post scrutinium verspertinum diei Martis, VI. nimirum
Aprilis, negotium à Cardinalibus apertius tractatum, &
sibi invicem, tam faustam electionem Chisii gratulati sunt;
ingruentèque nocte in cella Chisii, qui jam se in lecto com-
posuerat, convenerunt. Gatulationes excepit Chisius; pro-
fusus lachrymis subinde orans, ut digniorem alium elige-
rent. Solent nimirum nonnulli specie recusantium flagran-
tissimè cupere. Pro sequentis diei, VII. Aprilis scrutinio
matutino jam vespere præcedente suffragia certa pro Chi-
sio præparata erant; Medicæis ac Hispanis viginti duo,
Barbarino triginta novem vota promittentibus. Poster-
diei VIII. Aprilis primo manè omnes, qui aderant, Car-
dinales ad Chisii cellam coiverunt, tum sacro in privato
quodam facello facto interfuerunt, ac demum Chisium
more solito ad delubrum Sixti deduxerunt, ut ibi in scru-
tinio jam factam ejus electionem communibus votis pu-
blicè comprobarent. In quo scrutinio Hispanorum vota
ad numerum vigesimum & quintum crevere, licet Medi-
cæi viginti duo duntaxat promississent; & sua triginta no-
vem Barbarinus contulit, atque ita concordibus suffra-
giis omnium, sexaginta quatuor scilicet, Fabius Chisius
Pontifex Romanus electus est. Qui antequam publicè
(nam privatas gratulationes jam admiserat) dignitatem
capefferet, precum causa, ab Altissimo auxilium impetra-
turus, aliquantum secessit. Vestitus postmodum Pontifi-
cali habitu Romanus Pontifex, ac visibile caput ecclesiæ
sub nomine ALEXANDRI VII. (hoc enim Fabio

nomen placuit, nescio quo Numine vel omine) ab omnibus Cardinalibus salutatus & adoratus est.

CC LXI. Hanc Conclavis Alexandri VII. historiam, *Ejus occasione*
 Authore Italo minimè suspecto, saltem ob profusissimas, *questiones de*
 quas Alexandro in eadem historia admetitur, laudes, Ro- *electione Pa-*
 mæ Italicè, & à Johanne Schwarzkopffio, Sereniss. Au- *pe mare.*
 gusti Brunsvicensium Ducis, Consiliario, Viro Summo,
 Latinè, fusiùs proditam, delibatis summis ejus capitibus,
 repræsentare haud inconsultum omnino duxi, ut electio-
 nis Pontificum paradigma aliquod lectorum oculis subjicerem. Quærere hic lubet: An ita eligentibus censerì pos-
 sit Spiritus S. præsedisse? An verosimile sit, Spiritu S. af-
 flari Cardinales in factiones, & in illa consilia carnalia de
 inveniendò commodo suis Secularibus desideriis Pontifi-
 ce? Num ad illum modum DEUS O. M. Prophetas &
 Apostolos (Apostolus autem etiam Papa haberi vult) mi-
 serit in mundum? An non potiùs Deus singulos Prophetas
 & Apostolos suos ab ipso orbe condito immediatè elegerit
 & miserit? An, si Papa est vicarius Dei, ac proinde ra-
 tione illius muneris major omnibus Prophetis & Apostolis,
 uno excepto S. Petro, verisimile sit eum ritè constitui mo-
 do aliquo, qui longè inferior est illo, quo electi olim fue-
 re Prophetæ & Apostoli? An in ejusmodi Pontificum ele-
 ctionibus quicquam appareat, quo electionibus Principum
 Secularium præferri mereantur? Imò an non electio-
 nes Principum Secularium præferri electionibus Pontifi-
 cum vel eo nomine mereantur, quòd in illis salutis omnium
 promiscuè subditorum haberi ratio soleat: in his contra
 non omnium æquè Principum, sed vel Regis Hispaniæ,
 vel Regis Galliæ (prout hæc vel illa factio vincit) dunta-
 xat, vel præcipue commoda spectantur? An non Ponti-
 fices ita electi vitio & per simoniam creati censerì debeant?
 An proinde tales electiones non sint illegitimæ & ipso ju-
 re

re nullæ; ipsique adeò Pontifices Pseudo-Pontifices? Hæc similiâque extricent illi, qui Pontifices ejusmodi à Cardinalibus, Carnalibus scilicet, electos pro Vicariis Christi, adeoque Vice-Deis venerantur. Jam olim quidem Baldi, Jurisconsulti veteris, de sententia (in l. 2. C. sententiam rescindi non posse) Papa non legitime electus, est *Diabolus in terris & apostata*: & ideo *non habet claves Cæli, sed inferni*. Quis verò ab hujusmodi, quæso, (sibi & Baldo ignoscat Roma, non mihi) *diabolis, apostatis, inferni clavigeris*, famam incorruptamque Religionis Christianæ doctrinam sibi polliceatur?

In electione
Pontificis
quid potissi-
mum Cardina-
les, quid
Seculares spe-
rent, inqui-
runt.

CCLXII. Enimverò quid vel Cardinales, vel Seculares etiam Principes in Pontificum electione potissimum spectent, experientia liquidò testatur. Ex quo enim Pontificis eligendi jus ad solos Cardinales devolutum, eorumque Collegium in duas præpotentes factiones, Gallicam & Hispanicam scissum est, non jam conjectu sortis, sed prægrandi annua pecunia in aliquot Cardinalium aridas avidasque fauces conjecta, emptisque suffragiis, hæc ad Principum nutum, partibus studentium, Comitata peraguntur. Tum quid utrique spectent, ipsi etiam Pontificii graves neutiquam dissimulant. Jam dudum enim Joh. Franciscus Lottinus, Episcopus Volaterranus, ille Marcelli II. amicus summus, in Consilio, quod de Conclavi scripsit, sic inter alia censuit: *In Pontifice, inquit, eligendo aliis studiis Principes & Prælati Ecclesiastici, aliis Seculares ducuntur. Hi quidem quantumvis religionis Catholice sint studiosissimi, magis tamen propriæ utilitatis respectu moventur. Idcirco Pontificem plerique malunt, qui animo timido sit & sollicito, quàm prompto & vehementi; ut bonis ecclesiasticis, quæ in ipsorum sunt ditionibus, tantò liberius uti frui possint. Quod si vel Rex Franciæ, vel alius quis Princeps Pontificem desideret, qui animo magno sit & elato, non equidem ideo faciunt, quòd Sedis Apostolicæ dignitatem auctam*

cupiant, sed ut eorum consiliis ad res in Italia novandas utantur. Hispaniarum quidem Rex, alique Principes, qui ditiones suas pacifice possident, Italia quieti unice student; ac propterea iis, qui illustri prosapia magnisque opibus subnixi inquieto sunt animo, minus favent. quod idem sine dubio Rex Franciæ, si tantum terrarum in Italia possideret, facturus esset. Quoniam verò quietis in Italia conservanda præcipuum momentum in tali Papa est positum, qui humilis sit conditionis, ac nullis factionibus addictus: solent iidem omnium hujus farina Cardinalium favorem, quibus possunt officiis sibi conciliare, eosque obnoxios sibi facere. Quales verò in Pontifice virtutes sibi Cardinales expetant, statim idem explicat. Cum plures sint, inquit, probitatis sive virtutis partes, et Pontifici futuro magis necessaria existimantur, quæ aliorum servantur utilitatibus & commodis. ut sunt Beneficentia, Comitas sive Affabilitas, justitia, & similes. Parsimonia enim, temperantia, continentia, & aliæ, quibus homo se ipsum regit, laude quidem dignissimæ sunt virtutes, at multò magis in Principe eæ desiderantur, quibus magnitudo ejus aliis quasi communicatur. In eandem sententiam scribit Anonymus, qui electionem Sixti V. narravit. Quorum, inquit, à Cardinalibus ratio habetur, virtutes illæ sunt, quæ alteri profunt, ut justitia, affabilitas, mansuetudo, beneficentia, facilitas in communicanda sua cum aliis dignitate, similesque aliæ. Ceteræ enim virtutes animique perfectiones, ut temperantia, continentia, & quæ sunt hujus notæ aliæ, minùs hic requiruntur. Ac proinde rarò eligi videntur, quibus multi & magni cognati vel propinqui, ne scilicet illis locupletandis & evehendis beneficentiæ fontes aliis claudantur. Et Cardinales Pontificem desiderant, non qui ipsos amet tantum, sed qui causas habeat ipsos amandi. Sanctitatem igitur in eligendo eo, qui electus Sanctissimus Pater clueat, pietatem, rerum sacrarum peritiam pensi non haberi, res ipsa loquitur, & silentio virtutibus illis involuto Authores hi prodiderunt. Satis sanctus, satis pius, satis doctus censetur, qui Pontificia sacra professus, aliis

utilis commodusque, & usurpatæ potestati Romanæ Sedis vel conservandæ vel provehendæ par haberi possit. Et verò jam pridem Pontificum plerique aut fuere indocti, aut caudidici, aut Politici: Theologis ad honorem illum gradus omnis tantum non præclusus fuit. Perinde atque Curiam ipsam Romanam in legendis Episcopis postremam, vel ut plurimum nullam omnino peritiæ rerum sacrarum curam habere, jam olim Marsilius Patavinus *part. 2. c. 24. Defensor*. scripsit. *Quibus, inquit, de plenitudine potestatis conceduntur majores Ecclesiæ dignitates, & qui ad has gubernandas sufficientes putantur, caudidici sunt. Hos enim tanquam utiles dignificat Romanus Pontifex, ut Ecclesiæ defensores, qui pro temporalibus conservandis vel amplius usurpandis contendere norunt, sacræ verò Theologiæ doctõribus tanquam inutilibus rejectis. Neque pridem adeò in ipsa Italia Papista celebris & bonarum partium desertor, edita sub ficto nomine Alphonfi de Vargas Toletani, Relatione ad Reges & Principes Christianos, hac de re graviter questus, Palam est, inquit, majorem eorum partem, qui hodie vel maximis in Ecclesiâ dignitatibus præsunt, & unctissimis Episcopatibus atque sacerdotiis fruuntur, quantulacunque juris ac legum notitia tinctos ad eos honores opesque pervenisse; ceterum Hebraicè, Græcè & Latinè indoctissimos, tum sacrarum literarum non magis, quàm Scythici aut Japonici sermonis intelligentes esse. Quamvis enim S. Paulus eum, qui velit esse Episcopus, Doctorem esse jubeat, qui scilicet aut ab infantia sacras literas didicerit, aut saltem in lege Dei dies ac noctes meditetur: tamen eò res hodie rediit, ut qui Theologiæ Doctõr sit, vix nomen inter Episcopatum candidatos profiteri audeat.*

Alexandri encomium ab authoris Conclavis ejus sententiam.

CCLXIII. Miras tamen in Alexandro effulxisse animi dotes, ejus encomiastæ plenis buccis decantant. Is enim, qui Conclavis ejus historiam scripsit, occasionem scilicet ei supparasitandi captans, augurium futuri Pontificis optimi ut faceret, sic eum commendat. *Si nostro*,
in-

inquit, hoc seculo Principem quis cerneret, qui nudum corpus rigidissimo vestivisset cilicio, nemo non eum tanquam vite integerima, exemplaris & sanctæ studiosum, suspiceret. At talis noster, cum habitu Pontificali indueretur, repertus est. Qui etiam alias animi ab affectibus terrenis, mundanisque divitiis alieni, significationes haud dubias sepe jecit. Lectus enim ejus, in quo, cum Cardinalis esset, dormire consueverat, non mollioribus ac delicatis plumis stratus erat, cum semper durissime quietem cæperit. Singulis quoque septimanis bis jejunando abstinentiam suam ostendit, nec iam Pontifex ab isto more tantillum recedit. Vnde manifestissime apparet, quam penitus abhorreat à terrenis deliciis, mens celestibus tantum dedita. Res sanè nostri ævi Principibus rarissime usitata, ac proinde in nostro tantò magis admiranda & extollenda, qui profligato dominio sensus, solum spiritum sibi imperare patitur. Narrat deinceps, eum Papam creatum, cum solenni pompa in ædem Petri portatus esset, ut ibi super altari magno, in medio Templi extructo, ab omnibus Cardinalibus adorationis cultum publicè reciperet, noluisse præcedentium Paparum more in altaris medio collocari, sed vehementer instituisse, ut in angulo quodam altaris relinqueretur, indignum se professus eo loco, quem cæteri Pontifices tenuissent. Illic tandiu prostratum, imaginemque crucifixi amplexum, maxima cum animi dejectione jacuisse, quandiu adorationis solennitas duravit. Quam submissionem & modestiam signum certissimum Pontificis singulari Dei misericordia ac providentia concessi, ille interpretatur. Ubi verò relicto S. Petri templo ad proprium cubiculum Palatii Vaticani delatus fuit, prius quam se fessum jam molestis functionibus quieti daret, arcam è cupresso, plumbo intus obductam, ut illic post mortem recondideretur, sibi condi, & sub lecto suo reponi, quò sic morte ob oculos statuta, ad pietatis opera accenderetur magis, iustificasse, idem & author & prodigus laudator est. Sed & proxima

ma ab electione die eum Olympiam, quæ gratulatura ei novam dignitatem palatium intraverit, rejectam facessere jussisse, eò quòd palatium Papæ à scæminarum pedibus calcari decorum non sit, idem refert. Addunt alii, indignabundum Olympiæ eum objecisse, *satis diu jam Pontifices illam vidisse*. Alia quoque sanctitatis & virtutis Alexandri *τεμπηα* idem memorat. cujusmodi sunt, quòd cognatos suos Romam venire injussu suo prohibuerit, *docens* sic (ita adulator *ἑταίρε*) *se jam cognatos non habere, nec domi suæ evehenda studere, potiorémque curam illam habere, quomodo Ecclesiæ redditus usibus necessariis applicarentur*: quòd oblata postridie creationis à diversis Principibus aliisque munera, promptè magnòque animo respuerit; inprimis verò Olympiæ lectum, variè acu pictum, & unionibus contextum, quadraginta millium aureorum pretio æstimatum, actutum eidem remiserit; (scilicet opimiorem prædam ex illius rapinis animo jam præceperat devoraverátque, integrum auri millionem, Gualdo teste) eamque ad reddendam rationem furtorum suorum, inprimis arcæ, in qua octoginta millia aureorum, ab Innocentio, successori tradenda, repõsita ipsemet Alexander adhuc Cardinalis viderit, restitutionem compulerit: quòd inter Principes diffidentes concordiam facire, & animas hæresi pereuntes ad gremium ecclesiæ reducere, in consilium missis ilico vitæ probatæ & expertæ prudentiæ Cardinalibus, studuerit: quòd Venetis adversus Turcas suppetias statim tulerit: quòd denique totus motibus spiritualibus, meditationibus sanctissimis, & cogitationibus ad totius Ecclesiæ bonum collineantibus, & quidem non perfunctoriè, sed seriò & acriter deditus sit. *An familiæ suæ splendorem* (ita sub finem loquitur) *auctum, nepotibusque suis Cardinalatus aliisque dignitates largitura sit sua Sanctitas, nondum liquet*. Sed lique-re mox cœpit. Amphora enim cœperat institui, sed cur-

rente rota nonnisi urceus exivit. Neque sic tamen adulator aliquid dixit, quod humanam sortem superet, vel Christo Vicario & Vice-Deo eximium sit. Omisit etiam nonnulla, quæ jam tum constare poterant, quorum alterum cum paucis Pontificibus commune, alterum sibi proprium habuit. Ac prius quidem, quod literis utcunque imbutus sub nomine *Philomathi* poemata edidit. Posterius verò, quod Mahometem eo ipso tempore Imperatorem Turcicum quinto gradu consanguinitatis, ex Alanc Moruglio, communi stirpe & Atavo utriusque Parentis Pontificii & Turcici; pessimo utique omine contigit. uti quidem Pastorius in Henninge redivivo pag. 159. demonstravit.

Ejus Philomathia, & gradus consanguinitatis, quo Mahometem Imp. Turcicum attingit.

CCLXIV. Vix admotus gubernaculis est Alexander, cum honori ejus in Pedemontio per immisos Emissarios, igneos illos turbarum incentores nigris hostiis, humanis coesorum lamentabiliter victimis litatum est. Priusquam autem tragicum sanè, luctuque & miseriis plenum drama prosequimur, paulò altius rem repetere juvabit. In tribus Pedemontii vallibus, Lucerna, Perosa & S. Martino inde à quingentis annis Euangelici, Waldensium nomine, Romana Ecclesia, ceu Antichristiana & Apostatica deserta, segreges coetus fecerant. De eorum origine, propagatione & persecutione supra §. c. c. iv. cv. pluscula diximus. Cruentissimam omnium adversus illos persecutionem Innocentius VIII. A. M. cccc. lxxxvi. instituit, misso Legato suo, Alberto de Capitaneis, delere & excindere eos omni tormentorum genere connixus. Sed Waldenses captis pro justa sui adversus latrones defensione armis, libertatem à Philippo VII. Duce Sabaudia, postquam falsas & ineptas Monachorum jactantium inter alia, *liberos Waldensium monstruosa esse forma, uno in fronte oculo, & quaterna nigrorum dentium serie, aspectu formidabiles; calumnias*

Papatus ejus initia Pedemontana laniens sedantur.

*Continuatio
persecutionis
Waldensium
sub Philippo
II. Carolo,
Philiberto
Emmanuele.*

abundè is perspexit, impetrârunt. Mox A. M. D. XXXIV. denuo eorum *παραθεβία* Carolus & postea Philibertus Emmanuel moliti sunt. adversus quos natura locorum, & angustiiis alpium, animo invicto fortissimè sese defendentes vim vi repulerunt. donec A. M. D. LXI. nova illis pax & libertas concessa est. Quæ cum A. M. D. LXV. denuo infringi cœpisset, Protestantes Germaniæ Principes eorum causam suscipere cœperunt. Et Elector quidem Palatinus Fredericus III. Pius., missio ad Ducem Sabaudia Legato, insignem ad illum Epistolam scripsit, qua ostendit, *crudelitatem Papæ Romani erga fideles & Reformatos, Principi Christiano & justo haud quaquam tolerandam, neque combustiones & martyria legitima esse propaganda religionis media. Quin cogitet Dux, sibi aliquando coram terribili tribunali Dei comparendum, & effusi sanguinis rationem reddendam esse. Abusus & errores Ecclesiæ Romanæ tam tetros & abominabiles esse, ut justam causam omnes, qui salvari cupiunt, habeant eos fugiendi. & quicumque eos propterea occidunt & persequuntur, hostes esse ipsius Dei, æternæque damnationis reos. Sed furdo, adversariorum criminationibus planè circumvento fabulam. neque à Papistis quies ulla impetrari potuit, donec A. M. D. LXXX. Carolus Emmanuel denuo iis pacem & tranquillitatem concessit. Neque tamen ita stabilis illa fuit, quin subinde atrocior persecutio recrudesceret; anno inprimis Seculi hujus vicesimo secundo, tricesimo secundo, quinquagesimo, & cruentissimè omnium quinquagesimo quinto, quando Andreas Gastaldus, qui se *Catholica Religionis adversus Reformatos Conservatorem Generalem* ferebat, nomine Ducis Sabaudia, media hieme, cum omnia gelu nivibusque riguissent, Reformatos Lucerna, Lucernella, S. Giovanni, La Torre, Pubbiana & Fenile, Campiglione, Bricheras & S. Secondo (hæc enim loca diu jam illi infederant) peremptorio decreto intra triduum sub poena mortis & confiscationis*

*Pax à Carolo
Emmanuele
iisdem datur.*

*violata variè,
à Gastaldo in-
primis, qui
migrationem
ex Pedemon-
tia iis indixit.*

bonorum omnium, nisi intra viginti dies Papistæ fierent, migrare iussit. Migrârunt cum uxoribus & liberis, decrepitis & ægrotis, mancis mutilisque, per aspera rupium nivibus & glacie candidarum, ventis pluvisque insuper sævientibus; & mox, in migrantium desertâ habitacula ingressi latrones furésque grassati, cuncta diripuerunt, diruerunt, arbores frugiferas succiderunt, & in horridam vastamque solitudinem omnia redegerunt. Expulsi contra Gastaldum apud Ducem supplices questi, nequicquam restitutionem in integrum precati sunt. Falsis enim criminibus per subornatos magis magisque oppressi, & mox consilia *de propaganda fide & extirpandis hæreticis* horribilia eventu ipso patefacta sunt.

CCLXV. Quippe nono post electionem Alexandri, *Horribilis eorundem lanienam ex Morlando repetita.* decimo septimo scilicet Aprilis die A. M. D. C. LV. exercitus ingens ex toto Pedemontio, junctis sex Legionibus Gallicis Hibernisque conflatus, in valles Angrogniom, Villaro, Boblio, aliâque à Reformatis habitata loca, diro impetu penetrans, flammis ferroque omnia miscuit, horribilémque lanienam, vanissimo rerum minùs civiliter gestarum prætextu, patravit, tanta crudelitate, ut The-salonicensis illa à Theodosio patrata, si cum ea comparetur, ludus merus fuerit; quin à Diocletiani temporibus par, à Christianis in Christianos commissâ (si Hibernicam forte illam exceperis) nulla fuerit. Ex Samuele Morlando, qui Angliæ Legatus aderat, paucis lanienam illam sic Celeberrimus Hornius describit: *Nunquam par crudelitas à Christianis in Christianos patrata legitur. Nam ut pauca tantum ex multis referam, capita Barbetis (ita Reformatos in Pedemontio vocant) præcisa, & ahenis excocta devorârunt: Fæminis dissecti incurvis silicibus ventres umbilico tenus, aliis exsecta ubera, quæ igne frixa devorârunt. Naturalibus præcisiss ardentem candelam admovent, ungues candentibus forcipibus evulserunt,* se-

semimortua corpora caudis bestiarum alligata ad mortem per aspera raptârunt. Leve hoc videbatur, præcipitare ab altissimis rupibus, ubi sæpe corpora semiviva arboribus implicata hæserunt, nullo ob inaccessa locorum auxilio, donec lenta morte, fame, vulneribus, frigore animam inter mille tormenta exhalarent. Concisi in minutas particulas, & per campos, dispersa Absyrii instar membra. Multis caro offetenus excisa, & pulmentorum instar contusa. Puellis adactæ per naturalia collo tenus longæ & acuminata perticæ, quas impius miles, ut vexilla solent, humeris sublata, spectaculo circumgestabat. Johannem Pelanchion Villariensem juvenem, crure funibus alligato, totum per plateas Lucernæ asperimis constratâs silicibus circumraptârunt. & si quando ingentibus doloribus victus manus capitque elevare conaretur, saxis contusus fuit: tandem exsectis virilibus, & in fauces intrusis spiritum ei intercluserunt, amputatoque capite insepultum truncum ad ripam fluminis abjecerunt. Infantes ex cunis raptos manibus dilacerârunt, puellas vivas hastis alligatas ad ignem assarunt, & excisis uberibus degustârunt. Alias manibus ad naturalia alligatis funibus suspenderunt pensiles, immani & incredibili cruciatu. Aurès, nares & alia corporis abscindere, ora pyrio pulvere implere, & eo incenso capita confringere, pudenda oribus intrudere, & vivos excoriare, pellem quadripartitam fenestris Lucernæ prætendere, decollare, excerebrare, & cerebrum frixum devorare, corda pectoribus evellere, vivos comburere, concidere, suffocare aquis, faciem excindere, id verò vulgare credebatur. Sed hoc dignum tantis Catholicis, quod Garcigliana in furnum Nubucadnezaris instar igne flammantissimo candentem undecim Waldenses coniecerunt, adactis miseris, ut unus alterum in ignem præcipitaret, donec ipsi latrones ultimum adjicerent, &c. Jacuit per omnes illas convalles, per aspera montium rupiumque anfractus immensa strages,

Alpina rubuere nives.

Plateæ oppidorum & viæ, cæsorum & insepultorum constratæ membris: hic resectum caput, illic crura, alibi sparsa exta, & semip-
tri-

tridis cadaueribus infecta flumina , ipsèque aer & Sol ad tantam immanitatem inhorruit , ac in authores iram Dei de Cælo pronuntiavit. Quæ verò plusquàm barbaricæ & Cyclopicæ crudelitatis adversus miseros exercitæ , intima causa fuit ? Rebellio , inquit Caini & Tubalcaini illi. Qua porro in re rebellio isthæc sita fuit ? Hac scilicet , (neque aliam ipsimet crudelitatis architecti proferre possunt) quòd antiquas sedes , quas jam ultra mille & centum annos coluerant , ob religionis Christianæ ex verbo Dei scripto haustæ adversus Pontificias corruptelas professionem liberam , à Gastaldo , vel Duce ipso à Romano Pontifice ejusque satellitibus seducto , deferere jussi , non promptè satis deferuerunt. Hæc rebellio illa , hæc irarum fontica causa fuit. Neve aliam quàm religionis causam actam putet quisquam , rapti sunt ad supplicia non alii , quàm qui constanter in religione avita perstiterunt. Cæteris verò , qui infirmitate carnis subacti Pontificia amplexi sacra sunt , immanis illa crudelitas pepercit.

*Ejus vera causa inquiri-
tur.*

CCLXVI. Neque tamen inulta planè manserunt infernalium Furiarum isthæc scelera. Waldenses enim , cùm se omnes internecioni destinatos , bona , vitam , ipsam denique animarum salutem extremo exitio devotam cerne-
Vindicta de persecutoribus non sine præfente Numine sumpta.

rent , ne pecorum instar inulti perirent promiscuè omnes , freti jure naturæ ipsius , quo defensio adversus latrones , aliòsque non salutem , uti decebat , sed perniciem duntaxat spirantes , in extremæ & inevitabilis necessitatis casu innoxia censetur meritò ; liberos , uxores , seque ipsos , quantum conscientia gentiùmque jura sinerent , adversus præsentissimum exitium correptis armis tueri , animo in mortem usque obfirmato , statuerunt. Cùmque sine Duce nil plebs audeat , lectus Dux Josua Gianavel , priscis Heroibus & populi Divini judicibus comparandus , exigua manu contra integras acies à Marchione Pianezzio ducta-

tas, incredibili felicitate & successu, ut præsentissimam opem Divinam nemo non agnoverit, pugnavit. Habuitque magnorum moliminum socium Jahierum, cum quo ceu altero Juda Maccabeo terrorem undique hostibus clademque intulit, ulciscens innocentissimum, Divinam vindictam inclamantem sanguinem. Undecim proeliis totidem diversis locis, (quæ fuerunt Piampra, Garcigliana, San-Secondo, Briqueras, Lucerna, La Torre, Crusol, Angrognia, Ofac, La Vafchere, La Torre) commissis, Reformati ut plurimum superiores victoresque nefariè occisorum propinquorum & fidei suæ consortum manibus parentârunt.

Imago quædam pacis:

CCLXVII. Accurrerunt primùm ex Helvetia & Anglia Legati, pacem, si fieri posset, afflictis adeò rebus, conciliaturi. Quos inter Samuel Morlandus ex Anglia Legatus, in publica audientia, Regina & Duce coram, hæc in verba libera fatis, sed necessitate extorta, os resolvit: *Misericordiam hisce pauperimis & ejectissimis subditis impertiri dignemini rogo. Illis nimirum, qui radices Alpium & vales quasdam in ditione vestra incolentes, Protestantium religioni sua nomina dederunt. Audivit enim (quod nemo Celsitudinis vestra Regalis voluntate factum esse dixerit) Olvarius Protector, miserrimos illos partim à vestris copiis crudeliter esse occisos, partim vi expulsos, domoque patria exturbatos, adeoque sine lare, sine tecto, inopes, omnique ope destitutos, per asperima loca atque inhospita, montesque nivibus coopertos, cum suis conjugibus ac liberis vagari. Quid enim per hõsce dies, quod genus crudelitatis inausum illis militibus, aut præteritum fuit? Fumantia passim tecta, & laceri artus, & cruenta humus! Virgines post stupra differto lapillis ac ruderibus utero, miserè efflârunt animas. Centenarii nonnulli senes effæta ætate ac morbo clinici, in lectulis combusti! Infantum alii saxis allisi, alii jugulati, quorum cerebrum ab interfectõribus, immanitate plusquam Cyclopica coctum ac devoratum! Quid plura? quanquam*
vel

*vel plurima huiusmodi commemorare possem, nisi horreret plane animus. Si reviviscant omnes omnium temporum Neronēs (quod si-
ne ulla Celsitudinis vestræ offensione dictum velim, quemadmodum
& nulla ejus culpa quicquam factum esse credimus) puderet profecto
eos; ut qui nihil non mite ac humanum (ad hæc facinora si spectas)
excogitasse se reperirent. Interim exhorrescunt Angeli! mortales
obstupefcunt! Ipsum Cælum morientium clamoribus attonitum esse
videtur, ipsaque terra, diffuso tot hominum innocuorum cruore eru-
bescere! Noli, summe Deus, noli vindictam sumere tantis sceleri-
bus & parricidiis debitam! Tuus, Christe, sanguis eluat hunc san-
guinem! Quos aculeos oratio acris in animis Matris & Fi-
lii Ducis reliquerit, incertum. Una semper perpetuæque
crudelitatis tantæ excusatio erat: Paternam tantum & lenem
castigationem de immorigeris & rebellibus subditis sumptam fuisse.
Si paterna fuit castigatio isthæc, cujusmodi hostilis casti-
gationis formam animo patres mitēsque illi conceperunt?
Missi tandem ex Anglia, Belgio, Helvetia solenniter Le-
gati, quibus se Regis Galliarum nomine Legatus Servient
conjunxit, imaginem pacis, in qua inter alia sancitum
est, ut emissarii furia facēsque turbarum illarum, Pede-
montium purgent, procurârunt, in qua promissa licet
multa sint, exitu tamen ipso præstita perpauca sunt. Quin
paulò post novæ iterum persecutiones emerferunt, quan-
do novo Gubernatore Bagnote exercitium Religionis con-
tra Pacis nuperæ tenorem hinc inde sublatum, Ministri
nonnulli aliique proscripti, & denuo immisso exercitu
innocentes oppressi, ædes dirutæ, ditiones miserè vastatæ,
denuoque afflictissimorum patientia mirè fatigata est, do-
nec suscepta iterum defensione innocua, & exoticorum in-
tercessione urgente, mense Aprili A. M. D. C. LXXII. amne-
stia postliminio sancita, & qualiscunque pax impetrata
est. Quæ tamen non ita pridem rursus infringi cœpta est,
cùm Convallenses ab infensissimo sibi clero fictis crimini-*

*ab Anglia
Gallia, Bel-
gio, Helvetia
Legatis iis
conciliata,
iterum mox
iterumque
violatur.*

bus onerati, gravem offensam Regnatricis incurrerunt, & Ministris propriis destituti, aliunde, quod pacta indulserant, eos accersere prohibiti sunt. Ita strenui illi confessorum Jesu Christi & veri Callinici, perpetuum quasi miseriae theatrum præbentes licet, lucernulae tamen seu phari in altissimis montibus, quam Deus per tot Secula, in ipso cœcitatibus Romanæ Pantheo, ringente tenebrarum Principe, accensam conservavit; instar lucere nondum defuerunt; utque nunquam deficiente oleo gratiæ & fidei, luceant ad illustrem usque adventum Christi & bonis operibus suis Patrem cœlestem glorificent, malevolosque ei lucentur, in votis unicè boni omnes habent.

*Alexandri
Bulla, quæ
Pacis Catho-
licorum Prin-
cipum facien-
da prætexta,
eosdem ad-
versus Prote-
stantes, Sue-
cia cumprimis
Regem accen-
dere conatur;
una cum glos-
sa quadam
Ordinaria re-
præsentatur.*

CCLXVIII. Non contentus autem ejusmodi Papatus sui primordiis Alexander, eodem anno, Suecos inter & Polonos ardente bello, novas, ceu alter Cœcias, nubes conflare annixus est. Etenim Bulla seu circularibus literis die xx. Sept. M. D. C. LV. pacis inter Catholicos Principes procurandæ prætextu, sed revera uniendorum eorum adversus Euangelicos, Ecclesiam Dei, insatiabili studio, ad Patriarchas, Archiepiscopos, Episcopos, clerumque universum scriptis missisque, irarum odiorumque adversus Protestantes semina jacere denuo constituit. Bullam illam Babylonii fastus, hypocriseos, crudelitatis adversus Euangelicos, & blasphemiarum adversus Deum plenam, cum in manibus omnium non sit, repræsentare totam, nec sine Glossæ ordinariæ, quo haud indigna forte est, auctario quopiam à nonnemine fusius paulò, heic verò contractiùs admetiendo, lubet. Ita autem Bulla tumet: *Alexander Papa Septimus. Venerabiles Fratres, Dilecti Filii, Salutem & Apostolicam Benedictionem.* (An qualem S. Petrus, an qualem Judas ipse quoque Apostolus, habens, sicut Alexander, marsupium plenum denariis?) *E Summo Apostolatus fastigio, Orbem universum, nostras VIDELICET curas,*
cir-

circumspicientibus nobis, misera sanè luctuque plena se offert Reip. Christiana facies. (Novus scilicet ille orbis terrarum Phaeton, æmulum hic se Alexandri Magni gessit. Sicut enim illi à Philippo, cùm in Bucephali sui fastigio orbem universum sollicitè circumspiceret, dictum boni ominis ergò fuit: *Fili, Macedonia te non capit*: sic Alexander hic, non jam Pontifex, sed haruspex, in Bucephalo suo, sive Monte Cavallo, infulus & lituo insignis, non jam angulum, vel partem quampiam orbis, sed orbem universum, suas V I D E L I C E T curas, adeoque Cælum, montes, terras, maria circumspexit. Sed forte ophthalmia laborabat; in Septentrione nives & nebulae aciem oculorum ejus præstringebant; versus Orientem & Austrum fulgor Solis, & æstus, & arenarum maria eum excœcabant; & in Italia luminibus ejus Waldenses, non in Pedemontio duntaxat, verùm etiam Venetiis & in Calabria, atque ipsa urbe Roma, officiebant. licet ab ophthalmia hac se liberaturus, collyrio Christiani sanguinis subinde oculos suos inunxerit. Ita circumspicienti orbem universum, suas videlicet curas, se obtulit *misera luctuque plena Reip. Christiana facies.* in Hibernia scilicet & Pedemontio, ubi verè contemplari potuit, quæ ejus

Relligio peperit scelerosa atque impia facta)

Sortem enim Domini, atque ipsius hæreditatem, veris ejectis filiis alieni sibi diripiunt. (Sueciam scilicet & Poloniam, sortem & hæreditatem Domini Papæ, qui pridem ex hominum, Regnorum piscator factus est, partim jam S I B I, Papa in societatem saltem prædæ non vocato, (hoc nefas!) diripuit, partim direpturus erat Carolus Gustavus, Alienus ille.) *Gentes quas pro Pontificia (crocodolina, quæ devorat, quos amat) charitate, in nostrum, hoc est, veræ fidei sinum* (nam sinus Papæ qualiscunque ille vera fides est) *traducere, (per ignem Molocho sacratas) arctissimèque com-*

plecti voluissimus (perinde ut nuper in Pedemontio complectebatur *Sinnosus* ille, *simia* amplexu necans *simios*) *hunc ipsum sinum dilaniare conantur*; & *ruptis maris atque ultimis terrarum claustris in Christi Gregem* (neque tamen Alexander Christus fuit) *effunduntur*. Male denique concordēs *Catholici Principes* (*Hispanus & Gallus*, uterque jam, secus quàm Alexander V I. Ferdinando Aragonio *Catholici* titulum donans, definivit, *Catholicus*) *in se ipsos feruntur*, & , *qua olim extrema minatus est Deus inimicis nostris*, atque *iis*, qui *insurgunt adversus nos* (at Deus, Alexander, suis inimicis, non igitur tuis ita minatus est.) *se ipsos depascuntur*, & (ceu *Antropophagi*, & velut in *Tragœdia Cyclopes*, aut *Thyestes*) *proprio sanguine*, quasi *musto inebriantur*. (belli scilicet Alexandri filii, *Canibales*, quibus liberaliter pro Pontificia charitate, ex thesauro Ecclesiæ, novus *Eli*, indulsit) *Hæc eadem cum pridem tacitè nobiscum doleremus* (*Monasterii* nempe, ubi dolens sanguinis & humanarum carnum velut interstitium quoddam solenni juramento pangi, protestatus est contra Principes, eò quòd se invicem depasci, & proprio sanguine velut musto inebriari desinerent) *visum est ei*, qui facit *magna & incomprehensibilia*, quorum non est numerus, (nota tamen sunt myseria, notæ artes, Deo non probante, nedum authore, quibus in conclavi per factionum certamen ad summum illud, Apostolatus videlicet, fastigium surrexit) *invitos trepidantesque* (invitantes, non invitos scribere debuit; trepidantes tamen metu, ne alius in Campo Martio candidatus offam præriperet, corvumque hiantem deluderet) *vocare nos ad Ecclesiæ gubernacula* (*Romæ*, patrimonii Petri, Comitatus Avinionensis. aliæ enim Nationes pleræque gubernacula illa abnuunt, etsi quæ admittunt, propter rationes status non nihil indulgent) atque *inclinare in nos onus immensum*, *humerisque quamvis firmissimis formidandum*. (quin igitur *clitellas deposuisti*,
exem-

exemplo Cœlestini, Felicis Amedei?) *Testes autem maro-*
ris nostri sunt publicæ supplicationes, quas ubi primum summo Pon-
tificatui admoti sumus, universis indiximus; (gratias acturis non
 Deo, sed Ianionibus illis, qui Convallenses eodem tem-
 pore jugulârunt. Roma etiam festis ignibus collucente,
 cùm Pedemontanâ jugulatio nuntiaretur.) *testes literæ, quas*
ad charissimos filios, non solum Ferdinandum, Hungariæ & Boemiæ
Regem Illustrem, (non hic Imperatori debitus titulus est.
 quàm fremeres, Alexander, si Te *Beatissimi, Sanctissimi,*
 titulo, etsi nullo jure Tibi debito, vicissim Imperator de-
 fraudaret?) *ac in Romanorum Imperatorem electum* (electum
 cùm dicis, approbatum vel coronatum tacitè negas, Hil-
 debrandine, Tibi, Servo Servorum, jus approbandi &
 coronandi Dominum tot in terris Dominorum, nefariè
 vendicans. Petrus scilicet, paulò antequam cruci affige-
 retur, ut jus hoc Apostolicum ad Te transmitteret, Ne-
 ronem in crypta subterranea coronavit! *Verum etiam ad u-*
trumque Regem (titulo *Serenissimi, Potentissimi,* vel quocun-
 que alio, & nominibus suis indignum utrumque, sive quia
 Papæ hætenus conjunctionem virium adversus Protestan-
 tium fortunas & vitam suadenti dicto audientes segniter
 fuerunt, sive quia ambiguus hæsit utrum præponeret; me-
 tuens scilicet, ne postpositus ei in barbam capillósque in-
 volaret) *dedimus; & quas iterum, cum importunissimum Ad-*
versarium (non Dei, sed Alexandri at quis ille? Carolus
 Gustavus, Sueciæ Rex, propter quem Tyria maria Ale-
 xander commovit, veritus, ne Polonis acie superior, li-
 bertatem Protestantibus in eo Regno acquireret, & Papæ
 in eodem nundinationibus nonnihil intercederet. quæ e-
 nim importunitas est, si hæc non est?) *per inclita Reip. damna,*
toti Europæ funera ac vastitatem inferre meditantem viderimus
 (Tu verò Serpens Epidaurie, lyncea acie Tua Caroli Gu-
 stavi meditamenta, præfractè adeò rem asseverans vide-

re potuisti? At Paparum hæc meditata sunt, qui per Jesuitas, Franciscanos, ceu Junitzaros suos, Christianos à tot retrò annis, hanc solam ob causam, quòd credere non potuerunt, eos in summo Apostolatus fastigio constitutos, jus habere universum orbem, suas *videlicet* curas circumspiciendi; immaniter non per capita modò, verùm stirpes, nationes ac populos, occiderunt, decollarunt, suspenderunt, submerferunt, combusserunt, torruerunt, coxerunt, jugularunt, devorarunt, defoderunt, discerpserunt, quadripartiti sunt. nega Alexander, si fecisti! si ante te fecerunt alii!) *magno cum animi dolore scripsimus, ut eos à mutuis discordiis in nefarium hostem converteremus* (scilicet, Alexandro pronubo, & monitore vel ad Sanctos Sanctasque suas supplice, inveteratas iras simultatesque promptè deponent illi. an Petri claves confractæ, Pauli gladius rubigine obductus fuit, quòd discordes Cyclopicos Reges ad concordiam fulminibus, & traditione Sathanæ, Alexander, degener Hildebrandi, Malifacii, Julii, Pii, Sixti, Pauli successor, redigere non es ausus?) & *quas nunc mittimus, eos admonentes, ut dum hiemis interventu tantisper bellorum impetus resederit, ad pacem constituendam omni conatu atque opera incumbant*; (tantarum scilicet virium admonitionem tuam fore sperasti, ut pax una nocte, fungi instar, nata, in atrociam statim adversus Protestantem sanguinem bella coalescat. fefellit, fallétque te, Aufonie Præsul, augurium!) *testes super hæc omnia, unam dies noctesque obversari animo sollicitudinem, quoniam ad tanta, ac tam acerba mala sedanda, nulla nisi in communi concordia reliqua spes est, hanc omnium cordibus ac voluntatibus inferendi.* (mactare in Hibernia, Pedemontio, comedere; at diurna nocturnaque solitudine tua cordibus & voluntatibus, licet in conscientias dominatum exercens, concordiam inferere non potuisti) *verum quia non hoc humana vires, aut terrena consilia mo-*

liri possunt ; (homo igitur , Alexander , terrestris fuisti , quem nec hominem , nec Deum , sed medium inter utrunque , Vice Deum , spiritualem , omnia judicantem , judicandum à nemine illi , qui in sinu Fidei tuæ dormivere , crediderunt ?) *sed illius donum esse debet , super quem est disciplina pacis nostræ* (cur Dei nomen omittis . quod bis duntaxat in Bulla occurrit ? an quia magnificè quàm clarè loqui potius habuisti ? Si concordia Dei donum est , quidn̄ etiam vires humanas plus quàm concordia superans , Fides ? Si fides Dei donum est , cur post pro Pelagianis adversus Janfenitas , Augustinianos pronuntiasti ? Cur hæreticos comburis , qui credere non possunt , Te in summo Apostolatus fastigio constitutum ?) *qui aufert spiritum Principum ; atque increpat mare & obmutescit . Quantum in Vobis est , Venerabiles Fratres* , (Te ne in terris venerari quenquam , efferentem Te super ea , quæ in Cœlis sunt ?) *ac dilecti filii , non modo opera , studio , consilio , officiis , autoritate vestra contendite* (quasi scilicet talibus Romanus Jupiter indigeret , qui unus omnia potest polletque) *verum etiam in oratione , in lachrymis , in jejuniis atque eleemosynis scindite corda vestra , arripite thuribulum , hoc est , preces Sanctorum , & medii inter ignem & arsurum populum consistite .* (at non tam promptè Venerabiles Fratres & filii , aliis longè curis distracti districtique , hæc omnia facere potuerunt , quàm promptè , uno scilicet spiritu , hæc effari & efflare Alexander potuit ! Si hæretici Tuis , Alexander , Fratribus & filiis Patriarchatus , Archiepiscopatus , Episcopatus , Abbatias , Monasteria , Collegia , indulgentias , purgatorium , Missas , Thaides , Lucretias , Olympias , verbo , ficum , vitem , oleum , fruges , aurum , argentum : si Tibi summum Apostolatus fastigium , Pontificiam charitatem , universum orbem , tuas videlicet curas , relinquerent ; nec illis , nec tibi orandi , lachrymandi , jejunandi , eleemosynas dandi , corda scin-

dendi, preces Sanctorum & Sanctarum implorandi, vel animus, vel otium esset unquam; neque nos de cœtero credentes quidvis, toto die occideretis, & velut oves matationis, exirio devoveretis! Mirum insuper est, non im-
perasse potius Alexandrum Fratribus & Filiis, ut lumbos suos cingant gladio, & hæreticos trucident. cùm hæte-
nus suetum iis fuerit, non *orando*, sed pugnando; non *lachrymis*, sed ensibus; non *ieiuniis*, sed cœdibus; non *elemosynis*, sed incendiis; non *cordium scissione*, sed ventrium dissectione; non *clamoribus*, sed jugulationibus; non *calice*, sed secespita homines in sinum Papæ traducere.) Vos, qui statuti estis custodes super muros Jerusalem, noctu atque interdium clamate, (ita enim etiam Baalis flamines clamârunt voce magna) atque estote cœlestis iræ, ac Divinæ ultionis placamina. Exinanite calicem furoris & ruinæ, calicem, quo potati sumus, doloris & tribulationis meracissima.) nondum ita potati, quin immineat adhuc tempus illud, quo Babylon magna veniet in memoriam ante Deum, ut det illi calicem vini indignationis iræ suæ.) Nobis quippe, quibus non prius tuò creditas oves suas putavit Christus (imò parùm tuò creditæ fuissent oves Alexandris, fuetis non pascere, sed jugulare, cutim deglubere, carnes devorare, ossa dispergere) nisi postquam iterum ac tertio de amaritudine admoniti fuimus in Petro (parùm memores admonitionis. Si enim Christum Alexandri amarent, ejus membra non occiderent) quibus solis sanctuarium ingredi, & ante altare preces Deo repræsentare concessum est, (Vobis, Alexander, solis? Non igitur Christus, verus Pontifex noster, Sanctuarium ingredi potuit. Et si Vobis solis, cur ergo Fratres & Filios vestros ad orationes & thuribulum, hoc est, preces Sanctorum adhortamini? Blaphemi estis, Alexander, & Christo vero Pontifici, qui unus semel intravit Sanctuarium, honorem sacrilegè rap-
pturitis!) sedolo elaborandum, ne irascatur Dominus, & dicat;

quasi virum, qui interponeret maceriam, & staret oppositus contra me pro terra, ne dissiparem eam, & non inveni, & effudi super eos indignationem. (Hic ne Vir Alexander, Vir sanguinum? Scilicet oppositus contra Deum stetit, non ut Mediator, sed ut hostis; non ut placaret iratum, sed ut accenderet provocaretque iram, plenis phialis quandoque in ipsum, eosque, qui signaturam ejus habent, effundendam. quando destruet eos Deus, qui terram destruxerunt.) *Hoc enim habet Divina ultio, ut tum maximè Altissimus sit exorabilis, & ad lenitatem, clementiamque, hoc est, ad ingenium suum redeat,* (ò te, Alexander, hæreticum insignem! Itane Deus puniens damnatos, puniens fideles in Christo, judicium & justitiam exercens, ab ingenio suo deflexit? An magis ipsi lenitas, clementia erga morigeros, quàm justitia erga refractarios, naturalis est? Id si verum est, cur unigenito filio suo non pepercit Pater? Non magis Theologus es, Alexander, quàm Innocentius prædecessor tuus. Fatere modò ingenuè, sicut ingenuè & assa voce pariter fassus est ille) *cum in brachio forti, & manu valida gladium exertat, ut feriat. Sint pedes vestri pedes evangelizantium pacem* (conciliantium pacem inter hostes Dei, ad feriendos, jugulandos, excruciantos dirissimè, unitis scilicet viribus, amicos Dei. hic interior animi vestri sensus est. quem prodidit etiam P. Ribaldus Jesuita, quando ita carnificem hæreticos macchantem instituit:

Exilio portato, rogis imposito, Ponto

Mergito, forcipibus cædito, ferto feris:

Ense feri, necato fame, serraque secato,

Compede stringe pedes, fune ligato senes:

Ossa revellito, crura refringito, rumpito membra,

Lictor, & in plures scindito particulas.

Hinc aditum ad crates referato, notatoque fibras,

Cerne sinisterius, dexteriusque latus.

Hi pedes sunt Vestri, cum pacem evangelizatis) *ut contemneretur arcus & sagitta, atque imperet Deus ventis, & faciat tranquillitatem; quam per Vos assequi (& cur non per Vos, Alexander, solos, quibus solis concessum intrare Sanctuarium?) vehementer optamus, Vobisque Apostolicam benedictionem* (minus non poteras. nunquam dicturus tamen cum S. Petro; *Aurum & argentum non habeo: Surge & ambula.*) *peramanter impertimur. Datum Romæ apud Sanctam Mariam Majorem* (quot Marias igitur, Alexander habuisti? Majorem, Minorem; Medioxumam? Nihil hæc ad B. Mariam, Matrem Christi!) *sub Annulo Piscatoris* (cur non *hamo aureo Piscatoris*, quo Regna & Opes, è Summo Apostolatus fastigio, per universum Orbem, Tuas videlicet curas, piscaris? Scilicet quia piscati jam pro Te alii, pridem ceperunt Romam, Latium, Æmiliam, Flamineam, Regnum Neapolitanum, Siciliam; ac præterea omnem potestatem in Spiritualibus & temporalibus, in Cælo & in terra. quanquam nassa tua nonnihil confracta est, & dilapsi sunt scombri in Anglia, Scotia, Hibernia, Dania, Norwegia, Suecia, Germania, Gallia, Hungaria, Polonia, Belgio. ubi licet diu noctûque piscari pergas, nihil, vel parum piscaris tamen. nisi forte pisces Tibi fuerunt homines illi, quos in Pedemontio hamo transfixos dirum miserandumque in modum discerpisti, assasti, torruisti, devorasti.) *die xx. Sept. m. d. c. lv. Pontificatus nostri Anno Primo.* (Zelus enim teli instar femori meo defixus, diu latere non potuit. Adeste, Fratres Filiique, cernite zelum meum, quem primo statim Pontificatus Anno profero, prolaturus in dies magis, dummodo, in Nepotum saltem meorum gratiam, multiplicabuntur Anni Pontificatus mei! Hæc meorum est, hæc vestrorum quoque sit votorum Summa!) Non puto interiorem Bullæ hujus sensum (amat quippe Apollo non Delphicus duntaxat, sed Romanus etiam, animi sui sensa in-

volvere) Glossam acu non tetigisse. Sicubi tamen à lineis illa excidit, meliora, quæ optassemus utique, alii divinent.

CCLXIX. Ampla nihilominus statim ex Suecia spolia Alexander retulit. Anxius inempe metu, ne Regna & Principatus perderet, Reginam saltem & Principem Suecorum inclytam Christinam lucratus, in suum, hoc est, veræ fidei sinum traduxit. Illa enim M. D. C. LIV. Regnum simul atque religionem, pro qua Optimus Prens ad mortem usque pugnaverat, abdicavit, successorem nacta Carolum Gustavum, Gustavi Adolphi è Sore Catharina Nepotem, Comitem Palatinum Rheni, Bavariæ, &c. illum ipsum, quem Bulla sua truculenter adeò Alexander impetiit. Profecta ex Regno Christina, aliâque omnia simulans, per Daniam Hamburgum, atque inde Bruxellas concessit, ibidémque die XXIV. Decembris anni dicti Pontificiam Religionem amplexa, ad autumnum usque anni sequentis M. D. C. LV. hæsit. Alexandro verò Papatum adeptó, Romam proficisci statuit. Bruxellis proin desertis Onipontem ad Ferdinandum Archiducem migravit. Eò missus ab Alexandro Lucas Holstenius, Hamburgensis, Protonotarius Apostolicus, & Vaticani Bibliothecarius, Pontificium Regina Breve obtulit. quo accepto die III. Nov. ibidem in principe Templo Pontificiam religionem solenniter professæ est. Inde per Tridentum in Italiam promotó itinere, passim magnificè, institutis in ejus gratiam celebribus ludis, (cujusmodi Pefari fuit ludus Herculis, à Legato Pontificio, Cardinale Aloysio Homodei ei repræsentatus) excepta, Lauretum die VII. Dec. venit. ubi in Domo B. Virginis duas horas agens, privatim peccata confessæ, Mariæ imagini Coronam auream, liliatis floribus, pretiosis unionibus interstinctis, exornatam, nec non sceptrum aureum, cuius manubrium & lilium tre-

*Ex Suecia
pradam Ale-
xander repor-
tat, Christi-
nam Regi-
nam, cujus ad
Papatum
transseutis
historia nar-
ratur.*

centis sexaginta octo pretiosissimis adamantibus, & centum ac sexaginta rubinis ejusdem magnitudinis confutum fuit, Regia scilicet Reginae Cœli munera obtulit. Cùmque Regia illa munera sua in thesaurum illata B. Virginis, sequenti carmine,

Hanc tibi sacravit spretam Regina Coronam,

In Cœlo tribuas ut meliore frui;

inscripta vidisset, insulsum Poetam falsè risit, & à se *spretam* coronam Mariæ Virgini donatam negavit. Demum die XXI II. Decembris magnificentissimâ pompâ adducta Romam intravit, & in S. Petri Templo peractis sacris, ad Palatium Pontificis perrexit. ubi ter incurvata, Alexandri throno insidentis pedes osculata, & post ab eodem Alexandro amplexu salutata, simul gaudium suum, quod in gremium Ecclesiæ Romanæ recepta esset, declaravit, simul pro honore sibi habito gratias egit. Respondit Papa: *Conversionem Regina tantum opus esse, ut propter eam grandius in Cœlo festum eo die agitur, quàm ipsa in terra agitari videat.* Postero die Papa Sacramentum confirmationis eidem impertitus, nomen ei *Christina Mariæ Alexandra* indidit. Proximo Solis Regali Pontificis convivio excepta est, in quo Pontifex mensæ sublimiori sub medio Cœlo seu Baldachino suo; Regina humiliori, sub parte extrema Cœli (neque tota tamen Cœlo Pontificio tecta) accubuerunt. orationem habente Jesuita Oliva, quam liberè Regina, neque sine pudore Olivæ perstrinxit. Fertur Alexander admodum Christinæ *in Literas & Literatos amorem* laudâsse. Hoc forte amore stimulata Romam ad Regem Regum, Regibusque æquiparatos Literatos venit, stabilemque eam sibi Literatorum scilicet sedem optavit. An *amorem sincerum seriūmque Religionis Pontificiæ* laudare meritò Alexander potuerit, alii dijudicent. Admodum enim difficile, vel impossibile etiam ei fuit, tot intricatos *sinus sui arti-*

culos de Apostolatu & Hildebrandina potentia ejus, Transsubstantiatione, Purgatorio, Indulgentiis, Reliquiis, Justificatione Papæ & Cardinalium per merita operum, aliâque ejusmodi, Sapientissimæ, & *πρόσω & ἐπίσω* oculatæ Reginæ persuadere. Vel enim talia nunquam, vel difficulter admodum credidit, credétve unquam.

CC L X X. Quàm pleni bonæ spei per initia Papatus Alexandri omnes fuerint, fore scilicet, ut temperet sibi ab Ecclesiæ bonis in Nepotes & consanguineos profunden-
dis, supra assentatorum ejus non nemo prodidit. Faculam quinetiam bonæ spei nonnullam accendit ipse Alexander, quando electus Papa consanguineis, ne Romam venirent injussu suo, seriò interdixit. Fertur etiam juramento apud Crucifixi imaginem deposito se obligâsse, quòd nunquam Nepotes suos Romæ excepturus sit. Jámque Cardinalis Pallavicinus in ejus laudes effusissimus, Historiæ Concilii Tridentini Galeatum Prologum præfixerat, quo Alexandri ceu Angeli *ἀπροσπολήτης* heroicum isthoc neglecti Nepotismi facinus tertium usque in Cælum tulit. quem tamen, cùm res alium longè eventum sortita esset, non sine pudore & impensarum jactura (plurima enim folia, jam impressa, laudes has fictitias ebuccinantia, suppressi debuerunt) ceu abortivum fœtum, tollere, & cum nescio quo Epilogo Operis, (qui ipse tamen post mortem Alexandri, saltem in Latina editione Baptistæ Giattini omissus etiam fuit) commutare necesse habuit. Non diu enim Romanorum credulitati Alexander illudit, quinimò vix exacto Pontificatus anno Nepotibus suis paternæ charitatis sinum amplissimè pandit. similis naufrago, qui merces suas jactare se simulans, funi easdem alligavit, & manu funem trahendo servavit. Sic omnino Alexander, visus Nepotes & charitates suas Roma arcere, & à reti suo piscatorio procul amandare, non tantùm clanculum pri-

*Ejusdem A-
lex. Nepotis
mus,*

*Pallavicini
consiliis adju-
tus describi-
tur.*

primò continuis eos muneribus mactavit; sed paulatim etiam ad honores fortunâque summas provexit. Obstitit quidem juramentum solenne. Cæterùm Confessorius ejus Cardinalis idem Pallavicinus, ex eo Sodalium ordine, qui novo linguarum dono præditi callidis interpretationibus juramentorum religionem laxare didicerunt, scrupulum ingeniosè, sed parùm piè, ei exemit. Cùm enim interrogatus ab eo Alexander, ob præstitum juramentum anxius nonnihil, de conceptis, quibus juravit, verbis, respondisset, jurâsse se, *quod Nepotes & proximos suos Romæ excipere nunquam velit*; author ei fuit, ut non Romæ, sed tendentes Romam in media via exciperet. Ita Sena venientes bonis avibus proximos Nepotulôque suos in media via lætus ovânsque excepit, & ex Pontificiæ potestatis suæ plenitudine *Fratri* quidem *Mario* in administratione summæ rerum, & pecuniarum exquisitissimo aucupio non minùs quàm vel Urbanus V I I I. Barbarinis fuis, vel Olympiæ Innocentius indulgit: *Nepotes* vero *quinque*, unum ex Mario Fratre Flavium, duos ex fratre ante Papatum defuncto, Augustinum & Sigismundum, & duos ex Sore, quæ Senæ in matrimonio Nobilis Bichi vixerat, ita unctos delibutôque, & dignitatibus fortunisque amplissimis auctos reddidit, ut similis Nepotismi in Pontificia Sede exemplum perfectius hætenus nullum extiterit. Et *Flavium* quidem, hominem perditissimum Cardinalem Patronum; *Sigismundum* septendecim annos natum primo Abbatem, ac post etiam Cardinalem creavit: *Augustinum*, futurum Chisianæ familiæ columnen, cui Principis Borgesii Neptim opulentissimam Conjugem, dote centum millium ducatorum & viginti insuper millibus duplionum loco margaritarum expensis, denique sexaginta millibus duplionum in manus ipsius Sponsi resignatis, impetravit, tantùm non Regalibus opibus ex thesauris Ecclesiæ libe-

ralissimè depromptis, mactavit: denique ex Sorore Nepotes alterum Cardinalem Osimum creavit, alterum Equitem Melitensem, & navium Pontificiarum Generalem constituit. Præterea nec uxori Marii, D. Berenicæ, ejusque filiabus defuit, quibus singulis eleemosynæ titulo ex Petri patrimonio tria millia duplionum contulit. Taceo consanguineos remotiores, ad quos non minùs hosce Pactoli fluvios derivandos, munificentissimùs ex alieno, eoque sacro peculio seu Pater, seu Quirinalis prædo, putavit. Et hic tamen rapacissimus depeculator patrimonii S. Petri, & thesaurorum Ecclesiæ is ipse est, qui paulò ante Monasterii severè adeò contra Pacem Monasteriensem protestatus est, præcipuam ob causam, quòd in ea abalienationem bonorum Ecclesiæ indulgeri putaret. Quam ipsam indulgentiam necessitate extortam partes pauciscentes caussati sunt: cùm Alexander nulla necessitate, sed avaritiæ folius acri stimulo, contra juramenti etiam religionem, & cum offensione summa omnium Ecclesiæ bona dilapidârit.

CCLXXI. Sic ad summum haud dubiè gradum pro-

De Pontificum Nepotismo querela Alvari Pelagii Johannis XXII. ejusdem arcana detegentis.

vectus ab Alexandro Nepotismus, ad animum mihi, ad apicem hunc Simonix Pontificix obstupescenti, revocavit veterem querelam Alvari Pelagii Johannis XXII. Poenitentiarii, quam *de planctu Ecclesiæ lib. II. art. 15.* consignatam, cùm Nepotismi hujus *ἡ πόρνη καὶ αἰσχρὴν*, Arcana verè pudenda in aprico collocet, heic totidem verbis repræsentari, è re maximè fuerit. *Romani multi Pontifices nostri hypocritalis temporis, inquit, & jam multa lustra transiverunt, licet Dei veri vicarii, Jesu Christi pauperis crucifixi, & successores Petri pauperis piscatoris, manu & arte victum quarentis reti & navicula, prædavitores Nepotulos & alios consanguineos clericos nedum ad altas pralationes promovent ditissimas & altissimas: sed etiam ad statum Cardinalatus inscios totaliter & indignos: & com-*

mittunt eis judicare & regere totum mundum, qui regere nesciunt semetipsos. Magistri fiunt, qui discipuli non fuerunt. Qui pendebant modò ad matrum ubera, sedent ad Dei Vicarii latera. Consanguineis autem Secularibus procurant aut emunt, nedum campos, terras & vineas, & simplicem militiam, sed etiam baronias & Comitatus, Marchionatus, & alios omnes mundi potentatus. Et tales Papa consanguinei, qui ante ejus Papatum soli vagabantur per mundum peditando, nunc stipati militum agminibus incedunt. Qui ante cum mulieribus plebeis, aut aliis suis partibus contraxissent; post cum Comitissis aut Marchionissis, aut Ducissis contrahunt. Qui ante forsan byrrho, aut alia veste humili inducti fuissent, post sericis auratis pallio & aliis fucatis vestibus ornati incedunt. Et qui ante habitabant in domibus patrum suorum aut mercatorum, aut agricolarum, aut artificum, vel aliàs pauperum despectorum, post habitant in domibus Regum & Imperatorum. Et qui ante Papatum sui consanguinei, nati in paupere domo & tugurio rusticano, vix milio & cibario pane rugientem ventrem saturare poterant, post simulam & mella fastidiunt. Cardinales quidam & alii Pralati multi, talia à Romanis Pontificibus multis exempla videntes, sequuntur eos sic gratanter in carnalibus hujusmodi, quocunque ierint, non Christum Agnum. O quot nepotes & consanguineos Pralati præmittunt & sequuntur ad inferos, ei beneficia impetrantes & conferentes, quorum amplissima stipendia recipient non militaturi in eis, nec debitum servitium in suis beneficiis Domino impensuri. De cura animarum non curantes, sed de bursa, proventus beneficiorum luxuriosè impendentes, aut in suis pompis, possessiones sibi vel suis ementes, & Ecclesias defraudantes.

Francisci Rothomagensis.

CCLXXII. Questus de eodem Nepotismi studio jam olim etiam est Franciscus Rothomagensis, de Rebus Ecclesiæ lib. I. cap. 9. ubi sic Pontifices Nepoturientes perstringit: Quæ carnis sunt, sapiunt, & secundum carnem ambulant, ac ecclesiastica, ut temporalia, non meritis, sed personis committunt. Scilicet se suâque regere, ac quidvis ex negligentia age-

re, velut hereditario jure, tanquam Heli filios, Nepotes sinunt, quod malum centum abhinc annis detestandum in modum, gravissime in Ecclesia, contra Ecclesiasticum canonem, antiquum Apostolicum repullulat. Digitum ille intendit ad Canonem Apostolicum LXXVI. qui sic sonat: Ὅτι ἡ ἐκ τῆς Ἐπίσκοπον τῶ ἀδελφοῦ, ἢ τῶ υἱοῦ, ἢ ἐτέρῳ συγγενεῖ χειροζόμενον εἰς τὸ ἀξίωμα τῆς Ἐπισκοπῆς χειροθετεῖν, ὃν βεβλήκει. Κληρονόμος γάρ τῆς Ἐπισκοπῆς ποιεῖται, ὃς δίκαιον, τὰ τῶ γεῖς χειροζόμενον πάθῃ ἀνθρώπων. ὃς γάρ τι τῶ γεῖς ἐκκλησίαν ὑπὸ κληρονόμου ὀφείλει πύθεναι. Εἰ δὲ τις τῶτο ποιήσῃ, ἀκύρις ὢν ἐστὶν ἡ χειροθεσία, αὐτὸς δὲ ὀπλημάδῃ ἀφορισμῷ. Quod non oportet Episcopum fratri, vel filio, vel alii cognato gratificantem, ad Episcopatus dignitatem, quem vult, eligere. Episcopatus enim heredem facere justum non est, ea, qua Dei sunt, humano affectu largientem. Non enim licet ecclesiam Dei in heredes conferre. Si quis autem hoc fecerit, irrita quidem electio maneat, ipse autem segregatione mulietur. Concilium quoque Toletanum X. sic jam olim canone 3. sanxit: *Quicumque* Conciliorum
adversus eun-
dem Canones. Pontificum deinceps aut sanguine propinquis, aut favore personis quibuscunque sibi conjunctis talia loca commendare tentaverit ad suum nefanda presumptionis excidium, & quod jussum fuerit, revocetur in irritum, & qui ordinaverit, annue excommunicationi subjaceat. Sed & Tridentinum ac Basileense Concilia eandem Nepotismi Papalis licentiam cöercentia, Julius Clemens Scotus Not. Saxag. quot. adversus Pallavicinum pag. 126. inducit, ubi tamen recentiores, Jesuitas inprimis, invenisse modos, quibus Beneficarii, & multò magis Summi Pontifices, utpote Conciliorum legibus soluti, beneficia suis consanguineis elargiantur, observat.

CCLXXIII. Deinceps Alexander Deificus etiam Canonizatio
Thomæ Villanovani, in
gratiam His-
panorum, ad Apotheosin se convertens, primò quidem in gratiam Hispanorum, Thomam Villanovanum, Augustinianum Eremitam & Valentiae quondam Archiepiscopum, antecentum annos defunctum, & à Paulò V. Beatiss. accensum,

cujus vitam & prodigiosa facta seu miracula Nicafius Baxius scripto prodidit; in album Divorum die I. Nov. A. M. D. C. LVIII. retulit. procuratore Rege Philippo IV. qui ex Regno Valentia ad impetranda & celebranda solenniter illa sacra grandem pecuniarum summam contulit. Philippus enim & Valentii, nisi prius Sancto suo propitii fuissent, latuisset ejus Sanctitas intra privatos lares, neque illi devotissimis cultoribus suis propitio esse licuisset. Scilicet ad eam solennitatem venire non solet, priusquam de pecuniarum ingenti summa vel magni Principis, vel communitatis cujuspiam impensis probè cautum fuerit. Laterem verò planè lavarent, qui non numerata pecunia Sanctum suum in Divorum numerum referri ambirent.

St. Francis-
Salesii, in
gratiam Gal-
lorum.

CCLXXIV. Ne verò Hispanis gratificando æmulos Gallos Alexander offenderet, in eorum etiam gratiam, commendatum ab iisdem Franciscum de Sales, Episcopum Gebennensem, seu Aniciensem, in eundem Divorum chorum cooptavit. Summos ille etiam Procuratores, Regem Galliarum, Reginam matrem, Clerum universum, Reginam Angliæ viduam, & Carolum Emmanuelem Ducem nactus fuerat. quibus quo pacto resisteret Papa? Lento nihilominus canonizatio gradu processerat. Primò enim *Beatum* eum Alexander nondum *Beatus* declaravit, & ceu *Confessorum Pontificis* (Christi enim confessor neutiquam fuit) à quibusdam religiosè coli permisit. Eam in rem Bullam apud S. Mariam Majorem sub Annulo Piscatoris die XXVIII. Dec. A. M. D. C. LXI. Cusam emisit. Urgente mox Rege Apotheosin ipsam, petiit Papa, ut Illustrum quempiam Legatum, Regis nomine negotium curaturum, Romam Rex ablegaret. Missus Dux Crequiùs Junio Anni M. D. C. LXII Romæ appulit. qui mox XX. Augusti à Corsis, Prætorianis Papæ militibus, gravem

con-

contumeliam passus, in Galliam re infecta rediit. Duravit eam ob causam Regem inter & Papam ardentissimum dissidium biennio integro. cujus culpam ita Salesius ille luit, ut Sanctificatio ejus interea procedere non potuerit. Deum A. M. D. C. LXIV. composito Pisæ dissidio, denuo Rege Galliæ Apotheosin urgente, & Crequio eodem Romam remisso, desiderata obtinuit. Námque die x i x. April. A. M. D. C. LXV. non sine pompæ singularis magnificentia per auream munerum Pontifici solenniter à tribus Cardinalibus oblatorum scalam Sanctorum chorum ingressus est. Vitam & res gestas novelli hujus Deastri Carolus Augustus Salesius, Ecclesiæ Gebennensis Præpositus, Francisci ex Fratre nepos, pomposè descripsit. Librum eum quisquis *Ἐγὼ γὰρ ματαῖος ἔμ* pratumida vanitatis, & novas veluti novi hujus Francisci cum Christo Conformitates cognoscere gestit, evolvat licet. Inter alia *Lib. X. pag. 457.* patruī hujus sui ἀναμαρτυρία & perfectionem omnibus numeris consummatam, postquam religiosæ cujusdam fœminæ visionem, affirmantis, se inter contemplandam *Empyreī Cæli gloriam Sanctum Præsulem Salesium vidisse Divina Majestati intimè unitum, ostensumque sibi ab Angelo inter Seraphinos maximæ gloriæ thronum, cum significatione, eam esse Sedem, quam Episcopo Gebennensi Divina providentia preparaverit;* narrasset, his verbis prædicat: *Siquidem Seraphicus erat Vir ille magnus, qui nihil nisi per amorem, in amore, ex amore & ob amorem Dei agebat. Unde sepe testatus est ejus Confessarius Michael Faber, nihil eum formidine pœnæ, vel spe salutis æternæ unquam patravisse, verum propter simplicem & purissimum amorem Dei, ab omni mercenaria consideratione expurgatum; ac denique sic vixit, ut in suis libris docuit, & ut ex Epistolarum suarum volumine videre est, nulli vitio obnoxius, in virtutibus omnibus planè compositus; quodque magis mirere, NE MINIMAM quidem IMPERFECTIONIS ATOMVM, totam licet*

*Blasphemia
de hujus
ἀναμαρτυρία
& perfectione
voces Caroli
Augusti Sa-
lesii.*

ejus vitam AB IPSA, si vis, CONCEPTIONE perscruteris, animadvertere possis; quod vix in reliquis mortalibus reperias. Adeò Cœlestibus PRÆVENTVS fuerat à Deo benedictionibus, & adeò ipse tractus à Deo currebat in odorem unguentorum ejus, & quasi lux splendens crevit usque in meridiem. Quæ Christo Salvatore, qui solus fuit *κεχωρισμὸς τῶν ἀμαρτανῶν* separatus à peccatoribus, Patriarchis, Prophetis & Apostolis ita iniqua sunt, ut gravissimam blasphemiam spirent.

*Ejusdem erga
Ecclesiam Romanam
merita, & consilia
adversus Reformatos
sanguinaria.*

CC LXXV. Causam tamen non omnino nullam Pontifex habuit, ut Confessorum huncce suum in Pontificium Sanctulorum suorum Cœlum inferret. Adeò enim is Romanæ Sedi devotus militabat, ut hæreticos omnes ad Romani Pontificis obedientiam reducturus seducturusque putaretur. Et plures seduxisse, ejus encomiastes commemorat, ea scilicet, uti *Lib. II. p. 66.* scribit, in conversione Caballiana (unde Caballii Apostolus audit) methodo usus, ut, antequam hæreticos, Ministros maxime, disputatione aggrederetur, cacodæmones exorcismis fatigaret, submissa tamen pronuntiatione. Nam, hæreticos omnes ajebat Franciscus, eos maxime, qui docent & prædicant, à Diabolo vel possessos, vel obsessos esse, atque ita primum in eos exorcismorum fulmen contorquendum esse. Novæ Missionariorum Methodi insigne arcanum! Pulso enim cacodæmone exiguus in convertendis hæreticis labor relinquitur. Genævæ præcipuè ad caulam Pontificis reducendæ, & focus potius quàm aris suis ibi restituendis, Salesius incubuit; dicere, uti *lib. II. pag. 98. 99.* habetur, solitus, hac civitate domita non dubium esse, quin Europæa hæresis vehementi deinceps concussione & debilitate laboraret: est enim sedes Sathanae, & qua hæresin per universum orbem dispergit. Idque mox sex capitibus diducit, ex quibus concludit, everfa Geneva hæresin dissipatum iri. Quo verò pacto everti possit, consilia quædam fraudulenta suggerit. Quomodo etiam *lib. VII. pag. 370.* idem remedia utilissima, qui-

qui-

CCLXXVĪ. Alexandro Pontifice nova Jesuitarum de Pontificis Romani infallibilitate, æquali cum infallibilitate Christi, etiam extra Concilium generale, in quaestionibus non *juris* duntaxat, sed etiam *facti*, hæresis, quæ quarta iis singularis est, in lucem emerfit, æternis tenebris dignissima. Ab illis nempe die XI I. Dec. A. M. D. C. LXI. Lutetiæ Collegio Claromontano affixæ & propugnatae sunt theses, quarum duas *Seculi X sect.* 19. 20. Conceptas διαφφηδον heic repetere haud pigebit. Prior ita habet: *Hoc tandem seculo (decimo) schisma Photii invalescens Græcos ab ecclesia capite disjunctit. Christum nos ita caput agnoscimus, ut ipsius regi-*
men,

men, dum in Caelos abiit, primum Petro, deinde successoribus commiserit, & EANDEM, QUAM IPSE HABEBAT INFALLIBILITATEM concesserit, quoties ex cathedra loquerentur. Posterior vero ex priore deducta sic sonat: Datur ergo in Ecclesia Romana controversiarum fidei iudex infallibilis, ETIAM EXTRA CONCILIVM GENERALE, tum in questionibus juris, tum FACTI. Vnde post Innocentii X. & Alexandri VII. constitutiones fide Divina credi potest, librum, cui titulus est, Augustinus Jansenii, esse hæreticum, & quinque propositiones ex eo decerptas esse Jansenii, & in sensu Jansenii damnatas. Neque theses illas novitias Catholicarum titulo venditatas, Parisiis duntaxat defenderunt, sed per emissarios etiam suos easdem, similesque spargere, & aperte hinc inde propugnare religioni non duxerunt.

*A sanioribus
Gallia Theol.
logis eadem
libello ad E-
piscopos missi
graviter ob-
nuntiata.*

CCLXXVII. Non parùm equidem castiores aures portentosa illæ assertiones, occasione certaminis, quod cum Jansenitis circa Propositiones ab Innocentio X. & Alexandro VII. in sensu etiam Jansenii damnatas, an scilicet illæ in Jansenii Augustino occurrant, & cum sensu Jansenii conveniant, nec ne? iis intercessit, propalata offenderunt. statim enim à sanioribus Theologis earum ad universos Episcopos Gallia obnuntiatio facta est, libello in orbem emissio, cui titulus est: *Nova hæresis Jesuitarum, defensa publicè Parisiis in Collegio Claromontano die XII. Dec. M. D. C. LXI. quo his ferè verbis universæ Ecclesiæ exortam novam hæresin denuntiant: Quod igitur notum sit universæ Ecclesiæ: dies est XII. Decembris Anni M. D. C. LXI. quæ primum in lucem produxit monstruosam Jesuitarum opinionem, quam tot jam annis foverunt; dies est, qua illi velut assertionem Catholicam publicè statuerunt: Papam quoties ex cathedra loquitur, eandem habere infallibilitatem, quam habuerit Jesus Christus, non solum in questionibus JURIS, sed etiam FACTI, & FIDE DIVINA credi posse, quinque Propositiones esse Jansenii. Assertio-*
nem

nem illam vocant *errorem non simplicem, nec vulgarem hæresin, sed errorum maximorum originem, & GENERALEM HÆRESIN*, quæ totam religionem evertit; eamque quatuor argumentis gravissimis confutant, inde scilicet petitis, quòd novitia illa hæresis, statuens rem non revelatam à Deo, nec Divino testimonio comprobata, qualis est: *Num Propositiones quadam sint recentioris horum temporum authoris?* esse fidei Divinæ objectum, quia Papa dicit; pro fidei fundamento substituat authoritatem humanam, adeoque fidem evertat: ex Papa Deum, ex verbo Papæ verbum Divinum faciat: id quod non hæresin duntaxat, sed horrendam impietatem & idololatriæ speciem sapiat: quòd plurimum Pontificum infelicia facta & consilia nota sint: quod plures Pontifices in facto notoriè errarint: quòd denique periculum sit, ne Græci, aliæ hæretici Papæ primatum negantes, nova hac assertione nimium irritati, Ecclesiam Romanam magis magisque ita fastidituri sint, ut conversionis illorum spes omnis deinceps evanescat.

CCLXXVIII. Neque tamen sic à cœpto Jesuitæ se dimoveri patiuntur. Quin Sorbonam ipsam in partes suas pertrahere moliti etiam sunt. Nam post unius anni, & quod excurrit, intervallum, nimirum die XIX. Jan. A. M. D. C. L X I I I. disputatio in magna Sorbona, propugnante M. Gabriele Drueto, Villanovano Britone, Theologiæ Baccalaureo, habenda, affixa est. Ejus secunda thesi dicebatur: *Christum S. Petrum, ejusque successores summa supra ecclesiam autoritate donasse. Tertia: Romanos Antistites privilegia quibusdam ecclesiis, sicut Ecclesiæ Gallicanæ, impertivisse. Octava: Concilia generalia ad extirpandas hæreses, schismata & alia incommoda tollenda admodum esse utilia, non tamen absolute necessaria.* Hanc disputationem Suprema Curia Parisiensis, citatis & auditis Syndico Facultatis Theologicæ, M. Vin-

Eadem hæresis in Sorbonam penetrans, ibidem defendenda suscipitur;

intercedente Suprema Curia Parisiensis,

centio Meurfio, Doctore ejusdem Facultatis in Collegio Navarreno, Disputationis Præsides destinato, nec non Drueto, Respondente designato, haberi vetuit, suppressendamque decrevit, simulque omnibus Baccalaureis, Licentiatis & Doctoribus, aliisque universis interdixit, *ne quis*, ita verba decreti die xx i i. Jan. ejusdem anni facti sonant, *scribere, suslinere, disputare, docere vel explicare audeat, directè vel indirectè, in publicis scholis, vel ullo alio loco, similes Propositiones, aliasque doctrinæ antiquæ ecclesiæ, Sanctis Canonibus, decretis Conciliorum Generalium, Ecclesiæ Gallicanæ Libertatibus, atque antiquis Facultatis Theologicæ Parisiensis decretis contrarias, cum interminatione debita modo in delinquentes animadvertendi*; Syndico Facultatis, Præsidi, Doctoribus simul interdicens, *ne permittant, ut ejusmodi propositiones ulli disputationi inserantur*; denique decernens, *ut præsens sententia in Generali Congregatione dictæ Facultatis Theologicæ legatur in præsentia duorum Senatorum dictæ Curie, inseraturque decretum in Acta Facultatis Theologicæ, atque inde ad alias Universitates mittatur*. Paulò post, annitentibus Regibus Advocatis, Talæo & Bignonio, Syndicus Facultatis Theologicæ, unâ cum septem aliis Facultatis ejusdem Doctoribus Senioribus, ad edendam circa auctoritatem Papæ declarationem Facultatis, in Curia comparere jussi, die xxx. Maii A. M. D. C. LXXIII. declarationem suam, ex actis Facultatis extractam Curie obtulerunt.

à qua Sorbona circa auctoritatem
Papæ declaratio flagitatur.

Summa declarationis
Sorbonæ.

CCLXXIX. Sequentibus autem capitibus Sorbonæ declaratio comprehensa fuit. I. *Facultatis doctrinam non esse, quòd Summus Pontifex aliquam in temporalia Regis Christianissimi auctoritatem habeat: imò obstitisse Facultatem etiam iis, qui indirectam saltem auctoritatem illam esse statuerunt.* II. *Doctrinam Facultatis esse, quòd Rex Christianissimus nullum omnino agnoscat nec habeat in temporalibus Superiorum præter Deum, eamque antiquam doctrinam esse, à qua nunquam recessura sit.* III. *Do-*

ctri-

Erinam Facultatis esse, quòd subditi fidem & obedientiam Regi Christianissimo ita debeant, ut ab iis nullo pretextu dispensari possint. IV. Eandem Facultatem non probare, neque unquam probasse propositiones ullas, Christianissimi Regis auctoritati, aut germanis Ecclesiae Gallicanae Libertatibus, & receptis in Regno Canonibus contrarias: verbi gratiâ, quòd Summus Pontifex deponere possit Episcopos adversus eosdem Canones. V. Doctrinam Facultatis non esse, quòd Summus Pontifex sit supra Concilium Oecumenicum. VI. Facultatis dogma non esse, quòd Summus Pontifex, nullo accedente Ecclesiae consensu, sit infallibilis. Quæ declaratio Sorbonæ, Curiae jussu, actis inserta statim, & exemplaria ejus ad omnes Diœceses & Universitates publicas transmissa sunt, ut illic comprehensi articuli prælegantur, publicentur & in acta referantur. Hæc aliæque ex ipso Parlamenti Parisiensis Protocollo excerpta, & è Gallico in Latinum idioma à Thoma Stegero conversa, in vulgus emanarunt.

CCLXXX. Dissidium mox gravius Sorbonam inter ac Curiam Parisiensem, & Jesuitas, in nervum erupit; libris de eo adversam in partem conflictantibus, quorum prior authore Jacobo Vernantio A. M. D. C. LXXIX. tertia vice Lovanii editus, Defensionem Papæ, Cardinalium &c. alter Monasterii A. M. D. C. LXXI. excusus, Collectionem variorum Scriptorum, concernentium censuras Facultatis Theologicae Parisiensis, de Hierarchia Ecclesiae & Theologia Morali complectitur, vulgatum. Occasio dissidii gemina est, à Monachis, Jesuitis maximè, eorumque affeclis & complibus suppeditata. Prior versabatur circa controversiam, quæ Pastoribus Curatis, seu Sacerdotibus Parochialibus cum Monachis à longo jam tempore intercefferat. Monachis enim olim in Ecclesia prædicare, aut ecclesias curare integrum non fuit. Ad Episcopos, Parochos & Pastores apud ecclesiam residentes omnis ea cura pertinuit. Paulatim Episcopis & Pastoribus ministerii sui curam negligen-

*Dissidium
Jesuitas inter
& Sorbonam
ac Curiam
Parisiensem
novum, oc-
casione tum
controversia
& Monachos
de munere
prædicandi;*

tibus, Monachi ecclesiis obrepere, & in iisdem prædicandi munus affectare cœperunt. Cùmque de eo Pastorum querelæ ingeminarentur, Bonifacius VIII. condita Decretali, quæ inserta est Clementinæ *Dudum*, tit. *de sepulturis*, ut dirimeret lites inter *Pralatos & Rectores*, seu *Sacerdotes & clericos Parochialium ecclesiarum per diversas mundi Provincias*, ex una parte, & *Prædicatorum & Minorum Ordinum fratres* ex altera, suscitatas super prædicationibus fidelium populis faciendis, eorum confessionibus audiendis, pœnitentiis iisdem injungendis, & tumultuandis defunctorum corporibus, duorum istorum Ordinum Monachis amplam satis dedit licentiam, & odiosum, uti glossa loquitur, *privilegium*, quo freti omnia illa in ecclesiis & locis eorum peragerent. Decretalem illam Benedictus XI. revocaverat. At Clemens V. successor in Concilio Viennensi innovavit, & Benedicti revocatoriam, Concilio urgente, antiquavit. Bonifacii & Clementis Decretales Johannes XXII. in Extravagante *frequentes*, tit. *de judiciis* non solum confirmavit, sed ad Augustinianos etiam & Carmelitas privilegium illud extendit. Tandem idem privilegium Paulus III. etiam Jesuitis indulgit. Per Concilium Tridentinum privilegium Monachis *seps. XXI V. cap. 4. de Reformat.* ubi singuli ex populo ad parochiam suam amandantur, abrogatum, Curati pertenderant. Cùmque Monachi decretum illud eluderent, ipsiquæ Pontifices Curatis caput illud allegantibus contradicerent, evenit, ut curati nonnulli in Papæ ipsius, ceu odiosi privilegii illius & conditoris & defensoris, auctoritatem insurgerent. Etenim Curatus quidam in Gallia Gersonis sermonem Bullæ Allexandri V. oppositum, vernaculum in idioma Gallicum conversum edidit. Sed & Franciscus Bonichon, Presbyter Congregationis Oratorii Andegavensis, libro *de auctoritate Episcoporum* edito, asserere visus erat, *auctoritatem Curatorum esse juris Divini*,

æquè ac auctoritatem Papæ & Episcoporum. Quæ res adeò Papæ gnathones offendit, ut Vernantius Papæ defensionem libro A. M. D. C. LVIII. Metis edito, apertè suscepit. Cumque in defensione illa Papæ Monarchiam supra modum extenderit, Cociliorum & Episcoporum auctoritati palam detraxerit, factum est, ut Facultas Theologica Parisiensis, annitentibus Parochialibus Civitatis Pictonum, in Vernantium, ejusque Propositiones, ceu Pontificiæ auctoritati nimium velificantes, censuram publicam d. XXIV. Mart. A. M. D. C. LXIV. stringeret, eamque paulo post solenniter confirmaret.

CCLXXI. Inter Propositiones porro Vernantii à Sorbona obelo confixas sequentes erant: *quòd Papæ unus sit emergentia circa fidem dubia infallibilis veritatis oraculo tollere & explanare; nec continuò indictis ad hoc ipsum Conciliis, in dedicat. ad Alex. VII. quòd Papa sit vera fidei regula, pag. 73. quòd Papæ aliquid ad salutem pertinens mandanti parendum sit, ita ut non inquiratur in rationem ejus, quod facit, aut ejus, quod ordinat. pag. 68. quòd Ecclesiæ Romanæ oracula terminent infallibiliter omnes controversias, quæ oriuntur in Ecclesia, quia Papa non potest errare in suis judiciis, quando proponit in qualitate vicarii Jesu Christi dogma fidei, ut recipiatur generaliter à tota ecclesia, quæ non possit falli in eo recipiendo; quia duplex sit species infallibilitatis, una activa, altera passiva, quarum illa ad Papam, quando dogma aliquod fidei in qualitate Vicarii Jesu Christi decidit; hæc verò ad Ecclesiam, quando illa recipit ejus decisiones, pertineat; utraque auctoritatem habens à verbo Dei, qui non potest nos fallere. pag. 144. quòd Pontifex Max. utpote auctoritate certò Divina pollens, nec ex fidelium multitudine amplificetur, nec ex paucitate eorum minuat. Dedic. ad Alex. quòd D. N. Jesus Christus S. Petro & ejus Successoribus dederit omnem illam auctoritatem, quam ipse recepit à suo Patre ad gubernandum suum gregem. pag. 82. & 138. quòd Papa sit depositarius thesaurorum scientiæ &*

Ubi Sorbona Vernantii de potestate Papæ propositiones varias obelo confixis.

Sapientia Jesu Christi, & (horresco referens) in ipso omnes thesauri sapientie & scientie sint absconditi. pag. 82. Harum similiumque blasphemiarum potius, quàm assertionum meritissima condemnatio à Sorbona facta Papam & Sorbonæ, & Curia Parisiensi, partes Sorbonæ suscipienti, infensum denuò reddidit.

tum novitia

*Theologia
Moralis Je-
suitarum, seu
quinta eorum-
dem hæreseos.*

CCLXXII. Posterior dissidii occasio ex novitiæ *Theologiae Moralis Jesuitarum*, ceu *quinte* singularis eorundem hæreseos non simplicis, sed ex multis compositæ, portentosis dogmatibus nata est. De qua, occasione sic se aptante, pauca heic differenda fuerint, ut quo pacto non in fidei duntaxat, sed morum etiam vitæque doctrina Ecclesia Romana inpejus quotidie præcipitaverit, liquidò appareat. Quemadmodum Ecclesia Romana pietatis sanctitatisque morum in Decalogo præscriptæ speciem mentita, ejusdem vim abneget, & legem Divinam plumbeam regulam, nasumque cereum faciat, comparatione singulorum Decalogi præceptorum, & doctrinæ de Moribus Pontificiæ, alibi fusiùs ostensum est. Sed id magis etiam novitia illa Moralis & Casuistica Jesuitarum Theologia, à Navarro, Toletò, Emmanuele Sà, Azorio, Diana Panormitano, Lessio, Sanchez, Filliucio, Escobarrio, Mendoza, aliis prodita, demonstrat. Hoc unum fatagunt, ut peccata populi elevare, sceleribus decumanam portam aperire, turpissima quæque quæsitis frivolis & Sophisticis prætextibus, velut fuco & cerussa quadam obducta & palliata, incautis mentibus propinare & instillare, denique scelera autoritate fidei docere queant. Ad eò quidem id verum est, ut Papista quidam Hallerius, in Baunium laxum Casuistam, memorante Montaltio in Epistola Provinciali quarta, detorquere non dubitaverit verba illa Baptistæ de Christo: *Ecce qui tollit peccata mundi?* Caramuelis quoque in Epistola ad Dianam verba haud equidem

quidem cedro digna, sed carbone notanda sunt: *Ego ingenium Diana veneror. Ejus industria multas opiniones evasisse probabiles, quæ ante non erant, invidus sit, qui non affirmet. Si jam sunt probabiles, quæ ante non erant, jam non peccant, qui eas sequuntur, licet antea peccaverint. Ergo si ejusmodi peccata ab orbe literario Diana sustulit, meritò dicitur AGNVS DEI, QVI SVSTVLIT PECCATA MVNDI. Habent Navarrus & veteres Casuistæ gloriam suam. Sunt leones, & à rigore ac severitate laudantur. Esto AGNVS tu, laudandus à benignitate. Scilicet illi leones fuerunt, Diana & sequaces lenones dicuntur meritò. Quis non lectis auditisque talibus stupescat totus!*

CCLXXXIII. Lubet heic in scenam producere *Cujus præcipue hypothesis,* præcipua Theologiæ Moralis Jesuiticæ capita, quæ Jesuitis Viri docti in ipso Papatu, quibus nondum planè conclamatus pudor est, tanquam fœda *σποθήματα* obiectârunt, & utramque in Theologia illorum Morali & Casuistica paginam faciunt. Principium ejus & fundamentum est *Probabilitas*, de qua axiomata illorum tria sunt, *veluti de probabilitate,* Probabilem scilicet opinionem omnem, etiam falsam & legi Divine contrariam à peccato coram Deo excusare: E duabus opinionibus probabilibus minùs probabilem, & minùs tutam amplecti licere: Probabilem opinionem esse, qua certitudinem non habens, vel gravi autoritate, qualis est unius viri docti & probi, vel non modica ratione nitatur. Summa huc redit, opinionem unius viri docti autoritate, vel ratione modica nixam conscientiæ & actionum moralium regulam esse. Posito ejusmodi fundamento nihil excogitari potest, quod veri peccati rationem habeat. Nunquam enim deerit *σφδν Φάγουρον*, vel probabilis ratio, vel autoritas viri docti & scelerum amantis, qua certissimo peccato aliquis recti color inducatur. Sternitque adèo Probabilitas hæc, illa tantopere Jesuitis damnata Helena, expeditissimam ad Atheismum
viam,

methodo dirigenda intentionis,

viam, ut meritò jam olim Ludovicus Faber, Ludovici XIII. Galliarum Regis Præceptor, totam hanc Casuistarum scientiam nihil aliud esse, quàm *artem cum Deo cavillandi* dictitaverit. Dogma illud nefarium de Probabilitate excipit alterum *de Intentione*, seu *Methodo dirigenda intentionis*. Quam in eo Casuistæ illi collocant, ut in suis quisque actibus licitum aliquem finem intueatur. Actus ipsos ajunt ab hominibus expeti: intentionem à Deo. Qui igitur rectam intentionem habent, eos peccare pernegant. Doctrinam eam, scelerum fœtam matrem, Montaltius Epistola Provinciali Septima ex Jesuitarum plurium scriptis promittit, & detestabundus explicat. Illud porro in ea doctrina pervertissimum est, quòd Casuistæ illi intentionem eam non ad Deum & gloriam ejus, sed ad commodum, honorem & concupiscentiam hominum dirigunt: quòdque officia suapte natura mala, aut nullis circumstantiis emendata, sola intentione, solo animi flexu, qui in rebus ipsis immutet nihil, bona fieri contendunt. Meritò hic cum S. Augustino contra Mendac. cap. 7. exclamamus: *Quod sceleratissimum facinus, quod turpissimum flagitium, quod impurissimum sacrilegium non dicatur fieri posse rectè atque justè, si semel concesserimus, in omnibus malis operibus hominum ideo non quid fiat, sed quare fiat, quarendum, ut quacunque propter bonas causas facta reperiuntur, nec ipsa mala esse judicentur?* Tertium succedit Casuisticæ illius dogma, *Ars nimirum mutandi definitiones virtutum & vitiorum*. Qua arte subtili quælibet peccata purgantur facilè. Ita simonia iis non est oblatio temporalis pro spiritali simpliciter, sed modò, *si temporali tantè, vel pluri aestimetur quàm spiritali, & alterius cum altero pretium commutetur*. Quartum dogma est *de Cogitationibus bonis*. Negant peccare hominem in quocunque opere, si Deus gratiam bonarum cogitationum, qua de Deo cogitare, peccatum agnoscere, ei resistere, & si libitum sit; illud

arte mutandi definitiones virtutum & vitiorum,

cogitationibus bonis,

evitare possit, non suppeditet. Id verò bellè Epicuræis, aliisque profligatis hominibus, à quorum mentibus semper Deus abest, patrocinator. Quantum non minus profanum dogma est *de Attritione*. quam definiunt illi imperfectam contritionem, seu dolorem ob peccatum, ortum ex poenarum metu, qui quamvis destitutus charitate Dei, & conjunctus cum solo Sacramento absolutionis, peccatorem justificet. Unde corollarium isthoc, faventibus Jesuitis, Sirmondo, Annato, Pinterello, Moynio, aliis, Montaltius idem deducit: *Per totam vitam sic peccata elici, adeoque contingere posse, ut salutem adipiscatur, qui nunquam Deum in tota vita dilexit.* Pauca hæc Theologiæ hujus Moralis & Casuisticæ Jesuitarum dogmata, speciminis & veluti *πρὸς ἑμὴν* loco, in medium afferre libuit.

CCLXXXIV. Hinc igitur posterior illa, quam dixi, occasio dissidii nata est. Etenim Amadeus Guimenius, Lomarensis, personatus Jesuita, Opusculum Latino idiomate conscriptum edidit, quo probare sustinuit, Theologiam illam Moralem Jesuitarum, quæque illi de *probabilitate, intentione, mutatione definitionum, &c.* sciscunt, celeberrimorum, Ecclesiæ Doctorum autoritate neutiquam destitui, adeoque in numero *falsorum, improbabilium, scandalosorum, erroneorum* haberi non debere. Sorbona verò libri impietate commota d. I I I. Febr. A. M. D. C. LXV. dogma Probabilitatis nominatim, aliàsque consimiles Propositiones, in Opusculo Amedei comprehensas, *tanquam falsas, temerarias, libertati ecclesiæ Gallicanæ, Facultatibus Theologia, & orthodoxis doctoribus contrarias*, solenniter damnavit jugulavitque.

CCLXXXV. Videri equidem Alexander ipse voluit perniciosissima illa in Theologiam moralem inducta dogmata penitus improbare. Author enim est Vir doctissimus, Pontificiæ Communionis, Julius Clemens Scotus,

*& attritione
persringuntur.*

*Guimenii Opusculum eam
in remedium
à Sorbona adin-
dem revocatur.*

*Alexander
Theologia illi
succenset;*

in Notis suis adversus Pallavicini Historiam Concilii Tridentini vulgatis, pag. 69. eum Patribus Dominicanis in eorum Generali Capitulo A. M. D. C. LV I. Romæ celebrato, à Magistro Ordinis illius Johanne Baptista Marino referri voluisse, toedere *Beatissimum Patrem tot novarum opinionum hoc Seculo in Theologiam Moralem inductarum, quibus disciplina Evangelica resolvitur, ac conscientis cum gravi animarum periculo illuditur, & se maxime velle à Theologis in Ecclesia hoc morbo occulto laborantis remedium opus parari ex severiori & tuta Sanctissimi Præceptoris (Thomæ) doctrina, quo HÆC MORVM ET OPINIONVM LICENTIA, quæ in dies grassatur,*

at mox favore incipit. *quasi canterio cohiberetur.* Attamen impietatem illam, quæ disciplina Evangelica resolvitur, & conscientis cum gravi animarum periculo illuditur, ex Cathedra S. Petri damnare non ausus, toleravit utique, qui officii, quod sibi arrogavit, ratione habita proscribere severè debuit; adeoque impietatis ejusdem meritò reus peragitur. Scilicet Nepotismo suo Theologiam illam lenocinari cùm animadvertisset, in sinu eam mox fovere cœpit. Monitus enim à Cardinali quopiam, ne adeò effusus esset in Nepotes suos divitiis ac Principatibus augendos, respondit: *Domine mi Cardinalis, alios habemus Theologos (Casuistas Jesuitas) qui nobis id fas esse concedunt ac docent.*

Sorbonam
apud Regem
ob geminam
censuram
idem graviter
accusat.

CC LXX XVI. De eo quicquid sit, Alexander utraque illa, & priore & posteriore, unius anni intervallo disparata Sorbonæ Parisiensis censura mirum in modum exulceratus est. Nam Pace cum Rege Gallix ob violatum à Corsis Legatum offenso, & armis jam insistente, ac extrema quæque interminente, interventu Principis Florentini A. M. D. C. LXIV. hac scilicet præcipua lege, *ut Corsis ejectis Cardinalis Chisius Lutetiam Parisiorum deprecatum veniret, sancita*, Brevi ad Regem Christianissimum Romæ apud S. Petrum sub annulo Piscatoris die VI. Aprilis A. M. D. C. LXV. da-

dato, & per Nuntium ad eundem ablegatum, omni studio obnixéque petiit, *uti auctoritate Regia præsto esse vellet, quò Sorbonæ illa condemnatio utraque* (qua scilicet & Vernantii Propositiones de infallibilitate Papæ, & Guimenii librum, ac cum eo tetra illa Theologiæ Moralis dogmata confixerat) *revocaretur.* Subjungit Apostolicum Breve: *Quod profectò speramus de singulari pietate tua, quæ Propositiones Apostolicæ Sedis tam adversas & injurias in Regno & Academia tua tolerare non poterit.* Hic nempe intimus & quæsitissimus dolor animum Pontificis ussit, quòd per Censuras Sorbonæ denuo prætensam infallibilitatem suam tentari evertique, & intra unius anni spatium duos libros ob assertam Papæ Monarchiam ad rigidam censuram vocari cerneret.

CCLXXXVII. Cæterùm dolor Papæ, Ecclesiæ Pontificiæ capitis, consentientem membrorum *συντάξας* heic non invenit. Neque enim Rex Christianissimus, gnarus utique, quantum ex Majestate peteretur, si Papæ auctoritas infallibilis declarata foret, gratificandum Pontificiis desideriis censuit. Providit quippe, si infallibilis Papa pronuntietur, futurum, ut, ceu Infallibilis Judex, Reges pro lubitu excommunicare, regnis & vita spoliare; regna auferre, donare aliis, denique absolutum Monarchiam totius Orbis Romano-Catholici inprimis, & in facris & in Civilibus se iterum gerere, ita ut in Monarchia hac impleatur illud: *Dixit, & factum est, Dominabitur à mari ad mare, & Regni ejus finis non erit;* animum inducat: quandiu verò fallibilis haberetur, potestatem ejus tanquam freno constrictam intra modestiæ cancellos coerceri, decreta ejus tanquam erronea rejici, fulmen excommunicationis contra Reges (Henricum III. & IV.) tanquam brutum sperni, ipsumque Papam Concilio in doctrina, vita & moribus, manentibus saluberrimis decretis & antiquissimis regulis istis: *Papa falli, errare potest, Concilio subjacet;* corri-

Breve Pontificium eam in rem oblatum Suprema Curia censura subjicitur.

gendum subjici posse. Statim igitur atque Rex Pontificium Breve Parlamento examinandum obtulit, illud prolixo, efficaci, multisque rationibus munito responso demonstravit, *Regem sine læsione jurium Corona, suæque auctoritatis non posse assentiri postulato Pontificis. Et cum Sententiæ Facultatis Theologicæ in censuris expressæ eadem sint, quæ Patrum & Conciliorum, S. Sedis, omnium Parliamentorum & Universitatum Regni, tantum abesse, ut condemnari illa debeant, ut potius Facultas debeat valide excitari ad perseverandum in illis. Extatque Consilium Parlamenti integrum in libro, quo Collectio variorum scriptorum in Censuras Facultatis Theologicæ Parisiensis de Hierarchia Ecclesiæ & Theologia Morali continetur.*

Ejus consilium infallibilitati Papæ oppositum gravissimum.

CCLXXXVIII. In eo Consilio agnoscit Suprema Curia, Papam, utpote Episcopum primum, esse caput ecclesiæ; idque per Galliam, & in omnibus Scholis Facultatis Theologicæ semper receptum fuisse profitetur. Hanc *ὑποχρῶ* & prærogativam disertè negat eò valere, ut Papa infallibilis, & Canonibus non subjectus statuatur. Galliam porro, non obstante concordia, quam semper cum Romana sede coluerit, à Curia Romanæ illegitimis usurpationibus sibi cavisse semper, omnemque Ecclesiæ Gallicanæ libertatem duobus his magnis principiis inniti, quòd *Papa subjectus sit decretis Conciliorum; & quòd ejus auctoritas non sit Monarchia, sed auctoritate ecclesiæ inferior.* Post infallibilitatem Papæ pluribus exemplis oppugnat & convellit; veluti *Sixti V.* cujus Biblia & Bullam editionem eorum approbantem *Clemens VIII.* suppresserit; *Pauli IV.* Prædecessorum suorum fallibilitatem in pleno Consistorio agnoscens; *Adriani VI.* qui in *IV.* Sententiarum librum, etiam in secunda editione, ejus jam Pontificis jussu procurata, assa voce scripsit, plures Romanos Pontifices hæreticos fuisse; *Gregorii XI.* in Testamento revocantis & de testantis ea, in quibus erravit; *Johannis XII.* negantis, animas

mas mortuorum ante unionem cum Corporibus Cœlo frui; *Bonifacii VIII.* in Extravagante *Vnam Sanctam*, seu articulum fidei definientis, quod Reges in temporalibus à Sede Romana dependeant; *Innocentii III.* qui *Serm. 2. de consecrat.* fatetur, se propter peccatum, quod in fide committit, ab Ecclesia judicari posse; *Paschalis II.* qui investituræ privilegium, primò concedens, post se errasse falsus in Concilio Lateranense veniam petiit; *Honorii I.* Monotheletæ; *Vigilii* condemnationem trium Capitulorum prohibentis; *Gelasii I.* *Leonis I.* & *Siricii* agnoscentium, quod Concilio inferiores sint. Ex quibus Pontificum dictis factisque hoc ad extremum *συμπέρασμα* Curia Affectores formant: *Quando sententia sunt opposita, oportet ut alterutra pars erret. Jam verò inter Pontifices veteres omnes ferè agnoverunt se fallibiles & Conciliis inferiores. Recentiores contra prætendunt, quod errare non possint, & quod tota ecclesia summè ab illorum imperio dependeat. Oportet ergo ut alterutri errârint, ac proin ut infallibilitas non sit inseparabilis prerogativa suprema illorum dignitatis.* Pontificum dictis factisque Constantiensis & Basileensis Conciliorum, quorum eam in rem decreta tuentur, definitiones subjiciunt; distinctionem Papæ ut privati & publici Doctoris, nec non præjudicium ob receptas Innocentii X. Bullas Anti-Janseniticas, discutunt; tandemque concludunt Papam haud dubiè præoccupatum & pessimè informatum Censurarum revocationem exegisse. Esse multa ex adverso, de quibus alii justè conquerantur, veluti quod singulis annis Romæ publicetur Bulla, dicta in Cæna Domini, Summis Potestatibus iniqua: quod nuper iterum typis impressum sit Decretum Inquisitionis, quo condemnetur Senatusconsultum factum contra Johannem Castellum.

CCLXXXIX. Alexandri jussu A. M. D. C. LXXIV. prodiit novus Index Librorum Prohibitorum, una cum ejusdem eam in rem Bulla die v. Martii ejusdem anni edita. *Index librorum prohibitorum Alexandri jussu vulgatus,*

Pontificum,
Bullas, Pon-
tificis que li-
bros expur-
gans,

dere ibi inter alia est Indicem Decretorum, quæ vel à Magistro sacri Palatii, vel ab ipsis Congregationibus Sacris Indicis & S. Officii emanarunt. Animadversionem meretur nonnullam, quod in solo Decreto LXVII. d. x. Jun. A. M. D. C. LVIII. condito à Sacra Indicis Congregatione libri sequentes, Pontificii omnes, ne exceptis quidem ipsorum Pontificum summorum, Urbani VIII. & Innocentii X. Bullis, prohibiti proscriptique sunt. I. *Anonymi Opusculum*; quod inscribitur A. S. C. *Dissertatio pro Francisco Suarez de gratia agro oppresso collata per absolutionem à Sacerdote presente impensam, prævia peccatorum expositione Epistolari*. II. *Magni Bullarii Romani Tomus quartus SS. Pontificum Urbani VIII. & Innocentii X. Constitutiones complectens. Donec expurgetur ab adjectis. Expurgari autem debet, ut sequitur. Auferatur Constitutio 25. incipiens: Sacrosanctæ Romanæ Ecclesiæ. Auferantur præterea sex pagine à pagina signata 289. usque ad paginam signatam 300. III. Domus Sapientia, quam septem suffulta per allegoriam columnis Fr. Lucas à Monteforti, Mariæ cultoribus novissimè adificavit. IV. Libri omnes impressi, & qui inconsulta S. Congregatione imprimantur, tractantes controversiam de vera & non interrupta successione filiorum S. Francisci, & de vera forma caputii ejusdem. V. Elenchus librorum omnium prohibitorum ab A. 1636. usque ad A. 1655. ordine Alphabetico per F. Thomam de Augustinis digestus, &c. VI. Petri Picherelli Opusc. Theolog. Dissert. de Missa, item de imaginibus, habita ad sanum Germani coram Regina matre. Appendix ad Dissert. de Missa, & Maldonati Prælectio in Psal. 110. Denique VII. Vera & dilucida expositio præsentis status totius Seraphicæ F. F. Minorum Religionis à S. & magno Francisco Patriarcha inclito, Numine Divino inspirante fundata, per Franc. Bonitum Combasson. Unde de misera servitute eorum, qui Pontifici Romano subsunt, quin & lubrica sorte Bullarum & Definitionum Papalium in ipso Papatu, judicium ferri potest.*

Servitutem
Papatus pro-
balit.

CCXC. Sed & in alio decreto, quod numero LXXI I. *Ejusdem censuræ acerba*
 est, d. XII. Jan. A. M. D. C. LXI. edito gravissimè Alexander *Missalis Ro-*
 in quosdam in Regna Gallie perditionis filios, in perniciem ani- *mani Gallicè*
 marum novitatibus studentes, & Ecclesiasticas sanctiones ac praxin *editi*
 contemnentibus invehitur; questus scilicet, ad eam nuper vœ-
 faniam eos pervenisse, ut *Missale Romanum* Latino idioma-
 te tot Seculorum usu in Ecclesia probato conscriptum, ad
Gallicam vulgarem linguam (proh scelus!) convertere, sicque
 conversum typis evulgare, & ad cujusvis ordinis & sexus
 personas transmittere ausi fuerint, & ita *Sacro-sancti Ritus*
majestatem Latinis vocibus comprehensam (ut *majestatem omnem*
rituum Romanorum & sacri mysterii dignitatem in ignota ma-
 jori longè Ecclesiæ parti *Latinitate*, adeoque in verbis, non
 in rebus consistere inde constet. quod magiam sapiat nec
 ne, judicet, qui volet) *despicere & proterere, ac sacrorum my-*
steriorum dignitatem vulgo exponere temerario conatu tenta-
 verint. Eam novitatem ait Alexander se abhorrere & detestari,
 ceu perpetui ecclesiæ decoris deformatricem, inobedientia, temeri-
 tatis, audaciæ, seditionis, schismatis, aliorumque plurium malo-
 rum facile productricem. Deinceps contra librum eum senten-
 tiam fert his verbis: *Missale prædictum Gallico idiomate à quo-*
cunque conscriptum, vel in posterum aliàs quomodolibet conscriben-
dum & evulgandum; Motu proprio, & ex certa scientia ac matu-
ra deliberatione nostris, perpetuo damnamus, reprobamus & in-
terdicimus, ac pro damnato, reprobato & interdicto haberi volu-
mus, ejusque impressionem, lectionem & retentionem universis &
singulis utriusque sexus Christi fidelibus, cujusunque gradus, ordi-
nis, conditionis, dignitatis, honoris & præminentia, licet de illis
specialis & individua mentio foret, existat, sub pœna excommuni-
cationis lata sententiæ, ipso jure incurrenda, perpetuò prohibemus.
Mandantes, quòd statim, quicumque illud habuerint, vel in fu-
turum quandoque habebunt, realiter & cum effectu exhibeant &
tradunt locorum ordinariis vel Inquisitoribus, qui nulla interposita

zelum pro la- mora exemplaria igne comburant, & comburi faciant. En ferven-
ximitate ar- tem Alexandri pro Latinitate sua, zelum, qui eo ipso se
guit. λατῆρον Irenæi esse, manifestè prodit!

*Pallavicini
 & Julii Cle-
 mentis Scoto
 de Ecclesia
 Pontificia in
 pejus degene-
 rante conten-
 tio.*

CCXCI. An Ecclesia Romana quoad mores saltem, procedente tempore, & post Tridentinum inprimis Concilium melior, an deterior evaserit, hoc potissimum tempore, editis à Julio Clemente Scoto, Italo, Viro doctissimo, A. M. D. C. LXIV. in Pallavicini Historiam Tridentini Concilii Notis, disceptari in ipsa Ecclesia Romana cœpit. Dixerat Suave Polanus, Mundum recentem vitiis deteriorem esse, quàm antiquum. Ei Pallavicinus regeffit, Comœdorum hoc esse proverbium, & vulgi querelam. Suavi patrocিনatus Julius Clemens artic. 42. pertendit, assertionem isthanc repugnare tum Pelagio Papæ, c. Fraternali. d. 43. dicenti: *Quia defectus nostri temporis, quibus non solum merita, sed corpora ipsa hominum defecerunt, districtio- nis illius non patitur manere censuram*: tum Innocentio c. 10. de heret. cuius initium: *Vergentis in senium Seculi corruptelam*, &c. Addit invalescentis corruptionis argumentum, quòd antiquiores plurimi canones propter rigorem, quem fidelium posteriorum animi visi sint haud absque salutis dispendio ferre posse, mutati & aboliti sint. Neque aliam ob causam Adrianum VI. antiquum Canonum Pœnitentialium usum, à multis jam Seculis insuetum revocare conatum esse. Infirmi- tatem quinetiam horum temporum inde arguit, quòd in locum pœnæ peccatis debitæ successerint indulgentiæ, quas Pontifices Summi superiori & hoc Seculo amplissimas concesserunt. *Quid indicant, quæso*, inquit, *tot leges multiplicatæ à posterioribus Pontificibus, quæ & in dies multiplicantur, ita ut Pontificiæ Bullæ hisce duobus Seculis conditæ amplissima duo volumina consiciant, cum tamen vix unum consiciant parvum Bullæ quatuordecim Seculis conditæ? An non tot Reformationis decreta à Concilii Tridentini Patribus promul-*

mulgata summam in Ecclesia jam morum deformitatem indicant? Observaverat autem jam ante artic. 16. leges Concilii Tridentini ad Reformationem spectantes, arguisse deformitatem vehementissimè Christianam Rempublicam fuisse ante Concilium Tridentinum, imò N U N Q U A M M A G I S deformatam: in quo, inquit, accusantur Pontifices Summi anteriores cuncti post Martinum V. in Concilio Constantiensi electum A. 1417. Novembr. 11. qui morum hujusmodi deformitates è summa in proprio munere incuria permiserunt, negotiis aliis à Pastoralis alienis cura inprimis distenti.

CCXCII. Post Concilium verò Tridentinum concedit equidem Author idem, in plurimis Tridentinas leges ecclesiam reformasse, nec adeò manifesta conspici in Ecclesiasticis, ac potissimum in animarum Pastoribus, vitia, nominatim carnalia, sicut ante illud Concilium. Addit tamen, reprehensionem non magnopere meruisse Suavem, cum dixit, *post Concilium Tridentinum idem evenisse, quod ante.* Nam ut omittatur, aliquot, & non exigui ponderis Tridentini Concilii decreta non servari, veluti de lectione S. Scripturæ, cujus loco alia, præcipuè apud Regulares, reposita sint; de admittendis ad sacros inprimis ordines, Ecclesiasticasque dignitates, de munere suo explendo à constitutis in Minoribus, de Conciliis Provincialibus ac Diocesanis, de Dispensationibus, &c. insuper observari à nonnullis monet, post Tridentinum Concilium defectus ingentes, veluti 1. *Venerationis Ecclesiarum.* in qua Catholicis pluribus præsent non tantum Græci schismatici, verum etiam Hebræi ac Turcæ ipsimet. Ut mirandum non sit, si Christus inde irritatus permittat potius in Templis jam Christianorum loco suo adorari Mahumetem, ac honorem potius Diaboli propagari in hæreticorum fanis. 2. *Humilitatis Christianæ.* Nam plurimos mercari etiam titulos, ut aliis sint pares vel superiores; vel eos

Post Concilium Tridentinum Ecclesiam Pontificiam in melius mutatam non esse, idem Julius Clemens suæ efficaciterque demonstrat

supra conditionem suam exigere; quærere nonnulla observantiæ ac venerationis suæ signa sibi exhiberi olim infueta, vel non debita, quæ nisi exhibeantur, acriter eos indignari, nec non indignationis argumenta præbere; in cunctis motibus corporis fastum quendam præ se ferre cæteris odiosum; præferre se aliis vel in nobilitate, vel in doctrina, vel in pietate, aut etiam in his omnibus. Idque etiam magis detestabile esse, si sentiant, esse potius humilitatis speciem, Communitatem suam cæteris omnibus anteferre, ac re ipsa præferre; nihil non sibi deberi arbitrentur; supra alios honores, prærogativas, privilegia sibi acquirere satagant; ferè toti sint in suis & communitatis suæ laudibus extollendis, ac interdum falsis; prædicent, aliqua à se præclarè gesta, quandoque mentientes, vel exaggerantes; humanam duntaxat gloriam in actionibus cæteroquin piis, ut in ædificandis ecclesiis, donanda supplectile sacra &c. propositam habeant, nedum in iis, quæ circa proximorum salutem agunt. 3. *Dierum festorum observationis.* Cum enim illi sint indicti præsertim ad Dei cultum, plerosque dæmonem potius colere, indulgentes Veneri, gulæ & ludis. 4. *Simplicitatis Christianæ* à Christo commendatæ Matth. cap. 10. non solum in vestitu & victu, verum in verbis etiam & factis. Atque defectum eum ait à non paucis adscribi sententiæ hoc Seculo propagatæ de *Restrictione Mentali*, causisque ea utendi, addito etiam iuramento de ea non adhibenda, juxta Sanchezium. Inde scilicet fieri, ut perrarè ullus possit esse tutus de ullius promissione; aut certò credere possit, eum, qui nonnulla scribit aut edit, ita interiùs sentire. Apud aliquos inductam hinc esse opinionem, quòd liceat publicum & religiosum cultum exhibere idolo, eidem offerre incensum, flores &c. illi sacrificantibus ministrare, dummodo crucem vel in manu gestaret, vel inter flores, aut supra pectus repositam.

tam quis haberet. Infelix hoc esse Seculum, quòd illa sententia tot, & quosdam præcipuè, sortita sit assertores. Similiter quot, inquit, simulationes in vultu, gestu, aliisque motibus corporis, ita ut sæpissimè, qui nonnullis arident præsentibus, absentes postea irrideant. Simplicitati porro calliditatem, fallaciam; sinceritati adulationem successisse, ita ut complures instar Gnathonis in omnibus planè ad quorundam Magnatum voluntatem seu voluntatem loquantur & agant, quin etiam omnia eorum gesta, etiam minùs recta commendent. Affine huic esse hypocriseos vitium, Sicut enim sub specie pietatis hæreses fermè omnes in Ecclesiam inductæ sunt, ita quoque pravas multorum cupiditates eadem specie obtegi. 5. *Prudentie Christiana*: quæ dicat, nunquam æternam salutem posthabendam commodis quibuscumque temporalibus. Ejus locum subiisse *Politici* quandam *falsam* ac *Ethnicam*, dictantem, dummodo quis temporalem, vel status sui felicitatem assequatur, nullam juris Divini, imò nec naturalis rationem habendam, ita ut illa sit omnium prorsus suprema lex, quam amplectantur inprimis illi (*horum*, inquit, NB. *hoc Seculo maximè censetur major numerus, quàm ut sic Lutheranorum, Calvinistarum &c.*) qui à quibusdam *Politici* etiam post Concilium Tridentinum appellantur, Atheismo communiter infecti; sive hic sit ille, qui est insipientium, nullum planè Deum, seu nullam planè incorpoream agnoscens substantiam; sive sit ille, qui dicitur Aristotelicus à quibusdam, admittens primam causam saltem finalem rerum, omni materia carentem, curæ tamen rerum inferiorum, seu Providentiæ expertem. Cui sententiæ connexam ait illam de animæ rationalis mortalitate. qua hæresi nulla sit perniciosior vel animabus nostris, vel bonis moribus. Quod, inquit, Seculum protulit tot ex omni genere scriptores de Politicis, sicut nostrum? Quosdam

ex Ecclesiasticis etiam majori sibi tribuere laudi ait, si dicantur vel existimentur Magni Politici, aut in Politicis versatissimi, quàm si egregiè probi & docti. Et utinam, inquit, non hoc nomine Ecclesiasticæ Dignitates, etiam primariæ compluribus deferantur! 6. *Charitatis*. cujus defectum variè arguens, consistere eum docet *Tum* in non erogandis pauperibus verè superfluis, & quæ à tineis & muribus sæpe comeduntur. quod in Ecclesiasticis beneficiis fruentibus maximè vituperandum monet, qui si erogarent liberalius, non tot pauperes ac mendicos fore in urbibus, tot honestas familias ad incitas redactas pudorem minorem passuras, nec tot meretricium quæstum facturas; quibus noxiam dicit opinionem à recentioribus Theologis & Canonistis probatam, *quod ecclesiastici è sola charitate, non ex iustitia ad superfluum erogationem teneantur*; reprehensa etiam eorum detestabili avaritia, qui in operibus piis in proximorum salutem non reapse quærunt animas. Deo lucrari, vel Deo acceptiores reddere, sed marisupia sibi, ac domesticam suppellectilem auctiorem reddere; nec non opera quædam spiritualia excoGITANT potissimum, ut inde lucra sibi, vel suis reportent; atque in ipsamet Sacramentorum administratione, vel in Reliquiarum propositione, vel ejusmodi aliis pecuniæ exhibitionem intendunt, qui nunquam satis esse dicerent, quamvis copiosissimos reditus haberent, excusantes se, quò illis abundantiores forent, hoc amplio numerum Ecclesiasticorum seu Religioforum alendum esse: *Tum* in bellis inter Principes injustis: *Tum* in inimiciis perpetuis non rarò inter præcipuas in civitatibus familias; nec non discordiis domesticis: *Tum* in odiis complurium immortalibus, etiam inter Ecclesiasticos & Regulares, controversias sæpe acerbissimas cum aliis quærentes, Pacis ofores, scriptis librisque non rarò se invicem lacerantes. Ejusmo-

di autem dissensiones inter Regna, familias, Ecclesiasticos, Religiosos etiam Romanæ Curix vigere queritur, ut verendum sit, ne sicut Gentiles priscis Ecclesiæ Seculis mutuam Christianorum charitatem attendentes, & admirantes exclamabant, teste Tertulliano Apolog. cap. 29. *O quantum se diligunt Christiani!* meritò nunc cum lachrymis exclamari queat à Catholicis piissimis, & harum dissensionum conscii: *O quantum se oderunt Christiani!* Deinceps invehitur in homicidia, quæ in aliqua Christiana regione plura, quàm in Imperio Turcico patrari innuit: in detractores famæ adeò fréquentes, ut nullum vitium sit communius. Ubi Patres inprimis Societatis Jesu criminis ejus reos convincit testimonio P. Mutii Vitellefci, in libro ad *Univ. Societ.* qui prolata querimonia B. Francisci Borgiæ, Societatis illius Generalis, quòd multi ad Societatem veniant, ut fiant ditiores, pauci, ut fiant meliores; subjungit: *Ne quæso nobis, Patres, Fratresque blandiamur. Non pauci hoc in genere (detractionis vitio) valido freno indigent. Nomini parcunt, nimia agunt libertate & licentia, non sine gravi charitatis justitiæque interdum injuria; dum aliena seu dicta, seu facta nunc amplificata augent, modo ultro citroque renuntiant, nunc in deteriore partem accipiunt; ad motus animi, atque consilia Deo reservata dijudicanda progrediuntur; haud scio, an dicendum sit, res neque gestas unquam, neque per somnium quidem oblatas comminiscuntur & jactant. Equidem mihi persuadeo, consultò ac dedita opera non delinqui, qui sciam, quantus Dei timor ipso adjuvante, in Societate vigeat. Verùm affirmo inconsiderantiam, indiligentiam, lubricitatem hac in re malum esse longè gravissimum; atque utinam interdum Divina Majestas nihilo magis, quàm leviter lædatur, eoque periculosius, quò minùs inde conscientia onerari alicui fortasse videbitur. Ego verò, quoniam exonerare meam statui, mihiq; persuadeo, innumera hinc bona nobis intercludi, atque ex hoc fonte inprimis, & universè derivari mala, quæ æquissimo Domini ju-*

*dicio toleramus, ex intimis cordis mei visceribus obtestor, Examen, quod vocamus, Particulare, accuratum per hosce dies in hoc vitium instituunt; quandoquidem LATIVS quàm opus esset, illud SERPERE per Societatem DEPLORAMVS OMNES, fatemurque, venenosâ hujus atque EXCRABILIS plantæ fibris evulsis, terrestrem quendam Paradisum illam futuram. Addit testimonium ejusdem Societatis Generalis Aquavivæ, cui cum indicassent Patres Congregationis Romanæ, detractionis isthoc vitium & loquendi libertatem ita in Societate ea crescere, ut non pauci videantur id sine scrupulo facere, & quidem in materiis & rebus non levibus, sic ille respondit: Magno nostro dolore videmus, propositionem hanc veram esse. Et ab hac Societate posthac manasse isthoc detrahendi cacoethes ad alios, ac potissimum Claustrales, Author idem mox graviter quiratur. Quin & Pallavicinum, qui Suavis de corruptione crescente Ecclesiæ assertionem inter Comœdorum Proverbia retulit, testimonio etiam Urbani VIII. & Alexandri inprimis VII. affirmantis, per novas opiniones hoc Seculo in Theologiam moralem inductas disciplinam Evangelicam resolveri, & conscientiis cum gravi animarum periculo illudi; morumque & opinionum licentiam in dies grassari convicit. Denique licet concedatur, minora vitia tum contra castitatem, tum contra temperantiam patrari nunc in Ecclesia, ab Ecclesiasticis inprimis, post Concilium Tridentinum quàm ante; non minùs tamen spiritualibus vitiis, superbiæ, avaritiæ, invidiæ, detractioni, fufurationi, dolosæ simulationi, fidei datæ violationi, malevolentia, hypocrisi, aliisque similibus deditos esse Catholicorum animos, mox fusè ibidem comprobatur, totamque ea de re dissertationem claudit S. Bernhardi in verba illa Esajæ cap. xxxviii. Ecce in pace amaritudo mea amarissima, commentatione, quæ *serm. 33. in Cantic.* ejusmodi extat: *Amara prius in nece Martyrum: Amarior post in conflictu hæreticorum: Amarissima in moribus domesticorum.**

CCXCIII. Silentio prætereundum non est hujus *Episcopi Germaniam nonnulli Marti D-*
 potissimum temporis *σιδηρόξυλον*, *Episcopus* scilicet *Miles.*
 Episcopi enim nonnulli, quorum munus fuerat attendere gregi suo, & pascere ecclesiam Dei sanguine ejus proprio redemptam, in Germania cum primis, strenuè Mavortii litantes, novo etiam & insolito armorum foetore tantum non obvias enecantium genere, ad ferrum & flammam omnia vocabant. Quorum in censu Christophorus Bernhardus à Galen, Monasteriensis Episcopus, verus Seculi nostri Cyclops, qui inter arma adolevit, & consecruit, nominari cum primis meretur. Non tantum enim urbem celebrem Monasteriensem Westphaliæ armis suis domitam sub jugum misit, & post in Bello Hungarico-Turcico, Imperialis Militiæ Directorem se gessit: sed etiam auro promiscuè, modò Angliæ, modo Galliarum Regis, conduci se ad ferenda infesta signa passus, τὰς ποφὰς εἰσὼς ἔχειν ἐκ τῆς μοδοφορεῖν, *quæstum unum habens ex militia*, uti Philippus Macedo apud Didorum Sicul. lib. xvi i i. mercenarios milites describit; bis Belgis Fœderatis atrocissimum bellum intulit, urbes florentissimas dirum in modum quassavit, cœdibus omnia miscuit, & à Turcico milite Janitzaro nihil admodum discrepans, vi & dolo grassatus ubique est; denique in electione Coadjutoris A. M. D. C. lxxv i i. victus suffragiis spretoque Electore Coloniense, cui plura vota favebant, armis placitum sibi obtrusit. Ut non huic minùs, quàm cuiquam flamini alii illud Palingenii quadret:

Pontifices nunc bella juvant, sunt cætera nuge.

Tantisque in deliciis pullum huncce suum Alexander habuit, ut Roma ipsi gladium sacratum, cœdis impunè patrandæ auctoramentum submiserit, virtutemque ejus militarem non semel impensè collaudaverit.

CCXCIV. Postulat heic occasio, ut de Ecclesiæ Romanæ *Verbi Divini*
& vetust.

rum canonum
adversus E-
piscopos mili-
tes sententia.

manæ Episcoporum Bellatorum iniquitate nonnihil disse-
ramus. ut vel inde constet, plus recentiores Episcopos à
veris & veteribus differre, quàm simia purpura induta ab
homine, mus farina aspersus à pistrini domino differt.
Quàm severè Christus Regnum suum, cujus se Ministros
profitentur Episcopi, à Regnis hujus mundi, quæ armis
non rarò parantur retinenturque, disparaverit, non jam
dicam. Abundè id ex Matth. xx. 25. xxvi. 5. 2. Joh. viii.
36. i Cor. iv. 9. &c. liquet. Canon cèrtè Apostolicus Pau-
linus Episcopum *πλήκτω percussorem* esse disertè vetat. Sed
& Canon Apostolicus alter, huic conformis, numero
LXXXIII. jam olim Ecclesiasticis militiam his verbis inter-
dixit: *Επίσκοπος, ἢ πρεσβύτερος, ἢ διάκων, κρατεία
χολάζων, καὶ βαλόμην ἀμφοτέρω κατέχειν, Ῥωμαικῷ ἀρ-
χικῷ, καὶ ἱερεικῷ διοίκησιν, καθαιρεῖσθαι*. Tà γὰρ καίσαρος καί-
σαρι. Καὶ τὰ τῶ θεῷ, τὰ θεῷ. *Episcopus, aut Presbyter, aut Dia-
conus, exercitui vacans, & utraque obtinere volens, Romanum Ma-
gistratum & Sacerdotalem administrationem, deponatur. Quæ sunt
enim Caesaris, Casari: & quæ sunt Dei, Deo.* Ubi per *κρατεία
χολάζωσι* sive cum Balsamone, Zonara, Harmenopulo
militantem, vel militarem rem administrantem; sive cum Doctis.
Beveregio *civile quodvis officium administrantem* intellèxeris;
Bellatores Episcopos feriri palam est. Proxima etiam æ-
tas tantùm abest, ut Episcoporum militiam probaverit, ut
quadam etiam *ἀμείλια* ἢ *ἀνθολογία* etiam quamvis militiam,
saltem, qualis eo tempore in usu fuit, improbaverit. Pri-
mus Gregorius Cappadox Arianus militari manu, pulso
Athanasio, Alexandrinam Sedem occupavit. Damasi &
Ursicini tragœdiam supra narravimus. Sed isthæc per tu-
multum contigit. At quarto adhuc Seculo Ambrosius ora-
tione contra Auxentium; *Non pila, inquit, quærunt ferrea,
non arma Christi milites. Coactus repugnare non novi: sed dolor,
fletus, orationes, lachrymæ fuerunt mihi arma adversus milites.*

Talia enim sunt munimenta Sacerdotis. Aliter nec debeo, nec possum resistere. Sequenti quinto Seculo Concilium Chalcedonense canone VII. decrevit, *Eos, qui semel in clero taxati fuerint, sive in Monasterio deputati, μήτε ὅτι στρατιάν, μήτε ὅτι ἀξίαν κοσμικὴν ἔγχεσθαι, neque ad militiam, neque ad honores Seculares venire debere.* Eos verò, qui hoc ausi fuerint facere, & non ejus rei pœnitere maluerint, ut ad hoc idem revertantur, quod ante obtentu Dei sibi proposuerint, anathematizari convenire. Seculo Septimo circumfertur vulgaris gnome Gregorii M. Episcopi Romani, quæ lib. VII. Epist. I. ad Sabinianum continetur. Si, inquiebat ille, *in mortem Longobardorum me immiscere voluissẽ; hodie Longobardorum gens nec Regem nec Ducem haberet. Sed quia timeo Deum, in mortem cujusquam hominis me miscere formido.* Vel igitur Gregorius ea in re non timebat Deum, vel recentiores Pontifices & Episcopi Bellatores Deum non timent. Invenitur equidem inter Epistolas Gregorii alia, cujus fragmentum in c. 2. x. de immunit. Eccl. extat, ex qua communiter Canonistæ concludunt, tempore necessitatis ipsos etiam clericos non excusari à custodia civitatis. Sed quid custodire civitatem, stare in excubiis, necessitatis tempore, quod probi civis cujuslibet officium est, commune habet cum eo, quod Episcopi Bellatores ab aliquot inde Seculis fecerunt? Taceo, quòd, notante Augustino Barbosa ad d. c. 2. Modernus observavit, non loqui textum illum de Clericis, sed de hominibus Ecclesiæ, qui immunitate Ecclesiæ gaudebant. Sanè eodem Seculo in Concilio Toletano IV. can. 44. statutum est, *ut Clerici in quacunque factione arma volentes sumere, amisso ordinis sui gradu in Monasterio pœnitentiæ tradantur.* Insigne etiam veræ ἀπλομαχίας Sacerdotalis exemplum Beda Histor. Eccl. lib. II. 2. narrat; Monachos videlicet è Monasterio Mancor magno numero seorsim stantes, & adversus Regem Edilfridum non armis corporalibus, sed jejuniis

& precibus pugnantes. Octavo adhuc Seculo Zacharias Papa Epistola ad Episcopum Moguntinum Bonifacium, de Sacerdotibus queritur, quòd Deum ad iram provocantes majora committant facinora, *dum propriis manibus Christianos atque paganos necant*, &c. Epist. 3. *Qualis*, inquit, *victoria datur, ubi Sacerdotes una hora Dominica pertentant mysteria, & Christianis Dominicum porrigunt corpus pro suarum animarum redemptione, & propter Christianos, quibus hoc ministrare debuerant, aut paganos, quibus Christum predicare, propriis sacrilegisque manibus necant.* Militum porro & Sacerdotum officia sic idem Zacharias Epist. 7. ad Pipinum Regem distinguit: *Principes & Seculares homines atque bellatores convenit curam habere & sollicitudinem contra inimicorum astutiam, atque Provinciae defensionem. Præsulibus verò, Sacerdotibus atque Dei servis pertinet salutaribus consiliis atque orationibus vacare, ut vobis orantibus & illis bellantibus, Deo præstante, Provincia salva persistat.* Caroli M. ætate crevit equidem non parùm ejusdem indulgentia & liberalitate pòtestas Episcoporum. Neque tamen Sacerdotibus bellare permissum est; quin potius non obscurè id in Concilio Meldensi A. D. CCC. XLV. habito canone 37. interdicatur his verbis: *Quicumque ex clero videntur esse, arma militaria non sumant, nec armati incedant; sed professionis suæ vocabulum religiosi moribus, & religioso habitu præbeant. Quod si contempserint, tanquam sacrorum canonum contemptores, & Ecclesiasticæ auctoritatis profanatores, proprii gradus amissione multentur, quia non possunt simul Deo & Seculo militare.* Inter Capitula quoque Coroli & Ludovici Imp. Lib. VI. num. 61. ejusmodi habetur constitutio: *Si quis Episcopus, Presbyter aut Diaconus vel subdiaconus ad bellum processerit, & arma bellica indutus fuerit ad belligerandum, ab omni officio depnatur, in tantum, ut nec laicam communionem habeat.* Quin & Leo IV. Papa homil. de cura Pastoralis Clericos sui temporis ita alloquitur: *Nullus vestrum arma ferat in seditione, quia ar-*

*ma vestra spiritualia esse debent. Quanquam non temperavit sibi Leo, quò minus faceret id, quod aliis prohibuit; dimicans ipse fortiter adversus Saracenos, si vera sunt, quæ de ipso Platina scripsit. Nicolaus I. referente Gratiano c. Clericum 6. dist. 50. Cum discreti sint, inquit, milites seculi à militibus ecclesiæ, non convenit militibus Ecclesiæ militare seculo, per quod ad effusionem sanguinis necesse sit pervenire. In Concilio quoque Triburiensi A. D. CCC. XCV. celebrato cap. 27. ejusmodi decretum extat: Semel in clero deputati nec ad militiam, nec ad aliquam veniant dignitatem mundanam, uti in Synodo Chalcedonensi statutum est; ne tales sint, sicut S. Isidorus loquitur, similes hippocentauris, qui nec equi nec homines, sed quasi bruta animalia libertate ac desiderio suo feruntur. Pro Clerico quinetiam in bello mortuo vetat Concilium idem vel in oblatione vel in oratione postulari. Seculo demum Decimo, quo temporalis potestatis incrementa Pontifices ceperunt, à veterum Pontificum pietate etiam hic degeneratum Sabellicus Ennead. IX. lib. 2. queritur his verbis: Illi (veteres Pontifices) suo sanguine Pontificum decus auxerunt; hi auctum cædibus & rapinis prophanarunt: donariis illi templis ditarunt, hi sacrilegiis exuerunt, &c. Jactaque alea bellandi libido ita processit, ut A. M. LIII. Leo IX. primus Romanorum Pontificum contra Normannos in Apulia & Calabria Siciliæque imperium auspicantes exercitum nebulonum potius quam militum eduxerit; profligatum à Normannis occulto Dei iudicio, uti Hermannus Contractus piè *Γρηγορίου*, quia tantum Sacerdotem spiritualis potius, quam pro caducis rebus carnalis pugna decebat. Reprehensumque inprimis est à Petro Damiani Cardinale Ostiensi lib. IV. Epist. 9. isthoc Leonis facinus, universæque cleri belligerantis audacia severis verbis perstricta. Vita, inquit, quam Servator noster gessit in carne, non minus quam prædicatio Evangelica nobis est proposita tenenda linea discipline. Sicut ergo ipse cuncta mundi furentis obstacula non per*

districti examinis ultionem, sed per invictam superavit inconcussa patientia Majestatem: ita docet mundi rabiem potius aquanimitate ferre, quam vel arma corripere; vel lædenti læsionibus respondere, præsertim cum inter Regnum & Sacerdotium propria cujusque distinguantur officia, ut & Rex armis utatur Seculi, & Sacerdos accingatur gladio spiritus, qui est verbum Dei, &c. Deinceps factum Leonis cum peccato Davidis & Petri abnegatione

*Gregorii VII.
& Bonifacii.
VIII. con-
trarii dicta-
tæ.*

comparat. Mox Gregorius VII. in Dictatibus suis retulit, ut Pontifici Romano Imperialia ornamenta, adeoque gladium etiam gestare liceat: & Bonifacius VIII. definivit, in Ecclesia esse duos gladios, unum pro ecclesia, alterum ab ecclesia exercendum; illumque huic subesse; quin & Petro temporalem gladium fuisse. Quod igitur antehac in vitio merito fuit, id deinceps postquam jurisdictione temporali, & feudorum dominio Principum superstitio & incuria Pontifices & Episcopos mactavit; in virtutem & pietatemvertere cœpit. Sacra imprimis seu cruciata militia in Concilio Claromontano ab Urbano II. decreta, Episcopis Sacerdotibus & Monachis tractare arma assuetis. Eoque ventum dementiæ, ut teste Chopp. lib. I. I. S. Polit. tit. I. num. 7. Episcopi nonnulli sacra facientes supra altare suspensum gladium, vitæ necisque indicem custodiant. Jucundum quin etiam spectaculum Ximenius, Archiepiscopus Toletanus, Gomezio teste, Hispanis præbuit, cernentibus Goncaldum Fernandum, cui tot victoriæ Magni Ducis nomen pepererant, in abdito secessu sacris operantem, & orationibus vacantem; Ximenium contra inter milites, lorica indutum, ferocientem. Dignissimus imprimis ludibrio omnium habitus est Philippus Belluacensis Episcopus, qui Auth. Helinsh. in Chron. Rich. I. nec non Guilhelmo Neubrigenfi Rer. Anglic. lib. V. 22. contra Richardi Angliæ Regis exercitum A. M. D. XCVI. infestum militem ductans, acie captus est. Quem cum donari sibi tanquam Filium Pontifex expetiisset, Ri-

*Ximenius &
Philippi Bel-
luacensis hi-
storia.*

char-

chardus Romam arma Episcopi misit, cum lepida denuntiatione: *Vide, Beatissime Pater, num hæc sit tunica Filii tui!* De Gallorum consuetudine sic Joh. Tilius *Rerum Gallic. lib. II.* refert: *Quaquam Scriptura Sacrae armis toti clero interdicant, tamen Antistites Pares Galliae pro dignitate Parium temporaria tenentur Regibus ministrare, & eos sequi cum equitum ac militum suorum comitatu, si quando Reges ipsi in bellum procefferint: quod officium à quibusdam aliis, qui Pares non sunt, Episcopis debebatur. Adèd Gallia in his conditionibus rem militarem aestimavit magni. Eam verò consuetudinem Baronius ad A. D. CCC. LXXXVI II. his verbis detestatur: Execrandum plaxè diu istiusmodi facinus (ut Episcopi armati ad bella procederent) inolevit in Galliis, &c. Sed eò deterius, quòd iidem etiam ab ejus temporis scriptoribus laudati reperiuntur nomine bellicæ fortitudinis: cum tanquam (NB.) sacrorum canonum violatores, & muneris Pastoralis ac nominis desertores detestandi fuissent. Tales igitur, Baronio ipso iudice, Pontifices & Episcopi Polemarchi omnes fuerint: Saltem ex iis, quæ attulimus, ad liquidum perducì potest, Pontifices & Episcopos, qui post Hildebrandum bella gerere sibi fas piùmque duxerunt, immane quantum à veris & veteribus Episcopis differre, neque grandis istius nominis mensuram ullatenus implere.*

CCXC.V. Liceat autem turpitudinem istam Episcoporum *πληκτῶν* Erasmi etiam & Wicelii verbis *μάλα ἐμφανῶς* prodere. Sic autem Erasmus Dedicatione ad Franciscum Regem Paraphrasi in Marcum præfixa, scribit: *Duplex est gladii genus, duplex est Regni genus. Habent & Sacerdotes suum gladium: habent suum Regnum. Proque diadematis & galeis habent mitras, pro sceptro-pedum, habent lorica, baltheum: denique totam panopliam, quam illis non uno in loco strenuus ille bellator Paulus describit. Reges Evangelici Pastores dicuntur. Sed & profani Reges Homero dicuntur Pastores populi. Idem agunt utrique, tametsi diversa est functio, quemadmodum in fabulis iisdem alias*

Ecclesiasticorum militantium impietas verbis Erasmi & Wicelii depicta.

alii partes agunt. Quòd si suum utrique gladium semper haberent expeditum, hoc est, potestate tradita, sicut oportet, uterentur: non toties, opinor, Christiani, qui vocamur potius, quàm sumus, in fratrum viscera gladium impium stringeremus. Porro dum utrique suo munere neglecto, quod est alienum, affectant, neutri satis tuentur neque dignitatem suam, neque tranquillitatem. Quando Rex plus habet Regiæ Majestatis, quàm cum in Judiciis sedens dictatus, cohercet injurias, dirimit lites, sublevat oppressos: aut quum in consiliis sedens prospicit Reip. commodis? Caterum Episcopus quando plus habet dignitatis suæ, quàm cum è suggesto docet Evangelicam Philosophiam? Tum enim verè in solio suo est Rex Evangelicus. Quàm verò Neroni fuit indecorum in theatro certare aut cum phoniscis, & citharædis, aut in circo cum aurigis: tam indecorum est Regi in humilibus ac sordidis negotiis versari, quæ pertinent ad privatos affectus ipsius, & officiunt incolumitati Reip. Rursum quàm indecorum esset, si philosophus cum pallio & barba fabulam saltaret in proscenio, aut in harena falcem teneret ac rete, gladiatoriam canens cantionem, non te peto, piscem peto, quid me fugis galle? tam indecorum est Evangelicum regem belligerari, aut nundinari, ne quid dicam inhonestius. Quur nunc invenitur Episcopus, qui sibi pulchrius ducit, trecentos equites balistis, lanceis ac bombardis instructos secum ducere, quàm piis & eruditis diaconis comitatum sacros libros secum circumferre? Quur earum rerum ostentatione sibi magni videntur, quarum contemptu magni fuerunt illi, in quorum locum successerunt? Quur illis dulcius sonant tubæ & cornua, quàm sacra lectio? Age, quid si Rex pro diademate & trabea sibi imponat mitram & insulam: contra pro mitra & insula sibi diadema & trabeam sumat Episcopus, nonne portentis simile videbitur? Adèò movent inversa insignia, cur non magis movent inversa furtio? &c. Sed & Georgius Wicelius, Ferdinandi I. Imperatoris Consiliarius, in libello nomine via Regia scripto, sic inter alia loquitur: Magnopere probamus isthoc discrimen sicut discrimen ponimus inter Cælum & terram. Potestas ecclesiastica de

Cælo est, at politica de terrâ. Vtramque verò in uno eodemque homine conjungi posse, disputent alii, qui solent obicere de gemino dispari:

Non bene conveniunt, nec in una sede morantur.

Verum disputetur ad vivum investiganda veritatis ergo: Vtrum idem existere possit Pastor spiritualis, & miles plus quàm carnalis? Ac iurene gestet altera manu pedum Pontificale, seu Episcopale, & simul altera enssem cruentum, galeam thoracemque Martialem? Verum hæc sacra non aliter constant! tanto difficilior est contra tractum fluminis niti, & cum suo depugnare Seculo. Alioqui enim provocari poterat ad Ecclesiæ principia, quando tam Pontifices quàm Episcopi uni vacabant potestati ecclesiastica, in timore & tremore Dominum suum audientes: VOS NON SIC. Quin & cum Bernhardus quæri poterat: Sicne fecit Petrus? Sicne Paulus? Talia gestavit arma Linus? Talem Zonam Clemens? & Episcopi, Dionysius, Ignatius, Augustinus, Ambrosius, & infiniti horum similes? Sed esto alius, & alii hominum mores, & tempora periculosa non instant jam, sed extant. Hæc Bernhardus. Attamen nihilo segnior fatendum id, quod res est. Nimirum Pontifices, Episcopos, Cardinales, Patriarchas primam omnium curam ac operam impendere oportere in eo, quæ solius Dei sunt, memores mandati Pauli, quando inquit: Dicite Archipopo: Vide ministerium, quod accepisti in Domino, ut illud impleas. Quod munus propriè suum si sincerè obierint vel biennium sensim, crede mihi, nauseabunt ad secularia. Semel statuunt, potestatem ecclesiasticam, qua Episcopi sunt, omnino excellere, & longè inferiorem esse potestatem, qua Principes sunt. Quod cum sit irrefragabile atque immotum, tamen gaudent tantum adire Principes, & propemodum pudet Episcopos dici. Imò illorum aula non sustinet patienter audire, si quis roget, ubi Rev. Episcopus sit: præcisè dicendum est, ubi reperiam meum gloriosissimum Dominum & Principem. Sin secus, ad suspicionem malam protinus rapiuntur. Cujus rei forsan causa est, quod malint esse reipsa Principes, quàm Episco-

pi; & propensiores sint ad Principatū quā Episcopatū. Si qui tales existunt, ipsi constituunt semet Episcopi nomine ultra modum indignos. Sed hoc pacto non subterfugiunt iram venturam. Hactenus illi.

*Controversia
de Attritionis
efficacia Jan-
senitas & Je-
suitas inter
ferret.*

CCXCVI. Certatum hoc tempore potissimum in Schola Pontificia inter Theologos acriter est: An illa attritio, quæ concipitur ex metu gehennæ, excludens voluntatem peccandi cum spe veniæ ad impetrandum gratiam in Sacramento penitentiae, requirat insuper aliquem actum dilectionis Dei? Asserebant id Jansenii sequaces, negabant Jesuitæ potissimum Sirmondus, Annatus, Pinterellus, Moynius, alii, ex quorum sententia Montaltius Epistola Provinciali decima hoc porisma elicuit: *Per totam vitam sic peccata elici, adeoque contingere posse, ut salutem adipiscatur, qui nunquam Deum in vita dilexerit.* Et Sirmondus quidem in libello, quem virtutis defensionem inscripsit, Pontificiorum de necessitate amoris Divini opiniones ad calculos revocat his verbis: *Diligendi Dei præcepto homines obligari affirmat S. Thomas statim ab usu rationis. Hui tam citò? Scotus singulis Dominicis. Unde peti- tum? Alii cum urget tentatio. Recte, si non alia esset via effugien- da tentationis. Scotus post acceptum beneficium. Grati quidem ani- mi istud indicium est. Quidam in mortis articulo. Nimis serum est. Ne quidem quoties recipitur Sacramentum aliquod, eam obligatio- nem urgere existimem. Sufficit enim attritio cum confessione, si com- mode fieri possit. Aliquo tempore teneri, censet Suarez. At quo? Tuo iudicio remittit: ipse nescit. At quod ille nescivit, quis sciat, nescio. Quid verò in euripo hoc opinionum Sirmondus ipse? Concludit, eum qui nullo Deum affectu diligit, nec vo- luntatem suam ad ipsum convertat, dummodo eum non oderit, & coeteris mandatis obsequatur, legi Divinæ satisfacere. Itaque, verba ejus sunt, quæ miranda est in homines bonitas Dei, non tam amorem sui præcipit, quā odium vetat. Alibi impudentissimum os effutit, hoc Evangelicæ legis fu-*

supra Judaicam præcipuum esse privilegium, quòd nunc ab amandi Dei præcepto Christiani immunes sunt. *Æquitati*, inquit, *consentaneum fuit, in lege gratia & Novi Testamenti illud durum & difficile exercenda ad obtinendam justificationem perfectæ contritionis*, id est, *charitatis actus præceptum resolvit: æquum, inquam, fuit, institui sacramenta, quæ charitatis defectum suppleant, nec tam arduam animi affectionem requirerent: alioqui Christiani, qui filii sunt, nihilo facilius Patris sui gratiam sibi reconciliarent, quàm Judæi, qui tantum servierunt, & Domini sui misericordiam impetrabant.*

CCXC VII. Hæc sexta singularis Jesuitarum de attritionis efficacia, & nulla diligendi Deum in hac vita ad salutem necessitate, hæresis est, quam Montaltii potius Doctoris Pontificii, quàm meis verbis detestabor. *Vah*, ita ille eadem Provinciali Epistola exclamat, *in apertum totius Evangelicæ legis excidium profana quidvis audendi licentia grassatur. Violatur magnum illud mandatum, unde lex pendet & Prophetæ: cor ipsum pietatis attentatur: expulso inde spiritu vivificante inane pietatis simulachrum relinquitur: postremo negatur, ad salutem necessarium esse, Deum diligere. Quid restat amplius, nisi ut non amandi Dei privilegium à Christo hominibus allatam prædicetur. Hoc etiam vestri (Jesuitæ) prædicarunt. Crescere jam non potest impietas. Ad summum pervenit!* Neque tamen Alexander Papa hæreseos istius impietatem mittere, nedum fulmine Papali ferire ausus est. Quin potius eadem impietate se alligavit, edita & d. VII. Maii A. M. D. C. LXVII. ad valvas Basilicæ Petri, & in acie Campi Floræ, aliisque locis affixa, publicatæque Bulla, qua ille (verba Bullæ referam) *cupiens pacti vinculum inter fideles servari, omnemque scissuræ fomitem extinguere, auditis votis Eminentissimorum & Reverendiss. D. D. Cardinalium adversus hæreticam pravitatem Generalium Inquisitorum; nec non D. D. Consultorum & Qualificationum Sac. Congregationis ejusdem Generalis Inquisitionis, in virtute*

Jesuitarum de eadem attritione hæresis singularis sexta.

Alexandri Bulla, quæ hæresin illam reprehendi impie vetat.

sanctæ obedientiæ, & sub pœna excommunicationis latæ sententiæ Sanctæ Sedi reservatæ, aliisque pœnis ejusdem Sanctæ Sedis arbitrio taxandis, præcipit cunctis & singulis fidelibus quocunque gradu ac dignitate etiam Episcopali, & majori, imò & Cardinalitia fulgentibus, ut si deinceps de materia Attritionis præfata scribingent, vel libros aut scripturas edent, vel docebunt, vel prædicabunt, aut alio quovis modo pœnitentes aut scholares, cæterosve erudiant, non audeant alicujus Theologica censura, alteriusve injuriæ, aut contumeliæ nota taxare alterutram sententiam, siue negantem necessitatem aliqualis dilectionis Dei in præfata Attritione ex metu gehennæ concepta; quæ hodie inter Scholasticos communior videtur; siue asserentem dictæ dilectionis necessitatem; donec ab hac Sancta Sede fuerit aliquid hac in re definitum, &c. Sic Alexander iterum Thersitem se gerit, nescio annon Ethnico quovis deterior, qui non tantum impiam illam sententiam negantem, hodie scilicet inter Scholasticos communio-riorem (pessima enim quæque hodie in Papatu communiora sunt) diris configere ausus non est, sed in gratiam Jesuitarum suorum, Pallavicini inprimis, ocelli sui, negantem aliqualem necessitatem dilectionis Dei in attritione ex metu gehennæ concepta, censuræ, injuriæ, contumeliæ nota taxare vetuit, donec aliquid à Sancta illa Sede (quæ aliqualem necessitatem dilectionis Dei asserere & definire in præsentiarum dubitavit) hac in re definitum fuerit. Quid si igitur vel nunquam Sancta illa Sedes hac in re aliquid definiverit (nam hætenus quidem definitione cessatum est) vel pro more sententiam deterio-riorem, negantem scilicet, definiverit, an sic perpetim nefas fuerit, censuræ, injuriæ, contumeliæ nota taxare eum, qui aliqualem dilectionis Dei necessitatem negaverit? Apage impietatem intolerandam! Certè impunè non tulerit is, qui aliqualem dilectionis Papæ necessitatem in dubium vocaverit. Et ausus est Papa censuræ, contumeliæ, injuriæ notam amovere ab eo, qui ali-

aliqualem dilectionis Dei necessitatem non in dubium revocat, sed apertè negat! Crimine ab uno noscite omnes!

CCXC VIII. Cygnea hæc scilicet cantio fuit Alexandri, aliqualem dilectionis Dei necessitatem à censura, injuria, contumelia vindicantis. Nam quinto & decimo post editam bestialem illam Bullam die, nimirum XXI I. Maii A. M. D. C. LXVII. spiritum exhalavit, & quam ipse in terra suspendit de necessitate dilectionis Dei definitivam, coram tremendo tribunali Dei tremebundus haud dubiè percepit. Morte ejus propalata passim ingens gaudium obortum est, & quam furiosa plebs adversus Pontificem vivum exercere vindictam non potuit, exercuit adversus defuncti Consanguineos, fratrem Marium & Cardinalem Chisium, quorum palatia sine mora perfracta & collutulata turpiter violavit. Novi Pontificis electio agitata in conclavi est per octodecim dies, inde à XXI I. Maii ad x. usque Junii. Prodiitque tandem Julius Rospigliosus, patri Pistojsis Florentinus, Tituli S. Sixti Cardinalis, annum jam ætatis agens septuagesimum secundum, qui Clementis IX. nomen sumpsit. Non alia re insignis, quàm quòd in numerum Divorum Beatos Beatásque quosdam, nimirum Ludovicum Beltrame Hispanum ex Dominicanorum ordine, Petrum de Alcantara Hispanum, ex Franciscanorum secta, & Magdalenam di Paley Florentinam, retulit: Judæos, exceptis paucis, Roma exegit, per reliquas Pontificis ditiones dispersos: pro conservanda Candia pervigil excubavit: denique dissoluto Alphonfi Portugalliæ Regis & Conjugis Mariæ Franciscæ Isabellæ Sabaudæ matrimonio, nuptias inter eandem Sabaudam & Alphonfi Fratrem Petrum Portugalliæ Infantem & Regentem, ratas firmásque habuit.

CCXC IX. Sic Clemens duobus & dimidio annis in Papatu exactis d. XXIX. Nov. A. M. D. C. LXIX. obiit. Die decima

*Alexandri
mors.*

*Ei Julius Rospigliosus,
Clementis IX.
nomine insignis, succedit.
cujus res gestæ strictim
narrantur.*

Eum mox Æmilius Altierius, seu Clemens X. excipit.

ma Decembris ejusdem anni Cardinales Conclave ingressi in eo quatuor pœne menses integros commorati, & factionibus quatuor, Barbarina, Chisia, Rospigliosa & volante, quibus se Hispanica & Gallica immiscuere, ad desperationem usque eligendi Pontificis novi, distracti, rejecto tandem Cardinale Vidone, pro quo, populo invisio licet, factio Chisia, Volans Gallica & Hispanica consentientes diu frustra nitebantur; & conspirantibus tribus factionibus Chisia, Barbarina & Rospigliosa, quinquaginta & octo suffragiis Æmilius Altieri, Romanus, decrepitus senex, octagesimum quippe ætatis annum jam agens, Papatum adeptus est. qui statim electus Clementis X. nomen sibi aptavit. Elephantinum huncce partum statim atque enixi Cardinales sunt, populo omnem de Papa novo spem jam abjicienti, his verbis Cardinalis Maldachinus electionem ex fenestra proclamavit: *Annuntio vobis gaudium magnum; Papam habemus. Eminentissimus & Reverendissimus D. Æmilius, S. R. E. Presbyter. Cardinalis Alteierius electus est in Summum Pontificem, qui sibi nomen imposuit Clemens X.*

*Hungaricas is
Ecclesias per
satellites suos
evertere labo-
rat.*

CCC. Neque tamen Clemens ille λεγόμενος clementem admodum se erga Ecclesiam Dei gessit, quam per subornatos & satellites suos pervertere non minus, quam Inclementes omnes, laboravit. Testis inprimis est Ecclesia Hungarica, cujus immanis persecutio unâ cum Clemente Pontifice facta, Jesuitis maximè annitentibus, æstuaræ cœpit. de qua nonnihil differere haud abs re fuerit, cum si uspiam alibi, hic certè fallaciæ causæ regnent, & Hungaricos motus, periculâque à Turcis Hungariæ, Christiani orbis munimento validissimo, imminetia, perduellioni civium imputare Lojolitæ ausi fuerint, quæ inexpiabili Vatinianoque erga Religionem Evangelicam odio uni solique, adeoque in solidum imputanda fuerant. Rem, ab ovo, quatenus quidem ad notitiam nostram pervenit, αὐτὸς συλλήψαν recensere conabimur.

CCCI. Di-

CCCI. Dira adversus Euangelicam religionem pri- *Euangelica in*
 mitus professos decreta, suafu Cleri, Ludovicus Hun- *Hungaria re-*
 gariæ Rex condiderat, quibus igni adjudicati sunt, quot *ligionis facta*
 quot religionem Pontificiam deseruissent; etiam inaudi- *sub Regibus*
 ti indefensique, uti ex Ludovici II. Decretis A. M. D. XXI I I. *Ludovico,*
art. 54. & A. M. D. XXV. art. ult. colligitur. Sequentē statim
 anno M. D. XXVI. Ludovicus ab Episcopis ad bellum Tur-
 cicum, non expectatis Germanorum, quæ in procinctu
 erant, auxiliariis copiis, ineundum inductus, & Divi-
 nam ob sanguinarium decretum, attentatamque in con-
 scientias tyrannidem, Nemesis expertus, in Mohacien-
 sibus campis à Turcis cæsus, sine mascula prole occubuit.
 Mox Regni Proceres alii quidem Johannem de Zapolya, *Johanne de*
 Stephani Scepusiensis Filium, Transsylvania Vayoadam, *Zapolya &*
 alii Ferdinandum I. Regem Pannoniæ elegerunt. Ferdi- *Ferdinando I.*
 nandus post mortem Johannis solus Regno potitus, tum *obiter nar-*
 quinque Hungariæ Superioris Civitatibus Liberis, Casso-
 viensi, Bartpheni, Eperiesiensi, Leuchoviensi, & Ci-
 binienfi; oppidis item Sepusii tredecim; tum Hungariæ
 inferioris, Civitatibus Pusoniensi, Soproniensi, &c. ut de
 cæteris Regni Proceribus nihil dicam, liberum religionis
 exercitium concessit. Cùm verò varii nihilominus ob reli- *Pacificatio*
 gionis libertatem motus Hungariam diu fatis exercerent, *Viennensis à*
 demum Seculi hujus anno sexto Pacificationi Viennensi *Rodolpho ini-*
 Imperatorem Regemque Hungariæ Rodolphum inter &
 Stephanum Bothskai Kis-Maria insertus articulus primus
 ita habet: *Quantum ad negotium religionis attinet, non obsta-*
 tibus, pro tempore, prioribus constitutionibus publicis, sed nec arti-
 culo postremo A. M. D. C. IV. deliberatum est, ut juxta Sacra Cas-
 rea Regiæque Majestatis priorem Resolutionem, ad quam se Regni-
 cola in sua Replicatione referunt, nimirum quod omnes & sin-
 guli status & Ordines intra ambitum solum existentes, tam Ma-
 gnates Nobiles, quàm Liberas Civitates & Oppida privilegiata, im-

mediate ad Coronam spectantia, item in Confiniis quoque Regni, Milites Hungaros in sua religione & confessione nusquam & nunquam turbabit, nec per alios turbari & impediri sinet; Verum omnibus prædictis Statibus & Ordinibus liber religionis ipsorum usus & exercitium permittetur, absque tamen præjudicio Catholicæ Romanæ religionis, & ut Clerus, Tempia, & Ecclesia Catholicorum intacta & illibata permaneant, atque ea, quæ hoc disturbiorum tempore utrinque occupata fuere, rursum eisdem restituantur. Post

Imperator & Rex Matthias ita articulum hunc publico diplomate interpretatus est, ut verba illa, absque tamen præjudicio Catholicæ Romanæ religionis, bona fide adjecta esse, hoc scilicet sensu, ut utraque pars in religione, eius exercitio & Templis non turbetur, declaraverit. A. M. D. C. VIIII. eadem libertas non confirmata duntaxat, sed ad oppida etiam, villas rusticosque extensa est. Idem articulus tempore Coronationis Ferdinandi II. conditionibus Diplomatis Regii num. 6. art. 2. insertus, ac deinceps non semel, puta connitente Gabriele Bethlenio A. M. D. C. XVIIII. art. 77. A. M. D. C. XXV. art. 22. A. M. D. C. XXX. art. 33. A. M. D. C. XXXV. art. 29. A. M. D. C. XXXVIIII. art. I. cond. 6. renovatus est. Sed & A. M. D. C. XLVII. art. 5. condit. 4. Imperator & Rex Ferdinandus III. occasione pacis cum Georgio Rackozio, Transsylvaniæ Principe initæ, sic mentem suam declaravit: *Quæstiones circa gravamina negotiorum religionis & occupationis Templorum concernentes, tam quæ in A. M. D. C. XXXVIIII. suæ Majestati exhibita sunt, quam post subsecuta, in futura primitus celebranda Diæta, propter Regni tranquilliores permansionem, unionemque animorum, ut vel amicabili Dominorum Regnicolarum compositione sopiantur, vel autoritate suæ Majestatis complanentur cum satisfactione Evangelicorum. Ac pro quibus usus Templorum determinabitur, proventus Parochiarum quod ad eosdem pertineat, nec ultra occupationes Templorum fiant. Ea autem Tempia, quæ disturbiorum tempore utrinque occupata fuerunt, statim post per-*

& ab Imp.
Matthia,

Ferdinando
II.

& III.

permutationem Diplomatum prædictis Evangelicis restituantur, prouti etiam Catholicis. Gravamina autem futuris quoque temporibus in eodem negotio Religionis emergentia, tam Catholicorum, quam Evangelicæ religionis hominum: quàm etiam alia Gravamina Regnicolarum, tam Evangelicorum quàm Catholicorum, secundum 17. Conditiones sua Majestas singulis Dietis plenariè complanabit absque injuria Evangelicorum. Denique idem articulus per modernum quoque Imperatorem & Hungariæ Regem Leopoldum A. M. D. C. LV. tempore coronationis, & quidem in Pace non Hungariæ tantùm, sed totius etiam Imperii art. II. condit. 6. confirmatus est. Diplomatis Regii sexta conditio his verbis concepta est. Quod Religionis negotium inter universos status & Ordines Hungariæ, militibus Hungaris, propter Regni tranquilliorē permansionem, juxta Constitutionem Vienneensem, & articulos ante coronationem editos, maneat liberum, illesum & illibatum, ita videlicet, ut Religionis exercitium tam Baronibus, Magnatibus & Nobilibus, quàm liberis etiam civitatibus, universisque Statibus & Ordinibus Regni Hungariæ, nec non Oppidis & villis, illud sponte ac libere acceptare volentibus, ubique liberum relinquatur, nec quisquam cujuscunque status & conditionis existens, in libero ejusdem usu ac exercitio Religionis à Serenitate sua & aliis quibuscvis Dominis terrestribus, QUOVIS MODO, aut QUOVIS PRÆTEXTU impediatur. Concluditur autem his verbis: Nos itaque prædicta universorum Statuum & Ordinum incliti Regni Hungariæ & partium ei subjectarum instantia, benignè admissi, pro benigna animi nostri propensione, ipsisque benignè gratificandi voluntate, præinsertos VNIVERSOS articulos, ac omnia & singula in iis contenta, rata, grata & accepta habentes, eisdem nostrum consensum benevolum pariter & assensum præbuimus, ac illos, & quævis in iis contenta acceptavimus, promittentes & asscurantes Status & Ordines verbo nostro, quod præmissa omnia, tam nos ipsi, quàm Regiminis nostri tempore observabimus, quàm per alios fideles subditos nostros, cujuscunque condi-

nec non Leopoldo confirmata.

tionis & status existant, observari faciemus, uti vigore hujus nostri diplomatis acceptamus, approbamus, ratificamus, confirmamus atque promissimus. In cuius fidem & testimonium literas has manu propria subscripsimus, & sigilli nostri impressione muniri fecimus. In arce Regia Posoniensi die xxv. Junii A. M. D. C. LV.

Liberum religionis exercitium ab Hungaria Regibus pactum. Georgius Barzon, Varadiensis Episcopus, libello d. 1671. edito, oppugnat.

CCCCII. Expressissima hæc liberi in Hungaria Religionis exercitii decreta quò minùs *ἄουλα* & Sacrosancta manerent, efficere Clerus Pontificius, Episcopi & Jesuitæ inprimis, Regnorum evertendorum architecti, potuerunt. Neque id amplius dissimulare Clerus ipse potuit. Nam sub novissimæ persecutionis initia A. M. D. C. LXXI. prodiiit Viennæ Classico sacri belli Sciopiano haud dissimilis libellus, sic inscriptus: *Veritas toti mundo declarata, argumento triplici ostendens, Sac. Cæs. Regiamque Majestatem non obligari tolerare in Hungaria Lutheranam & Calvinianam sectam. Quam Catholica Religionis zelo concinnavit G. B. E. V. P. S. S. C. R. M. C. C.* seu, uti ænigma facile rerum hominûmque gnari extricarunt, Georgius Barzon, Episcopus (titularis) Varadiensis, Presbyter Societatis, Sacra Cæsarea Regique Majestatis Consiliarius. Tractationi præmisit S. Augustini in illud Psal. 57. *Ad nihilum devenient tanquam aqua decurrens*; verba isthæc: *Non nos terreant, Fratres, quidam fluvii, qui dicuntur torrentes. Decurrit aqua, ad tempus perstrepat, mox cessabit. Diu stare non possunt. Multa hæreses jam emortuæ sunt; cucurrerunt in rivis suis, quantum potuerunt; decurrerunt, sicuti sunt rivus, vix eorum memoria reperitur.* Ita non tam zelo pro Catholica religione, seu aris, quàm pro focis suis commotus, animum suum certa spe implevit, fore scilicet brevi, ut Jesuitarum artibus Evangelica religio ex toto Hungariæ Regno eliminata plorare cogatur. Quos verò ille tot Regiis edictis promissisque omni exceptione majoribus, concutiendis, arietes admovit? Triplex scilicet argumentum ceu æs triplex circa pectus malè munitum, quod ad incudem obiter vocatum Authoris perfidiam prodet.

CCCCIII. Pri-

CCCCIII. *Primum* igitur argumentum à tribus Pacificationis Viennensis conditionibus, sub quibus liberum religionis exercitium pactum est, Barzonius ille arcessit. *Concessum* scilicet, illud esse, *primò absque præjudicio Catholicae Romanae*; quæ cum sit impossibilis, pro non adjecta habenda sit: *secundò, ut Clerus, Tempia & Ecclesia Catholicorum Romanorum intacta & libera permaneant*; quæ conditio violata ab iis sit, qui sub Bethlenio & Rakozio Tempia hominesque Pontificios violarent: *tertiò ut occupata disturbiorum illorum tempore restituantur*; quod nunquam Evangelici præstiterint. Cujus argumenti vanitatem vel inde agnoscere licet, quòd, si conditio impossibilis pro non adjecta habetur, non iccirco pactum & promissio nutat, sed conditio ceu inutilis, salvo pacto, rescindi debet: quòd conditionem illam, *ut libertas concedatur absque præjudicio Catholicae Religionis*, Imperator Matthias statim ita interpretatus est, ut aperte negaverit, ad everendam libertatem religionis trahendam esse: quòd non obstantibus iis, quæ sub Bethlenio & Rackozio acta sunt, deinceps etiam Regiis Pacificationibus & diplomatis religionis libertas confirmata & obsignata est: quòd, si qui à clero Pontificio graviter irritati, defensionis & vindictæ modum antehac excesserunt, innocentes id luere non debuerint, cum noxa sequatur caput: quòd denique pacta restitutio eorum, quæ disturbiorum tempore occupata sunt, non ad restitutionem Templorum pridem possessorum, sed eorum, quæ ad Regem forsitan Hungariæ pertinentia à Stephano Botzkajo occupata sunt, obstrinxerit. Neque plus candoris vel soliditatis habet secundum argumentum, inde petatum, quòd articuli, quibus libertas religionis promittitur, non sint conditi consensu & unanimi voto Statuum quatuor Regni, puta Prælatorum, Baronum, Magnatum & Nobilium, utpote ad quos antiquo jure pertinuerit, Rege consentiente & confirmante, leges condere. Contradixisse enim Prælatos omnes, Barones, Magnates

& Nobiles Pontificios. Cum igitur violentum nullum durabile sit, articulos illos abolendos merito esse. Quod argumentum ad summam Regum Hungariæ, Imperatorum & Regum Rodolphi II. Matthiæ, Ferdinandi II. III. & Leopoldi, quorum consensu, autoritate & fide juramento obstricto, articuli confirmati receptique sunt; ignominiam pertinet. Quasi vel non æquè illis, ac Insulato huic Titulari, hoc est Scenico Episcopo; Hungariæ jura cognita fuerint; vel adversus eadem jura ea in re prævaricati fuerint. De cætero constat satis, quemadmodum negotium hoc in Pacificatione saltem Lintzensi A. M. D. C. XLV. conclusa, & Georgio Rakozio exhibita, gestum fuerit. Ex primo Ordinis Ecclesiastici statu contradixerat omnino Archiepiscopus Strigoniensis, Georgius Lippai, eique Seculares nonnulli, Ladislaus Csakus, Franciscus Revai, & Franciscus Balassus astipulati sunt. At contradicenti fortissimè Comes Paulus Palfy. Curia Regia Judex, cæterique non Evangelici duntaxat, sed Pontificii etiam Proceres reclamârunt. Deinceps post gravissimas cum Clero contentiones, Status Evangelici in eo esse cœperunt, ut per Georgium Barna ad Regem tota causa devolveretur. Tum igitur Archiepiscopus, eique adhærentes nonnulli alii, Evangelicorum Statuum supplicationem ad Regem impediverunt anteverteruntque ejusmodi responso: *Ne fortissimum hoc antemurale Christiani orbis cum universali ruina in manus Turcarum perveniret, facileque universam Nationem deleri contingeret, ad ea evitanda primum in A. M. D. C. VI. Pacificationis Viennensis Articulo I. libertatem religionis concedi oportuit; quæ quidem concessio prius tantum Statibus & Ordinibus, oppidis item privilegiatis & militibus facta in A. M. D. C. VII. ad villas quoque & oppida extensa fuit. Porro eadem concessiones in A. M. D. C. XVIII. ampliata, postmodum verò A. M. D. C. XXII. art. 6. Diplomati Regio inserta fuerunt, ac deinceps quibusvis ferè Comitibus addito ar-*

riculo confirmata. Quibus non agnoscunt Catholici sese contravenisse, aut occasionem turbandæ quietis pacisque publicæ exhibuisse, neque concessiones semel factas extinguere aut abolere conatos; quin potius Articulis præsertim Pacificationis Viennensis, quæ fundamentum est ac robur totius status admissæ religionis, prædictis articulis, atque adeò præsentis Diplomatis Regii art. I. sese accomodare studuerunt. Sic Diploma tractatus Lintzensis à Statibus Regni universis, cum solenni hac clausula; Contradictionibus Cleri, aliorumque Secularium non obstantibus, imò iisdem in perpetuum nullum vigorem habentibus, consentiente Rege, rati habitum, articulisque Anni M. D. C. XLVII. insertum est. Quòd si Titularis ille in manifesta luce adhuc dum cæcutit, Pacificationis Viennensis ab universis Statibus Ecclesiasticis & Politicis subscriptæ, clausulam, quæ sic sonat: Nos itaque subscripti nunc invicem concordati nomine omnium Statuum & Ordinum incliti Regni Hungaria & Partium sibi annexarum, liberè & spontaneè, animoque bene deliberato spondemus, promittimus & recipimus, &c. expendat, & perfidiæ suæ tela amentata agnoscat. Tertium argumentum manifestam Authoris ejusdem fraudem propalat. Inde enim petitum est, quòd. si omnino tolerandi Evangelici in Hungaria essent, Calvinistæ tolerandi forent, quatenus Confessionem Helveticam; Lutherani verò, quatenus Augustanam profiterentur. Atqui & Calvinistas ab Helvetica, & Lutheranos ab Augustana Confessione descivisse. Et Calvinistas quidem ab Helvetica, quia cum hæc cap. XI. profiteatur, se comprehensa symbolis ac sententiis quatuor primarum & præstantissimarum Synodorum, celebratarum Nicæ, Constantinopoli, Ephesi & Chalcedone, corde sincero credere; illi contra pertendant Primò, bigamum clericum esse posse, quod Nicenam Synodum vetuisse, Justinianus Novell. 123. c. 1. 12. 14. & Ambrosius Epist. 82. testentur; Secundo, Episcopum Romanum non esse Principem omnium Patriarcharum, quod ipsam tamen Concilium Nicænum Canone 39. ex Arabico per Pisenum converso, nec non Chal-

cedonensis Concilii Patres Act. 3. in relatione Concilii, definiverint: Tertiò negant Sacerdotem in Eucharistia offerre corpus Christi, quod ipsum quoque Canone 16. Concilii Nicæni definitum sit: Quartò Orationes pro mortuis Canone 65. Arabico probatas, rejiciant: Quintò Episcopi Romani in Conciliis præsidentiam in Concilio Ephesino tamen exemplo confirmatam improbent: Sextò denique Monachatum Concilii Chalcedonensis Act. 14. Can. 16. stabilitum damnent. Sed & Lutheranos defecisse ab Augustana Confessione, inde comprobatur, quod ipsi in Præfatione libri Concordiæ eam variatam posteriorem rejiciant, contra invariata[m] autem prostentur; Primò contra articulum 10. Christum in Cæna Domini non esse sub speciebus panis & vini: Secundo contra Art. 21. Missam abolendam esse; Tertiò contra art. 1. Episcopos controversiarum non esse judices. Longæ sunt ambages, injuriæ verò fraudesque longissimæ! Taceo, quod Diplomata, quibus liberum religionis exercitium Euangelicis in Hungaria conceditur, Helveticæ & Augustanæ Confessionis ne uno quidem apice meminerint, nedum Euangelicos ad alterutram restrinxerint. Qua verò fide scripsit Barzonius, Helveticam Confessionem cap. xi. comprehensa symbolis ac sententiis quatuor primarum & præstantissimarum Synodorum, simpliciter scilicet & in universum recepisse, cum tamen verba confessionis non de quibuslibet Synodorum illarum sententiis, sed de iis duutaxat, quæ de incarnationis Domini nostri Jesu Christi mysterio loquuntur, id pronuntiaverit. Quid verò ad mysterium illud sententiæ ex Conciliis à Barzonio citatæ? Ita notoriæ fraudis coram toto orbe ille reus est. Quid quod simili etiam fraude non ex veris & synodis, sed suppositiis, Arabicis imprimis Concilii Nicæni, nec à Gelasio, nec à Justello, nec à Petro de Marca, nec à quoquam Antiquitatum Ecclesiasticarum perito agnitis, sed à Melchitis & Nestorianis, uti Doctiss. Beveregius Annot. in Concil. Canones pag. 212. probat, confictis canonibus,

fen-

sententiarum suarum quisquiliis collegit: quòd insuper Novellam 123. citat, quæ Concilii Nicæni ne quidem meminit, Imperatori Justiniano affingers, quod ex glossa nescio qua arripuit: atque etiam Canonibus Concilii Ephesini supponit id, quod de Concilio Pontificius forte impostor aliquis scripsit? Par ratio eorum est, quæ Lutheranis objicit, utpote qui invariatae Confessione adherentes, vel *Art. 10.* per *species* nuda accidentia designari: vel *Missa* nomine sacrificium incruentum venire: vel Episcopis in Confessione infallibile & supremum controversiarum potius, quàm ministeriale iudicium tribui, constanter meritòque hætenus negârunt. Annon igitur in re seria gravisque momenti publici impostoris notam personatus ille Episcopus meruerit, periti rerum judicent.

CCCCIV. Sicut verò Barzonius ille Hungaricarum Ecclesiarum privilegia testatissima in aperta luce, futilissimis ratiunculis, perfidiæ cleri horrendæ certissimis testibus, oppugnare non dubitavit: ita nunquam non Clerus in Hungaria Pontificius eò consilia sua apud Principes cœtera optimos direxit, ut Transactiones universæ verbis speciosæ, re inanes, imò subdolæ deprehenderentur. Etenim nunquam ferè pactis potentiores steterunt. Hinc adeò Pacis A. M. D. C. VI. conditiones, Botskajo urgente, initæ mox ita violatæ impunè fractæque sunt, ut A. M. D. C. XVII. Bethlenius magno labore easdem redintegrare necessum habuerit. Redintegratas denuo ita Pontificius clerus lacessivit infinitis modis temeravitque, ut A. M. D. C. XLVI. Georgius Rakotzius, Transsylvaniæ Princeps, ingenti labore restituere, nonaginta Templis, quæ vi erepta fuerant, recuperatis, coactus fuerit. Quanto igitur sanguine Hungaris Euangelica libertas constiterit, judicabunt, quibus res gestæ obiter compertæ sunt. Verùm neque sic alma pax & libertas Ecclesiæ in tuto navigavit. Denuo

cleri Pontificii machinationes, à Botskajo, Bethlenio, Rakotzio repressæ.

Denuo Ecclesia Hungarica à terrestribus Dominis persecutionem patiuntur.

quippe everfis, quæ Pacificatio reddiderat, Templis, apertæ persecutiones ubique per Terrestres Dominos, quos adversus publica pacta consurgentes coerceri par erat, grassari cœperunt. Comes Franciscus Nadaſti, Divinæ mox vindictæ virgulam passus, in Comitatu Castriferrei, Soproniensi, Nitrensi, ferro flammæque cuncta miscere: alter Paulus Esterhazius, à Pontifice Romano nuptias cum germani filia incestas indulgente, ad persequendos Evangelicos voto obstrictus, in Comitatibus Vesprimiensi, Posoniensi, nec non districtu lacus Torto, adversus Evangelicos carceribus, proscriptionibus diris, suppliciis fœvire. Testes hodièque sunt Ecclesiæ olim florentissimæ, Gapensis, Szenciensis, Cheitensis, Chepregiensis, (quæ multorum fidelium in ipsis Templi penetralibus internecionem, aliorum ex turri præcipationem perpeſſa est) innumeræque aliæ. Secuti Archiepiscopi & Episcopi, in suis quique ditionibus, in insula præsertim Challökötzt, in cœteris etiam locis Barones Nobilésque ad summam crudelitatem nil facere reliqui.

Civitates mox etiam Regia & libera

CCCV. Immunes tamen hætenus Regiæ, liberæque Civitates, à solo Rege dependentes, manserant. Inventæ tamen easdem infestandi ratio est, quando occasione quorundam Procerum Pontificiorum, Nadaſti, Serini, Frangipani, aliorum, Francisco Rackotzio adhærentium, quorum privata studia eò proterviæ delapsa sunt, ut armis Regiam Majestatem impetere non dubitaverint, A. M. D. C. LXX. miles Austriacus in Hungariam introductus, vietricia ubique ferè arma circumtulit. Tum enim Archiepiscopi, Episcopi & Jesuitæ, in turbido piscaturi, militis illius opera ubique ferè Tempia occupare, verbi Divini Ministros alios expellere, alios in carceres compingere, alios trucidare: plebes vi & multis ad amplectendas Cerimonias Pontificias cogere, Nobilibus aliisque Euan-

everfis earum Templis, veteratis expulsi- que Pasto- ribus, inva- diuntur.

gelicis milites obtrudere , tributa imponere , atque his pluribûsque violentiæ contra jus & fas attentatæ modis , fractos partibus suis adjungere ausi , Euangelicæ Religionis in Regno isthoc *παραθεβία* moliti sunt. Militari brachio succincti , Georgius Betzeni , Archiepiscopus Colothensis , Jaurino , Comarino , Owarino , universæque regione circumjacente : Leopoldus à Colonitsch , Episcopus Neostadiensis , infernalis furia , Pofonio : Johannes Pangratz , Episcopus Vacienfis , Tirnavia : alii Patakino , Rivalino , Tokajo , Berentzino , Modino , Tolyaino , Tarzalino , Lizkaino , Bopsino , Unguarino , Berexazino , Chremnitio , Neofolio , Eperiesino , Regiomonto , &c. imò ex totius ferè Hungariæ superioris & inferioris omnibus ferè oppidis & villis verbi Divini Ministros , aliis supplicio mortis affectis , aliis carcerum squalore maceratis , aliis in tristissimum exilium abactis , exegerunt. Adversus Benizenses , Pakovienses , & Juralukenfes diris modis sævitum , & post occisos plurimos , nonnullos etiam ad Templi valvas suspensos , civitates ipsæ igni incensæ , tantum non solo adæquatæ sunt. Ecclesiæ Reformatæ Ecclicienfis Pastor Johannes Baki , unâ cum vidua Laurentii Surii , Ecclesiæ quondam Comariensis Ministri , ille vicomburio , hæc gladio Comarini vitam finierunt. Taceo innumeros hinc inde , Cassoviæ inprimis & Pofonii , ex omni hominum statu , ætate , sexu , indicta causa , diversisque fatis , ad novissima supplicia raptos , exiliòve multatos , quos inter Comes etiam Stephanus Cotskai , inclytorum Hungariæ vindicum nobilissima propago , & gente & mente inclytus , Claudiopoli in exilio mortem oppetiit.

CCCVI. Ne verò juris quodam prætextu crudelitas , Tribunal Pofonienfè rebellionis prætextu Evange-
& calidissima callidissimæque evertendæ religionis confilia destituerentur , Pofonii extraordinarium tribunal , ju-
di-

*Aicos Magna-
tes plures
everit.*

dicibus constans Partim Ecclesiasticis, partim Politicis, Pontificiis & juratis Euangelii hostibus omnibus, erigere, atque eò ad dicendam objectæ miro astu perduellionis causam, spectatissimos quosque citare placuit. Initium factum est ab ovibus, Politicis Magnatibus, aliisque, quos facilius perverti posse, persuasum hostes habuere. Qui innocentiae suæ consilii vadimonium promptè obiverunt, illi plerique contra jura Regni, etiam non auditi, convicti, in carceres abrepti, arrestis detenti, impensis gravissimis exhausti, ad mutandam denique religionem, libertate promissa, invitati pellectique sunt. Quorum adversus apostasiam pectora satis munita deprehenderunt, iis prætextu fidelitatis obligandæ, oblatis sunt libelli (reversionales dicti) quibus subsignatis protectionem Pastorum suorum ejurarent, promitterentque, non impedituros se, quò minùs sacrificuli Tempia occupare & Pontificia iis sacra inferre possent, donec scilicet accedente illuminatione Spiritus S. & ipsi à sacrificulis meliora edocti, abdicata hæresi sua, Pontificias cerimonias amplecterentur. Ita Magnates, Nobiles, plebei coram Phalaridis tauro illo comparentes innumeri, pars in carceribus, aliisque modis vita orbati, pars horrendum in modum exagitati divexitique, pars denique carnis imbecillitate subacti, fidei in gravissima illa tempestate naufragium passi, quam Christo & Euangelio ejus fidem debuerunt, reclamante conscientia, fregerunt.

Pastoribus

*quoque eodem
prætextu e-
vertendis alia
quoque tribu-
nalia Tyrna-
via & Poso-
ni constituta;*

CCCVII. Sed gravior & flagrantior vis incubuit Ecclesiarum Pastoribus, in quorum, in irruptione stantium, salute cardinem verti incolumitatis tot Ecclesiarum, persecutores non ignoraverant. Qui proin rebellium, investigandorum prætextu, judiciorum extraordinariorum facultatem nullo negotio impetrarunt. Tria igitur ejusmodi judicia constituere placuit, unum Tirnaviæ, cui se Poso-

nien-

nienſes: duo Poſonii, quibus ſe reliqui per Hungariam Miniſtri ſiſterent. Neque tamen primo ſtatim cœtu cunctos citare è re viſum, ſed paucos duntaxat, còſque Auguſtanæ Confeſſioni addictos; ut ex paucorum ſucceſſu, quid de reliquis ſpei aſfulgeat, periculum facere integrum foret. Cùmque firmum ratùmque habuerint, rebellionis objectæ calumnia religionem univerſam abolere, mortis metu libellos ſubſignandos obtrudere extremis viribus conati ſunt. Summa libellorum capita erant: *ut Miniſtri Evangelici utriusque Confeſſionis, Scholarum Rectores, cantores, ſtudioſi & æditi (I.) Aut miniſterium omne ſive eccleſiaſticum, ſive ſcholæſticum, ad evitandum ſententias iudiciales, ſibi propter objectum rebellionis crimen imminentes, propria ſubſcriptione ſigillo munita penitus abdicent, neque partem ullam ſive clam ſive palam exercere ampliùs ſuſtineant, ac de cætero ceu fideles Regis ſubditi vitam quietam pacificamque in Regno tranſigant, capitis ſupplicio turbantibus vel leviſſimè, indicto: (II.) Aut ſpontaneum exilium, ceu rei mortis, ſuſcipiant, obligata libello propria manu ſubſcripto, ſigillòque munito, fide, quod nunquam in patriam reverſuri neque etiam vel hæreditarias Regis Provincias, vel Imperiales, nedum hoſtiles ditiones adituri ſint: (III.) Aut, quod præ cæteris gratum ſibi acceptumque futurum ſit, Religionem Romanam Catholicam amplectantur.* Et priora quidem duo palam in iudiciis urgebantur. Tertium verò prora puppiſque conſiliorum omnium *xueltis* intentum fuit.

libellique præſcripti, quibus mortis periculum elucubratur ſubſcribentes, miniſterii abdicationem, exilium ſpontaneum, vel apoſtaſiam promitterent.

CCCVIII. Ita prima dies paucis nonnullis xxv, Sept. A. M. D. LXXIII. dicta, qua ſe Poſonii ſiſterent delegatis iudicibus, impacti atrociffimi criminis cauſam dicturi. Comparent Fratres triginta duo Auguſtanæ, & unicuſque Carponenſis Eccleſiæ Miniſter, Helveticæ Confeſſioni addicti, haud poſtremi nominis plerique. His à Fiſco Regio & Archiepiſcopo Strigonienſi Georgio Szelepeni, mira arte induſtriàque præmonitis, maturè conſu-

Citatio ad tribunal illud prima Paſtorum Auguſtanæ Confeſſionis, qui comparentes malè perſecutionis impetum ſuſſinent.

litur, ne sententiam mortis contra se pronuntiandam operiri; quàm salutis suæ libellis exhibitis consulere malint. Ita mortis citatis, aut inauditis, indefensisque indictæ metu perculsi, neque satis libellorum virus cum animo expendentes, nimia certè in primo isthoc ferocissimoque impetu infirmitate carnis, pars Ecclesiastico Scholasticoque munere omni juxta præscriptam libelli formam sese abdicant: pars licet rebellionis rei nullo modo peracti, reatum tamen falsò confessi, exilium eligunt: unus etiam insigni levitate religionem, & cum ea bonam mentem egerat.

Citatio secundæ universalis omnium per Hungariam Evangelicorum Ministrorum,

CCCIX. Cùm non malè se dedisse citationis initia hostes animadvertissent, & plures jam metu potius, quàm criminis ullius conscientia victi libellos obtulissent, instante Fisco Regio, Nicolao Mailath, ad universalem omnium reliquorum per totam Hungariam, etiam tributariam, Ecclesiæ Scholæque Ministrorum, quorundam etiam ante ex Ecclesiis suis exturbatorum; nec non cantorum, studiosorum, ædituorum, in mensem Februarium. Anni sequentis M. D. C. LXXIV. processum est. Citatoriæ literæ Georgii Szelepzeni, Archiepiscopi Strigoniensis, ceu vicariam Regis in Hungariæ Regno potestatem, defuncto pridem Regni Palatino, Ordinibus invitis obtinentis, manu subscriptæ, sigilloque munitæ fuerant. Citati alii quidem, in tributariis maximè Regni partibus, à Superioribus suis comparere disertè prohibiti sunt: alii adversariorum fraudes sæpius experti, atque etiamnum subodorati, nondum forte ita periclitantibus ecclesiis suis, fuga occultationeque salutis suæ consuluerunt: alii Deo & causæ confisi, non obstante judicii forma planè suspecta, utpote quæ non tam convincendis puniendisque malignè intentati criminis reis, quàm evertendæ tot Ecclesiarum libertati, aucupandoque tot violentiis prætextui inserviebat,

*cui alii obedi-
re prohiben-
tur;*

*alii parent,
gravibus ra-
tionibus in-
duti.*

bat,

bat; Pofonii coram iudice infenſiſſimo, juratiſſimòque ſeſſtere ſtatuertunt, partim quòd ſub fictitiò prætextu cauſam Dei & Chriſti verti penitiùs cognoviſſent, quam ab univerſis deſeri Deo contumelioſum rebantur meritò; partim quòd inſtans à ſacrificulis jamjam ſubreperere paratis, graviffimum Eccleſiarum periculum id efflagitaffet; partim ut toti mundo conſtaret de innocentia Paſtorum, qui capitali crimine arceſſiti, ſi non comparuiſſent, gravem haud dubiè patrati ſuſpicionem incurriſſent; partim quòd obedientiam Magiſtratui teſtificandam cenſuiſſent; partim denique quòd conſiliis, precibus, obteſtationibus Eccleſiarum, prudentiorumque judiciis ſe ad comparandum urgeri intellexiſſent. Memoratu haud indignum eſt, quòd procedentè ea citatione Georgius Geſſeni, ab aula familiaribus interrogatus, quid ſibi tot Paſtorum, de quorum innocentia conſtet omnibus, citatio vellet? reſpondit: *Funiculum Evangelicis Hungaris texuimus, quem ſi collo eorum implicare poterimus, nunquam ſe deinceps in pedes eorundem religio eriget. Si verò id non effecerimus, nobis, non vobis, inutilem moleſtiam faceſſerimus.*

CCCX. Comparuerunt igitur ſecunda citatione iſt- hac non exiguo numero Paſtores, aliique Eccleſiarum & Scholarum Miniſtri, ultra ducentos quinquaginta, quorum plerique Auguſtanæ Confeſſioni, quinquaginta ſeptem verò Reformatæ addicti fuerunt. Singulorum illorum actiones, diverſa fata, exituſque deſcribere, inſtitutæ tractationis brevitās haud patitur. Summa tamen capita, quando res eſt omnis poſteritatis memoria longè digniſſima, obiter ut delibem; ante omnia ad tribunal ſeu *Excelsam*, uti vocabant, *Sedem*, provocatis ex tanto numero ſex tantum, (ex quorum ore reliquos omnes, atque eos etiam, quorum ipſi nomina ignoraverant, & pleroſque etiam adeò locis diſſitos, ut ſe invicem pauci nove-

*Numerus
comparen-
tium utrius-
que confeſſio-
nis.*

*Actioniſto-
tius ſeries ex-
ponitur.
Accuſationis
capita.*

rint, judicare statuerant) per Regium fiscum actio ejusmodi intentatur, quòd scilicet postposito Dei hominúmque timore totum Hungaria Statum Romano-Catholicum, ipsúmque adeò Regem idololatriæ insimulare, contra B. Virginem Mariam, Sanctos demortuos, eorúmque & Christi imagines pro concionibus ad populum habitis gravissimè debacchari, Venerabile Sacramentum conculare sceleratis rebellibus, Suae Maiestatis hostibus, consensu, ope & commeatu succurrere, eorum adventu gaudere, Turcis ad occupandum Hungariæ Regnum viam aperire non reformidassent, criminisque adeò lesa Divina & humana Majestatis capitisque & bonorum omnium amittendorum reos se fecissent. Hic reorum quisque pro se pertendere, ut accusatio, quoad ea, quæ religioni Euangelicæ in reliquo orbe Christiano receptæ communia non sunt, homines notet, crimina argumento probet, testibus confirmet. Palam enim ex accusationis plerisque capitibus fieri, non tam rebellionem, cujus causa citati sint, spectari, quàm religionem peti. Longum verò esset Actoris & judicum adversus reos se defendentes masculè, in obtrudendis procuratoribus, ferendis præjudiciis, declinando legitimæ probationis onere, suadendo per subornatos Forgatium, aliósque ante latam sententiam, ad evitandum supplicium, quod effugituri nunquam sint, subscriptione libellorum, & spontanei exilii, traditionisque Basilicarum electione, strophas pertextere.

*Accusatorum
judiciumque
strophæ.*

*Perduellionis
culpa accusati
liberantur
prægnantibus
argumentis.*

Certè ficto immanis criminis perduellionis adversus Regem, prætextu causam Christi & Evangelii ejus oppugnatam esse, argumenta planè *Ορβονία*, arguunt; veluti quòd jam ante sine ullo rebellionis prætextu plures Ecclesiis suis moti sunt: quòd ne unius quidem Pastoris comparentis rebellio idoneo sive teste unico sive testimonio probari potuit: quòd Pastorum Euangelicorum, siquidem rebellionis complices fuissent, vitæ Judices Pontificii non magis utique quàm Magnatibus Pontificiis parcituri, neque rei

fce-

scelus adeò horrendum Regi Regnòque perniciosissimum, exilio vel muneris abdicatione spontanea luituri fuerint: quòd Pontificii saniores in Hungaria, nominatim etiam Forgathius Præses Judicii, & Zitzius ejusdem Assessor, innocentiae eorum quoad rebellionem testimonium perhibuerunt, non aliud quàm contumaciam in subsignandis libellis iisdem exprobrantes, & solam hanc carcerum vexationumque causam allegantes: quòd Rex Hungariam universam ad unitatem fidei reducere, & hæreseos pestem extirpare statuerit: quòd jam ante Barzonius edito libello cleri Hungarici propositum aperuerit, priusquam in Ministris ullam rebellionis noxam, vel ejusdem speciem invenire hostes potuere: quòd Judices Delegati omnes Pontificii, partium studio ducti, Romanòque Pontifici singulariter obnoxii fuerunt. Qui enim aderant Politici, Pontificii erant omnes, cleri præsentis mancipia *υποπαύσα*, ne hiscere quidem adversus Purpuratos ausi. Forgathius certè Rima-Szombathensis, pro Pastoribus suis intercedentibus, sic respondit: *Nolite, per Deum, me mole-
stare, quia, sic me Deus adjuvet, ne ipse quidem securus sum. Si
vel hiscam, rebellem me dicent, & in carcerem abripient. Igitur
boni Pastores subscribant, & vias suas abeant.* Ecclesiastici verò
erant Archiepiscopus Szlepzenius, nec non Episcopi Hun-
gariæ præcipui, qui Romano Pontifici, æquè ac alii Epi-
scopi, juxta Pontificale Romanum Pii V. sic inter alia
conceptis verbis jurarunt: *Hæreticos etiam, omnesque rebelles
Pontifici, extremè me persecuturum, ac infestaturum, juro.* De-
nique non rebellionem, sed religionem crimini à Judi-
cibus illis datam esse, clarissimo indicio est, quod consilio-
rum omnium principium & finis non fuit nisi subscriptio
libellorum, quibus se tradituros ecclesias, vel exulatu-
ros reciperent. Quibus aliisque etiam argumentis prægnan-
tissimis fretus Illustris Præpotentium Unitarum in Belgio

Provinciarum ad Aulam Cæsaream Legatus, Gerhardus Hammel Bruininx, libello Earundem Provinciarum nomine Cæsareæ Majestati A. M. D. C. LXXV. oblato, inter alia demonstravit, *Posoniensis Judicii Processum non Rebellionis, sed Religionis Evangelicæ persequenda causa institutum fuisse*, atque sub et obreptionibus optimum falli Principem; Non convictos, verum innocentes esse Prædicantes Evangelicos, quotquot A. M. D. C. LXXIV. ad purgandam tuendamque innocentium citationi parendo, in Posoniensi judicio comparuerunt; ac proinde iniquissime ad Reversalium subscriptionem Prædicantes urgeri. Neque aliam ob causam in Comitibus Soproniensibus à xxviii. Maii ad xxi. Dec. A. M. D. C. LXXXI. celebratis Judicia illa Extraordinaria adversus Evangelicarum Ecclesiarum Ministros inde ab A. M. D. C. LXX. Tirnaviæ & Posonii celebrata, à Statibus Regni revocata, libellique etiam, quos *Reversionales* nuncupant, in iisdem judiciis extorti, in perpetuum aboliti sunt.

Accusati innocentis d.ominantur,

CCCXI. Adversus innocentes Pastores & inauditos etiam plerosque post libellos diu satis, mira minarum promissionumque (nam subscripturis in exilium singulis à Colonitio ex Hungarica Camera quinquaginta floreni, viatici loco promissi sunt,) mixtura, frustra obtrusos; feræ sententia mortis diro carmine d. iv. Aprilis A. M. D. C. LXXIV. & triduo post eadem adversus Rectores Scholarum lata, & à damnatis omnibus imperterritis lætæque animo, paratis hætenus propter Christum vita fortunisque omnibus exui, excepta est. Atque utinam, qui tanto animi præsentissimi robore sententiam mortis exceperunt, omnes temporis mora à Judicibus de industria eum in finem delecta, constantiam suam frangi, seque, metu mortis paulatim præcordia subeunte, ad Judicium nutum inflecti, passi non fuissent! Gloriosius certè de hostibus suis triumphassent omnes. Sed en Judicum consiliis suis de evertenda

da religione uninè insistentium technas! Post sententiam mortis latam Regius Procurator ab Archiepiscopo Delegato Judice demum submonitus, ab Excellsa Sede implet, ut damnatos ad tempus executionis usque carceribus mancipare liceat. Cùmque neque hoc terrore damnati moverentur quicquam, in liberam laxamque custodiam, ex qua non invitis Judicibus quisque, dummodo Christi causam prodere animus esset, fugam capeßere poterat, traditi, in eadem omnes, (exceptis Papensi, Fileckiensi, Vesprimiensi, Levensique Pastoribus Præfidiariis Reformatis, ad terrendos cœteros die v. Maii, adeoque quinta demum à damnatione hebdomada, ferro apud domum Leopoldi Colonitzii vinctis, & in arcem Posoniensem abductis) octo hebdomadas integras exegerant. Quo temporis intervallo exquisitissimas quasque artes denuo Judices ipsi, inprimis Archiepiscopus Szeepzenius, & immanis illa Tigris Colonitschius, pervertendis & ad subscriptionem libellorum, quam solam redimendæ vitæ, & pretii etiam impetrandi conditionem præfigebant, subiigendis explicuerant. Modò ex libera custodia excedere, fugam arripere jussi: modò verberibus ad sanguinem usque, ipsius etiam Colonitschii manu, cœsi: modò novis inquisitionibus vexati: modò triremium proposito metu ad facienda desiderata invitati sunt. Forti animo tentationes omnes superârunt hætenus. Ad extremum die xxv. Maii Fratres Augustanos à Reformatis separari; & illos quidem ad aulam Archiepiscopalem sevocari placuit. Hoc demum artificio nonnihil persecutores efficiunt. Nam separatis ita Augustanis ab Archiepiscopo, Colonitschio & Hoffkitchero, nullum non ad labefactandam eorum constantiam lapidem moventibus, optio tandem datur vel subscribendi, sive ad abdicationem muneris spontaneam, sive ad exilium, sive ad amplectenda Pontificia sacra,

& in libera custodia, paucis exceptis, desinentur,

variis artibus ad subscriptionem libellorum collecti.

Subscribentibus Augustanis fratribus non paucis,

*reliqui in car-
ceres varios
distribuantur.*

*Reformati,
duobus exce-
ptis, omnes
subscriptionem constan-
ter abnuentes,*

cra, libellis, vel carceres subeundi. Subscriptionem eligunt non pauci, carnis infirmitate victi: carceres reliqui numero quadraginta sex, unâ cum duobus Reformatis, qui eventum speculaturi se Augustanis miscuerant. Illi singuli cum mercede quinquaginta florenorum dimissi: hi in carceres ablegati; inde post horas aliquot protracti, & circa tertiam ejus diei, alii navibus in Danubio, alii curribus impositi, ex urbe suburbiisque in diversa Regni fortalitia vecti, novendecim, quibus Reformatus unus accessit, Comarinum: octo Sarwarinum: octo Berenthschinum: octodecim, quibus itidem Reformatus unus accessit, Leopoldopolin deportati, ferro constricti omnes, & foedissimis carceribus inclusi sunt. Et postremis quidem octodecim additus licitor unâ cum restibus, proximè patibulum in campo suspendium minatus, nihil terrore isthoc apud obfirmatos, & pro Christo mortem quamvis oppetere paratos, promovit. Qui Posonii supererant Reformati, separatorum à se Fratrum aliorum quidem inconstantiam summo cum dolore, aliorum verò constantiam pari cum lætitia spectantes, se Deo devovebant totos, eadem gratia præclarum agonem ad ultimum spiritum usque certaturi. Vocatis igitur ad eandem Archiepiscopi aulam Thomæ Palfy, Episcopi Nitriensis, Regiæ Aulæ Cancellarii, Epistola prælegitur, cujus summa erat, *Majestatis Regia de Prædicantibus contumacibus, eò quod Posonii conventicula celebrent, & forte etiam sacramenta administrent, atque adversus tot Episcoporum monita præfractum obstinatumque animum prodant, (en decreti causas!) ultimam sententiam esse, ut in varia fortalitia distributi mortificentur.* Tum Archiepiscopus simulata de Colonitschii, quem *rufi militis* convitio aspergere solebat, crudelitate & sanguinariis, quæ continuè adversus Pastores agitet, consiliis, querimonia eosdem demulcens, iterum iterumque subscriptionem suadet, ceu

remedium unicum, quo non tam suo, quàm efferato Colonitschii animo fatisfieri, ejusque tyrannica libido reprimi possit. Sed obsurduerant pridem ad Sirenes hæc castissimæ servorum Christi aures. Denuo igitur iisdem, qui supra, in Archiepiscopi aula coactis, Colonitschius, Hostkircherus, Lapsankius, unâ cum Archiepiscopo dirissima quæque interminati, inter alia Regiæ Majestati stare sententiam immotam, atque à se nunc Ejus nomine promulgari, *ne librum Religionis Evangelicæ exercitium in Regno Hungaria amplius exerceatur*, asserunt. Excipientibus Pastoribus, *se non intelligere, quemadmodum Rex nondum à sacramento juramenti, quod Regni Statibus præstiterit, solutus, sententiam ejusmodi per Ministros suos promulgare voluerit, iracundi, non hic locum esse disputandi*, regerunt. Sine mora Ministris quadraginta & uni, Reformatis omnibus (reliqui enim sedecim ex numero universo quinquaginta septem, Posonii comparentium, partim jam in carceres detrusi erant, partim se maturè ante latam sententiam, non subscriptis libellis ullis, se subducentes ad Ecclesias suas, defensi à terrestribus dominis, redierant, duobus duntaxat ex omni Reformatorum choro, Pastore uno, & Ludimagistro altero, à terrestri suo Domino, Judicii Assessore ad muneris sui abdicationem seductis;) in vincula raptis obnuntiatum, *ad triremes illis eundum, ubi senes etiam addiscere linguam Italicam debeant, futurumque sit, ut lac etiam maternum illis amarescat*; Archiepiscopo ipso animam suam Diabolis discerpendam devovente, si ulli, etiam religionis mutationem posthac promissuro, unquam liberatio inde obtigerit. Ex eo tempore non amplius subscriptio libellorum, sed mutatio religionis unice urgebatur. Et ex carcere producti eodem die viginti, curribus tectis impositi, prosequentibus furiosis militibus, aliò deportati sunt; Sarwarinum septem; Kapuvarinum totidem, Eberhardinum castellum sex. ubi

*in vincula
videm rapti,*

*atque inde
producti, di-
versa in Hun-
garie mani-
menta relega-
ti sunt.*

catenis onerosissimis constricti, in carcerésque teterrimos coniecti, omne ludibriorum & calamitatum genus, inter efferatos in extremam rabiem hostes, Jesuitas cumprimis certatim affluentes, & ad apostasiam captivos sollicitantes, forti animo inter preces assiduas, hymnósque ceu lætum Præana, tolerarunt. Reliqui viginti & unus elapsa hebdomade eodem carcere Pofonienſe soluti, curribus, militum insolentissimorum catervis stipati, & vestimentis honestioribus, aliisque, quæ residua secum ferebant, Colonitſchii jussu stipati, Leopoldopolin aucti, atque ibi in carceres iterum obscuros profundissimósque abjecti sunt.

Vexatio horrenda fratrum Berentſchinum,

CCCXII. Ita in diverſorum locorum dirissima captivitate infandum in modum vexati cruciatique, documentum dederunt, quid expectari à Romanis illis Draconibus, (Pontificium clerum intelligo) sicubi iis suæ fatis vires placent, debeat. Pauca recenſeri haud abs re fuerit. Qui Pofonio *Berentſchinum* asportati, atque ibi bini atque bini sub jugo, bouum instar, constricti, in arcem deducti, & carcere ejusdem absconditi fuerant; quatuor Reformati, (atque inter eos unus præcipuæ dignitatis & auctoritatis) & Augustanus unus tam strictis compedibus, vectes ferreos & quadrangulos acuminatos, transversim utrosque pedes lancinantes, habentibus constricti sunt, ut neque incedere, neque ab attritu earum, ferro transversim inter utrosque pedes immisso, calceos omnemque vestem pedibus superinductam corroderent, pedes defendere possent. Carcer ipse, in quem abtrusi fuerant, tenebricosus, excrementis foetidissimè scatens, extrema supplicia passurus destinatus, qui per angustum foramen subiri nisi à genibus palmisque innixis non poterat, insectorum insuper tanta copia refertus erat, ut eorum morſibus, aliisque incommodis infestati, noctes plerasque infomnes captivi ducere coacti fuerint. Cùmque Præfectus ipse Arcis Colonitſchia

schio significaret, captivos ob debilitatem corporum tollerandis malis istis impares esse, respondit ille: *Parum referre, tumultumque forte in agro toto repertum iri, in quo miseris illis confecti sepeliamur.* Prohibiti insuper sub pœna centum & amplius baculorum, nec non Turcicorum verberum captivi sunt, ne de sua captivitate quicquam cuiquam communicent. Jesuita nescio quo urgente, rigidissima hyeme, captivi ligna in usum præsidii allata, in superioris arcis aream deportare, & aquam ex profundissimo puteo exhaurire coacti sunt. *Comarinum* adducti viginti, Reformatus unus & Augustani novendecim, postquam eodem cum Turcis carcere clausi, compertoque, à Reformato confessore magnanimo non parùm reliquos confirmari, ita separati sunt, ut Reformatus Turcicis compedibus illigatus, à reliquorum consortio divulsus, in cacere peculiari, eoque fœdissimo solus delitescere quinque menses integros coactus fuerit: reliqui vero exceptis duobus, omnes, Sclavonica gentis, tœdio squaloris carcerum vexationumque victi, subscriptionem de abdicandis sponte muneribus suis, frustra obtulerunt. Præfecto enim apud Colonitzium intercedente, ut ea conditione liberentur, responsum est, *ferò nimis, finito jam gratiæ tempore, libellos offerri. Neque alia jam conditione liberari eos posse, quam si religione solenniter ejurata, Pontificia sacra amplecterentur.* Sic malè consulti, post quatuor ferè mensium patientiam, horribili apostasia, jurantes in verba insolentissima novæ fidei novissimis Hungariæ Catholicis præscriptæ, carcerum molestias, mortisque metum redemerunt, & impietatis suæ plus quàm Bileamicæ mercedem, alii quinquaginta, alii pauciores florenos, prout dignitas vel meritum personæ postulare visum est, retulerunt. Sed paulo post, visa Leopoldopoli reliquorum constantia, conscientia furis ita agitati sunt, ut eorum nonnulli diei nativitatis suæ maledixerint. Qui

verò Comarini supererant tres confessores constantissimi, ad sordidissimos quosque labores, quibus Turcas & Zigaros captivos ibi adstringi mos est, ab ortu Solis ad occasum usque, nullo æstus, frigoris, hiemis, æstatis discrimine, exantlandos coacti, Deo illibatam fidem constanter servarunt. In carcere *Eberhardino* Archiepiscopus jam octogenarius propriis manibus, malleorum subsidio, ita captivos contudit, ut membra etiam nonnullorum luxata officio defungi amplius nequiverint: eosdem convivis suis illudendos, exagitandos exposuit, tandemque in eorum conspectu ad labores sordidissimos relegavit, & se aliisque præsentibus, risu contumeliisque omne genus eos prosequentibus, ad sanguinem usque defudare subegit. Horrendum cum primis in modum divexati sunt ii, qui *Leopoldopolim* in carceribus dirissimis attinebantur, numero triginta novem, Augustani septendecim, & Reformati viginti duo. ex quorum censu Augustani tres & Reformatus unus (resipiscens tamen ilico) unius & alterius diei inedia, laboribus, compedibus fracti defecerunt. Reliquos Jesuita Nicolaus Kelio, quo homine monstrum crudelius vix Sol vidit, his verbis salutavit: *Ego ratione tum officii, tum specialis mandati vos visito, simulque vobis denuntio, gravissima vobis, nisi jussa feceritis, imminere. Pene nigerimo militari & aqua, ferreis compedibus vincti, omnibusque miseriis subiecti, vitam morte tristiore tolerabitis.* Tali Evangelio convertere miseros primo impetu satagerat. Quos ubi ad obnuntiationem ejusmodi imperterritos videt, sine mora compedibus præsens senes juvenesque, firmos infirmosque juxta constringi Turcico more, curat. De innocentia sua protestantibus respondit: *Equidem duplicis rebellionis ecclesiasticae adversus Ecclesiam, & Politicæ adversus Regem, crimina laboratis. Quod si maximè politicè rebelles non essetis, uti credo, plures vestros de rebellionem ne cogitasse quidem: tamen ob rebellio-*

Eberhardinum,

& Leopoldopolim asportatorum.

nem ecclesiasticam omne genus pœnarum commeruistis. Labores plus quàm serviles & nunquam, subinde ne diebus quidem Dominicis interruptos, obscœnissima quæque loca intensissimo æstu expurgandi, carceres aggeresque effodiendi, fortalitii aream, uligine madidam, lapidibus & arenis obducendi, aggeres circa muros congerendi, nives densas ventilabris avehendi, profligatissimorum denique mancipiorum occupationibus suetis defungendi, ita exactores furibundi milites, mercede ad sæviendum conducti, summo ἐγρηγόρησεν Kellione, perpetuis verberibus, adhibitis etiam hastis, sclopetis, & restibus aqua madefactis, induratis, & in nodos colligatis; conculcatione per pedes, capillorum evulsione, aliisque dirissimis sævitiae modis exasperarunt, ut simile quid vix ulla historiarum monumenta adversus vilissima mundi κατὰ δὲ ματὰ patratum commemorent. Cùm carcer effodiendus esset, his verbis haud postremus inter Pastores, Vir præcipua autoritate spectabilis, apud Jesuitas præsentis operis protestabatur: Coram Deo, Angelis & hominibus protestamur, quòd crudeliùs longè nobiscum agatis, quàm olim cum Apostolis crudelissimi persecutores egerunt. Apostoli enim fuerunt in carcere: sed carcerem sibi effodere nunquam coacti sunt. Nos Apostolorum discipuli non solum in carcere sumus, sed etiam inaudito exemplo carcerem nobis effodere cogimur. Quamobrem ut vos, ceu authores crudelitatis tantæ, inexcusabiles reddamus, en primus ego clavum insigam. Rifu profuso hæc Jesuitæ excipientes, responderunt: Laborabitis ergò tantò alacriùs, quia causas impulsivas tam graves habetis. Labores istos durissimos & pœne intolerabiles subeuntibus, panis nigri exiguum demensum, tertio quoque die, ubi optimè eum iis actum est, libum quatuor librarum præbitum est; noctu verò in carcere degentibus nunquam aquæ tanta copia facta, ut sitim ex diurnis laboribus contritam levare possent. Interdictum insuper omnibus, ne iis

interdiu extra carcerem occupatis, vel in carcere etiam agitantibus, sive clam, sive palam vel minimus cibus potiusque offerretur. Quod interdictum violantes ex συμπαθείας æstu quodam, tum vir cœpas misero offerens, unâ cum accipiente, inflictis verberibus pluribus gravissimisque, tum muliercula carnis & panis nonnihil ἐν παράδῳ porrigens, à Jesuitis deprehensa, collum manusque numellis meretricum inclusa, & publicè per compita, intensissimo frigore circumducta, nefas expiârunt. Vestimenta & calceamenta semel attrita non reparabantur à quoquam, ita ut nudis pedes, feminudisque reliquum corpus, in conspectu omnium mandatis laboribus defungendum fuerit. In carceribus angustissimis, pluviis nivibusque perviis, inter homines maleficos ob capitalia delicta captos, maledictis continuis sacro cultu defungentibus obstrepentes, non rarò cum serpentibus & bufonibus conflictandum fuerat: à reliquis verò infectis identidem, quies somnususque turbati. Etiam in carceribus verbera horrenda ictusque inflicti non rarò, ob causas levissimas. Captivus enim, Vir egregius doctissimusque, ex carcere ad amicum de calamitatibus suis nonnihil scripsisse compertus, hanc, præsentē & dictante Jesuita Kellione, pœnam subiit, ut in terram projectus, à novem militibus percutientibus, baculis spissis & nodosis ita cœsus, & Præfecti calcibus horribiliter ita impetitus conculcatusque fuerit, ut pro mortuo sublatus, ac mox respirans in novum carcerem solus, & ense stricto custoditus, sine ulla corporis sanguine fœdati dilaniatique cura, coniectus fuerit.

*Violentia in
cogendis iis
ad cultum
Panacei Numinis
adhibita.*

CCCXIII. Innumeræ certè concatenatæque calamitates fuerunt, quas captivi, incredibili robore ex alto instructi, fortissimè sustinuerunt; quarumque apud posteritatem fides propemodum laborabit. Singulas verò cùm prosequi, institutæ brevitatis ratione cohibitis non

liceat : omittere tamen id unum adhuc , quod impietatis , nisi fallor , & crudelitatis numeros omnes implet , non possumus. Cùm nec autoritate sua , nec suasionum illecebris ullis ; nec promissorum melle , nec comminationum cruciatuumque omnium felle id hostes impetrare à confessoribus constantissimis possent , ut vel sponte muneribus suis abirent , vel exilium deligerent , vel religionem mutarent ; aliam quercum excutiendam rati , captivos ad Templà aliave loca , quibus Panaceum Numen vel offerebatur à sacrificulis , vel adorandum ostentabatur , violenter pertraxerunt. Vidisses ibi contentionem furiosam impellentium cogentiumque , & ex adverso certamina Confessorum μέγας ἀνάσσει ad sanguinem usque reluctantium ! Singulis ferè diebus Solis , festis , & jejuniorum temporibus , Kellio per armatos milites , veluti proelium inituros , captivos seu extra carceres laborantes seu in carceribus delitescentes adoriri solitus , in Templi aream compellere conatus est. Restitantes omnibus viribus , ex carceribus raptatos bipennium & sclopetorum ictibus plagisque horrendis , tanto quandoque impetu , ut uno impulsu ad secundam usque , quæ atrii carceris erat , januam jactarentur , protrusos eò redegerunt , ut humum prostrati terræ se affigerent. Mox igitur capillis erectos stantesque sclopetorum stimulis lateri dorsoque infixis , compungebant , propellebant , raptabant iterum , ita ut totum isthoc Templum versus tragicum iter non aliud , quàm continua quædam cadentium , ægrè surgentium , ac denuò in terram propulsum miserabilis jactatio & provolutio fuerit. Demum feralium istorum raptuum pertæsi , consilio inito captivi consentiunt , se deinceps jussos , non expectata amplius jactatione , Templum intraturos , conaciones audituros , preces pias ad Deum fufuros , ea tamen lege , ut mortem potiùs præsentissimam subire , quàm vel

minimam partem cultus illiciti obire malint. Ita atrium
 Templi ingressi, blasphemias Jesuitarum conciones au-
 diunt, & hostibus ad altare usque eos trahere, atque ad
 cultum Dei Maozim cogere molientibus, & tantum non
 ejus rei causa in atrio Templi bellum cum iis gerentibus,
 adeò fortiter, mortem etiam oppetere parati, resistunt,
 ut violenta hostium molimina universa irrita ceciderint.
 In festo Ignatii, ut casus tragicos plures, qui in numera-
 to sunt, recensere omittam, summo manè captivi ad la-
 bores sordidos expulsi, instante Missa, interruptis labori-
 bus Templum adire jubentur. Obfirmant illi animum co-
 potissimum die, quo se ad vetitum cultum adaectum iri
 majori contentione, metuebant meritò; Templumque se
 ingressuros simpliciter negant. Obloquitur Kellio: *Itane*
boni Pastores, vim metuitis? Atqui cum demonium habeatis, hoc,
non alio modo, expelli illud debet. Accersuntur milites, qui
 propere alios baculis feriunt, alios sclopetis urgent, alios
 strictis ensibus, bipennibus alios propellunt, & instrumen-
 ta ejusmodi in dorsis obnitentium frangunt, tandèmq̃ue
 fessi, & crudelitatis sub dio, inspectante hominum mul-
 titudine ingenti, patrati pertœsi, absistentes ulteriori fe-
 rocia, Jesuitas destituunt. Tum Kellio, in furorem con-
 versus, duos venerandos senes corripit jubet, qui à sacrifi-
 culo subornato verberibus plagisque contusi, & semimor-
 tui, nullis ad resistendum viribus residuis, unus ad atrium
 Templi, alter verò ad altare usque rapti, pedibus bacu-
 lisque promiscuæ multitudinis calcandi proterendique
 objiciuntur. qui humi, dum Missa celebrabatur, jacen-
 tes, & pœne exanimés, finita Missa à reliquis captivis in
 carcerem deportati, nunquam posthac valetudinem recu-
 perarunt, continuisque artuum doloribus fracti, pias ani-
 mas, alter Neapoli, Curia Rhetorum alter, Deo Re-
 demptori suo reddiderunt. Præterea, ne unquam ansa sæ-
 vien-

viendi deesset, sacrificuli cum Sacramento ad ægros pergentes, ea plerunque loca, quibus laboribus suis insudantes captivi deprehenderentur, transibant. Atque tum iterum adversus eos cultum Panaceo Numini negantes brutis verberibus, imò ardentibus quandoque etiam facibus sævitum, neque cessatum ante est, quam bipennes, enses, sclopeti-confracti, & captivi, ceu animalia mactationi destinata, in terram prostrati, cernuique, in sanguine suo volutati misere sunt; sacrificio incruento, quod Kellioni unus sanguine madens nuntiari petiit, in cruentum converso; & Pilatis illis sacrificia sua innocentum sanguine permiscens, cruentantibusque. Sic singulos, quibus ad laborandum protracti sunt, dies supremos sibi illuxisse rati, reditum in carceres pro beneficio ingenti deputabant; neque precarium inter tot mala spiritum traxerant, nisi in infirmitate illorum Divina potentia perfici, & velut triumphare coram toto mundo gestivisset.

CCCXIV. Quis verò talia fando audivit unquam? Caret exemplis diritatis immanitatisque tantæ omnis retrò antiquitas, in qua persecutores etiam sævissimos, veri etiam Dei prorsus expertes, flagitiosæ ejusmodi crudelitatis puduisset. Et puduit tandem sævitæ ipsum etiam Kellionem, postquam ejus crudelitas calamitate innocentum utcunque fatiata est, atque si non vindictam præsentem Dei, at infamiam certè apud homines, quibus paulatim facinora hæc innotuerant, extimescere coepit. Tum enim ad stropham *παραγία* Jesuitica dignam se convertens, tot malefactis simulata quædam beneficia miscuit. Nam & amicos quosdam captivorum aliquando admisit, & munera nonnulla illis consecrata administravit in speciem; at pessima revera fide, partem majorem militibus aliisque diripiendam relinquens, uti postea captivis compertum est. Ut igitur apud externos fucum quendam cru-

Astusia Kellionis, testificationem humanitatis suæ in levibus nonnullis captivis præstitæ, ab iisdem extorquentis.

delitati suæ obduceret, à captivis die xv. Febr. A. M. D. C. lxxv. confessionem beneficiorum illorum propria singulorum manu signatam petiit. Suboluit satis captivis, quò tentatio illa tenderet. Neque tamen post longam gravemque cum Jesuita disceptionem, re maturè deliberata, testimonium ejusmodi denegandum plerique saltem duxerunt, veriti scilicet, ne in re licita repulsam ferens sævieret atrocius, cum atrociter adeò sævierit hætenus adversus detrectantes obsequium in rebus illicitis. Apochas igitur manu propria signatas exhibent, quibus testantur, *gratos se agnoscere, quòd R. P. Kellio pecuniolam à suis submissam administraverit: quandoque etiam cibos à benevolis suppeditatos dispensaverit, denique adventantes propinquos subinde ad colloquia sua admiserit.* circumstantiis temporis personarumque additis. Acceptis ejusmodi distinctis apochis in sinu gaudens impostor, non tantum eas pro lubitu interpolavit, sed statim etiam divulgavit, simul fidem detractaturus famæ, quæ ejus barbaram crudelitatem, & servorum Christi horrendas calamitates in mundo propalaverat: simul gratiæ & commiserationis apud Regem & bonos omnes fontem vaserima isthac techna obstruaturus. Certè vix facta ipsi apocharum ejusmodi copia est, cum ad pristinam crudelitatem reversus, atrocius, quàm unquam antehac, miseros affligere perrexerit.

*Damnatione
va Pastorum,
& raptatio
crudelissima
ad trirames.*

CCCXV. Nec dum tamen persecutionis adversus tot Ecclesiarum Pastores, imò in eorum personis adversus universam Ecclesiam Hungariæ Evangelicam, æstus detumuit. quinimò efferbuit in dies magis. Cum enim hostes parum adhuc apud constantissimos Christi Confessores diversis cruciatuum calamitatumque generibus se profecisse sentirent, jam eos æternis trirremium Hispanicarum, quarum toties terrore miseros perculerant, carceribus mancipare statuunt. Tantæque Clerum Hungaricum impro-

bitas & audacia transversum abripuit, ut horrendam illam ad triremes damnationem deportationemque non tantum Rege infcio, sed contra mandatum etiam Regium susceperint. Etenim captivorum Patroni jam à Clementissimo Rege mandatum ad Colonitzium obtinuerant, quo is captivos dimittere iussus est. Mandatum isthoc Thomas Palfy, Episcopus Nitriensis, Cancellarius Regni, Judicii Posonienfis Assessor, Colonitzio exhibere iussus, ita adulteravit, ut in tergo ejus adscriptis verbis, *ut orare* (scilicet in triremibus discant) insinuaverit, mentem Regis esse, ut ad triremes captivi ablegentur. cum tamen omnia & singula mandati illius Regii verba nonnisi gratiam liberationemque spiraverint. Colonitzius qui non semel antehac Posonii Pastoribus in faciem dixerat: *Vos multum Regis vestra clementia confiditis. sed nihil vobis ea proderit. Si enim vel decies clementissima de vobis mandata exhibuerit, ego centies eadem mutabo*; accepto mandato Regio, non dimissionem, sed ablegationem ad triremes eo contineri pertendebat. Cumque eo ipso tempore cohortes aliquot in Hungaria Austriaque conscriptæ, in subsidium Regis Hispaniæ adversus Messinenfes mittendæ, in procinctu itineris stetissent, occasione ea usus, die XVI II. Martii A. M. D. C. LXXV. triginta sex (duo enim ob infirmitatem ex vexationibus contractam redditu inhabiles ad iter, relictu sunt) ex mediis laboribus sub vesperam abreptos, & per occultum foramen quoddam Arcis Leopoldopolitanæ eductos, militiæ Austriacæ ductori Neapolin deportandos, ibique certo pretio vendendos, atque in triremium servitutem redigendos tradidit. Ita stipati cohortibus equitum quadringentorum circiter, totidemque peditum, curribus impositi, per avia & ambages præter urbes & oppida Hungariæ, Moraviam versus, circumvecti, Sotviennæ tandem cum captivis quinque Berentschino allatis in amplexus

mutuos lamentabiliter ruentes, tot miseras patienter toleratas sibi gratulantes, & ad constantiam invictam invicem animantes; conjunguntur. Reliquum iter pedites, compedibus gravissimis utroque singuli pede onusti, inter furiosos milites, perpetuis verberibus, ensium & sclopetorum ictibus eos, sine ætatis, virium, viarum cultarum incultarumque & asperarum discrimine ullo, ad promovendum iter impellentes, maledictisque continuis eos obruentes lancinantésque, & obviorum quorumque horrendis ludibriis exponentes, ad oram usque Maris Adriatici emetiuntur. Tanta fuit asperitas itineris, tanta miserabile isthoc agmen cingentium & abigentium crudelitas, ut captivi hiantia pedum nudatorum vulnera circumferentes, ubique vestigia sanguine suo cruentaverint. Ut pedes exulceratos & intumescentes Tergesti curare ipsi utcunque possent, coacti sunt ipsi saxorum & cultellorum adminiculo suos invicem compedes perfringere. quod si ne cruentis vulneribus, & distractis carnum frustulis fieri non potuit. Deprædatio ibidem miserorum, qui non nisi laceras vestes, & forte absconditas pecuniolas, ægrè hæcenus à ruina defensas habebant, adeò exquisita fuit, ut truculentissimi milites scrutandis partibus, quas natura erubescit, non pepercerint. Demum naturæ & gentis illius ornamentis, capillis barbisque & mystacibus violenter privati, foedissimeque tonsi, triste atque lachrymabile spectaculum præbuerunt, adeò doformatis illis, ut se invicem nisi ex lingua novæque velut consuetudine noscere amplius non possent. Accessit dira fames, ægrè impetrantibus miseris, quantum ad trahendum precarium spiritum, nedum ad iter adeò exercitum, totque militum plus quàm Scythica & barbarica ferocitate adversus juvenes senesve, firmos & infirmos grassantium, vexationibus infestum conficiendum, satis esset. Singulorum die-

rum stipendium tres teruncii erant. subinde etiam nihil omnino datum. Noctu pecorum instar in stabula aliâque loca fordida coactis, vix quietem ullam ob cruciantia pedum, totiusque corporis vulnera capeßere licuit. Duo non postremi, pietate & doctrina insignes, tot vexationibus illis confecti in itinere mortui, & canum instar, seminudi insepultique, abjecti sunt. Prior senex cum pergere amplius non posset, incudis instar, horrendis verberibus coesus & contusus, moribundus à captivis duobus iter cum eo continuantibus, & altera manu ferrum, altera ægrum sustinentibus, utrinque à latere suffultus, & à lapsu aliquandiu prohibitus, in præcipiti loco, neutro auxiliatorum sustinere valente, in terram prolapsus expiravit. Alter plaustro injectus, & mortuus ex eodem sine mora abjectus est. Accesserat pœne tertius, vir spectatissimus, & captivorum princeps, qui a fello impositus, cum ob tardiores ejus gressum subsequi reliquos non valeret, plagis adeò prægnantibus mactatus est, ut ex confractis naribus copiosissimo sanguine profuso, toto corpore madens, parum à mortuo abfuerit. Accessit ad crudelitatis eumulum, quod captivi iidem jumentis ob defatigationem nimiam progredi non valentibus, impositi, jumentorum loco coesi, & sic ad propellenda jumenta adacti sunt. Sex itidem fratres malis his prorsus enervati fractique, in carcere Theatino relictæ sunt; ex quorum numero quatuor pias animas in eodem exhalârunt; duo reliqui post diram famem, aliâque mala tolerata, sub ipsum liberationis tempus Neapolin deportati sunt. Quis verò tanta, & plura etiam non minùs atrocia fando

Myrmidonum, Pelopumve, & duri miles Ulyssis

Temperet à lachrymis?

CCCXVI. Antea verò quàm triremium præfectis *Tentationes eorundem, nō* manciparentur, tentationem novam, ad incitas jam ferè

*militia nomen
dant, fortiter
excussa.*

redacti, subeunt. Ductor copiarum, cui à Colonitzio commendati fuerant, significaverat, *Regem Colonitzio de captivis statuendi quidlibet plenum arbitrium concessisse. Hunc verò copiarum colonello sub gravi omittendorum honorum fortunarumque omnium pœna injunxisse, ut in ea loca eos deducat, ex quibus nullus unquam liberari, nedum in Hungariam redire possit. Hæc autem mala uno modo evitari posse, si nomina sua militiae Hispanicæ dare vellent. Hoc demum modo miseros, tot jam exantlatis calamitatibus, penitus extinguere, & æterna oblivione sepeliri, vel certè majori vi ad Papatum cogi posse, Colonitzius, ex cujus præscripto cuncta gerebantur, arbitratus est. Sed captivi tot malis obruti licet, & majoribus mox obruendi, cordatè responderunt, in militiam ejusmodi, utpote à munere & vocatione, quin & virium suarum facultate prorsus alienam, nec ullo modo futuram Regi suo vel utilem vel honorificam, se consentire neutiquam posse. Captivi vestri, inquiebant, sumus. Statuendi de nobis quidvis plena vobis potestas est. Statuite pro lubitu. Militia vestra nomen dabimus nulli. Sic repugnantes excipiunt verbera, correptusque unus ex robustioribus militaribus vestibis invitatus induitur. qui mox eandem exuens, ab ipso Capitaneo calcibus feritur, pedibus truditur, fustibus pulsatur, militibusque exquisitissimis modis divexandus objicitur. In stabulum verò relegati omnes tridui integri spatio cibi potusve usura omni privantur, & tantum non inedia enecantur. Theatæ primùm colonellus in conspectum eorum prodiens interrogat: *Vultis esse catholici? Dabitur sic optio vobis eligendi statum seu ecclesiasticum, seu secularem, seu militarem.* Tacentibus omnibus, verberum metu, pergit: *Nondum meliores ergo estis? Propediem triremes vos, quid sit fides Catholica, docebunt.* Tum juvenis, parcens senioribus, reliquorum loco respondit, & symbolo Athanasiano allegato, quæ sit fides Catholica, explicavit. Risu ex-*

ceptus à Jesuita astante, denuo interrogatus est: *Quid verò de Papa sentitis?* Respondit idem: *De eo sæpius mentem nostram explicavimus. nihil inpræsentiarum addituri, quia ferro pedibus constrictorum linguam etiam constrictam esse oportet.* Propulsi igitur amplius, die VII. Maii Neapoli ex numero quarum ad triremes, draginta & unius, residui triginta (nam duo in itinere mortui cœlestem patriam cum imminentibus horribilibus triremibus commutârunt, sex ob infirmitatem Theatæ relictî fuerant, tres commoditate oblata, Caprocottam inter & Capuam aufugerant) semimortui, utpote quorum vix ossa cutis amplius sustinebat, appellant, ubi sequenti die pretio quinquaginta scutatorum in singulorum capita erogato, ad triremes venduntur; mox denuo tonsi palatia Officialium Maritimorum, bini atque bini catenis constricti subeunt, & libro captivorum, seu Mortis potius certis in corpore, capite potissimum notis compuncti, neque expressa, uti aliàs fieri solet, captivitatis triremium causa, inscribuntur, in variâsque triremes distribuuntur. Cùmque tardius venditionis pretium solveretur, Germanicæ militiæ Duces die xx. Julii sanguinolentum consilium iniverant captivorum simul omnium repetendorum, & sclopætis configendorum. Repetierântque & confixerant miserè, nisi à Pro-Rege Neapolitano, Petro Alvarezio prohibiti, ne mediatum scelus exequerentur, fuissent. Nihil hic de horrendis, quas in triremibus per vexatio horrenda in iis, novem menses integros, graviores etiam iis, quas Turcæ, Æthiopes, Mauri bello capti, nec non malefici notorii, legitimè convicti, & capite damnati in iisdem triremibus subire solent; fortissimo & constantissimo animo sustinuerunt, calamitatibus & miseriis, quibus fracti quatuor sub ipso triremium jugo expirârunt: nihil de Divinis, quibus se affici senserunt consolationibus: nihil de Evergetarum nonnullorum, quos inter unus, cujus nomen in Cœlo

*Ex iisdem
Divina libe-
ratio.*

lo scriptum, chartis hisce illinere superfedemus, principem locum obtinebat, charitate erga captivos incredibili: nihil denique de Divina verè, & miraculo proxima eorundem ex fovea leonum, fornace Babylonica, & utero ceti per incomparabilem Heroem, Michaellem de Ruyter, alterum Belgii invictum Periclen, seu malumus dicere, Gedeonem, vindicatorum, liberatione dicam. Talia enim singula hæc sunt, ut paucis dici nequeant; dignissima etiam, quæ spissiori quondam volumine consignata, ad feram posteritatem, persecutionis inauditæ, & patientiæ plus quàm adamantinæ exempla cum sacro horrore quodam admiraturam, transmittantur.

*Historia reli-
quorum Pa-
storum vigin-
ti, in carce-
ribus Sarwar,
Kapuwar,
Tergesti &
Buccaris in-
auditis modis
vexatorum.*

CCCXVII. Atque hæc series est afflictionum, hic eventus confessorum sanctissimorum, Posonio Berentzinum, Comarinum, Eberhardinum, Leopoldin, ac tandem Neapolin ad infames triremes deportatorum. Neque verò mitioribus fatis reliqui viginti, tredecim scilicet Reformati, & Augustani septem, in carceribus Sarwar, Kapuwar, Tergesti Istriæ, & Buccaris Dalmatiæ nefanda & plusquam Scythica crudelitate pressi, & nonnulli etiam si-ve morte tragica corporali, si-ve spiritali etiam, per triste naufragium fidei, oppressi, urgebantur. Et Posonien- si quidem carcere extracti, postquam imperatam à Colonitzio subscriptionem abnuerunt, constringendi statim restibus, ipsomet Colonitzio numerata pecunia eas compa- rante, educti, & pars Sarwarinum, pars Kapuwarinum rapti, ibidemque Turcicis compedibus constricti, in carceres stercoreos, foricibus, ranis, bufonibus, serpenti- bus scatentes, detrusi, fame, siti, frigore, laboribus durissimis, indignissimis, sordidissimis, contumeliis-que ne- fariis ita discruciatii sunt, ut & superiorum & horum con- fessorum afflictiones ab uno eodemque Phalaride dictatas esse, liquidò cognosci potuerit. Inde d. I. Julii A.M.D.C.LXXV.

pro-

producti triremiūque, dummodo emptores inveniri potuissent, (nam & Veneti, & novus Pro-Rex Neapolitanus, cui prædecessoris emptio displicuit, compellati, disertè negârunt, se tot jam miseriis confectos & forte innocentes mercari velle) servituti destinati, postquam quatuor mille, adeoque pro singulis ducentos florenos, ea lege oblatos, ut libellis subscriberent, respuissent; ductore Gabriele Köver, Colonitziani furoris satellite, campanarum, quocunque venissent, pulsu, ceu Dæmoniaci, uti latrones illi proclamaverant, excepti, ludibriōque habiti; Tergestum, in litore Maris Adriatici situm, adducti, atque ibi primò haris & stabulis inclusi sunt. Ibi propter unius fugam, cæteris insciis arreptam, innumeris plagis excarnificantur, barbisque & mystacibus, quin & pilis omnibus violenter, non sine menti læsione, evulsis, privantur cuncti; & fugitivus ex fuga reductus, cū exquisitis quæstionibus & tormentis subditus, ut reliquos fugæ conscios fuisse confiteretur, induci non potuisset, ipsorum fratrum captivorum verberibus ita objicitur, ut carnicum instar singulis diebus bis fratrem suum, passionum hætenus consortem, percutere, multarum atrociūque plagarum renuentibus inflictarum metu, coacti fuerint. Non satis erat harpyis istis, miseros turpiter spoliare omnibus, & seminudos, unico longiori indusio è tela crassissima præparato tectos, relinquere. Etiam alios eorum causa expilandi libido eos incessit. Pactum enim cum captivis iniverant, quo quinque illorum mille & centum, quindecim verò mille quingentorum Imperialium lytro soluto se liberaturos receperant. Mittitur captivorum unus Viennam, comitibus nonnullis, qui pro liberandis juxta pactum captivis quinque lytron, mille & centum Imperialium ab amicis impetrat, solvitque. Neque tamen nisi unus ille, qui missus, ab amicis ut non Tergestum, sed in

Hungariam reverteretur, monitus est, non tam volentibus hostibus, quàm consulentibus amicis, liberatur. Reliqui etiam soluto pretio in carcere plorant. Missus etiam captivorum alius est Venetias, qui opera Viri Clarissimi, & de captivis meritissimi Nicolai Zaffii τῆ μαχαρίῃ, didimidiam lytri partem acquirit, eamque spe certa residuæ partis mox ab amicis impetrandæ, Duci offert. Ipse quidem missus, at solus liberatur; reliqui verò in carcere, perinde ac si nihil omnino solutum esset, attinentur, diriusque etiam exercentur. Tergesto mense Octobri anni ejusdem, militibus Croatis cincti, per prærupta saxa, nudis pedibus, diu noctûque inter continua à tergo & lateribus verbera & ictus, non tam erecti ambulantes, quàm humi prostrati, manibus pedibusque reptantes, Buccarim, Dalmatiæ castellum, ad mare Adriaticum situm, inde jugo triremium Melitenfium mox subjiciendi, avehuntur, ibique Andreæ Godermanno, homini truculentissimo omnium, mancipati, in carcerem sordidissimum, utpote qui non tam carcer erat, quàm contigui carceris cloaca, stercoreibus humanis inde à quinquaginta annis nunquam expurgatis, ex quibus etiam panem injectum, & foetore eorum jam infectum tollere, & comedere coacti sunt, referta, compinguntur. Tam foedæ custodiæ traditi, sine mora tredecim numellis ferreis, quibus ob latitudinem mentum fursum sublatum inclinare prohibebantur, per catenas durissimas, quibus vel onerati currus in præcipitio sustentari poterant, ordine constricti, & miseris modis colligati, reliqui verò cippis ligneis, & manicis ferreis supini coarctati, & per triginta novem dies integros in miserabili hoc statu detenti sunt. Atque ita concatenati, horribile spectaculum, nonnunquam extra carcerem educti, ludibrioque protervorum quorumque expositi sunt. occasionem sic captantibus nonnullis, Monachis inprimis,

apostasiam, ob mala tum præsentia, tum imminencia suadendi. Neque omnino irritæ suasiones ceciderant. Nam decem numero, septem Augustani & tres Reformati persuasi, totque inauditis calamitatibus fracti die XXI I. Dec. nomina libellis dederunt, & liberatione nihilominus procrastinata, sequentis insuper anni, mensis Februarii die XIX. tristissimum fidei naufragium passi, vinculis equidem corporis sese exsolverunt, at gravioribus longè animæ intricarunt. Ex superstitem constantissimorum numero, duo, septimo decembris, hora octava eadem, consummato militiæ & patientiæ suæ cursu, piè in Domino obdormiverunt, & à captivis reliquis, effosso propriis eorum manibus in litore maris sepulchro, & decantato ad tumulum Psalmi LXXXV I I I. threno, humati sunt. Die XII I. Febr. A. M. D. C. LXXVI. superstites sex denuo in prius illud sordidissimum & obscurissimum ergastulum, ex quo, ob præsentissimæ mortis periculum (longioribus scilicet miseris eos macerare placuit) aliquandiu relaxati fuerant, detrusi sunt, tanta cum sævitia, ut captivorum superstitem unus, morti proximus, solis suspiriis, cum ne verbum quidem proloqui amplius posset, ex imo pectore gemebundam animam trahens, violentis licetorum manibus correptus, per distortos gradus saxa & ligna, angustumque carceris foramen ita raptatus fuerit, ut ex nudo moriturientis corpore cutis & carnis frustra, copioso cum sanguine, detrita lapidibus hæserint. qui paulò post in carcere foetidissimo piè defunctus, omni sepultura caruit. Reliquis quinque in cloaca illa denuò uti prius, compeditis, & cum intolerabili foetore, infectis, fame, siti certantibus, obnuntiatur rigidè, fore ut in sterquiliniis istis miserè ita concatenati computrescant, nisi tandem apostatarum exemplo Evangelicam religionem ejurent. Respondentibus confessoribus, se pro Christo libenter subituros, quic-

*querum pars
Buccariperse-
cutioni suc-
cumbit,*

*pars ad extre-
mum usque
eandem susti-
net,*

quid impositum fuerit, panis hæcenus usitatus commutatur in panem ex milio & furfure coctum, eumque modicum, quem à puerulis per angustum carceris foramen injectum, pedibus manibusque proreptantes, denuo ex stercorebus aliisque immunditiis tollere necessum habuerunt. Additum parumper aquæ, sed turbidæ; quandoque etiam nihil. ita ut panem durissimum, quò comedi posset, urina sua macerare coacti fuerint. In statu isthoc, continuisque tenebris, manserunt dies octoginta, ita interea toto corpore corrupti, ut jam vix loqui, vel loquentes invicem intelligere potuerint: sanguis & aqua continuo ex ore eorum, nihil etiam comedentium vel bibentium, quòdque ampliùs claudere non poterant; copiosè profluxerit; gingivæ & fauces putredinem totæ contraxerint; dentes non sentientibus cum sputo exciderint, denique os maxillare & linguæ vitiosis humoribus tantum non consumptæ fuerint. Protestantibus contra inauditam tyrannidem captivis, quantum fari poterant, de sua innocentia & Christi causa, Vice-Præfectus Stanko respondit: *Facetis equidem in umbra mortis. doleoque ego vicem vestram. Sed vel invitatus hæc facio, quia sub pæna capitis, ut facerem, à Godemanno mihi injunctum est: huic verò sub eadem capitis pæna mandatum à Colonitzio est, ut his potissimum modis vos excruciet.* Dum verò in medio omnis munditiei profundè demersi, miseréque concatenati, in sanguine suo, sputo & fimo volutabantur, non ampliùs se in hanc vel illam partem inclinare, vel capita extollere valentes; atque ita mortis hora non procul abesse visa est: nuntium liberationis, intercessionem Ill. Legati Belgici impetratæ allatum est. quod tantum non agonizantibus parum profuturum credebatur. Ex carcere nihilominus, compedibus & numellis soluti, à sanguine inquinamentisque purgati, à militibus, cum ob infirmitatem incedere non possent, in honestius domicilium

Et vicina jam
morti libera-
tur.

lium deportantur , lectisque puris lintheaminibus stratis impositi , Sospitatori suo , cadavera potius quàm homines die 11. Maii M. D. C. LXXVI. traduntur. Cùmque post quindecim dierum inedia , cibi offerrentur , ob exulceratas fauces vesci iis , nisi ingestis leniter , non poterant ; jusculi vel vini guttis injectis ita fauces urentibus , ut ægerimè cibum potumque admiserint. Exquisitissimâ acerbissimâque medicinâ illis à Medicis Pontificiis Johanne Nonno Anconitano , & Francisco Rinaldi , qui propria etiam manu , jurejurando interposito , testati sunt , *ita labefactatos , viribus destitutos , ob salsos acresque humores in fetidissimo carcere ex capite descendentes , caloremque internum conficientes , in ore , palato , lingua , faucibus exulceratos liberatos se invenisse , ut morituros potius quàm convalituros crediderint ; adhibitâ , quatuor per Dei gratiam , stigmata sua , etiam à me non sine horrore visa , in exilio circumferentes , convaluerant : quintus verò die XXIV. Maii Venetiis ob deploratam valetudinem , mortalitatis legem implevit.*

CCCXVIII. Frustra verò inauditam , omni que diritate immaniorem tyrannidem suam coram mundo utcunque tegi posse , Colonitzius , & furoris ejusdem susceptores pessimi Jesuitæ , sperarunt. Percrebuit maturè satis in universo orbe , & architectis suis non apud Evangelicos duntaxat , sed ipsos etiam melioris notæ Pontificios infamiam incredibilem conciliavit. Hanc verò infamiæ notam ut abstergerent , simulque cornicum oculos configerent , ferocissimi omnium tyranni illi , Tyrnaviæ imprimi curant libellum famosum , cum inscriptione ejusmodi : *Succinctus & verax Judicialis Extractus , quo clarissimè demonstratur , Pastores Hungariæ Acatholicos non ob religionem , sed ob rebellionem depositos Regnòque ejectos , singulosque eos judicialiter convictos , justèque damnatos esse ; Delegato Regio Judicio Posoniensi accensus , & per ejusdem Secretarium , qui ratione officii rebus omnibus interfuit ,*

Examen Extractus Judicialis Tyrnaviæ editi , quo auctor demonstrare conatur , Pastores non ob religionem , sed ob rebellionem horrendam adeò tempestatem sub-

omniâque calamo fideliter tradidit, consignatus. Erat equidem in Judicio Posonienſi Secretarius Regiæ Tabulæ Johannes Labſantzky. Forte etiam ſcœtui huic edendo obſetricatus eſt. Sed Jeſuitas, Kellionem inprimis, ejus authores fuiſſe, veriſimile prorsus eſt. Larvam mox ſcripto illi detraxit captivorum unus, qui ad triremes ductus fuga ſaluti ſuæ conſuluit, edita *funda Davidis contra Goliathum*, qua triginta craſſimorum mendaciorum reum perſonatam illum Labſantzky, ſolidiſſimè peregit. Excepit paulò poſt *Apologia Miniſtrorum Evangelicorum Hungaria*, ad innocentiam ſuam orbi Chriſtiano declarandam, oppoſita *Judicio Tribunalis Poſonienſis*, à quo perduellionis crimine contra Regiam Majeſtatem iniquiſſimè accuſati & condemnati, non modo toto Regno proſcripti ſunt, ſed exemplo à pietate & manſuetudine Chriſtiana prorsus alieno, magnam partem ad triremes Hiſpanicas damnati. Operæ pretium autem fuerit, perſonati illius Labzanky argumenta, quibus Paſtores rebellionis legitimè convictos damnatoſque eſſe, probare ſuſtinuit, ad incudem revocare, eademque opera Paſtorum innocentiam ad liquidum perducere. Et primò quidem occaſionem rebellandi ſumpſiſſe Paſtores arguit inde, quòd ſtipendia à Rackozio in ejuſdem ditio-
ne, Saros-Patakienſi maximè, ſibi ſubtracta animo ægerimo tulerint, imò Paſtorum nonnemo, compoſitione à Zerinio Rakozii Socero tentata dixerit: *Hodie Rakozius la-
tus ſuum vices mille acinacibus vinxit*. Reſponderunt Paſtores fuſè ad iſthoc *ἔχληνα*. Summa huc redit: Cautum cùm fuerit Regio diplomate, ne proventus reales ad Scholas & Parochias Evangelicorum, ab antiqua fundatione per Patronos Evangelicos facta, pertinentes à quoquam occupari poſſit, Franciſcum Rakozium apoſtatam, unâ cum matre violenter illos occupâſſe; ea occaſione Rakozianos inter & Proceres Evangelicos ſubortam controverſiam eſſe; quam cùm Rex componere nec potuerit, nec volue-
rit,

rit, Zerinius Rakozii Socer autoritate sua, juxta tenorem articulorum Pofoniensium, interposita, sopiverit. Porro Pastores injuria affectos, jure suo controversiam movisse non Regi, contra quem fiat rebellio, sed Rakozio raptori: turbas eo nomine movisse nullas, Patronis Evangelicis jura eorum defendentibus: post transactionem nihil unquam cum Zerinio vel Nadaftio, Euangelii persecutoribus acerimis, commercii iis fuisse: Pastorum illum *nonneminem* fuisse *neminem*: si enim *nonnemo* fuisset, nomen ejus editurum fuisse personatum illum haud dubiè, non parcentem aliàs nominibus: denique id omne pertinuisse ad Pastores Hungariæ non omnes, sed paucos, & quidem ad tales, qui pridem ante citationem violenter expulsi sint, nemine eorum Pofonium citato, vel ibi comparente unquam. Sic desperatæ causæ indicium initio statim turpissimè Extractum illum prodidisse, liquet. *Secundò* allegat personatus literas hieroglyphicas Stephani Wittnyedy, Nadaftii Secretarii eo tempore defuncti, easque geminas, priores ad Ambrosium Közerum, posteriores ad Nicolaum Bethlen exaratas, & à ministro Rebellis cujusdam, Pastoris Hungarici filio, pretio mille Imperialium conducto, ex Transsylvania allatas, quarum tenor fuerit, se Pastores in utraque Hungaria ad movendos auditorum ad conciendam rebellionem animos ritè præparasse. Atque in his literis Pofonienses judices judicii sui proram puppimque collocaverant. Tametsi verò Judices illi literarum illarum *γνωστότης* simpliciter credi (quod à judice justo alienissimum est) præceperant: adulterinas tamen fuisse, non Pastores duntaxat Pofonii coram tribunali comparentes, suspicati sunt meritò, sed postea etiam planè plenèque compertum est, postquam Nicolaus Bethlen in Transsylvania Sedis Siculicalis Uduarhelyensis supremus Capitaneus, ad quem posteriores scriptæ ferebantur, super-

perstes adhuc, eas penitius excussit, & supposititias esse, irrefragilibus argumentis, publico scripto asseruit. Sed fuerint etiam literæ illæ, verè à Witnyedio scriptæ. Itane verò ad unius, & quidem jam tum demortui testis testimonium, tot homines Posonii comparentes, quorum ne unus quidem in testimonio illo nomine suo expressus fuit, rebellionis crimine arcessi, nedum condemnari potuerunt? Atqui tum Divina lex unius testis testimonium Deut. xix. 15. disertè rejicit, duorumque vel trium testium os exigat: tum civilis etiam hominis mortui allegationem, adeoque testimonium adversus viventem ratum haberi, 2. Part. tit. 23. vetat. Tertiò crimina horrenda Pastorum, velut quòd fuerint incendiarii, cœdium patratores, stercora sua Pontificiorum infantibus devoranda dederint, Sacerdotes Turcis vendiderint, iisdem munimenta præcipua tradere conati fuerint, aliæque nefanda, personatus allegat. Sed Diabolicis mendaciis innocentium famam ab eo proscissam esse, satis constat. *Aliud enim certè, Cicerone sapienter observante, est maledicere, aliud accusare.* nedum condemnare. *Maledictio nihil habet propositi, præter contumeliam. Accusatio verò crimen desiderat, rem ut definiat, hominem ut notet, argumento probet, teste confirmet.* Tu verò, personate, accusator fratrum, quos homines notâsti, quo argumento probâsti, quo teste confirmâsti? Quin potiùs centumcubitalia, à Diabolo in inferno cusa esse, quæ protulisti, mendacia, accusati pertendunt. Si accusasse sufficit, quis innocens erit? *Quartò* fugisse Pastores, alios in Transsylvaniam, in Turciam alios, cum Coppius in Superiore Hungaria acie cum rebellibus confligens, superior evasit, personatus ait, atque inde rebelles fuisse infert. Egregia, si qua alia, prolatio! Rebellis igitur David, qui furorem sanguinarii Saulis evitaturus ad Regem Achis aufugit: rebellis ipse Christus (absit dicto blasphemia) qui audiens

captivitatem Johannis, ex Judæa in Galilæam fugit, fuerit. Tot Apostolos, Sanctosque Patres omitto. Si qui igitur Pastorum fugerunt, non id sceleris conscientia, sed persecutorum immanitate adaçti fecerunt, ante omnem quippe citationem, & contra omnia jura, sedibus suis exturbati, bonis privati, solum vertere coacti majorem apud ethnicos, quàm apud professos Christianos catholicos humanitatem experti. An verò illi, adversus quos ferro flammæque sævitum est, expectare citationem, hoc est, oves fugatæ & dissipatæ, luporum citantium judicium ultro subire debuerunt? Alii etiam, ne citationi parerent, à potestate legitima prohibiti sunt: alios vestigia nimis prohdolor! sanguinolenta terruerunt. Sed fuerit levis causa fugientium: quid verò id omne faciet adversus eos, qui non fugerunt, sed comparuerunt, non aliam ob causam, quàm quia comparuerunt, crudeliter oppressi? Sed Achilles personati est, quòd tot Pastores libellis subscribentes ultro rebellionis crimen confessi fuerint. Atqui ut præjudicium nonnullum *devoç* *meticulosi* illi, qui metu nimio subacti nomina sua libellis subscribarunt, bonæ causæ creaverint; at at reos fuisse eosdem rebellionis, neutiquam consequitur. Neque enim aliis argumentis vel testimoniis rebellionis rei peracti sunt, quàm quibus eos etiam, qui ad finem usque constantes permanferunt, ejusdem criminis convincere hostes tentaverant. Cùm verò invalida prorsus hæc fuisse, hætenus ostensum sit, invalida quoque illa fuisse, conficitur meritò. Non igitur rebelles fuerunt Libellatici illi, seu, uti vocantur, Reversionalistæ, sed meticulosi; externo hominum persecutorum, non interno conscientia ob crimen objectum accusantis, terrore perculsi; tam leves plerique, ut nec dum auditis contra se accusationibus ex præscripto cleri quidvis subscripserint; imprimis cùm subscribentibus etiam merces, præsentaneæ pecuniæ pa-

ratæ fuerint. Accedit, quòd venenatæ formulæ libelli, quam Extractus recitat, quenquam comparentium subscripsisse, scelestè personatus in aperta luce mentiri ausus est. Omnes equidem libellatici quodammodo adversariis criminandi ansam dederunt. Et formulæ libellorum in prima citatione oblatores duriores sanè fuerunt. At in posteriori citatione formulæ inserta plerunque à subscribentibus sunt verba: *quamvis non sumus rebelliosa complicitatis nobis conscii*. Qua denique conscientia saltem Reformatis in Hungaria Pastoribus libellaticos ejusmodi personatus objecit? In tanto enim libellaticorum ducentorum triginta sex, quos ille allegat, numero, non ultra duos Reformatos reperire est, qui sive in priore, sive in posteriore termino citationis, munus suum se abdicaturos subscripserint. Constantioribus quinetiam Augustanis inconstantes jure præjudicare non potuerunt. Si qui enim inconstantium adversus constantes testimonium perhibuissent, in Judicio haud dubiè allegatum, iisdemque objectum fuisset. Cum igitur jam supra idoneis argumentis Pastorum innocentiam comprobaverimus; atque etiamnum personatus ille adversus innocentiam eandem imbellibus calumniarum potius, ex puteo abyssi *extractarum*, quàm probationum telis pugnaverit: Pastores eosdem non perduellionis ullius meritò, sed puro puto religionis odio, non aliam scilicet ob causam, quàm quia exemplo Divi Ambrosii, Mediolanensis Episcopi, sicut ille Basilicas furioso Auxentio, sic hi Ecclesias, Basilicas suas, ob solius Dei timorem, furiosissimo Colonitzio tradere recusarunt; atrocissimam tempestatem isthanc subivisse, concludimus.

Concluditur
historia persecu-
tionis Hun-
garica.

CCCXIX. Longiùs, fateor, Hungaricæ persecutionis historię, salutarium documentorum feracissimæ, & patientiæ constantiæque, si quando similis tempestas fideles Dei servos premet, (quid enim inveteratis odiis, & cre-

crescente in dies hostium Ecclesiæ sævitia, mitius nobis promittere ausimus?) acerimum stimulum infixuræ per-
texendæ, æstus quidam calamum huncce provexit, quod
interesse posteritatis, ne tristes memorabilēsque imprimis
ejusmodi ecclesiæ casus ignoret, dubitaverim omnino nul-
lus. In viam ut revertamur, eodem Clemente Pontifice,
in ipso Papatu veritas circa B. Virginis Mariæ & imagi-
num cultum nonnihil erumpere visa, at mox in herba ite-
runt suffocata est.

CCCXX. Etenim quoad B. Mariæ cultum, Lova-
vanii quarta vice edita sunt *Monita salutaria B. V. Mariæ ad*
cultores suos indiscretos. Juxta leges Ecclesiæ Pontificiæ pri-
mum A. M. D. C. LXXXII. prodierant munita facultate & ap-
probatione Censoris Ordinarii, J. Gillemans, S. Theol.
L. Ecclesiæ Cathedralis Gandavenfis Canonici & Archi-
presbyteri. Cùmque in manus cecidissent quorundam, qui,
verba Authoris referam, *Monita illa vel non intelligentes, vel*
volentes intelligere, in prævum sensum, imò & hereticum, pror-
sus contra mentem Authoris & animum comati sunt torquere, atque
ita vulgò suspecta & exosa reddere, pro illorum defensione sub-
fidiariis copiis & approbationibus utendum ratus, quartæ
editioni præfixit approbationem P. de Walenburg, Epi-
scopi Mysienfis, & Suffraganei Colonienfis; Pauli Aufse-
mii Vicarii in Spiritualibus, Generalis ejusdem Archidiœ-
cesis; Francisci Francken, S. Theol. D. & ad SS. Aposto-
los Decani; Henrici Patricii, SS. Theol. D. & Prof. Co-
lonienfis; & Johannis Polch, Pastoris ad S. Cunibertum.
Tametsi verò in Monitis illis non omnem prorsus illegiti-
mum sui cultum B. Virgo, quæ inducitur, Maria prohibet:
improbat tamen, rejicitque S. Scripturæ testimoniis
perpetuis unicè freta, plurimos colendæ *Ortodoxos* modos,
qui partim olim à Mariolatris præscripti, partim hodiè-
que in praxi publica passim recepti sunt. ita ut tum vete-

*Veritas in
Papatu hoc
tempore e-
rumpens, at-
que mox so-
pita iterum,
circa cultum
B. Virginis
Mariæ.*

res illos novósque Mariolatras, quos *indiscretos sui cultores* Maria vocat ; partim praxin ipsam Ecclesiæ Pontificiæ obliquè feriri & perstringi, manifestum sit. Utque monitis nonnullis huc translatis fidem faciam, testatur monetque Maria, *Se, quos amatores vult, imitatores cupere: Non omni spiritui credendum, nec facile recipiendas omnes & quasvis historiunculas, quæ de suis apparitionibus, aut revelationibus, aut beneficiis & privilegiis promiscuè circumferuntur: Nemini confidendum, se cultores suos ex inferno ad pœnitentiam revocare, aut propter aridas aliquas devotiunculas in iudicio defendere: neminem cultum sibi exhibentem, si charitatem non habeat, prædestinatum esse: Non esse privilegium ullum peccatori impœnitenti concessum, ut æternum non patiatur incendium, quantumvis se colere præsumpserit, nec quicquam tales adjuturas formulas & precatiunculas, aut signa & instrumenta pietatis, quæ gestaverit, nec confraternitates & Sodalitates, quibus nomen dederit: Cavendum esse à laqueo Diaboli, qui sub pretextu facilis externæ pietatis securitatem peccatoribus suadet, ut pœnitentiam differant, præsumentes de Divina misericordia, & sua intercessione illis non defutura: Non compati vel collachrymari se illis, qui à Filio suo damnantur: Baculum esse arundinum, putantium, quòd pietas externæ sufficiat: Laudem, quæ sibi, ut sibi defertur, vanam esse: Se ante pedes Agni mittere coronam suam, & conservam nostram esse: Nolle se quidquam Deo subtrahere, vel cum illo dividere: Non se ita colendam, ac si non sufficeret Deus: Nullo alio, quàm Deo nos indigere, & in ipso habere omnia: Non desperandum ei, qui se non habeat, sed confidendum esse Christo: Non ita se colendam, ac si non daretur sine se aditus ad Deum per Christum: Non se colendam, quasi Deam subalternam: Non se Mediaticam vel Advocatam esse eo sensu, quo Filius est Mediator & Advocatus: Cavendum, ne per hyperbolen vel zelum immoderatum quidquam sibi tribuatur, quod soli Deo, vel Christo debetur: Non esse se omnipotentem, Salvatricem, Corredemptricem. A tribunali Divino ad suum appellari non posse:*

Nolle se excessiva encomia, vel vanas adulationes: Dicendum non esse, quòd Christus sit Judex severus, Maria mater misericordia: Accedendum cum fiducia ad thronum gratia, nec trepidandum; trepidantes tamen se ad illum ducturam: Non plus temporis aut precum sibi, quàm Deo impendendum: Sibi, ceu medio ad Deum, non fini, non nimium inharendum: Cum homines sua mancipia non sint, abstinendum esse servilibus titulis & signis inanibus & aulicis submissionibus: Se & sanctos cultu dulcia, sive dilectionis & societatis; solum Deum cultu patriæ colendum: Non rectè se diligere, si statuæ suæ pretiosis vestibus & monilibus fulgeant, Christus verò in pauperibus suis egeat: Non sibi placere, quòd splendeant luminaribus imagines suæ; dum juxta illas squalent receptacula corporis Christi: Nullam statuis vel imaginibus suis virtutem inesse: Non existimandum, se fuscam aut nigram, aut quicquam momenti in colore situm esse: Non aliam se esse hic, aliam ibi; aliam in Monte-serrato, aliam in Monte-acuto: Non contendendum esse pro hac vel illa figura, hoc vel illo loco: Circa dotes & prerogativas suas contendendum non esse: Beatum esse, qui cum Apostolo se nihil judicat scire, quàm Jesum Christum, & hunc crucifixum. Quamvis verò simplices adeò stolidique non sumus, quin fistulam dulce canentem agnoscamus ultro; Hypotheses hæc & novas dogmas, qui volet, conferat licet cum iis, quæ B. Virgini Mariæ attribuerunt Scriptores veteres & recentiores, imprimis Pelbarti de Temeswar, Bernardini de Senis, & de Buis, Jacobi de Voragine, Cæsarii, Antonini, Alani de Rupe, Salazares, Pozæ, Costeri, Mendoza, alii: cum praxi imprimis Papatus, in cultu B. Virginis Mariæ totius religionis Christianæ arcem collocantis. Nullo certè negotio, qui id tentaverit, Papatum εαυτομαρτυρον, adeoque αυταυτακριτον deprehenderit. Oppugnatus equidem libellus est tum ab Episcopo Rhodensi, Ludovico Abelly; tum à Jesuita Johanne Crasseto. Neque tamen ei defensores & hyperaspistæ defuerunt. quos inter E-

neque non vene-
rationem i-
maginum,
 piscopus Tornacensis editis literis Pastoralibus eminet.
 CCCXXI. Sed & circa cultum imaginum doctorum
 in Papatu discordia gliscere cœpit. Ex Jesuitarum officina
 prodierat liber Maimburgii, adversus Iconoclastas, quo
 imaginum cultum ab antiquitate ejusdem commendare ope-
 perosè sustinuit, pro more gravissimè in detractatores cul-
 tus illius invectus. Ei se Pontificius Doctor haud incelebris
 opposuit, edito adversario scripto, in quo passim Maim-
 burgium castigans, solidè efficaciterque probat, tribus
 primis Seculis in Ecclesiis & Proseuchis nullas omnino i-
 mages expositas, nedum cultas esse; quarto Seculo à
 plurimis adhuc Ecclesiis imagines abfuisse; initio quinti
 non ad cultum, sed ad ornamentum & memoriam Marty-
 rum erigi hinc inde eas cœpisse; cultum verò earundem
 seriùs in Ecclesiam irrepisse, ac demum in Concilio septi-
 mo stabilitum esse. De Caroli M. libris adversus Concilium
 Nicænum secundum, & Concilio Francofurtensi ita ad-
 versus Maimburgium eundem Author doctissimus dispu-
 tat, ut libros illos jussu, autoritate, consensu, quin &
 opera collocata Caroli M. scriptos, & ad Pontificem A-
 drianum missos esse, clarissimè demonstret. Cœterum li-
 ber doctissimus cum rationibus refutari amplius non po-
 tuerit, autoritate, nisi fallor, proscriptus, paucis, quæ
 in manus nostras inciderunt, exemplaribus exceptis, tene-
 bris damnatus est.

Clementi X.
succedit In-
nocentius XI.

CCCXXII. Clementi X. die x i i. Jul. A. m. d. c.
 LXXVI. defuncto, Cardinalis Benedictus Odeschalci Co-
 mensis natus, & in Conclavi Cardinalium à celebri præ-
 cône Papæ, Recannati, Capucino, effusè laudatus, die
 x. Sept. ejusdem anni Gallis præ cœteris annitentibus suc-
 cessit; Benedicti nomen in Baptismo acceptum, in nomen
 Innocentii X I. in gratam Innocentii X. à quo in Cardina-
 lium numerum allectus est, memoriam, commutans. Ha-
 Æte-

Stenus quidem ita se gessit, ut laude Pontificis in poste-
 riorum illorum numero optimi, cum Adriano forte & Mar-
 cello paria facientis, defraudandus non videatur; fu-
 turus etiam fervus Dei revera bonus, si Asæ, Josaphati,
 Josiæ, Ezechiæ exemplo, excelsa abolere, quod tamen
 οὐχὺς μάλλον, ἢ ἐλπιδὸς ἐστὶ, conatus quandoque fuerit. Li-
 vio Odoſchalchi Nepoti suo, ne in publico compareret,
 vel munera acciperet, neu spe ulla promotionis altioris ani-
 mum suum lactaret, præcepit. Mox equidem Nobilis Ve-
 netus renuntiatus, & Dux Ceri creatus est. Ad altiora ta-
 men ut promoveret Nepotem huncce, & vel Generalem
 Ecclesiæ, vel Nepotem, more hætenus recepto, decla-
 raret, nullis vel Nepotis ipsius, vel aliorum precibus in-
 duci hætenus se passus est, exemplo laude dignissimo
 Prædecessorum suorum nimia erga Nepotes studia dam-
 nans. Abolito Cardinalis Patroni nomine, Cardinalem
 Cibo Secretarium status & Superintendentem declaravit.
 Missis in Galliam, Hispaniam, Poloniam & Portugalliam
 nuntiis, pacem suasit. Judæorum Romæ commorantium
 numerum ad quinque mille contraxit, iisdemque urbem
 Romam à sordibus purgandam commisit, & scœnore ini-
 quo interdixit. Episcopos Roma facessere iussos, ad Diœ-
 ceses suas relegavit, & nonnisi idoneos, probèque explo-
 ratos, & examini rigido subjectos posthac eligere consti-
 tuit, edita etiam lege, ne nisi literati Sacerdotes ad obeun-
 das functiones promoveantur. Reformandorum ecclesiæ
 abusuum negotium quatuor Theologis, quos inter Recan-
 nati eminebat, dedit. Advocatis pauperibus eleemofy-
 nam dispartitus est liberalem, tanta confluentium, invi-
 cémque prementium multitudine, ut septem mulieres,
 duové pueri oppressi extinctique fuerint. Cameram Apo-
 stolicam pecuniis mirè exhaustam cùm vidisset, ad fami-
 liares suos dixisse fertur, *nunquam se credidisse, S. Petri vi-*

neam tantopere vastatam esse. Ut igitur splendidissimè eadem locupletetur, & S. Petrus Apostolus auri & argenti inops, in Cræsum Crassumque quempiam convertatur, nullum non lapidem, artis chryso-poetices haud indoctus, movit, movetque. Altieriis Roma discessuris, ut subsisterent ulterius, mandavit, ne alibi locorum artes expilandi antehac Romæ ab illis exerceri solitas, liberiùs exercerent. Regina Christinae redditus annuos duodecies mille coronatorum decrevit, ea tamen lege, ut Cardinalibus ampliorem posthac honorem haberet. Ita verò minora nonnulla reformare occœpit, ut saniorum judicio, magis necessaria, non tam sua forte, quàm aliorum, quibus reformatio Ecclesiæ fudes in oculis est, ardorem ejus sufflaminantium culpa, omiserit; luporum inprimis dentes, quibus innocuum gregem lacerare soleant, frangere & excutere neglexerit; Recannati inter alia pro suggestu pronuntiante, *adèò tardas esse ejus conceptiones, ut metuendum sit, ne abortus sequantur.* Quem aliàs etiam Papam pro suggestu eodem monentem, ut in sceleratos severiùs animadvertat, & Ministros deligat non juniores, sed adultiores, idem Papa lachrymabundus audivisse fertur. Bullam contra Nepotismum, quem inde à Clemente VIII. ad sua usque tempora septendecim auri millionibus Cameram Apostolicam emunxisse, rationibus initis, subductisque calculis,prehendit; adornari curavit. quæ tamen, reclamantibus Cardinalibus pluribus, iis maximè, qui ad Papale solium quandoque se confurrecturos, spem animo conceptam tenebant, promulgata non est, frustra identidem monitoriis suis consensum eorum sollicitante Pontifice. In Jansenitarum partes propensior, Arnaldo, nec non Episcopo Gratianopolitano, Jansenitæ utrique, literas humanissimas perscripsit. Bellarminum quoque in Divorum numerum relaturus fuerat, nisi proposito Cardinales non pau-

ci intercessissent. Frustra quin etiam Monachos ad legem *Κοινὸν ἔσθαι*, seu vitam communem revocare magno nisu conatus est, adversantibus instituto ejus, præter Franciscanos, omnibus.

CCCXXIII. Gestivit verò admodum Pontifici huic animus, officia nonnulla, indulgentiàsque, quas superfluas rebatur, abolere. dicere verissimè solitus, brevem orationem penetrare Cœlum, & ex indulgentiarum multitudine confusionem in Ecclesia obortam esse. Die igitur XVII. Febr. A. M. D. C. LXXVII. Raimundus Capisuccus, sacri Palatii Apostolici Magister, *de mandato speciali Sanctissimi Domini Innocentii, Pape XI.* uti verba Decreti sonant, edito eodem decreto, libellum inscriptum: *Officium immaculate conceptionis Sanctissimæ virginis nostræ Domine, approbatum à Summo Pontifice Paulo V. quo devotè illud recitantibus centum dierum indulgentia promittuntur, sicut apparet ex Brevis ejus x. Jul.* A. M. D. C. XV. *Mediolani impresso*; ita prohibuit, ut nemo cujuscunque ordinis, gradus & conditionis existat, Officium illud apud se retinere, legere, imprimere, vel imprimi curare audeat, sed statim à decreti illius notitia, quicumque illud habuerit, locorum ordinariis, aut inquisitoribus tradere, sub pœnis in Indice librorum prohibitorum contentis teneatur. Paulò post, die nimirum VII. Martii A. M. D. C. LXXVII. Congregatio Sacra indulgentiis, sacrisque reliquiis præposita, *cuncta sua Sanctitate probante, & inviolatè servari jubente*, decretum prægnantius, cui Aloysius Cardinalis Homo-Deus, & Michael Angelus Riccius Secretarius subscripserunt, die XII. Martii ejusdem anni ad valvas Curix, & in acie Campi Floræ, aliisque solitis urbis locis affixum publicatùmque, edidit, quo indulgentiarum magnam farraginem suppressit. *Delate*, ita Decretum præfatur, *sæpius fuere ad sacram Congregationem, indulgentiis, sacrisque reliquiis præpositam, Indulgentia quadam conf-*

*etæ & omnino falsæ, quæ per diversas orbis Christiani partes circumferuntur; alia verò examinanda, quæ adhibito studio inventæ sunt vel Apocryphæ, vel à Romanis Pontificibus revocata, vel nulle, quòd datum iis tempus præterisset: quarum quidem plurimæ, cum non facilem cognitionem habeant Christi fideles, harum rerum minus peritos fallunt, qui spe indulgentiæ remissionisque peccatorum suorum consequenda frustrantur. Quamobrem eadem sacra Congregatio vehementer cupiens huic malo magis in dies serpenti occurrere, animarum profectui, & indulgentiarum dignitati consulere, plures illarum singulari diligentia colligi, & in indicem referri curavit. Mox referuntur prolixa serie indulgentiæ variæ, concessæ à Pontificibus Johanne II. Sixto IV. Urbano II. Eugenio III. Innocentio III. Bonifacio IX. Johanne XXII. Alexandro VI. Leone X. Pio IV. Clemente VIII. Paulo V. Gregorio XV. Urbano VIII. Clemente X. Subjiciuntur etiam aliæ à nonnullis Romanis Pontificibus tributæ, ut ajunt, coronis mysteriorum passionis Christi; quæ magno numero recensentur: demum omnes indulgentiæ concessæ ante decretum Clementis VIII. rosariis, granis, seu calculis, crucibus & imaginibus sacris; vel ante Breve Pauli V. quod incipit: *Romanus Pontifex* &c. editum XXI I I. Maii A. M. D. C. VI. personis Regularibus quarumcunque religionum & Ordinum, etiam mendicantium; vel ante constitutionem cxv. Clementis VIII. & LXXVI I I. Pauli V. habitas per aggregationem, vel aliam communicationem ab Archiconfraternitate ulla, Ordine, Congregatione, Societate etiam Jesu, Capitulo vel cœtu quocunque; vel ab eorum Officialibus, Superioribus, aliisque personis: tum Summaria indulgentiarum pro Congregationibus doctrinæ Christianæ, confraternitatibus S. Trinitatis & Redemptionis Captivorum nominis Dei, Rosarii B. Mariæ, &c. Tandem indulgentias stationum urbis, quæ à Romanis Pontificibus singulari quodam bene-*

neficio vel communicatæ sunt, vel communicabuntur interdum aliquibus locis, ordinibus, aut personis; diebus tantum stationum in Missali Romano descriptis, suffragari posse; Semel autem duntaxat in die plenariam indulgentiam in certos dies Ecclesiam visitantibus, concessam, vel aliud pium opus peragentibus lucriferi. Utrique huic decreto varix Conciliorum, Patrum & Theologorum gnomæ, quibus decreti illius æquitas defenditur, subjiciuntur. Memorabilis inter alias est illa Innocentii III. *lib. I. Epist. ad Cantuariensem & alios Episcopos*, ubi sic ille: *Sicut ea, quæ à Prædecessoribus nostris provida fuerunt deliberatione statuta, nullatenus irritari volumus vel infringi: sic ea, quæ ab eis sunt per obreptionem obtenta in honestatis Ecclesiastica detrimentum corrigi volumus, & in statum redigi meliorem.* Sed & Bulla Sabbathina ibidem critico Theologorum Parisiensium Claudii Bloini, Natalis Vareti, & Natalis de Bretigneris, veru confodiuntur. Denique clauduntur decreta isthæc verbis Petri Damiani *Præfat. vit. I. Mauri Casen. Episcopi*, quæ ejusmodi sunt: *Contemnendus pincerna est, qui dum vini copiam jactat, facem quoque punienda temeritate propinat.* Constat satis decreta isthæc, non malo certè animo condita, adeò diversis animorum motibus excepta esse, ut non defuerint hodierni Papatus magni Atlantes, qui, Jesuitarum, quibus moderni Pontificis candor displicere videtur, haud dubiè instinctu, assa voce asleverarent, plus illa Papatui nocere, quàm Evangelici quinquaginta annorum intervallo nocere integro Regno cuiuspiam potuerint.

CCCXXIV. Quantopere Pontificius Clerus Angliæ Regnum ad Romani Pontificis obedientiam postliminio reducere non semel conatus fuerit, supra non uno loco narravimus. Et magnis quidem ausis, quæ Dei, fidi Israelis custodis, ineffabilis bonitas est, nunquam non excidit. Quiescere equidem pertinaces insidiæ post pulverariam

Cleri Pontificis Jesuitarum in primis adversus Regem Angliæ, religionem, statumque universum Angliæ terribilis conspiratio.

conspirationem visæ sunt. quanquam in tristissima tragedia illa, qua Carolus Jacobi Filius dirissimo & inaudito exemplo è medio sublatus est, haud postremas partes, accendendis intendendisque saltem partium exulceratarum odiis, tractasse Pontificios, non desunt, qui exquisitis rerum documentis comprobent. Cæterum insidiarum machinationumque perpetuarum ignem sub dolofo cinere latuisse, quin & sævisse sine intermissione ulla, fidem facit novissima conspiratio adversus moderni Angliæ Regis vitam, Regni statum, & Religionem in eo Evangelicam, quæ diu ante concepta, demum Octobri Anni M. D. C. LXXVIII. indicio accuratissimo Titi Oatis, Bedlovii & France juratorum testium; nec non Edmundi Berry Gothfrey, ad cognoscendam conjurationis ab Oate primùm detectæ causam delegati judicis primarii subitanea & clancularia cœde, nec non reorum non unius generis, Colemanii inprimis Secretarii, cui nomen Langshornii erat, & Jesuitarum aliquot convictione, consensuque Parlamenti totius, patefacta & comprobata est. Conspirationis architecti denuo Jesuitæ, parricidiorum doctores ductoresque, fuerunt; Oliva inprimis, eorum Generalis, qui officia sua conjuratis, etiam exercitui ingenti conscribendo distribuit; nec non Jesuitæ Angli, Thomas Whitebrand & Richardus Strong, Provinciales, Ahsly, Harcourt, Jennison, Keines, Wright, aliique Hispani etiam complures; quibus alii quoque tum Monachi Angli, Benedictini, Carmelitæ, Franciscani & Dominicani, tum Sacerdotes, quorum singulorum, ut & aliorum complicum, nomina in Actis, Parlamenti Anglicani jussu vulgatis, edita videre est; suppetias tulerunt. Bullam equidem, qua nova Papalis, quam in Angliam introducere conjurati meditabantur, tum Hierarchia, tum regiminis Politici forma præscripta continebatur, conjurati iidem, ceu à Pon-

tifice ipso profectam venditaverant. quam tamen à Jesuitis potius confectam fuisse, saniores judicârunt. De eo quicquid sit, id certum est, Londini in Concilio Jesuitarum, Sathanico cæstro percitorum, Regem capitaliter accusatum damnatumque esse; & damnatione eadem etiam Regis fratrem, siquidem coronam Regni, ceu beneficium Papæ accipere, novam hierarchiam tueri, in Regis fratris, & subditorum Protestantium dirisissimam necem, urbisque Londinensis & aliarum incendium consentire, denique universa Protestantium sacra abolere, & Papatum invehere recusaverit, nec non Principem Arausionensem, utpote Stuartorum propaginem, comprehensos fuisse. Steteratque sententia, *Regem* quidem per Monachos Benedictinos Anglos, Andertonum & Coniers, nec non allectos in societatem facinoris Hibernos quatuor, gladio seu cultro oblongo; atque si id non succederet, per Pickeringium & Graves, sclopeto; demum, si & hic conatus irritus caderet, opera Georgii Wakemanni, Reginæ Archiatri, quindecim mille librarum mercede, Doctore Forgathy & Colemanno cum eo contracturis, conducendi, veneno propinato: *Fratrem Regis*, siquidem spem de se conceptam fefellerit, aliis dirisque etiam modis: denique Principem *Arausionensem*, duodecim Jesuitis in Hollandiam ablegandis, sanguinaria adversus eum consilia machinaturis, è medio tollere, atque sic Regnatricem domum Stuartorum radicitus extirpare. Occupatio verò & subjugatio Regnorum Angliæ, Scotiæ & Hiberniæ ejusmodi decreta & conclusa est, ut Hibernia quidem tum intestinis motibus, post cœdem Ducis Ormontii, per quatuor sicarios Hibernos designatos, patrandam, excitatis; tum peregrinorum armorum vi, suppetias Hibernis ab Episcopo & Clero Dublinensi à fidelitatis juramento Regi præstito relaxandis, latura, in potestatem redigatur: Anglia verò & Scotia,

spar-

sparsis in utraque per Jesuitas Presbyterianorum personas mentientes, & sub hac larva populum adversus Episcopos, in Scotia cumprimis, concitantes, discordiæ seminibus, internis dissidiis collisæ, debilitatæ, & post violentam mortem Regis, consurgente exercitu triginta milium Pontificiorum, occultè, ducibus cum Provinciali Angliæ imperia distribuyente, arcto fœdere colligatis, disposito, & cum superveniente exotica potestate conjuncto, urbibusque etiam præcipuis incendio subito destinatis, occupatæ subversæque, sub jugum Romani Pontificis mittantur. Novi etiam illius, quod meditabantur, Regni administratos in antecessum designari placuit. Nominatim autem Jesuitæ Provinciali Whitebrando dignitas & munus Archiepiscopi Cantuariensis; Calcari Episcopi Londinensis; Bellasi, Generalis; Comiti Arundelii, Cancellarii, Powes, Archithesaurarii; Wilhelmo Godolphin, Secreti Sigilli Custodis; Stafforto, Quæstoris; Colemanno, Secretarii Status; aliis alia munera dignitatesve destinatæ fuerant.

*detecta per
Titum Ostem*

CCCXXV. Cùm eousque consilia conjuratorum promota fuissent, ut res propediem in nervum eruptura videretur, Deus Uncti & Ecclesiæ suæ pervigil custos, qui in Coelo habitans hostium Regni sui consilia ridere & subfannare solet, quique toties Anglicanam Ecclesiam è præsentissimo discrimine liberavit, eandem etiamnum sibi, pro ineffabili gratia & bonitate sua, curæ esse, testificatus est. Movit enim cor conjuratorum non postremi, Titi Oatis, qui nefariæ societatis illius Secretarius, minima quæque calamo consignaverat, ut meditati sceleris, jam jam patrandi, horrore perculsus, & pia pœnitundine ductus, impia consilia detegere animum suum induxerit. Et primò quidem illa in Tongii, Theologi Angli, quem Jesuitis ob privatas similtates & infensum & invisum esse cognove-

rat,

rat, sinum effundere placuit. Mox verò circa initium Octobris A. M. D. C. LXXVIII. tota conjurationis series ex Ephemeridibus ejusdem Oatis, Regius prodita est. Absente Rege sine mora nonnulli in vincula rapti, judicésque iis, qui causam cognoscerent, dati sunt. Inter eos haud postremus Edmondus Berry Gothfrey die XII. Octobr. in secretum conclave, eo prætextu, quòd conjurationis arcana nonnulla detegenda ei sint, seductus, consciis Jesuitis tribus, per Robertum Grien, Laurentium Hill, aliósq. que nefariè strangulatus, & cadaver ejus pugione confossum in foveam projectum est. Conjurati non pauci convicti, damnatique legitimè, tragica morte conceptum animo nefas expiârunt. quos inter Colemannus ex propriis scriptis testibúsq. pluribus convictus licet, pertinaciter crimen diffiteri non desit. Eadem pertinacia Jesuitæ & sacerdotes Whitebrandus Provincialis, Harcourtus, Fenwickius, Gavanus & Turnerus d. XX. Junii M. D. C. LXXIX. ad supplicium ducti, crimina, quorum legitimè convicti sunt, morientium fide inficiari, Deoque sic & hominibus illudere non erubuerunt. quod juxta receptam æquivocationum doctrinam illos apud suos quidem excusatè facere potuisse, libro publica autoritate Londini eodem anno edito, clarissimè probatum est. Cœterum universæ conspirationis illius sacerimæ, à novissimis Cyclopibus, Regni Pontificii propagandi fervore fideratis, institutæ historiam, Parlamenti Anglicani autoritate publici jurisfactam, prolixius repetere superfedemus, Deo T. O. M. quas debemus, maximas & immortales gratias persolventes meritò, quòd à cervice Regis, Regni & Ecclesiæ, in primis suæ iterum exquisitissimas hostium insidias, exitiúmque præsentissimum, clementer adeò potentérque averruncavit.

*& supplicii
reorum magis
patescitis.*

CCCXXVI. Magnis conatibus in Anglia cum sic *clerus in Anglia magnis*
EC-

*missibus exci-
dens, ad Ec-
clesias Galli-
canas perver-
tendas sese
convertit.*

Ecclesiæ Romanæ clerus exciderit, impetum posthac o-
mnem in Hugenotos Galliæ, seu Ecclesias Protestantes
Gallicanas, majore hæctenus tristiorique, Deo permitten-
te, & suam inibi familiam longæ pacis usura corruptam,
vel explorante, vel castigante; successu, convertit. For-
te etiam Jesuita præcipuæ in Gallia autoritatis, qui in
Anglicanæ conspirationis ulcere ungues suos nimium de-
mersos habuisse ferebatur, sive attentati criminis reus fuit,
sive nullo suo merito delatus est, vindictam spirans, in-
festo præterea adversus Protestantes odio, novissimæ per-
secutionis æstum non parùm auxit, animosque exulcera-
tos ad meditandam *παρολθεΐαν* ampliùs exasperavit. In-
vitus equidem, fateor, nec sine gravi dolore animi, ad
memorandas novissimas Ecclesiæ illius afflictiones, attin-
gendamque adeò nigerrimam illam nubem, qua Cælum
hodie Gallicanum asperatur & contristatur, accedo, cum
talibus malis, uti S. Augustinus *Epist. 122.* loquitur, *non tam
prolixi libri, quàm prolixi fletus & gemitus debeantur.* Quia ta-
men res gravis momenti visa est, modusque persecutionis
non tam novus quàm renovatus ejusmodi est, ut simula-
tionum involucris violentiam suam tegat, eique vela quæ-
dam obtendens, dum vim differt, mille obliquarum &
Sinoniarum artium dolorumque vafritie incautos homi-
num animos premat & tantum non opprimat; omittere
non possum, quin rei totius seriem paucis pandam, ea-
démque opera piorum *συναγωνισμοὶ* ardentissimum provo-
cem. Exquisitæ verò persecutionis illius culpam in doli
machinatore Ecclesiæ Romanæ, cujus solius historiam
prosequimur, clero simulata pietate in potentum animis
regnante, unicè residere, res ipsa certè clamat.

*Edicti Nanne-
rensis, quo
Ecclesiarum
Gallicarum*

CCCXXVII. Quàm sævis cum tempestatibus Ec-
clesia Gallicana puriorem Dei cultum amplexa, superiore
Seculo conflictata fuerit, in loco abundè exposuimus. Pri-

mus Henricus IV. *Magni* nomen promeritus, post domitum in Regno toto Henoticæ factionis monstrum, non alia ratione Regno pacem & quietem solidam constare posse censuit, quàm si post varia edicta Prædecessorum, minùs ad stabilem concordiam proficua, legem concordia inter partes hæctenus distractas civilibus bellis perpetuam & irrefragabilem, solenniore modo, sanciret. *Auditis* itaque, uti ipse Rex loquitur, *Catholico-Romanorum querelis de cultu suo non ubique per Regnum exercito; Reformatorum verò de violata edictorum præcedentium fide, deque iis, quæ ad exercitium religionis suæ addi petebant, libertate conscientiarum, personarum & fortunarum securitate, collatis & recognitis præcedentibus edictis; Edictum A. M. D. XC. VII. condidit, quod à loco Nantes, quò conditum est, Nannetense dicitur. Componendi ejus negotium Viris ex utraque religione sapientia & moderatione maximè conspicuis, Schombergio, Thuano, Vico & Calignoni datum est. Scopus edicti erat, ut si nondum ea forma religionis permisisset se coli à subditis, eadem saltem intentione id fieret, & tali cum regula, ut nihil religionis causa tumultuum aut turbarum in Regno existeret, utque sic cultus Dei fieret ab omnibus subditis, interque eos firma & durabilis pax statumicaretur, ablata causa turbarum, quæ ob religionem accidere possent. Post Rex Deum precatur, omnibus is persuadeat firmiter, in legis hujus observantia, post officium erga Deum & Regem positum esse præcipuum unionis & concordia fundamentum, restitutionemque totius status in pristinum splendorem, robur atque opulentiam. Addit: *Necessarium judicavimus omnibus subditis hac de causa ponere legem generalem, claram, disertam & absolutam, per quam regantur in omnibus controversiis religionis causa & natis & nascituris, in qua utrique consentiant. Item: Hoc edicto perpetuo & irrevocabili statuimus, &c.* Plura ejusmodi in præfatione edicti legere est. Ex quibus liquet, conditoris decreti, quod à Rege jam Pontificio, eo tempore, quo bella per*

*Ref. libertas
niscitur, histo-
ria narrata,*

religionis causam antehac mota quiescebant; adeoque liberima sponte, nullo metu, vi nulla adacto, profectum est, eam mentem fuisse, ut Edictum isthoc Nannetense lex Regni *fundamentalis, generalis, clara, diserta, absoluta, regula controversiarum ob diversitatem religionis oborientium, irrevocabilis*, &c. habeatur ab omnibus. Eadem necessitatis, utilitatis ad salutem Regni, eandem *auderit* & perpetuitatem Edicto illi Filius Ludovicus XIII. declaratione .I. Maii A. M. D. C. X. edita, qua declarat, *licet edictum hoc sit perpetuum & irrefragabile, ut confirmatione per novam declarationem non indigeat; Se tamen ex sententia sua Principumque Sanguinis, Parium & Officiariorum Corona, statuere, ut edictum illud in omnibus capitibus & articulis, unâ cum decretis & statutis super interpretatione & executione ejus factis, inviolatum servetur, & contravenientes, cum publicæ quietis perturbatores, severè puniantur*; attribuit. Et ne Reformati ob motus, quibus Duce Rohanio nonnulli impliciti fuerant, libertate per edictum illud stabilita excidisse viderentur, idem Rex novo edicto, mense Julio A. M. D. C. XXIX. Nemausi promulgato eandem confirmavit his verbis: *Volumus, ut Reformati per omnia fruantur Edicto Nannetensi, & aliis edictis, Articulis, Brevibus, Declarationibus in acta Parliamentorum relatis, & propterea habeant liberum exercitium dictæ religionis in omnibus locis, ubi pax illa conceditur. Nihil de moderni Regis Christianissimi benignissimis declarationibus, d. VI. I. Julii A. M. D. C. XLII. nec non XXI. Maii A. M. D. C. LII. editis, quibus luculentissimè cum Edictum Nannetense, tum alia etiam in gratiam Reformatorum condita, confirmantur, dicam. Edicti porro illius Pontificiorum maximè respectu utilitatem Illustri Vir Petrus Bellojus, Consiliarius Regius, & Advocatus in Parlamento Tholosano Generalis, publico scripto, nec non Petrus Matthæus *Histor. Henrici IV. lib. II.* demonstrarunt. Præterquam enim quòd vi Edicti illius Reformatis*

in quibusdam duntaxat locis, at Pontificiis promiscuè in omnibus, liberum religionis exercitium concessum est; grande etiam emolumentum ex eo ad Clerum Pontificium redundavit, cum per illud præter alia bona ecclesiastica, quibus antea privati fuerant, etiam decimarum pensiones, quas Reformati iis, qui eorum Pastores non erant, ante Edictum illud non debuerant, ei redditæ fuerint. Statuerat quidem solenni diplomate Henricus I V. ut Reformati in compensationem decimarum, quas clero Romano pendere cogeantur, ex ærario Regio quotannis, in sumptus alendis Pastoribus necessarios, centum triginta quinque millia librarum erogentur. Diu tamen est, quòd summam eam sibi, legi obtemperantibus, decimasque pendentibus licet, non persolvi amplius iidem conqueruntur.

CCCXXVIII. Non obstante salutari Edicto, quod ex conditorum mente irrefragabile & sacrosanctum esse debuerat, inde ab annis potissimum viginti, & quod excurrit, Clerus Pontificius, continuis machinationibus, insidiis, interpretationibus subdolis, aliisque artibus vaserimis eò fere rem deduxit, ut ejus cardines & fundamenta pleraque convulsa jam sint, & convellantur indies. Cum enim ejus præcipua capita, Evangelicos concernentia, circa libertatem conscientiae, consolationem ægrotantium & afflictorum, educationem liberorum, loca exercitiorum & Scholarum publicarum, disciplinæ Ecclesiasticæ liberum exercitium, Camerarum Edictalium tribuna-
Modernis persecutionibus violari illud varie ostenditur.

lia, Justitiæ ἀποστοπολήσις administrandæ ergo instituta, admissionem Reformatorum ad pares prærogativas, omnes artes, professiones & munera publica, versentur; singula isthæc labefactata esse nimium, & labefactari quotidie, experientia tristis nimium proh dolor! nimiumque comprobatur.

CCCXXIX. Etenim quoad libertatem conscientiae, cau-
nominatum in articulis con-

*cernentibus
libertatem
conscientia;*

tum est Ediſti articulo Generali ſexto, ut Reformatis æ-
què ac Pontificiis liberum ſit vivere & habitare in omni-
bus urbibus & locis Regni, *ita ut non inquirantur, non vexen-
tur, moleſtia nulla afficiantur, nec conſtringantur quicquam facere
in religionis cauſa contra conſcientiam ſuam, nec propter illam qua-
ſtionem ullam patiantur in domibus & locis, ubi habitare volunt.*
Articulo quin etiam decimo nono ſancitur, *ne Reformati ul-
lo modo adſtringantur, aut maneat obligati ratione abjuratorum,
promiſſionum, aut iuramentorum antehac præſtitorum, aut cantio-
num & fide iuſſionum per eos datarum, in cauſa religionis; neque
ideo poſſint vexari aut moleſtia affici quocunque modo.* Judicet por-
ro, qui volet, an ejuſmodi conſcientiæ libertas ampliùs
conſtet iis, qui inconfideratiùs ad Pontificios tranſeuntes,
redire ad Reformatam, quam priùs conſeſſi fuerant, reli-
gionem, quantumvis angente & torquente conſcientia,
prohibentur; quos vel perpetuo conſcientiæ tormento fla-
gellari, ſi obediverint; vel perpetui exilii, ſi non obedi-
verint; multam ſuſtinere oportet: qui poſt ſubitos ſemel
ordines ſacros, imò hodie Pontificii ſine discrimine omnes,
Reformatam religionem amplecti quolibet prætextu ve-
tantur, adeoque pœnarum metu eam religionem, quam
pravam exiſtimant, retinere coguntur: qui hoſtiam à ſa-
criculo circumgeſtari ſolitam ex improvifo obviam, &
indeclinabilem, reverentia & capitis apertione, alicubi
etiam geniculatione, aliſſque modis, quibus profeſſi Pon-
tificii Sacramentum ſibi occurrens proſequuntur, honora-
re, ſub gravi pœna, imperantur; adeoque ad idololatriam
adſtringuntur, etiam ex mente Pontificiorum, cùm ab
iſſis exigatur adoratio Divina ejus rei, quam ſe pro Deo
nec habere, nec habere poſſe, diſertis verbis teſtantur:
qui qualibet occaſione, veluti cùm præſentibus Pontifi-
ciis, quos movere ſermo poteſt, fidei ſuæ rationem red-
dunt, vel objectionibus motis reſpondent, vel quærentes
de

de religione instituunt, vel potentibus libros orthodoxos mutuos concedunt, *subornationis* & *inductionis*, quam Edictum Nannetenſe ad infantes invitis parentibus ſolicitatos & impuberes reſtringit, accuſantur, & non raro peracti rei pœnam luunt: qui auditores ſuos de fidei Pontificiæ falſitate ex Dei verbo inſtruentes, vel violati reſpectus, vel impietatis & blaſphemiæ ilico coram iudice inſenſo inſimulantur: qui laudum Divinarum celebratione, & hymnorum Davidis à Spiritu S. inſpiratorum cantu intra privatos parietes interdiciuntur: qui errores & ſuperſtitiones, qui in Romana Eccleſia invaluerunt, arguere ex Dei verbo, & ſcapham ſcapham appellare vetantur: qui libros religionem concernentes, ſuperſtitionemque Pontificiam paulò liberiùs perſtringentes imprimere & vendere, citra permiſſionem Magiſtratum & Procuratorum Regionum prohibentur: qui Templis & exercitiis religionis publicis innumeris, celebribus quin etiam hætenus ſcholis & Academiis privati, verbum Dei vel planè non, vel non ſine graviſſimis ſumptibus & difficultatibus audire poſſunt: qui ob ſolam religionis profeſſionem tot vitæ & fortunarum discrimina ſubire, tot tœdia moleſtiâſque devorare, tot ludibria & opprobria ſacrificulorum, Zelotarum iniquiſſimorum, & eorundem tribunitiis concionibus inflammati, ſævientis & laſcivientis populi perferre coguntur: qui in deplorato ejuſmodi ſtatu poſiti, nec aliò ſine ingenti vitæ & fortunarum discrimine migrare, nec in Regno tutò vivere, vel ſpirituali verbi Divini cibo veſci poſſunt; adeoque Regnum pro carcere, ex quo pejora in dies metuenda ſunt, habere coguntur. Atqui pleraque hæc recentiſſimis edictis, quorum dies, anni & tenor vulgo notiſſimi ſunt; confirmata, & quotidie impune patrata, conſcientiæ libertatem vel imminutam plurimùm, vel alicubi etiam ſublata penitus, manifeſtè arguunt.

*Ægrotorum &
afflictorum
consolationem;*

CCCXXX. *Ægrotorum & afflictorum consolatio*; si quid aliud, ad conscientia libertatem pertinet. De ea sic Edicti articulo quarto particulari cautum legimus: *Non tenebuntur hortationes accipere, cum ægotabunt, aut morti appropinquabunt, siue per Magistratum damnati, siue alii, ab aliis, quàm religionis suæ consortibus; poteruntque frui consolationibus & visitationibus Ministrorum suorum sine ulla turbatione.* Articulo huic conformes sint nec ne novissimæ circa ægotantes & affictos consolandos & visitandos declarationes, edicta & decreta, iterum pii & prudentes arbitrentur omnes. Eousque Ecclesiasticorum potentia & inhumanitas prævaluit, ut declaratio ejusmodi jam A. M. D. C. LXIV. promulgata fuerit, *licere Parochis locorum (Pontificiis) comitibus judice, scabino aut consule, ægotanti se sistere, & ex illo cognoscere, in Religione Pontificia, an Reformata mori velit.* Leve hoc videbitur, sacrificulum tale quid ex ægotantibus percontari, dummodo ad mutationem religionis sollicitare quenquam integrum ei non sit. Atqui & turbatio manifesta hæc est ægotantium, & fidem omnem experientiamque superat, Parochum Curatum, super insitam licentiam adversus eos, qui omnium injuriis expositi sunt; nixum auctoritate præsentis Magistratus Pontificii, compotemque ita & dominum conclavis, in quo æger decumbit, nihil prolaturum, illi ad partes suas sollicitando, inprimis cum neglecta conditione apposita, Curati siue Parochi, imò alii etiam sacrificuli & Monachi non vocati, soli ad ægotantes multis in locis ingrediantur; quin & (sit hoc planè præter tenorem edicti, ab iis, qui odiosa non restringunt, sed pro lubitu ampliant) ægotantis consanguineis proximis, ei hætenus assistentibus, secedere jussis, scrutinium isthoc, ferè peragi soleat. Ita, dum æger, siue ob morbum parum mentis suæ compos annuens votis, siue ambiguo generalique verbo bona rectaque intentione usus, siue civili-

bus verbis prolocutus id, quod præter mentem ejus ad religionis negotium rapi potest, live nutu etiam & gestu, cujus interpretatio huc illuc torqueri potest, usus, statim Pontificius proclamatur; ilico uxor à marito, liberi à parente, propinquus à propinquo, amicus ab amico avellitur, solisque Pontificius ingressus in conclave, cæteris charitatibus non sine contumelia, ceu hostibus ab arce obsessa procul amotis, conceditur: mortuus Romano ritu sepelitur, & liberi impuberésque in Pontificia confessione educantur: convalescens verò nequicquam protestatus de injuria, vel ad Pontificia sacra adigitur, vel *Relapsi* pœnam statutam subit. Testor fidem hominum, an dirius aliquid excogitari potuerit perturbatione tanta morientium, qui in decretorio isto certamine, quo pro æternitatis brabeo, si unquam aliàs, decertandum iis validè est, adeoque eo etiam temporis articulo, quo

Labuntur frigida letho.

Lumina, purpureus quondam color ora relinquit;
à novis veluti furiis istis ita torquentur crucianturque, ut valentes adhuc de agone ejusmodi nunquam sine horrore cogitare possint: Taceo quòd ii, qui sive inquilini, sive advenæ, Xenodochia & nosocomia subire coguntur, si lethalem in morbum inciderint, passim consolatoribus Evangelicis privantur, substitutis sacrificulis & Monachis, qui ad pervertendos miseros nullum non lapidem movent: quodque captivos & damnatos nonnisi summissa voce, quod surdastris nihil prodest, & in conclavi separato, quod non ubique vel conceditur, vel præsto est, consolari licet. Forte etiam huc referri potest edictum inhumanissimum, quo puerperis ne obstetrices alias quàm Pontificias adhibeant, interdicitur, cum nec semper tales in promptu sint; & horrorem id ipsum imbelli sexui incutiat haud dubiè, & Baptismo mulierum viam mu-

niat; & alia post se non minùs tristia & funesta trahat.

Liberorum

educationem;

CCCXXI. De *educatione liberorum* quid dicam? Edicti quidem articulo decimo octavo generali prohibetur quibusvis *liberorum ablatio, sive per vim, sive per inductionem, contra parentum voluntatem.* Non hic commemoro, quòd impuberes castigationis paternæ impatientes, seducti profugique, & ad Pontificia sacra illecti ita detinentur, ut parentes etiam sumptus iis alendis suppeditare cogantur: quòdque liberis utroque parente orbis tutores nonnisi Pontificii dantur. Hoc verò omnes inhumanitatis, ne quid aliud dicam, numeros implet, quòd juxta edictum die XVII. Junii A. M. D. C. LXXXI. promulgatum liberis septennibus, adeoque infantix adhuc proximis, sacrificulorum examini subjectis optio data est, quam velint, religionem amplectendi; ea lege, ut si sacrificulorum blanditiis persuasi professionem religionis contrariæ qualemcunque ediderint, hæc eorum professio adeò habeatur rata, ut nulla ratione revocari vel retractari queat; nec à Parentibus, in quorum potestate liberi hujus inprimis ætatis versantur: nec à liberis ipsis, cum adultiores facti pœnitentia ducuntur eorum, quæ in pueritia imprudentes & seducti egerunt. Sic parentes sua in liberos potestate spoliantur: pueris verò, quibus intellectus nullus vel exiguus est judicandi de rebus & negotiis vitam hanc præsentem concernentibus, I. Cor. XIII. II. nedum de rebus fidei, utpote quibus comparantur expertes notitiæ religionis, nec non inconstantes, & in ea fluctuantes I. Cor. XIV. 20. Ephes. IV. 14. ea judicii tribuitur maturitas, quæ ad rem maximi momenti, electionem scilicet religionis ad salutem æternam unicè ducentis; ad quam sensus exercitati in scriptura, nec non potestas probandi spiritus, & quod bonum est, retinendi I. Joh. IV. I. 4. I. Thess. V. 20. Hebr. V. 14. requiruntur, sufficiat. Cujusmodi judicium qui in septen-

ni nato quærit, næ fructum is maturum in furculo quærit. Tametsi verò edictum isthoc omnium funestissimum, cum Edicti Nannetensis articulis variis, declaratione ipsius Regis A. M. D. C. LXXIX. edita; jure naturali, quod minores parentum potestati & educationi subijcit; nec non civili, ecclesiastico & gentium omnium, Christianarum inprimis, è diametro pugnare, supplice libello Subditi & misericordiam & justitiam implorantes humilimè, demonstrârunt, hætenus tamen operam perdiderunt omnem, & edicto mortis ipsius sententia ferali tristiori cervicem submittere miseri coguntur.

CCCXXXII. Quantopere *publicum religionis exercitium* labefactetur infringatûrque in dies, experientia tristis nimium pro dolor testatur. Etenim Edicti Nannetensis articulo trigesimo quinto particulari definitum est, *licere populum congregare pulsatis campanis, & exercere omnes actus & functiones pertinentes ad exercitium dictæ religionis, & ad regimen discipline, cujusmodi sunt Consistoria, Colloquia, Synodi Provinciales & Nationales, cum permisso Regis.* Articulo decimo sexto generali etiam facultas *construendi Tempia* conceditur. Jus illud Edictum evidenter attribuit locis distinctis harum classium; *primò illis, quæ possidebant publicum, aut possidere debebant* A. M. D. LXXVI I. articulo Generali decimo; *Secundò illis, quæ possidebant exercitium constitutum & publicè peractum* sæpius A. M. D. XCVI I. & M. D. XCVI I. articulo Generali nono; *tertiò binis locis in quolibet districtu seu Ballivatu, quæ peturi erunt Evangelici præter superiora, articulo generali undecimo, & particularibus sexto, septimo & octavo; quartò illis, quæ ad Nobiles aut Dominos Reformatos pertinentia plenum habent feudum & altæ justitiæ, articulo generali septimo.* Quibus addi possunt domus illæ, *quæ feuda minora sine alta justitiâ possident*, ubi cœtus non potest esse plus quàm triginta hominum, præter familiam Domini, articulo ge-

*Religionis
& exercitium
publicum:*

nerali octavo. Post conditum jam Edictum A. M. D. XCIX. Henricus Magnus in Provincias milit Delegatos seu Commissarios, Edicti executores, qui rebus juxta tenorem edicti compositis maximè providerent, ut in dictis locis exercitia collocarentur, quod in plerisque effectum est. Ex eo tempore omnia exercitia sua, fundamentis illis innixa in locis illis habuerunt, exceptis iis, quæ ex jure feudi seu altæ justitiæ per edictum novis Dominis instituere licuerat, & paucis etiam aliis, quæ primùm indubitatè institui debuerant, & de quibus etiamnum jure constabat, aut quæ ob singulares causas, velut inopiam sumptuum, & Pontificiorum eo in loco obstaculo, interrupta fuerant. Si quæ nova Tempia constructa sunt, factum id est secundum tenorem Edicti iis in locis, quæ jus exercitii, aut jam ante etiam Tempia habuerant. Atque exercitia ejusmodi per Commissarios, Edicti executores rebus maturè expensis constituta & approbata, vi legis ipsius *perpetua & irrefragabilis* judicata meritò ejusmodi sunt, ut nullo tempore *revocari* & aboleri possint.

*variis modis
labefactatum.*

CCCXXXIII. Hic verò, si uspiam alibi, vires odiûmque suum erga Reformatos Pontificio Clero periclitari placuit. Postquam enim hinc inde varia exercitia & Tempia aggressi sunt, & nonnulla etiam, infirmioribus ob magnitudinem impensarum infinitasque litium ambages succumbentibus, everterunt; nova etiam Edicta, religioni Reformatæ *παρολθεῖαν* minitantiâ, Regi extorserunt. Etenim non tantum XXI I. Febr. A. M. D. C. LXIV. edita edita varia sunt, quibus Pastoribus, ne extra locum residentia & in annexis Ecclesiis, quarum tantus numerus erat, ut alicubi Ecclesiarum Principalium numerum superaverint, concionarentur ampliùs, prohibitum est; Nobilibusque insuper, aut habentibus feuda altæ justitiæ exercitium publicum in locis de dominio Regis emptis subla-

sublatum est: verum insuper etiam missis in Provincias Commissariis, in speciem Edicti Nannetenſis, in gratiam etiam & favorem Reformatorum executoribus futuris, omniâque ad Edicti normam revocaturis, (unde Reformati certam malorum, quæ patiebantur, ob erepta hinc inde exercitia, medelam sperabant) ita delusi iidem & artificiosissimis technis circumscripti sunt, ut ingentem exercitiorum Templorumque plurimorum jacturam intra tempus brevissimum fecerint, faciântque adhuc. Munus isthoc Edictum Nannetenſe exequendi datum est, Intendenti cuiuspiam Provinciarum, Viro præcipuæ authoritatis, exploratæque in rebus gerendis dexteritatis, qui ascito in speciem comite homine Reformato vel obnoxio, vel nullatenus cum Intendente comparando, Provinciam obivit, Evangelicas Ecclesias sine discrimine omnes, adeoque eas etiam, quarum exercitia Edicti tempore per Regios, uti diximus, Commissarios dijudicata, ritæque constituta fuerant, jura exercitii sui idoneis documentis demonstrare jussit. Et probationes quidem olim facilimæ evaserunt difficiles, imò alicubi post tanti temporis lapsum impossibiles; præsertim quia prima illa exercitiorum per commissarios constitutio semel solenniter facta posthac futura planè immota & inconcussa credita est; & documenta etiam plurima per incendia, nec non religionis mutationem in familiis, quæ illa asservabant, urbium expugnationes, fraudes varias, aliósque casus, perierant. Ibi igitur arbitrio Intendentis Tempora clausa, exercitia abolita sunt. Si quæ probationes supererant, ex Seniorum, etiam Pontificiorum testimoniis de possessione A. M. D. XCVI. & M. D. XCVII. collectæ, per edictum Regium A. M. D. C. LXII. rejectæ simpliciter sunt. Reliquæ probationes ex Codicibus Notariorum, libris Baptismatum, Consistoriorum, aliisque scripturis depromptæ plerunque etiam, ceu mi-

nus validæ neglectæ; quin & ipsa priscorum commissario-
rum acta, si qua etiamnum in promptu erant, parvi ha-
bita, & quandoquæ etiam planè spreta sunt. Aderat In-
tendenti perpetuus ferè consultor & instigator Jesuita re-
coctæ fraudis Meinerius, qui stipendio ejus rei causa ac-
cepto varias Provincias circumivit, judiciisque interfuit.
Ita, procedentibus Commissariorum judiciis, factum est,
ut intra breve tempus Exercitia irrefragabili jure nixa, abo-
lita sint incredibili numero; templa destructa plurima pul-
cherimæque, operi instantibus, manúsque admoventibus
etiam clericis Romanis, cum infinitis contumeliis & vio-
lentiis, & sumptus ingentes imponentibus iis, qui ipsimet
Templa sua destruere abnuissent. Quamobrem etiam cle-
rus Gallicanus Lutetiæ novissimæ congregatus Regi am-
plissimas gratias, quòd ejus auspiciis innumera multitudo
Templorum Reformatorum cultui hactenus inservien-
tium destructa soloque adæquata sint, professus fertur.

*Vexationes &
pericula Pa-
storum in Ec-
clesiis adhuc
superstitibus.*

CCCCXXXIV. Taceo vexationes & pericula mille
Pastorum in Ecclesiis adhuc superstitibus eorum inprimis,
qui spiritu Dei fervent; qui tot recentibus edictis constri-
cti, sicubi adversus illa vel revera prudentes imprudentes-
ve, vel falsa delatione hostium impeerint; si à suborna-
tis concionum auditoribus, plerunque rudibus & malitio-
sis, rectè pièque dicta malignè interpretantibus, & falsa
etiam fingentibus, pro Reformata religione adversus Pon-
tificiam aliquid dixisse liberiùs accusati fuerint, hinc inde
in vincula rapti, grandibus multis pecuniariis afficiuntur,
palinodiam probrosam canere judiciis coram coguntur,
aliquando à carnificibus etiam raptantur, bonis fisco ad-
dictis universæ Galliæ finibus exterminantur.

*Scholarum
& Acade-
miarum re-
strictio vel
suppressio.*

CCCCXXXV. Jam & Scholis, ex quibus viri pii,
docti, periti, verbo & opere potentes; universi etiam gna-
ri sermonis justitiæ prodire sueverunt, evertendis unicè cle-

cleri studiâ infudârunt. Statutum equidem est Ediçti articulo generali decimo tertio, & speciali trigesimo octavo, *ut Reformatis iis locis, quibus exercitium publicum permittitur, fas sit habere Scholas publicas, & exercere actus instructionis publicæ puerorum in eo, quod religionem concernit.* Contra novitiis ediçtis, cleri violentia extortis, non aliæ in locis exercitii publici Scholæ permittuntur, quàm eæ, *in quibus doceantur tantum legere, scribere & arithmeticam.* quasi indigni essent, qui in Grammatica, humanioribus literis, aut ritè colendi Dei studiis exercerentur. Ne quod autem malo præsentissimo remedium privata institutione quæri possit, vix privatis præceptoribus familias frequentare licet: Scripturam & arithmeticam profitentibus per Ediçta Parliamentorum, præsertim Rhotomagensis, magisterium artis denegatur; Pastoribus quinetiam, ne plures quàm duos commensales & discipulos alant, interdicitur. Denique novissimo ediçto sancitum, ut in locis iis, quibus religionis adhuc exercitium viget, præceptor seu Ludimagister unicus toleretur; cùm pluribus locis juvenus adeo frequens sit, ut ei instituendæ vix sex sufficiant. Ediçti scopus haud dubiè est, ut Pontificias scholas reliqui frequentare, non sine manifesto seductionis ad Papatum, Monasticos inprimis ordines ætate nec dum matura subeundos, periculo subigantur. Nihil dicam de Scholis & Academiis celeberrimis, ex quibus ceu Trojano equo, γῆστοι Apollines prodierunt hætenus, quæ vel clausæ planè, imò & hostibus Evangelici nominis traditæ, vel cum aliis etiam obscuris permutatæ sunt.

CCCXXXVI. Sine *disciplina Ecclesiasticæ exercitio* EX-Exercitii disciplina Ecclesiastica infra- ternus religionis cultus ferè frigere solet. Cautum proin-
est Ediçti articulo particulari tricesimo quinto, *licere Re-* formatis facere omnes actus pertinentes ad regimen disciplinae (complexus.

jus scilicet corpus pluribus ante ediçtum annis composi-

tum, longaque praxi confirmatum Rex noverat) *veluti*, *habere consistoria, colloquia, Synodos Provinciales & Nationales, Regis permissu; in locis, ubi exercitium permittitur.* Recentioribus contra edictis exercitii disciplinæ nervus non parum equidem solutus atque incisus est. Non tantum enim *colloquiorum* sive classium, quæ quotannis celebrari, & in quibus urgentiora negotia per paucos expediri, continua septuaginta annorum praxi, fuerant, *celebrationes* interdictæ sunt, præterquam durantibus Synodis; quo tempore ne quidem institui possunt, cum Delegatus Regius, qui unicus est, simul Synodo, simul Colloquiis septem vel octo interesse non possit; absente verò eodem nec Synodi, nec Colloquia celebrari valeant: sed etiam *correspondentias cum aliis Provinciis habere, etiam occasione appellationum ab aliis Synodis; aut in Synodorum interstitio de ulla re deliberare per literas circulares, aliòve modo; aut recipere Candidatos; aut delegationes curandis negotiis mandare, prohibitum est.* Ita enim impeditur convocatio Synodorum, quæ nisi per literas circulares fieri nequit; & iudicium de rebus ecclesiasticis, circa quas provocatio est; utpote quod differre jubentur ad Synodum usque Nationalem, hoc est, in duodecimum, vel decimum quintum etiam annum usque. cum tamen tertio quoque anno ex disciplina celebrari debuerit. Non aliò hæc tendunt, quàm ut per scandala & *atrazias* perpetuas Ecclesiæ destruantur. Denique libertas etiam Synodorum, Regiis Commissariis, juxta edictum novissimum, duobus in illis comparentibus, & arcanissima quæque rimantibus, exquisitæque indagine cingentibus, tantum non pessumdata jacet.

*Camerarum
Edictus.*

CCCXXXVII. Unicum innocentie afflictorum, post Deum & Regem, Reformatis in Gallia præsidium positum erat hætenus in Tribunalibus. *Camerarum edicti*, in gratiam eorundem ad vitæ bonorumque securitatem,

ab

ab Henrico Principe Optimo & justissimo erecta. Provi-
 derat is, experiundo etiam & rebus ipsis hactenus edoctus,
 injustitiam ubique regnaturam, neque finem modumque
 futurum querelarum & contentionum in Regno, si pars
 debilior fortiori, religionis odio flagranti, justitiámque
 & leges pensi non habituræ, hoc est, Reformati judi-
 cum merè Pontificiorum tribunalibus subjicerentur. Sum-
 mum igitur à Deo in Regno suo justitiæ Sacerdotem cum
 se constitutum agnosceret meritò, ut justitia tribuatur &
 administretur subditis sine ulla suspitione, odio & fave-
 re, cum hoc perspexerit esse ex præcipuis remediis ad eos
 in pace & concordia tuendos; constituit *Cameras Edicti*,
 seu, *Edictales*; tres quidem bipertitas Gratianopoli, Ca-
 stris & Burdegalæ, in quibus Pontificii & Reformati ju-
 dices æquali numero judicarent; duas verò Parisiis & Rho-
 tomagi, in quibus tamen unus duntaxat sedebat judex
 Reformatus, licet in istis etiam æqualis judicum nume-
 rus promissus, ast ecclesiasticorum astu præstitus non fue-
 rit. De Rhotomageni Camera Edicti articulo generali tri-
 gesimo; de cæteris trigésimo primo, secundo, tertio, &c.
 legere est. Articulo tricesimo quarto sic jurisdictio judi-
 cum illorum definitur: *Cognoscent & judicabunt supremo judi-
 cio & ultimo per arresta, aliis omnibus exclusis, omnes lites & con-
 troversias motas & movendas, in quibus Pontificii & Reformati
 erunt partes principales, aut fideiussores, actores sive rei, in omni-
 bus materiis sive civilibus sive criminalibus.* paucis casibus, qui
 ibi exprimuntur, exceptis. Articulo quinquagesimo se-
 cundo jurisdictio illa extenditur *ad ea omnia, quæ pertinent ad
 executionem Edictorum, quando prædicti erunt partes.* Articulo
 sexagesimo quarto: *Inhibemus & interdicimus omnibus curiis no-
 stris supremis, & aliis hujus Regni, ne cognoscant & judicent lites
 civiles & criminales illorum prædictæ religionis, quarum cognitio
 attribuitur per nostrum edictum cameris.*

Violenta
suppressio.

CCCXXXVIII. Tam potens verò Clerus Romanensis fuit, ut sacrum etiam isthoc iustitiæ intemeratæ palladium paulatim concuteret, tandemque etiam penitus subverteret. Et primùm quidem edicto 2. April. A. M. D. C. LXVI. lato statutum est, *ut omnes, qui accusantur criminis Relapsus, apostasie* (hoc est, transitus Ecclesiasticorum ad Evangelicos) *aut blasphemiarum & impietatum in mysteria religionis Catholicæ prolatarum, per unumquodque Parlamentum in districtu suo judicentur.* Ita relapsi, à Papatu ad Evangelicos conversi, & liberius de Pontificiæ Religionis mysteriis prolocuti, Cameris Edicti subtracti, & Parlamentorum, in quibus Pontificii Iudices rerum potiuntur, judiciis obnoxii redditi, adeoque in præsentissimum vitæ ac fortunarum omnium discrimen adducti sunt. Prostant exempla horrendarum pœnarum à Parlamentis ejusmodi, Reformatis innocentibus inflictarum. Sed fuerunt hæc ἀρχαὶ καὶ ἀσθεν. Mox enim A. M. D. C. LXVII. Camera Edictales Parisiensis & Rhotomagensis; ac novissimè etiam Bipartitæ reliquæ in universum suppressæ, Reformatique adeò omnes in controversiis qualibuscunque cum Pontificiis sibi intercedentibus, judicum infensissimorum tribunalibus, ceu libidinis & odii illorum piaculares victimæ, miserandum in modum subiecti sunt. Quæ mala inde innocentissimorum quorumque cervicibus impostero etiam impendeant, non sine horrore cogitari potest.

Parium cum
Pontificiis
prærogativa-
rum abroga-
tio.

CCCXXXIX. Denique Edicto eodem Reformati ad pares cum Pontificiis prærogativas admissi sunt. Articulo quippe vicesimo septimo declarantur capaces ad exercendum & tenendum omnes status, dignitates, officia & quævis munera publica, Regia, dominica, aut urbium Regni, &c. non obstantibus omnibus iuramentis in contrarium, atque promiscuè ad illa admittuntur. Item vacantibus muneribus providebitur per nos de personis idoneis, sine distinctione & indifferenter. cùm id faciat ad

unionem subditorum nostrorum. Item admittentur ad omnia consilia, functiones, &c. nec ob eorum religionem inde arcebuntur. Reformatos verò muneribus publicis defunctos hodie passim exauthorari, & eò aspirantes removeri, perinde ac si honoribus & procurationibus publicis nunc demum indigni esse cœpissent; satis constat. Sed majus est, quod recentioribus declarationibus & edictis vis illa antiqui, quod *perpetuum, irrevocabile* esse debuerat, etiam heic resolvitur. utpote quarum vi Senioribus Magistratibus Reformatis præsidentia, ingressus ordinum Provinciæ & cœtuum, qui ad tributorum impositionem fiunt, quò sic præ reliquis impositionibus obrui possint; munera municipalia unica, veluti graphiariorum, Curatorum, horologii, imo & Janitorum; nec non Procuratorum, Notariorum, apparitorum, advocatorum, &c. sublata sunt. Industriis porro media rem familiarem augendi eripiuntur, divites exhauriuntur, opificia artésque aliæ seu liberales seu illiberales iis vel abrogantur, vel affliguntur, pauperes ad desperationem adiguntur, litigantes in foro judicem minùs faventem & æquum experiuntur. Eò denique perventum, ut recentiori seu edicto seu declaratione constitutum sit, ut conversi ad religionem Pontificiam immunes sint à solvendis debitis Reformatorum, è quorum scilicet numero erant eo tempore, quo debita contracta sunt.

CCCXL. Neque verò recentiorum sive edictorum, sive declarationum afflictionumque finis vel modus ullus est. Quin potiùs unda undam trudit, & abyssus abyssum invocat. Laborantque quotidie exquisitissima ingenia in comminiscendis novis artibus, quibus miseri *κατασφίγγει*, circumveniri, irretiri, & edictorum declarationumque talium numero (intra triennium enim proximè exactum plusquam triginta emanarunt) atque mole ita confusi & districti, ut parere junctim omnibus & singulis, vel ob

*Persecutio
Ecclesie ejus-
dem ingra-
vescens,*

Et pressorum
oppressorum-
que innocen-
tia,

solius memoriæ infirmitatem & defectum, poenè impossibile sit; in exitii nassam pertrahi valeant. Atque dum ita malè habentur, nefas iis est, quiritari, quòd persecutionem ullam patiantur. Expressio enim edicto cautum est, ut *persecutionis* nomine abstineant. Quin & recentiora illa edicta nonnisi *declarationum edicti ad casus singulares decidendos* nomine venditantur. Salvòque Nannetenſi edicto cuncta isthæc adversus Protestantes in Gallia attentari, publicis etiam scriptis authores nonnulli, Bernardus cumprimis & Filleau, Nannetenſis Edicti famosi interpretes, persuadere conati sunt. Quanquam non defunt, qui assa voce profiteantur, edictis recentioribus Nannetenſe & violari, & jure violari. Constat tamen, sceleris, maleficii vel perfidiæ erga Regem, cujus merito pacta, Edicta *perpetua, irrevocabilia* rescindi jure, atque illi gratia Regis sui excidere debuerint, nullius compertos unquam esse, adeoque pati illos non ut latrones, fures, maleficos, sed ut Christianos, ob solam religionem, quam ex Dei verbo adversus Ecclesiæ Romanæ corruptelas Sole meridiano clariùs probatas, *ὡς ἐξ εὐαγγελίας tanquam ex Deo, coram Deo, & in Christo* (2. Cor. 11.17.) constanter profitentur. In fidelitate certè & obedientia Regi debita adeò non subditis Pontificiis cedunt; ut eos etiam superaverint hætenus, superentque, saltem secundum sanctæ religionis suæ placita, quibus post Deum ad unius soliùsque Regis, ceu legitimi Magistratus sui unici obedientiam, Imperium qualecunque aliud in Imperio illo agnoscentes nullum, obstringuntur. Quinimò de intemerata illorum erga Regem fide, ipsius etiam Regis Christianissimi testimonio omni exceptione majori, sæpiùsque, puta d. XXI. Maii A. M. D. C. LII. nec non 1. Jun. A. M. D. C. LV. Epistola ad Ducem Dignierium, & xxx. Nov. A. M. D. C. LX. literis ad Synodum Nationalem Julioduni sedentem exaratis, repetito abundè

liquet. In mediis etiam afflictionum procellis hætenus, *patientiaque* quæ singularis Dei erga illos gratia est, contra stimulum *laudabilis.* non calcitrârunt; quin potius in obedientia, erga Regem continuè perstantes, atque in silentio & spe unicè robur suum collocantes, animum suum fiducia erga Deum, humilitate & patientia corroborant, cum populo Dei ingeminantes Mich. vii. 7. i. &c. *Ego ad Jehovah respiciam, Expectabo Deum salutis meæ. Audiet me Deus meus. Ne læteris, inimica mea, propter me, quòd ceciderim. Surgam. Cùm sedero in tenebris, Jehovah lux mea erit. Indignationem Jehovah scram, quoniam peccavi, donec judicet causam meam, & faciat iudicium meum. Educet me in lucem meam, videbo iustitiam eius.*

CCCXLI. Rarò Protestantibus in Gallia contentiones Regem inter & Pontificem obortas profuisse, & experientia dubitare non finit, & disertè Historicus Gallus percelebris Mezerayus in vita Henrici II. observavit. Id ipsum hic quoque accidit. Vetus intercessit Regibus Galliæ cum Romanis Pontificibus controversia de Investituris, quæ, prout cum consensu Regum definitæ fuerunt in Conciliis Claromontano & Rhemenfi, & à Callisto II. Papa A. M. C. XXI. ipsòque etiam usu post tempora ejusdem Pontificis explicatæ sunt, *Regalia* nuncupatæ sunt, quòd earum jus merè *Regium*, inter nobiliores *Regiæ* dignitatis partes ita recenseatur, ut cùm soli Regi competat, cum nemine alio communicari possit, exclusis etiam ab eo jure iis, penes quos sub Rege puero administrandæ Reip. cura est. qui *Regentes Regni* nominari solent. In eo autem jus illud consistit, quòd vacante Episcopatu, ad investituram usque novi Episcopi, Regi & usus fructus Episcopaliū reddituum, & collatio præbendarum cedit. quod jus demum A. M. CC. LXXIV. in Concilio Generali Lugdunensi à Gregorio X. convocato confirmatum est in iis scilicet Galliæ Ecclesiis, quibus consuetudo illa hætenus re-

Non parum persecutionem eam exasperavit controversia cum Pontifice circa jus Regaliæ. cuius origo exponitur.

cepta erat. Tametsi verò Regum illorum, qui primi leges in hac Regalium materia condiderunt ad fori usum accommodatas, Constitutiones jus illud coercuerunt ad Ecclesias, in quibus usu veteri receptum erat Regem eo uti, & in Camera etiam Computorum Pasquierio *Disquisit. Franc. lib. III. 37.* citante, extat vetus Regestum, in quo enumerantur Ecclesiæ juri huic Regaliæ subiectæ, itémque Ecclesiæ, in quibus Reges eo jure non utebantur: ante trecentos tamen annos Johannes Butillerius in sua Summa Rurali, jus Regalium esse jus merè Regium, & ad Coronam pertinere, atque adeò ad universas Regni Ecclesias absque discrimine porrigendum esse, pertendit. Quin & Arresto Parlamenti Parisiensis A. M. D. C. V I I I. editum est, ne Advocati in dubium revocent, an Rex jure Regaliæ uti possit in universis Regni Ecclesiis. adversus arrestum illud querelam mox Clero Gallicano apud Regiam Majestatem instituente.

*Recentissima
circa illud
dissidii histo-
ria.*

CCCXLII. Argumentum isthoc præter alia fusè admodum profecutus cùm fuisset Petrus de Marca Archiepiscopus Parisiensis, scriptis de *Concordia Sacerdotii & Imperii seu libertatibus Ecclesiæ Gallicanæ* libris octo, non parùm iis lectis Innocentius XI. commotus est; qui etiam refellendorum eorundem provinciam Celebris Canonistæ Lupo, Augustiniano Monacho, Aprili Anni M. D. C. LXXIX. imposuit. Accessit indulgentia Clementis IX. qui Brevis expresso Regi gratiam fecerat investiendi Episcopos, quorum, flagrante tum bello, diœceses vel occupaverat jam, vel occupaturus fuerat. quæ indulgentia Successoris Innocentii ejusdem animum anxium non parùm habuit. Præterea Rex à Clero Gallicano seu tributa seu donaria exegerat, intercedente exactioni in Occitania Apamienfi Episcopo. qui etiam Sanctimoniales Urbani antiquo more Abbatissam liberè eligentes, adversus Parisiensem Curiam, jus

jus isthoc Regi vindicantem, apud Pontificem acriter tutatus est: Qua in controversia Pontificis Bulla in Sanctimonialium gratiam vulgata, ab eadem Curia suppressa, aliâque à Jesuitis etiam, Chaisio & Maimburgio, parùm Pontifici Romano faventibus, altè satis in pectus Pontificis exulceratum penetrantia, commissa sunt; adeò ut non semel ad diras Pontifex se converterit, & libros etiam nonnullos ceu potestati & authoritati suæ derogantes, devoverit. Quorum in numero inprimis liber *de Causis majoribus*, à Sorbonico Doctore in Episcoporum gratiam scriptus, & acri Pontificis Bulla proscriptus, nec non Maimburgii libelli varii, etiam *Lutheranismi* famosa *historia*, fuerunt. Ex adverso Curia Suprema Parisiensis librum Episcopi Apamiensis pro Pontificiis partibus scriptum, nigro carbone notatum suppressit. quem mox Pontifex Italicum in idioma transferri vulgarique jussit. Apamiensis quondam, uti *ß.* cxx. narravimus, Episcopus erat, ob quem in simili causa carceri inclusum Bonifacius VIII. Philippum Pulchrum Gallix Regem excommunicare ausus est. Apamiensis Episcopus denuo in causa investiturarum se Pontifici Innocentio XI. mancipare, & Regi suo opponere sustinuit. Eo A. M. D. C. lxxx. defuncto, Vicarius Capitularis Pontificis causam suscepit, Curixque Supremæ Regaliæ in Episcopatu eo vacante jus Regi asserenti, sese opposuit. Pontifice acriter tendente, & subinde etiam Apostolicarum censurarum metum incutiente, Lutetix coacti quindecim Episcopi Regiam jus strenuè defenderunt, atque insuper Regi, ut Nationale Concilium, causam eandem disceptaturum, properè conciret, persuaserunt.

CCCXLIII. Convenerunt igitur Lutetix Ecclesiæ *Congregatio Cleri Gallicani* Archiepiscopi octo unâ cum Episcopis viginti quatuor, aliisque pluribus, nomine *Congregationis Generalis Cleri Francia* insigniti, qui Regaliæ jus unanimi consen-

*sificem exaratis
sententiam suam
mutetur.*

fu in Regem, hoc scilicet ei reddituri hostimentum pro *Edictis adversus hæreticos*, uti in Instrumento cessionis Regaliæ d. III. Febr. Regi oblato, disertis verbis profitentur; conferentes, d. III. Febr. A. M. D. C. LXXXII. literis ad Pontificem exaratis, seu rationem ei reddituri, seu excusationem allaturi rerum in Comitibus suis actarum significarunt, *se appellasse Seculare Magistratum, sed ab eo victos discessisse*; magnopere insuper periculum metumque suum exaggerantes, ne ob exortam controversiam illam *Sacerdotium & Imperium inter se collidantur, & mala, quæ in Ecclesiam & Rempublicam consequi possent*; proinde existimasse se ad officium suum pertinere, aliquam inire rationem tollendi de medio nascentis dissidii; nullam verò commodiorem apparuisse remedio ab Ecclesia Patribus indicato, utili condescensione canonis temperandi pro temporum necessitate, ubi neque veritas fidei, neque morum honestas periclitantur. Deberi ab Ordine suo, deberi à Gallicana, imò ab universa Ecclesia plurimum Regi, tam præclare de Religione Catholica merito, & in dies magis mereri cupienti. Propterea se de jure suo decedentes jus illud Regaliæ in Regem contulisse.

*Mox etiam
Pontificiam
potestatem
definitionibus
quatuor Re-
gio Edicto
graviter san-
ctis, restrin-
git.*

CCCXLIII. Cum diu fatis responsum ad literas Cleri Pontifex distulisset, ulterius progressa Congregatio certis definitionibus Romani Pontificis potestatem, in temporalibus quidem prorsus abolevit; in spiritualibus verò non parùm coarctavit, atque infra potestatem Concilii dejecit. Postquam enim die XVII. Martii solenni in Congregatione auditi sunt, quibus paulò ante injunctum fuerat, ut sex Propositiones, A. M. D. C. LXXII. à Sorbona Regi exhibitas, & supra thesi cc. LXXIX. expressas, accurato Examini subjicerent; die XIX. ejusdem mensis unanimi Cleri totius consensu edita declaratio est, quatuor sequentibus definitionibus comprehensa: I. *Quòd Papa, imò Ecclesia ipsa in Regum temporalia, nec directè, nec indirectè, potestatem ullam habeat: quòdque Rex deponi, vel subditi ejus à juramen-*

to fidelitatis, quamcunque demum ob causam, absolvi nequeant.

II. Quòd Concilium Generale sit supra Papam, idque vi doctrina, quam Constantiense Concilium quarta & quinta Sessione confirmavit; sicut Congregatio præsens declaret, quòd doctrina isthæc ab Ecclesia plenam efficaciam, approbationemque nacta sit; ex adverso autem opinionem eorum, qui pertendunt, id, quod in citatis Sessionibus conclusum est, eo duntaxat tempore, quo schismata invalescunt, obtineat; planè improbet.

III. Quòd exercitium potestatis Pontificia limitandum & restringendum sit juxta Canones; quòdque Papa nihil facere in præjudicium antiquarum consuetudinum, nec non libertatum Ecclesiæ Gallicanæ valeat.

IV. Quòd in rebus quidem fidei Papa præcipuam auctoritatem habeat; nihilominus ejus decisiones sine consensu Ecclesiæ certæ & infallibiles non sint.

Decretum insimul est, ut, literis ad singulos Galliæ Episcopos exaratis, Propositiones hæc communicentur, commendenturque, unâ cum Declaratione, ut omnes Professores Theologiæ & Juris Canonici doctrinam articulis illis contentam, ceu veterem receptamque doctrinam Regni, profiteantur publicè, neque fas sit cuiquam seu Seculari seu Regulari contrarium docere. Postero die Archiepiscopus Parisiensis, comitibus Commissariis, Regi tum instrumentum, quatuor propositiones illas complexum; tum literas eam in rem ad Episcopos Galliæ destinatas, obtulit, simulque Regem, ut peculiari Edicto id omne sanciret, rogavit. Impetratum id à Rege Edictum edente, quod d. XXIII. Martii etiam à Suprema ejusdem Curia confirmatum. Edicti sententia est, ut declaratio illa Cleri Gallicani Protocollis omnium Curiarum, Communitatum, Academicarum, Facultatum Theologiæ & Juris Canonici inseratur: contrarium ei doctrinæ à quoquam subditorum vel advenarum, sive Secularium, sive Regularium ne asseratur: electi Professores Theologiæ Declarationi istî subscribant, & ad docendam eandem sese obstringant: in omnibus Collegiis ex pluribus Professoribus seu Regularibus seu Secularibus constantibus, uni injunga-

tur quotannis, ut declarationem illam doceat; ubi verò Professor u-
nicus est, teneatur per tres annos continuos docere. Syndici Theolo-
gicarum Facultatum quotannis Professorum talium nomina Episcopis
edant; Professoresque iisdem, vel Procuratoribus eorum Generalibus
postulantibus, scripta sua exhibere parati sint; neque Baccalaureus
quisquam, siue Secularis, siue Regularis, Licentiatus, vel Doctor
Theologiæ, iurisve Canonici creari possit, quin prius doctrinam il-
lam publicis thesibus propugnauerit: Prælati omnes eandem in uni-
versa Diocesi sua doceri curent: Decani denique & Syndici Facul-
tatum Executionem Edicti, sub pœna fontis, urgeant. Pontifex
Romanus Propositiones illas tanto cum mœrore excepif-
se fertur, ut lectis iis amarè flevit. Erectus tamen mox
recreatusque nonnihil est, quòd easdem in Galliæ Regno
acribus adeò studiis propugnatas, non minori zelo in His-
paniæ Academiis oppugnari intellexisset.

Romani Pon-
tificis ad Cle-
ri Gallicani
litteras super
jure Regalia,
acris respon-
sio.

CCCXLIV. Demum II. Aprilis A. M. D. C. LXXXII.
Pontifex Congregationi responsum misit *ἐν λίστῃ*, & si
quod aliud, aculeatum virulentumque maximè, tantum
non catapultis suis Cleri Gallicani latera transfigens. Que-
ritur ante omnia, cogi se multis cum lachrymis usurpare Prophe-
ticum illud: Filii matris meæ pugnaverunt adversus me. Epistolæ
Cleri initium quo metum suum in Pontificis sinum se ef-
fundere testatur, his verbis perstringit: Nihil sanè lætum,
& vestris nominibus dignum eas literas continere, in ipso earum li-
mine intelleximus. Nam præter ea, quæ de norma in Comitii con-
vocandis peragendisque servata afferebantur, animadvertimus vos or-
diri à metu vestro, quo suasore nunquam Sacerdotes Dei esse solent
in re ardua & excelsa pro Religione & Ecclesiastica libertate vel ag-
grediendo fortes, vel perficiendo constantes. Quem quidem metum
falsò judicavistis posse vos in sinum nostrum effundere. In sinu enim
nostro hospitari perpetuò debet charitas Christi, quæ foras mittit &
longè arcet à se timorem, &c. Timuistis ergò, ubi non erat timor.
Id unum vobis timendum erat, ne apud Deum hominésque redar-
gui

qui jure possētis, loco atque honori vestro, & Pastoralis officii debito defuisse. Tum Ivonis Carnutensis in turbulenta contentione Urbanum Pontificem inter & Philippum Regem, contra Regiam indignationem stantis, bonis spoliati, carceres & exilia perferentis, deferentibus aliis causam meliorem, facta imitanda fuisse monet. Officii vestri, erat, inquit, Sedis Apostolicae auctoritati studia vestra adjungere, & Pastoralis pectore, humilitate Sacerdotali causam Ecclesiarum vestrarum apud Regem agere, ejus conscientiam de Istare instruendo, etiam cum periculo Regum in vos animum irritandi, ut possētis in posterum sine rubore in quotidiana Psalmodia Deum colloquentes Davidis verba proferre: Loquebar de testimonio tuis in aspectu Regum, & non confundebar. Idque magis etiam faciendum fuisse, tam perspecta atque explorata Optimi Regis iustitia & pietate, quem singulari benignitate Episcopos audire, Ecclesiis favere, & Episcopalem potestatem intemeratam velle, ipsimet scripserint, asserit. Scribentibus porro, quod in controversia victi sint, quod causa ceciderint, respondet: Quomodo cecidit, qui non stetit? quomodo victus est, qui non pugnavit? Et quis vestrum tam gravem, tam justam causam, tam sacrosanctam oravit apud Regem? cum tamen Praedecessores vestri eam in simili periculo constitutam non semel apud superiorem Galliae Regem, imò apud hunc ipsum libera voce defenderint, victoresque à Regio conspectu discesserint, relatis etiam ab aequissimo Rege praemiis officii Pastoralis strenuè impleti. Quis vestrum in arenam descendit, ut opponeret murum pro domo Israel? Quis ausus est invidia se offerre? Quis vel vocem unam emisit memorem pristinae libertatis? Clamaverunt interim, sic enim scribitis, & quidem in mala causa, pro Regio iure clamaverunt Regis administri, cum vos in optima pro honore Christi silueritis. Omittimus hic commemorare, quae significatis de appellato à Vobis Seculari Magistratu, à quo victi discesseritis. Cupimus

enim ejus facti memoriam aboleri , & volumus ea vos verba è
litteris vestris expungere , ne in actis Cleri Gallicani resideant ad
dedecus nominis vestri sempiternum. Remedium porro Sacer-
dotii & Imperii per condescensionem utilem Canonis
temperandi pro necessitate temporis , ubi neque veritas
fidei , neque horum honestas periclitantur , concilian-
di à Clero propositum , his verbis Pontifex dispungit :
Ceterum ultro admittimus & laudamus consilium relaxandi Cano-
num disciplinam pro temporum necessitate , ubi id fieri possit sine
fidei & morum dispendio ; imò addimus cum Augustino , tole-
randa aliquando pro bono unitatis , quæ pro bono æquitatis odio
habenda sunt , neque eradicanda esse zizania , ubi periculum sit ,
ne simul etiam triticum eradicetur : Sed ita tamen accipi oportet ,
ut in aliquo tantum peculiari casu & ad tempus , ubi necessitas
urget , licitum sit ; sicuti factum est ab Ecclesia , cum Arianos
& Donatistas Episcopos ejurato errore suis Ecclesiis restituit , ut
populos , qui secuti eos fuerant , in officio contineret. Aliud est ,
ubi disciplina Ecclesiæ per universum amplissimi Regni ambitum si-
ne temporis termina , & cum manifesto periculo , ne exemplum
latius repat , labefactatur , imò evertitur ipsius disciplinæ & Hie-
rarchiæ Ecclesiæ fundamentum , sicuti evenire necesse esset , si quæ
à Rege Christianissimo in negotio Regaliæ nuper acta sunt , con-
niventibus , imò etiam consentientibus , vobis contra Sacrorum
Canonum , & præsertim Concilii Ludunensis auctoritatem , con-
tra notam jam pridem vobis ea in re mentem nostram , & con-
tra ipsam iurijurandi religionem , quo vos Deo , Romana , ve-
strisque Ecclesiis obligastis , cum Episcopali charactere imbuerimi-
ni ; hæc Sancta Sedes executioni mandari , & malum invalesce-
re deferendo permetteret , ac non ea nos , pro tradita Divinitus
humilitati nostræ Summa in universam Ecclesiam potestate , solen-
ni more , prædecessorum nostrorum vestigiis inherentes improba-
remus , cum præsertim per abusum Regaliæ non solum everti disci-

pli-

plinam Ecclesiæ, res ipsa doceat, sed etiam fidei ipsius integritatem in discrimen vocari facile intelligatur ex ipsis Regionum decretorum verbis, quæ jus conferendi beneficia Regi vendicant, non tanquam profluens ex aliqua Ecclesiæ concessione, sed tanquam ingentum & cœvum Regiæ Coronæ. Acri præ cœteris censura declarationem illam Cleri, quod jus Regaliæ in Regem contulerit, Pontifex ferit. Illam verò partem literarum, inquit, vestrarum non sine animi horrore legere potuimus, in qua dicitis, Vos iure vestro decedentes, illud in Regem contulisse. Quasi Ecclesiarum, quæ cura vestra credita sunt, essetis arbitri, non custodes, & quasi Ecclesiæ ipsæ, & spiritualia earum jura possint sub Secularis potestatis iugum mitti ab Episcopis, qui se pro earum libertate in servitutem dare deberent. Vos sanè ipsi hanc veritatem agnovistis & confessi estis, dum alibi pronuntiastis, jus Regaliæ servitutem quandam esse, quæ in eo præsertim quod spectat beneficiorum collationem, imponi non potest, nisi Ecclesiæ concedente, vel saltem consentiente. Quo jure Vos ergo jus illud in Regem contulistis? Cùmque SS. Canones distrabi vetent jura Ecclesiæ, quomodo ea Vos distrabere in animum induxistis, quasi eorundem Canonum authoritati derogare Vobis liceat? Revocate in memoriam, quæ inchyus ille conterraneus vester, Claravallensis Abbas, non Gallicanæ modò, sed etiam universalis Ecclesiæ lumen à vobis meritò nuncupatus, Eugenium Pontificem officii sui admonens, reliquit scripta præclare: Meminisset, se esse, cui claves traditæ, cui oves credita sunt. esse quidem alios Cæli janitores & gregum pastores; sed cùm habeant illi assignatos greges, singulis singulos, ipsi universos creditos, non unum; non modò ovium, sed & Pastorum Eugenium esse Pastorem, adeoque iuxta Canonum statuta, alios Episcopos vocatos fuisse in partem solitudinis, ipsum in plenitudinem potestatis. Ex quibus verbis quantum nos admonere par est de obsequio & obedientia, quam debetis huic sanctæ Sedi, cui nos, Deo authore, quanquam im-

meriti præsidemus; tantundem nostra Pastoralis sollicitudo excitatur ad inchoandam tandem aliquando in hoc negotio, quam nimia forte longanimitas nostra, dum pœnitentia spatium damus, hæcenus distulit, Apostolici muneris executionem. Tandem Cleri in Regaliæ negotio acta universa severè sic Pontifex abolet atque rescindit: Quamobrem per præsentis literas, tradita nobis ab Omnipotente Deo authoritate, improbamus, rescindimus & cassamus, quæ in istis vestris Comitibus acta sunt, in negotio Regaliæ, cum omnibus inde secutis, & quæ in posterum attentari continget, eaque perpetuò irrita declaramus; quamvis cum sint ipsa per se manifeste nulla, cassatione atque declaratione hujusmodi non egerent. Speramus tamen, Vos quoque ipsos, remelius considerata, celeri retractatione consultoros conscientia vestra, & Cleri Gallicani existimationi, ex quo Clero sicuti non defuere hucusque, ita in posterum non defuturos confidimus, qui boni Pastoris exemplo libenter animas ponere parati sint pro ovibus suis, & pro testamento Patrum suorum. Propositum denique suum etiam in posterum his verbis declarat & concludit: Nos quidem pro officii nostri debito parati sumus Dei adiutrice gratia sacrificare sacrificium justitiæ, & Ecclesiæ Dei jura ac libertatem, & hujus S. Sedis authoritatem dignitatēque defendere, nihil de nobis, sed omnia de Deo præsumentes, qui nos confortat, & omnia operatur in nobis, & qui jussit Petrum super aquas ad se venire. Præterit enim figura hujus mundi, & Dies Domini appropinquat. Sic ergo agamus, Venerabiles fratres ac dilecti filii, ut cum Summus Pastor & Paterfamilias & Princeps Pastorum rationem postere voluerit à servis suis, sanguinem pessumdata & lacerata Ecclesiæ, quam suo acquisivit, de nostris manibus non requirat. Vobis interim omnibus Apostolicam benedictionem, cui cælestem accedere optamus, intimo amoris paterni affectu impertimur. Roma apud S. Petrum, sub Annulo Piscatoris. Die II. April. A. M. D. C. LXXXII. Pontificatus nostri an-

no sexto. Verba totidem Bullæ, seu Monitorii hujus referre non piguit, ut Pontificis hujus tum typhum insolentem, quo Prædecessoribus suis parùm concedit; tum *zelum violentum* (hunc enim etiam Archiepiscopus Tholo-
 fanus literis ad Pontificem exaratis ei exprobrasse fertur) non tam pro aris, quàm pro focis suis; tum denique artificium insigne, quo etiam sub *sanctioris discipline, fidei, periculi evertendi Hierarchiæ fundamenti & Testamenti Patrum suorum* (non utique à Deo Patre, sed ab Hildebrandis & Bonifacii pro se & Patribus suis conditi) velamine insatiabiles cupiditates suas, ob quas etiam in Prophetia Malachiæ, Archiepiscopi Armachani, jam duodecimo Seculo edita, *Insatiabilis Bestiæ* nomine venit; abscondit textitque, propiùs omnes contueri valeant. An verò imposterum Clerus Galliæ mentem sententiàmque suam mutaturus, & studia sua Sedis Apostolicæ auctoritati adjuncturus sit, nec ne, dies volvenda docebit.

CCCXLV. Cæterum dissidium isthoc Regem inter & Pontificem funestissimum Reformata per Galliam Ecclesiæ accidisse, tristis experientia iterum docuit. Nunquam enim majoribus cum angustiis conflictata est, quàm eo ipso tempore, quo dissidium illud exarsit, arsitque maximè. Accedit quòd ipsa Cleri Gallicani Congregatio constituto transactoque Regaliæ negotio, ad confilia extirpandæ religionis in Regno universo Evangelicæ animum convertit; Concilii Arelatensis primi exemplum prætexens, utpote cujus Patres peracta re, cujus sciendi causa præsertim convenerant, ad cætera deinde animum intenderint, quæ Christianæ Reipublicæ commodis profutura esse intelligerent. Cum verò in his tribus capitibus omnino pax & virtus Ecclesiæ tanquam solidis firmamentis contineatur, fide, moribus, discipli-

*Congregationis, Cleri Gallicani ejusdem pro revo-
 candis ad Patrum Evangelicis studiis.*

& literæ circulares ad Episcopos, quibus negotium extinguendi schismatis commendatur,

na; in iisque stabiliendis iidem Concilii Arelatenſis Patres operam collocaverint; atque in iis fides præcipua ſit, nihilque ad eam propugnandam plus adiumenti afferat, quàm ſi hæreſes veritatis luce, & charitatis ardore ſchiſmata ſuperentur, *opera pretium eſſe*, ita in Encyclicis ſuis ad univerſos Episcopos Galliæ Cal. Julii A. M. D. C. LXXXII. exaratis literis Congregatio loquitur, *exſtimavimus, hæreſin Calvinianam ſtatim aggredi, eamque artem ſchiſmatis potiore & in primis validam impugnare*. Ad hoc excitatos inclinatosque ſe aſſerunt, tum charitate Chriſti, ex cuius Eccleſia una duæ ſint à ſchiſmaticis factæ, tum Innocentii XI. vita moribus, ſic ad veteris atque auſterioris diſciplinæ formam compositis, ut cum eo ſentire Fidei ſuæ Adverſariis recuſandum non ſit, cuius facta etiam imitari ſibi, ſi verum loqui velint, optandum fateantur: tum Ludovici Magni quotidianis adverſus Eccleſiam meritis, imò potiùs Regiæ fortitudinis, Chriſtianæque pietatis miraculis, qui quot urbes hæreticas intra Galliæ fines ad priſtinam avitâmq; fidem reduxerit, totidem Eccleſiæ Parenti, Filius natu æquè ac virtutibus major, incruentas victorias peperit. *His, inquiunt, exemplis commoti, ac tantum non ſuſpecti nobiſmetiſſis negligentia in fungendo munere Paſtorali, ad hæreſin impugnandam nos accinximus*. Quibus verò armis bellum iſthoc cernere inſtituunt? Una, inquiunt, charitate, una Chriſti Domini pace, non obijciendo terrores, non certando contumeliis; ſed hortationibus, votis, precibus compellando adverſarios, atque ad concordiam adducendos, eò quòd Chriſtianæ ſocietati, quæ cum iis intercedat, & Catholice matris affectui magis aptum & congruum fore duxerint, de gremio pæcis Apoſtolice fugientes pater-nis monitis revocari. *Quare, inquiunt, monemus cohortamur-*

mirque toto pondere charitatis inclinantes ad reconciliationem pacis, ut revertantur ad nos. Percunctamur iterum atque iterum, cur abscesserint, quare Catholicam unitatem repudiaverint: significamus quàm proclive futurum sit, plaga obducta semel persanari cætera, quæ medicina egere videbuntur; atque adeò pollicemur, si ex animo resipiscant, à nobis esse, vel cum Matris Ecclesiæ quasi quodam incommodo recipiendos. Ne verò inde Reformati ^{& dissidium cum Pontifice excusatur.} *sumant occasionem sibi ac suis blandiendi spe inani futuræ inter semetipsos dissociationis, quòd exorta sint nuperrimè Romanam inter & Gallicanam Ecclesiam nonnulla dissidia: admonent, primùm non de fidei doctrina, non de morum institutis, verùm de alternantis pro tempore disciplinæ rationibus aliquot, se cum Ministris Summi Pontificis, salva pace fraternæ charitatis contendere: deinde posse à Catholicis hominibus adversus Catholicos citra noxæ periculum, dum id more Christiano ac modo fiat, intra viscera Ecclesiæ, neque scisso utero disputari: ac postremo illam ipsam contentionem, quam susceperunt, & ipsis fugiendi exemplo suo scismatis, & sibi infectandi ejusdem causam esse oportere, quia in eam necessitatem adducti, ut querelis interdum apud Romanum Pontificem, deferendis, Regni juribus interdum, vel Ecclesiæ suæ vindicandis privilegiis agerent, ea moderatione, reverentia, religione in re quavis disceptanda cernendâque usi fuerint, ut ne minimam quidem suspensionem charitatis læsæ moverint, nedum ut simultati locum ullum fecerint, aut divortio occasionem dederint. Atque hanc sui consilii de revocandis ad concordiam Schismaticis totam rationem esse, eamque ad Ecclesiæ Africanæ imitationem expressam, confirmant.*

CCCCXVI. Quis verò heic lectis perpensisque Circularium literarum istarum tot artibus lenociniisque non ^{De literis illis circularibus judicium auctoritatis.} ob-

obstupescat totus? Etenim hærefes veritatis luce, schismata charitatis ardore superari, sapienter quidem Episcopi decernunt. Qua verò luce veritatis tot capita fidei, morum & disciplinæ cum iis controversa hæcenus hærefeos unquam convicerunt? superârunt? Prostant bella Jehovahæ à viris Dei bellata, quorum exitus abundè demonstrat, qua parte veritatis lux radiet. Neque novellæ illæ Methodi sedecim numero, ab Episcopis nisi fallor ad convertendos ad Papatum orthodoxos præscriptæ, & à Methodistis recentioribus variis emendicatæ, veritatis luce quenquam illustrare poterunt, cum mera sophismata, & adversus invictum Dei verbum machinas carnalis sapientiæ, atque ludibria contineant. Quo dein charitatis ardore superare schisma contenderunt? Etenim si charitatis arma illa sunt, quibus à longo jam tempore adversus Reformatas Ecclesias decernunt, non utique docendo, instituendo, Cœlestis veritatis manifestatione omnium conscientiis sese veluti coram Deo commendando, insinuando; sed terrores terroribus cumulando, libertatis *irrevocabilibus pactis* concessæ nervos omnes concidendo, miserorum fortunas affligendo, Tempia Regiis pactis concessa evertendo, impuberes seducendo, certamina emortualia decumbentium infestando, denique subdolis & erubescendis planè artibus, qualibus nunquam certè Christus, nunquam Apostoli, nunquam Episcopi, nunquam Imperatores Christiani veteres usi sunt, qualiûmque forte Gentiles ipsos olim puduisset; columbinam simplicitatem fidelium oppugnando, næ charitatis illo bello præclare defunctos confitebimur. Quo charitatis ardore deinceps schisma aggressuri, superaturi sint, tempus, atque utinam non etiam profundissima tot fidelium suspiria & lachrymæ docebunt. Mirum præterea supra modum, quòd
le-

lectis jam Romani Pontificis literis Monitoriis, in animum venire Patribus illis potuit, ut suum non cum Ministris Pontificis, sed cum ipso Pontifice dissidium tantopere sibi extenuandum putaverint. De alternantis pro tempore disciplinæ rationibus aliquot agi, ipsemet Pontifex disertè negavit, atque aliò consilia relaxandi canonum disciplinam pro temporum necessitate, pertinere, denique, *per abusum Regaliæ non solum everti disciplinam Ecclesiæ, sed etiam fidei ipsius integritatem in discrimen vocari; disciplina & Hierarchiæ Ecclesiæ fundamentum everti*, gravibus adco, sonantibusque verbis pertendit. Neque arbitramur nos, an *ne minimam quidem læsæ charitatis suspitionem moverint, ne dum simultati cum Pontifice locum ullum fecerint, aut divorcio occasionem dederint*. Aliter tamen censere Pontificem, Monitoriæ ejus literæ, quarum initio statim testatur, Episcopos Clerumque Galliæ, qui corona olim & gaudium fuerint Apostolicæ Sedis, ita se erga illam in præsens gerere, ut cogatur ipse multis cum lachrymis usurpare Propheticum illud: *Filii matris meæ pugnaverunt adversus me*; manifestè arguunt. Saltem majori jure Ecclesias nostras à Romano Pontifice dissidere, quando ejus potissimum culpa omnis religio & fides in Ecclesia depravata & lethaliter vulnerata est, atque ille, ut emendaret tot fidei, morum, disciplinæ corruptelas, nulla *ἡ ἀποδείξις τοῦ πνεύματος* demonstratione Spiritus, precibus monitisque nullis flecti & adduci potuit, quin potius exasperatus etiam magis adversus demonstrantes, orantes, monentes anathemata vibravit, ferro flammæque immaniter sæviit: quàm quo Ecclesiæ Gallicanæ Clerus à Romano Pontifice in re, quam parvi momenti esse censet, pertinaciter dissidet, dubitamus nulli. Verissimè enim jam olim S. Nazianzenus *Orat. I. de pace* pronuntiavit, *ὅτι κρείσσον ἐμπάδης ὁμορίας ἢ ὧσ' ἀντιβίας*

Beias Agitationis contentionem pietatis causa susceptam concordia affectibus obnoxia potiore esse.

Ejusdem Congregationis literæ ad fratres secessionis Calvinianæ monitoria.

CCCXLVII. Circularibus illis ad Episcopos Gallia literis junctæ erant aliæ, monitionis scilicet ad schismaticos exemplaria, quæ ut curent continuè nota fieri omnibus & singulis Calvinianæ Sectæ consistoriis, injunctæ iisdem est. Prostant & illæ literæ, his verbis inscriptæ subscriptæque: *Archiepiscopi, Episcopi, & Clerus Gallicanus omnis, auctoritate Regia Parisiis congregatus. Fratribus Secessionis Calvinianæ correctionem, reditum, concordiam exoptant. Exordium literarum gemitum Ecclesiæ universæ Christi ob secessionem illam sic pandit: Ingemiscit jam diu, Fratres, universa Christi Ecclesia, & maximo cum dolore plena Sanctæ ac Sincerae pietatis Parens Vos ab utero, ab uberibus, à gremio suo voluntaria secessione abstractos, & in solitudine adhuc errantes videt. Numquid enim poterit Mater oblivisci Filiorum uteri sui? aut Ecclesia non meminisse charitatis erga Vos, malè memores quidem, at Filios tamen suos, quos erroris contagio à veritate Catholica, & Calvinianæ defectionis tempestas à veteris Fidei Sanctitate abstraxit, à Capite Christiana unitatis avulsit. Hinc est, Fratres, quòd illa ingemiscit, ac divisa sua viscera gravissimè pariter atque amantissimè conqueritur. Quærit Filios amissos, vocat ut perdis, ut Gallina congregare satagit, ut aquila provocat ad volandum, & maternis anxia doloribus conatur vos, Filioli, iterum parturire, donec verè & Catholicè in Vobis reformetur Christus. Tum rationem sibi reddi secessionis suæ à Papatu verè postulat his verbis: Nos adèò Clerus omnis Gallicanus, quos Spiritus S. posuit regere Ecclesiam, in qua nati estis, & qui hæreditate non interrupta eandem Fidem, eandem Cathedram teneamus, quam Sancti Pontifices, qui Christianam Religionem Galliis intulerunt; convenimus Vos, & qua legatione pro Christo defungimur, tanquam Deo exhortante per nos querimus à vobis, cur schisma*

ma feceritis? Enimverò, ut se habent res vestra, velitis nolitis, vos estis Fratres nostri; quos olim unus omnium nostrum Pater, qui in Caelis est, in adoptionem filiorum receperat, & quos una Mater Ecclesia in spem aeternae hereditatis susceperat. Imò & ille ipse, qui Vos primus fascinauit non obedire veritatis Evangelio; Professionis nostrae Antesignamus, nonne antea nobiscum vivebat frater unanimis? non in eadem versari domo, non isdem eccis spiritualibus vesci, non mutua Christiana nobiscum fraternitatis exequi solebat officia? Excusate, si potestis, apud Patrem, apud Matrem, apud Fratres, fugae tam flagitiose, tam abruptae ac precipitis infamiam. Divisionem Christi, rescissionem Sacramentorum Christi, bellum impium in membra Christi, criminationes in conjugem Christi, negationem promissionum Christi excusate, abluite, si potestis; & quoniam non potestis, oraculo Prophetico vos fatemini obnoxios: Filius malus iustum se dicit, exitum autem suum ablueri non potest. Quorsum itaque, Fratres, in radice cum orbe toto non mansistis? Cur vota ac desideria Fidelium cum ipsis altaribus confregistis? cur conscidistis precibus viam? Illuc ascensus ad Deum fuit, cur ne more consueto ad Deum fieret oratio, scalam tollere de lapide & sacrilega manu subducere laborastis? Ceteri adhuc Sectarii hoc moliti erant, non ut altare Christi subverteretur, sed ut adversus altare Christi & suum ipsi quaecunque extollerent. Vos ne quid superesset sacrificii Christiani, inauditum ad haec tempora, facinus, ausi estis diruere altaria Domini virtutum, in quibus Passer Christus elegerat sibi domum, & Turtur Ecclesiam nidum sibi, ubi poneret pullos suos. At hac prostrema, & quodcumque deinceps aut bellorum contra Ecclesiam, aut errorum contra antiquum dogma consecutum est, schismaticus furor effecit; nec tam vestra voluntati, quam schismatis ingenio volumus esse tribuendum. Hoc adversus Vos nominatim exposulamus, hoc ex vobis quarimus indefinenter, cur schisma feceritis? Ad hoc nisi responderitis, quantumcunque in aliis dicendo aut scribendo contendatis,

superflua loquimini. Tum causam secessionis petitam à moribus hominum, quibuscum vivere sanctiores viri, & legum severiores amatores, nec honestum ad famam, nec salubre ad conscientiam duxerint, diluere multis conati, sic Fratres hos ad reditum invitant: Quid jam superest, Fratres, nisi ut isti Spiritus S. consilio vestri causa pareamus: Beati pacifici, quoniam filii Dei vocabuntur. Et per viscera misericordiae, quae lacerastis haecenus, per Ecclesiam Matris uterum, quem rupistis, per charitatem Fratrum, quam toties violastis, per Sacramenta Dei, quae contempsistis; per Altaria Dei, quae confregistis; per quicquid Sanctum ac Divinum, aut in Caelo, aut in terris colitur, Vos fraternis animis ad correctionem, ad reditum, ad concordiam hortamur. Imò quid iam superest omnino, nisi ut obliti schismatis, & memores uberum revertamini ad propria, ubi tot mercenarii abundant panibus, dum in terra deserta, in via & in aquosa, ne micæ quidem ad sustentandam utcunque famem vestram spiritualem colligitis? Eequid verò cunctamini aut resistitis? Itane verò in Filiorum nomine erubescitis, inter quos primogenitus Ludovicus Ecclesiae Matri Optima nova erigitur quotidie trophæa? hoc uno sanè, vestra obstante pertinacia, non satis felix, quòd tametsi pro tuendo nomine Christiano multa in dies religiose ac pie constituat, è suorum numero subditorum, qui à sacris patriis defecerunt sponte, & ad ritus alienos convolarunt, Religionis transfugas, veteris militia desertores, etiamnum videar in suscepto errore permanentes: isque adeò Christianissimus Princeps, qui, nobis audientibus aiebat nuper, tanto studio cupere se dispersas disiectasque partes ad Ecclesiae unitatem revocari, ut id mereri duceret gloriosum, vel Regii sui sanguinis effusione, atque etiam illius invictissimi brachii diminutione, quo tot bella feliciter confecisset. Vosne igitur, Fratres, Augustissimo Principi, Regi vestro, plurimorum ac potentissimorum hostium Debellatori, fortissimarum urbium Expugnatori, maximarum Provin-

ciarum Dominatori, omni genere triumphorum insigni, eam pal-
mam invidebitis, quam cæteris omnibus anteponat? Cæterum dum
vos ita compellamus, & ad pacis consilia hortamur, ne dicatis:
Nolite nos querere: nam hoc dicit iniquitas, qua divisi sumus,
non charitas, qua Christiani sumus. Memineritis, ita esse man-
datum nobis à Spiritu veritatis & Pacis per Prophetam, ut qui
se negant esse Fratres nostros, iis dicere non desinamus; Vos estis
Fratres nostri. At quod tempus offerri nobis opportunius potest
Vos ad Romanam communionem revocandi, quam quo Romanam
Ecclesiam gubernat Innocentius Pontifex, cuius vita & mores ad
antiquioris & severioris disciplina formam exacti perfectum sancti-
tatis exemplar orbi exhibent Christiano? Ut ad eum se adungere
virtutis omnis cultorem eximium maximæ virtutis opus ad salu-
tem perinde ut ad gloriam in Vobis futurum sit. Subjunctis no-
vis corhortationibus, tandem Epistola in comminatione-
nes non obscuras definit: Quid si inquirunt illi, facere ad-
hortantibus nobis pertinaci animo renuitis; Si nec precibus vinci,
nec flecti charitate, nec monitis adduci ad concordiam vultis;
Angeli quidem pacis amarè flebunt; nec tamen vos continuo,
ut fieri par esset erga nimium pervicaces, relinquemus vobis: sed
per sepes & spinas oves Christi querere non desinemus: & cum
effecerimus omnia, propter qua mentes vestra nobis reconciliari
debuerint, pax nostra demum, vobis eam respuentibus, tam of-
ficiosè, tam sincerè oblatam, revertetur ad nos, nec amplius re-
quiret Deus animas vestras de manu nostra; & quemadmodum
error hic vester novissimus erit peior prioribus, sic erunt novissima
vestra pejora prioribus. Veruntamen meliora speramus, Fratres, &
saluti vestrae viciniore.

CCCXLVIII. Operæ pretium duxi pleraque E- Fucus earum-
dem deestibus.
pistolæ illius verba, in quibus favum stillant labia **זרה** Ex-
traneæ, & lenius est oleo palatum ejus; sed **אחריתא** novissi-
mum ejus, amarum sicut absinthium, acutum veluti gladius biceps;

(Prov. v. 34.) repræsentare ἀγῶνισθε, ne posteritatem lateat, qua contentione, quo tuco, qua ψευδολόγων ὑποκρίσιν hypocrisis falsiloquorum, quibuscve illecebris artibusque negotium isthoc gestum sit. Enimverò post rationem secessionis, non à vera Christi fideliumque Ecclesia, sed ab inhærente sociatâque ad tempus eidem Papali factione, cui non magis quàm Donatistis olim, *universa Christi Ecclesia* nomen congruit; institutæ, non ob mores duntaxat, uti Clerus falsò persuadere conatur, sed ob religionem, fidem, cultumque omnem, tyrannide affectata in conscientiam, superstitione & idolomania, denique erroribus capitalibus cum verbi Divini veritate hostiliter pugnantibus, miserè corruptum, lethaliqve tabe & veneno infectum imbutumque; toties verè, graviter, seriò ipsius verbi Divini, immoti veritatis principii, non μύθων σοφοφισμῶν *fabularum arte confictarum* autoritate, redditam, tot Sanctorum Martyrum sanguine obsignatam: post stabilitum autoritate Regia in tot Regni locis religionis Reformatæ exercitium liberum: post tot Tempia contra fas Edictorum diruta, tot calamitates miseris inflictas; quin & ipso persecutionum ardentium æstu, inquirere denuo in causam schismatis, quid, inquam, hoc aliud est, quàm in re seria ludere, vel, si intentionem inquirentium spectamus, δις καὶ μὲν τὰ αὐτὰ *crambe bis posita mors*? Liceat de χηρολόγους *blandiloquis* & benedicientibus ejusmodi illa Gregorii M. *Moral. xxxiii. 36.* usurpare: *Assumunt Agni speciem, ut Draconis exerceant operationem.* Quomodo verò diviserunt Christum, qui solum Christum optârunt; non desiderantes cognoscere aliud, quàm Christum crucifixum? Quomodo Sacramenta Christi resciderunt, qui à Christo non instituta respuerunt? Quomodo bellum impium in membra Christi gesserunt, qui cum Christo ejusque

que veris membris omnibus vera fide & charitate indivulsi cohererent? Quomodo Sponsam Christi criminati sunt, qui eandem uni viro Christo, castam virginem adjungere, omni studio curaque laborarunt? Quomodo negarunt promissionem Christi, qui sola ea freti non timuerunt hactenus, quid sibi caro faceret? Quomodo excisi sunt à radice, qui fide in solum Christum, radicem Jesse, *ἐν ῥησέως τῇ χριστοῦ permanentes in benignitate ejus*, consistunt? Quomodo confregerunt altare verum, Christum, qui altaria, vota desideria hominum, à vero altari Christo, & fiducia in eodem solo collocanda, abstrahentia verbi Divini autoritate freti removerunt? Quomodo precibus viam consciderunt, quibus solus Jesus Christus justus Paracletus ad Deum via, veritas & vita est? Quomodo sustulerunt scalam de lapide, qui uni Lapidi in Sione fundato pretioso, angulari summo, adeoque ab imo ad summum usque penetranti, pertingenti, Lapidis illius, cujus in Caelum usque porrecta scala est, antitypo soli, superstruetti confidentesque non erubescunt? Quomodo sustulerunt sacrificium Christianum, qui altaria lignea fictitiarum virtutum Domini contra altare nostrum Christum, qui super omnes Caelos ascendit, ut impleret omnia, erecta & in quibus nec passer Christus, nec turtur Ecclesia unquam sibi pullisve suis nidum fixere, pensi amplius non habent? Quomodo denique moverunt bellum Ecclesiae, errores contra antiquum dogma seminârunt, qui pro antiquo dogmate non diligentes animas suas usque ad mortem, Archiepiscopis interea, Episcopis, totoque Clero Gallicano inveterati erroris sui pertinacia, & dominantium in partes abreptorum consensu tuto, assueta sibi pompa deliciisque solitis diffuente, ac de cœtero adversus innocuam plebem Christi ad flammam ferrumque sine si-

ne & modo conclamante; tot mala, vivicomburia, lanienas inauditas, vitæ discrimina, fortunarum incendia sustinuerunt; quandoque etiam adversus Henoticos religionis prætextu dominationi inhiantes, hæredem Regni, se religionemque vindicantes strenuè defensitarunt? Quam igitur causam expostulandi adversus innocentes oppressos, toties vim Cleri conscientis eorum dominantis injustam passos, habuerunt? Quin potius Cleri Gallicani Pontificii est reddere rationem schismatis, divortii, secessionis perniciosissimæ omnium à Christo ad Papam, *ἀλλοτρίου* *vicarium* Christi sese venditantem sine tabulis juris Divini, imò adversus auctoritatem earundem, efferentemque se adversus omne id, quod Deus est & dicitur: à lege Christi, ad legem Papæ: à vivis aquis limpidisque fontibus verbi Divini, ad olidas cisternas traditionum humanarum, eorumque incertarum planè & fluxæ fidei; à sacrificio Christi cruento, ad incruentum Missaticum; à Christi intercessione & invocatione, ad intercessionem & invocationem Sanctorum, sive verorum, sive fictitiorum; à justitia Christi, Evangelica, in qua sola Deus acquiescit, ad justitiam propriam, humanam, qua freti olim Judæi justitiam Divinam amiserunt; à cultu unius soliúsque Dei ad cultum hominum, auri, argenti, ligni, lapidum, ossium, aliarumque rerum Divinitatis expertium, ut infinita ejusmodi, ob quæ cum Pontificia communione, si fidem, conscientiamque suam salvam vellent nostri, nulla *ἡ συμφωνία, συγκατάθεσις*, nullum consortium commerciumque, communio nulla esse potuit, silentio præteream. Cum verò à Christo, ejusque Ecclesia vera & Catholica nunquam Reformati in Gallia discessionem fecerint, sed Reformatione sua scorias duntaxat, sordésque ab auro & argento, lapidibusque pretiosis cœlestis doctrinæ, paleas

à tri-

à tritico, vile à pretioso seperaverint, non iis utique ad communionem Papatus, sed Clero potius ad Christum verámque & Catholicam ejus, à qua devius errat, Ecclesiam, cum qua Reformatæ Ecclesiæ Galliæ conjunctissimæ sunt, revertendum fuerit, juxta consilium Dei saluberrimum, quod his verbis Jerem. xv. 19. consignatum legimus: *Propterea sic dixit Jehova: Si conversus fueris, tunc convertam Te, & coram me stabis. Et si eduxeris pretiosum à vili, tanquam os meum eris. Convertentur ipsi ad te, & tu non converteris ad ipsos.* Religio igitur sit Vobis, o Fideles, Sanctificati, Asserti semel & illuminati à Spiritu Dei, o inops, imbellis, mœsta **לחית** *Congregationi* (ita nonnulli Psal. lxxix. 19. interpretantur) tradita Turtur, quæ, amisso, vel abscondente potius se ad tempus Compare tuo, apud Te & Deum Tuum solum plorabunda ingemiscis; religio, inquam, sit Vobis audire voces & lenocinia *Extranea*, ad amores suos pellicientis, adhortante vos graviter Spiritu Dei per Sapientissimum Mortalium Prov. v. 20. 21. *Vt quid delectaberis, Fili mi, cum Aliena, & amplecteris sinum Extranea? Quando coram oculis Jehovæ sunt via viri, & omnes semitas ejus ponderat. Iniquitates suæ capient ipsum Impium, funibus peccati sui tenebitur. Ipse morietur, eo quod non audivit eruditionem: & propter multitudinem stultitiæ suæ errabit.*

CCCXLIX. Καὶ ταῦτα μὲν διὰ ταῦτα. Produximus *Finis Operi*
 enim, uti institutum nostrum ferebat, Ecclesiæ Romanæ *imponitur.*
 historiam ad nostra usque tempora, quæ ob ejusdem
 adversus veram Ecclesiam Christi odium inveteratum &
 ἀσυνέτην, crescentem in dies sævitiam, magnamque insi-
 diarum, moliminum, persecutionum tum apertè crude-
 lium, tum occultè graviusque ignis instar, qui erumpe-
 re non valens periculosius interiora appetit, sævientium;

& ima viscera Ecclesiæ arrodentium, molem עַתָּה רָעָה
tempus malum Amos. v. 13. & καὶ πῶς χαλεπὸς *tempora diffi-*
lia 2 Timoth. i. 11. i. dixeris merito. Exiverunt pridem,
 exeuntque quotidie ex portis Ecclesiæ hujus seductores
 Spiritus ad Reges terræ & habitabilis totius, ut eos con-
 gregent ad proelium diei illius magnæ Dei Omnipoten-
 tis in locum *Harmageddon* Hebraicè dictum. Ecce; ita in-
 terea Filius Dei ex Cœlo fideles suos alloquitur, *venio*
sicut fur. Beatus qui vigilat, & custodit vestimenta sua, *ne nudus*
ambulet, & videant turpitudinem ejus, Apoc. xvi. 14--17.

Presphonestis
ait Romam;

CCCL. Tu verò ROMA,

Spurcum cadaver pristina venustatis,

Imago turpis puritatis antiquæ.

Nec Roma Romæ compos, sed tamen Roma,

Sed Roma, quæ præstare non potes Romam,

Sed quæ foveris fraude, quæ foves fraudem.

Urbs prurienti quæ obsoletior scorto,

Et obsoleti more pruriens scorti,

Quæ pene victa sæce prostituerum

Te prostituta vincis, & tuum facta es

Tibi Lupanar in tuo lupanari.

Vale pudoris urbs inanis & recti,

Tui pudoris nominisque decoctrix,

Turpis litura non merentium rerum,

Ocelle quondam, nunc lacuna Fortunæ

Negotiosa mater otiosarum.

Vale nefanda, constuprata, corrupta,

Incesta cœlibum Quiritium manceps!

Tu omnium in Christiano Orbe malorum causa es. quo-
 rum tibi coram Deo forti, justo, Zelote reddenda erit
 quandoque ratio. Propter te mactantur, affliguntur, ve-
 xantur tot millia hominum Christum Salvatorem suum ve-
 rè

rè & purè colentium. Tibi omnis ille sanguis innocentissimorum effusus est, Tibi omnis suscepta vexatio, patrata persecutio est. Non alia tot persecutionum, tot afflictorum malorum causa, ac ne pretextus quidem alius est, quàm quòd Christiani tuam illam, nullo jure, nullo titulo, hactenus in fidem & conscientiam eorum usurpata, Apostolicam videlicet, auctoritatem agnoscere sicut non potuerunt, ita noluerunt. Homines Tu quidem fallere potuisti, & poteris, quousque justè sanctèque permiserit Dominus. Sed disposita jam fata tua sunt. DEUS destruet Te in finem, evellet te, & emigrare te faciet de tabernaculo tuo, & radicem tuam de terra viventium. Arguet te, & statuet se contra faciem tuam. De Te, & Tibi dicta noveris feriorientia illa oracula: *Et vidi mulierem sedentem super bestiam coccineam, plenam nominibus blasphemia, habentem capita septem, & capita decem. Et mulier erat circumdata purpura, & coccino, & inaurato auro, lapide pretioso, & margaritis, habens poculum aureum in manu sua, plenum abominatione & immunditia fornicationis ejus. Et in fronte nomen ejus scriptum: Mysterium: Babylon illa magna, mater fornicationum & abominationum terræ. Cecidit, cecidit Babylon illa Magna: quæ à vino iræ fornicationis suæ potavit omnes gentes. Justus es Domine, qui es, & qui eras Sanctus, qui hæc judicasti; quia sanguinem Sanctorum & Prophetarum effuderunt, & sanguine potasti eos. digni enim sunt. Babylon magna venit in memoriam ante Deum, ut detur illi calix vini indignationis iræ ejus. Quæ Tibi soli examussum & πανομοιωτης convenire, deinceps, οὐ θεὸς παλάμη manifestum faciemus. At clamant interea animæ decollatorum afflictorumque omnium propter testimonium Jesu, & propter verbum Dei, sub tus altare Dei: USQUE QUO DOMINE, SANCTE ET VERAX; NON JUDICAS ET NON VINDICAS SANGUINEM NO-*

& Ecclesia triumphans multantisque ardentia vota.

STRUM DE iis, QUI HABITANT IN
TERRA. Et qui talia testatus est, dixit: ETIAM,
VENIO CITO. AMEN. suspirantibus omnibus,
qui adventum ejus diligunt: ETIAM VENI, DO-
MINE JES-U. Tibi Patri, Filio & Spiritui S. ob abyf-
sos judiciorum & gratiarum divitiarumque Tuarum, sit
Magnificentia & Robur, Gloria, & Victoria, & Honor
in Secula Seculorum!

F I N I S.



FRAN-

FRANCISCI GUICCIARDINE

*Patritii Florentini, & Leoni X. Pontifici
Romano à Secretis consiliis,*

HISTORIA
PAPATUS

Quam

*In Historiarum ejus Libri Quarti impressis Exempla-
ribus mala fide omissam;*

Ex Autographo Florentino, Nobilis Florentini confan-
guinei bona fide, una cum Paralipomenis nonnullis
aliis, restitutam, ob argumenti affinitatem
adjungere placuit.

Nobilis Florentinus

LECTORI.

INvadendis occupandisque Imperiis, juris sæpe color initio quæri solet: stabilita verò fundataque semel tyrannide, vetera illa initia quantum potest obruuntur, sex tantum Regia nude, & veluti & ἀνγυῖος obtenditur, in contemptores legibus Majestatis perduellionumque vindicatur. Itaque simpliciter magis & ingenuè, quàm cautè Paulus III. cum de summa ipsius potestate aliquando inter familiares mentio incideret, ridere illos solitus erat, ut scholasticos & rerum rudes, qui à Christo eam tam anxie repeterent, cujus se possessionem vel solam, optimum & firmissimum titulum habere dicebat, quam viribus opibusque summis, civitatibus munitissimis, & potentissimorum Principum sibi conjurantium auxilio tueri ac defendere posset. Prudentius etiam Italarum pars maxima, quæ Pontificem Romanum, non uti Deum aliquem, aut Dei vicarium ob fulmina illa, quibus jam pene totus inermis est; sed ut Principem viris, armis, urbibus castris, fœderibusque potentissimum reveretur & observat. Nos verò, quos ille ut puerulos sola vanæ religionis larva perterret, quibusque ut venalitiis mancipiis pro arbitrio abutitur, scire aliquando par est, quo jure, quare injuria tam duro inclementique Domino serviamus: non ut tanquam spartaci bellum aliquod servile moveamus, sed ut ingenui nati, & quorum majores servitutem illam non servierunt, vindicibus ta-

men:

men idoneis vel tertia assertione semel amissam libertatem & strenuè recuperemus, & fortiter retineamus conservemusque. Natales porro nostros, vel ab ejusdem Domini familia, aliqua saltem ex parte repetere licet, ex qua est hoc quidem mancipium, sed frugi admodum & manumissione dignissimum: cujus etiam hac in re fidem herus infidelissimus per alligatos obruere conatus est. Nos tabulas quasi ex naufragio, aut potius ex rogo vispellionum manibus extortas omnibus reddimus. Quarum fidem & vindicam satis perspecta integritas, & auctoris stylus, & loci ipsius, unde dolo malo detractæ sunt, vel sola inspectio sic asserunt, ut de ea nemo bonus justè dubitare possit. Reliquum est, ut hoc beneficio prudenter & serio utamur fruamurque, ne si nos ob pretium participandum iterum quodammodo venire patiamur, non eadem posthac spes libertatis, affulgeat, & perpetua servitute dignissima etiam gravioribus flagris mancipia premamur.

FRANCISCI GUICCIARDINI

*Locus, historicum Papatus edifferens, restituendus**Libro I V. post concessit, &c.**vid. Guicciard.
Hist. Lib. 4. tom
i. pag. 930.*

*Occasio Hi-
storia.*
D cujus rei, & multarum aliarum sequen-
tibus temporibus gestarum clariorem noti-
tiam, res ipsa poscit, uti quid juris in Fla-
minia, quæ nunc *Romagna* dicitur, oppi-
dis, aliisque compluribus, quæ vel nunc
possident, vel antea variis temporibus pos-
sederunt, Romani Pontifices habeant, dicatur: quoque
pacto ab initio rerum sacrarum administrationi duntaxat
præfæcti, ad Regna & Imperia pervenerint: ad hoc ut
id etiam tanquam his annexum & conjunctum, quæ ob
has atque alias causas contentiones diversis temporibus
inter Pontifices atque Imperatores extiterint, commemo-
retur.

Pontifices Romani, quorum primus Petrus Apostolus *Pontificum
primorum
humilitas.*
fuit, accepta ab Jesu Christo in rebus sacris ac divinis au-
ctoritate, charitate, submissione, patientia, spiritu sacro
& prodigiis magni, per illorum initia non modo poten-
tia civili & mundana penitus nudati, verum etiam ab illa
vexati, diu obscuriac ferè ignorati fuere: eorum nomi-
ne nulla re magis quam suppliciis & cruciatibus perferen-
dis innotescente, quæ una cum iis, qui eos sequebantur,
sustinebant. Nam etsi cum propter infinitam multitudi-
nem diversarum nationum & sectarum quæ in urbem Ro-
mam confluxerant, parum Christianorum progressus &
actiones animadverterentur, essentque ab quorundam Im-
*Eorundem
persecutio.*

peratorum vi & vexationibus immunes, nisi si quando illorum publici ritus silentio præteriri non possent: nihilo minus tamen aliqui alii, sive innata veritate, sive Deorum suorum infano quodam amore percussi, eos tanquam novarum superstitionum auctores, & suæ religionis eversores, atrociter persequebantur.

Sub Constantiniano. M. Libertate sibi incipiunt.

Hoc in statu tum voluntaria paupertate, tum vitæ religiosa sanctimonia, tum suppliciorum acerbitatibus clarissimi, ad Silvestri Pontificatum perstiterunt. Cujus temporibus quum ad christianam religionem Constantinus moribus sanctissimis Christianorum, & prodigiis atque miraculis, quæ frequentissima in iis, qui Christi vestigia sequebantur, elucebant, permotus, animum appulisset, Pontifices à periculis, in quibus annos circiter trecentos versati fuerant, tuti, liberiùs cultum divinum exercere, ritibusque Christianos palam profiteri. Quamobrem factum est, ut partim morum & vitæ admiratione, partim præceptorum, quæ nostra religione continentur, sanctitate, partim quoque facilitate quadam mortalium, qua plerumque vel ambitione, vel metu, Principis sui exemplum imitantur, nomen christianum mirificè omnibus in locis propagari, paupertas verò illa sacerdotum beata diminui, cœperit. Nam Constantinus templo in Laterano Divo Joanni, in vaticano Petro Apostolo, itémque Paulo, aliisque diversis in locis, ædificatis, ea non modo pretiosis vasis ornamentisque ditavit, verum etiam ut facta tecta, tueri ac renovare, quæ extructa erant, seque, qui rebus sacris operam darent, sustentare possent, prædiis atque aliis vetigalibus donavit. alii præterea multi post secuti, rati beneficiis hujusmodi faciliorem aditum in cœleste regnum sibi patefieri, aut nova extruebant fana, eaque donis cumulabant: aut jam extructis suorum bonorum portionem

ali-

Nomen christianum propagatur & Ecclesia dilatur.

aliquam attribuebant; quinetiam si ve lege quapiam inventata, si ve consuetudine, ad leges Moſeæ exemplum, quisque de bonorum suorum fructibus decimam partem locis religioſis pendebat. Ad quod quidem efficiendum, magno cum ardore excitabantur, quod viderent ab initio Sacerdotes, eo excepto, quod ad parcissimum victum ſibi reſervabant, quicquid reliquum erat, partim in ædificia religioſa, eorumque ſuppellectilem, partim in egenos alioſque pios uſus impendere. Cumque nondum ſuperbia & ambitio in eorum pectoribus inſediſſet, ab univerſis, qui ubique erant, Chriſtianiſ omnium Eccleſiarum ſupremus cuſtos, & tanquam Petri Apoſtoli ſucceſſor Episcopuſ Romanuſ agnoſcebatur: primum quòd ea civitas ob ſuam antiquam dignitatem, tanquam reliquarum caput & Princeps, Imperii nomen majeſtatemque retinebat: deinde quod illinc in bonam Europæ partem religio Chriſtiana diſfuſa erat: poſtremo quia Conſtantiuſ à Silveſtro ritu Chriſtiano aquis initiatuſ, ejuſmodi aucto-ritatem in eo atque in ejuſ ſucceſſoribus libenter agnove-
rat.

Fama quoque eſt, Conſtantiuſ Orientis provinci-
arum motibus Imperii Sedem Byzantium, poſt de ſuo no-
mine *Conſtantiopolim* appellatam, transferre compulſum,
Pontifici Romanæ urbiſ aliarumque & urbium & regio-
num in Italia imperium donaſſe. Quæ fama quamvis à ſe-
quentibus Pontificibus diligenter fuerit enutrita & ſuſten-
tata, eorumque aucto-ritatè à multis credita, eſt nihilo-
minus cum ab ſcriptoribus graviffimis, tum verò rebus
ipſiſ reſutata. Illud autem certò conſtat, & tunc & longo
poſt tempore, urbem Romam, Italiamque omnem tan-
quam Imperio Cæſarum obnoxiam, ab Imperatorum mi-
niſtris ac Præſectiſ fuiſſe gubernatam. Nec deſunt qui,

*Divitiis Ec-
cleſiæ pietas
Sacerdotum
promovet.*

*Episcopuſ Ro-
manuſ Eccle-
ſiarum reli-
quarum cuſto-
des agnoſcun-
tur.*

*Donatio Con-
ſtanti M.
reſecta.*

*Peſt Conſtan-
tini M. in-
gratitudo
Byzantium m*

*Pontificum
potentia ori-
ginem sorti-
tur.*

quicquid de Constantino & Silvestro dicitur (usque adeo sæpe profundis in tenebris res vetustæ demersæ latent) redarguant, ostendantque eos longè diversis temporibus extitisse: nemo tamen negat, Imperii Constantinopolim translatione ad Pontificum Potentiam, viam esse patefactam, ex eaque originem habuisse. Nam indies magis & magis Imperatorum auctoritate, tum ex illorum continua absentia, tum quòd gravissimis in Oriente bellis distinerentur, in Italia debilitata, populus Romanus ab Imperatorum obedientia, paulatim descissens, atque ob eam rem tanto magis Pontifices præsentis respiciens, eis cœpit non obedientiam quidem, sed voluntarium quoddam obsequium exhibere.

*Impeditur
tamen eadem
subinde à Go-
this & Van-
dalis: nec
non Exarchis,
Romanis Præ-
fectis impo-
nentibus.*

Quamquam ne hæc quidem nisi lentè sese ostenderunt, ob Gothorum & Vandalorum aliarumque barbararum nationum in Italiam effusiones, à quibus capta sæpè ac direpta Roma, & Pontificum nomen, quod ad civiles attinet res, in obscuro penè contemptum jacebat, & Imperatorum in Italia auctoritas evanescebat, quandoquidem eam tanta cum ignominia prædæ barbaris expositam deferebat. Aliarum nationum impetus cum torrentis instar erupisset, Gothorum per annos septuaginta potentia permansit. Erant hi nomine & professione Christiani, genere à prima origine Scythæ & Daci; quibus tandem Cæsarum armis Italia pulsus per Græcos iterum Magistratus cœpit Italia gubernari: quorum qui cæteris imperabat, Græca voce *Hexarchus* appellabatur, sedemque Ravennæ in urbe vetustissima, eisque temporibus opulentissima, atque ob agri bonitatem frequentissima, habebat. Nam post magnum incrementum ex Cæsaribus Augusti atque aliorum Imperatorum classe validissima susceptum, quam in ejus portu urbi penè conjuncto, cujus nunc vix ullum extat vestigium,

con-

continenter tenuerunt, à multis belli Ducibus, deinde ab Theodorico Gothorum Rege, ejusque successoribus fuerat habitata: qui quòd Imperatorum potentiam suspectam haberent, eam potius quàm Romam, Regni sui sedem maris opportunitate, Byzantio propioris, ducti delegerunt. Quam opportunitatem Hexarchi, etsi contraria ratione, secuti, cum ibi confedissent, Romanæ urbi, aliisque, Italiæ civitatibus proprios imponebant Præfectos, quos Duces appellabant. Hinc Ravennatis Hexarchatus nomen: quo nomine omnia comprehendebantur, quæ proprios Duces non habebant, sed uni Hexarcho obtemperabant. Qua tempestate Pontifices Romani, civilis potestatis penitus expertes, atque in mortalium animis admiratione & observantia, moribus ipsorum ab illa pristina puritate jam fatiscentibus, obsolescente, tanquam Imperatoribus subjecti ætatem agebant; sine quorum & eorum, quos Hexarchos diximus appellatos, auctoritate, quamvis Sacerdotum Populique Romani suffragiis renuntiati, neque se pro Pontificibus gerere, neque Pontificatum capere audebant. quinetiam Episcopi Constantinopolitanus & Ravennas, quoniam religionis sedes Imperii atque armorum potentiam sequi consuevit, cum Romano Episcopo sæpenu-mero de principatu disputabant.

*Episcopi Constantinopoli-
tani & Ra-
vennas Ro-
mano de pri-
matu contro-
versiam mo-
vent.*

Cæterum haud multo post rerum mutatio consecuta. Nam Longobardi, gens ferocissima, in Italiam ingressi, Galliam Cisalpinam occuparunt: ab quorum imperio Longobardia est appellata. Adjecerunt etiam Ravennam cum Hexarchatu universo; alias præterea multas Italiæ partes, armis Picenum usque & Spoletum, & Beneventum prolatis: quibus in locis Duces à se dictos imperare jusserunt. Atque hæc omnia, dum Imperatores partim igna-

*Longobardi
Italiam occu-
pant.*

via, partim Asiaticis bellis detenti, hisce rebus parum prospiciunt.

Roma ab Imperatore deserta per Pontifices gubernari incipit.

Pipinus Longobardis pulsis partem Imperii ipsorum Ecclesiæ Romanæ donat.

Horum igitur auxiliis Roma destituta, cum nec jam Hexarchorum magistratus essent in Italia, consiliis atque auctoritate Pontificum gubernari cœpit, qui cum aliquot annis post unâ cum Romanis ab Longobardis opprimerentur, ad Pipini Francorum Regis auxilia tandem se receperunt. Qui valido in Italiam exercitu, ubi Longobardi annos ultra ducentos dominatum tenuerant, ducto eos inde pepulit, partemque ipsorum Imperii, quasi belli jure parti, Pontifici & Ecclesiæ Romanæ condonavit: in quibus non modò Urbinum, Fanum Fortunæ, Eugubbium, (Igninum olim) multaque alia Romæ vicina oppida, verum etiam Ravennam cum Hexarchatu suo, quo contineri ajunt quicquid à Placentiæ & Papiæ finibus Ariminum usque Padum & Apenninum, stagna sive paludes Venetorum, & Adriaticum sinum clauditur: Ad hæc ipsum Ariminum ad Toglâ flumen, tunc Isaurum appellatum.

Carolus M. eandem denuò à Longobardis vindicat, & non parum auget.

Pipino autem mortuo, cum denuo Pontificibus Longobardi essent infesti, & quæ ipsis donata erant invaderent, Carolus ejus filius, qui post ob maximas victorias Magni cognomentum meritò est adeptus, eorum imperio funditus everso, à patre Ecclesiæ Romanæ donata comprobavit & nominatim Picenum & Spoleti Ducatum, quo Aquila oppidum Brutiorumque pars continetur, Pontifici tum cum Longobardis bellum gereret, attributa. Hæc sic habere certò affirmant, quibus Pontificii quidam Scriptores addunt, eundem Carolum Ecclesiæ donasse Liguriam ad Varum amnem, Italiæ terminum; Mantuam item & quicquid Longobardi

di in foro Julii, atque in Histria possidebant. Idem quoque aliquis scribit de Corsica Insula, totoque illo tractu, qui Lunam inter & Parmam interest. Ob quæ beneficia Reges Galliæ celebrati, & honoribus à Pontificibus affecti, *Christianissimi* appellationem sunt consecuti.

Post etiam anno salutis octingentesimo, Leo Pontifex una cum Populo Romano (verum Pontifex haud alia auctoritate, quàm ut ejus Populi caput) eundemmet Carolum Romanorum Imperatorem nominarunt, nomine quoque ipso hanc Imperii partem ab Imperatoribus Constantinopoli agentibus sejungentes, tanquam Roma provinciæque occidentis ab illis desertæ in periculis, propriorum Principum tutela opus haberent. Hac Imperii distractione Transmarini Imperatores, nec Siciliæ Insula, nec ea Italiæ parte, quæ ab urbe ipsa Neapoli Manfredoniam usque pertingens mari terminatur (quoniam semper illorum Imperium agnoverant) exclusi fuerunt: nec ob id de consuetudine, qua Pontifices Imperatorum, quorum nomine Roma gubernabatur, auctoritate confirmarentur, derogatum est: quin etiam in suis diplomatibus, scripturæ tempus his verbis consignabant

IMPERANTE CAROLO DOMINO NOSTRO. In qua minimè gravi vel submissione, vel obsequantia persistere, dum rerum eventus animos addidēre, ut suo se nutu regerent. Quippe cū Imperatorum potentia debilitari cœpisset, primū dissidiis inter Caroli Magni posteros dum penes eos Imperii Majestas stetit: deinde Imperii ad Principes Germanos translatione, potentia Caroli Magni successoribus minimè pares, Pontifices populūque Romanus, cujus magistratibus Roma cœpit, quamvis perturbatè, & confusè, gubernari, Imperatorum auctoritati quibuscunque modis derogant.

Leo Papa una cum populo Romano Carolum M. Imperatorem nominat.

Pontifices tamen Imperatoribus auctoribus subjunt:

donec posteris Caroli dissidentibus Pontifices ab Imperatoribus eligi renuerunt.

gantes, lege sanxerunt, ne deinceps Pontificum lectio, Imperatorum auctoritate niteretur. quod quidem per annos plures variè servatum est, prout rerum vicissitudine Imperatorum potentia aut surgebat aut inclinabat.

Gregorius V. auctoritatem eligendi Imperatoris in Germanos transfert:

Quæ, posteaquam ad Othones Saxonas Imperium pervenit, aucta. Gregorius Quintus Othonis Tertii favore, qui tum Romæ erat, ad Pontificatum assumptus, hinc suæ gentis amore, illinc Romanorum quibusdam injuriis impulsus, suo Decreto legendi Imperatoris jus & auctoritatem, ea forma quæ ad hæc usque tempora perducta servatur, in Germanorum nationem transtulit:

ea tamen lege, ne nisi confirmatus à Pontifice Imperatoris & Augusti nomen usurpet.

atque ut Pontificibus in Imperatores auctoritatem aliquam retineret, eisque vicem redderet, interdixit, ne quis Imperatoris Augustive appellatione, aliove nomine, quàm Regis Romanorum & Cæsaris uteretur, ni prius Imperii coronam à Pontifice (unde mos inolevit, ut ad capiendam coronam Romam veniant) acceperit.

Roma post Othones ab obedientia Imperatoris deficit.

Cæterum Othonibus extinctis; & potentia Imperatorum labefactata, quod ad magnos Reges hæreditario jure Imperium, non veniret, Roma palam ab illorum obedientia defecit, multæque urbes, Conrado Suevo imperante, rebellarunt: & Pontifices suæ amplificandæ auctoritati intenti, Romanæ civitatis dominatum prope modum obtinebant. Sæpe tamen propter populi insolentiam & discordias, multis difficultatibus laborabant; quem ut in officio continerent, Henrici Secundi favore, qui tum Romæ erat, Pontificis creandi jus in Cardinales solos transtulerunt.

Apulia, Calabria, Sicilia, Romanorum Pontificum feudum esse incipiunt.

Pontificum magnitudini nova accessio facta est. Nam cum Normanni, quorum primum Guilelmus Ferabrachius est appellatus, ab Imperio Constantinopolitano Apulia & Calabria subtracta, Robertus Guicciardus ex illa gente

te unus, sive ut colore juris aliquo sese muniret, sive quo adversus eos Imperatores potentia se armaret, sive alia de causa, Benevento Pontifici, quasi Pontificii juris esset, restituto, Apuliæ Calabriæque Principatum, quasi Ecclesiæ Romanæ feudum recognovit. Cujus exemplum Rogerius ejus successorum unus secutus, inde pulso Guilelmo eadem familia orto, post etiam Sicilia occupata, ferè anno Salutis m. c. xxx. harum provinciarum jus à Pontifice accepit: estque Rex utriusque Siciliæ, quarum una ultrà, altera cis fretum sita est, appellatus. Neque enim Pontifices, ambitione & propria utilitate adducti, alienam cupiditatem & vim fovere recusarunt. Hac juris specie freti, ulterius Pontifices progressi (ut cupido humana gradum sistere nequit) quosdam Reges illis Regnis quasi contumaces privare cœperunt, in aliosque transferre. Quo more ad Henricum Friderici Barbarossæ filium, ab hoc ad Federicum Secundum ejus filium, qui tres ordine Romani Imperatores fuerunt, ea Regna pervenere. Verum cum Federicus Pontificem bello persequeretur, essentque illo tempore Guelforum & Gibellinorum factiones excitatæ, quarum alterius caput erat Pontifex, alterius Imperator. Pontifex, mortuo Federico, Carolum Andiovinorum & Provinciæ comitem (cujus antea facta mentio est) utriusque Siciliæ Regem appellavit, hac lege, ut quotannis auri unciarum sena milia tributum nomine penderet; ac ne quis eorum Regum in posterum Imperatoris Romani appellationem posset admittere. quæ exceptio semper ab eo tempore in Regni Neapolitani diplomate expressa fuit. Nam Siciliæ Regnum post à Tarraconensibus Regibus occupatum, à Pontificum obedientia sese subduxit, atque à tributo pensitando vindicavit.

*Eorum Reges
pro lubitu
Pontifices de-
ponunt, &
regna trans-
ferunt.*

*Donationes
dubia Ma-
thildis, Au-
thperti, &
Luthbrandi
Regum Lon-
gobardia.*

Ad hoc obtinuit fama (etsi haud ita certa, quàm ea quæ hætenus dicta sunt) Mathildam Principem in Italia præpotentem, Ecclesiæ eam partem Etruriæ donasse, quæ Pescia torrente & Quirici castello in Senensium finibus ab una parte, ab altera mari infero & Tyberi amne, quæ hodie *Patrimonium Petri* vulgo nominatur: & addunt alii, ab eadem Ferrariam Ecclesiæ donatam. Hæc postrema dubia fide retulimus. Cæterum multo magis dubia, quæ ab aliquo scripta sunt, videlicet Authpertum Longobardorum Regem, florente ipsorum Regno, eidem Ecclesiæ Alpes Coccias, in quibus Genua, & quicquid ab ea in Provinciam usque Romanorum patet: & Luthprandum ejusdem gentis Regem, Sabinam Romæ propinquam regionem, Narniam & Anconem, cum aliis quibusdam oppidis attribuisse.

*Pontificum
sub Imperato-
ribus, Con-
stantino M.
Longobardi
& Gallie
Regibus sta-
tus.*

In hunc igitur modum rerum statu variante, variæ pariter Pontificum atque Imperatorum res fuere. Nam à primis Imperatoribus per multa annorum curricula vexati, post Constantini ad Christum conversione; ab eo terrore liberati rebus sacris tantum operam dantes, in reliquis Imperatorum auctoritati ferè subjecti, sub eorum umbra quieverunt. In hoc humili statu diutissimè post vitam egerunt, ab Imperatorum commercio, propter magnam in Italia Longobardorum potentiam, sejuncti. Post autem Gallie Regum beneficio opibus & potentia aucti, cum Imperatoribus conjunctissimi steterè, ab illorum auctoritate, dum Imperatoria Majestas in Caroli Magni posteris mansit, alacri animo pendentes. Quod quidem fiebat, tum propter beneficia vicissim data & accepta, tum etiam ob Imperatorum potentiam: quæ ubi post cœpit inclinare, & quasi flaccescere, illorum amicitia prorsus rejecta, ita se gerere cœperunt, quasi Pontificiæ digni-

*Inclinantia
potentia Im-
peratorum
isdem se
Pontifices op-
ponunt.*

tatis esset, leges potius Imperatoribus dare quam accipere. Cumque à veteri illo, quo subjecti Imperatoribus, statu penitus abhorrent. veritque ne illi Romæ atque alibi antiqua Imperii rura recuperare, ut quidam illorum aut potentia majore, aut animo erectiore efficere conabantur, tentarent, armata vi sese Imperatorum potentia, ab illis Tyrannis qui se Principes appellabant, & ab illis urbibus, quæ sese in Libertatem vindicaverant, nec jam Imperii auctoritatem agnoscebant, adjuti opponebant. Hinc factum est, ut Pontifices sibi in dies plura majoraque arrogantes, terrorémque armorum cœlestium in res terrenas caducas vertentes, jus sibi atque auctoritatem in Imperatores, quasi Christi in terris vices gerentes, assumpserunt: affirmantes ad se multis in rebus Regnorum atque Imperiorum procurationem pertinere. Qua persuasione freti, Imperatoribus interdum Imperii dignitatem abrogabant; septem viros Augustales, ut alios in eorum locum surrogarent, incitabant. vicissim quoque Imperatores, aut ipsi creabant novos Pontifices, aut ut crearentur procurabant.

Atque inde sibi jus in Imperatorem cum Christi vicariis assumunt.

Ex his controversiis, atque etiam quod Pontifices per annos septuaginta Avenione sedem habuissent, nec non ex illo Ecclesiæ dissidio, quod in Italia, Pontifice Romam revertente, est exortum, cum Ecclesiæ status admodum concussus ac debilitatus esset, factum est, ut in oppidis Ecclesiæ subjectis, præcipuè verò in ea Italiæ parte, quæ olim Gallia togata dicta est, complures in eis cives potentia cæteris superiores, in sua quisque patria tyrannidem occuparent: quos Pontifices aut persequerentur, aut, si ad eos opprimendos impares essent, quasi Ecclesiæ beneficio regnare jubebant, aut aliis in eos excitatis regnandi jus attribuebant. In hunc igitur modum Galliæ togatæ

Occasione dissidii Pontificum, Ecclesiæ Romani oppida proprios Dominos, cum Ecclesiæ vicarios habere incipiunt.

oppida, proprios Dominos ac plerosque quasi Ecclesiæ vicarios habere cœperunt. Eodem modo Ferraria Actio Atestino à Pontifice gubernanda tradita, eidem est post beneficii nomine attributa: ex quo deinde ea familia illustrioribus honorum titulis est exornata. Sic Bononia ab Joanne vice comite Mediolanensium Archiepiscopo occupata eidem pari jure concessa fuit. Iisdem quoque de causis in multis Picenæ oppidis, Divi Petri Patrimonio, & Umbria, quæ nunc Ducatus appellatur, plures Reguli, pars invito, pars ad consentiendum adactò Pontifice, sunt exorti: nec Longobardia, in Imperii præsertim oppidis, ab hujusmodi mutationibus immunis fuit, sic ut qui in flammia, atque aliis Pontificiis locis dominabantur à Pontificum obedientia deficientes ad Imperatorum auctoritatem confugerent: & vicissim qui Mediolanum, Mantuam, & alia Imperii oppida tenebant, à Pontificibus regnandi jus obtinerent.

*Absentibus
Roma Pontificibus
urbis
Roma à Banderensium,
Magistratu
regitur:*

Roma verò, quanquam nomen Ecclesiæ temporibus illis præ se ferret, magistratibus tamen regebatur propriis & suis: & quamvis initiò cum & venione in Italiam postliminio revertissent, tanquam Domini agnoscerentur, paulò tamen post Romani creato magistratu, quod Banderensium appellabant, in veterem contumaciam recidère. Unde cum Pontificum auctoritas apud eas esset perexigua, & ipsi alio translata sede, Romam reliquere, donec Romani ad paupertatem redacti, atque in magnam propter ejus absentiam confusionem delapsi, cum annus millesimus quadringentesimus appropinquaret, in quo anno, si Pontifex in urbe esset, sperabant ingentem fore propter annum secularem, quem jubileum vocant, mortalium concursum, precibus quàm demississimis Bonifacium Pontificem orarunt, Romam rediret: id si faceret, Banderensium

sum magistratum abrogaturos, seque ei obsequentes in omnibus futuros, His conditionibus in urbem reversus, *donec Bonifacius IX. rediret* dum Romani illius anni quæstum unum attendunt, Pontifex occupato omni Urbis Imperio, Angelicam arcem *urbis Imperium denud occupavit.* communivit, eique Præsidium imposuit: cujus Successores ad Eugenium usque, etsi non paucis difficultatibus conflictati, nihilo minus dominatu post planè stabilito, insecuti Pontifices citra ullam controversiam Romæ sunt pro sua libidine dominati.

His igitur fundamentis & modis ad terrenam potentiam *Sic Romani Pontifices animarum salutarum salutis obliti, potius Principes gentium, quam sacrorum Pontifices evadunt.* elati, ac sensim animarum salutis, divinarumque præceptorum obliti, atque ad mundana Imperia omni cogitatione conversi, nec divina auctoritate aliò, quàm quasi telo & Instrumento rerum fragilium abutentes, Principes *gentium, quam sacrorum Pontifices evadunt.* potius gentium, quàm rerum sacrarum Pontifices, videri cœperunt. Horum curæ & negotia; non jam vitæ sanctimonia, non religionis incrementa, non erga Deum & homines charitas; sed exercitus, sed bella in Christianos, cogitatione & manibus sanguine respersis sacra tractantes: Sed pecuniæ immensa cupido, novæ leges, novæ *Eorum deinceps cura, & mores mire degenerant.* artes, novæ infidiæ ad pecuniam undique cogendam: in hunc finem audacissimè arma cœlestia vibrare, profanarum sacrarumque rerum nundinationem impudentissimè exercere. Hinc opes in immensum adauctæ, & in totam ipsorum Aulam effusæ: ex quibus fastus, luxus, mores turpissimi, libidines, voluptatésque nefandæ: nulla Successoribus, nulla majestatis perpetuæ Pontificatus sollicitudo; sed horum loco cupido anxia & pestifera, filios, nepotes, item alios sibi conjunctos & necessarios non modò ad opes immoderatas, verum etiam ad regna, & imperia evehendi: non jam honores & emolumenta in merentes & bonos conferendo, sed plerunque auctiōando, aut in

in homines ambitione, avaritia, & pudendis voluptatibus perditos effundendo.

*Auctoritas
eorum religio-
nis nomine &
Majestate su-
rentatur.*

His moribus effectum est, ut excussa penitus ex animis hominum illa vetere erga Pontifices reverentia, tamen ex parte eorum auctoritas, religionis, qua nihil in terris ad homines vel impellendos vel retinendos potentius invenitur, nomine & majestate, facultate, qua pollent, Principibus atque iis, qui apud illos maximè possunt, sacris beneficiis & honoribus conferendis gratificandi, adjuta sustentetur. Qui cum sciant, magna se in admiratione mortaliū esse: & qui adversus eos arma sumunt, eos gravis infamiae notam, & sæpenuerò aliorum Principum odia subire; ac quomodocunque res cadat, per exiguum emolumentum ad eos, à quibus oppugnantur, redundare; & victores ex suo arbitrio victoria usuros, victos, quibus velint conditionibus, pacem habituros. Ad hæc suos propinquos ex privata conditione ad Principatus attollendi cupidine inflammati, jam per multos annos bellorum auctores, novorumque incendiorum faces in Italia extiterunt.

*Bellorum in
Italia faces
existunt.*

Sed ut ad id, à quo justissimus publici damni dolor me longius acriusque, quàm leges historiæ forsitan permittant, abduxit, revertamur. *Æmilia Flamin. &c.*

I N D I C E S D U O.

Prior

CHRONOLOGICUS,

Seu

C H R O N I C O N

ECCLESIAE ROMANÆ.

Quo res in historia Ecclesiæ Romanæ narratæ, juxta Seculorum annorumque seriem, breviter digeruntur.

Posterior

RERUM & PERSONARUM.

INDEX

CHRONOLOGICAL

TABLE

OF THE ROMAN

EMPERORS, FROM THE

REIGN OF JULIUS CAESAR

INDEX I. CHRONOLOGICUS,

Seu

CHRONICON ECCLESIAE ROMANAE.

Quo res in historia Ecclesiae Romanae narratae,
juxta Seculorum annorumque seriem,
breviter digeruntur.

SECULUM PRIMUM.

§. I. ——— VI.



Ecclesia ob persecutionem dispersa, Andronicus & Junias, insignes inter Apostolos, Saulis persecutoris cognati, & ante ipsum ad Christum conversi, Romam perrexisse, atque ibi Christum praedicasse videntur, Rom. xvi. 7. Paulo mox eorum, vel aliorum etiam opera, secundum Evangelium suum, Romanos Christo lucrificante, & in agnita veritate confirmante. ib. v. 25. §. II.

S. Paulus Romanis fidem in toto orbe celebrem gratulatur. §. III.

S. Ignatius Romanam Ecclesiam insignibus elogiis laudat. §. IV.

A. C.

34

60.

91.

SECULUM SECUNDUM.

§. VI. ——— XV.

Post Apostolorum tempora Ecclesia virgo casta esse definit.
§. VI. VII.

101.

Ecclesia tamen Romana seriùs, quàm aliæ, ab hæreticis infestatur.
§. VII. Quam Romanæ Ecclesiæ felicitatem Cyprianus & Hieronymus prædicant. *§. VIII.*

Epistolæ Decretales primis Pontificibus tributæ, ceu spuriaæ rejiciuntur. *§. IX. X.*

180. Episcopi Romani Presbyteris prælati maturè satis inolescere incipiunt. *§. XI. --- XIV.*

195. Victor P. Polycratem & Ecclesias Asiaticas ob diversitatem ritus acerbè perstringit. *§. XIV.*

SECULUM TERTIUM.

§. XV. ——— XVI.

250. **S**tephanus P. Ecclesiis Hispanicis dominatur, & jus appellationis ad Ecclesiam Romanam tuetur. *§. XV.*

256. Idem Ecclesiis Africanis & Orientalibus insultat. *ib.*

SECULUM QUARTUM.

§. XVI. ——— XXV.

312. **C**onstantinus M. Maxentio victo Ecclesiis pacem impetrat. *§. XVI.*

314. Idem Ecclesiam Romanam immodicis donationibus auctam corrumpit. *§. XVI.*

Idem Concilio Arelati indicto Donatistarum causam cognoscit. *ib.*

325. Concilium Nicænum. I. idem convocat, in quo Episcopus Romanus præcipuas partes non habuit, & aucta Episcopali potestate, Romanus ad Curiam parium relegatus est. *ib.*

336. Marcus P. Ecclesiæ R. jura detonare incipit. *§. XVII.*

347. In Synodo Sardicensi canon conditur, quo Episcopis ab aliis damnatis permittitur, ut Romam eant, ibidemque causam suam cognosci curent. *ib.*

352. Liberius P. Arianizat. *§. XVIII.*

366. Liberio mortuo pro Sede Romana occupanda Damasus & Ursinus infesti dimicant. *§. XIX.*

370. Hieronymus ambitionem & fastum Ecclesiæ Romanæ graviter pullat. *§. XX.*

Impe-

Imperatores Romani, Valentinianus, Valens & Gratianus Cleri
Romani avaritiam insatiabilem legibus coercunt. §. XXI. 376.

Concilium Constantinopolitanum celebratur, præside non Dama-
so P. R. sed Nectario Episcopo Const. in quo etiam Episcopo Constan-
tinopolitano privilegia honoris post Romanum Episcopum decernun-
tur. §. XXII. 381.

Siricius P. Hispanicis & Africanis Ecclesiis dominatur. §. XXIII. 386.
& cœlibatus Sacerdotum lege sancita, doctrinam corrumpit. §. XXIV.

SECULUM QUINTUM.

§. XXV. ——— XXIX.

Innocentius I. P. appellationis jus ad Ecclesiam Romanam tuetur
§. XXV. 404.

Zosimus, & post Bonifacius I. Sixtus III. Leo I. potestatem Pa-
palem amplificunt. *ib.* 417.

Leo I. ad stabiliendum Primum Papæ verba Christi ad Petrum:
Tues Petrus, &c. detorquet. *ib.* 450.

Septentrionales Populi Italiam vastant. §. XXVIII.

In Concilio Chalcedonensi de thronis Patriarchalibus decretum
conditur, & Sedis Romanæ prærogativa non Divino sed humano juri
accepta fertur; simulque Episcopo Constantinopolitano τὰ ἴσα μετ' ἐβένια
jura æqualia, sine respectu ad Romanum, decernuntur. Unde con-
tentiones Romanum inter & Constantinopolitanum Episcopos gli-
scunt. §. XXVI. 451.

Felix III. P. Acacium Episc. Constantinopolitanum, decretæ si-
bi potestatis vindicem excommunicat: ejus vicissim nomen Acacius è
diptychis eradit. §. XXVII. 483.

Gelasius I. P. primum suum in Concilio Romano ex Divino jure
arcessere nititur. *ib.* 494.

Symmachus Papa in tumultu eligitur. §. XXVIII. 498.

SECULUM SEXTUM.

§. XXIX. ——— XXXVI.

Seculum sextum Pontificibus Romanis ad stabiliendam Monar-
chiam admodum favorable est. §. XXXI. 501.

514. Hormisda P. in Oriente & Occidente potestatem Papalem strenuè promoyet. §. XXX.
526. Johannes I. P. à Theodorico ad Imp. Or. Justinum missus, Arianorum restitutionem sollicitat, & cum Epiphania Episc. Constantino-politano certans, redux ob superbiam à Theodorico in carcerem compingitur §. XXXI.
532. Justinianus Imp. Johanni II. Papæ universi Orientis Sacerdotes subjecit; & caput Ecclesiarum Romanum vocat, Occidentalium scilicet. §. XXXI.
553. Synodus Constantinopolitana quinta, Vigilio P. invito, celebratur. Vigilius tamen tandem illam approbat, invitis Italiæ Episcopis, & propterea Ecclesiæ R. imperiose subducentibus. §. XXXI.
580. Johannes Jejunator Episcopus Const. Oecumenici Patriarchæ titulum assumit, §. XXXIII. & ea propter gravissimè à Pelagio II. & Gregorio I. exagitur. §. XXXIV. vaticinante etiam Gregorio, pejora tempora instare. §. XXXV.

SECULUM SEPTIMUM.

§. XXXVI. ——— XLV.

606. **P**Hocas parricida Mauriti, instante Bonifacio III. P. parricidii approbatore, sancit, Ecclesiam R. caput esse omnium Ecclesiarum. §. XXXVI. Unde Bonifacium Antichristi præcursores fuisse, ex ipsius Gregorii M. sententia, evincitur. §. XXXVII. XXXVIII. Papatusque adeo genuinus & usurpata in Spiritualibus suprema potestas inde originem trahit. §. XXXIX.
626. Honorius I. P. in Monothetarum hæresin labitur. §. XL.
- Pontifices R. neglecta Ecclesiæ cura incipiunt magnifica Templâ struere, ceremonias & ritus Romanos, primatum Papæ in primis aliis Ecclesiis obtrudere. §. XLI.
678. Agatho P. Sanctiones Romanæ Sedis omnes, tanquam Divina voce Petri firmatas, recipi debere, sancit. *ibid.*
680. Eodem Pontifice Theologia & bonæ literæ negligi & frigere incipiunt. *ibid.*
- Synodus Constantinopolitana VI. in Trullo habetur, in qua tamen Agatho P. adeo prærogativam nullam sortitur, ut ad curiam parium redigatur. §. XLII.
682. Leo II. P. à Constantino impetrat, ut Episcopus Ravennatensis Romæ ordinetur. §. XLIII.

Benedictus II. P. impetrat, ut Papa non expectato consensu Imperatoris vel Exarchi confirmetur. *ibid.* 685.

Sergius I. P. in schismate ex media populi turba raptus Papa saluatur. *ibid.* 688.

Constantinopoli celebrata Synodus Quinifexta, varios canones Ecclesiæ Romanæ disciplinæ & authoritati opponit. Unde repugnante Ecclesia R. schisma Orientales inter & Occidentales invalescit §. XLIV. 692.

SECULUM OCTAVUM.

§. XLV. ——— L.

Seculi octavi status proferendæ Ecclesiæ Romanæ dominationi per opportunus est §. XLV. 701.

Aripertus Longobardorum Rex Johanni VII. P. Alpes Cottias donat. 705.

Justinianus II. Imp. missis Johanni VII. actis Synodi Sextæ, frustra Orientalis & Occidentalis Ecclesiæ reconciliationem tentat. *ibid.*

Constantinus P. à Justiniano Constantinopoli vocatur, colloquio cum ipso instituendo finem controversiæ de Synodo sexta impositurus. Muneribusque onustum, re infecta remittit. *ibid.* 708.

Philippicus Bardanes Imp. & Johannes Patr. Const. Patrum Concilii VI. imagines è porticu Sophiæ remouent. Easdem Constantinus P. Romæ in porticu S. Petri collocat, definiens insuper, imagines in Templis inferendas esse. §. XLVI. 712.

Leo III. Maurus contra imagines edictum promulgat. adversus quem Gregorius II. Ravennates, Venetos, populūque omnem concitat. Unde populus in Paulum, Ravennæ Exarchum, involans, universam Italiam cœdibus implet; tandēque Romani ab Imp. Orientali & Exarcho ejus desciscunt. *ibid.* 726.

Zacharias P. abdicato Hilderico, Francorum Rege, ceu stupido, Regnum Pipino, Majori domus, tradit. *ibid.* 752.

Constantino Copronymo Imp. Constantinopoli celebratur Concilium VII. quo, explosis imaginibus, definitur, unicam esse imaginem à Christo institutam, Eucharistiam scilicet. §. XLVII. 754.

Nicææ, annitentibus Irene & Hadriano I. P. celebratur Synodus Nicæna II. qua sancitur, imagines honorandas, venerandas, salutandas, osculandas, incensis, cereis prosequendas esse. *ibid.* 787.

794.

Carolo M. indicente Francofurti celebratur Synodus, qua Synodi Nicænæ II. de imaginibus decretum damnatur. *ibid.*

800.

Carolus M. ad cognoscendam Leonis III. P. scelerum variorum accusati causam, Romam venit; ibique absoluto Leone, vicissim à Leone populi nomine, in Basilica Petri, solennibus ceremoniis adhibitis, Augustus & Imperator Orientis salutatur. qui etiam Romanam Ecclesiam ex præda Hunnis & Longobardis erepta locupletat, & ejusdem ceremonias plures in Francia alio fecit. §. XLVIII.

Ea occasione eoque tempore, mirè potestas Ecclesiæ R. crevit, & religionis prora & puppis in primatu Papæ, Sanctorum & imaginum cultu, cantionibus, orationibus apud statuas, Templorum ornatu, Sacerdotum cœlibatu, votis Monachorum, abstinentia à cibis certis, missis solitariis, peregrinationibus sacris, apotheosi Sanctorum, dignitatibus cleri noviter repertis, constituta est; saniorque doctrina & prædicatio verbi obsolevit. §. XLIX.

S E C V L V M N O N V M.

§. L. ——— LXV.

801.

Sæculi Noni Pontifices strictim recensiti. §. L.

816.

Stephanus IV. sancit, ne Pontifex Imperatoris injussu legatur. §. LI.

817.

Nihilominus statim Paschalis I. in scio Cæsare eligitur. *ibid.*

818.

Paschasius Ratbertus, Corbejenfis Monachus, libello de Sacramento Eucharistiæ edito, primus corporalem Christi in Eucharistia præsentiam asserit. cui se Rabanus Maurus, Scotus Erigena, Bertramus, alique, Stercoristæ, quod Symbola ore corporis assumpta, secessui obnoxia esse dicerent, probro se dicti, opponunt. §. LXIII.

824.

Eugenius II. in schismate Papa eligitur; Ludovico Lothario rem componente, & fraude à flaminibus intercepta, legitimis possessoribus restituente. §. LII.

825.

Ludovici Pii jussu Parisiis Synodus celebrata, suam de Synodo Nicænâ II. sententiam promit, & Eugenium II. à cultu imaginum revocare, insistentibus licet Imperatoribus tum Orientis tum Occidentis, frustra conatur. §. LIII.

827.

Valentinus I. P. osculum pedum à Senatu Romano primus admittit. §. LII.

833.

Gregorius IV. P. Ludovici Pii filios Patri rebellantes fovet, patri-
que,

que, nî imperio se abdicet, excommunicationem minatur. *S. LIV.*

Sergius II. Osporci dictus, primus nomen mutat. *ibid.*

843.

Godeschalcus Scotus sanam S. Augustini de gratia, prædestinatione, & libero arbitrio doctrinam asserit. quem Rabanus Maurus Episcopus Moguntinus, aliique in Synodo Moguntina damnant. *Ss. LVI.*

848.

Johannes VIII. Fœmina, Papatum conscendit. *ibid.*

854.

Godeschalcus sanam de gratia & prædestinatione doctrinam adversus Erigenam Scotum, aliolque defendere pergens, in Synodo etiam Valentina à Carolo Calvo convocata, examini subijcitur, & in ea nonnulla alia etiam in ejus adversariis desiderantur. *Ss. LVI.*

855.

Nicolaus I. P. insolenter se gerit, Papam à Seculari potestate nec solvi nec ligari, nec judicari posse, decernit: Lotharium Gallix Regem anathemate ferit. quod ante ipsum adversus Gallix Reges ausus nemo est: Michaeli Imp. Const. anathema minatur: Ravennatensem Ecclesiam sibi subijcit: Sacerdotes conjugatos diris incescit. *Ss. LV.*

858.

Carolus Calvus, litem Godeschalco inter & Hincmarum aliolque, finit. Atque ita, Godeschalco succumbente, sana de gratia, prædestinatione, libero arbitrio, doctrina declinat. *Ss. LVI.*

859.

Hadrianus II. P. Hincmaro Rhemenfi mandat, ut Regem suum, Carolum Calvum, nî Ludovico Lotharii filio Regno cederet, excommunicet. qui Hincmari & Regis typhum Papæ pulsantis, acri responso excipitur. *Ss. LVII.*

868.

Basilio Imp. Or. Constantinopoli habetur Concilium *ἡγουμεν*, cui Hadrianus, novo exemplo, per Legatos suos præsidet. In eo Photius, ob Basilium Michaelis Imp. parricidam reprehensum, damnatur, & imaginum cultus stabilitur: Papæque etiam in Oriente dominari inde conatur. *Ss. LVIII.*

869.

Johannes IX. P. intra decennium tres imperatores, Carolum Calvum, Balbum & Crassum, ad se Romam invitatos, Augustos pronuntiat & consecrat. Unde ingens ad eum lucrum, donatio Ducatus Spoletani, Aricii, Clusii, Beneventi, Calabriae, redundat. *Ss. LIX.*

873.

Hadrianus III. decreta duo edit; prius, ne in electione Papæ Imperatoris consensus expectetur: posterius, ut Crasso Rege sine liberis moriente, Regnum Italicis Principibus, unâ cum Imperii titulo tribuatur. *Ss. LX.*

884.

Stephanus VI. P. sancit, ut Ecclesiae R. leges omnes sint irrefragabiles. *Ss. LXI.*

886.

895. Formosus P. contra Sergium electus, Arnulphum Carolomanni Filium in Italiam adversus Guidonem, qui magnum Romanis præsidium imposuerat, Romani defensurum evocat, eoque venientem

897. Imperatorem coronat. *ibid.*

Stephanus VII. in cadaver Formosi nefariè sævit. *ibid.*

Infelicissima fuisse tunc Ecclesiæ Romanæ tempora, fatetur Baronius, & Adelbertus Thuscis, homines monstrosos Papatui obtrudentibus scandala cuncta imputat. §. *LXII.*

Seculo eodem nono Romani Pontifices potestatem suam tum temporalem, prolatis Donationibus fictitiis, Constantini M. Ludovici Pii, quibus sequente Seculo Donatio amplissima Othonis M. nomine venditara accessit : tum spirituales & cum eadem errores Papales plures, confictis Pontificum primorum Epistolis Decretalibus, asserere primùm cœperunt. §. *LXIV.*

SECULUM DECIMUM.

§. LXV. ——— LXXII.

901.

Seculum decimum excipit, quo nullum indoctius, infelicius fuisse, Bellarminus fatetur : quòdque sui asperitate, ac boni sterilitate ferreum, mali exundantis deformitate plumbeum, inopia scriptorum obscurum, Baronius appellat. §. *LXV.* questus idem, Romæ tum dominatas esse foedissimas & potentissimas meretrices &c. §. *LXVI. LXVII.* & Antichristum in Templo Dei sedisse. §. *LXVIII.*

Ejusdem seculi Pontifices, ceu fures, invasores, Magos, prodigiosos, Simoniacos, tyrannos, facinorosos, monstra & portenta, perjuros, grassatores, sacrilegos, Divini & humani juris violatores, Pontificii scriptores perstringunt. §. *LXIX.*

Clerum ejusdem Seculi Edgarus, Angliæ Rex, atro etiam carbone notat. §. *LXX.*

Hæreses eo Seculo novæ prodierunt nullæ, quia in Prælatos & Monachos sese abdiderunt omnes. §. *LXXI.*

1000.

Anno hoc incipere tempus effœminatum, in quo fides Christiana à pristina virilitate deficere occœperit, Wernerus in fasciculo, & Glaber Radulphus quiritantur. §. *LXXI.*

SECULUM UNDECIMUM.

§. LXXII. ——— LXXXIX.

Seculum etiam undecimum ob malorum exundantiam ferreum appellatum, in quo revelandus sit Antichristus, Baronius, Aventinus fatentur. §. *LXXII.* 1001.

Silvester II. Necromanta discipulos plures habet, dæmonibus litantes. §. *LXXIII.*

Johannes XI X. & Successores proximi factione Comitum Thufculanorum, adeoque vitio creati, magiæ crimine infames sunt. *ibid.* 1003.

Benedictus IX. & Successores Silvester III. Gregorius VI. ab Henrico Imperatore, convocata Synodo, ceu Simoniaci, sanguinarii, monstra, damnantur. *ibid.* 1034.

Ejusdem Benedicti IX. ætate Cardinalium autoritas invalescit. quorum nomen, origo & incrementa narrantur. §. *LXXIV.* Paulatim sub appellatione Ecclesiastica Seculares Principes. §. *LXXV.* Papæ Collegium Apostolicum, §. *LXXVI.* prærogativis pluribus aucti. §. *LXXVII.* & galero rubro auctorati, Papæ Senatus Edomiticus facti sunt. *ibid.*

Leo IX. primò Romæ in Concilio, post Vercellis damnat Berengarium Gandavensem, asserentem, in Cœna non ipsum corpus & sanguinem Christi, sed ejus figuram & Sacramentum præsto esse. §. *LXXVIII.* 1050.

Nicolaus II. Synodo Romæ habita, eundem Berengarium, strenuè cum Alberico confligentem licet, palinodiam canere subigit. Retractantemque viginti post annis Gregorius VII. ad novam crassiorémque palinodiam adigit. Post utramque tamen palinodiam, libertati restitutus, sanioris defensionis doctrina, novitium Papæ de presentia corporali errorem refutare strenuè perrexit, discipulos non paucos in Gallia & Germania nactus. *ibid.* 1059.

Gregorius VII. Hildebrandus Papatum init, quem Dæmoniacarum artium studiis à Benedicto IX. & Gregorio VI. imbutum, Benno & Episcopi triginta Brixinæ Noricæ coacti, testantur. §. *LXXIX.* 1073.

Idem Synodo Romæ convocata uxoratos Sacerdotes ejicit, & decretum de cœlibatu eorumdem adstringit. feralibus passim turbis expipientibus. §. *LXXXII.* 1074.

1075. Saxones in centore Gregorio VII. Henrico IV. Imp. rebellantes, & ab eodem domiti, querelam adversus Henricum apud Gregorium. P. instituunt, & Imperatorem scelerum multorum acculant qua occasione Papa se dominio Imperatoris subducere, & sibi Imperatorem subjicere tentat. §. LXXX.

1076. Henricus Concilio Wormatiæ coacto, de Pontificis injuriis, sceleribus, veneficiis graviter questus, eundem Papatu exiit; subscribentibus mox Ficini decreto huic, Germaniæ, Galliæ & Italiæ Episcopis pluribus. *ibid.*

Mox Gregorius Concilio Romæ habito Dictatibus pluribus Papatus Hildebrandini fundamentis, constitutis (§. LXXXI.) inter alia sancit, Romam esse caput mundi; suæque potestatis esse, Imperatorem deponere; Imperatoremque adeo Henricum excommunicat, ab Imperio removeri mandat; & subditos ejusdem à juramento fidelitatis absolvit. *ibid.*

1077. Henricus à Gregorio excommunicatus, metuens, ne novum Imperatorem eligere Ordines inducerentur, Romam supplex poenitensque venit, ibique intra secundum murorum ambitum receptus, abjecto cultu Regio, sine calceis, sæva hyeme jejunos usque ad vesperam forfices & scopas in manu habens, ne quicquam Papæ gratiam operitur. Quarta vice redux in ejus conspectum admittitur, iniquissimisque cum eo conditionibus transigitur. Missis nihilominus ad Germanos, Saxones inprimis, Legatis, Papa alium Imperatorem eligi jubet. Eligitur Porcemii mense Martio Rodolphus Sueviæ Dux. cum quo Henricus infestis signis concurrat. *ibid.*

1080. Gregorius Concilio Romæ celebrato, ne quis à Laico investituræ accipiat, vetat; & denuo Henricum Imp. excommunicat. Henricus excommunicatione accepta Brixinæ, una cum triginta Episcopis, Gregorium ambitionis, hæreseos, impieratis, sacrilegii reum peragit, & Pontificatu movendum decernit. Mox etiam d. 15. Octob. cum Rodolpho commissio proelio acri, eundem vincit, amputata, qua fidem Henrico dederat, dextra, Martesburgi paulo post, inter querelas de perfidia Episcoporum, decedentem. *ibid.*

1081. Henricus cum exercitu, Italiam, Pontificem depositurus, ingreditur, Romamque surrogato novo Pontifice, Clemente III. obsidet. *ibid.*

1082. Henricus Romam per duos annos obsessam occupat. *ibid.*

1084. Idem Romæ palatium Lateranense occupat, & Papam in castellum S. Angeli fugat. Die 24. Martii Clemens Papa consecratur, & ab

ab eodem Henricus unâ cum uxore coronatur. Propter aſtum pace cum Romanis facta, Imp. obſides accipit, & Senas abit. Robertus. Normannus Romam interim venit, eam diripit, incendit, & Pontificem abducit Caſſinum primùm, inde Salernum. ubi biennio poſt exul moritur. *ibid.*

Victor III. Clementi III. ab Henrico electo Papatum abrogat. 1086.
§. LXXXIV.

Urbanus II. P. cum Clemente III. vehementibus ſtudiis colliditur. *ibid.* 1088.

Idem in Concilio Claromontano canonibus variis conditis decernit, Eccleſiam ab omni ſervitute liberam, à laicis inveſtituram accipere non poſſe; jejunii quadrageſimalis initium figit, Hildebrandi acta confirmat, Galliæ Regem propter pellicem anathemate ferit, conjugia intra ſeptimum gradum prohibet; decimas Eccleſiæ adjudicat, &c. §. LXXXVIII. 1095.

In eodem Concilio Urbanus idem bellum ſacrum, Petro Eremita ſuaſore, ad eripiendam Saracenis terram ſanctam, decernit; eundemque in finem ſancit, ut quotidie preces ad S. Mariam Virginem à Clericis fundantur. Salutatio Angelica multis vicibus recitetur, quas ut numerare poſſent, juffit clericos globulos ligneos in funiculo habere. §. LXXXV. LXXXVI. LXXXVII.

Innumerabilis multitudo in Galliis conveniens expeditionem in terram Sanctam ſuſcipit, crucis ex rubra lana factæ, & humeris affixæ, ſigno diſcreta. Initia læta, exitus triſtiſſimus, & ultima prioribus deteriora evaſerunt. *ibid.* 1096.

SECVLVM DVODECIMVM

§. LXXXIX. ——— CI.

Seculum duodecimum adeò perversum fuit, ut, Bernhardo, aliſſique teſtibus, fama tulerit, Antichriſtum jamjam revelandum eſſe. Corruptionem Romanæ Eccleſiæ ſcriptores coævi acerbè deplorant. §. LXXXIX. ——— XCIV. 1101.

Päſchalis II. P. Romæ in Concilio Henricum Imp. anathemate ferit, Hæreſin Henricianam, docentem contemnere fulmina Papæ, damnat; Episcopos jurare obedientiam Papæ præcipit; Henrici filios adverſus Patrem irritat; inveſtituras laicas ſub anathemate prohibet; in cadaver Henricus Imp. ſevit. §. XCIV. 1102.

Schismata frequentissima hoc tempore Papas exercent. *ibid.*

1122. Callistus II. P. Henricum cogit, ut juri investituræ renuntiet. Ita Papa Rex absolutus fit, & schisma Pontifices inter & Imperatores expirat. *ibid.*

1127. Honorio II. Pontifice, Lombardus libros sententiarum scribit, qui passim recipiuntur, prælegunturque. Ita Theologia Scholastica, Majestati verbi Divini opposita, eliminata saniori Theologia Scripturaria, florere, & religio Christiana non ex Scripturæ demonstratione, sed traditionum humanarum, decretorum Papæ, & rationis seu Philosophiæ principiis, assèri, fœdarique multò magis incipit. §. *XCVIII.*

1133. Innocentius II. P. à Lothario Imp. juramentum fidelitatis exigit, eique ante pedes suos prostrato, & coronam expetenti detestabiliter illudit. *XCIV.*

1145. Eugenius III. P. bellum gerens cum Romanis graviter à Bernhardo Clarævall. reprehenditur. *ibid.*

1151. Eiusdem Papæ auspiciis Gratianus, Bononiensis Monachus, juris Cæsarei Majestatem obliteraturus, ad imitationem pandectarum juris Civilis, ex veterum Conciliorum decretis, Patrumque scriptis, composuit Decretorum opus, quod juris Canonici fundamenta & Regni Pontificii nervos continet. Secuti Gregorius IX. A. 1227. Decretalium libros quinque Bonifacius VIII. A. 1294. sextum: Johannes XXII. A. 1317. Clementinus Institutiones, addiderunt. §. *XCVI. XCVII.*

1155. Hadriano IV. P. equum conscendenti Fridericus I. Imp. stapedem tenere jubetur; qui opus servile renuens, ab osculo Papæ arceatur, donec imperata faceret. Inde Romæ 18. Jun. coronatur. §. *XCIV.*

1157. Hadrianum inter & Fridericum Imp. contentio oritur de Imperio R. an Papæ feudum sit. Ita pertenderat Papa, Lotharii Imp. historiam in palatio Lateranensi pictam prætexens. Picturam deleri Imp. cum petisset, neque delevit eam Papa, & scripsit insuper, Papam ei insigne Imperialis coronæ contulisse. Contumelia irritatus Imperator cum exercitu in Italiam tendit. Papa metuens sibi pacem exorat; at mox, hortantibus Cardinalibus, eundem constantius jus suum in Italia, Romæ imprimis requirentem, excommunicat. *ibid.*

Clarescit, eodem Pontifice Hadriano Waldensium nomen. Lugduni, Tholose & in Gallia Narbonensi segreges jam cœtus habuerant, Pontificum persecutiones passi. §. *XCIX. C.*

1159. Alexander III. superatis Antipapis Papatum rapit. §. *XCIV.*

Idem

Idem Henricum Regem Angliæ, quòd necis Thomæ Bequeti Cantuariensis conscius esset, virgis cœdi jubet. *ibid.* 1172.

Cum Friderico Barbarossa Venetiis pacem pangit. Ubi Imperatoris prostrati collo calcato his verbis Papa insultat: *Supra aspidem & basiliscum ambulabis, &c. ibid.* 1177.

Waldenses ab Alexandro ad Concilium Lateranense citati, forum declinant. Unde bello, cœdibus, laniens per bullas cruciatus expositi, per Europam dispersi, in Bohemia cumprimis sedem figunt. *ibid.* 1178.

Clemens III. P. Danos Sacerdotes conjugatos retinentes excommunicat: Philippum Galliæ Regem anathemate terret. *ibid.* 1188.

Cælestinus III. P. Henricum VI. Imp. coronat. Eique mox Papam adoranti, pede elevato coronam capite decutit, significans, in sua potestate esse, dare & auferre imperium. *ibid.* 1191.

SECULUM DECIMUM TERTIUM.

§. CI. ——— CXVI.

Seculi hujus faciem miseram prælagit Joachim Abbas. Et de Ecclesiæ R. perversitate graviter Scriptores cœvi quiritantur. §. CI. 1201.

Innocentius III. Philippo Imp. adversus Othonem certanti de Imperio, postquam diu vehementer restitit, cùmque excommunicavit; tandem utrumque reconciliat. §. CII. 1207.

Waldenses, quibus præcipui Galliæ Proceres jam adhæserant, mirè se diffundunt. Cum iis Innocentius Carmanii colloquium instituit. Cùm non satisfaceret Proceribus, manentes in sententia horrendam tempestatem, classicum canentibus Monachis, Dominico inprimis, fubeunt. Dispersi denuo passim nidulantur. §. CV. 1208.

Idem Angliæ Regem Johannem, & Regnum, quòd Langtonum Cantuariensi Archiepiscopatu obtundi non paterentur, interdicto subjiçit; & cruciatam adversus illud militiam concitat. *ibid.* 1209.

Rex Angliæ Johannes à Pontifice ad angustias reductus, Regnum suum feudum Pontificis & vectigale facit, promissa solutione denarii Petri, & quotannis mille marcarum Sterlinorum. *ibid.* 1213.

Innocentius Romæ in Laterano Concilium celebrat, & transubstantiationem ante à Lanfranco introductam, nec non auricularem confessionem quotannis semel edendam definit; Ordinèsq; Monachorum Mendicantium, Dominicanorum inprimis & Franciscano- 1215.

rum, qui Ecclesiam Romanam adversus Waldenses fortiter defendere cœperant, confirmat. §. CIII.

1222. Fridericus II. Imp. in Italia multipliciter à Papa Honorio III. injuriis afficitur. In Germaniam concedens, Principibus Germanis injurias illas, & evertendi Imperii R. conatus queritur. §. CV.

1223. Fridericus Romam tendit, ubi Johannes Brennenfis, Rex Hierosolymitanus, eum Papæ reconciliat, eâ conditione, ut Fridericus ducta uxore sua hæres Regni Hierosolymitani infidelibus eripiendi, declaretur. *ibid.*

1227. Friderico expeditionem in Palæstinam tardiùs suscipienti, Gregorius IX. amoto Imperatore Siciliæ inhians, indignatus, eundem excommunicat, totâmq; Italiam Guelforum Papæ, & Gibellinorum, Imperatori adhærentium factionibus miscet. *ibid.*

1228. Fridericus, excommunicatus licet, in Palæstinam tendit. Adversus eum Papa Johannem Socerum, Hospitalarios, ipsûmq; Sultân accendit. Sultânus Papæ insidias Friderico, Hierosolyma capta, detegit. unde induciis cum eo pactis Italiam Fridericus repetit, & utcunque Pontifici conciliatur. *ibid.*

1239. Fridericus Saracenis Sardiniam eripit. Eam occupatam Papa pro sua repetit, & abnuentem Fridericum excommunicat. Fridericus cum exercitu Romam tendit, cui cruciatam militiam opposuit quam Imp. vicit & orco mactavit. *ibid.*

1240. Gregorius P. à Friderico in angustias redactus, cum eo inducias ad Concilium generale usque pangit. sed mox induciæ rumpuntur, Papa pecunias undique corrogante, &, bullis per Albertum Boham huc illuc missis, adversus Imp. conspirante. *ibid.*

1241. Concilium Romæ à Gregorio in causâ Friderici indicitur. Episcopi eò non terrestri, uti Imp. petierat, sed maritimo itinere, classè viginti sex navium instructi, properant, & à Friderici filio Conrado victi, pars submersi, pars capti detentique sunt *ibid.* Denuo excommunicatus Fridericus, ab Eberhardo Salisburgensi Archiepiscopo Ratisbonæ in Comitibus, oratione adversus Papam habita pathetica, absolvitur. §. CVIII.

1243. Innocentius IV. Gregorii successor Friderici excommunicatio-nem confirmat; & in Gallia Angliâque turbas gravissimas excitat. §. CV.

1245. Idem Concilio Lugduni indicto Cæsarem Imperio abdicat, eique Henricum Thuringiæ Landgravium surrogat. Imperator Italiam petit, Papamque magnas in angustias redigit. *ibid.*

Henricus Imp. Pontificius, post vulnus Ulmæ acceptum, Isenaci moritur cui Pontificii Wilhelmum Comitem Hollandiæ sufficiunt. 1248.
ibid.

Innocentius Petrum de Vineâ, fidelem hæctenus Friderico, pretio conducit, ut Imperatorem veneno tollat. Patraturus facinus proditur de Vineâ, & captus, oculisque privatus in carcere moritur. *ibid.* 1249.

Fridericus in arce Florentina Apuliæ morbo correptus moritur. *ibid.* 1250.
Princeps longè præstantissimus, neque aliam ob causam Pontificibus adeò exosus, quàm quòd rara virtute præditus, præter morem Imp. in Italia habitans, observasse Pontificum perversa studia & molimina visus esset. §. *CVI.*

Alexander IV. P. Guilhelmi de S. Amore tractatum, cui titulus erat: *de periculis novissimorum temporum*; quo Monachorum Ordines perstringuntur, & à Franciscanis excogitatum *Evangelium æternum*, quo Evangelium Christi abrogatur, & novum Spiritus S. revelatur; describitur; comburit. §. *CIX. CX. CXI.* Æternum porro Evangelium isthoc, blasphemiiis horrendis refertum, nudum Papatum sequentium temporum repræsentabat. §. *CXII.* 1254.

Idem Papa cum Manfredo, Friderici notho, Apuliæ & Siciliæ Rege, bellum gerit, eique Edmundum, Regis Angliæ filium substituit. §. *CXIII.* 1255.

Eidem in Gallia Simoniam exercenti, Ludovicus Rex Sanctionem Pragmaticam, vetantem, ne Rege infcio pecuniæ ex Regno Romanam deportentur, opponit. *ibid.*

Flagellantium sectam recens exortam Alexander confirmat. *ibid.* 1260.

Urbanus IV. Thomæ Aquinatis instinctu festum corporis Christi instituit. *ibid.* 1264.

Idem Carolum Andegavensem Regem Siciliæ creat, dummodo Manfredum Regno pellat. *ibid.*

Carolus Andegav. Manfredum prope Beneventum proelio superat, & interficit. Conradinus Friderici II. ex Conrado nepos Regni Siciliæ hæreditatem aditurus à Clemente IV. P. cum injuria repellitur. *ibid.* 1266.

Conradinus à Carolo ad lacum Fuscinum proelio victus, una cum Friderico Austriæ Duce, Clementis P. consilio, sive decollatur, eademque opera Friderici Barb. progenies, totaque stirps Suevica extinguitur, & vacua Regna pro arbitrio Papæ dispensantur. *ibid.* 1268.

Rodolphus I. Imp. Francofurti electus, & à Gregorio X. Romanam ad coronationem invitatus, eò venire, terrentibus vestigiis, re- 1273.
c
nuit,

nuit, & Papæ, ut electionem ratam haberet, Romandiolam donavit. *ibid.*

1274. Gregorius idem Concilio Lugduni celebrato, leges in electione Papæ à Cardinalibus observandas sancit. *ibid.*

Aderant in eodem Concilio Michaëlis Palæologi Imp. Const. Legati, obediētiā promittentes Papæ, si adversario suo Carolo Andeg. resisteret. Certis conditionibus Papa paciscitur. Sed mox negotiatio evanuit. *ibid.*

1282. Siculi cum Petro Aragoniæ Rege, à Nicolao III. adversus Carolum concitato, conspirantes, d. 30. Martii vespere, campanæ pulsu, Gallos in Sicilia omnes duarum horarum spatio crudeliter occidunt, Conradini nefariè cœli sanguinem ulciscēte Deo. *ibid.*

1283. Martinus IV. P. Petrum Aragoniæ Regem excommunicat, & Regnum Carolo Valesio donat. *ibid.*

Nicolaus IV. P. Mainardum Tirolis Comitem, quod Tridentino Episcopo restitisset, excommunicat. qui gravi sermone Antichristos effœminatos pulsat. § CXIV.

1294. Coelestino V. P. Papatum ob simplicitatem resignanti, Bonifacius VIII. succedens, Gibelinis, seu fidis Imperii civibus gravem se gerere incipit. § CXV.

1299. Bonifacius coronatus & accinctus prodians in publicum, proclamat: *Ego sum Caesar & Papa.* Alberti electionem agrè tandem approbat. § CXIX.

SECULUM DECIMUM QUARTUM.

§. CXVI. ——— CXXXIX.

1300. **B**onifacius VIII. annum Jubilæum hoc anno agendum decernit, in quo plenissimam omnium peccatorum remissionem Romam venientibus, promittit. Primo die in Pontificalibus populo apparens, Apostolicam illi Benedictionem precatus est. Altero Imperiali habitu, gladio nudo prælato, sedens promulgavit: *Ecce duo gladii.* Inauguratio hæc fuit Cæsareo-Papatus, seu potestatis utriusque supremæ, quem Papa jam adeptus & bullâ etiam, *Unam Sanctam* &c. testificatus fuerat. §. CXVI. CXVII. Deinceps Clemens VI. jubilæum ad annum quinquagesimum, Bonifacius IX. ad trigésimum tertium, Sixtus IV. ad vicésimum quintum reduxit. §. CXVIII.

Eodem die, quo Jubilæum isthoc Bonifacius celebravit, etiam
Tur-

Turcicum Imperium Ottomannus auspiciatus est. §. CXXVI.

Bonifacius Philippum Pulchrum in Palæstinam proficisci sub anathemate jubet. Legatus ejus Episcopus Apameensis duriora verba prolocutus à Rege in carcerem compingitur. Papa Legatum liberari præcipit. Cunctante Rege, Papa bulla declarat, Regnum Franciæ Papæ feudum esse. Bullam cum Rex comburi jussisset, & Episcopos investivisset, vicissim Regem Papa excommunicavit. Tandem Bonifacius à Rege captus, in carcere moritur. §. CXXVII.

1301.

Robertus Gallus Papam idolum, serpentem, Antichristum vocat. §. CXXVIII. Idem facientes Fratricelli persecutionem patiuntur. §. CXXIX.

Clemens V. P. lectus sedem Avenione in Gallia figit; ubi septuaginta duos posthac annos integros, Roma relicta, & per Cardinales tres cum Senatoria potestate gubernata; Pontifices cominorantur. §. CXXXIII.

1305.

Idem Papa Durando Mimatensi præcipit, ut de reformanda ecclesia consilium scriberet. Scriptum graviter licet, in nervum non erupit. *ibid.*

Henricus VII. Imp. à Bernhardo Politiano Monacho hostia intoxicata necatur. §. CXXXV.

1308.

Concilio Viennæ celebrato, Clemens idem edita Decretali, cujus initium, *Pastoralis*, se supra Imperatores longè extollit; Minorum religionem confirmat, & Templariorum ordinem abrogat. §. CXXXIV.

1311.

Johannes XXIII. se ipsum Pontificem eligit; negans, animas defunctorum fidelium ante finem mundi beata visione Dei frui. Extravagantes idem edidit, in quibus Papam Soli, Imperatorem lunæ confert. §. CXXXVII.

1314.

Dantes Aligerius edito libro, cui titulus *Monarchia* potestatem Papæ oppugnat. §. CXXXVI.

1321.

Idem bulla bestiali Ludovico Bavaro Imperio interdicat; §. CXXXIX. cui ex Ratisbonensibus Comitibus masculè Ludovicus respondet; Antichristi nomine eum insigniens. §. CXXXI.

Johannes P. hæreseos damnat eos, qui Christum pauperem fuisse, & nihil ipsum & Apostolos proprii habuisse assererent. §. CXXXIX.

1322.

Grave dissidium inter Ludovicum Bavarum Imp. & Johannem XXIII. P. oritur. Papa Ludovicum, qui renitente eo imperaverat, Imperii invasorem: Ludovicus Papam hæresiarcham vocaverat. Ludovicus Ratisbonæ re cum Imperii Principibus communicata,

1324.

libertatem Imperii asserere statuit. §. *CXXVIII.*

1327. Ludovicus à Romanis accersitus in Italiam iter instituit, Papa reclamante, & Ludovicum excommunicante, quin & exercitum adversus eum instruente. *ibid.*

Ludovicum eruditis scriptis strenuè Wilhelmus Occam, Marfilius Patavinus, Michael Cœsenas, alique tutantur. *ibid.* & §. *CXXXIII.*

1328. Ludovicus Romam intrat, coroatur per Castellatum cum con-
juge, & Episcoporum quorundam consensu novum Pontificem eli-
git, Petrum de Corbonaria ex familia Columnensium; Nicolai V.
nomen assumentem. §. *CXXVIII.*

1329. Papa Avinione iterum Ludovicum excommunicat, hæreticum &
schismaticum proclamat. *ibid.*

1335. Johanni Benedictus XII. succedit, & similtates cum Ludovico ho-
stiliter continuat. §. *CXXXII.*

1338. Ludovicus à Benedicto diris ut exsolveretur, frustra expetens, ad
generale Concilium provocat. *ibid.*

1339. Comitibus Francofurti habitis, Principes Imperii decernunt, solen-
nitates Papæ in coronando Imperatore esse adventitias, nomina sine
re, & à quolibet Episcopo administrari posse; nec vacante Imperio
jus ejus ad Papam, sed ad Palatinum & Saxonem revolvi; denique
Concilium generale Papæ judicio anteferendum esse. *ibid.*

1343. Clemens VI. P. Benedicti successor Ludovicum excommunica-
tione solvit, conditionibus durissimis quas, suadentibus Principibus,
& Theologis Parisiensibus, ceu iniquas Imp. repudiat. *ibid.*

1346. Clemens idem Ludovicum in die Cœnæ Domini dirissimè exe-
cratur, Principibusque Imperii, ut alium eligant, præcipit. Principes
nonnulli Rhensii Carolum IV. Johannis Regis Bohemiæ filium,
Regem Romanorum eligunt. Reliqui Principes mox Spiræ electio-
nem rescindunt. *ibid.*

1347. Ludovicus veneno potatus, cum vomitu, & mox venatione illud
ejicere tentasset, ursum ingentem impetendo, ex equo præceps
ruit, & mox moritur. *ibid.*

1355. Ludovico post varios discordibus consiliis electos succedens tandem
Carolus IV. primo vere Romam proficiscitur, ibidemque à Legato
Innocentii VI. P. Cardinale Hostiensis, coronatur, non sine de-
decore, pedes urbem ingressus, promittensque, nunquam Italiam
se repetiturum; adeoque Majestatem Imperii R. turpiter prodens.
§. *CXXXIV.*

Vixerat ea ætate Franciscus Petrarcha, Seculi sui lumen, qui ignominiosa Caroli coronatione motus, graviter cum increpuit, & Romanam etiam Curiam graphicè depinxit. §. CXXXV.

Innocentio VI. Pontifice claret Johannes Wiclefus, Oxoniensis, qui Papæ ceu Antichristi, tum hierarchiam, tum doctrinam, voce calamoque, fortissimè oppugnavit, assecas multos magnosque primum in Anglia, mox etiam exul in Bohemia nactus. §. CXXXVII. 1360.

Gregorius XI. P. Catharinæ Senensis & Brigittæ somniis potissimum inductus, Avenione relicta Romam intrat, cum sedes Pontificia annis ferè septuaginta duobus in Galliis fuisset. §. CXXXVIII. 1377.

Catharina Senensis & Brigitta revelationibus suis prolatis, graviter in Romanam curiam invehuntur, & Ecclesiæ reformationem urgent. §. CXXXVI.

Gregorio XI. succedit Urbanus VI. Cardinales Galli invitos se ejus electioni consensisse questi, Fundos abeunt, ibique Papam Gallum, Robertum Gebennensem, seu Clementem VII. eligunt, qui Avenione annis sedecim sedit. Ortum hinc est schisma gravissimum omnium, Pontifices Avenionenses & Romanos inter, quod quadraginta annis durans, in Concilio demum Constantiensi extinctum est. §. CXXXVIII. 1378.

Bonifacius IX. P. juxta prædecessoris Urbani VI. sanctionem, jubilæum celebrans, argentariam messim facit, & post dicennium etiam novum indicit; bullis indulgentiarum addens, eas ratas fore porrigentibus Ecclesiæ R. adjutrices manus. Annatas eitam seu reditus unius anni Sacerdotii alicujus in tota Europa vacantis, reddendas Pontifici R. severè sancit. *ibid.* 1390.

Johannis Hussi doctrina in Bohemia latè spargi incipit, adeò ut Augustæ Vindelicorum Hussitæ inquiri, pluresque comburi cœperint. §. CXXXVII. 1393.

Avenione in locum Clementis VII. succedit Petrus Luna, seu Benedictus XIII. qui jurans se abiturum Papatu, si Ecclesiæ ad tollendum schisma videretur, sequente anno, ut id faceret, rogatus, negavit, Petri naviculam deferendam esse. §. CXXXIX. 1394.

SECVLVM DECIMVM QVINTVM.

§. CXXXIX. ——— CXLIX.

1406. **I**nnocentio VII. Romæ succedit Gregorius XII. Erroneus dictus. Jurârat summa execratione, se Papatum depositurum, siquidem Antipapa idem faceret. quod tamen postea in Concilio Pisano facere renuit. §. CXXXIX.
1409. Cardinales in Concilio Pisano abolendi schismatis gratia, Pontificem utrumque, Benedictum & Gregorium deponunt; & Alexandrum V. eligunt. Renuente utroque Papatum deferere, tres sunt Antipapæ, & Ecclesia Romana triceps. *ibid.*
1410. Alexandro V. mortuo succedit Balthassar Cossa, seu Johannes XXIII. juxta alios XXIV. *ibid.*
- Hussus causam suam Romæ per Legatos agit, & excommunicatur. §. CXLIX.
1411. Johannes Romæ Synodum celebrat, coronaturus Sigismundum, & Ecclesiam tranquillaturus. In prima Sessione post Missam bubo, ferele omen, apparuit, nec nisi fustibus interemptus discessit. §. CXXXIX.
- Nicolaus Clemangis Ecclesiam Romanam Babylonem, meretricem &c. appellat. Gerson Ecclesiam sine Papa esse posse sustinet, & ruinam ominatur. Alii, Theodoricus de Nyem, Joh. Oldocastel, Theodoricus Urias, Hussus inprimis, & Hieronymus Prag &c. Ecclesiam R. graviter oppugnant. §. CXLVII. CXLVIII.
1414. Sigismundi Imp. labore incredibili cogitur Concilium Constantiense, schismatis abolendi, & Ecclesiæ reformandæ causa. Eodem 3. Nov. Joh. Hufs accessit. Geriturque res tota suffragiis quinque nationum. §. CXL.
1415. Johannes P. causæ diffidens Concilio se subducit; & ex fuga retractus, gravissimorumque scelerum convictus Papatu abdicatur, & in carcerem rapitur. Gregorius P. Arimini, ne idem sibi accideret, per legatos suos sese in Concilio abdicat. *ibid.*
- Johannus Hufs damnatus in Concilio, contra datam fidem, comburitur. §. CXLVIIII. Idem fatum sequente anno Hieronymus Prag subiit. *ibid.*
1417. Concilium Const. decernit, Laicis sub una specie Eucharistiam distribuendam; Bohemis protestantibus, Hussium & Hieronymum in

Martyrum numerum referentibus. Unde bellum Hussiticum oritur, per annos novendecim multis cladibus extractum, §. *CXL. CXLVIII.*

Urgetur in Concilio Reformatio Ecclesiæ. Dissidentibus Patribus, prius abdicatis jam tribus Antipapis, novus Papa Martinus V. eligitur. §. *CXL.*

Petrus de Aliaco reformationis capita digerit, causas in primis, ob quas Papa corripitur & deponi possit, consignat. Sed res omnis post electionem Papæ in fumum abiit. *ibid.* & §. *CXLVII.*

Martinus V. à reformatione abhorrens, invito Sigismundo Constantia discedit. Atque ita Concilium, re infecta finitur. §. *CXL.*

Martino V. succedit Eugenius IV. qui statim, Sigismundo consentiente, Basileæ Concilium inchoat, & Ecclesiæ reformandæ studium præ se fert. §. *CXLI.*

Bohemi Basileensi Concilio se sistentes, & rationem fidei suæ exponentes, certis conditionibus communionem sub utraque specie impetrant. *ibid.*

Eugenius intellecto, disputari in Concilio, an Papa Concilio sub sit; illud, Basilea relicta, Ferrariam atque inde Florentiam transfert, invitis Concilii Præsidibus. Ne igitur Concilium Basileense dissolveretur, Sigismundus ipse Basileam venit. *ibid.*

Eugenius à Concilio ob lupinam tyrannidem deponitur, lecto in ejus locum Amedæo Sabaudo, Felici V. nomine insigni; ab eodemque Concilio simul statuitur, reformandam esse Ecclesiam in capite & membris, & Concilio Papam subesse. *ibid.*

Pragmatica sanctio, quam statuerant in Concilio Basileensi Patres communi consensu, in qua capita, quibus Ecclesiastica dignitas conservari posset, digesta & Pontifici beneficiorum Regni collationes, appellationes item ad Romanam Curiam ademptæ erant; Lutetiæ à Rege Galliarum post Concilium in Biturigibus celebratum, publicatur, quam deinceps Pontifices, seu hæreticam oppugnaverunt. §. *CXLVII.*

Florentiæ Concilium ab Eugenio celebratur, præsentem Johanne Palæologo Imp. Constantinop. Josepho Patriarcha, aliisque Græcis, unionem offerentibus, & auxilia adversus Turcas expetentibus. Transactio lubrica, repugnante Michaeli Ephesino Episcopo fit, & à Græcis post rescinditur. §. *CXLI.*

Typographia à Johanne Gutenbergio, aurifice Argentinenfi, Mogunti profertur, eaque non parùm procedente tempore Antichristi revelatio juvatur. §. *CXLIV.*

1418.

1431.

1432.

1436.

1437.

1438.

1439.

1440.

1444. Ludovicus Delphinus, Caroli VII. Filius, Concilium Basileense, Eugenio incitante, dissoluturus, Basileam obsidet, & Helvetiis paucis exercitum ejus vastum fundentibus, obsidionem solvit. §. CXLII.
1447. Eugenio succedit Nicolaus V. fautor literarum insignis. Cui Frederici III. Imp. intercessione Felix V. cessit, dignitate Cardinalis contentus. Ejus opera literæ in Europa renatae, literatque passim aucti sunt. §. CXLIII.
1453. Constantinus Imp. à Nicolao auxilia implorat contra Muhammedem Constantinopolin maximo exercitu aggressum; neque impetrat quicquam. Inde Constantinopolis d. 29. Maii capitur, Constantinus in fuga occiditur, totumque Orientale Imperium Ottomannico imperio cedit. §. CXLII.
1458. Æneas Sylvius, Pii II. nomine Papa creatur; Concilii Basileensis antehac scriba, cujus etiam adversus Pontificiam potestatem acta probaverat. At Papa jam, improbavit, eadem, & Pontificiae potestatis fimbrias dilatavit si quis alius. §. CXLV.
1459. Sigismundus Dux Austriae, quod Cardinalem Cusanum in vincula conjecisset, à Pio P. excommunicatus, ad Concilium, & à Concilio ad Christum provocat. §. CXLVII.
1460. Gregorius Heimburgius Sigismundi Cancellarius ejusque defensor, à Pio eodem excommunicatus, masculè respondet, & Synagogam Romanam graviter perstringit. *ibid.*
1464. Pio II. succedit Paulus II. qui Cardinales veste Coccinea, & rubenti petaso insignivit, & montes pietatis instituit. §. CXLVI.
1471. Paulo succedit Sixtus IV. literatus satis, sed flagitiosissimus idem, fundator lupanaris Romani nobilis, in quo singula scorta hebdomatim singulos ei Julios pensitârunt; Helvetiis etiam foedere sibi unitis pudenda bulla illudit. *ibid.*
1479. Johannes de Wesalia Wormatiensis Concionator; & Westphalus Groningensis Papæ tyrannidem & abusus strenuè oppugnant. §. CXLVII.
1484. Sixtum excipit Johannes Baptista Cybo, ex antiqua Græcorum familia, dictus Innocentius VIII. sedecim ante Pontificatum liberiorum Pater. *ibid.*
1492. Alexander VI. cui Borgiæ cognomen, Papa creatur, homo ad exitium Italiae natus, qui Divina & humana omnia venum exposuit; ditiones noviter detectas Hispaniæ inter & Lusitanæ Reges partitus est; & cum Lucretia filia notha furtivam consuetudinem habuit. *ibid.*

Eodem Pontifice Guicciardinus, Baptista Mantuanus, Sannazarius, Savanarola, alii Pontificum scelera deexerunt, Antichristianismum traduxerunt. §. CXLVII. CXLVIII.

SECULUM DECIMUM SEXTUM.

§. CXLIX. ——— CCVIII.

Alexander veneno à filio Borgia Cardinalibus nonnullis præparato, & ministri incuria parenti propinato, extinctus Pium III. & hoc post 26. dies mortuo, ex fratre nepotem Julium II. successorem habet. Totum terrarum orbem bellis hic involvit, & S. Petri patri-monium absolutione casuum reservatorum auxit. §. CXLIX. 1503.

Cardinales quatuor Gallicarum partium, Imp. Maximiliano, & Rege Galliæ consentientibus, Concilium Pisis convocant, & Julium Papam indignum sede Pontificia pronuntiant. *ibid.* 1511.

Julius contra Concilium Romæ ad Lateranum celebrat, & Cardinales hos dignitatibus privat. *ibid.* 1512.

Idem Ludovicum XII. Galliæ Regem excommunicat. Hic cusæ monetæ verba hæc inscripsit: *Perdam Babylonem.* §. CL. 1513.

Budæus Pragmaticam sanctionem strenuè defendit. *ibid.*

Faber stapulensis, Picus Mirandulanus Papatum oppugnant; & Sebastianus Brand Ecclesiæ reformationem instare præfagit. *ibid.*

Julius, Vaticanum ædificare aggressus moritur, excipiente Johanne Medices, seu Leone X. homine Epicuræo, sub quo Concilium Lateranense Pisânus extinguit. §. CLI. CLII. 1513.

Leo Helvetios contra Gallos Mediolano inhiantes in Italiam inducit. Qui Novariæ obfessi, erumpentes, instructissimum exercitum Gallorum vincunt. §. CLI. 1514.

Leo idem à Maximiliano Imp. ad Franciscum Regem Galliæ deficit, eique Imperii Constantinopolitani coronam confert. Multa deinceps adversus Maximilianum, & Successorem ejus Carolum V. improbè machinatus est. *ibid.* 1515.

Idem sublata Sanctione Pragmatica, Concordata cum Rege Francisco agit, denominatione Episcoporum & Abbatum. *ibid.*

Leo missis per omnia Regna literis indulgentias pollicetur, intervntu pecuniæ, falsis etiam prætextibus usus. Lutherus ea de re adversus Tecelium indulgentiarum præconem, scribit ad Moguntinum, & themata Witebergæ indulgentiis opponit. Zwinglius quoque 1517.

que de corruptione Ecclesiæ cum Cardinale Sedunensi disputat, & Evangelium prædicare incipit. Occasio hæc fuit Reformationis Ecclesiasticæ mox infecutæ. §. *CLII. CLIII.*

Reformationis verò necessitatem arguunt graves de corruptione Ecclesiæ Romanæ querelæ, eo tempore, si unquam aliàs ingeminatæ. §. *CLVI. CLVII.*

1518. Lutherus Romam citatus, eò venire detrectat. Evocatur igitur Augustam Vindelicorum ad Cajetanum, cum quo de indulgentiis & Cœna Domini disputans, ad Papam provocat. *ibid.*

1519. Zwinglius Tiguri Evangelium prædicans, Samsoni indulgentiarum institori omnibus viribus resistit, & de eo ad Hugonem Const. Episcopum scribit. §. *CLII.*

Lutherus Lipsiæ cum Eccio de primatu Papæ & purgatorio disputat. *ibid.*

1520. Lutherus à Leone excommunicatus ad Concilium provocat; & Pontificiis libros ejus comburentibus, ipse vicissim Wittebergæ jus Canonicum comburit; librum de captivitate Babylonica scribit, & paulò post duos Papatus nervos, vota Monastica, & Missas privatas, incidit. *ibid.*

1521. Wormatiæ in Comitiis, salvo conductu Caroli, comparet Lutherus, & assistente ipsi Schurfio J. C. coram Imperio & Ordinibus magna constantia de doctrina sua respondet. Proscriptus in arce Warnbui gensi decem menses delitescit, & denovo à Leone excommunicatur. *ibid.*

1522. Leoni succedit Hadrianus Ultrajectinus, Præceptor Caroli, qui homo ingenuus reformationis in capite & membris necessitatem agnoscit; reformationem molitur, sed mancam mutilamque. §. *CLVIII. --- CLXI.*

1523. Ordines Imperii Norinbergæ centum Gravamina, quibus Germania à Pontifice onerata sit, consignant, eademque ad Papam perscribunt, petentes ut Concilium generale indicat. §. *CLIX.*

Lutherus, abrogata Missa, formulam communionis Sacræ, & præconii Evangelici Witebergenfibus ordinat, & S. Biblia in vernaculam linguam convertere incipit. §. *CLII.*

Gliscente contra Zwinglium offensione, Senatus Tigurinus Synodum indicit, in qua Jacobus Faber, Episcopi Constantiensis vicarius, Tigurinorum rogatu comparet. Finita disputatione cum solidi nihil objectum Zwinglio, & ad singula responsum ab eodem solidè constitisset, Senatus con-

tusconsulto edito mandatur, ut omiſſis traditionibus purum putum Dei verbum prædicetur. *ibid.*

Hadriano P. non ſine veneni ſuſpicionē deſuncto, ſurrogatur Clemens VII. cui Antipapa Urbanus VI. obnititur. §. *CLXIII. CLXIV.*

In Germaniæ multis locis Eccleſiæ reſormantur, Doctõribuſque ut purum Dei verbum prædicent, injungitur. Tiguri quoque Miſſa abrogata Temp̃la ab imaginibus & ſtatuis purgantur; nequicquam Cantonibus reliquis reclamantibus. *ibid.* & §. *CLXII.*

1524.

Clemens P. Campegium Norinbergam mittit, & reformationem offert. quàm cum fucatam eſſe intellexiſſent Ordines, ad Concilium provocant, & interea Evangelium purè & modèſtè ut doceatur, decernunt. Poſt conventum Ferdinandus, Campegius, Episcopique plures ſeorſim convenientes Wormatiènſe edictum, quo Lutherus damnatus erat, urgent, Miſſæ abrogationem prohibent. §. *CLXIII.*

Cantones Helvetiæ novem Pontificii, una cum Valeſiis, Lucernæ conveniunt, Reformationis ipſi quoque articulos condunt, temporum ſuorum calamitatem Sacerdotum iniquitati imputant, nundinationes foedas prohibent, & Curtiſanos, quos Romanos nebulones vocant, coercent. §. *CLIX.*

1525.

Spiræ Ordines Imperii conveniunt, ubi Principibus Pontificiis edictum Wormatiènſe urgentibus, reliquis eiſe opponentibus, Ferdinandus ita rem moderatur, ut promiſſo Concilio omnes acquieſcant. §. *CLXIII.*

1526.

Cantones Helvetiæ duodecim Badæ inſtituta diſputatione, ſanciunt, ne veterem religionem quiſquam deferat, utque futuri Concilii authoritatem omnes ſequantur. *ibid.*

In Suecia Guſtavus viſitationem Eccleſiarum inſtituit, abuſus Pontificios, & poteſtatem Politicam Episcoporum, fruſtra tergiverſantium, abolet. §. *CLXII.*

1527.

Clemens P. cum Gallo adverſus Cæſarem foedus init. Unde Bononius ex Galliis ejeetus, cum Fronſpergio, Cæſaris nomine Romam capiunt, Romam ſpoliant, & Papam in mole Hadriani obſident. §. *CLXIII. CLXIV.*

Bernates, cum diſputationis Badeniſis acta iis communicata non eſſent, aliam Bernæ diſputationem inſtituunt, in qua bona cauſa vincit, & poſt Eccleſia reſormatur. §. *CLXII.*

1528.

Johannes Saxoniæ Elector, & Philippus Hæſſiæ Landgravius

bellum parant adversus Pontificios, qui jam ante fœdus contra Evangelicos iniverant. Interponentibus se Palatino & Trevirensi pax constituitur. §. *CLXIII.*

1529. Spiræ Comitia Ordinum Imperii celebrantur, & à Pontificiis Wormatiense contra Novatores decretum urgetur; protestantibus Saxone & Hassö. unde Evangelicis *Protestantium* nomen. *ibid.*

1530. Cæsar Pontifici reconciliatus, Bononiæ coronatur, postquam verbis conceptis jurasset, se Pontificiæ potestatis defensore fore. Cum eodem P. de Concilio convocando prius egerat. Papa à Concilio abhorrente, Carolus promisit, se ad tollendum schisma primò lenioribus remediis, & iis non succedentibus armis usurum. Inde conventus Augustanus indicitur, in quo Confessio Augustana Imperatori & Ordinibus prælegitur. Concludit Carolus, Protestantibus omnia in integrum restituenda esse, dato deliberandi usque ad d. 15. Apr. sequentis anni, spatio. Interim Cæsar cum fœderatis vim parat. §. *CLXIV.*

1531. Tigurini à quinque Pagis graviter offensi, annonæ comeatu iisdem interdicut. Qui ad extremas angustias redacti, silentio conductis copiis, signa opinione Tigurinorum citius proferunt, & imparatos consulosque vincunt. Zwinglius castrensis præco in eo prælio cœditur. & mox religionis pax concluditur. *ibid.*

1532. Imminente à Turca bello, Suinfurti pax religionis Germaniæ ad futurum usque Concilium conceditur. *ibid.*

1533. Papa denuo, deserto Cæsare, Massiliæ fœdus init cum Francisco Galliæ Rege, cujus filio neptim suam Catharinam Medicæam despondet. Ex eo tempore Franciscus in Maxentium quendam efferatus, diris suppliciis adversus Evangelicos sævit. *ibid.*

1534. Clementi succedit Paulus III. Farnesius, cujus vitam & mores spurcos liber Italicus depingit. §. *CLXV.*

1535. Jesuitarum Societas, auctore Ignatio Lojola, à Paulo P. approbatur. §. *CLXIX. CLXX.* Capucini sub eodem caput exerunt. Hi junctis viribus Papatum ruentem sustinere conantur. §. *CLXXI.*

1537. Paulus Concilium indicit Mantuæ, & statim Vicentiam transfert. Sed deprecantibus Venetis res non succedit. §. *CLXVI.*

Christianus Daniæ Rex puriorem in toto Regno religionem instituit. §. *CLXII.*

1538. Jussu Pauli P. à delegatis Cardinalibus & Præsulibus consilium de emendanda Ecclesia conscribitur, & Pontifici exhibetur. In consilio eo Ecclesiæ morbi & ulcera ingenuè satis deteguntur. Sed res tota successum nullum fortita est. §. *CLXVII.*

Con-

Concilium Tridentinum ante indictum, protestantibus licet Evangelicis contra illud, utpote Pontificis libidini inserviens, celebrari die 13. Dec. incipit. §. *CLXXIII*. Reformatio in eo plane frivola tentatur. §. *CLXXIII*. *CLXXIV*.

1545.

Subinitium Concilii hujus Cornelius Mussus, Episcopus Bitontinus, & Caranza, Ecclesiæ Romanæ corruptionem, habitis orationibus, graphicè depingunt. §. *CLXXV*.

Fridericus-Palatinus Elector Ecclesias suas, abrogatâ Missâ, reformat. §. *CLXII*.

1546.

Carolus Imp. à Paulo P. incitatus diro bello cum Protestantibus Principibus, Smalcaldico foedere junctis, decernit in quo superior acie Fridericum Electorem Saxoniae Mulbergævi, & Philippum Hassiæ-Landgravium, ad Salinas Saxonicas, fraude capit. §. *CLXIV*.

Eduardus VI. Angliæ Rex, profligata Pontificia doctrina, religionem mutat. Eadem occasione Scotia quoque puriorem religionem amplectitur. §. *CLXII*.

1548.

Caroli jussu, cùm Concilium Tridentinum Protestantes abnuerent, liber conscribitur de religione in Germania observanda *Interim*, dum Concilium legitimè instituatur. Irascitur propterea Carolo Paulus P. nec Protestantes plerique librum probant. *ibid.*

Julius III. ante Maria de Mohte dictus, Paulo post diutinam Cardinalium dissensionem succedit, Sardanapalus insignis. §. *CLXXVI*. Petente Cæsare, Concilium Bononia Tridentum revocat. §. *CLXXVII*.

1550.

Mauritius, Elector Saxoniae, foedere cum Rege Galliarum aliisque inito, Socerum Philippum Landgravium à captivitate iniqua, & Germaniam à servitute liberaturus, Carolum bello petit, & victor simul Socerum liberat, simul Passaviensi transactione religionis Pacem impetrat. Hoc igitur bello purior religio ab oppressione Pontificia liberata, & ringente licet Pontifice, Pax perpetua Ecclesiæ impetrata est. §. *CLXXVIII*.

1552.

Eduardus Angliæ Rex lento veneno è medio tollitur, succedente Maria, quæ Pontificiam religionem restituit, & dirum in modum adversus Evangelicos sævit. §. *CLXXIX*.

1553.

Julio III. P. succedit Marcellus: atque huic post dies 22. Paulus IV. Carafa, erga Principes summos, Carolum, Ferdinandum & Philippum Draconicum animum gerens. §. *CLXXX*. *CLXXXI*.

1555.

Pax Religionis in Conventu Passaviensi promissa, in Augustanis Comitibus solenniter confirmatur. §. *CLXXXVIII*.

1556. Paulus IV. Romæ Congregationem Cardinalium & Præsulum instituit, de Reformanda Ecclesia consultaturam. irritò planè successu. A Concilio, etiam Tridentino, se abhorruisse semper, præ se palam ferebat. §. *CLXXXII.*
1558. Paulus IV. bullam de hæreticorum, schismaticorum & fautorum eorundem pœnis, quibus etiam Regali & Imperiali autoritate præfulgentes subjicit, edit. §. *CLXXXIII.*
- Idem tribunal Inquisitionis Romæ erigit. *ibid.*
- Maria Angliæ Regina moritur, eique succedanea Elisabetha decreta Mariæ de Missa Pontificia abolet, & religionem reformatam per totum Regnum doceri præcipit. §. *CLXXXIX. & CXCII.*
1559. Index librorum prohibitorum Pauli ejusdem jussu compositus, typis inprimitur. *ibid.*
1560. Paulo IV. Pius IV. succedit, malis coloribus ab Onuphrio depictus. §. *CLXXXIV.*
1562. Pius Concilium Tridentinum, decem annos jam emortuum, resuscitat, etque novo exemplo quinque Legatos præficit. §. *CLXXXV.* Durante eo Ferdinandus Imp. literis ad Pontificem exaratis, de Concilii celebrati modo queritur, & postulatum volumen ad Concilium mittit. quod Galli etiam faciunt; solenniter insuper adversus illud, ceu illegitimum protestantes. §. *CLXXXVI.*
- In Galliis bellum civile primum movetur, Pontificiorum Duce Francisco Guisio; Reformatorum Ludovico Condæo. cadente Guisio, & pace religiosa à Regina concessa, eatenus, ut liceat nobilibus religionem in ædibus propriis; populo in Templis suburbanis exercere. §. *CXCI. CXCII.*
1563. Concilium Tridentinum 3. Dec. finitur, & à Pontificiis nonnullis recipitur, aliis, Protestantibus verò universis, ceu Conciliabulum profanorum hominum rejicitur. §. *CLXXXVII. CLXXXVIII.*
- Post Concilium Tridentinum Ecclesia Romana, absterso pudore omni, deterior in dies evadit, & fideles persequitur. §. *CXC.*
1565. Pio IV. Succedens Pius V. de salute sua desperat, & Concilii Tridentini executionem promovet. §. *CXCI.*
- In Belgio Proceres Margarethæ Gubernatrici pro libertate religionis supplices fiunt. Paulo post ibidem seditiones exoriuntur, & statuarum dejiuntur. §. *CXCIII.*
1567. Ibidem Reformatarum Ecclesiarum exercitus ab Albano funditur, & capti Egmondanus, Hornanus, aliique Equites mox securi percutiuntur. *ibid.*

Moritur Claudius Espencæus, Theologus Parisiensis insignis; qui 1571.
Romanam Curiam graphicè depinxit. §. CCXXI.

Pius V. Elisabetham Angliæ Reginam anathemate ferit, ejusque 1572.
consilia per Nicolaum Marianum in Angliam missum infringere co-
natur. Excommunicationis sententia sequente anno à Feltono Lon-
dini ad forès Episcopi affigitur. qui scelus suspendio luit. §. CCXCI.

In Gallia Condæus captus contra fidem datam occiditur; & Ami-
ralius arma circumfert, donec sequente anno mense Augusto pax fie-
ret, & pristina religionis libertas restitueretur. *ibid.*

Pio V. succedit Gregorius XIII. cujus initia horribilis laniena 1572.
Parisiensis, applaudente ipso, modis inauditis Bartholomæi die, con-
scio Rege Carolo IX. Reformatae religionis Principes in una velut
muscipula, uti loquebatur, capturo; patrata fœdat. §. CCXCV.
CXCVI. CXCVII.

Gregorius Papa formulam Calendarii novi ad Comitîa Augustana 1582.
mittit, càmque in Imperio recipi petit. Approbatur verò à Cæsare
Rodolpho, aliisque Pontificiis: à Protestantibus contra rejicitur.
§. CCXCVIII.

Idem seminaria instituit, Jesuitas fovet, Hiberniam Elisabethæ
subtrahere conatur. *ibid.*

Wilhelmus Arausionensis, libertatem religionis in Belgio defen- 1584.
dens, à quodam sicario, à Parmensi immisso, globo sclopeti tra-
jectus moritur. §. CCXCIII.

Gregorium XIII. excipit Sixtus V. lacrymas cruentas, crude- 1585.
litis lignum, fundere fuetus. Is Regem Navarrae & Condæum,
ut inhabiles Regno, statim excommunicat, & ditiones eorundem
prædæ exponit, Guisio aliisque exercitu comparato urbes occupan-
tibus, & decretum de una religione Pontificia conservanda, promul-
gantibus. §. CCXCIX.

Classis ingens Hispanica, navibus 125. instructa, cum classe Par- 1588.
mensi, trecentarum navium jungenda, Angliam occupatura, be-
nedictione Sixti P. consecrata, non sine Divino miraculo dissipata ma-
gnam partem perit, & conatus ingens, clade Senacheribiana, in ni-
hilum recidit. §. CCCIX.

Henricus III. Rex Galliae Guisios, qui consilia de ipso in Mo-
nasterium trudendo ceperant, insidiis circumventos trucidat: qui &
ipse propterea sequente anno à Sixto P. diris devotus, à Monacho
Jacobò Clemente, venenato & oblongo cultello ictus, occiditur;
parricidium laudante Pontifice supra modum. §. CCC. CCI.

Sixtus

1590.

Sixtus V. monstri quidpiam alens contra Hispanos, quorum suspectam in Italia potentiam habuit, Henrici IV. & Elisabethæ, excommunicati utriusque, partibus accessurus, à Monacho Franciscano clanculum occiditur; cui Urbanus VII. & huic post decem dies Gregorius XIV. succedit. §. CCIII. CCIV.

1591.

Gregorius P. frustra armis tentato Henrico IV. eum iterum excommunicat, & subditos omnes ab ejus obedientia absolvit. Subditi verò etiam Pontificii in Parliamentis excommunicationem irritam pronuntiant, & bullam cremant. §. CCIV.

1592.

Clemens VIII. Papa creatur, qui Henricum IV. tertium excommunicat. §. CCV.

Idem Sixti V. versionem S. Bibliorum vulgatam recognoscit, & immane quantum, licet Sixtus suam recognitionem edita bulla immutabilem haberi jussit, mutat. §. CCII.

1593.

Clemens P. & Hispaniæ Rex Gallia Episcopis, aliisque persuadent, ut relicto Henrico IV. alium Regem eligant. Consentiant nonnulli in Henricum Guisii filium. Reliqui multis precibus ab Henrico IV. impetrant, ut Papæ & Hispani consilia fracturus, Pontificia sacra amplecteretur. Sic d. 15. Julii Templum Dionysii ingressus, Missam audit & absolvitur, atque mox etiam Carnuti coronatur; Jesuitis per Castellum sicarium sequente anno frustra jugulum ejus appetentibus. qui proin tota Gallia exire jubentur. *ibid.*

1595.

Idem Henricus à Pontifice etiam Romano absolutionem, sed pudendo ritu, impetrat. *ibid.*

Clemens P. foedus sacrum ad extirpandos Evangelicos, conciliat, cui Pontificii Principes omnes, Henrico IV. & Hetruriæ Duce exceptis, subscribunt. §. CCVI.

1598.

Henricus IV. Edicto solenni Nannetensi Pacem religiosam in Gallia constituit. §. CCCXXVII.

SECULUM DECIMUM SEPTIMUM.

§. CCVIII. ——— CCCL.

1601.

Sacerdotes ex Romano seminario egressi, & Jesuitæ in Anglia novam Hierarchiam secretam constituerant. Sed inter utroque occulta dissidia in nervum erumpunt, & vix à Clemente P. sopiuntur. §. CCVIII.

1603.

Elisabethæ Reginae succedit Jacobus VI. Scotiae Rex, qui Regna

tria conjungit, insidiis Pontificiorum, quibus statim electus Rex liberum religionis exercitium petentibus negavit; multifariis appetitus. §. CCIX. CCXI.

Intestina diffidia Romanam Ecclesiam exercent, ob quaestiones à Jesuitis motas, de Papa, de confessione, auxiliis gratiae & libero arbitrio. quæ postrema quaestio à Clemente P. non definita, inter Jesuitas & Dominicanos acerbis odiis deinceps agitata est. §. CCVII.

Jesuitæ à Jacobo Rege Anglia pelluntur. Contra Gallia antehac pulsi, Clementis & Mariæ Medicæ intercessione postliminio recipiuntur. §. CCV.

Clemens P. fidem datam à supremis potestatibus tutò violari posse asserit. §. CCX.

Clementi VIII. Leo XI. & huic post dies 26. Paulus V. Borgesius Vice-Deum salutari se passus, Ecclesiæ non reformator sed deformator, succedit, frustra nonnullis confuso clamore Baronium deposcentibus. Proderuntque mox Card. Perronio proditore, arcana conclavis utriusque. §. CCXIX. & CCXXII.

In Anglia conjuratio pulveraria Roberti Catisbeii, & complicum, Jesuitis, Garneto imprimis, conscis, in necem Regis, Reginae, liberorum, totiusque Parlamenti proposita, detegitur. §. CCXI. CCXII. CCXIII.

Jesuitarum hæresis singularis prima de jure occidendi Reges & Principes Pontifici imparentes; nec non secunda de æquivocationibus & reservationibus mentalibus invalescunt. §. CCXIV. CCXV.

Contentio acris gliscit Paulum V. inter & Venetos, ob legem Venetorum, ne Ecclesiasticis bona immobilia donare liceat, quam abrogari Papa petit. Renuentes Venetos idem excommunicat; & Jesuitis Venetorum ditone exulantibus, causâque adversis scriptis vehementer agitata, Papa foro cedere, & excommunicationem sequente anno abrogare coactus est. §. CCXX.

Hungaria in Pacificatione Viennensi, Bots-Kajum inter & Rodolphum II. inita, religiosa pace, & Reformati in ea libero religionis exercitio potiuntur. §. CCCI.

Cæsar Baronius, Cardinalis, Ecclesiæ Romanæ hucusque Atlas, Annalium opere laborioso, sed minùs bona fide scripto famosus, moritur. §. CCXVI.

Bohemi Evangelicæ religioni addicti à Rodolpho II. Imp. plenam religionis libertatem, Majestaticis literis confirmatam, obtinent. Unde, pace religiosa stabilita, Evangelium in Bohemia, Silesia & Moravia mira incrementa capit, & Rodolphus Imp. Ordinem pacis singularem meditat. §. CCXXIV.

1604.

1605.

1606.

1607.

1609.

1610. Henricus IV. stans in procinctu, ut collecto exercitu Brandenburgicum & Neoburgicum Principes juvaret, à sicario Ravallaco in curru, d. 4. Maii, interficitur. §. CCV.
- Robertus Bellarminus, Ecclesiæ Romanæ hoc tempore alter Atlas, post varia scripta polemica, tractatum scribit de potestate Papæ in temporalibus. qui mox publicè in Gallia damnatur. §. CCXVII.
1611. Rodolphus Imp. acievictus à Fratre Matthia, mœrore confectus moritur. Ex quo tempore res Evangelicorum in Bohemia, Silesia, Germania universa, inclinari cœperunt. §. CCXXV.
1614. Hispaniam universam gravissimi motus affligunt ob controversiam Jesuitas inter & Dominicanos de Conceptione B. Virginis Mariæ, quæ per octo annos integros extrahitur Pontifice Paulo V. definitivam sententiam ferre, metu partium prævalidarum, non auso. §. CCXXIII.
1617. Matthias Imp. improles Bohemis parvulem Ferdinandum obtrudit. qui Evangelicis ore, Papæ corde jurat. §. CCXXV.
1618. Pragæ Evangelicis Templâ claudi veleverti, & liberum religionis exercitium labefactari variè incipit. Comitâ proin instituuntur, in quibus de privilegiorum conservatione ageretur. Gravamina collecta Consiliariis à Cæsare relictis exponunt. Cùmque Slawatam, Smekzanium, & Platterum, sibi reluctantes offenderent, inconsulto impetu, vitamen protestationis jam A. 1609. contra turbatores pacis factæ; eos per fenestras in pomœrium arcis præcipitant, & inito foedere contra communes Dei, Regis, religionis & Majestaticarum literarum hostes se pugnaturos Sanctè recipiunt; apologia edita facti sui causam reddunt, Jesuitas toto Regno pellunt. *ibid.*
1619. Matthias Cæsar moritur. Ordines Bohemi spreto Ferdinando eligunt sibi Regem Fridericum V. Electorem Palatinum. Ferdinandus verò Romanorum Imperator electus, vim parat adversus Bohemos, in partes ejus concedentibus Hispanis, Electore Saxonie, Maximiliano Bavaro, aliisque & Paulo V. P. clerum Italiæ reliquumque ad sumptus Ferdinando erogandos incitante. *ibid.* & §. CCXXVII.
1620. In valle Telina horribilis Protestantium, sacra facientium, & ex improvise oppressorum laniena, ab exulibus & relictis in valle Pontificiis, inde à die 9. Julii patrat. §. CCXXIX.
- Ingens d. 8. Nov. non procul ab urbe Praga Cæsareos inter & Bohemos pugna committitur, in qua Maximilianus Bavarus victor, Pragam occupat, Friderico Rege novo inde Uratislaviam cum conjugē concedente. Hæc tempestas Bohemos oppressit, nova methodo à Jesuitis ad Papatum seductos; atque mox universam Germaniam corripuit, Protestantiumque res in aciem novaculæ deduxit; belli fa-

cri classicum canente Sciopio. §. CCXXV. CCXXVI. CCXXVII. CCXXVIII.

Bavarus Palatinatum superiorem, Hispani inferioris loca nonnulla occupant. *ibid.*

1621.

Paulus V. Vice-Deus nuncupatus, moritur, eique Gregorius XV. succedens, sceminae cujusdam consilii Papatum administrat, & statim constitutionem de forma eligendi Papæ edit. §. CCXXX.

Heidelberga urbs d. 6. Sept. armata manu expugnata, civésque miserabiliter prostrati, trucidati sunt, direptione ad tertium usque diem continuata, & Missa introducta. §. CCXXXV.

1622.

Galliarum Rex, Pontifice incentore, Reformatis oppida partim vi, partim deditione facta eripit. §. CCXXXI.

Japones Chistiani à gentilibus suis gravissimam persecutionem, Jesuitarum culpa, sustinent. §. CCXLIII.

In Hispania secta Illuminatorum emergens, spe facta veniæ, opprimitur. §. CCXXXII.

1623.

Gregorius XV. P. post Lojólitas quatuor, aliósque in Sanctorum numerum relatos, moritur, in cujus locum Urbanus VIII. Barbarinus surrogatur, qui statim electus Nepotes suos promovet, & Bullam Canonizationis Ignatii Lojolæ, & Xaverii edit. §. CCXXXIII. CCXXXIV.

Durante Gallum inter & Hispanos ac Urbanum P. ob vallem Tulinam diffidio, adversus Regem Gallia & Richellum vulgatis seditiosis libellis, in Regis Gallia jugulum denuo culter acuitur; & ob censuram libellorum à Stampesio proditam Clerum inter Gallia & Parlamentum contentio oritur, & à Rege finitur. §. CCXXXVI. CCXXXVII.

1625.

Prodit liber Santarelli de potestate Pontificis, Regum potestati iniquissimus, à Sorbona acriter perstrictus. Ob quem etiam in Jesuitas Claromontanos inquisitio instituitur, quæ malam eorum conscientiam prodit. §. CCXXXVIII.

Cotonus Jesuita, qui antehac quæstiones curiosas dæmoni Hadrianæ Fraxinae proposuerat, tædio inquisitionis illius moritur. §. CCXXXIX.

1626.

Urbanus P. Bullam Cœnæ Domini, in qua ipsi etiam Galliarum Reges die Cœnæ Domini excommunicantur, renovat. §. CCXL.

1627.

Rupella, Reformatorum in Gallia asylum, à Ludovico XIII. iidem eripitur; Urbano VIII. P. multum lætante. §. CCXLI.

1628.

Cæsar bonorum Ecclesiasticorum post transactionem Passaviensem occupatorum restitutionem decreto publico petere statuit, & decretum illud hinc inde insinuat. Deploratæque aded Ecclesiarum Evan-

1629.

gelicarum facies apparuit, ut ob spem earundem penitus mox extendarum Romæ Jubilæum agitatum fuerit. §. *CCXXVIII.*

1630. Urbanus P. sectam Jesuitarum bulla edita abolet. §. *CCXXXV.*

Gustavus Adolphus, Sueciæ Rex, ceu fulmen quoddam ab ultimo Septentrione mira celeritate universam Germaniam victoriis suis peragrarè, Henoticos domare, Germaniam à servitute, Ecclesiam ab oppressione liberare incipit. §. *CCXXVIII.*

1633. Urbanus P. adversus Cæsarem & Hispanos ob potentiam crescentem nimis, insensum animum prodens, jam ante Galliarum Regem adversus illos accenderat. Nunc verò conversa fortuna infensorem iis animum gerit, eò quòd sua tyrannide & regnandi libidine Catholici in hæreticorum victoriis exultare debeant. Vicissim Hispani, edito à Jesuita de potestate Pontificis libro, Pontificem Romæ suæ affigere conantur. §. *CCXLIV.*

1634. Pontificiorum per emissarios Jesuitas aliòsque Habessiniam Romanæ Sedi subjicere inde à longo tempore annitentium, molimina infelicem exitum, Patriarcha Lusitano, aliisque Pontificiis omnibus severè proscriptis, fortiuntur. §. *CCXLII.*

1640. Urbanus pacis negotiationem apud Principes Pontificios in speciem urget: sed animo nonnisi bella volutat. §. *CCLIII.*

1641. Urbanus bulla edita damnat Jansenii Augustinum, eo prætextu, quòd in eo contineantur propositiones nonnullæ Michaelis Baii, à Pio V. pridem damnatæ. Quæ bulla ab Episcopis plerisque Belgii Hispanici non recipitur. §. *CCXLV.*

In Hibernia laniena Evangelicorum horribilis, inde à 23. Octobris, ingratiam R. Pontificis, patrat. §. *CCLI. CCLII.*

1644. Urbanus bullam suam adversus Jansenium & sequaces repetit & confirmat, perpetuumque contradicentibus silentium imponit. Neque sic tamen illi coerceri se patiuntur; quin potius in Belgio & Gallia crescit sectatorum numerus in dies, pertendentium, bullam Urbani dolo sub & obreptionis extortam. §. *CCXLV.*

Jesuitarum hæresis singularis tertia de gratia & libero arbitrio, ex pluribus conflata, radices agit. §. *CCL.*

Urbanus VIII. capularis senex fato functus post sex septimanas, conclavi discede, successorem habet Innocentium X. Pamphilium, qui statim admittit elogium blasphemum Italo-Græci Baptistæ Catum-Syriti, quo Pamphilus Filio Dei præfertur. §. *CCLIV. CCLV.* Papatumque non ipse, sed gl'os ejus, Olympia Maldachina, altera velut Marozia, regit. §. *CCLVI.*

1647. Georgius Rakotzius, Transylvaniæ Princeps, Pacem religionam

ſam in Hungaria violatam reſtituit, & liberum Evangelicis religionis exercitium, juxta Viennenſem Pacificationem ſtabilit. §. CCCIV.

Pax Imperialis Monasterii & Oſnabrugis Weſtphalorum concluditur, adverſus quam, quòd ejus pactis Eccleſia opima territoria & dignitates amitteret, primò Fabius Chiſius Nuntius Pontificius; ac mox etiam ipſe Innocentius Papa, edita, ſerali bulla ſolemniter proteſtantur. §. CCLVIII. CCLIX.

Innocentius P. bulla edita propoſitiones quinque ex Janſenii Auguſtino pro libitu Jeſuitarum excerptas, & à tredecim Theologis, quos inter Sforza Pallavicinus principem locum obtinebat, præſentibus Cardinalibus nonnullis examinatas, damnat. §. CCLV. CCLVI.

Innocentio d. 7. Jan. deſuncto, poſt technas varias diſcordium Cardinalium, demum d. 8. Apr. ſuccedit Fabius Chiſius, ſeu Alexander VII. Mahometis Imperatoris Turcici conſanguineus. §. CCLX. -- CCLXIV.

Papatus. Alexandri initia ſœdat horribilis laniena Pedemontana, qua Evangelici ingenti numero inauditis modis à Pontificiis, Gaſtaldo duce, trucidantur. §. CCLXIV. CCLXVIII.

Alexander P. d. 20. Sept. bullam prætumidam edit, qua Pacis Chatholicorum Principum ſarciendæ prætextu, eoſdem adverſus Proteſtantes, Sueciæ cumprimis Regem Polono bellum moventem, accendere conatur. §. CCLXVIII.

Chriſtina Sueciæ Regina, deſiſtis ſaciſſimis, Pontificia ſacra amplexa, d. 23. Dec. Romam ingreſſa, magnificèque ab Alexandro excerpta, ſtabilem ibidem Sedem figit. §. CCLXIX.

Alexander, cùm priùs præ ſe Nepotum neglectum tuliffet, eoſdem ad ſummos honores evehit, & Nepotiſmi Papalis perfectum exemplar præbet. §. CCLXX. -- CCLXXIII.

Idem edita bulla non tantùm Innocentii adverſus Janſenitas anathemata confirmat, ſed etiam definit, propoſitiones quinque ab Innocentio damnatas, ex Janſenii Auguſtino excerptas, & in ſenſu ab eodem Janſenio intento damnatas eſſe. §. CCLXVIII.

Alexander in gratiam Hiſpanorum Thomam Villanovanum, Valentia quondam Archiepiſcopum in numerum Divorum refert. §. CCLXXIII.

Alexander idem Miſſale Romanum Gallicè editum acerbiſſimè perſtringit. §. CCXC.

Jeſuitarum hæreſis ſingularis quarta de inſallibilitate Papæ, in quaſtionibus etiam facti, Lutetia in Collegio Claromontano proditur, & à Sanioribus mox Theologis libello ad Episcopos miſſo graviter obnuntiatur. §. CCLXXVI. -- CCLXXX.

1648.

1653.

1655.

1656.

1658.

1661.

1662. Alexander P. in gratiam Gallorum Franciscum de Sales, Episcopum Gebennensem in numerum Divorum relaturus, Lutetia Legatum ad se mitti petit. Missus Dux Crequius à Corsis, Prætorianis Papæ militibus contumeliam patitur, quam armis Rex vindicaverat, nisi ei opera Florentini Principis biennio post reconciliatus Papa satisfecisset. Atque tum demum Salesio Divorum chorum salutare licuit. §. *CCLXXIV. & CCLXXVI.*

Idem edita Bulla certam formulam præscribit, cui Ecclesiastici omnes subscribentes se posthac ad ejurandos errores Jansenitarum semet ipsi obstringant. §. *CCLXXVIII.*

Alexander Indicem librorum prohibitorum profert, in quo ne Pontificiis quidem bullis parcat, celebrésque authores Pontificios obelo configit. §. *CCLXXXIX.*

1664. Sorbona d. 24. Martii, annitentibus Parochialibus civitatis Pictorum, censuram in Vernantii propositiones, ceterum Pontificiæ potestati nimium velificantes, stringit. §. *CCLXXX. CCLXXXI.*

1665. Eadem Sorbonæ Amedei Guimenii opusculum, quo is probare sustinuit, Theologiam Moralem modernam Jesuitarum, celebrium Ecclesiæ doctorum autoritate non destitui, sub censuram revocat, & d. 3. Febr. dogma probabilitatis nominatim, aliasque in opusculo eo comprehensas propositiones solenniter damnat. §. *CCLXXXII. -- CCLXXXVI.*

Utraque illa Sorbonæ censura offensus non parùm Alexander VII. quod per eam infallibilitatem suam in discrimen adduci putaret, Brevis ad Regem Christianissimum d. 6. Apr. exarato, revocari eam petiit. Rex non ignarus, quantum ex Majestate peteretur, si Pontifex infallibilis haberetur, Pontificium Breve examini Supremæ Curiae subjecit. quæ Consilio maturo consignatò Sorbonæ censuram utramque probat, & Pontificis infallibilitatem fortiter refutat. §. *CCLXXXVI. -- CCLXXXIX.*

Inter Pontificios Doctores, Pallavicinum, Suavem & Julium Clementem Scotum disceptatur, an Ecclesiæ Romana post Tridentinum Concilium in pejus deflexerit nec ne; Julio Clemente in pluribus eam in pejus deflexisse, sustinente. §. *CCXC. CCXCII.*

Jesuitarum hæresis singularis quinta, ex pluribus composita, de probabilitate, actionum moralium regula, aliisque novitiis Theologiæ Moralis hypothesebus, invalescit. §. *CCLXXXII. CCLXXXIII.*

1667. Eorundem hæresis singularis sexta de attritionis efficacia, & nulla necessitate amoris Divini ad salutem, caput extollit. §. *CCXCVI. CCXCVII.*

Alexander VII. flagrante Janfenitas & Jefuitas inter de dilectione Dei, an ea ad falutem neceffaria fit nec ne, diffidio, bullam edit, qua definitivam fufpendens, Jefuitarum hærefin deploratam de nulla neceffitate amoris Dei, reprehendi impiè vetat; & quinto ac decimo poft bullam illam impiam die moritur, definitivam coram tremendo tribunali Dei expertus haud dubiè. §. CCXCVII. CCXCVIII.

Alexandro fuccedit Clemens IX. Rofpigniofus. *ibid.*

Clemens Ludovicum Beltrame & Petrum de Alcantara Hifpanos, nec non Magdalenam di Paley Florentinam in Divorum numerum refert; & Judæos paucis exceptis, Roma exigit. *ibid.*

1668.

Clemens IX. d. 29. Nov. moritur, & Cardinales Conclave ingreffus, in eo quatuor menses difcordibus animis tranfigunt. §. CCXCIX.

1669.

Re pœne desperata Æmilius Altieri, feu Clemens X. Papa exit. *ibid.*

1670.

Eo Pontifice, Jefuitis annitentibus, Hungaricæ Ecclefiæ Evangelicæ graviffimam à clero perfecutionem fuftinent. §. CCC. &c.

Georgius Barzon, Epifcopus Varadienfis titularis liberum religionis exercitium ab Hungariæ Regibus Ecclefiis in Hungaria Evangelicis pactum, fcripto publici iuris facto oppugnat. §. CCCI. CCCII. CCCIII.

1671.

Occafione Cæfarei exercitus Hungariam ob turbas Nadaftianas ingreffus, Clerus Pontificius terreftrès Dominos ad perfecutionem Evangelicorum concitat, & mox ad Regias etiam liberâsque civitates perfecutio penetrat. Unde Evangelicis paffim Tempa eripiuntur, Paftores vexantur, expelluntur. §. CCCIV. CCCV.

Tribunal Pofonienfe rebellionis prætextu Magnates Evangelicos in Hungaria plures evertit. §. CCCVI.

Pofonium prima vice ad d. 25. Sept. citantur Paftores Evangelici pauci, rebellionis impactæ caufam dicturi. Comparentes triginta duo Auguftani, & Reformatus unus, malè perfecutionis impetum fuftinent. Mortis enim metu, innocentie licet fibi confcii, libellis præfcriptis, quorum virus non fatis perceperant, diverfimode fubfcribunt. §. CCCVI.

1673.

Pofonium fecunda vice mense Februario citantur Paftores, Rectores, cantores, ftudiofi, æditui Evangelici per totam Hungariam omnes. Citationi alii obedire prohibentur, alii plusquam ducenti quinquaginta parent; qui miris iudicum ftrophis divexati, non convicti licet, d. 4. April. capite damnantur univerfi; poft damnationem in libera custodia habiti, pars infirmitate carnis victi libellis nomina dant; pars constantior, perfecutionem in carceribus, tandemque etiam triremibus Neapolitanis adeò horrendam fubeunt, ut fimilis

1674.

lis exemplum vix ullis veteribus monumentis proditum reperiatur. §. CCCVII---CCCXX.

Veritas circa cultum B. Virginis Mariæ & imaginum, libellis nonnullis, puta Monitis salutaribus B. V. Mariæ ad indiscretos sui cultores, & de Iconoclastis, ipsa, erumpere nisa, in herba mox opprimitur. §. CCCXX. & CCCXXI.

1676. Clementi X. succedit Innocentius XI. Odescalcus. qui reformatæ Ecclesiæ studium nonnullum præ se ferens, vix leviora quædam sanare potest. §. CCCXXII.

1678. Innocentius decreto publico indulgentias plurimas abolet. §. CCCXXIII.

Clerus Pontificius, Jesuitis præfultoribus, adversus Regem Angliæ, Religionem, Regnûmque universum terribilem conspirationem pridem iniverat. quæ jam jam perficienda per Titum Oaten, conjuratorum Secretarium detecta, & reorum suppliciis magis patefacta, an nihilum recidit. §. CCCXXIX. CCCXXX.

In Anglia magnis ausis cum excidisset Clerus, ad Galliæ Ecclesias Reformatas evertendas vires suas omnes convertit ubi novarum declarationum specie, & Ediâctis novis ingeniosè excogitatis, præcipue dicti Nannetensis articuli resolvuntur, & liberum religionis exercitium variis modis locisque vel labefactatur, vel evertitur. §. CCCXXVI---CCCXLI.

- 1679. Apamiensis in Gallia Episcopus Regi jus Regaliæ vindicanti resistit, & apud Pontificem queritur. qui ejus causam suscipiens cum Regis de eodem jure alitque disceprat. §. CCCXLI. CCCXLII.

1681. Clerus Gallicanus Lutetiam convocatus nomine Congregationis Generalis Cleri Franciæ, jus Regaliæ ventilat, & in Regem illud confert. §. CCCXLIH.

1682. Clerus idem literis ad Innocentium XI. P. exaratis, juris illius cessionem & collationem in Regem, significat & excusat quibus accimè Papa respondet. §. CCCXLIII. CCCXLIV.

Dum responsum Pontificis idem Clerus expectat, Pontificiam potestatem definitionibus quatuor, Regio edicto graviter sancitis, restringit. §. CCCXLIII.

Idem Clerus Evangelicis ad Papatum revocandis intentus, literas circulares ad Episcopos, quibus negotium extinguendi schismatis commendatur, & dissidium cum Pontifice extenuatur, mittit; atque simul Evangelicos ipsos, exaratis ad eos literis monitoriis, ad reddendam rationem schismatis vocat. §. CCCXLV.---CCCL.

I N D E X II.

RERUM & PERSONARUM.

Numerus non paginam, sed theſim ſeu Paragraphum notat.

A.

A

Cacii certamen cum Felice 111.

27.

Adelberti Thuſci Eccleſiæ Romanæ Pontifices peſſimos derunt. 62.

Æneas Sylvius in Concilio Baſileenſi Papæ poteſtatem oppugnat. 147.

Æquivocationes à Jeſuitis ſeriò deſenſæ. 215

Æthiopia, vide *Habeſſinia*.

Africanæ Eccleſiæ appellationem Episcoporum ſuorum ad Eccleſiam Romanam oppugnant. 15.

Agathonis P. ſuperba effata. 41.

Alanus Hierarchiæ Anglicanæ ſecretæ Re-ctor. 208.

Alexandrina Eccleſia prima Presbyterorum Præſidem elegit. Unde Episcoporum origo. 12.

Alexandri III. P. in deprimendo Imp. faſtus. 94.

Alexandri IV. P. hiſtoria. 113.

Alexander V. à Concilio Piſano Papa eligi-tur. 139.

Alexandri V I. P. impietas. 146.

Alexandri V I I. P. electio & conclave. 260.

encomium ab autore conclavis textum; Philomathia & gradus conſanguinitatis cum Muhamete. 263. Papatus ejus initia Pedemontana laniena fœdat. 264. Bulla ejus de conceptione B. Virginis Mariæ. 123. adverſus Janſenitas. 248. adverſus Principes Proteſtantes, inprimis Sueciæ Regem, unâ cum gloſſa Ordinaria. 268. Chriſtinam Sueciæ Reginam in fidei ſuæ ſinum recipit. 269. ejus Nepotiſmus. 270. Thomam Villanovanum in gratiam Hiſpanorum; 273. & Franciſcum Saleſium in gratiam Gallorum, in Deorum nume-

rum reſert. 274. Diſſidet cum Gab-lo ob violatum à Corſis Crequium. 274. 286. Theologia Morali Jeſuitarum primò ſuccenſet, poſt favet. 285. Sorbonam apud regem Galliæ ob aſſertam fallibilitatem Papæ deſert. 286. Breve ejus ſupremæ Curiæ cenſuram acrem ſubit. 287. 288. Indicem libro-rum prohibitorum conſci curat. 289. Miſſale Romanum Gallicè redditum damnat. 290. Bulla ejus impia de at-tributione & neceſſitate amoris Divini. 297. mors. 298.

Aloſius Gonzaga canonizatur. 230.

Alphonſus Mendez Habeſſiniæ Patriar-cha. 242.

Alphonſus Villanovanus Fridericum I I I. Siciliæ Regem in Religione Chriſtiana ob ſcandala Cleri, nutantem confir-mat. 126.

Alvarii Pelagii de Johanne XXII. P. ſen-tentia. 129. Nepotiſmi Pontificum arcana detegit. 271.

Amedeus Sabaudus Eugenio I V. in Baſi-leenſi Concilio opponitur. 141.

Anaſtaſius Imper. Or. Romanis Episco-pis ſe opponit. 30.

Anathemata Papæ ſpota. 220.

Anglia ad Papatum relapſa. 179. denuo reformata à Pio V. turbatur. 192. Se-creta Pontificiorum in eadem Hierar-chia; & de eadem diſſidium inter Se-minarii Rom. alumnos & Jeſuitas. 208. conſpirationis pulverariæ ad per-dendam ejusdem religionem initæ hiſ-toria. 211. ejus atrocitas exaggeratur. 212. Conſpiratio noviſſima in caput Regis & perniciem Regni religioniſque inſtituta. 324. per Titum Oatem de-recta. 225.

f

An-

I N D E X I I.

Annatæ sacerdotii imponuntur. 139.
 Antichristus à Gregorio M. detectus. 36,
 37, 38. revelatum jam esse, Seculo de-
 cimo; 72. nec non duodecimo; 89. per-
 crebuit.
 Antisixtus parricidio Clementis à Sixto V.
 approbato oppositus 201.
 Apotheosis Pontificum. 230.
 Apostolicus Canon. 76. Nepotismo op-
 positus. 272.
 Appellatio ad Ecclesiam Romanam prohi-
 bita. 15. à Carolo M. concessa. 48.
 Aquavivæ (Claudii) sanctio fucata. 214.
 Arbitrii liberi doctrina à Jesuitis corrupta.
 250.
 Arius à Nicæna Synodo damnatus. 16.
 Arnoldi de Brixia querela de corruptione
 Ecclesiæ Romanæ. 90. Tigurinis etiam
 prædicavit. Ob libertatem loquendi Ro-
 mæ comburitur. *ibid.*
 Arnoldistæ, ab Arnoldo de Brixia nuncu-
 pati. 90.
 Asiaticarum Ecclesiarum cum Victore P.
 contentio. 14.
 Atritionis doctrina Jesuitica. 283. De ea-
 dem Bulla Alexandri V II. 296.
 Augustæ Vindel. Pax Religiosa Imperialis
 sancitur. 178.
 Augustinus à Rom. Pontificibus in Janse-
 nio damnatus. 249.
 Avinion Sedes Paparum inde à Clemente
 V. 123.

B.

Babylonem mysticam esse Ecclesiam
 Romanam, asserunt Hieronymus.
 20. Honorius Augustodunensis. 90.
 Clerus Leodiensis. 93. Thomas Beque-
 tus. 94. Eberhardus Salisburgensis. 108.
 Fratricelli. 122. Fr. Petrarcha, 135.
 Theodoricus à Nyem, Nic. Clemangis,
 Hussus, &c. 147. Ludovicus X I I. Gal-
 liæ Rex. 150.
 Baptista Gallus Jes. Ianienam Parisensem
 laudat. 197.
 Baronius Ecclesiæ R. Atlas. de ejusdem An-
 nalibus judicium. 216. querela ejus de
 Ecclesiæ R. monstris. 62, 65, 69.

Barzon V. *Georgius Barzon.*
 Basilius Imp. parricida Photium Patr. le re-
 prehendentem in Concilio Const. da-
 mnat. 58.
 Belgium ab Hispano ob religionis causam
 turbatum. Tragediæ totius origo &
 progressus narrantur. 193. à Gregorio
 X I I I. P. oppugnatum. 198.
 Bellarminus Ecclesiæ R. Atlas. 217. in con-
 troversiarum tomis ab eo editis laudem
 nonnulla merentur; plura reprehensio-
 ne digna sunt. Regibus & Principibus
 se infensum gerit. *ibid.*
 Bellum Sacrum ab Urbano I I. decretum,
 exitu infelix. 85. ejus prætextus 86.
 causæ veræ suasoriæ. 87.
 Benedictus X I I. P. Ludovico Bavaro ab-
 solutionem à diris Johannis negans, gra-
 viter ab eodem pulsatus. 132.
 Benedicti X I I I. P. & Gregorii X I I. An-
 tipaparum malignitas. 139. deponitur
 uterque, *ibid.*
 Benignus Bossuet V. *Bossuet.*
 Berengarii historia. 78.
 Berensschini Pastores Hungariæ graviter
 vexantur. 312.
 Bernhardi Clarevallenfis querela gravis de
 corruptione Hierarchiæ Romanæ. 91.
 Bernhardi Morlinensis de Ecclesiæ R. Secu-
 lo X I I. facie misera, querela. 90.
 Bernhardus Politianus Henricum V I I.
 porrecta hostia venenata necat. 125.
 Bernhardus à Galen Episcopus Miles. 292.
 Bertramus sanam de Eucharistia doctri-
 nam tuetur. 63.
 Bethlen (Gabriel) Hungariæ libertatis
 vindex. 304.
 Bibliæ Evangelici à Valeriano M. infi-
 gnuntur. 218.
 Blondelli Turrianus Vapulans 10. Inno-
 centii X. Bullam Paci religiosæ Imperiali
 oppositam refellit. 259.
 Bohemi Hussiticam causam adversus Pon-
 tificios strenuè tuentur. 147, 148, 150.
 faventem habent Rodolphum I I. Imp.
 224. Obruditur iis Ferdinandus I I. Or-
 dines Regni turbatores Pontificios com-
 pescunt; & Fridericum Palatinum Re-
 gem eligunt. 225.

Bel-

RERUM & PERSONARUM.

Bello victi Ferdinando II. succumbunt, *ibid.* Ad Papatum nova Methodo Jesuitica reducuntur. 226.

Bona soli & immobilia ne acquirere Ecclesiastici possint, Veneti verant. 220. De eo cum Paulo V. P. certamen grave subeunt. *ibid.*

Bonifacii I. conatus pro asserenda potestate R. P. 25.

Bonifacius III. Antichristus Gregorii M. verbis convincitur. 36. &c. Phocæ de Ecclesia R. capite Ecclesiarum edictum confirmat, *ibid.*

Bonifacius VII. interfecto Benedicto VI. Papatum rapit. 69.

Bonifacius VI II. Papalis fastigii consummator fraude Sedem rapit. Gibellinis gravem se gerit. 115. Jubilæum Pontificum Evangelico substituit, quod solennis inauguratio fuit supremæ potestatis Cæsareo-Pontificiæ. 116. quid jubilæo illo voluerit, ex moribus ejus colligitur. 117. Potestatem supremam exercet adversus Albertum. 119. nec non Philip-pum Pulchrum Galliarum Regem, quem Regno arcere conatur. Captus ab eodem & ludibrio habitus ex phrenesi moritur. 120. ejus & Gregorii VI II. contrarii di-status. 294.

Bonzii in Sina Jesuitis adversantur. 243.

Borromæi canonizatio. 222.

Boslueti Condoinensis Episcopi Expositio doctrinæ Catholicæ qualis? 218.

Botskajus Hungariæ libertatis vindex. 304.

Brigidæ Revelationes. 136.

Bubo Concilio Romano præsidet. 139.

Buccari Istriae Pastores Hungarici pessimè habiti. 317.

Budæus Pragmaticam Sanctionem tuetur. 150.

Bulla Pauli IV. de puniendis hæreticis qualibuscunque, etiam Imperatoribus, Regibus, &c. 183. Ccenæ Domini, ejus origo & mutationes narrantur. 240. Reges Galliarum in eadem excommunicari, adversus P. de Marca asseritur. 240. Innocentii X. adversus Pacem

Imperialem. 258. Alexandri VII. contra Principes Protestantés, imprimis Regem Sueciæ, una cum ordinaria glossa. 268. ejusdem de nulla necessitate amoris Dei bulla impia. 297. Bullæ quorundam Pontificum ab eodem in Indicem librorum prohibitorum relata. 289.

C.

Calendarium à Gregorio XIII. im-mutatum. 198.

Callistus II. ab Henrico I V. jus investitu-ræ extorquet. 94.

Camera Apostolica Augiæ stabulum. 221.

Camerarum Edicti in Gallia usus. 337. Earundem suppressio. 338.

Campegius ad Comitia Norimbergensia missus, ab Ordinibus Imperii non ad-mittitur. 163.

Canonicum Jul. V. *Jus Canonicum.*

Canonizatio ars chrysopoetica Papæ, 230.

Capucinatorum Ordinis origo. 171. Una cum Jesuitis ruentem Ecclesiam Roma-nam sustinent. *ibid.*

Caramuel pro Pace religiosa scribit. 259.

Caranzæ oratio in Concilio Tridentino habita, quæ Ecclesiæ R. corruptionem depingit. 175.

Cardinalium nomen, definitio. 74. Potes-tas eorum una cum potestate Pontificis incrementa cepit. 75. Sub appellatione ecclesiastica Principes Seculares sunt. *ibid.* Quod Christo Apostoli, Papæ Cardinales sunt. 76. Prærogativæ eorum multiplices. 77. Galerius eorum rubeo Senatus Edomirici tessera est qua Principes Seculares ad partes Pontifi-cias trahuntur. *ibid.* quid potissimum spectent in electione Papæ. 262.

Carinthiæ fidelium persecutio. 206.

Carniolæ fidelium persecutio. 206.

Carolus M. Longobardis domitis Roma-nam ditionem Pontifici donat. 46. Con-cilium Francofurti celebrat, & adver-sus cultum imaginum scribit. 47. Pa-

I N D E X I I.

- patum promovet. 48. ejus de imaginibus sententia Maimburgium & Sorbonistam inter disceptatur. 321.
- Carolus Calvus ab Hadriano II. P. oppugnatus. 57.
- Carolus I. V. Imp. à Clemente V. eligitur. 132. ab Innocentio VI. coronam magnam cum dedecore accipit, & Romani Imperii Majestatem prodit, Aquilamque deplumat. 134.
- Carolus Delphinus Galliarum Concilium Basileense dissipare conatus, ab Helvetiis in fugam agitur. 141.
- Carolus VII. Rex Galliarum, Pragmaticæ Sanctionis author. 147.
- Carolus IX. R. G. lanienæ Author, eandem poenitens damnat. 196.
- Carolus V. Imp. Romam capit. 164. foedus cum Papa init, & Bononiæ à Clemente VII. coronatur. 164. de Concilio celebrando cum Papa colloquitur; & de pace ad tempus Concilii usque transigit. *ibid.*
- Carolus Hispaniæ Infans ob favorem erga Belgas in carcere necatur. 194.
- Carolus Aug. Saleſii blasphemæ de Fr. Saleſii perfectione voces. 274.
- Castelli parricidium. 204.
- Casaubonus (I.). Jesuitas conspirationis pulverariæ reos peragit. 213.
- Catharinæ Senensis Revelationes. 136.
- Catharina Medicæa Henrico II. nubit quarta Gallorum furia. 164.
- Catisbejus pulverariæ conspirationis author. 211.
- Cheregatus ab Hadriano VI. ad Ordines Germaniæ missus, Ecclesiæ Romanæ corruptionem non dissimulat. 158.
- Chisius. V. *Fabius Chisius*.
- Christus in cruce nudus, an togatus & coronatus comparuerit; pauper an dives fuerit; Franciscanos & Dominicanos inter acriter disceptatum. 129.
- Christinæ Suecorum Reginæ ad Papatum transeuntis historia. 269.
- Claudius Espenceus. V. *Espenceus*.
- Clementis I. Epistola ad Corinthios. 2.
- Clementis III. Papæ Cæsarei, & Urbani II. Hildebrandini contraria studia. 84.
- Clementis IV. P. historia. 113.
- Clemens V. Avinionem migrat. 123.
- Clemens VI. deposito Ludovico Bavaro Carolum I. V. eligis. 132.
- Clemens VII. Papa eligitur. 163. Ejus ingenium ex Jovio depictum. Campegium ad Comitia mittit. Ejus pessima erga Cæsarem fides. *ibid.* Roma capta, ipse quoque in Castris Angeli captivus artinetur. liberatus cum Cæsare foedus init, eumque Bononiæ coronat. Concilii celebrationi se opponit; & à Cæsare ad Gallum, nepoti sua Henrico II. desponsa, deficit, & mox moritur. De eo testimonia Suavis, Pallavicini, Jovii. 164.
- Clemens VIII. foederis sacri adversus Protestantem coryphæus. 206. Congregationem sacri foederis, & de propaganda fide instituit, *ibid.* Fidem à supremis Principibus tutò violari posse, asserit. 210.
- Clementis IX. res gestæ. 298.
- Clementis X. electio. 299. Ecclesias Hungaricas per satellites suos evertere laborat. 300. &c.
- Cleri Pontificii ignorantia & corruptio. Seculo octavo. 49. decimo 70.
- Coloniſchii tyrannis. 305, 311. &c.
- Cœna Domini Bulla. V. *Bulla*
- Cogitationes bonæ de iis Jesuitarum hæresis. 283.
- Comarini in carcere Pastores Hungarici miserè verati. 312.
- Concilium Basileense, ejusque historia. 141, 147.
- Chalcedonense prærogativam Papæ humano juri acceptam refert. 26.
- Claromontanum potestatem Papæ amplificat. 88.
- Constantinopolitani V. historia. 32.
- Constantinopolitanum VI. Romanum Pontificem in ordinem redigit. 42.
- Constantinopolitani VII. historia. 47.
- Constantinopolitani VIII. historia. 58.

RERUM & PERSONARUM.

- Constantienſe* Antipapas deponit, &c. 140. 147.
Florentini hiſtoria. 141.
Francoſurtenſis hiſtoria. 47.
Lateranenſe ſub Innoc. tranſſubſtantiationem aliâque definit. 103.
Lateranenſe ſub Julio II. Piſano opponitur. 149. judicia doctôrum de utroque Concilio. *ibid.* Papæ Divinos honores tribuit. 151.
Nicaenum I. Papam Romanum ad curiam parium relegat. 16.
Nicaenum II. imaginum cultum ſtabilit. 47.
Piſanum Papam Julium II. ad reddendam rationem villicationis vocat. 149. extinguitur à Lateranenſi. 151.
Quini ſextum Romano Pontifici minus æquum eſt. 43.
Romanum à Johanne XXIV. convocatur, cui bubo præſidet. 139.
Tridentinum indicitur. 172. à reformatione ſeria abhorret. 173. 174. à Julio III. reſtauratur, proteſtante Gallo, & mox ad decem annos prorogatur. 177. à Paulo IV. proriſus improbat. 182. à Pio IV. renovatur, & ad finem perducitur, 185. de eo querelæ Ferdinandi Imp. & Galli adverſus illud proteſtatio. 186. anathematiſmi ejus quales? 187. à Pontificiis omnibus non recipitur. 188. ab-Euangelicis damnatur. 189.
Viennenſe decretalem de poteſtate Papæ ſupra Cæſares ſancit. 154.
Conclavium Leonis XI. & Pauli V. hiſtoria à Perronio protidita 219. Alexandri VII. 260.
Congregatio de propaganda fide, & ſacri ſcøderis à Clemente VIII. inſtituitur. 206.
Conradinus ſuaſu Clementis IV. à Carolo Andegav. occiditur. 113. Epiſtola ejusdem ad Ordines Imperii. *ibid.*
Conringius de Pace religioſa adverſus Erneſtum de Eufebiiſ ſcribit. 259.
 Constantinus P. imagines Patrum aliâſque in porticu Petri collocat. 46.
 Constantini M. erga Eccleſiam Romanam favor. 16. Eccleſiæ tamen ejusdem primatum non agnovit. *ibid.* Donatio ejus fictitia. 64.
 Constantinopolitanus Epiſcopus Romano æquatus. 22. 26.
 Constantinopolis à Papa ob negatum primatum deſerta, à Turcis occupatur. 142.
 Convallenſes. V. *Waldenſes; Pedementani.*
 Cornelii Muſſii Bitontini oratio in Concilio Tridentino habita. 175.
 Cotonus tœdio inquisitionis adverſus Societatem à Curia Pariſienſi factæ moritur. 239. Ejusdem quæſtiones curioſæ dæmoni Hadrianæ Fraxineæ præpoſitæ. *ibid.*
 Cræſſerus Jeſuita refutat Monita ſalutaria B. Virginis Mariæ ad indiſcretos ſui cultores. 320.
 Cyprian de Eccleſia Romana dictum. 7. opponit ſe Stephano Papæ. 15.

D.

- D** Amaſi Papæ conatus pro obtinenda poteſtate ſumma. 19.
 Dantis Aligerii querela de Eccleſia Romana. 126.
 Decretales epiſtolæ Pontificum primorum ſuppoſitiſe ſunt. 9. 10. 64.
 Definitiones virtutum & vitiorum mutandi ars Jeſuitica. 234.
 Dictatus Gregoriani Papatus Hildebrandini fundamenta. 81.
 Dominicus & Franciſcus Eccleſiam Romanam adverſus Waldenſes tuerunt. 103.
 Dominicus Jeſu-Maria à Ferdinando II. una cum ſpoliis Germaniæ Romanæ, atque inde in Galliam mittitur. 231.
 Dominicanorum cum Jeſuitis contentio de auxiliis gratiæ, & conceptione Mariæ. 207. 223.

Donatus in Arelatenſi Synodo damnatus. 16.
 Donationes fictitiæ Conſtantini M. Ludovici Pii, & Othonis M. 64.
 Dorſchæus de Pace religioſa Imperii ſcribit. 259.
 Durand Mimatenſis liber adverſus Clerum Romanum, quo reformandi ejus formam præſcribit. 123.

E.

E Berhardi Salisburgenſis Archiepiſcopi oratio adverſus flamines Babyloſios. 108.
 Eberhardini in carceribus Hungarici Paſtores peſſimè habitii. 312.
 Eccleſia Romana. V. *Romana Eccleſia*.
 Edictum Nannetenſe V. *Nannetenſe Edictum*.
 Eliſabetha Angliæ Regina inſidiis & conſpirationibus variis appetita. 209.
 Episcoporum R. typhus maturè ſe prodidit. 11. &c.
 Episcopii & Presbyteri identitas ex Hieronymo aſſeritur. 12.
 Episcopii Milites. 292. &c. Verbo Dei & vetuſtis canonibus damnati. 294. impietas eorundem Eraſmi & Wicelii verbis notata. 295.
 Epistolæ Decretales Pontificibus Romanis primis tributæ ſuppoſitiæ ſunt. 9. 10. 64.
 Eraſmi inveſtiva in Episcopos milites. 295.
 Ernelti de Euſebii de Pace non danda Proteſtantibus liber, Fabii Chiſii juſſu vulgatus; & ad eum reſponſiones variæ. 259.
 Eſpençæi verbis Eccleſiæ Romanæ facies depingitur. 221.
 Euangelium æternum à Monachis mendicantibus prolatum 110. à Pontificibus ſegniter reſpreſſum. 111. blaſphemiis ſcater. 112. nudum Papatum repræſentat. *ibid*.
 Euchariſtiæ certaminis Paſchaſium inter &

Bertramum hiſtoria. 63. ejusdem continuatio ſub Berengatio. 78.
 Eugenius II. Papa in ſchiſmate eligitur. 52. iconolatriam tueretur. 53.
 Eugenius I V. Concilium Baſileenſe cogit, & ab eodem deponitur, ſurrogato Felice V. 141. Concilium Florentiam tranſfert. *ibid*.
 Exarchi gratiam Pontificum R. ambiunt. 45.
 Extractus Judicialis Tyrnaviæ editus, Paſtores Hungaricos rebellionis inſinuans, reſellitur. 318.

F.

F Aber Stapulenſis Theologiam reſormar. 150.
 Fabii Chiſii proteſtatio adverſus Pacem Imperialem. 258.
 Felix I II. Acacium excommunicat. 27.
 Felix V. à Concilio Baſileenſi Eugenio I V. ſurrogatur. 141.
 Ferdinandi I. Imp. & Johannis de Zapolya ob Regnum Hungariæ æmulatio. 301.
 Ferdinandus II. Bohemis obtruditur. 225.
 Bohemiam ſubjugat. 216. à Proteſtantibus bona Eccleſiaſtica repetit. 228.
 Fidem datam à Supremis Principibus violari poſſe Clemens V III aſſerit. 210.
 Formoſi cadaver malè habitum à Pontificibus. 61. 69.
 Fœdus ſacrum coryphæo Clemente VIII. inter Principes Pontificios adverſus Proteſtantes initur. 206. Congregatio ejusdem. *ibid*.
 Franciſcus & Dominicus una exorti, Eccleſiam Romanam adverſus Waldenſes tuentur. 103.
 Franciſcanorum & Dominicanorum de paupertate Chriſti certamen impium. 129.
 Franciſci Rhotomagenſis querela de Nepotiſmo Pontificum. 272.
 Franciſci de Sales canonizatio. 274. de ejus perfectione voces blaſphemæ Caroli Aug. Saleſii, *ibid*. ejus adverſus Eccle-

RERUM & PERSONARUM.

- eleſiam Romanam merita, & conſilia ſanguinaria. 275.
- Franciſcus Xavier canonizatur. 230. 234.
- Fratricelli Papam Antichriſtum inſignientes vexantur. 122.
- Freherus Jeſuitas criminis falſi reos peragit. 54.
- Fridericus I. Barbaroſſa ab Alexandro III. indignè calcatur. 94.
- Fridericus II. Imp. odii Papalis victima; & certaminis ejuſdem cum Pontificibus variis hiſtoria. 105. poſt ejus mortem Imperatores Pontificibus ſuccumbunt. *ibiſd.* cauſæ odii Papalis adverſus ipſum inexpiabilis. 106. ejus Epiſtola ad Otho-nem Bavarie Ducem de R. Pontificum tyrannide. 107.
- Fridericus III. Sicilie Rex Eccleſiæ R. ſcandalis offenſus, de veritate Euange-lii dubitat, & ab Alphonſo Villanova confirmatur. 126.
- Fridericus V. Elector Palatinus Bohemiæ Rex creatur. 225. Ferdinando victori ſuccumbit. 111.

G.

- G**alerus Cardinalium, Senatus Edomiti-ci reſſera. 77.
- Gallia per Cuiſos turbata. 192. ejus Re-ges in Bulla Cœnæ Domini excom-municari, adverſus Petrum de Marca probatur. 240. Epiſcopi ejus circa rece-ptionem Bullæ Innocentii X. adverſus Janſenitas diſſident. 247. perſecutio in ea noviffima Reformatorum narrata. 326. &c. Ejuſdem clerus Luterie congregatus Regaliæ juſ in Regem conſert. 343. 344. Pontificiam poteſtatem in temporalibus abolet, in ſpiritualibus Concilio ſubjicit. 343. liberis Reforma-tos ad reddendam ſchiſmatis rationem vocat. 345, 348.
- Garnerus Jeſuita conſpirationis pulverariæ particeps fuit. 213.
- Gaſtaldus Generalis Eccleſiæ, vallengibus migrationem ex Pedemontio imperat.

264. Janienam horribilem in Pedemontio patrat. 265.
- Gelaſius I. primatum R. Pontificis ex jure Divino arceſſere conatur. 26.
- Genebrardi de Pontificibus Seculi X. que-rela. 66.
- Georgius Barzon liberum religionis in Hungaria exercitium oppugnat. 302. ar-gumenta ejuſdem ad incudem revocata. 303.
- Gerbetti de Eccleſiæ R. corruptione quere-la. 66, 68.
- Germaniæ poſt victam Bohemiam pericu-lum anceps. 227, 228. ejus pacem pro-teſtatione impedire Innocentius X. co-natur. 258.
- Gerhardus Hammel Bruyninx. V. *Hammel Bruyninx.*
- Gerſon Papæ fallibilitatem aſſerit. 147.
- Godermanni crudelitas erga Paſtores Hun-garos. 317.
- Godeſchalcus doctrinam ſanam de gratia & prædeſtinatione tuerur. 56.
- Gratiæ Divinæ doctrina ſanior declinat. 56. de auxiliis gratiæ Dominicanos inter & Jeſuitas diſceptatur. 207. 223. 250.
- Gratiani Imp. edictum adverſus avaritiam cleri Romani. 21.
- Gravamina centum Ordinum Imperii. 159. à Clemente VII. expenſa & ex-plora. 163.
- Gregorius I. Papa ſe Johanni Jejunatori opponit. 34. Antichriſtum prænuntiat, & de temporibus futuris præſagit. 35. 36. &c.
- Gregorius IV. Ludovici filios adverſus Pa-trem fovet. 54.
- Gregorius VII. ſede Pontificia rapta ſtre-nuè Papatum promover. Sub 4. Ponti-ficibus Dominus Papæ cubat; dæmo-niacis artibus imbutus. 79. Henrico Imperatori ſeſe opponit, nixus poten-tia Mathildis & Normannorum. Sena-tus-conſultum Imperatoris & Ordinum adverſus eum ſit Wormatiæ. Impera-torem excommunicat; & Romæ anathemate ſolvit. Poſt ab eodem Impe-rio

rio exiit, Rodolpho Duce Sueviæ
furrogato; & denuo excommunicatur.
Brixinæ ab Hentricianis ipse quoque de-
ponitur, & Roma occupata pulsus in
exilio moritur. 80. Dictatus ejus, Pa-
patus Hildebrandini fundamenta. 81.
Ejusdem de abſtinentiâ à cibis certis, &
cœlibatu Sacerdotum decreta dæmonia-
ca. 82.
Gregorii I X. odium adverſus Fridericum
II. 105.
Gregorii X. hiſtoria. 113.
Gregorii XII. & Benedicti XIII. Anti-
papaſum in ſchiſmate malignitas. 139.
deponitur uterque. *ibid.*
Gregorii XIII. Papatus. 195. Lanienam
Parieſem laudat. 197. Calendarium
mutat, ſeminaria inſtituit, Jeſuitas ſo-
vet, Hiberniam Eliſabethæ ſubtrahere
conatur, Belgas oppugnat. 198.
Gregorius XIV. Henricum IV. diris de-
vovet. Monitoria ejus in Gallia ſpernun-
tur. 204.
Gregorius XV. formam eligendi Papæ
præſcribit, & Jeſuitas quatuor in Deo-
rum numerum refert. 230. Ferdinan-
dum II. collatione pecuniarum adju-
vat, & Ludovicum XIII. adverſus
Proteſtantes accendit. 231.
Græcorum negotiatio cum Latinis in Con-
cilio Florentino lubrica. 141. à Latinis
deſerti jugum Turcæ ſubeunt. 142.
Gualdi Abbatis hiſtoria Olympiæ Malda-
chinæ. 256.
Guilhelmi de S. Amore liber adverſus Mo-
nachos mendicantes. 109.
Guimenii Theologia Moralis à Sorbona
examinatur. 284.
Guiſii Galliam turbant. 292.
Gustavus Adolphus Sueviæ Rex Henoticos
domat, & Eccleſiam liberat. 228.

H.

Habeſſinia à Luſitanis Sedi R. ſubjici-
tur, ac denuo infelice exitu ab ea-
dem deſicit. 242.

Hadrianus II. Carolo Calvo ſe opponit. 57.
Parricidium Baſilii Imp. fovet. 58.
Hammel Bruyninx Paſtorum Hungari-
corum innocentiam tuetur. 310.
Hadriani III. adverſus Imp. decreta. 60.
Hadriani I V. in Imp. deprimentis faſtus.
94.
Hadriani V I. Inſtructio Cheregato ad Or-
dines Imperii miſſo exhibita, qua Re-
formationis neceſſitatem agnoſcit. 158.
adverſus Pallavicinum & Maſenium à
Launojo vindicator. 159. Reformatio,
quam meditatus eſt, manca fuit. 160.
Hadrianæ Fraxinæ dæmoni Cotonus quæ-
ſtiones necit. 239.
Hæreticis Apoſtolorum tempore impune
graffari non licuit. 7. Seculo X. in Mo-
nachos & Prælatos fugerunt. 71.
Haſſus (Joſ.) Urbanum VII. victis Ru-
pellanis inſultantem graviter pulſat.
241.
Hegeſſippi de Eccleſia maturè degenerante
dictum. 6.
Helvetii à Pontificibus R. deſeſſi nomina-
tim à Sixto IV. 146. à Julio II. 149.
à Leone X. 151. Cantones I X. Lucernæ
Reformationem tentant, 159. quæ man-
ca nimis fuit. 161.
Henricus IV. Imp. cum Gregorio VII.
Colluſus. 80. Romæ eidem fit ſupplex.
Deponitur & excommunicatur denuo
ab eodem. Rodolphum ſibi ſurrogatum
vincit, & Romam occupat, *ibid.* Si-
moniacæ hæreſeos inſimulatur. 83. à
Paſchali II. diris modis inſeſtatur. 94.
Henricus V. Imp. adverſus Parentem à
Pontifice accenſus. 94. Calliſto II. juſ
inveſtituræ cedit. *ibid.*
Henricus VII. Imp. Romæ à Bernhardo
Politiano venenata hoſtia porrecta ne-
catur. 125.
Henrici III. R. Galli parricidium. 201.
Henricus Condæus fulmine Pontificio fe-
ritur. 199.
Henricus Navarrus fulmine Pontificio feri-
tur. 199. factus Galliæ Rex denuo Mo-
nitoriis Gregorii XIV. percellitur, &

RERUM & PERSONARUM.

ne argentum vel aurum ullum Romam inferatur, sancit. 204. Pontificum odiis succumbit, & Carnuti Rex coronatur. 205. Ejus jugulum à Castello, Jesuitis concessis, frustra appetitum. Pontifici agrè reconciliatus à Ravallato occiditur. *ibid.*

Hiberniam frustra Elisabethæ subtrahere Papa conatur. 198. horribilis Protestantium laniens in ea patrata historia. 251. in Papæ gratiam patrata esse asseritur. 252.

Hieronymi de Ecclesia R. dictum. 8. Babylonem appellat. 20.

Hieronymi Pragensis sententia de Papa. 147. martyrium. 148.

Hieronymus Savaronola testis veritatis. 147. martyr. 148.

Hildeberti de Ecclesia R. Seculo XII. facie, querela. 90.

Hildegardes vaticinia adversus Papam. 121.

Hincmarus Carolum Calvum adversus Hadrianum. 11. tuetur. 57.

Hispáni Sixto V. exosi. 203. Urbano VIII. infensi. 144. eorundem de subjuganda Japonia consilia. 143. Illuminatorum sectam quomodo oppresserit. 232.

Honorii Augustodunensis descriptio Babylonis R. 90.

Honorius Monotheleta. 40.

Honorii III. P. odium adversus Fridericum Barb. 105.

Honorii I V. historia. 113.

Hoornbeckius Innocentii X. Bullam adversus Pacem religiosam protestantem censuræ subjicit. 259.

Hormisdas P. Papatum promovet. 30.

Humilitas primorum Ecclesiæ R. Episcoporum. 5.

Hungaria. Ecclesiæ in ea Evangelicæ fata sub Regibus Ludovico, Johanne de Zapolya, Ferdinando I 301. Religiosa pax iis in Pacificatione Viennensi concessa, & ab Imp. Matthia, Ferdinando II. & III. Leopoldo confirmata. *ibid.* Liberum religionis exercitium

publicis legibus pactum Georgius Barzonus scripto publico infringit. 302. cujus argumentum triplex ad partes vocatur. 303. Cleri Pontificii adversus eandem Pacem machinationes à Botskajo, Bethlenio, Rackozio repressæ. 304. Denuo Ecclesiæ à terrestribus Dominis premuntur. *ibid.* Civitates mox etiam liberæ & Regiæ, dirutis earum Templis, & ejectis Pastoribus infestantur. 305. Posoniensi tribunali Magnates. 306. & Pastores evertuntur. 307. &c.

Hungaricarum Ecclesiarum Ministris Posonium citatis libelli, quibus mortis periculum eluctaturi, subscribentes, ministerii abdicationem, exilium spontaneum vel apostasiam promitterent, præscripti. 307. Citati ad tribunal Posoniense, primum Augustani soli, malè persecutionis impetum sustinent. 308. Citatio secunda universalis omnium per Hungariam Ministrorum Evangelicorum, cui alii obedire prohibentur, alii parent. 309. Numerus comparentium utriusque Confessionis. Actionis torius series exponitur. Accusationis capita. Accusatorum Judiciumque strophæ. Perduellionis culpa accusati liberantur præguantibus argumentis. 310. Accusati innocentes damnantur, & in libera custodia, paucis exceptis detinentur, variis artibus ad subscriptionem libellorum pellecti. Subscriptentibus Augustanis nonnullis, reliqui varios in carceres distribuuntur. Reformati, exceptis duobus, omnes subscriptionem constanter abnuunt; in vincula itidem rapti, atque inde producti diversa in Hungariæ munimenta relegati, tempestatem horrendam subeunt. 311. Vexatio crudelis fratrum Berentschinum, Comaripum, Eberhardinum & Leopoldopolin asportatorum. 312. Violentia in cogendis iisdem ad cultum Panacei Numinis. 313. Raptantur crudelissimè ad triemes. 315.

in iis diriffimè vexantur, & ex iisdem Divinitus liberantur. 316. Historia reliquorum Pastorum viginti, in carceribus Sarwar, Capuwar, Tergesti & Buccaris inauditis modis vexatorum, & deficientibus nonnullis, ad extremum liberatorum. 317. Examinatur Extractus Judicialis Tyrnaviz editus, quo crimine perduellionis Pastores iisdem areffuntur. 318.

Huffitica bella plus admirationis, quàm fidei apud polteros habitura. 148.

I.

Jacobus VI. Angliæ Rex variis conffirationibus appetitus. 209. inprimis conjuratione pulveraria. 211. cujus atrocitas exaggeratur. 212.

Janfenitas inter & Moliniftas diffidium in Belgio & Gallia erumpit. 345. Propositiones eorum quinque ab Innocentio damnantur. 246. circa damnationis bullam recipiendam diffident Epifcopi Gallici. 247. exceptio eorum adverfus Bullam Innocentii ab Alexandro VII. eliditur; & formula conficitur adverfus Janfenium, in cujus verba Pontifex clerum fuum adigit. 248. Auguftinum in fe damnatum pertendunt. 249. Controverfia tota tandem in quæftionem de infallibilitate Papæ exit. *ibid.* circa dogma Attritionis à Jefuitis diffident. 296.

Japonia Sedi Romanæ fubjecta; mox ab eadem deficiens, horrendam ftragem Chriftianorum edit. 243.

Jefuitarum origo. 169. de ordine eorum judicium Sorbonæ. *ibid.* Succellu temporis multum degenerant. 170. unà cum Capucinis fuentem Ecclefiam Romanam fuftinent. 169, 171. Lanienam Parifienfem laudant. 197. à Gregorio XIII. foverunt. 198. Parricidii Clementis, Caftelli, & Ravallaci confcii & fuafores. 201, 205. Gallia pulfi Pontificis & Mariæ Medicæ intercef-

fione reftituuntur. 205. Quæftiones de Papa, Confessione, auxiliis gratiæ movent, obnitentibus Dominicanis. 207. Secretam in Anglia Hierarchiam conftituunt; & circa eam cum alumnis Seminarii Romæ difceptant. 208. Conffirationis pulverariæ in Anglia participes fuerunt. 212. Venetiis pelluntur. 220. Circa quæftionem de auxiliis gratiæ & Conceptione Mariæ motus graves in Hifpania concitant. 223. Tempeftatem Germaniæ per Ferdinandum II. conflant. 224. ab Ordinibus Bohemiæ proffcribuntur. 225. Victos Bohemos qua Methodo ad Papatum reduxerint. 226. à Gregorio XV. quatuor eorum antefignani canonizantur. 230, 234. Eorum miracula qualia fint? 135. Lojolam Faftis inferentes, expuncto Germano, reffrefsi. 235. In eos ob librum Santarelli Curia Parifienfis inquitit. 238. Habef-finos & Japones ad Papatum convertere malo confilio laborant. 242, 243. cum Janfenitis colliduntur. 245. &c. Conffirationis noviffimæ Anglicanæ architecti funt. 324. Criminis faffi à Frehero convicti funt. 54.

Jefuitarum hærefes fingulares ſex. puta *prima* de jure occidendi Reges & Principes quofvis Pontifici imparentes. 214. *Secunda* de æquivocationum & refervationum mentalium jure. 215. *Tertia* de gratia & libero arbitrio. 250. *Quarta* de infallibilitate Papæ in quæftionibus faffi, in Collegio Claromontano Lutetiæ prodita. 276, 279. *Quinta* de Theologia Morali. 282. &c. *Sexta* de attritione. 297.

Jefuitifarum ſecta ab Urbano VII. abolita. 235.

Ignatii Lojolæ apothcofis. 230, 234. Illuminatorum ſecta in Hifpania emergens fupprimitur. 232.

Imaginum cultus Orientales & Occidentales inter difceptatur. 46. in Gallia de ejuſdem antiquitate Maimburgium inter

RERUM & PERSONARUM.

ter & Sorbonistam controvertitur. 321.
 Imperatorum migratio Constantinopolitana Papatum promover. 29. Gratiam Pontificis R. ambiunt. 45.
 Imperatoris titulus sub Johanne IX. beneficium Papæ esse incipit. 59.
 Imperii Ordines Cheregato Hadriani VI. Legato respondent, & centum gravamina eidem exhibent. 159. Reformatio ab iis tentata qualis? 161. Campesium in Comitibus Norimbergensibus non admittunt, & ad Concilium liberum provocant. 163. Passavii & Augustæ Religiosam Pacem sanciunt. 178. Monasterii & Osnabrugis Pacem invito Papa concludunt. 258. &c.
 Index librorum prohibitorum Pauli VI. jussu conscribitur. 183. Alexandri VII. jussu Bullæ Pontificum alique libri Pontificii in eundem referuntur. 289.
 Indulgentiarum commercium Leo X. falsis prætextibus exercet. 152. Plures Innocentius XI. abolet. 323.
 Infallibilitas Papæ in quæstionibus facti à Jesuitis asseritur. 276. à sanioribus Gallicæ Theologis rejicitur. 277. Sorbonæ circa eandem declaratio. 278, 279. Curia Parisiensis de ea Consilium gravissimum. 287, 288.
 Innocentius I. Papatum promover. 25.
 Innocentii II. in deprimendis Imperatoribus factus. 94.
 Innocentii III. in deprimendis Imp. factus. 102. in Concilio Lateranensi Transsubstantiationem, aliæque definit. 103. Monachorum mendicantium ordines instituit. *ibid.*
 Innocentii IV. adversus Fridericum odium inexpiabile. 105.
 Innocentii X. electio. 254. admitit is elogium blasphemis refertum, ab Italo-Græco cûsum, quo Pamphilus Filio Dei præfertur. 255. Papatum non ipse, sed glos ejus Olympia Maldachina administrat. 256. Jansenitas damnat. 246, 257. contra Pacem Monasteriensem protestatur. 258, 259. Moritur. 260.

Innocentii XI. electio. 322. Ejus studium reformandi nonnulla, leviora licet, commendatum. Nepotismum abolere conatur. *ibid.* Indulgentias complures abolet. 223. Cum Rege Galliæ & ejusdem Clero de jure Regaliæ disceptat. 341, 342, 343. ad Cleri Gallicani literas acriter respondet. 344.
 Inquisitionis tribunal à Paulo IV. erigitur. 183.
 Intentionis dirigendæ Methodus nova Jesuitica. 283.
 Joachimi Abbatis vaticinium de Seculo decimo tertio. 101.
 Jobi Ludolfi elogium. 242.
 Johannes III. P. cum Epiphanio Patriarcha Constantinopolitano de primatu contendit. 31. à Theodorico in carcerem compingitur. *ibid.*
 Johannes VII. fœmina. 50.
 Johannes IX. tres Augustos pronuntiat. 59.
 Johannes X. Theodoræ meretricis artibus Papa creatur. 69.
 Johannes XI. Sergii & Marozii filius. 69.
 Joannes XII. puer. 12. annorum Papa eligitur. 69. sceleratissimus omnium est. *ibid.*
 Johannes XV. Papa nequissimus. 69.
 Johannes XV. fur, latro, proditor. 69.
 Johannes XII. se ipsum eligit. Animas ante finem mundi Deo frui negat. Imperatori Papam, ut Solem Lunæ præstare, decernit. 127. Cæsareo Papatum tuetur adversus Ludovicum Bavarum. 128. Pauperatatem palam irridet, & Christum pauperem fuisse, negat. 129. Ejus Bulla verè Babylonica adversus Ludovicum Bavarum. 130. Adversus eundem edictum Ludovici. 131.
 Johannes XXIV. Concilium Romanum, cui bubo præfuit, celebrat. 139. In Concilio Constantiensi deponitur. 140.
 Johannes Jejunator Constantinopolitanus Episcopus Romanis Pontificibus resistit. 30. Oecumenici Episcopi titulum affectat. 33. Indignantibus ei Pelagio & Gregorio M. 34.

I N D E X I I.

Johannes Barvota Vitoduranus. 129.
 Johannes à Rupe Sciffa Curiam Romanam graphicè depingit. 136.
 Johannes de Vesalia Papæ tyrannidem oppugnat. 147.
 Johannes Hüss. Papam Antichristum esse asserit. 147. comburitur contra datam fidem. 148.
 Johannes de Zapolya cum Ferdinando I. de Regno Hungariæ disceptat. 301.
 Johannis Abbatis vaticinia. 151.
 Isabellæ Philippi II. Conjugi favor erga Evangelicos exitium affert. 194.
 Isidorus Mercator Episcopis Romanis primis Decretales falsas supponit. 10.
 Itali Episcopi ab Ecclesia Romana deficiunt. 32.
 Jubilæum Pontificium à Bonifacio VIII. instituitur. 116. Solennis quædam inauguratio fuit, qua se Papa Cæsarem jam & Pontificem esse Supremum declaravit. *ibid.* quid Jubilæo illo intenderit, ex moribus ejus colligitur. 117. continuati ejusdem causæ. 118.
 Julius I. P. Episcopos Orientales depositos tuctur. 17.
 Julii II. tyrannus & sævitia. Bella ejus adversus Venetos, Maximilianum, Gallos, improbè gesta. Helvetios fraudulentò fœderi innexos bullatis indulgentiis maculat. A Pisano Concilio ad reddendam villicationis suæ rationem vocatus, eidem Lateranense opponit. De eo judicium Pallavicini discutitur. 149.
 Julii III. spiritus mores, & prima purpura Innocentio, non sine gravi suspitione donata. 176. Concilium Tridenti restituit. 177. contra Pacem Religiosam Augustæ conclusam ringitur. 178.
 Julii Clementis Scoti de Ecclesiæ Romanæ post Tridentinum Concilium statu judicium. 291.
 Judicialis Extractus Tyrnaviæ editi, quo Pastores Hungarici rebellionis insimulantur, examen. 318.
 Juris Canonici origo & progressus. 95, 96.
 Cæsarei Juris Majestas per illud oppressa

est *ibid.* Papalem Majestatem validè mun. 97.

Justinus Imp. Romanis Episcopis se opponit. 30.

Justiniani I. de Sede Romana sensus. 31.

K.

K Ellionis Jesuitæ adversus Pastores Hungaricos captivos crudelitas. 312, 313.

L.

L Aniena Parisiensis. 195. Vallis Telinæ 229. Hiberniæ. 251. Pedemontana. 265.

Latinitatis zelo fertur Alexander VII. 290.

Launojus Hadrianum VI. adversus Pallavicinum vindicat. 159.

Leo I. Papatum promovet. 25.

Leo IV. Papalem Sedem sine consensu Imp. occupat. 54.

Leo X. Papa eligitur. Lateranensi Concilio Pisanum extinguit. Principum dissidia fovet, & fortunæ servit. Helvetios nefariè dividit. 151. Mercator & Cananeus ingens, indulgentiarum commercium exercet. 152. Ejus atheismus & impietas variis testimoniis probantur. 154, 155.

Leodiensis Cleri de Ecclesiæ R. corruptione querela. 93.

Leopoldus Bambergensis Ludovicum Bavaram defendit. 133.

Leopoldopoli Hungari Pastores captivi pessimè habitati. 312.

Liberius Papa Arianus. 18.

Literæ bonæ à Nicolao V. nutriuntur, quarum mox ministerio Antichristus detectus est. 143.

Livio (Don) Nepotem instituere Innocentius XI. gravatur. 322.

Lollardi Papam Antichristum pronuntiant. 147.

Longobardi gratiam Romanorum Pontificum ambiunt. 45. à Pipino & Carolo M. donantur. 46.

Lo.

RERUM & PERSONARUM.

- Lotharingi Cardinalis dictum de Ecclesia Romana degenerante. 6.
 Ludovici Pii donatio. 64.
 Ludovici Bavari certamen cum Johanne XXII. 128. Roma occupata Johannem deponit. *ibid.* Editum grave adversus ejusdem Bullam Babyloniam stringit. 130, 131. Ejusdem heroicum adversus Benedictum XII. diploma. Veneno sibi propinato moritur. 132.
 Ludovici Hungariæ Regis decretum adversus Evangelicos. 301.
 Ludovicus XII. Galliarum Rex Ecclesiam Romanam Babylonis nomine perstringit. 150.
 Ludovicus XIII. à Pontifice R. adversus Evangelicos inflammatur. 231. seditiosis libellis ab Hispanis impetitur. 237. quibus ipsemet respondet. *ibid.* Rupellam capit. 241.
 Lupanar Romæ à Sixto IV. instituitur. 146.
 Lusitanorum de Habessinia subjuganda consilia. 243.
 Lutheri in reformanda Ecclesia ausus heroici. 153. Reformatio ejus initio imperfectior, mox perfectior evasit. 162.

M.

- M**ænardi Comitis Tirolensis oratio gravis adversus effeminatos Antichristos. 114.
 Malachiarum Hiberni vaticinia de Pontificibus. 322.
 Marca. V. *Petrus de Marca.*
 Marcellus II. P. de salute Pontificum desuperat. 180.
 Marcellii ars nova convertendi hæreticos. 218.
 Marcus P. universalis Episcopi titulum sibi arrogat. 17.
 Mariæ conceptio disceptata variè, in Hispania inprimis ingentes turbas dedit. 223. Ejusdem Monita salutaria ad in discretos sui cultores laudata, & à nonnullis Mariolatris oppugnata. 320.

- Malmesburiensis de Ecclesiæ R. Seculo XII. facie misera testimonium. 90.
 Marozia meretrix Romæ imperitat. 66-69.
 Masenii judicium de Hadriano VI. 159. ars nova. 218.
 Mathildis Gregorii VII. patrona. 80.
 Matthias fratrem Rodolphum vincit, & Bohemis Ferdinandum obtrudit. 225.
 Mauritius Imperator à Phoca occiditur. 36.
 Maximilianus II. Protestantibus æquior; religionis libertatem impetratur. 191.
 Meretricis exoleæ cum Ecclesia Romana degenerante comparatio. 290.
 Methodistarum novorum historia, artes variæ & inconstantia. 218. Proditores sunt causæ Pontificiæ. *ibid.*
 Methodus nova Jesuitarum, qua Bohemiam ad Papatum reduxerunt. 226.
 Michael de Ruyter. V. *Ruyter.*
 Millesimus annus Ecclesiæ fatalis fuit. 71.
 Militia clero vetita. 294.
 Minorum fratrum religio in Concilio Viennensi confirmatur. 124.
 Missale Romanum Gallicè redditum Alexandro VII. stomachum movet. 290.
 Monachorum mendicantium Ordines ab Innocentio III. instituti. 103. Pontificibus grati sunt. 109. à Guilhelmo de S. Amore refutantur. 109. Evangelium æternum meditantur. 110. &c.
 Moralis Theologia Jesuitarum, ejusque principia. 282. Ei Alexander VII. primo succenset, mox favet. 285. Sorbonæ censuram subit. 282. &c.
 Morlandus Ianienam Pedemontanam describit. 265.
 Muhamedisimus & Papismus eodem ferè tempore emergunt. 39.
 Mutii Vitellesci, Jesuitarum Generalis, querela de Jesuitis detractoribus. 292.

N.

- N**annerensis Edicti historia. 327. Recentioribus edictis & persecutionibus variè labefactatum est, puta in articulis concernentibus libertatem con-

I N D E X I I.

scientiæ. 329. *Ægrorum & afflictorum consolationem.* 330. *Liberorum educationem.* 331. *Religionis exercitium publicum.* 332, 333, 334. *Scholarum & Academiarum libertatem.* 335. *Exercitium disciplinæ ecclesiasticæ.* 336. *Cameras Edicti.* 337, 338. *Pares cum Pontificiis prærogativas.* 339.

Nepotismus Alexandri V I I. 270. *Ejus arcana jam olim detexit Alvarus Pelagius.* 271. *De eodem querela Francisci Rhotomagensis.* 272. *Verbo Dei & Canonibus Conciliorum refragatur.* *ibid.*

Nerius (Phil.) canonizatur. 230.

Nicolaus I. P. à Seculari potestate judicari renuit. 55. *Lotharium excommunicat.* *Cum Michaele Imp. ob restitutum Photium expostulat.* *ibid.* *Sacerdotes conjugatos persequitur.* *ibid.*

Nicolai I I I. historia. 113.

Nicolaus V. Antipapa. 124.

Nicolaus V. P. literas & literatos fovet. 143.

Nicolaus Clemangis Ecclesiam Romanam Apocalypticæ Babylonis titulo insignit. 147.

Nicolaitarum hæresis à Gregorio V I I. fita. 83.

Nihusii (Bartholdi) ars nova. 218.

Nomen primus Papa Sergius I I. antea os porci, mutavit. 54.

Norinbergensium Comitiorum in negotio religionis acta. 163.

O.

Occamus Ludovicum Bavarum defendit. 133.

Oecumenici Episcopi titulus à Gregorio M. damnatur. 33, 34, 36, 37. *Quo sensu Patrem Romanum Pontificem Oecumenicum appellaverint?* 38.

Olympia Maldachina Innocentii X. Papatum moderatur. ejus historia ex Abbate Gualdo narratur. 256.

Omnis Ecclesiæ, liber, de corruptione Ecclesiæ queritur. 57.

Oriens ferè totus Pontificis Romani culpa Turcæ jugum subivit. 142.

Osculum pedum à Senatu Romano Valentinus Papa admittit. 52.

Othonis Pii donatio. 64.

P.

Palatinatus post victam Bohemiam tempestas. 228.

Pallavicini (Card.) judicium de Julio I I. 149. de Leone X. 155. de Hadriano V I. 158. de Clemente V I I. 164. *Simoniam Pauli I I I. defendit.* 165. *Nepotismum Alexandri V I I. quomodo adjuverit?* 270. *Ejus de Ecclesiæ Romanæ post Concilium Tridentinum statutu cum Suave Polano conflictus.* 291.

Pamphilus Innocentius X. Filio Dei blasphemè prælatus. 255.

Papæ electio qualis esse soleat? 261. *quid in ea Seculares, quid Cardinales spectent?* 262. *Ejue eligendi forma à Gregorio X V. præscribitur.* 230.

Papatus & Muhammedanismus eodem tempore emergunt. 39. *V. Romana Ecclesia.*

Paris (Matthæi) querela de Cleri Anglicani corruptione. 101.

Parisiensis laniena horribilis. 195. *à nonnullis excusata; à Maximiliano Imp. Turca, Thuano, aliis, ipso Carolo I X. poenitente damnata.* 196. *à Gregorio X V. & Jesuitis laudata.* 196.

Parricidia à Jesuitis defensa. 214.

Paschalis I. P. electio anomala. 51.

Paschalis I I. Henricum I V. persequitur. 94.

Paschasius Ratbertus corruptor doctrinæ de Eucharistia. 63.

Passavii Pax Religiosa Imperii sancitur. 178.

Paulo Ap. multum Ecclesia Romana debet. 2.

Pauli I I I. Papatus de eo testimonio libri Italici, Onuphrii. *Simoniam ejus à Pallavicino nequitur defensa.* 165. *Qualem*

RERUM & PERSONARUM.

- se erga Cæsarem gesserit? 166. Concilii celebrandi studium testatur. Eiusdem iussu Consilium à Cardinalibus & Episcopis de reformanda Ecclesia conscribitur. 167. cuius præcipua capita narrantur. In nervum tamen, dissidentibus in ejus examine Cardinalibus, non erumpit. 168. Jesuitarum ordinem confirmat. 169.
- Pauli I V. Draconicus adversus Cæsares, Carolum & Ferdinandum animus. 181. Concilium Tridentinum detestatur. 182. Draco & Leo est. 183. ejusdem Bulla de puniendis hæreticis etiam Imperatoribus & Regibus. Tribunal Inquisitionis instituit. Indicem librorum prohibitorum conscribi curat. More Turcico Papatum promovet. 183.
- Pauli V. electio & conclave. Divinis honoribus se affici patitur. 219. Historia dissidii ipsum inter & Venetos, in quo succumbit victus. 220. Ecclesiam non reformavit, sed deformavit. 222. Controversias de auxiliis gratiæ & conceptione Mariæ definire non est ausus. 223. Ex decimis Italiæ bellum Bohemo Germanicum sustentat. 227.
- Paulus Servita Venetorum causam agens à siccatis imperitur scriptum ejus in Venetorum causa. 220. ejus de Papatu post Concilium Trid. sententia. 291.
- Paupertatem palam Johannes X X I I. irridet, & Christum pauperem fuisse negat. 129.
- Pedemontana laniena horribilis. 265. ejus vera causa inquiritur. *ibid.* Vindicta de persecutoribus sumpta. 266. V. *Waldenses.*
- Pelagius P. Johanni Jejunatori se opponit. 34.
- Perronius (Card.) prodit arcana Conclavium Papalium. 219.
- Petrarcha Curiam R. depingit. 135.
- Petrus an fundaverit Ecclesiam Romanam? 1, 2.
- Petrus de Marca negans Reges Galliæ in Bulla Cœnæ Domini excommunicari, refellitur. 240. de jure Regaliæ scribit. 342.
- Phocas parricida Mauriti Domini sui. 36. ejus de Ecclesia Romana Ecclesiarum omnium capite edictum. *ibid.*
- Philippus Bard. imagines Patrum Concilii V I. removet. 46.
- Philippi Pulchri R. Galliæ cum Bonifacio V I I I. de investituris certamen. 120.
- Philippi Belluacensis Episcopi Militis historia. 294.
- Photius Patr. Const. deponitur. 58. restituitur. 55.
- Picherelli liber de Missa ab Alexandro V I I. prohibetur. 289.
- Pii I I. facinora in gloria. 145.
- Pii I V. Papatus. 184.
- Pius V. de salute desperat. 191. Adversus fideles sævire, & apud Maximilianum libertatem religionis impertientem protestatur. *ibid.* Angliam, Scotiam, Galliam turbare conatur. 192. Belgii Hæresim tragecædiam excitat. 193. piæ suæ ab Espenægo jubetur. 221.
- Platina Pontifices Seculi X. malè pingit. 69.
- Pontani Venetorum Ducis dictum de anathematis Pontif. 220.
- Pontifices Romani. V. *Romana Ecclesia.*
- Posoniense tribunal procedit adversus Magnates Hungaros Evangelicos. 306. Pastores. 307. &c.
- Prædestinationis doctrinam sanam tuetur Godeschalcus: oppugnant Rabanus Maurus, Scotus Eriigena. 56.
- Prædicandi munus Curatos inter & Monachos controvertitur. 280.
- Pragmatica sanctio à Ludovico I X. conficitur. 113. à Concilio Basileensi confirmatur. *ibid.*
- Presbyteri & Episcopi identitas ex Hieronymo asseritur. 12.
- Probabilitas Jesuiticæ Theologiæ Moralis principium. 283.

R.

- R**abanus Maurus sanam de Prædestinatione doctrinam oppugnat. 56. saniorum de Eucharistia sententiam propugnat. 63.
- Rackozius libertatis Hungaricæ vindex. 304.
- Ravaillacus parricida Henrici I V. Papam Deum agnoscit. 205.
- Ravennatensis Ecclesia à Nicolao I. opprimitur. 55.
- Ras-Seelaxus partium Romanarum in Hæssinia Dux. 242.
- Reformationem Ecclesiæ urgent Durandus Mimatenfis; licet desperet de eadem. 123. Sigismundus I. in Constantiensi Concilio. 140. Concilium Basileense. 141. Langius. 156. author libri, cui titulus: Onus Ecclesiæ; & alterius, cui titulus: de præstandis decimis. 157. Hadrianus V I. 158, 160. Ordines Imperii, & Cantones I X. Helvetiæ. 161. Prælati jussu Pauli I V. consilium de reformanda Ecclesia ineuntes. 167, 168. Concilium Tridentinum. 173. Seriam aggrediuntur Lutherus & Zwinglius. 153, &c. 162. Innocentius X I. Romanam Curiam reformare conatur. 323.
- Regaliæ jus Regem & Clerum inter Gallicæ, & Pontificem controvertitur. 341. 342.
- Ribaldi Jesh. vox ad carnificem Evangelicos mactantem. 268.
- Richelii methodus controvertendi hæreticos. 218. seditiosis libellis impetitur. 237.
- Ritus novi Caroli M. tempore in Ecclesiam introducti. 49.
- Roberti Galli liber adversus Papam. 121.
- Rodolphus I. Imp. Romam ire detrectat, & Papæ Ramandiolam donat. 113.
- Rodolphus II Bohemis favet. 224. acie victus præ mœnore moritur. 225. Hungaris religionis libertatem impertitur. 301.

Rodolphus Sueviæ Dux Parcemi ab Hildebrandinis Imperator eligitur. 80. prælio victus perit. *ibid.*

Roma à populis septentrionalibus vastatur. 28. Sub Clemente V I I. capta diripitur. 164.

Romana Ecclesia. Ejus historia septem periodis inclusa pertextitur. 1. f. V. *Breviaria septem Periodorum.* Origo ejus disceptata. 2, 3. Fundatæ ab Apostolis celebritas. 3. elogia à S. Patribus ei tributa. 4. primorum ejus Episcoporum humilitas. 5. Diu ab hæresi immunis manet. 7. In regimine paulatim defleat. 11. Unde typus ejus maturè cæteris displicuit. 13. Ambitio ejus Constantini favore augetur. 16. Primatus ejus variè affectatus licet, nondum tamen agnoscitur. 16-36. Adversus ejus avaritiam Imperatores decreta condunt. 21. Ecclesia Orientalis primatui ejus in Concilio Nicæno. 16. Constantinopolitano. 22. Chalcedonensi reclamatione. Ejusdem cum Episcopis Constantinopolitanis æmulatione. 26-36. Sub Phoca supremam in Spiritualibus potestatem impetrat, & deinceps variè exerceat. 36, &c. simul, Gregorii M. indicio, Antichristiana fit. *ibid.* & verus in eam Papatus introducit. 39. In Concilio Constantinopolitano V I. in ordinem redigitur. 42. Ejus status Seculo V I I. proferendæ dominationi ejus inprimis idoneus. 45. Cultum imaginum adoptat. 46. &c. Ditionis Romanæ dominium feudali nexu adipiscitur, & ab Imperatore Orientali deficit. 46. Sub Carolo M. liberius se Papatus ejus movet, benevolentia ejusdem adjutus, & ceremoniis ejus in Franciam introductis. 49. Titulum Imperatoris sui beneficii facit. 59. Leges ejus irrefragabiles esse Stephanus V I. jubet. 61. Monstra Seculo X. in eam introducta. 62, 65. &c. Clerus ejus totus corrumpitur. 70. Ejus circa annum millesimum status miserabilis. 71. Cardinalibus Papæ electoribus administratio ejus

RERUM & PERSONARUM.

ejus cedit. 74. &c. potestatem in temporalibus etiam supremam sub Gregorio VII. affectat. 79. &c. Bellum Sacrum & militiam cruciatam decernit, ut ablegatis in Orientem Principibus liberius dominetur. 86. &c. Calamitosa ejus circa Seculum XII. facies. 90. Ejus Papa fit Rex absolutus, & Imperatores deprimunt. 94. &c. Verbi Divini Majestati Theologiam Scholasticam; & Juris seu legum humanarum Majestati jus Canonicum opponit. 95, 96. &c. Ei se fideles, Waldenses imprimis, opponunt, 99. In Concilio Lateranensi Transubstantiationem, aliâque definit, & Deum Maozim extollit. 103. A Monachis mendicantibus, Franciscanis & Dominicanis sustinetur. 104. Æternum Evangelium à Monachis excogitatum, blasphemis scateans, segniter reprimunt, quia nudum ejus Papatum representabat. 110, 111. &c. Sub Bonifacio VIII. etiam in temporalibus Supremam potestatem impetrat, adeoque Paparum fastigium imponitur, intercedente Jubilæo, seu solenni inauguratione Supremæ in Spiritualibus & temporalibus potestatis. 115, 116. &c. Cæsareo-Papatum suum tuetur adversus Ludovicum Bavarum. 128. &c. à cordatis Babylonis nomine insignitur, & corruptio ejus variè reprehenditur. 135. &c. schismate pertinacissimo inde ab Urbano VI. ad Concilium Constantiense usque distrahitur. 138. &c. Orientales Ecclesias deserens causa fit, quod Turcæ jugum eadem subiverunt. 142. Nubes testium adversus eandem. 147, 150. persecutionem gravissimam sustinentium. 148, 150. Ab ea instituitur separatio fidelium per Reformationem Lutheri & Zwinglii, cujus necessitatem Pontificii agnoverunt. 152. &c. 162. Concilium liberum expetitur ab iis, qui adversus R. Ecclesiam protestabantur; in cujus locum institutum Tyrannicum, Tridentinum, separationem Protestantium non

sustulit, sed promovit magis. 164-189. Separatam à se Ecclesiam Evangelicorum persequitur diris modis. 190-f. Rupella à Ludovico XIII. capitur. 241. insultante eidem Urbano Papa. *ibid.* Ruyter Archichalassus Fœd. Belgii; Pastores Hungaricos ex triremibus Neapolitanis liberat. 316.

S.

Sacrum bellum. V. *Bellum sacrum*. Sacramentarii certaminis Paschasium inter & Bertramum historia. 63. continuatio ejusdem sub Berengario. 78. Sales V. *Franciscus de Sales*. Santarelli liber de potestate Papæ, Regum potestati iniquus, Sorbonæ censuræ subijcitur. 238. Sarisburiensis Epistola ad Hadrianum IV. de corruptione Ecclesiæ Romanæ. 92. Schisma Ecclesiæ R. à tempore Urbani VI. ad Concilium Constantiense usque peritacissimum. 138. &c. Sciopii Classicum belli Sacri. 227. Miracula Jesuitarum depingit. 234. Scorus Erigena doctrinam sanam de Prædestinatione oppugnat. 56. Scotia à Pio V. turbata. 192. Seculorum, quibus Ecclesiæ Romanæ historia innectitur, historia. veluti primi, Secundi, Terti. 1-16. Quarti, 16-25. Quinti, 25-29. Sexti, 29-36. Septimi, 36-45. Octavi, 45-50. Noni, 50-65. Decimi, 65-72. Undecimi, 72-89. Duodecimi, 89-101. Decimi tertii 101-116. Decimi quarti, 116-139. Decimi quinti 139-149. Decimi sexti 149-208. Decimi septimi 208-f. Sedunensis Cardinalis Helvetios nefariè dividit. 15. Seminaria Romæ à Gregorio XIII. instituta. 198. Sergius I. Os porti dictus, nomen mutat. 54. Sedit P. sine consensu Imperatoris occupat. *ibid.* Sergius III. ex Marozia Johannem IX. gignit. 69.

I N D E X II.

Sforzia Pallavicinus V. *Pallavicinus*.
 Sigismundus I. Concilium Constantiense à
 Johanne X XI V. convocari magno stu-
 dio curat. 140.
 Sigismundus Austriæ Dux à Papa ad Con-
 cilium, à Concilio ad Christum provo-
 cat. 147.
 Silvestri I I. necromantia. 69. 73.
 Simoniacorum hæresis fictitia. 83.
 Sinenfes ad Papatum conversi, ab eodem
 deficiunt. 243.
 Siricius P. potestatem Papalem amplificat.
 23. Doctrinam sanam contaminat. 24.
 Sixtus I I I. P. Papatum promover. 25.
 Sixti I V. impuritas. 146. Helvetiis nefa-
 riè illudit. 146.
 Sixti V. crudelitas. Henricos Navarrum &
 Condæum fulmine sacro ferit. 199. Ad-
 versus Henricum I I I. Monitorium di-
 ploma edit. cui Rex asperè responder.
 200. Parricidium Clementis laudat.
 201. Vulgaræ versionem recognoscit.
 202. Hispanis infensior gratiam Hen-
 rici I V. & Clementis ambit. Unde ei
 Navarristæ nomen, & mors ab Hispa-
 nis acceleratur. 203.
 Sophiæ Reginæ Bohemiæ testimonium
 contra Papam. 147.
 Sorbona Santarelli de Potestate Pontificia
 librum damnat. 238. ob censuram ge-
 minam, Vernantii & Guimenii, à Pon-
 tifice Alexandro V I I. apud Regem Gal-
 liæ accusatur. 287. Ejusdem doctrina
 circa infallibilitatem Papæ. 279. Dissi-
 det à Jesuitis circa propositiones varias.
 281. Theologiam Moralem inprimis.
 282.
 Stampesi censura librorum seditiosorum
 adversus Regem Gallie, dissidium exci-
 tat. 237.
 Stanislaus Cosca canonizatur. 230.
 Stephanus I. P. jus appellationis ad Ecce-
 siam Romanam tuetur. 15.
 Stephani V. electio anomala. 51.
 Stephanus V I. leges Ecclesiæ Romanæ ut
 irrefragabiles sint, sancit. 61.
 Stephanus V I I. sævit adversus cadaver
 Formosi. 61.

Stercoristæ dicti assertores sanioris de Eu-
 charistia doctrinæ. 63.
 Stiriz persecutio. 206.
 Strada (Fam.) causam aperit Caroli Inf.
 Hispaniæ in carcere interfecti. 194. La-
 nienam Parisiensem laudat. 197.
 Suavis Polanus V. *Paulus Servita*.
 Successionis Papatum turbatio. 62.
 Sufnæus Habessinæ Rex Pontifici R. ju-
 rat. 242.
 Symmachi P. historia. 28.

T.

T Axæ Pœnitentiaria ab Espencæo per-
 stringitur. 221.
 Telina Vallis. V. *Vallis Telina*.
 Templatorum horribile excidium, ejus-
 que causa. 124.
 Tergesti in carcere Pastores Hungarici pes-
 simè habentur. 317.
 Testium adversus Ecclesiam Romanam
 nubes. 147. Eorundem persecutio &
 martyria. 148.
 Thasii Agestilaum Deum facientes irrisi.
 230.
 Theodora & Marozia meretrices Romæ
 imperitant. 66.
 Theodorici Uriæ de mutatione Ecclesiæ
 Romanæ in pejus apophtegma. 3. 147.
 Theodosi edictum adversus avaritiam
 Cleri Romani. 21.
 Theologia supinus Seculo jam sexto negle-
 ctus. 4.
 Theologia Scholastica juri & verbo Divi-
 no succenturiatur. 95, 98. à Jansenio
 damnata. 245.
 Theologiæ Moralis Jesuitarum principia.
 282. à Sorbona notatur. *ibid*.
 Theresia Hispana canonizatur. 230.
 Thomas Villanovanus canonizatur. 273.
 Titus Oates Conspirationem Anglicanam
 deregit. 325.
 Toletus Hierarchiæ Anglicanæ Secretæ
 Rector. 208.
 Tornacensis Episcopi literæ Pastorales.
 320.

Trans-

RERUM & PERSONARUM.

Transubstantiatio in Concilio Lateranensi
definitur. 103.

Typographiæ origo & usus. 144.

V.

Valentis Imp. edictum adversus avaritiam Cleri Romani. 21.

Valentinus P. osculum pedum à Senatu R. primus admittit. 52.

Valentiniani Imp. edictum adversus avaritiam Cleri Romani. 21.

Valeriani M. Caput. Ars nova. 218.

Vallis Teliæ laniena horribilis. 229. à Pontifice non imbrobata. *ibid.* Eadem Gallum exigere Urbanus VIII. conatur. 236.

Venerorum cum Paulo V. dissidium ob interdictum de bonis Soli & immobilibus ab Ecclesiasticis non possidendis. in quo victores discedunt. 220. Iidem Græcis Templum concedentes à Papa reprehensi. 231.

Verbi Divini Majestas per Theologiam Scholasticam supprimitur. 95, 98.

Vernantii defensio Papæ adversus Sorbonam. 280, 281.

Veronistarum nova Methodus. 218.

Victoris adversus Ecclesias Asiaticas typus. 14.

Viennensis Pacificatio Hungaris exercitium religionis liberum concedit. 301. Confirmatur ab Imperatoribus pluribus. *ibid.* Violatur eadem variè. 302.

Urbani I I. P. Hildebrandini & Clementis I I I. contraria studia. 84.

Urbani III. factus in Imperatore deprimendo. 94.

Urbanus V I. schisma orditur. 138. Contraria ejus & Clementis studia *ibid.*

Urbani V I I I. electio. Nepotes promovet. 233. Jesuitas præcipuos, aliòsque canonizat. 234. Bullam Cœnæ Domini renovat. 240. Rupellæ subjugatæ insolenter insultat. 241. Habessiniam frustra Sedi suæ subicere conatur. 242. Adversus Cæsarem & Hispanum Gallos in-

flammat. Hispanorum adversus eundem consilia. 244.

Ursicinus P. Papatum promovet. 19.

Vulgatæ versionis recognitio Sixtina, à Clemente V I I I. rejecta. 202.

W.

Waddingus motus Hispaniæ ob controversiam de Conceptione Mariæ describit. 223.

Waldensium origo, dogmata, persecutio. 99, 100. continuata sub Innocentio III. qui cruciatam militiam & Prædicatores Monachos adversus eos concitat. 104. Eorum status paulò ante reformationem. 150. Persecutio eorum sub Ducibus Philippo I I. Carolo, &c. 264. Pax iis à Carolo Emmanuele data, à Gastaldo violatur nefariè. *ibid.* Laniena eorundem horribilis. 265. Vindicta Divina de persecutoribus sumpta. 266. Imago quædam pacis ab Angliæ, Galliæ, Belgii, Helvetiæ Legatis iis procuratur; quæ iterum iterumque violatur. 267.

Walenburgiorum Fratrum ars nova. 218.

Wesselus Groningensis in Papæ abusus invehitur. 147.

Wicelius adversus Episcopos Milites acriter scribit. 295.

Wicleffus Anglus Antichristum detegit; oppugnat. Fjus zelus & patientia admirabilis. 137, 147, 148.

Winnyedy (Steph.) literæ supposititiæ, à Bethleno convictæ. 318.

Wormatiensis Comititia Henrici IV. & Ordinum Gregorium V I I. deponunt. 80. Eorum decreti contra Protestantes executio urgetur. 163.

Z.

Zaffi (Nic.) pietas erga Pastores Hungaros captivos. 317.

Zosimus P. Papatum promovet. 25.

Zwinglii Ecclesiæ reformantis heroici ausus. 153. Reformatio ejus magis magisque perficitur. 162.

THE HISTORY OF THE

REIGN OF KING CHARLES THE FIRST

IN WHICH ARE CONTAINED THE

REMARKABLE PASSES OF HIS LIFE

AND THE DEEDS OF HIS REIGN

UNTIL HIS DEATH

BY SAMUEL JOHNSON

IN TWO VOLUMES

LONDON: Printed by J. DODD, in Pall-mall

1729

THE SECOND VOLUME

CONTAINING THE

REMARKABLE PASSES OF HIS LIFE


UNTIL HIS DEATH

BY SAMUEL JOHNSON

IN TWO VOLUMES

LONDON: Printed by J. DODD, in Pall-mall

1729







G/2314

